

53


215

R. 17


5/11


320


215













Xenophontis R. 8019

PHILOSOPHI ET HISTORICI CLA-
RISSIMI OPERA, QVAE QUIDEM GRAE-
cè extant, omnia, partim iam olim, partim nunc
primùm, hominum doctissimorum diligentia, in
latinam linguam cõuerfa, ac multò quam
antè accuratius recognita. Quo-
rum elenchum uersa pagel-
la reperies,



Cum Imperatoriae maiest. priuilegio
ad annos quinque.

B A S I L E A E,
apud Mich. Isingrinium, anno
1 5 4 5.

*Esti corregido
segun el exemplar
de la bibl de 1682*

Pedro del castillo

*El Colegio de la Universidad
de la Compañia de Jesus*

9108. Operum Xenophontis elenchus.

TOMVS PRIMVS HABET,	
De pædia Cyri Persarum regis, lib. VIII.	pag. 1
Interprete Francisco Philelpho.	
De Cyri minoris expeditione, lib. VIII.	309
Romulo Amasæo.	
De rebus Græcorum, lib. VII.	564
Bilibaldo Pirckhemero. <i>auth. Damna</i>	

TOMVS SECVNDVS.

De repub. & legibus Lacedæmoniorum,	pag. 1
De Agefilai regis Laced. laudibus oratio.	24
Francisco Philelpho.	
De factis & dictis Socratis, lib. II.	56
Bessarione Cardinale.	
Apologia pro Socrate.	191
Leonardo Aretino.	
De uenatione.	200
Omnibono Leonicensi.	
Oeconomicus.	233
Raphaële Volaterrano.	
De re equestri.	337
Ioachimo Camerario. <i>auth. Damna</i>	

ACCESSERVNT his nunc primum à Ioanne Ribitto uersi. *auth. Damna*

Hipparchicus.	302
Conuiuium.	364
Atheniensium politia.	
Pori, siue de uectigalibus.	

Mich. Isingrinus Lectori S.



XENOPHONTEM Socratis discipulum,
Musam Atticam ob singularem eloquen-
tiam nuncupatū, si quis post luculentissi-
mum M.T.Cic.& Fabij Quintil.testimo-
nium laudare instituit, is ceratis ope da-
dalea Nititur pennis (ut de Pindaro canebat Horatius)
uirtute daturus Nomina ponto. Quo fit, ut nostrorum
etiam hominum de tanto scriptore calculum superua-
neum facile iudicem, tantum abest ut ego meum adde-
re uelim. Illud unum dixisse uolui, me nescio quo fato
mirifice erga hunc autorem semper fuisse affectum: in
quem cum primo inciderem, singularem eius ac diuinā
propē ingenij uim plurimū admirabar: cui etsi magnā
natura facultatem dedit, illum tamen in dicendo nunq̃
non putauī deum. Laudent aliī Thucydidis uix imitan-
dam breuitatē, Herodoti candorem, Demosthenis uim
& grauitatem, Lysiae elegantiam, & Socratis suauita-
tem: ego uerò has uirtutes omnes cum in hoc uno inue-
nio, hunc eundem in tantorum Græciæ procerum do-
micilio, & doctrina & lingua principem rectē iudico:
quippe qui magnarū artium scientiam egregiē callue-
rit, atq; in utraq; philosophia usque adeo feliciter uersa-
tus sit, ut postquam ei inter oratores primas dederis, in-
ter philosophos quoque non postremas iure occupare
possit: quorum præceptionibus non intincta modo, sed
referta eius scripta cernimus. Collegi itaque huius præ-
stantissimi autoris scripta omnia, quotquot de græco in
latinū conuersa inuenire potui, non pauca quoq; trans-
ferri curauī, ratus uel hac noua accessione me nō minis-
mam apud æquos bonosq; lectores gratiam initurum,
cum, propter uariam rerum cognitionem, tum propter
argumentorū admirandam raritatem: equitum enim
instruendorū, quin & equorum alendorū rationem, ut
reliqua interim taceā, nullos inuenias qui tractauerint
unquam, paucos uerò qui uel leuiter attigerint. Xeno-
phon uerò usque adeo dilucidē, ornatē, & uariē in hoc
negocio uersatur, ut faciliē intelligas illum uerē eloquen-
tem fuisse, qui ad id quodcūq; docuit (ut Cicero de præ-

PRAEFATIO.

stantissimo oratore ait) orationē suam accōmodare potuit. Quapropter mirabatur Quintil. huius egregij uiri in affectatam eloquentiam, quam ego præter Cæsarem & Ouidiū, nescio si quisquam alius latino penicillo adumbrare possit. Cuperem itaque iuventutem nostram græcis autoribus impensius operam nauare, à quibus ceu fontibus omnia sua Latinos mutuasseprehendimus, & in primis Cícero: cuius nō ieiunam tantum & & frigidam cutem, ut plurimi nostro tempore, sed neruos, ossa, & sanguinem, ac solidum denique corpus scribendo repræsentarent, si græcos scriptores, iuxta Horatij præceptum, nocturna diurnaq; manu uersare non dedignarentur.

Vale, & fruire.

HISTORIARVM RE-

RVM QVE MEMORABILVM IN SEQVEN-
tes Xenophontis libros Index. Prior uerò nume-
rus totum, secundus paginam indicat.



Bradatis mi- ra inuentio machinarū. tom. 1. fo. 195	ptat to. 1. 640
Abradatas pu- gnans cōtra Aegyptios occiditur. to. 1. 220	Agefilaus copias parat in Persas to. 2. 25
Abradatas lugetur & sepe litur. to. 1. 229	Agefilai clementia in ca- ptiuos to. 2. 28
Adolescētes quomodo in- stituatur Lycurgus. to. 2. 3	Agefilai exercitium apud Ephesum to. 2. 29
Admonitio nulla ex igna- uo fortem facere potest. to. 1. 105	Agefilaus superat Tyfa- phernem to. 2. 30
A dñs quid postulandum to. 2. 316	Agefilaus uulnerat. to. 2. 35
Adulteri cur interficiantur. to. 1. 88	Agefilai conflictus cū The- banis to. 2. 35
Aedificandi ratio. to. 2. 141	Agefilai comitas to. 2. 47
Aegyptiorū in bellis ordo to. 1. 207	Agefilai temperantia. to. 2. 48
Aegyptiorum cum Persis conflictus to. 1. 221	Agefilai cum Persarū rege antithesis to. 2. 49
Aegypti ad Cyrum desin- ficiunt to. 1. 223	Agefilaus Athenas ac Pi- raeum capit to. 1. 679
Agamemnon uenerabilis ab Homero appellatus. to. 2. 122	Agefilaus Acarnanū peco- ra & mancipia praeda- tur to. 1. 684
Agamemnon populorū pastor dictus to. 2. 124	Agefilaus uirtutis exem- plum to. 2. 51
Agefilai genus to. 2. 24	Agefilai uirtutū summa to. 2. 51
Agefilaus in regem eligi- tur to. 2. 25	Agefilaus noluit statuam sibi erigi to. 2. 52
Agefilaus cum fratre Leo- tychide de regno disce-	Agecipolis deorū iussu in- ducias Argiuorū soluit to. 1. 686
	Agis ab Eleorum uastatio- ne terramotu cohibet. to. 1. 637
	Agriculturae laus to. 2.

245. & 270
 Agricultura aliarū artiū
 parēs ac nutrix. t.2.246
 Alcibiadis cum Pericle cō
 gressus. to.2.69
 Alcibiades Mīndarum su-
 perat, classemq; diripit.
 to.1.566
 Alcibiades captus à Tysa-
 phernenoctu aufugit.
 to.1.565
 Alcibiades, Thrasylbulus
 & Conon eliguntur du-
 ces. to.1.577
 Alcibiades summo applau-
 su excipit ab Athenien-
 sibus. to.1.577
 Alexādrī Iasonis filij tyrā-
 nis et mors. to.1.763.764
 Amicus ex hoste quomo-
 do fiat. to.2.103
 Amicus uerus optimum
 prædium. to.2.105
 Amicorū existimatio. to.2
 106
 Amicus uerus fertilissī-
 mus ager. to.2.106
 Amicus quomodo exami-
 nandus. to.2.107
 Amicus nec uī, nec fraude
 comparatur. to.2.108
 Amicos conciliandi ratio.
 to.2.112
 Amicorum copia sceptrū
 est regum. to.2.294
 Amici quomodo uenandi
 to.2.149
 Amicitia in bello simula-
 ta aut dissimulata quid
 possit. to.1.159
 Amici inter opes cōnume-
 randi. to.2.235
 Amici diuites thesauri lo-
 co nobis sunt. to.1.262
 Amicus uerus in amici ca-
 lamitate cōstans est. to.1.
 688
 Amor an ueneficjs induci
 possit. to.2.109
 Amorem coërcent metus
 & lex. to.1.145
 Amor sit ne ultroneus.
 to.1.145
 Amor iniustus sophista.
 to.1.193
 Anaxagoræ insania. to.2.
 186
 Anaxibius solum se hostis-
 bus obijcit pro suorum
 salute. to.1.697
 Animī morbi sepe à corpo-
 ris mala uoletudine or-
 riuntur. to.2.152
 Animī diuinitas maximè
 in somno apparet. to.1.
 296
 Antiphonis cū Socrate di-
 sputatio. to.2.83
 Antiochus Persarū regem
 spernit. to.1.788
 Apaturia festa qualia fue-
 rint. to.1.589
 Apes frugalitatis exemplū
 sunt. to.2.252
 Apollinis de Socrate respō-
 sum. to.2.199
 Apollo sine munerib. non
 dat responsa. to.1.226
 Apologus de ouibus & ca-
 ne. to.2.117
 Aprorum

- Aprorū uenatio. to.2.222
 Aprorū magna uis & im-
 petus. to.2.224
 Aquila dextera duxitine-
 ris. to.1.48
 Aquila signū regis Artax-
 erxis. to.1.346
 Arandī tempus. to.2.272
 Araspas Pantheā deperit.
 Araspas explo- (to.1.191
 rator. to.1.206
 Arborum serendorum ra-
 tio. to.2.276
 Arcadū uictoria cōtraLa-
 cedæmonios. to.1.807
 Arcades à Thracibus ob-
 fessi. to.1.491
 Arcadū sacrilegiū. to.1.810
 Archedemus caufarum a-
 ctor. to.2.119
 Archidamo prodigia secū
 da eueniunt. to.1.786
 Aristarchi aduersa fortu-
 na. to.2.114
 Aristarchus Socratis cōsi-
 liorē sibi parauit. t.2.117
 Aristarchus Græcos CCCC
 Byzāti uēdidit. to.1.518
 Arma à Cyro fabricata, ad
 huc supersunt. to.1.223
 Armeni Medis subijciunt
 to.1.86
 Armeniorū regis copiæ &
 thesaurus quātus. t.1.86
 Armenius cū liberis & u-
 xorib. à Cyro capis. t.1.79
 Armēta faciliū pastorib. q̃
 regib. populi parēt. to.1.1
 Arrogantiæ uindex deus.
 to.1.492
 Artabazi oratio ad Cyrū.
 Artabates sibi la- (t.1.241
 tus acinace cōfodit. t.1.340
 Artaxerxis copiæ quantæ
 to.1.334
 Artaxerxes Cyro fratri in
 fidiatur. to.1.309
 Artaxerxes Cyri castra dī
 ripit. to.1.344
 Artaxerxes pacem consti-
 tuit inter Lacedæmonios
 & Athenienses. to.1.705
 Artaxerxes à uictis arma
 aufert. to.1.350
 Ars omnis facilius scitur q̃
 fiat. to.2.278
 Artes bonorū fontes. to.1.
 Asiatici preciosissimi (226
 ma in bellum secum de-
 ferunt. to.1.24
 Asiaticis spuerē & mucum
 facere lege inhibitu. to.1.
 299
 Asiatici Cyro mortuo mo-
 res patrios deferunt. t.1.299
 Asiaticorū deliciæ. to.1.301
 Asinus quadrupedū inue-
 recundissimus. to.1.477
 Assyriorū rex suos ad pu-
 gnā hortatur. to.1.104
 Assyrii noctu è castris fu-
 giunt. to.1.111
 Assyriorū rex Gobriæ fi-
 lium transfodit. to.1.14
 Assyriorū quantus exerci-
 tus. t.1.49
 Assyriorum rex Cadusios
 cedit. to.1.170
 Assyriorū pacta cum Cy-
 ro. to.1.172

Atheniēſes Lacedæmonios
nauali prælio uincunt.
to.1.587

Athenienſes obſeſſi neque
inducias, neqꝫ pacem im
petrare potuerunt. to.1.
602

Athenienſes Lacedæmo
nios bello ſuperāt to.1.
666

Athenienſes muros reſtau
rant, Piræumqꝫ muniūt.
to.1.690

Athenienſes rurfus maris
obtinēt imperiū. to.1.701

Athenienſes Cercyrę auxi
lium mittunt to.1.744

Athenienſes de ferendo La
cedæmonijs auxilio con
ſultant to.1.773

Athenienſes Lacedæmo
nijs auxilium ferūt. to.1.
777

Athenienſes mari, Lacedę
moni terra præſtant.
to.1.780

Audacia quantum à puſil
lanimitate diſtet. to.1.721

Aurū ex Paracremasti cās
po effoditur. to.1.697

B

Babylon obſidetur à Cy
ro. to.1.224

Babylonis regia inuaditur
to.1.238

Babyloniorum rex occidi
tur à Gadata & Gobrya
to.1.239

Barbarorum arma arcus
& fundæ. to.1.416

Belli genus ludicrum à Cy
ro inſtitutum. to.1.68

Bellum memorabile inter
Athenienſes & Lacedæ
monios. to.1.679

Belli acies quomodo in
ſtruenda. to.2.318

Beneficiorum, non iniuria
rum, meminiffe oportet
to.1.480

Benemerentes officijs uin
cendi ſunt. to.1.157

Bithyni Græcos cædunt.
to.1.498

Bithyni à Græcis ſuperan
tur. to.1.593

Bona à deo collata quomo
do & inter quos partien
da. to.1.61

Bonorū prauorumqꝫ con
ſuetudo qd agat. to.2.65

Bonos malis amicos eſſe
impoſſibile eſt. to.2.110

Bonū eſſe, ad honores uia
optima. to.2.86

Bonus princeps uidēs lex.
to.1.254

Brutorum industria in ſui
deſenſione. to.1.66

Byzantium Alcibiades ob
ſidet, & capit. to.1.575

C

Calami Carduchorum
meri ſaporē habent.
to.1.428

Callias pro pace apud La
cedæmonios orat. to.1.
750

Callicratides Lyſandro ſuc
cedit. to.1.582
Callis

- Callistrati oratio ad Lacedæmonios. to.1.752
 Callixenus omnibus exosus fame perijt. to.1.544
 Calpes portus descriptio. to.1.494
 Calumniā nullū opus caret. to.2.118
 Cambyfes quas ponit leges feruat. to.1.16
 Cambyfis oratio ad Cyrum & Persas de imperio. to.1.285
 Canes quādo melius odorantur. to.2.217
 Canum genera & species. to.2.203
 Canis uenatici forma. to.2.205
 Canum nomina. to.2.216
 Canū procreatio. to.2.216
 Canum ornamenta. to.2.212
 Carbatini calcei. to.1.426
 Carduchi Græcis bellū inferunt. to.1.408
 Carpæa saltatio. to.1.481
 Castris quis locus deligendus. to.1.38
 Celæne Cyri regia. to.1.313
 Cerasuntia terga uertentes in mare se abijciunt. to.1.474
 Ceruorū uenatio. to.2.219 & to.2.220
 Chaldæi prædones. to.1.89
 Chaldeorum liberi bellica uirtute præstantes. to.1.417
 Chalonis pisces sacrosancti Syris. to.1.323
 Chalybarū arma. to.1.436
 Chirosofophus imperator græci exercitus. to.1.486
 Chirosofopho imperium abrogatur. to.1.488
 Chiron à dñs uenationem edocuit. to.2.200
 Chirisophi obitus. t.1.496
 Chrysantæ oratio. to.1.200
 Chrysantis mores. to.1.65
 Chrysippus quo habitu iustitiā expresserit. to.1.561
 Cinadon ob prodicionem flagris cæsus occiditur. to.1.642
 Ciuitates cur in peius prolabuntur. to.2.134
 Clades Lacedæmoniorum apud Lechæum. to.1.680
 Clearchi oratio ad milites tumultuantes. to.1.317
 Clearchus dux fit Græcorum. to.1.355
 Clearchus cum Tysapher ne de rupto fœdere ex postulat. to.1.365
 Clearchi uita & interitus. to.1.372
 Cleombrotus cum Thebanis confligit. to.1.755
 Cleombrotus superatur. to.1.758
 Cligenis legati ad Lacedæmonios oratio pro Græcis. to.1.709
 Cœna à Seuthe Græcis exhibita. to.1.527
 Cognosce teipsum. t.2.164

Conō à Callícratide classe
 obsessus. to.1.585
 Constantia Socratis cōtra
 triginta tyrānos. t.2.172
 Continentia bonum ac ho-
 nestum hominib. t.2.180
 Conuiuarū ordo apud Cy-
 rum. to.1.275
 Corinthī ab Atheniensib.
 deficiunt. to.1.802
 Corinthi capitulū colūnæ
 sponte cecidit. to.1.673
 Cothurni nomē incōstan-
 tibus cōuenit. to.1.609
 Critias & Alcibiades ciuī-
 bus obfuerunt. to.2.63
 Critias et Alcibiades depra-
 uati. to.2.66
 Critias calumniatur Socra-
 tem. to.2.67
 Cræsus quando seipsum
 ignorabat aduersa pas-
 sus. to.1.227
 Cræsus Assyriorum impe-
 rator constituit. to.1.197
 Cræsus consulit Apollinē.
 to.1.226
 Currus falcati à Cyro facti
 to.1.190
 Cursus equestris. to.1.270
 Cyaxares de bello consul-
 tat. to.1.186
 Cyaxares filiam Cyro de-
 spondet. to.1.284
 Cyaxares redit in gratiam
 cum Cyro. to.1.183
 Cyrus quomodo multis
 populis imperarit. to.1.
 2. & 3.
 Cyri genus. to.1.3

Cyrus corporis & animi
 bonis pollebat. to.1.4
 Cyri pueritia & sobrietas,
 & comitas sub cœnam.
 to.1.10.11.13
 Cyri adhuc pueri iudiciū
 to.1.15
 Cyrus aliquāto loquacior
 erat. to.1.17
 Cyri studium ad uenan-
 dum. to.1.18.19
 Cyri prima concio ad milī-
 tes. to.1.29
 Cyri aucupium. to.1.45
 Cyrus probos uiros tan-
 quam seipsum amabat.
 to.1.67
 Cyrus Armenijs bellū in-
 fert. to.1.76
 Cyrus Chaldæos uincit.
 to.1.91.120
 Cyrus ab Indis pecunias
 postulat. to.1.95
 Cyrus beneficus & uir bo-
 nus appellatus & pater.
 to.1.96.26
 Cyrus sacrificijs belli euen-
 tum à dñs petit. to.1.192
 Cyrus Assyrios in fugam
 uertit. to.1.108
 Cyri humanitas erga ca-
 ptiuos. to.1.130
 Cyri sollicitudo erga uulne-
 ratos. to.1.170
 Cyrus Cadusios solatur.
 to.1.170
 Cyri oratio ad amicos. to.
 1.184.
 Cyrus spolia Assyriorum
 diuidit. to.1.139
 Cýrus

Cyrus singulis ducib. propria munia distribuit.

to.1.209

Cyrus equo excutitur. to.

1.222

Cyrus in flumine turres facit. to.1.235

Cyrus flumen Babylonis meabile facit. to.1.

237

Cyrus suos in ebrios Babylonios immittit. to.1.

237

Cyrus agriculturam & militiam simul exercuit.

to.2.242

Cyri laudes. to.2.242

Cyrus quales corporis custodes deligat. to.1.244

Cyrus militiæ officia & ordinem excogitat. to.1.

252

Cyrus quomodo suorum sibi benevolentiam conciliat. to.1.258

Cyri apparatus ad sacrificandum. to.1.268

Cyri concio de liberalitate to.1.280

Cyrus imperium dilatat. to.1.291

Cyri uisio nocturna. to.1.292

Cyrus filijs ac amicis mortem suam prædicat. to.1.293

Cyrus Cambysem filium in regnum substituit.

to.1.293.294

Cyri cura de sua sepultura

to.1.297

Cyro mortuo filij de regno disceptant. to.1.298

Cyrus in fratrem exercitum congregat. to.1.

311

Cyrus cum exercitu Euphratem transit. to.1.325

Cyri oratio ad Orontem. to.1.330

Cyrus Artaxerxem uulnerat. to.1.334

Cyri cum Artaxerxe consiliatus & interitus. to.1.

338.339

Cyrus ursum confecit. to.1.340

Cyrus qualis erga suos. to.1.341.343

Cyri caput & dextera abscissa. to.1.344

Cyrus Autobisacem & Mitraum cur interfecerit. to.1.596

D

Dæmonium Socratis. to.2.193.187

Deos quis potius exoret. to.1.32

Deos curam hominum habere. to.2.60

Deus arrogantiae uindex. to.1.492

Deus Lacedæmonijs uictoriam concessit. to.1.675

Deus homines extollit ac deprimit. to.1.387.760

Dexippus lapidatur ob prodicionem. to.1.505

Diæta Socratis. to.2.75

Dianæ templū, eiusdemq;
 sacra. to. 1. 453
 Dñ ante omnia colendū. to. 2. 262
 Dñ legislatores sunt. to. 2. 176
 Dñ nō in perpetuum irascuntur. to. 1. 618
 Dñ omnia quibus homo indiget crearūt. to. 1. 158
 Dñ orandi ut fructus conseruent. to. 2. 247
 Dñs proximus nullis eget. to. 2. 85
 Dñ quales petitores auersentur. to. 2. 33
 Dñ scelestos & iniustos minime negligūt. to. 1. 723
 Diligētia tam in re rustica quam ceteris quantum possit. to. 2. 280
 Diuites pleriq; minus sibi sufficiunt quam pauperes. to. 2. 167
 Domini diligentia seruos bonos efficit. to. 2. 267
 Dona Seuthi oblata. to. 1. 527
 Duces ab Atheniensib. electi. to. 1. 577
 Duces nauales Atheniensium condemnantur. to. 1. 590
 Duces regionū quas Græci peragrarunt. to. 1. 556
 E
 Educatio recta quid faciat. to. 1. 157
 Eleorum seditio. to. 1. 638
 Elñ cū Lacedæmonijs fœ-

dus ineunt. to. 1. 639
 Epaminūdas Spartam ingreditur. to. 1. 815
 Ephororū potestas apud Spartiatis. to. 1. 11
 Epistola Cyri ad Cyaxarem. to. 1. 135
 Epulæ cōtinuæ fastidium generant. to. 1. 289
 Equitū instructio. to. 2. 315
 Equi qui laboribus apti. to. 2. 331
 Equi peregrini quid conducant. to. 2. 334
 Equine cadāt nec fatigentur, quid efficiat. to. 2. 321
 Equites pauci plures ut appareant, & contrā. to. 2. 325
 Equitum ordo in prælio. to. 2. 317
 Equestris cursus. to. 1. 270. & to. 2. 320
 Equorum cura. to. 2. 313
 Equus Soli sacer. to. 1. 430
 Equi calcitrosi. to. 2. 313
 Equi ligatis pedibus ab Assyrijs noctu seruantur. to. 1. 101
 Equites quales esse debeāt. to. 2. 314
 Equis nisi sudarint nō dāndus cibus. to. 1. 56
 Equorum pedes ut robusti fiāt & rotūdi. to. 2. 315
 Eripides castra Pharnabazis spoliāt. to. 1. 659
 Εὐφρόνῃδου quid. to. 2. 156
 Euphronis flagitia. to. 1. 799

Euphron Argiuorum tyrannus. to.1.791
Euphron obrūcatur. to.1.798

Exercitus quomodo du-
ctandus per diuersa lo-
ca. to.2.321. & seq.

Exercitatio fortiores red-
dit. to.2.84

Exercitus officium. to.1.38

Exploratoris officiū. to.2.322

Explorationes clandestinae. to.2.333

F

Famulorū officiū. to.2.

Fauis effectus apud Colchos. (259)
to.1.441

Ferae quae cauendae in uenatione, quae nō. to.1.18

Fides in animis ac manibus. to.1.117

Fiducia & timor quid operentur. to.2.130

Fœdera Macronum. to.1.439

Fœderis ieiendī mos prius-
scus. to.1.353

Flumen Babylonis meabile sit. to.1.237

Fori distributio apud Persas. to.1.4

Fortuna & actio prorsus contraria. to.2.145

Fulgura & tonitrua dextera Cyro. to.1.32

Fulmen afflat castra Lacedaemoniorum. to.1.687

Furta permissa à Lycurgo
to.1.432 to.2.4.

GAdatas lachrymae quod
spado sit. to.1.173

Gaudio & tristitia lachrymae communes. to.1.786

Glaucon ambiens imperium. to.1.134

Gobryas filii necem ulcisci postulat. to.1.142

Graeci quomodo liberos instituant. to.2.3

Graeci Byzantii portas effringunt. to.1.513

Graeci barbaros uincunt.
to.1.413.434

Graeci à bello reuersi deus gratias referunt ac sacrificant. to.1.442

Graeci à uictis Persis ingentem praedam auferunt.
to.1.649

Graecis reditus ad suos conceditur. to.1.360

Graecorum desperatio caesis eorum ducibus. to.1.377

Graeci legatos ad Persarum regem mittunt. to.1.787

H

Heracrides Xenophontem insimulat apud Seuthen. to.1.536

Herculis deliberatio. to.2.93

Hermocratis laudes. to.1.568

Hesiodi sententia à Socrate explicata. to.2.72

Hinnulorum ceruorumque uenatio. to.2.219

Hipparcho locorum cogni-

- tio necessaria. to.2.322
 Hipparcho semper ad fallaciam animus esse debet. to.2.326
 Hipparchus quomodo benevolentiam militum sibi conciliabit. to.2.327
 Hipparchi perfectio. to.2.328
 Hipparchum eloquentem esse oportet. to.2.334
 Hippocætauri unde. t.1.127
 Hippocrates dux bellando occiditur. to.1.573
 Historia ad quid proficit. to.1.551
 Homo omnium animalium opt.& gratiss. to.1.274
 Honoris appetentia hominem à brutis disiungit. to.2.301
 Honor, opes, humana sapientia multis exitio fuerunt. to.1.48
 Hortatio ad uenationem. to.2.226
 Hostes quando maximè ad oriendi. to.2.330
 Hircani ab Assyrijs ad Cyrum deficiunt. to.1.114.
 I
 Ason trucidatur. t.1.762
 Imbecilles exercitatione fortiores fiunt. to.2.84
 Imperare bene, opus omnium maximū. to.1.34
 Imperare quàm difficile. to.2.281
 Imperator æstus & frigoris tolerantior esse debet. to.1.41
 Imperator militi formidabilis esse debet. to.1.373
 Imperatori ad res gerendas quæ necessaria. to.1.37
 Imperatoris munus. to.2.122
 Imperatoris ad patremfamilias cõparatio. t.2.128
 Impudentia comes ingratitudinis. to.1.6
 Indi cum Cyro societatem ineunt. to.1.195
 Ingenia acuta qualia. to.2.156
 Ingratitudinem Persæ plectunt. to.1.5
 Ingrati qui. to.2.98
 Iniustitia nonnunquam iustitia estimatur. to.2.162
 Insania est seipsum ignorare. to.2.143
 Insaniæ & inscitia discrimen. to.2.71
 Insidia Græcis à bello redeuntibus factæ. to.1.362
 Insidia simulata quando proficiunt. to.2.333
 Inuidia quid. to.2.143
 Ira temerè omnia fiunt. to.1.718
 Iudices certaminum. to.2.317
 Iuvenes alliciendi ad cupiditatem equitandi. to.2.314
 Ismenias ob res malè gestas damnatur. to.1.715
 Isthmia ab Argiuis celebrata.

brata. to. 1.678
 Iustitia regum uirtus. to. 2.
 161
 Iustus quis. to. 2.174
 Iustitiā quomodo pinxe-
 rit Chrysippus. to. 1.561
 L
L Abores bonis uiris ob-
 sonium. to. 1.248
 Lacedæmonij Athenas oc-
 cupant. to. 1.603
 Lacedæmonij cum Athe-
 nienſibus pacem fecerūt.
 to. 1.754
 Lacedæmoniorum bellum
 cum Corinthijs. to. 1.46
 Lacedæmoniorū res fluuijs
 cōparantur. to. 1.664
 Lacedæmoniorum Athe-
 nienſisq; exercitus de-
 scriptio. to. 1.665
 Lachrymæ cōmunes gau-
 dio & tristitiā. to. 1.786
 Laconica epistola. to. 1.567
 Leges Lycurgi refrixerūt.
 to. 1.29
 Leges Lycurgi bis eundē
 imperare nō permittūt.
 to. 1.595
 Legum uiolatio. to. 2.70
 Leonum, pardorū, lyncū,
 urſorū uenatio. to. 2.226
 Leporibus cur hebes uisus
 to. 2.210
 Leporis descriptio, eiusq;
 duo genera. to. 2.211.210
 Lepores qui tardissimī, q;
 uelocissimī. to. 2.209
 Lex quid. to. 2.69
 Lichē hospitalitas. to. 2.73

Ludī acti à Græcis reuerſis
 to. 1.442
 Lustrum in Græcorum ca-
 stris conditum. to. 1.476
 Lux noctu Cyri agmen af-
 fulsit. to. 1.117
 Lycurgus diuerſas ab alijs
 leges tulit. to. 2. pag. 2
 Lycurgi lex de matrimo-
 nio. Ibid.
 Lycurgus quomodo pube-
 res & egressos puberta-
 tem instituat. to. 2.6.7
 Lycurgus publicē conui-
 uari constituit. to. 2.8
 Lycurgus omnia commu-
 nia decernit. to. 2.9
 Lycurgus Spartiatis diui-
 tjs uacare uetat. to. 2.10
 Lycurgus leges laturus
 prius Apollinem consu-
 lit. to. 2.12
 Lycurgus quomodo senes
 habuerit. to. 2.13
 Lycurgus qualem discipli-
 nam militarem institue-
 rit. to. 2.14
 Lycurgus ignauos grauiter
 punit. to. 2.13
 Lycomedes finem felicissi-
 mū consecutus. to. 1.802
 Lysander de improviso A-
 thenienſium classem di-
 ripit. to. 1.598
 Lysander Athenas obsidet
 to. 1.601
 Lysander Lacedæmonē re-
 dit spolijs onustus. t. 1.605
 Lysander à Græcis interfici-
 citur. to. 1.655

M Achinæ à Cyro factę.
to. 1. 189. 190
Macrones quo ritu fœder
ra lanciant. to. 1. 439
Magi constituuntur à Cy
ro. to. 1. 254
Magi deos interpretantur
to. 1. 267
Malum in procliui, uirtus
in arduo est. to. 2. 93
Mania cū filio à Midia ge
nero impiè occidit. to. 1.
628
Mania à Pharnabazo sa
trapiā impetrat. to. 1. 628
Matrimonium tyranno
rum infauftum. to. 1. 290
Matrimonium cur institu
tum. to. 2. 251
Matronæ officiū. to. 2. 251
Mendacium hominī impe
dimento ad ueniam cō
sequendam. to. 1. 80
Mechanicarum artium ui
tuperatio. to. 2. 241
Medi cum à Dario defecis
sent, rursus subacti sunt.
to. 1. 573
Membrorū cōparatio. to.
Menonīs uita & di
ra mors. to. 1. 374
Melsis quomodo terenda
& purganda. to. 2. 275
Metendi modus. to. 2. 274
Midię omnis potestas ab
rogatur. to. 1. 631
Milites ignaui fucis cōpa
rantur. to. 1. 63
Milites ad res gerendas ex
citandi uerbis & rebus.

to. 1. 73
Milites externos conduce
cere turpe. to. 1. 199
Militem obedientia. to. 2.
313. & 316
Militię plura incommoda
to. 1. 426
Ministri qui meliores. to. 1.
85
Mithridates à Gręcis turpi
ter uictus. to. 1. 397
Mnasippus dux classis La
cedęmon. to. 1. 743
Mori in pugna prestat, q̃
fuga seruari. to. 1. 106
Mortalium nemo sine cri
mine. to. 1. 752
Morte hostis non exultan
dum. to. 1. 721
Mors prestat ignominio
se uitę. to. 2. 183
Mortem nullus equiore a
nimo quàm Socrates tu
lit. to. 2. 188
Mosynęcorū arma & ha
bitus. to. 1. 454
Mosynęces cum Gręcis so
cietatem ineūt. to. 1. 454
Mulier fucata. to. 2. 260
Mutatio subita periculosa
to. 1. 201

N

Nihil ita nostrum ut ipsi
nobis ipsis. to. 1. 126
Nicomachides ambit im
perium. to. 1. 127
Nix ingens cœlo demissa.
to. 1. 423

O

Obedientia in exhorta
tione

tione consistit. to.1.40
 Ociosi qui censent. t.2.144
 Odrysiarum mos patrius
 in parentando. to.1.633
 Oeconomia uicina politi-
 ca. to.2.129
 Oeconomia qd. & an scien-
 tia nomen sit. to.2.133
 Officium exercitus. to.1.38
 Olea quomodo seratur.
 to.2.277
 Oligarchia Athenis consti-
 tuta. to.1.604.
 Orontes quo mortis gene-
 re perierit. to.1.332
 Orationes Cyri. to.1.184.
 198. 212
 Opophagus. to.2.153
 Ordo militaris à Cyro ser-
 uatus. to.1.281
 Ordo nauis. to.2.255
 Ordo domus. to.2.256
 Ordinis laus & utilitas.
 to.2.254
 Ordinis constantia rebus
 salutem, perturbatio per-
 niciem adfert. to.1.384
 Orontes Cyro insidias pa-
 rat. to.1.329
 Osculari cognatos Persarū
 lex. to.1.26
 Ostetatores qui dicantur.
 to.1.60

P

PAlamedes iniuste ab V-
 lyssē occisus. to.2.196
 Palladis templū in Phocēa
 fulmine ictum. to.1.573
 Palladis templum Athē-
 nis deflagrauit. to.1.582

Panthea uirum armat. t.1.
 211. Acinace ex luctu
 seipsam iugulat. to.1.230
 Paphlagonia situs. t.1.46
 Parentes fletibus filios tem-
 perantes reddūt. to.1.60
 Parentum cura pro liberis
 to.2.98
 Parentum duriora uerba
 æquo animo ferenda.
 to.2.99
 Parentes nō obseruans, le-
 gibus coercetur. to.2.100
 Patrisfamilias ad Impera-
 torē cōparatio. to.2.128
 Patroclis Philiassē sententia
 & oratio. to.1.775. 778
 Pauper diuite securior. to.1.
 272
 Paupertas Socratis. t.2.236
 Pausanias accusatus ab E-
 phoris damnat. to.1.656
 Pecuniarum usus. to.1.263
 Pecunia supprimitur iusti-
 tia. to.1.800
 Pecunijs sacris non esse u-
 tendum ad bellū. t.1.810
 Pedites inter equites occul-
 tandi. to.2.327
 Pericles à Socrate instruit.
 to.2.129
 Persæ exercitia cuiq; ætati
 præscribunt. to.1.5
 Persarum exercitus ordo.
 to.1.204
 Persarum mos in equitatu
 to.2.315
 Persarum signū aquila au-
 rea. to.1.214
 Persarum disciplina. to.1.6

- Persarum in conuiuio mo-
 destia. to.1.153
 Perseuerantia necessaria ui-
 ro bono. to.1.246
 Perficarū legum præstan-
 tia. to.1.4
 Perfidis ciuium numerus.
 to.1.9
 Perfidis regio aspera. to.1.
 245
 Pharnabazus in Cherro-
 neso undecim cinxit mu-
 ro ciuitates. to.1.634
 Pharnabazī filij mutuō se
 regno pellunt. to.1.662
 Pharnabazus foedē uastat
 Lacedæmoniorū regio-
 nem. to.1.689
 Phliasiorum urbs dolo ca-
 pitur. to.1.792
 Phliasij a Laced. illatū bel-
 lum. to.1.720
 Phliasiorum fides. to.1.791
 Phrygū rex in manus Per-
 sarum uenit. to.1.233
 Phyllides ex Aphrodisijs
 mulieres rapit. to.1.724
 Pictorū industria. to.2.145
 Pietas in parentes. to.2.97
 Pius est qui deos uenerat.
 to.2.181
 Plidorus a fratre nocte in-
 terfectus. to.1.763
 Plinteria celebritas. t.1.577
 Pæana Castoris & Pollu-
 cis. to.1.107
 Pœna eorum qui in Athe-
 nienſes iniurij fuerunt.
 to.1.591
 Polydamæ Pharsalij ora-
 tio. to.1.738
 Portus Calpes descriptio.
 to.1.494
 Possessiones siue opes quæ
 sint. to.2.234
 Potentia augetur oppres-
 sis auxilium ferendo. to.
 1.653
 Prædium optimum ami-
 cus uerus. to.2.105. 160
 Præmia addunt animos.
 to.2.317
 Prædæ hostiles. to.2.324
 Præfecti equitum officiū.
 to.1.125
 Præfici an subesse utrū ex-
 pediat. to.2.91
 Prælia ex animis magis q̃
 uiribus censerī. to.1.100
 Principem bonum a bono
 patre nihil differre. to.1.
 249
 Principi obediendum. to.1.
 250
 Principum liberi quomo-
 do instituant apud Pers-
 as. to.1.340
 Prodigia quæ Thebis eue-
 nerunt. to.1.756
 Promæ officium. to.2.258
 Proxenus qualis dux fue-
 rit. to.1.374
 Prudentioribus ultro pa-
 rendum. to.1.40
 Pudor & erubescencia Cy-
 ri. to.1.17
 Pudoris & temperantiæ di-
 scrimen. to.1.255
 Puellarū institutio. to.2.1
 Pueri aliter docendi quàm
 adul

adulti. to.1.44
 Pugna stataria. to.1.421
 R
 Reges qui. to.2.144
 Regia Cyri. to.1.313
 Regius honos in exercitu.
 to.2.17
 Regū quæsitores. to.1.290
 Regum multioculi & au-
 res. to.1.261
 Regis & pastoris compa-
 ratio. to.1.262
 Regni & tyrannidis discri-
 men. to.2.184
 Regia Pharnabazi. t.1.658
 Rex Armenius à Cyro se
 subtraxit. to.1.78
 Rex iturus in præliū quo
 ritu sacrificet. to.2.17
 Rex quid ex publico acci-
 piat. to.2.20
 S
 Sagenarum, cassium, res-
 tium forma & mate-
 ria. to.2.202
 Saltationū genera. t.1.481
 Sapientum est quandoque
 bellū soluere. to.1.751
 Sapientia quibus obfuit.
 to.2.166
 Sardoniorū urbē cū Cræ-
 so capit Cyrus. to.1.224
 Seipsum nosse felicitas. to.
 1.227
 Senectus incōmoda. to.2.
 192
 Serendi tempus & modus
 to.2.272
 Seruos manumissos Cy-
 rus equites fecit. to.1.140

Seuthis fortuna. to.1.522
 Seuthes in regnum restitui
 tur. to.1.535
 Seuthis ingratitude. to.1.
 536
 Sociorū Vlysis in suis con-
 uersio quid. to.2.76
 Socratis dæmoniū. to.2.57
 Socrates in dubiis & ar-
 duis diuinatiōe opus es-
 se aiebat. to.2.58
 Socrates de quibus accusa-
 tus. to.2.56
 Socrates de quibus disputa-
 bat. to.2.59. 60
 Socratis auditores. to.2.70
 Socratis temperantia. t.2.61
 Socrates sine mercede do-
 cebat. to.2.62
 Socratis respōsum ad Cha-
 riclem & Critiam. t.2.68
 Socratis dictum de amicis.
 to.2.71
 Socratis de parentib. censu-
 ra. Ibid.
 Socrates qualis erga deos.
 to.2.74
 Socratis integritas & con-
 stantia. to.74. 82
 Socratis disputatio de pro-
 uidentia. to.2.77
 Socratis colloquiū de gu-
 bernatione ciuitatis. to.
 2.88
 Socrates altercantes concia-
 liat. to.2.101
 Socrates amicorū indigen-
 tias consilijs leuabat. to.
 2.114
 Socratis disputatio de sa-

piētia. to.2.158
 Socratis uirtutes. to.2.190.
 194
 Socrates moriturus uestē
 mutare noluit. to.2.195
 Socrates moriturus futura
 prædixit. to.2.197
 Solis eclipsis. to.1.668
 Somnium faustum Xeno
 phontis. to.1.417
 Sophistarum insectatio.
 to.2.227
 Spadonū natura. to.1.244
 Spe leuatur metus. t.1.217
 Spes alacres facit milites.
 to.1.39
 Stasippus cum suis ad Dia
 nā confugit templum.
 to.1.766
 Stratagema ab Agesilao
 editum. to.1.733
 Suum natura in uenatio
 ne. to.1.113

T

Teleutiæ oratio ad mili
 tes. to.1.701
 Teleutias Olynthijs bel
 lum inferens uincitur.
 to.1.718
 Teleutias portū Athenien
 sium capit. to.1.703
 Templum Dianę eiusq; sa
 cra. to.1.453
 Temulenti faciliē officiū ob
 liuiscuntur. to.2.266
 Teribazus cum Græcis soci
 dus init. to.1.422
 Teribazus à Græcis supe
 ratur. to.1.424
 Terra hominib; carens, ca

ret & bonis. to.1.129
 Terra bona quomodo di
 noscatur. to.2.271
 Terræ ingenium facilius q̃
 animalis experitur. to.
 2.279
 Terræmotus factus ob in
 ducias ruptas. to.1.686
 Themistogenes historio
 graphus. to.1.625
 Theramenes falso accusa
 tus. to.1.607
 Theramenes sibi obiecta
 diluit. to.1.610
 Theramenes ueneno iniu
 ste necatur. to.1.615
 Thracum cornea pocula.
 to.1.521
 Thraces uulpinis pellibus
 capita uelant. to.1.531
 Thraces armati ad tibiam
 saltant. to.1.481
 Thrasylus à Tysapherne
 uincitur. to.1.571
 Thrasymbulus triginta ty
 rannorū præfidiū capit.
 to.1.616
 Thrasymbulus Athenas re
 cuperat. to.1.518
 Thrasymbulus sponte semor
 ti obicit pro ciuium sa
 lute. to.1.619
 Thrasymbulus noctu in ta
 bernaculo obtruncatur.
 to.1.696
 Toachi lapides in Græcos
 deuoluunt. to.1.435
 Toachos oppugnant Græ
 ci. to.1.434
 Tyrānicis expertes sunt
 to.2.

to.2.192
Tyranni prædari cogun-
tur. to.2.29

Tyranni nec amicis pro-
desse, nec lædere inimis
cos possunt. to.2.300

Tyrannicidis præmia des-
creta. to.2.296

Tyrannis omnia suspecta.
to.2.295. 298

Tyrannis Lacedæmonio-
rum in Athenienses cas-
pta urbe. to.1.606

Tyrānis triginta imperiū
abrogatur. to.1.620

Tyrannorū flagitia ad re-
gnum tuendū. to.2.295

Tyrānus nullis fruitur uo-
luptatibus. to.1.286

Tysaphernes in Cariā mo-
uet exercitū. to.1.30

Tysaphernes capite trun-
catur. to.1.649

Tysaphernīs astu Græco-
rū duces oppressi. to.1.
370

Tysaphernes Græcis com-
meatum præcludit. to.1.
404

V

Valetudo q̄modo tuea-
tur. to.2.263

Venandi tempus. to.2.212

Venatio instruit ad bellica
munera. to.1.256. to.2.42

Venatio & canes deorum
inuentum. to.2.200

Venatores præcipui eorūq̄
laudes. Ibid.

Venatoria instrumēta quo

modo disponēda. t.2.213
Venatoris persona qualis
esse debeat. to.2.202

Venti ac flumina deorum
ministri. to.2.171

Vento sacrificant Græci.
to.1.425

Vespas irritare. to.1.664

Vestigatio ferarū. to.2.206

Vestitus Cyri & amicorū.
to.1.257

Veterina quæ sint. to.2.275

Viquod sumitur uoluptas
te caret. to.2.291

Victores duplex bonū cō-
sequuntur. to.1.104

Victoria præclaræ res om-
nes adipiscuntur. to.1.53

Victoria nullum maius lu-
crum. to.1.120

Victoria prima cōtentum
esse debere. to.1.113

Victoria in manibus sita
est. to.1.618

Victores coronis olim de-
corabantur. to.1.593

Villicus quomodo paran-
dus. to.2.265

Villici institutio. to.2.268

Victoribus omnia propos-
ita sunt præmia. to.1.65

Vinū acetumq̄ ex palmu-
lis fit. to.1.357

Vinum in pauimētatis la-
cubus conditū. to.1.415

Vir cur muliere robustior
seu torosior. to.2.252

Vir bonus & honestus q̄s.
to.2.249

Vir an sit particeps pecca

ti uxoris. to.2.240
 Viri & scemina se & filios
 precipitant. to.1.436
 Viri constantis oratio quid
 ualeat. to.1.548
 Virtus an studio compare
 tur. to.2.142
 Virtus in arduo, malum in
 proclui. to.2.93
 Virtus omnis sapientia est.
 to.2.143
 Virtus maior est hostem ser
 uasse, quam extinxisse.
 to.1.559
 Virtutis quam uitae longior
 aetas. to.2.12
 Virtutis oratio. to.2.95
 Vlysses qualem se suis ex
 hibebat. to.2.73
 Voluptatis oratio. to.2.94
 Usus leges genuit. to.1.561
 Usus & exercitatio rei bel
 licae. to.2.325
 Vxores quales ducendae.
 to.1.278
 Vxoris instructio. to.2.250

X

Xenophontis somnium
 to.1.379
 Xenophontis oratio de re
 bus agendis. to.1.380.386
 Xenophontis cum Cyro
 familiaritas. to.1.378


Xenophontis consilium ad
 comitum comparan
 dum. to.1.444
 Xenophon moerentes Gre
 cos solatur. to.1.456
 Xenophon contra aemu
 los se purgat. to.1.470.
 476.539
 Xenophontis oratio ut no
 xii puniantur. to.1.472
 Xenophonti Graecorum im
 perium offertur. to.1.484
 Xenophontis exhortatio
 ad milites. to.1.501
 Xenophon captiuus liber
 tatem impetrat. to.1.509
 Xenophon milites a praes
 da Byzantii dehortatur
 to.1.514
 Xenophon cum Seuthe de
 perfidia expostulat. to.1
 547
 Xenophon a priscis Atti
 ca Musa cognominatus.
 to.1.562

Y

Yphicrates quomodo suos
 milites exercuit. to.1
 747
 Yphicrates Syracusanorum
 naues subigit. to.1.749
 Yphicrates dux segnis. to.
 1.777

Errata quæ inter excudendum obrepserunt, sic emendabis.

Tomo 1. pag.9.uerf.5.à fine, lege, pacto. Sequenti pag. uerf.15.à fine, lege, purpureæ. to.1. pag.114.uerf.1. lege, eam. to.1. pa.140.uerf.1. pro dicere, lege, licere. to.1. pag.120.uerf.3.à fine, lege proficiscerentur. to.2. pag.18.uerf.15.à fine, lege, perfectè. to.2. codice dd 4. restitue num. 55. to.2. pag.54.uerf.9. lege, consenescere. to.2. pag. 132.uerf.10.à fine, aut, abūdat. to.2. pag.155.uerf. 14. lege, opsophagus. to.2. pag.194. uerf.9. à fine, lege, iuste. to.2. pag.423.uerf.10. lege, dío. to.2. pag.744. uerf.3. lege, militum. to.2. pag. 785.uerf.10.à fine, lege, uiuos. to.2. pag.806.uerf. 10.à fine, lege, Archidamus.



Xenophontis de

PAEDIA CYRI REGIS PER

sarum liber primus, Francisco

Philelpho interprete.

PROOEMIUM.



VM OLIM cogitare-
mus, quot populi domina-
tus per illos soluti sunt, qui
uellent alia quadam ratione
quàm populari rempub. ge-
rere: & quot item regij pau-
corūq; principatus iam per
populos sunt sublati: quotq;

aggressi tyrannida, eorum alij citò admodum defecerūt,
alij uerò si quantulumcunq; etiam temporis in imperio
perseuerarint, admirationi haberentur, perinde atq; &
sapientes fuerint, & fortunati quidam uiri. Et cum didi-
cisse rursus uideremur, in priuatis quoque domibus esse
alijs famulos uel compluris, alijs perpaucos, qui tamen
ne his quidem paucis uti omnino possent heriliter. Cùm-
que ad hæc nobiscum uersaremus, & bubulcos princi-
pes bouum esse, & equorum item eos, qui equos pascūt:
& omnes qui per se pastores uocantur horum anima-
lium, quibus præsunt, non absurdè principes existima-
ri: uidereq; uidebamus omnia hæc armëta facilius addu-
ci, ut pastoribus pareant, quàm principibus suis homi-
nes: Nam & pergunt armenta quacunque à pastoribus

*Pallom, et 31
cipum comp.*

dirigantur, & in ijs regionibus pascuntur quò acta ab
 illis fuerint, & ab ijs abstinent, à quibus arceantur: &
 quos fructus produxerint, sinūt his uti pastores pro uo-
 luntate. At ne ullum quidem armentū unquam accepi-
 mus, quod in pastores insurgeret, quò aut minus eis ob-
 tēperaret, aut fructuū usum prohiberet. Quin difficilio-
 ra in alienigenas omnis præstant se armenta, quàm in
 hos quos & præsidēs habent, & fructibus suis fouent.
 Homines uerò in neminē magis, quàm in illos insurgūt,
 quos imperium senserint moliri aduersus sese. Cum hæc
 igitur commentaremur animo, in hanc sententiam age-
 bamur, ea esse hominem natura, ut facilius alijs omnibus
 animantibus imperitet, quàm hominibus. At ubi uenisse
 in mentem, Cyrum, qui foret Perses, permultos qui-
 dem homines, permultas urbes, permultas gentes, iussis
 suis reddidisse obedientis, hinc sententiam mutare coacti
 sumus, utpote quòd hominibus imperare, neq; impossi-
 bile sit, neq; factu difficile, si quis prudenter id agat. No-
 uimus sanè Cyro non inuitos paruissē, alios qui plurimo-
 rum dierum, alios qui etiam mensum iter distarent: alios
 item, qui ne ipsum quidem aspexissent unquā: alios etiā,
 qui quamuis certò scirent fore, ut nō uiderent, ei tamen
 libenter audiebāt. Etenim usque adeo præstitit alijs regi-
 bus, tum ijs qui à parentibus accepiissent imperia, tum
 ijs qui suo ductu ea essent adepti, ut & Scythia, quamuis
 Scytharum magnus sit numerus, nulli alij nationi queat
 imperitare, sed satis superq; habeat, si diuturnū in suos
 principatū gesserit: & Thrax in Thracas, & Illyricus
 in Illyricos. Atq; eodem modo de alijs gētibus audimus.
 Itaque fertur esse in Europa etiam hac tempestate quas-
 dam

dam liberas gentes, easq; inuicem dissidere. At Cyrus identidem assumptis liberis quoq; gentibus Asiæ, soluens cum parua Persarum manu, Medis uolentibus atq; Hyrcanis imperauit. Subiugauit Syros, Assyrios, Arabas, Cappadocas, Phrygas utrosq; Lydos, Caras, Phœnicas, Babylonios. Potitus est etiam Bactrianis & Indis ac Ciliicibus, & itidem Sacis & Paphlagonibus, & Maryandinis, atq; alijs quamplurimis gentibus, quarum ne nomina quidem quis dixerit. Insuper dominatus est Asiaticis Græcis. Cum uerò descendisset ad mare, Cyprios quoq; & Aegyptios imperio tenuit. Atqui hisce quidem gentibus imperauit, quæ neque cum illo, neque inter seipsas lingua conuenirent. Et potuit tamen formidine sui nominis tantum orbis terrarum peruadere, ut omnes terrore concuteret, haberetq; neminem repugnantem. Tantam autem omnibus cupiditatem iniecit gratificandi sibi, ut ex eius sententia gubernari optarent. Tot nationes ad sese conuertit, sibiq; deuinxit, ut eas dinumerare operosum sit, quocunq; quis ire à regia eius cœperit, siue ad orientem, siue ad occidentem, siue ad septentriones, siue ad meridiem. Nos ergo hunc uirum ut admiratione dignum considerauius, & quo natus genere, & quo fretus ingenio, & qua institutus disciplina, tantum ad imperandum cæteris mortalibus antecelluit. Quæ igitur de illo & audiuius & sentimus, hæc in medium referre aggrediemur.

Cyrus quibus gentibus imperauerit.

CYRVS quidem natus est patre Cambyse rege Persarum: hic autem Cambyses ex Persidarū genere extitisse dicitur. At Persidæ à Perseo nomen habent. Matre uero consentitur fuisse Mandane, quæ nata est patre

Cyri genus.

Corporis & Astyage Medorum rege. Fuisse autem Cyrus natura fer-
 animi bona. tur, & hoc etiam tempore à Barbaris decantatur, tum
 corporis forma pulcherrimus, tum animo humanissi-
 mus, tum disciplinæ atque honoris maximè studiosus.
 Quapropter laborem omnem exantlabat, & omne peri-
 culum laudis gratia perferebat. Huiusmodi Cyrus boni-
 tate formæ animiq; præditus, in Persarum legibus edu-
 catus traditur. Prima his legibus cura est à bono publi-
 co. Haud enim incipiunt itidem, ut aliæ plurimæ ciuita-
 tes, quæ parētibus permittentes pro uoluntate filios edu-
 care, & ipsis parentibus pro arbitrio uitam agere, eis iu-
 bent, ne furentur, ne rapiant, ne in alienas ædis ingre-
 diantur ui, ne iniuste percutiant quenquam, ne adulte-
 rium patrent, ne principi aduersentur, reliquaq; huius-
 modi. Quòd si quid horum transgressus quis fuerit, pœ-
 na mulctatur. At Persarum leges anticipantes maximè
 curant, ne initio tales sint ciues, ut cuiusquam uel impro-
 bitatis, uel turpitudinis desiderio capiantur. hac enim
 utuntur diligētia. Est illis forum quod uocatur liberum,
 ubi & regiæ, & alia sunt principia. Hinc et uenalia, &
 circumforanei, & horum clamores atq; ineptiæ in alium
 locum reiecta sunt, ne horum turba excultis moribus mi-
 sceatur. Est autem forum circa principia distributum in
 partis quatuor, quarum una est puerorum, altera pube-
 rum, tertiā uirorum, qui perfectam ætatem iam agunt:
 quarta uero eorum qui sunt emeriti. Legeq; horum sin-
 guli adsunt locis suis: pueri, cum primū illuxerit, & eo-
 dem modo perfectæ ætatis uiri. Seniores uerò, cum per-
 ocium cuiq; licuerit, exceptis constitutis diebus, quibus
 adsint necesse est. At adolēscētes cubant etiam in prin-
 cipijs

Persicarū legū
 præstantia.

Fori apud Per-
 sas distributio
 quadruplex.

cipijs cum gymnicijs armis, exceptis uxoratis, qui ne re-
 quiruntur quidem, nisi antea iussi adesse fuerint. At neq;
 honestum ducitur sæpius abesse. Et præsumt cuique har-
 um partium duodecim principes: nam in duodecim tri-
 bus Persæ distributi sunt. Hi uerò pueris præsumt, qui
 selecti ex senioribus eos uideantur reddituri q̃optimos.
 Adolescentib. quoq; hi, qui ex absolutæ ætatis uiris per-
 quamoptimos eos existimètur effecturi. Viris autem ip-
 sis hi sunt præfecti, quorum illi institutione censeantur
 quæ constituta sunt & à magistratu maximo imperata,
 maximè præstituri. Electi etiam sunt præsides seniorũ:
 præsumt enim quò hi quoq; suo fungantur officio. Quæ
 autẽ cuiq; ætati imperantur faciunda, enarrabimus, quò
 dilucidius fiat, diligentiãne adhibeãt, ut ciues sint quàm
 optimi. Pueri igitur euntes ad ludos, iustitiæ discen-
 de dant operam, aiuntq; ita illos huic rei studere, quem
 admodum apud nos qui eunt ad literas perdiscendas. Eo-
 rum autem magistri magnam diei partem consumunt in
 eorum disceptationibus iudicandis. Habent enim pueri
 quoq; inter sese, quemadmodum uiri, causas, & de fur-
 to, & de rapina, & de ui, & de fraude, & de maledicen-
 tia, & de alijs criminibus, ut & par est. Quos autem no-
 rint horum aliquid deliquisse, eos plectunt. In illum item
 animaduertunt, quem minus iure accusantem inuene-
 rint. Et de illo crimine iudicium faciunt, quod est in cau-
 sa, ut se homines odio mutuo insectentur quammaxime.
 Nam uehementer causam agunt ingratitudinis. Et quem
 cognorint posse referre grati nec refert, in hunc seue-
 riſsimè animaduertunt: quippe qui arbitrantur eos qui
 sunt ingrati, & deos maiorem in modum negligere, &

Exercitia cuiq;
 ætati præscri-
 pta.

De exercitijs
 puerorum

Ingratitudinis
 crimen præ cæ-
 teris exosum.

Impudentia co-
mes ingrati-
tudinis.

Temperantia in
cibis admiranda.

parentes, & patriam, & amicos. Ingratitudinem uero potissimum impudentia sequitur, quæ ad omnem turpitudinem maxima est dux. Docent etiam pueros temperantiam: ad quam discendam eis plurimum cōducit, quòd uident senes ipsos quotidie temperanter uitā agere. Tradunt præterea ijs præcepta parēdi magistratibus. Multum quoq; huic rei conducit, quòd seniores intuētur parere magistratib. magno studio. Eosdem insuper docēt, ut & cibi & potus continentiam seruent. Ad quod illos admodum adiuvat, quòd ante oculos habent senioris nō prius abire uētris implendi gratia, quàm principes per miserint: quodq; non apud matrem uescuntur pueri, sed apud magistrum, quādo principes significarint: serūtq; domo pro cibo panem, pro obsonio nasturtium, ad potum uero capedinem ut ex flumine aquam hauriant. Ad hæc etiam discunt sagittam & iaculum. Ad sextum igitur usque aut septimumdecimum ætatis annum hæc agunt pueri. Dein uerò ubi in adolescentiam excesserūt, ita rursus degunt. Pueritiam enim egressi cubant, ut antea diximus, in principijs, idq; tum custodiendæ urbis gratia, tum ob temperantiæ studium. Videtur enim huic ætati maiorem in modum diligentia opus esse. Præbent etiam seipsos interdum principib. si cui eis usui sint pro repub. Et cum oportuerit, manent omnes circa principia. Cum uerò ad uenationem rex exierit, id quod per sepe agit in mense, educit custodiæ dimidium. Habeant autem exeuntes oportet arcus, & iuxta pharetram, in uagina mucronem, aut securim, præterea cratem, & pila duo, quò & alterum emittant, & altero, si opus fuerit, cominus utantur. Ob hanc autem rem publicè dant

operam

operam uenationi, & rex quemadmodum in bello se du-
 cem ijs præstat, & ipse tum uenatur, tum ut alij uenen-
 tur diligentiam adhibet, quòd hæc eis uerissima uidetur
 meditatio rerum bellicarum. Etenim diluculo assuefacit
 assurgere, frigoraq; & calores tolerare. Exercet etiam
 eos itineribus & cursibus. Necessarium etiam est sagit-
 ta bestiam ferire ac iaculo petere, ubicunque occurrerit.
 Atq; animus sæpenumero cogitur concalescere, ubi fe-
 rox aliqua bestia cōtrà sese obiecerit. Nam & percuten-
 re oportet, quæ occurrerit, & irruentē obseruare. Qua-
 re haud facile in uenatione eorum quicquā abesse repe-
 riatur, quæ inter bellandum accidunt. Exeuntes autem
 in uenationem prandium habent, & id quidem maiore
 quātitate, ut par est, quàm pueri, aliaq; eodem modo. Et
 donec uenantur, non prandent. Sed si quid opus fuerit
 aut feræ ipsius gratia præstolari, aut aliter uelint tēpus
 terere in uenando, hoc prandio pro cœna usi postridie
 uenantur ad cœnam usq; & duos hos dies pro uno sup-
 putāt, quòd unius diei cibum consumunt. Hoc autem fa-
 ciunt consuescendi gratia, quòd si quid etiam in bello o-
 portuerit, id eis sit factu facile. At obsonium quidem hoc
 puberes habent, quodcunq; uenati fuerint. Nam si id mi-
 nus, nasturtio uestuntur. Quòd si quis eos existimat aut
 uesti iniucundè, cum aliud nihil præter nasturtium ad-
 dant ad cibū, aut potu minus suauiter uti, cū aquā bibāt, re-
 miniscatur, quanta cum uoluptate massa panisq; uestun-
 tur in fame, quamq; suaue est bibere aquam in siti. At re-
 liquæ tribus quæ domi manentes in uenationem nō exe-
 unt, tum alia exercent, quæ pueri didicerunt & sagittan-
 do & iaculando, tum hæc inter sese decertando agitant.

Sunt præterea publici horum ludi præmiâq; propofita. In qua autē tribu plurimi fuerint peritiſſimi fortiſſimiq; ac maximè fideles, horum laudatur à ciuibus & hono-
 tur nō præſens princeps duntaxat, uerumetiam ille qui
 eos in pueritia erudiuit. Et his adoleſcentibus utūtur ma-
 giſtratus, ſi qua in re præſidio opus fuerit, uel ad maleſci-
 cia inquirenda, uel ad inſequendos latrones, uel ad alia
 agenda, quæcunq; aut uirium aut uelocitatis ſunt opera.
 Ab adoleſcētibus igitur hæc geruntur. Sed ubi annos de-
 cem abſoluerint, excedunt in perfectæ ætatis uiros, quo
 tempore hi rurfus annos quinque & uiginti ita degunt.
 Principiò, quemadmodum adoleſcentes præſtò ſunt ma-
 giſtratibus, ut ſi quid pro repub. opus fuerit, ſe utantur
 ijs in rebus quæ prudentiam uiresq; requirunt. Quòd ſi
 militiæ danda ſit opera, qui ita ſunt inſtituti arcubus &
 pilis amplius non utuntur, ſed enſibus & armis quibus
 cominus pugnant: feruntq; thoraca circa pectora, &
 in manu ſiniſtra cratem, qualem habere pinguntur Perſæ.
 In manu autem dextera gladium aut mucronem. Et
 ex huiusmodi uiris magiſtratus omnes conſtituuntur, ex-
 ceptis puerorū magiſtris. At poſteaquam annos quinq;
 uigintiq; complerint, agentes hi ætatis annum aliquanto
 amplius quàm quinquageſimum (illorū iam ætatem in-
 greſſi qui & ſunt & uocātur ſeniores) non etiā in exer-
 citum eunt extra ſolum patrium, ſed manentes domi iu-
 dicant omnis cauſas & publicas & priuatas. Iudicant
 etiam hi cauſam mortis, ijdemq; legunt omnis magiſtra-
 tus. Quòd ſi quis aut in adoleſcentibus aut in uiris deli-
 querit quippiam contra leges, deferunt eum ſinguli tri-
 buni, & ex alijs qui uoluerit. Quem ſeniores ubi audie-
 rint

rint, damnant. At damnatus degit reliquam uitam cum ignominia. Verum ut omnis Persarum respub. clarius pateat, repetemus paulò altius. Nunc autem ex antè dictis declaratum sit paucis. Persæ dicuntur esse circiter centum uiginti millia hominum. Horum nemo lege excluditur à dignitatibus atq; magistratibus. Sed licet omnibus Persis mittere filios ad publicos iustitiæ ludos. Verum qui possunt filios per ocium alere, eos mittunt ad ludos. Quibus uero alendi non est facultas, nequaquam mittunt. Qui autem fuerint apud publicos magistratos instituti, licet ijs inter adolescentes eius ætatis opera exercere, alijs uero non licet. Qui rursus legitima inter adolescentis absoluerint, possunt hi inter eos uersari, magistratuūq; participes atq; honorum fieri. At hi qui pueritiæ atq; adolescentiæ legitima non obierint, inter uiros non admittuntur. At hi rursus, qui inter perfectæ ætatis uiros sine reprehensione se gesserint, fiunt ex ordine seniorum. Et ita seniores hi constituuntur, qui per omne honestatis genus uitā egerint. Et hæc est uiuendi institutio, qua qui utuntur, optimi uiri existimantur. Quin hoc etiam tempore testimonium durat, tum moderati eorum uictus, tum etiam defatigati. Nam nunc quoq; turpe est apud Persas & spueri, & emungi, & flatus uideri plenos. Turpe item ducitur, si quis appareat quoquam ire aut meiendi, aut cuiusquam huiusmodi rei gratia. Quæ quidem facere nullo pacto possent, nisi & uictu modico uterentur, & humiditatem per laborem consumeret. Quo fit, ut ea aliò quopiam secedant. Hæc igitur de Persis omnibus dicere possumus. At cuius gratia hoc tempore nobis oratio cœpta est, res gestas Cyri narrabimus, à pueritiâ ora-

dientes. Cyrus enim ad duodecimū usq; annum, aut paulò amplius hac institutus disciplina, æquales omnis antecellebat, & celeriter discendo ea quæ opus erāt, & pulchrè ac fortiter singula obeundo. Exhinc filiam suam Astyages eiusq; filium accersuit, quippe qui eum uidere cupiebat, quem & pulchritudine audiret & probitate præstare. Venit igitur Mandane ad patrem, Cyrum filium secum habens. Ad quem ubi curriculo peruenisset, Cyrusq; nouisset Astyagē matris eius patrem, cōtinuò, ut erat ingenio facili atq; perhumano, tum eū amplexatus est familiariter atq; perbenignè, ueluti si quis diu uenà educatus, diuq; illum amans amplexaretur, tum cundem exornatum intuens & suppicturatione oculorum, & coloris infricatione appositionēque comarum, quæ legitima erant in Medis: hæc enim omnia Medorum sunt, & purpuræ tunicæ, & cādidi amictus, & torques ad collum, & armillæ ad manus. At in Persis cum domi sunt, uel hoc tempore & uestes sunt uiliores, & uictus tenuiores. Intuens inquam Cyrus aui Astyagis ornatum, fixis in eum oculis: O mater, inquit, ut pulcher est auus meus. Sed cum mater eum rogasset uter ei pulchrior uideretur, patérne, an auus: respondit Cyrus, O mater, Persarū quidem pater meus longè est pulcherrimus: at Medis, quantum scilicet ipse in uijs atq; in ianujs uidi, meus hic auus maximè præstat pulchritudine. Quod audiēs Astyages, rursus eū amplexatus atq; osculatus, & pulcherrima stola induit, & torquibus armillisq; honorauit, ornauitq;: ac si quò equitaret, in equo frenis aureis insigni circūductabat, quēadmodum ipse quoq; proficisci cōsuevit. At Cyrus ut et puer, et elegās,
& am

& ambitiosus delectabatur stola, atq; equitandi discipli-
 na mirum in modum lætabatur. Nam in Persis, quoniam
 difficile est & equos alere & equitare, quia montosa sit
 regio, uel uidere equum rarissime datur. Cum uerò cœ-
 naret Astyages unâ cū filia & nepote, uelletq; puerum
 quam suauissima uti cœna quò minus res domesticas desi-
 deraret, apposuit ei & paropsidas & omne genus pul-
 pamenta & epulas. Itaq; aiunt dixisse Cyrū: O aue quot
 negocia habes in cœna, si tibi necessariū sit in omnia hæc
 fercula manus extendere & degustare hæce tam uarias
 multasq; epulas. Quid ais, inquit Astyages? Nōne tibi
 multò uidetur pulchrior hæc cœna quàm Persica? Atq;
 ille respondit: Aue, mihi sanè haud uidetur: sed longè sim-
 plicior apud nos ac rectior est ad explendum uia, quàm
 apud uos. Apud nos enim panis & carnes ad hoc dedu-
 cunt. Vos autem cū eodem studetis peruenire quò nos,
 per multos circuitus ac uertigines sursum deorsumq; er-
 rantes uix aliquando uenitis, quò nos diu antea perueni-
 mus. Sed ô fili, inquit Astyages, hi errores nobis molesti
 non sunt: quòd si hæc tu quoq; gustaueris, cognosces
 admodum esse suauia. Tum Cyrus inquit: At ego aue ui-
 deo etiam tibi has epulas esse fastidio. Et Astyagen ferūt
 interrogasse: Et cuiusnam rei cōiectura istud ais? Quòd
 te, inquit, uideo cum panem tetigeris nihilo manum de-
 tergere, sed ubi horum quicquam attigeris, continuò ma-
 num purgas ad mantilia, ueluti molestè admodum feras
 istorum satietatem. Ad quæ subdidit Astyages: Si ergo
 ita sentis, ô fili, saltē carnibus uescere, quò robustior do-
 mum repetas: simulq; hæc locutus, permultū ei carniū
 apposuit & syluestriū & cicurum, At Cyrus cū uidisset

Profusum obse-
 niorum appa-
 ratum fastidi-
 Cyrus.

carnum tantum, ait: Num mihi das hasce carnes, ô aue,
 ut ipsis utar pro uoluntate? Do tibi, inquit, mehercule.
 Tum igitur Cyrus acceptis carnibus eas distribuit inter
 ministros aui, cum huiusmodi uerbis: Tibi quidem hoc
 à me datur, quòd alacriter mihi tradis equitandi præce-
 pta. Tibi autem, quòd tragulam dedisti mihi: nam hoc
 ego tempore habeo aliud nihil. Tibi uerò, quoniam auo
 perpulchrè inseruis. Tibi quoq; quia patrem meum hono-
 re prosequeris. Hæc faciebat, donec distribueret carnes
 omnis quas acceperat. Sed Astyages, Sacæ, inquit, pin-
 cernæ, quæ ego honoro maximè, nihil das? Erat autem hic
 Sacas excellenti forma, eaq; fungebatur dignitate, ut eos
 deduceret, quibus Astyage opus foret, intempestiuos au-
 tē arceret. Sed Cyrus ut puer adhuc ueritus nihil, rogat
 inconsultò Astyagen: Quam ob rem aue hunc ita hono-
 ras? Cui Astyages cauillatus, inquit: An minus uides
 quàm pulchrè quàmq; aptè uinum fundit? Horum enim
 regum pincernæ aptissimè ac purissimè uinum fundunt,
 ferentèsque phialam tribus digitis eam præbent. Affe-
 runt enim ita, ut qui bibiturus est, poculum capiat ex-
 peditissimè. Tum Cyrus ait: Iube igitur Sacæ, ô aue, ut
 mihi poculum tradat, quòd ipse quoque pulcherrimè ui-
 num fundens te mihi uendicet, si potero. Quod ubi iussis-
 set Astyages, Cyrus accepto poculo ita illud bene eluit,
 ut Sacas uiderat. Iam etiam composita facie studiose et
 aptè quodammodo præbuit, tradiditq; in manum phia-
 lam ipsi auo, ut et matrem et Astyagen multo risu affi-
 ceret. Cyrus uero ipse profusus in risum ad auum prosi-
 luit, eumq; simul osculatus ait: O Saca peristi, ex hono-
 re te eijciam: nam et pincernæ officio melius quàm tu
 fungar,

fungar, & bibam uinū ut tu. Regū enim pincernæ cum dant phialam, ex ea uinū cyatho haustum fundentes in sinistram manum obsorbent, ne si uenena infudissent, ipsi nō lædantur. Hinc Astyages ait per cauillū: Cur Cyre, qui alijs in rebus Sacam imitaris, non uinū obsorbui-
sti? Quòd metueram, inquit, mediusfidius, ne in cratere mixta uenena forent. Etenim cum tu in natalitijs amicos accepisti, perspicuè didici eum uobis uenena infudisse. Et quonam pacto, inquit ille, ô fili, hoc dignosti? Quòd, inquit, uos uidebam neq; mentis esse neq; corporis com-
potes. Primū, quæ à uobis pueri facere prohibemur, hæc uos faciebatis. Omnes enim clamabatis simul, dice-
batisq; inuicē nihil. Canebatis magno cū ridiculo, et cum canentem minimè audiretis, iurabatis optimè eum cane-
re. Et quisque uestrū cum de suis uiribus loqueretur, mox saltaturi surgebatis, cum nō modò ad numerū non saltare, sed ne erigi quidem possetis. Eratisq; obliti om-
nino, & tu, quòd rex esses, & alij, quòd sibi imperares. Per id enim temporis ego primū didici, hoc quod à uo-
bis tum agebatur, causam esse perpetuæ uestre confa-
bulationis. Itaq; nunquam tacebatis. Et Astyages ait: At patrem tuum fili, cum bibit, nōne capit ebrietas? Non, inquit, mehercule. Sed quomodo facit? Sitim tolerat, & patitur aliud mali nihil. Non enim Sacas ei, ut uidetur, ui-
num fundit. Mater autem inquit: Quid tandem fili adeò Sacam oppugnas? Quoniā, inquit Cyrus, ipse odio mi-
hi est, quippe qui me sæpe cupientē ad auū accurrere, prohibet homo sceleratissimus. Verū te suppliciter aue-
precor, da mihi tris dies in Sacam imperium. Et Astya-
ges inquit: Quo pacto ei imperitaueris? Cyrus autē re-

spondit: Stans ego, quemadmodū hic in aditu, cum uo-
 luerit ingredi ad prandiū, dicerem, nondum fieri posse,
 ut prandio intersis: auus enim quibusdam uiris studet.
 Deinde cum ad cœnam uenerit, dicturus sim, quod auus
 lauatur. Cum uerò magno uescendi desiderio afficere-
 tur, dicerem, quoniam auus est apud mulieres. Tandem
 aliquando ita ego hunc protraherē, sicuti ipse me ab auo
 arcendo protrahit. Tot inter cœnandū relaxationes ani-
 morum eis præbebat Cyrus. Interdiu uerò si quem senti-
 ret, cui uel auo uel auunculo foret opus, ad id officij o-
 mnes anteuertebat. Quicquid enim Cyrus gratificari
 ijs posset, quamlibentissimè obibat. At cum Mandane re-
 ditum pararet ad uirum, rogabat eam Astyages, Cyrum
 apud se linqueret. quæ uelle quidem, respondit, omnib.
 in rebus patri morē gerere, uerū putare esse factū dif-
 ficile, inuitum puerū dimittere. Hic Astyages ait ad Cy-
 rum: O fili, si apud me manseris, omniū primū aditus
 ad me tui, nulla Sacæ facultas erit, sed potestas omnis in
 te futura est: habeoq; tibi gratias, quanto sæpius ad me
 ieris. Dein & equis meis & alijs utēris, quot uolueris.
 Et cum abire institueris, habiturus es quoscunq; libuerit
 abeunti tibi. Præterea incedes quam uiam ipse delegeris
 pro cœnæ mediocritate ex sententia tua. Iusuper tibi do-
 & quæ nunc in hortis feræ sunt, & alias omne genus
 colligam, quas cum primū equitare didicceris, insequē-
 ris, prosternesq; & sagittando & iaculando, ut uiri ma-
 gni. Præbeboq; tibi pueros collusores, & alia omnia con-
 sequēris, quæ uelle te dixeris. Hæc Astyages ubi dixis-
 set, Cyrum mater interrogabat, utrum uellet, manerē ne
 an abire? Hic autē nihil cunctatur, sed quamcelerrimè
 se uelle

se uelle manere respondit. Rursusq; interrogatus à matre, quam ob rem: dixisse fertur, Quoniam domi, ô mater, & sum, & uideor esse æqualibus superior iaculando sagittandoq;: hic autem noui me esse æqualibus meis equitando inferiorē: quæ quidē res mihi mater est per molesta. Quòd si me hic reliqueris, equitationemq; didicerò, cum in Persis fuero, facile arbitror me illis omnib. fore superiorem, qui pedestri præstant. Cum uerò uenero huc ad Medos, enitar (quia factus iam fuero bonorū equitum optimus) auo auxilium ferre. At iustitiam, inquit mater, ô fili, quī discēs, cum magistri tui sint in Persis? Responditq; Cyrus: Verū hæc ego mater examusum calleo. Quī id tibi cognitum est? inquit mater. Quoniam meus magister, inquit, me perinde atq; iustitiam optimè tenentem cōstituit alijs iudicē. Atqui olim in quadam lite uerberibus cæsus sum, utpote qui minus rectè iudicarem. Erat autem causa huiusmodi: Puer magnus corpore, cui parua esset tunica, alterum paruum puerū qui tunicam haberet magnam exuerat, suaq; illum tunica induerat, illius tunica se induto. Ego igitur horū causa audita, iudicaui esse melius ambobus, ut aptam uterque haberet tunicam. Itaque hac in re magister me percussit, inquiens: Cum de conuenientia sim iudex, ita iudicare oportere: cum uerò iudicandū fuerit, utrius sit tunica, hoc ita considerandum esse: Quæ possessio est iusta? utrum habere is debet, qui ui tunicam abstulit, an hic possidere, qui uel laborauit, uel emit? quoniā id est, ait, iustum, quod legitimū sit: quod uerò sit cōtra legem, id est uiolentum. Quare secundum legem iubebat semper ferendam esse à iudice sententiam. Ita igitur ego

mater iura omnino diligenter calleo. Quòd si quid mihi fortasse defuerit, meus hic auus me docebit. At non eadem fili, inquit Mandane, iura conueniunt & apud auum & inter Persas. Nam hic auus tuus rex Medorum omnis habet in potestate sua : at in Persis æqualitatem seruare iustum ducitur. Tuusq; pater primum constituta facit, quæ facit reipublicæ. Constituta etiã accipit. Estq; ei modus non libido, sed lex. Caue igitur, ne uerberibus cæsus pereas cum domum reuerteris, si uenias accepta ab hoc rei tyrannicæ, pro regie rei disciplina. Nam in tyrannide decorum existimatur plus habere quàm omnes. At pater tuus, inquit, ô mater, studiosior est, qui doceat minus quàm plus habere. An minus fortasse uides cum docuisse Medos omnis minus habere, quàm sese? Esto igitur bono animo. Pater enim tuus neque alium quenquã, neque me ita edoctum ab se dimittet, ut sim habendo superior. Cum talia Cyrus confidentius loqueretur, ad postremum abiuit mater, cum ipse illic relictus apud auum educaretur, celeriterq; æqualibus cõmiscbatur ad familiarem consuetudinem. Quorum etiam parentes adiens, liquidoq; ostendens eorum à se filios plurimum diligere, sibi euestigio reddebat affectos, ut qui indolem admirarentur. Itaq; si qua uellent in re beneficio uti regis, hi filios iuebant, rogarent Cyrum, id sibi ut perficeret. At Cyrus rogatu puerorum, ut erat & humanus & honoris appetens, plurimi faciebat petita transigere. Astyages uerò si quid esset rogatus à Cyro, aduersari non poterat, quin ei morem gereret. Etenim auum in ægrotatione, qua olim correptus est, reliquit nunquam, neque flere unquam destitit, sed omnibus clarum reddidit se de aui obitu ma-

tu ma-

tu maiorem in modum pertimescere. Nanq; si quid nos-
setu Astyagi opus esset, Cyrus sentiebat primus, & om-
nium impigerrimus exiliebat ministraturus, quod auo-
gratum fore censeret. Quibus rebus sibi Astyagen omni-
no deuinxerat. Et erat fortasse Cyrus aliquantò loqua-
cior, idq; tum ob disciplinam, quòd cogeretur à magi-
stro & rationem reddere eorum quæ faciebat, & ab alijs
accipere cum causam audiret: tum etiam quòd ob di-
scendi studium & multa ipse semper à præsentibus re-
quirebat, ut haberent, & quæcunq; per alios quæsita es-
sent, ob dexteritatē ingenij celeriter respondebat. Qua-
re ex hisce omnibus multus ei sermo conflabatur. Sed
quemadmodum hi iuuenes, qui corporib. supra ætatem
quamquam adoleuerunt, ostendunt tamen iuuenile quid-
dam, id quod annorū paucitatē arguit: ita ex Cyri mul-
tiloquio non audacia promebatur, sed simplicitas quæ-
dam atq; lenitas: quò fiebat, ut quis cuperet plura etiam
eum dicentem audire, quàm tacenti adesse. Vt autē pro-
duxit eum tempus cum magnitudine corporis ad puber-
tatem, tum & oratione utebatur breuiore, & uoce seda-
tiore: ac pudore adeò afficiebatur, ut etiā erubesceret,
cum in seniores incideret. Nec eandem habebat petulan-
tem adulationem æquè ingerendi se omnibus. Itaq; erat
ira remissior, & in congressibus gratus admodum ac in-
cundus. Etenim quæ sæpenumero æquales inuicem de-
certant, non ad ea socios prouocabat, quæ norat melius
se tenere: sed in quibus certò sciret sese esse inferiorem,
ab ijs initium faciebat, futurum inquiēs, ut melius quàm
hi faceret. Quare incipiebat uel in equos prosilire, uel
sagittare, uel iaculari ab equis, cum nondum bene equo

insideret: cumq; uinceretur, ipse plurimum ridebat secum. Verum ubi non detrectat id agere, quo superatus foret, sed eodem reuolutus tentat idem rursus melius facere, breui eò peruenit, ut æque atque æquales equestrem sciret: breui etiam ob rei studium illis superior factus est: breui quoque in hortis quæ seruabantur feras consumpsit insequens, feriens, interimens, adeò ut Astyages nequiret ei bestias colligere. Quare Cyrus ubi sensisset auum non posse, quamuis uellet, multas sibi uiuas præbere feras, ait: O aue, quid est opus negotiosus tibi sis in bestiis quærendis? Si me in uenationem emisseris unà cum auunculo, facile putabo feras omnis quas uidero, ali mihi. Cum uehementer autem cuperet exire in uenationem, non itidem ut cum esset puer, rogare auum blandius poterat, sed uerecundius adibat: & quæ Sacæ antea uitio dabat, quòd nō se ire ad auū sineret, ipse iam sibi factus est Sacas. Non enim adibat, nisi uideret esse tempestiuum, Sacamq; rogabat, omnino sibi significaret, quando foret introeundi tempus, & quando tempestiuum non esset. Quare & Sacæ & alijs omnibus erat is iam charissimus. Vbi igitur nouit Astyages Cyrū magna teneri cupiditate in uenationem egrediendi, emittit eum unà cum auunculo, datis etiam unà custodibus quibusdam equitibus senioribus, qui eum tum à locorū difficultatibus, tum à syluestribus feris custodirent, si quæ apparuissent. Cyrus igitur promptè eos, qui se sequebantur, interrogabat, quæ feræ proximè adcundæ non sint, & quæ fidenter insequendæ. Hi autē dicebant, permultos propius factos, esse ab ursis & apris & leonibus & pardalibus interemptos: ceruas & capreas, & syluestris

stris oues, & asinos etiam syluestris esse innocuos. Addebant hoc præterea, nihilo esse minus locorum difficultates obseruandas quàm bestias: iam enim plures simul cum ipsis equis præcipientes corruisse. Quæ quidem omnia Cyrus strenuè discebat. Sed ubi ceruam uidisset exilientem, omnium quæ audierat oblitus, eam insequēbatur, aliud nihil aspiciens, quàm quò fugeret, cum eius equus prosiliens cadit in genua, & illi propè collum enodauit, quin Cyrus uix equo se continuit. Surgente autem equo ut uenit in campum, ceruam iaculo proster nit, rem sanè pulchram ac magnā. Cyrus igitur plurimum letabatur. At custodes adequitantes conuicio eum appetebant, dicentes, quòd in periculum deuenisset, subdiderantq; cum se ad auum delaturos. Itaque Cyrus equo descendit, stabatq; atq; his auditis tristis erat: sed ubi clamorem sensisset, in equum tanquam afflatus resiliuit, uidensq; aprum ex aduerso adactum, ei obuius equum agit, iaculoq; contorto aprum rectissimè in frontem ferit ac detinet. Hic etiam iam auunculus uisa audacia, conuicio Cyrum afficit, qui eum quamuis obiurgantem, orabat tamen, ut has feras omnis quas cepisset, sineret portare se, atque auo dare. Sed auunculus fertur dixisse: At auus si te hasce insecutum senserit, non te modò acerrimè increpabit, sed etiā me, qui te id facere permiserim. Quinimò si libuerit, inquit Cyrus, me ipsum uerberet, ubi has ego dederò. Et tu quoq; ait, auuncule crucia me ut libet, modò mihi hoc gratificeris. Ac Cyaxares tandem inquit: Facito ut uis, tu enim ut uideris hoc sanè die geris in nos imperiū. Ita igitur Cyrus portatis feris dabat eas auo, & illi se uenatū illas dicebat. Et iacula

quidem minimè monstrabat, sed ea cruore illita illic posuerat, ubi ab abauo uisum iri arbitrabatur. At Astyages: Num, inquit, uerum ô fili? accipio equidem libenter quaecunq; abs te dantur: sed nihilo horum egeo, quò ipse pericliteris. Et Cyrus inquit: Si igitur tu non eges, maiorem in modum te rogo, & oro aue, ut has feras des mihi in meos æqualis distribuendas. Cui Astyages respondit: Accipe fili has feras, & aliud quodcunq; libuerit, & distribue pro tua uoluntate. Quibus Cyrus acceptis, eas distribuebat inter pueros, simulq; dicebat: O pueri, ut certè nugabamur, quando hortorũ feras uenabamur. Nam id mihi simile uidebatur, quemadmodum si quis ligata animalia uenaretur. Primum enim erāt paruo in loco, deinde tennes & scabidæ, & alia earum clauda erat, alia manca. Sed quæ in mōtibus bestię sunt & pratis, ut sunt pulchræ, ut sunt magnæ, ut pingues apparebant. Atque ceruæ quidem tãquam uolucres saltu tollebantur ad cœlum: apri uerò, ut uiri fortes traduntur, ferebãtur aduersi, quorum tanta est latitudo, ut ab his ictus aberrare nequeat. Pulchriores profectò hæ mihi feræ uidentur uel mortuæ, quàm uiuæ illæ munimine hortorũ muroq; occlusæ. Num, inquit, permetterent uos parentes uenatum ire? Et facile quidem, illi respondebant, si Astyages iusserit. Quis igitur uestrũ, inquit Cyrus, sit apud Astyagen internuncius? Quis enim, dixere, te alius persuadere satius poterit? At ego mediusfidius qui homo factus sim, nescio: neq; enim facere possum uerbum, neq; respicere ad auum iam ex æquo. Quòd si tantum creuero, uereor ne secors quispiam reddar & fatuus. Cum puellus essem, uidebar in loquendo acerrimus. Ad quod dicebant pueri:

pueri: Malè habere negocium dicis, si ne nostra quidem causa ubi quid opus fuerit possis agere, sed alium quenquam id nos rogare oporteat quod in te sit. Quæ Cyrus audiens, animi angebatur, atque abiēs cum silentio, seq̃; ipse ad audendum hortatus, ad auum ingressus est, meditatus quæ illi sine ulla prorsus molestia loqueretur, perficeretq̃; & sibi & pueris quæ rogabant. Hoc igitur eius fuit initium: Dic, inquit, mihi o aue, si quis è famulis tuis effugerit, & eum postea ceperis, quì eo uteris? Quì aliter, inquit, quàm ut eum uinctum cogam operis exerceri? Quod si ultrò ad te reuerterit, quomodo facies? Quid, inquit, aliud quàm ut uerberibus cæso, ne hoc iterum faciat, utar ut antea? Tempus tibi fuerit, inquit Cyrus, parare quò me uerberes, quoniam consuletem à te fugam facere, æquales capiens ad uenandum. Atq̃; inquit Astyages, pulchrè abs te factum est quòd prædixeris: extrinsecus ne mouearis, tibi caue. Pulchrū est enim si carnicularum gratia, filia Mandanæ filium perdidero. Quibus auditis paruit auo Cyrus, ac mansit. Cumq̃; tristis & mœstus esset, tacitus degebat. Astyages uerò ubi cum nouit uehementius tristari, uelletq̃; ei rem gratam facere, educit ad uenationē & pedites multos & equites, congregatis etiam pueris. Cumq̃; in campestrem regionem feras compulisset, magnam fecit uenationem. Atque ipse regio more præsens uetabat quenquam bestias ferire, priusquam Cyrus uenationibus expleretur. At Cyrus impedire alios non sinebat: sed si uis aue, inquit, libenter me uenari, permitte meos æquales omnis & insequi & certare ut quisq̃; possit quamoptime. Hic igitur Astyages permittit, stansq̃; eos spectabat,



quī & æmularentur in bestias, & contenderent, & insequerentur, iacularenturq;. Ac Cyro quidem delectabatur, quòd præ uoluptate silere non posset, sed tanquam generosus catulus circuiret cum propinquabat fera, & quenq; nominatim uocans hortaretur. Vidensq; Cyrum deridere alium, & alium sentiens laudare, ac nemini inuidere, plurimum gaudebat. Abijt domum Astyages bestias plurimas secum habēs: cæterum uenatione est adeòtum delectatus, ut semper cum per ociū liceret, unà cum Cyro egrederetur, aliosq; quamplurimos pueros Cyri gratia assumeret. Cyrus igitur plurimū temporis ita egit, sese omnibus uoluptatis boniq; cuiusquam, nullius autem improbitatis autorem præstans. Cum uerò quintum sextumue ac decimum ageret ætatis annū, regis Assyriorum filius uxorem ducturus cupiuit etiam ipse per idem tēporis uenari. Audiens igitur in ijs locis, quæ Assyrios Medosq; dirimunt, feras esse permultas, quoniam cessatum esset ab illarum uenatione propter bellum, cupiditate affectus est eò exeundi. Quò igitur tutius uenaretur, & equites pluris assumpsit & scutatos, qui feras expellerent ex asperioribus syluis in locos cultos atque spaciosos. Sed posteaquam eò uenit, ubi ijs erant castella & statio, hic cœnatus est, quò postridie uenaretur. Vbi uerò tempus uespertinum iam esset, aduenerūt ex urbe, qui priori stationi succederent & equites & pedites. Is igitur arbitratus est multum adesse exercitum, cum duæ stationes simul essent, & secum ipse permultos adduxisset equites ac pedites: itaq; consilium cepit, optimum factu esse, ut prædam ageret ex Medorum solo, ita ratus & opus uenationis clarius uisum iri, & uictimarum copiam

piam fore maximam. Manè igitur surgens ita agebat agmen. Pedites liquit frequētis intra fines: ipse uerò cum equitatu immittens uersus Medorum castella, hic manebat, optimos secum habens atq; plures equites, ne præsidarij Medorum milites possent aduersus palantes suos auxiliū ferre. Idoneos uerò dimisit per tribus, alios aliò discurrentis: iubebatq; ut facta præda, prout quis incidere, ad sese equitarent: & hi quidem hæc agebant. Sed ubi increbuisse apud Astyagen in agro suo esse hostes, ipse cum suis auxilium tulit ad confinia: idemq; fecit filius simul cum præsentī equitatu, alijsq; omnibus ut ipsi quoq; auxilio essent, significat. Vbi autem uidisset Assyrios magna hominum multitudine instructos, & equites quietem agere, steterunt etiam Medi. Cyrus uerò intuitus totis uiribus alios auxilium ferre, ipse quoque auxiliator accedit tum primum indutus arma, cum ne id quidem esset unquam suspicatus, usque adeo armari ijs cupiebat. Ea enim arma quæ ab auo sunt facta, & perpulchra erant, & aptissima eius corpori. Ita ergo armatus equo adactus est. Quod uidens Astyages, non potuit nō mirari cuius iussu uenisset, eiq; tamen dicebat, iuxta se ut maneret. At Cyrus cum uidisset multos aduersos equites, rogabat: Num hi aue, inquiēs, hostes sunt, qui stant cum equis adeò quiete? Hostes, inquit Astyages. An etiam illi, ait, qui immittunt? Illi quoq; respondit. Pæpæ, Cyrus ait, ô aue: ueruntamen & aspectu inutiles, & super equuleos inutilis res nostras abigunt: itaque opus est, ut ex nostris aliqui aduersus eos immittantur. At non aspicias, inquit, ô fili, quantus equitum globus stat cum equis instructus? qui si aduersus illos nos agamur,

rursus nos intercludent. Neque adhuc nobis adsunt co-
 pie. Verum si tu manseris, inquit Cyrus, & auxilium fe-
 rentis exceperis, metuent hi, neq; se mouebunt: qui au-
 tem prædam agunt, cum uiderint aliquos in se impetus
 facientis, eam dimittent. Visus est Cyrus Astyagi aliquid
 dicere, simulq; admiratus uim acrimoniamq; ingenij, iu-
 bet Cyaxari filio, ut accepta equitum manu in eos im-
 mittat, qui prædam agunt. Ego autem in hos ferar, si ad-
 uersus te moueantur. Itaq; nos cogentur obseruare. Ita
 ergo Cyaxares acceptis equis uirisq; robustissimis in ho-
 stes agitur: quos Cyrus moueri ut uidit, ipse etiam motus
 sese primus celeriter ducem præstitit: quem & Cyaxa-
 res sequebatur, & alij quoque. Eos autem propinquan-
 tis ut uidere, qui prædabantur, continuo dimissis rebus
 uertuntur in fugam. Cyri autem milites eos intercluden-
 tes, quoscunque assequerentur continuo feriebant, Cy-
 rusq; in primis: eosq; post terga pertinacius insequen-
 tes, quotquot dilapsi sunt, cœpere nonnullos. Et quem-
 admodum generosus canis ob ruditatem temerè fertur
 aduersus aprum, ita etiam Cyrus ferebatur, nil aliud ui-
 dens quàm captum percutere, atq; aliud prouidens ni-
 hil. At hostes ut uidere suos laborantis, promouere glo-
 bum, quò insequentis auerterent, cum eos intuerentur
 progredi. Cyrus autem nihilo remissior, quinimo auun-
 culum præ gaudio cohortans insequebatur hostes, eosq;
 acriter premens, uehemētem fugam facere cogebat. Ac
 Cyaxares quidem sequebatur ob patris fortassis uere-
 cundiam, atq; alij quoque sequebantur, & erant ad fu-
 gandum hi tum etiam alacriores, quamuis essent hosti-
 bus non admodum pares uiribus. At Astyages ut uidit
 hos

hos temerè insequi, hostes autem frequentis instructosq;
occurrere, filio atq; Cyro metuens ne ipsi imparati in il-
los paratos incidentes quicquam aduersi paterentur, ad
uersus hostes continuò agebat exercitum. Sed illi rursus
ut Medos uiderent promoueri, intēdentes alij tragulas,
alij sagittas, consistere, perinde atq; eos progredi pro-
hibituri, cum ad iactum sagittæ uentum foret, ut sæpenu-
mero facere consuerunt. Cum enim propè essent, huc-
usque se inuicem adoriebantur, ferentarijsq; persæpe
ad uesperam usq; certabant. Sed ubi uiderunt Assyrij &
suos fuga recipere se ad exercitum, & Cyri milites ferri
frequētis aduersus eos, & Astyagen cum equitibus iam
adesse intra iactum sagittæ, inclinata acie uertuntur in
fugam. Medi uerò inde scilicet totis uiribus insequentes,
permultos fecere captiuos; quosq; caperent, & equos
feriebant & uiros, cadentis uerò interimebant. Nec ste-
tere prius, quàm ad Assyriorum peditatum peruentum
esset. Hic ueriti, ne insidiæ aliquæ subessent, substiterūt.
Hinc igitur reduxit exercitum Astyages, tum equestri
letus uictoria, tum Cyrū supra modum admirans, quem
& eius operis autorem sciret, & audentia furentē nos-
set. Etenim cæteris abeuntibus domum, solus omnium il-
le tum aliud nihil quàm interemptos obequitans spectā-
bat: ac uix eum qui huic rei præfēti erant abstrahentes,
ad Astyagen adduxerunt: quos ille sibi ualde anteriores
faciebat, quoniam aui faciem intueretur in se spectando
turbatam. Hæc igitur gerebantur in Medis. Et cum alij
omnes Cyrum habebant in ore, & oratione, & carmini-
bus, tum Astyages quem antea honorabat, tum maxi-
mo stupore prosequabatur. At Cyri pater Cambyses his

auditis letabatur. Sed ubi accepisset iam res uiro dignas ab eo geri, illum ad se reuocauit, quò patria instituta discedendo absolueret. Hic Cyrus dixisse traditur, sibi esse abeundum, ne quid pater molestè ferret, ac ciuitas uitio sibi daret. Itaq; Astyagi uisum est necessarium, ut eum remitteret. Quare datis ei equis, quos ipsi capere libuisset, cum alio multo apparatu, ab se dimisit: idq; tum quia illum charissimum haberet, tum etiam quia magnam in eo spem reponeret, ut qui uir satis futurus esset qui et prodesset amicis, et malefaceret inimicis. Cyrum autem abeuntē omnes in equis deducebant, et pueri, et æquales, et uiri, et senes, et Astyages etiam ipse. Feruntq; fuisse neminem, qui sine lachrymis cōuerteretur. Et ipse etiā Cyrus dicitur multis cum lachrymis decessisse. Qui cum dona plurima distribuisset inter æquales, quibus donatus fuerat ab Astyage, dedissetq; ad postremū exutus stolam Medicam cuidam, hunc significans sibi esse charum et periucundum, ea illi cum accepissent admisisse sentq; detulerunt ad Astyagen. Quæ Astyages accepta rursus misit ad Cyrum. At ea Cyrus iterum misit ad Medos, dicēs: O aue, si uis me rursus audacter ad te ire, sine hæc eos habere, quibus data ab me sunt. Quibus Astyages auditis, Cyri uoluntati est obsecutus. Quòd si amatorij sermonis mentio est faciunda, dicitur in Cyri abiectione, cum se inuicem seiungerent, cognatos per osculum oris eum à sese amisisse lege Persarum. Etenim hoc etiam tempore id faciunt Persæ. Medus autem quidam, qui et honestus ualde et bonus uir esset, diu in stuporem adductus est ob Cyri formæ præstantiam. Hic cum uideret cognatos illum osculantis, ipse substitit. Vbi uerò alij

Cognatos oscu-
lari, lex Persa-
rum.

rò alij abierunt, Cyrum adiit, atque ait: Me solum ex cognatis Cyre ignoras? Cui respondit Cyrus: Num etiam tu cognatus es? Maximè, inquit. Propterea, inquit Cyrus, me iniueris? Nam sæpe mihi hoc facere uisus es. Adire enim te, inquit, cum usque uellem, per deos immortalis me pudebat. At nullo, inquit Cyrus, te pudore teneri oportebat, cum esses necessarius: simulq; adeuntem osculatus est. Et Medus post acceptum osculum quæsisse dicitur, num etiam inter Persas hæc esset consuetudo cognatos osculandi. Maximè, inquit, ubi aut post curriculum temporis se inuicem uideant, aut aliquò ab inuicem eant. Hora esset admodum, inquit Medus, osculandi mei rursus. Iam enim ut aspicias, ita abeo. Et Cyrus eum osculatus ab se dimittit. Qui cum abisset, ac nondum multum peregisset itineris, iterum uenit sudanti equo. Et Cyrus hunc intuitus, Num, ait, eorum aliquid es oblitus, quæ dicere mihi uelles? Non equidem, respondit, sed ueni post curriculum temporis. Cui Cyrus inquit: At me diusfidius breue ô cognate. Quod breue, Medus respondit? An ignoras Cyre, quòd quantulum etiam temporis oculos moueo, mihi uidetur esse permultum, quòd tunc te talem non aspicio? Atq; hinc Cyrus ex prioribus lachrymis primum risit, & abeunti illi, Confide, inquit, nam post parum temporis uobis adero. Itaq; tibi si uolueris, aspicere me licebit uel fixis oculis. Cyrus igitur cum ita abisset, in Persis traditur annum etiam egisse inter pueros, qui primum cauillis eum appetebant, tanq̃ redisset edoctus in Medis uoluptuose uiuere. Sed ubi uiderent eum quemadmodum ipsos & comedentem suauiter & bibentem, et in festo die si quando epulatio fieret, de portione

etiam sua alijs dantē potius quàm quòd ipse egeret, eum sentirent: ad hæc alijs quoque in rebus omnibus eundem sibi præstare cognoscerent, hic rursus eum æquales uerebantur. Cum hanc uerò pueritiæ disciplinam absoluisset, & pubertatem iam esset ingressus, inter puberes item uisus est tenere principatum, tum ea exercens, quæ par foret, & tolerans quæ oporteret, & reuerentia uatens in senioris, & magistratibus parens. Temporis autem progressu moritur in Medis Astyages, & Cyaxares Astyagis filius, fraterq; Mandanes regnum Medorum possidebat. At rex Assyriorum Syris omnibus subiugatis, natione sanè maxima, & Arabum rege in dedicationem actò, ac subditis iam Hyrcanis, Bactrianisq; obsessis, cum arbitraretur, si Medos fecisset imbellicos, futurum ut finitimis omnibus faciliè imperaret, cum hæc natio uideretur finitimorum omnium ualidissima: quare mittit & ad subditos suos omnis, & ad regem Lydorum Cræsum, & ad regem Cappadocum, & ad Phrygas utrosq; & ad Paphlagonas & Indos, & ad Caras & Cilicas, tum apud eos insimulans Medos ac Persas, tum etiam dicens hæc gentes & magnas esse, & ualidas, & ad idem consentientis, & mutuis inter sese matrimonijs coniunctas, atq; in unum conuenientis: periclitariq; nisi quis eos anteuertens debilitarit, ut singulas adorti nationes in seruitutē agant. Quare his uerbis alij persuasi, alij munerib. ac pecunijs inducti, quibus ille plurimum abundabat, faciebāt cū illo societatem. At Cyaxares Astyagis filius cum accepisset & insidias eorum & apparatus aduersus sese, tum ipse cōtinuò omnia parabat contra, quæ poterat, tum mittebat in Persas & ad rempub.

& ad

Et ad Cambyſen, qui & ſororem haberet uxorem, &
 regnaret in Perſis: mittebat etiam ad Cyrum, eum rogās
 operam daret, ut ſi quos milites reſpublica Perſarum in
 auxilium ſibi mitteret, eorū ipſe iret imperator. Iam e-
 nim Cyrus impletis annis decem inter puberes, erat in
 perfectæ ætatis uiris. Ita igitur cum rem Cyrus appro-
 baſſet, ſeniores conſultantes exercitus legunt eum impe-
 ratorem, qui mittebatur in Medos. Ad hæc ei dederunt,
 ut ducentos ex ijs legeret, qui ab honoris æqualitate ho-
 motimi uocantur: quibus item ſigillatim dederūt electio-
 nem quaternorū uirorum, & horum quoq; homotimo-
 rum. Ac fiunt hi quidem mille. quibus etiam ſingulatim
 conſtituerunt electionem ex populo Perſarum denorum
 ſcutatorum, & funditorū denorū, ac ſagittariorū item
 denorum. Et ita fuere ſagittarij decem millia, & ſcutati
 decem millia, & funditores quoq; decem millia. Præter
 hos autem erant ij mille homotimi. Tantus igitur exerci-
 tus Cyro datus eſt. Sed ubi electus eſt, celerrimè initium
 fecit primū à dijs immortalibus, factaq; per id tempo-
 ris litatione, legit ducētos illos: qui ubi etiā ipſi ſigillatim
 quaternos legiſſent, eos cōuocauit, & hæc tum primū
 in ijs ita loquutus eſt: Ego uos legi, uiri amiçiſſimi, nō
 propterea quòd nunc de uobis primū periculum ſece-
 rim, ſed quoniam uiderim ab uſq; pueris, quæ ciuitas ad
 honeſtatem conſtituit, hiſce uos alacriter operam dare:
 quæ autem ducit turpia, ab his omnino abſtinere. quorū
 autem gratia & ipſe nō inuitus in hoc ſum imperiū con-
 ſtitutus, & uos rogauī, uolo hæc uobis non eſſe obſcura.
 Cogitaui equidem maiores noſtros nihilo fuiſſe nobis de-
 teriores. Exercuerunt enim illi quoq; aſſiduè, quæ uirtu-
 tis ducun-

Homotimi.

Concio Cyri.

tis ducuntur opera. Quod autē bonū uiri huiusmodi uel
 reipub. Persarum, uel sibiipsis addiderint, uidere id ne-
 queo. Atqui nulli uirtuti, ut mea fert opinio, ab homini-
 bus datur opera, quò nihilo plus habeāt uiri probi q̄ im-
 probi: sed & hi qui à repentinis abstinent uoluptatibus,
 non id agunt, ut lætentur nunquā, sed ut per hanc conti-
 nentiam multò maiore in posterum tempus lætitia affi-
 ciantur: & hi qui dicendo student cæteris antecellere,
 non hoc exercent, ut à bene dicendo nunquam cessent,
 sed quòd existimant hac orationis præstantia dum red-
 dunt homines persuasos, fore, ut & multa & magna bo-
 na ipsi consequantur. Et item hi qui hæc bellicas res ex-
 ercent, non hoc laborant ut à prælijs nunquam uacent,
 sed quia putant etiam hi, si rerum bellicarum gloria ex-
 celluerint, futurum ut multas opes, multam felicitatem,
 maximosq; honores & sibi comparēt & reipub. Quòd
 si qui uersati bellicis in rebus prius quàm fructum ab his
 quenquam susceperint, senectute redditos se uideant im-
 becillos, simile hi mihi uidentur pati, ueluti si quis bonus
 agricola esse studuerit & bene ferendo & bene inseren-
 do, cum de his fructus capiendus est, eum nō conuehat,
 sed sinat rursum humi defluere. Ac si quis in ludo per
 multū sese laborem exercuerit, & dignus uictoria defe-
 cerit ad calcē, neq; hic uidetur mihi nō esse iure demen-
 tiæ accusandus. At ne uiri amicissimi hæc nos patiamur,
 cauendum est. Sed quoniam conscij nobis sumus, quòd
 ab usque pueris rebus honestis bonisq; studuimus, ea-
 mus aduersus hostes, quos ego certò scio, quò ad nos, ru-
 dis esse imperitosq; bellandi ac planè inutilis. Nec enim
 hi satis queant nobiscum descendere in certamen, qui
 et si sa

et si sagittandi sunt & iaculandi equitandiq; periti, ibi tamen relaxentur, ubi laborandum fuerit, quippe qui labores ferre nō possunt. Neq; hi, qui uigilandum cum sit, uigilare nequeunt, sed sunt ob ignauiam somno inferiores. Nec item hi, qui quamuis hæc præstare possent, tamen quoniam neque amicis, neque hostibus uti nouerunt, magnarum disciplinarum non obscure indocti sunt. At uos æquē nocte positis atque alij uti die: labores uerò iucundæ uitæ duces existimatis: famem habetis pro obsonio: aquæ potum fertis facilius quàm leones. Et quam omnium pulcherrimam maximeq; ciuilem possessionem in animos importastis, laude magis quàm alijs rebus omnibus gaudetis. At laudis amatores coguntur huiusce rei gratia ea sibi comparare, quorum causa laudentur, ob eamq; rem omnem laborem, omne periculum quālibetissimè subire. Quòd si hæc de uobis loquens aliter sentio, meipsum fallo. Nam quod minus huiusmodi per uos eueniet, aduersus me erratum uenturum sit. Verū tum ob peritiam atque beneuolentiam in me uestram, tum ob hostium inscitiam credo fore, ut me hæc spes optime haud falsum habeant. Itaque bona cum fiducia iter capiamus, quoniam liquidò iam patet nequaquam nos per iniuriam appetere aliena. Nunc enim hostes ueniunt autores inferendæ iniuriæ. Nos uerò amici in auxilium uocant. Quid igitur est aut iustius quàm propulsa re iniuriam, aut pulchrius quàm amicis succurrere? At qui uos illius etiam rei gratia fidere opinor, quòd haud ad bellum egrediar per neglectum rerū diuinarū. Nam qui de me plura cognoscitis, illud minimè ignoratis, me non solum in magnis rebus, sed etiā in paruis semper à

dijs immortalibus initium facere. Ad postremū inquit:
 Quid est amplius dicendum? Lectis uos assumptisq; ui-
 ris fortissimis, paratisq; rebus alijs, ite in Medos. Ego au-
 tem reuersus ad patrem iandudum adero, quò res hosti-
 lis quācelerrimè edoctus, ea parem omnia quæ usui sunt
 ut quamoptimè cum diuina ope belligeremus. Et hi qui
 dem hæc gerebant. Cyrus autem domum reuersus, pre-
 catusq; Vestam patriā, atque Iouem patriū aliosq; deos,
 pergebat ad exercitum, eumq; pater unā deducebat. Sed
 posteaquam ædis egressi sunt, dicuntur fulgura ei atque
 tonitrua dextera esse facta. Quæ ubi apparuissent, nullo
 præterea utentes alio augurio iter faciebant, quòd signa
 dei optimi maximi neminem latèrent. Procedenti autem
 Cyro, pater huiusmodi sermonem facere est aggressus:
 O fili mihi charissime, quòd dii immortales te mittunt
 propitij ac mites, & in sacrificijs manifestum est, & in
 signis cœlestibus, id quod ipse etiam nosti. Nam rerū ha-
 rum ego tibi doctrinam de industria tradidi, quò non a-
 lijs interpretibus mentes deorū calleres, sed ipse cogno-
 sceres & uidens & audiens, quæ uidenda audiendaq;
 sunt. Ne augures petas, si uelint te decipere, dicentes alia
 quàm dii ipsi significant: neq; rursus ubi careas augure
 ambigas, quid tibi diuinis signis portendatur, sed cogno-
 scens per diuinationem deorum consulta, ipsis obtempe-
 res. Atq; Cyrus inquit: O pater, quando dii non aduersi
 consulere nobis uelint, pro uiribus diligentiam adhibe-
 bo, ut mones. Memini enim ex te olim audisse, itidem à
 dijs illum magis exorare, quod uelit, quemadmodum et-
 tiam ab hominibus, qui nō cum in difficultatibus fuerit,
 tum assentetur, sed quū rebus secundis utitur, tum remis-
 nisca

Pic dictum.

niscatur deorum: & amicorum dicebas eandem habendam esse diligentiam. Propterea, inquit, ô fili, ob illos cultus libentius uenis deos rogaturus ita affectos, sperasq; futurum ut magis quæcunq; rogaueris, cõsequare, quod tibi conscius sis nunquam eorum cultui defuisse. Valde, inquit, ô pater, ita sum affectus in deos, ut in amicissimos mihi. Quid enim fili, Cambyses inquit, meministi ne illa, quæ nobis olim uidebantur, felicioris esse homines si didicere quæ dii dederint, quàm si eorũ fuerint inscij: & si operantur, efficere magis, quàm si fuerint ociosi: & si diligentiam adhibuerint, quàm si horum fuerint negligentes, degere posse securius? Qui ergo tales se præstarent, quales par est, ita nobis uidebatur bona ijs petenda esse à dijs immortalibus. Ita, inquit Cyrus, memini equidem hæc abs te audisse. Etenim necessario parendum est orationi tuæ. Nam noui te dicere semper solitum, haud fas esse à dijs petere, neq; uictoriam eos equestri pugna, qui equitare nõ didicissent: neq; sagittæ ignaros, superare illos sagittando, qui huiusmodi peritiam callent: neq; gubernandi imperitos optare nauium salutem gubernando: neq; eos, qui frumentum nõ seuerint, sibi precari triticum pulcherrimum nasci: neq; salutem petere, qui sibi in bello non cauerint: huiusmodi enim omnia esse præter diuina instituta. Sed qui optant nefasta, dicebas consentaneum esse hos æquè à dijs optata non cõsequi, atq; ab hominibus non adipisci, quæ illicita rogant. Sed illorum es ne oblitus, cum ego ac tu commentaremur, sufficiens uiri opus atq; pulchrum esse, si curare quis queat, ut & ipse honestus ac bonus omnino sit, resq; ad uictum necessarias, tum ipse, tum famuli habeant abundè: &

cum magnum hoc opus esset, ita etiam scire alijs præesse hominibus, ut habituri sint omnis res necessarias assætum, et ut futuri sint omnes, qualis oportet, hoc nobis mirabile sanè uidebatur. Ita mediusfidius ô pater, memini hoc dixisse te: itaque mihi quoq; uidebatur opus esse maximum pulchrè imperare, ac nunc eadem mihi uidentur, cum ipsum imperandi munus mecum ipse considero. Equidè cum ad alios homines oculos cōuertens animo uoluto, quales sunt qui principatū obtineant, et quales hi qui sint nobiscum decertaturi, turpißimū mihi uidetur eiusmodi homines formidare, minusq; libenter ijs obuiam ire in pugnam, quos ego, ut ab hisce amicis nostris incipiam, sentio existimare id esse operæ precium, ut rex subditis antecellat cœnæ sumptu ac magnificentiâ, auri magnitudine, diuturniore somno, utq; omnibus in rebus minore degat cum labore quam subditi. At ego arbitror decere principem subditis anteire, non dolo otio, sed prouidentia et industria. Verū quædam sunt, inquit, fili, quæ non erga homines exerceri debent, sed circa res ipsas, quibus difficilè est abundare. Itaq; ne te lateat breui perituum imperium, ubi exercitus caruerit commeatu. Atqui hunc Cyaxares ipse ait, ô pater, præbiturum sese nostris hinc proficiscentibus omnibus. Pergisne igitur, inquit, fili, fidem habens hisce Cyaxares pecunijs? Certè, inquit, ô pater. Quid, inquit, nosti quot pecuniæ ei sunt? Non mehercule, inquit Cyrus. Veruntamen fidem adhibes his rebus incertis? Quòd autem tibi grandi pecunia opus erit, et multa tibi hoc tempore alia impensa necessario faciūda est, id haud nosti? Noui equidem, inquit Cyrus. Si igitur eum, inquit, impensa defecerit, uel

Principem subditos præstare qua in re maxime deceat.

rit, uel ipse etiam ultrò mentiatur, quomodo tibi exercitus res habebunt? Videlicet nequaquã bene. Idcirco, inquit, ô pater, si quem tu redditum uides, qui quandiu inter amicos sumus, ab me quoq; præstari queat, expone. Interrogas, inquit, fili, ubi abs te pecunia parari queat? A quo magis consentaneũ est suppeditari pecuniam, q̃ ab eo, qui exercitui præsit? Tu uerò hinc agis tecum pe-
ditatum, quem scio cum alio longè maiore nõ commuta-
res. Equitatum autem Medorum, qui optimus est, sociũ
habebis. Quam ergo finitimã gentem non existimas tibi
gratificatũ iri, et obsequendi uoluntate, & metu pœnæ?
Quæ quidem tibi unã cum Cyaxare considerata sunt,
quò nunquam deficiat uobis aliquid necessarium. Quin
etiam assuescendi gratia excogitandus est pecuniarum
redditus. Hoc insuper omnium maximè memineris, nun-
quam expectandum esse, ut tum cõmeatum pares, dum
ipsa caritudo te coëgerit: sed cum maximè abundaueris,
tum ante indigentia illum strue. Etenim magis à quibus
opus fuerit, eum consequeris, cum non uisus fueris indi-
gere. Neq; præterea à tuis militibus accusabere. Magis
etiam ex hac te re alij uerebuntur. Ac si quos tuis uiris
bus uolueris uel bene afficere uel male, obsequentiorts es
milites habiturus in rerum necessariorum copia. Et ora-
tione tum uteris magis ad persuadendum appositã, cum
maximè poteris demonstrare, te satis esse qui et bene pos-
sis, & male afficere. Verũ Cyrus inquit: O pater, mi-
hi uideris hæc omnia quamoptimè dicere: et item, quòd
quæ nunc milites accipient, eorũ mihi nemo sit gratiam
habiturus, quippe qui norunt, quas ob res eos Cyaxares
socios accersit: & quòd ea præterea quæ quis accipiat,

tum sibi honori ducturi sunt, tum danti horum gratiam
cōsentaneè plurimum habituri. Qui autem vires habet,
quibus potest tum ijs amicis gratiam referre, qui de se
bene meruerint, tum de his quos habet inimicos, operā
dare ut ultionem sumat, hunc negligere pecuniæ reddi
tum putasne (inquit) minus esse turpe, quàm si quis &
agros habeat, et ad eorum cultum operarios, deinde eos
sinat ob negligentiam esse inutilis? Quare ita de me tibi
persuade, nunquam fore, ut res necessarias militibus mo
liri negligam, neq; inter hostis, neq; inter amicos. Quid
enim, inquit, fili, meministine quæ nobis olim necessariò
uidebantur non esse negligenda? Non enim memini, in
quit Cyrus, quandò ego sanè ueni ad te argentum petitu
rus, quod ei soluerem, qui dicebat sententiam rei milita
ris mihi tradidisse: & tu id mihi cum dedisses, ita me si
mul quodammodo interrogabas: Num fili in præceptis
rei militaris uir iste, cui fers mercedem, fecit ullam etiā
mentionem de administratione rei familiaris? Nihilo cer
tè minus rebus ad uictum necessarijs est opus militibus,
q̃ in domo famulis. Sed ubi ego tibi ueritatem loquens,
respondissem illum hac de re nihil omnino meminisse:
rursus ex me querebas, si quam mihi præceptionem tra
didisset de bona ualetudine, aut de uiribus corporis, per
inde atque imperatorem oporteat non secus de his re
bus, quàm de re militari habere mentionem. Cum uerò
hæc etiam negassem, rursus ex me querebas, si quam de
disset mihi doctrinam de reddendis socijs optimis circa
singula belli opera. Quod ubi etiam negassem, hoc idem
es percunctatus, dedisset ne mihi institutionem ullam de
iniicienda militibus alacritate & promptitudine, cum di
ceres

ceres alacritatem ignauiae atq; inertiae omnino prestare in omni opere. Vbi autem hoc quoq; habuisssem, quærebam item argutius, si quam habuisset orationem de præcipua imperatoris industria ad persuadendum exercitum. Quod cum negasssem omnino, rogabas me ad postremum, qua tandem ille doctrina diceret me scientia rei militaris ab sese institui. Cui cum responderem, instruendi exercitus doctrina: risisti tu quidem, mihiq; unumquodque conferens enarrasti, cui exercitus instructio utilitati foret rei militari sine commeatu, sine bona ualitudine, sine scientia dictarum artium circa rem bellicam, sine obedientia. Cumq; mihi ostendisses, nosse aciem instruere, breuem quandam esse partem rei militaris: ipseq; rogasssem, si quid horum posses me docere, iussisti abeunti mihi, ut cum his uiris differerem, qui militares habentur, & ex ijs quærerem, qua ratione hæc singillatim fierent. Ex hoc igitur tempore eorum ego consuetudine usus sum, quos huius rei prudentissimos esse audiebam. Et de alimento quidem sum persuasus id satis fore, quod Cyaxares nobis præbuerit. De bona uero ualitudine, quod & audirem, & uiderem etiam urbes, quibus bene ualere opus esset, medicos eligere, & duces militum gratia medicos educere: sic etiam ego posteaquam in hac sum dignitate constitutus, cōtinuò huius habui rei curam. Atq; existimo equidem, mi pater, me uiros habiturum mecum, qui artem medicam satis calleant. Pater igitur ad hæc inquit: Verum, fili, hi quos tu dicis, quemadmodum amictuum fracturum sunt resarcinatores quidam: sic etiā medici, cum aliqui ægrotarint, tum his mendantur. Sed tua bonæ ualitudinis cura erit, quàm horū

Cicilis locus salubris eligendus.

magnidecentior. Nam ne initio ægrotet exercitus, tibi curandum est. Et qua ego uia, ô pater, hoc agere satis queam? Si quo in loco diutius sis futurus, diligentia tibi est adhibenda primû, ut castra in salubri loces: id quod nisi neglexeris, facile assequeris. Etenim dicere homines assidue consuerunt, & qui loci morbidi sunt, & qui salubres: his uerò utrisque certissima afferunt testimonia, tum corpora, tum colores. Dein non satis est locos ipsos considerare, sed meminisse etiam debes quid ipse obserues, ut bene ualeas. Et Cyrus inquit: Primum equidem operam do, ne unquam saturer: id enim difficile est & graue. Dein uerò per laborem immissa consumo: Ita enim mihi uideor & perseuerantius bene ualere, & robustior effici. Ergo ita, inquit, tibi fili de alijs est curandum. Num, inquit, ô pater, ocium erit militibus ad exercenda corpora? Minimè, pater respondit. Non solum enim exerceri oportet, sed necessario exerceri. Nam exercitus scilicet opus est, si suo munere fungi uelit, ut uacet nunquam aut nocere hostibus, aut prodesse sibi. Permolestum est profectò hominem unû alere ocio sum: multò etiam molestius totam domum: sed omnium est molestissimû, uniuersum exercitum ociosum alere. Nam & plurima sunt in exercitu, quæ uescuntur, & quæ à minimis incipiunt, & quæ ijs, quæ ceperint, utantur affluentiissimè. Itaq; exercitû uacare nunq̃ decet. Dicis tu, Cyrus inquit, ô pater, ut mihi uideor intelligere, quem admodum ociosus agricola est inutilis, ita imperatoris nullam esse utilitatem, si uacarit. Illum autem imperatorem ego, inquit, admitto, qui nisi quis deus aduersetur, opera sua simul & cōmeatum militibus maximè redditurus

Exercitus officium.

turus, & corpora sit paraturus quoptima. Sed ob meditationes rerum omnium bellicarum, ut mihi pater uidetur, si ludos aliquos pronunciauero singulis, ac premia proposuero, eos reddam exercitatos quamoptimè, ut ad singula cum opus fuerit, eis præstò utar. Pulcherrimè, inquit, dicis fili. Hoc enim si feceris, certò scito militaris te ordines semper spectaturum ueluti choros cõuenièter suum officium meditari. Atqui ad reddendos milites alacris et strenuos nihil mihi uidetur satius, inquit Cyrus, quàm spem iniicere hominibus. Verum, Cambyfes inquit, ô fili, hoc huiusmodi est, quale si quis in uenatione canes hortetur semper eadem appellatione, qua solet ubi feram aspicit. Nam primùm alacriter parent. Quòd si eas sefellerit sæpius, ad postremum neque quando feram uerè intuens uocarit, ei obediunt. Ita etiã de spe accidit. Si quis frequenter bonorum expectationes iniiciens sefellerit, uir huiusmodi ne tum quidem potest persuadere, cum spem uerã attulerit. At nõ ea debet, fili, is dicere, quæ minus certò norit. Verum alij hæc quandoque dicendo perficiant. Adhortationem autem suã in maxima pericula seruet quamfidelissimè, opus est. Dicis tu, inquit Cyrus, mediufidius perpulchrè, ac mihi ita iucundius est. Haudquaquam mihi pater uideor imperitus, quo pacto reddendi sunt milites obediètes. Nam et tu cõtinuò me ex puero hoc docebas, cum tibi ipsi primùm parère cogebas: dein ubi magistris me tradidisti, illi quoque idem hoc agebant. Cum uerò essem in pubertate, princeps eiusdem rei uehementem habebat diligentiam. Atque leges itè plures, hæc duo mihi uidentur maximè docere, et imperare, et imperium pati. Itaque de his cogitans in omnibus mihi uidere uideor obedientiam

Obedientia in
exhortatione
consistit.

Prudentioribus
ultrò paretur.

in exhortatione maximè consistere, quæ obedientem laudat & honorat, inobedientem uerò ignominia supplicioq; afficit. Vt necessitate adducti pareant, fili, hæc est uia. Sed, quod hoc longè melius est, ut ultrò pareant, alia est uia compendiosior. Quem enim scipsis prudentiorum duxerint circa suâ ipsorū utilitatem, huic homines perlibèter obediūt. Ac noris hoc ita habere cum in alijs multis, tum in ægrotis, quòd alacriter eos uocāt, qui iussuri sunt faciunda: & in mari, quòd gubernatoribus qui unà nauigant, audiunt: & quos aliqui putarint quàm se melius uias nosse, ab ijs tanquam ab harum peritissimis ducibus abesse nunquam uolunt. Cum uerò si obediant, arbitrantur fere, ut mali quippiam capiant, neq; detrimentis admodum cedunt, neque muneribus efferruntur. Nam ne dona quidem causa mali sui sponte quis accipit. Dicis tu (inquit) pater, ad habendos obedientis milites nihil esse efficacius, quàm ut dux subditis prudentior esse uideatur? Dico id sanè. Et quo pacto de se quisquam possit, ô pater, talem opinionem celerrimè præstare? Non est, inquit, fili compendiosior uia, quàm carum rerum quarum uideri uis prudens, habere prudentiam. Quòd si de his singillatim cōsideres, faciliè cognoscas dici ab me uera. Nam si uideri uelis bonus agricola, qui nō sis bonus: aut eques, aut medicus, aut tibicen, aut aliud quippiam, cogita quot sint machinanda tibi quò uidearis talis. Quòd si tuo persuasū & te multi laudent, quò auctoritatem adipiscaris, & in eorum singulis bona ieceris fundamenta, tum modò decipias, tum paulò postea, ubi de te periculū feceris, qualis sis, arguaris, tum ostentator præterea appareas. Sed de futura utilitate, quo pacto quis

Eto quis prudens uerò fuerit? Perspicuum est, inquit, fili, ea te discendo affecuturum, quæcunq; potes per disciplinam cognoscere, quemadmodum instruere aciem didicisti. Quæcunque uerò neque per disciplinam, neque per humanam prouidentiam prospici possunt, de hisce tu per uaticinium deos consulens, sis alijs prudentior, præsertim si quod noueris factu melius, curaueris quoniam id modo agendum sit. Etenim curare quod opus sit, prudentioris uiri est, quàm negligere. Vt autem quis ametur à subditis, id quod mihi uidetur esse maximum, eadem est ratio, quæ si quis amicis charus esse cupiat. Oportere enim puto ut beneficium appareat. Sed hoc, inquit, fili difficile est, ut in eos semper beneficium conferre quis possit, in quos uelit. At illud certè potest, ut unà cum ijs lætetur, quibus aliquid boni contigerit: & unà tristetur, si quid acciderit mali: & opem ferre alacriter studeat eorum difficultatibus, & præcaueat, ne quid erarent: et enitatur prouidere, ne quid item decipiatur, quibus in rebus magis se quodammodo socium debet præstare. Atq; in rebus gerendis, si quidem in æstate fuerit, debet imperator tolerare plus solis, & id quidem nō occultè: in hyeme uerò plus frigoris, & in laborando plus laboris: hæc enim omnia conducunt ad amorem subditorum. Dicis tu quidem, inquit Cyrus, tolerantiorē esse imperatorem ad omnia oportere quàm subditos? Ita planē. Confide fili, ac scito similia corpora imperatoris ac priuati hominis, ijsdem laboribus nō similiter affici. Hos enim labores imperatori leuiore efficit, præsertim quòd intelligit in hominum esse oculis quicquid faciat. Sed ubi habuerint milites comæctum, ijsdemq; bene uas

leant, & labores perferre possint, sintq; bellicis artibus exercitati, cupiātq; uiri apparere fortissimi, libentiusq; obire imperata uelint quā detrectare, nōne quis tibi pater sapere uideatur, si uoluerit quamcelerrimē cum hostibus manum conferere? Ita, inquit, mehercule, si meliorem conditionem sit habiturus. Sin id minus, quo me censebo meliorem & meos item melioris, eo cauebo magis: quemadmodum alijs in rebus, quas nobis plurimi ducimus, has opportunē ac tutō facere studemus. Meliorem habere pater conditionem q̄ hostes, quī possit quis maximē? Non minimum, inquit, fili mediusfidius, neque simplex opus interrogas. At noris, qui hoc facturus sit, & insidiatorem esse oportere, & dissimulatorem, & dolosum, & deceptorem, & furem, et raptorem, & omni in re hostib. praeualere. Et Cyrus arridens, inquit: O Hercules qualem me pater uirū esse dicis oportere. Qualis, inquit, fili? & iustissimus sis, & legum uir obseruantissimus. Quomodo tamen, inquit, cum pueritiam pubertatemq; ageremus, his cōtraria docebatis? Ita, inquit, per Iouem. Et eadem nunc quoq; erga amicos ac ciuis. Sed ut hostis malē afficere possitis, an ignoras didicisse uos maleficia permulta? Ignoro equidem pater. Quam ob rem, inquit, discebatis sagittare? Quam ob rem iaculārī? Quam ob rem in seruitutem agere sues agrestis & retibus & foueis? Cur ceruas pedicis & laqueis? Quid autem? Nōne aduersus leones, & ursos, & pardos, ex æquo constituti pugnabatis? sed cum meliore conditione quadam semper studebatis aduersus eas bestias certare. An hæc omnia minus nosti, & maleficia esse, & deceptiones, & dolos, & auiditates? Ita, inquit, mediusfidius

dius, quo ad bestias quidem. Quòd si uisus forem uelle decipere quenquā hominem, multis uerberibus cæsus essem. Neque enim sagitta, inquit pater, neque iaculo hominē ferire permittebamus uobis, sed ad calcem propositam iacere docebamus. Et ne nunc quidem, ut in amicos utamini maleficio hortamur. Quòd si quando bello utendum foret, possetis & in homines ictum dirigere, atque decipere, & auidius habere. Non aduersus homines uos erudiebamus, sed in bestias, quò ne in his quidem amicis noceretis. Verum si quando belligerandum esset, neque harum rerum exercitatio uos latèret. Si ergo, inquit, pater conducit horum utrorunque scientia, & beneficiorum & maleficiorum, hæc quoque docenda fuerant aduersus homines. At dicitur, fili, fuisse olim apud maiores nostros uirum quendam magistrum puerorum, qui pueros iustitiam docebat, quemadmodum etiam ipse iubet, non mentiri & mentiri, & non decipere & decipere, & non calumniari & calumniari, & nolle plus habere & uelle plus habere. De finiebat etiam quæ horum erga amicos faciunda essent, & quæ aduersus inimicos. Atque in hanc sententiam docebat iustum esse amicos fallere, uidelicet propter bonum, & furari amicorum bona propter bonum. Qui uerò hæc docebat, necesse erat pueros inuicem exerceat ad hæc faciunda: quemadmodum dicuntur Græci docere pueros in luctatione decipere, eosque exercere inter sese, quī facere hoc possint. Cum ergo aliqui ita essent ingeniosi & ad bene decipiendum, & ad plus habendum, fortassis etiam non obtusi ad lucrandi studium, hi ne ab amicis quidem abstinebant, quo minus

tentarent ab his locupletari. Quam ob rem ex his manauit lex, qua hoc etiam tempore utimur, simpliciter pueros docendos esse, quemadmodum erga nos ipsos erudimus famulos, uerum dicere, & non decipere, neque habendi auiditati studere: quos si secus egerint, supplicio afficimus, quò assuefacti huiusmodi consuetudine, ciues reddantur mitiores. Sed ubi habuerint ætatem, qua nunc ipse es, etiam quæ aduersus hostes iuxta seruanda sunt, se curum uisum est docere. Non enim amplius uidemini incitari, quàm ciues immanes efficiamini, cum ad mutuū pudorem sitis educati. Sicuti de rebus uenereis uerba non facimus admodum ad iuuenes, ne addita ad uehementē libidinem desidia, ea iuuenes utantur immoderatē. Mediusfidius, inquit Cyrus, me igitur perinde ac tardum ad discendum, si quid habes pater harum auiditatū, docere ne parcito, quò ipse plus habeam, quàm hostes. Molire igitur pro ea quāta tibi est acies instructa, adoriri hostes imparatos, & armatus inermes, & uigilans dormientis, & apparentis improuisus: & qui in locorū difficultate sunt, tu eos tuto in loco excipito. Et quomodo, inquit, pater in istiusmodi erratis hostes deprehendantur? Quoniam, inquit, fili multam huiusmodi occasionem necesse est & à uobis & ab hostibus præberi. Necessariò utriq; frumentatum itis, utriq; cubatis, & manè ad res necessarias ferè unà omnes secedere oportet, & uis qualescunque sint necesse est uos uti: quæ omnia tibi uolutāda sunt animo. Et qua in re noueris nos esse maximè imbecillos, hæc tibi maximè est cauenda. In qua uerò senseris hostes esse captu facillimos, in hac eos potissimum adorire. Vtrum, inquit Cyrus, in his solum studendum est, ut simus

superiores

superiores, an etiam in alijs quibusdam? Et in alijs longè magis, inquit, fili. Nam in his propè omnes faciunt custodias acerrimas, quippe qui norunt esse necessarias. Qui autem hostis decipiunt, possunt eos tum iniecta fiducia, incautos offendere, tum fugadi sui facultate tradita, reddere turbatos, tum simulata fuga, in locos difficilis subducere, hicq; adoriri. Est igitur, inquit, opus ubi hæc omnia studiosè didiceris, non his solum utaris, sed tuo quoque ingenio alia aduersus hostis moliare: quemadmodum musici non his utuntur duntaxat, quos didicere, sed alios novos modulos facere student. Ac sicuti in musicis quoque noua & florida habentur plurimum in precio, sic in rebus bellicis noua inuenta existimantur longè illustriora, quoniam hæc magis queunt hostis decipere. Quòd si tu fili, uel aliud nihil ad homines transferas, quàm ea inuenta, quæ propter bestiolas excogitabas, non putes admodum meliorem esse conditionem aduersus hostis? Tu enim ad capiendas aues in uehementissima surgens hyeme ibas noctu: & priusquam mouerentur aues, his plagellas ob hanc rem figebas, & quem locum moucras, erat immoto persimilis. Erantq; aues quædam abs te edoctæ, quæ & utilia tibi suppeditarent, & eiusdem generis auis deciperent. Ipse uerò ita eras in insidijs locatus, ut auis aspiceres, nec aspicereris ab auibus. Num te exercueras, ut assequereris auis plagellarum tractu, an ut fugere eas sineres? Aduersus leporem uerò, quoniam in tenebris pascitur, diem autem uitat, canes alebas, quæ odoratu eum inuenirent. Et qui celeriter fugeret, ubi esset inuentus, alias habebas canes, quæ erant eruditæ ad eum interceptum. Quòd si ab ijs etiam euasisset, cognito lepo-

rum transitu ac saltu, & ad quos locos fugientes, à uentoribus capiuntur. Hic casses uisu difficiles tetendisses, quò in uehementi cursu ipse seipsum incidens conuinceret. Quò autem neq; hic diffugeret, eius rei speculatores constituebas, qui ex propinquo loco euestigio superuenirent, atq; ipse tu à tergo clamore obstrepens, cōtinuò ita leporem exterrebas, ut stupidus caperetur. Qui uerò antè erant in insidijs, hos tu silentiū edoctos obseruare, latère faciebas. Quemadmodū igitur antè dixi, si res huiusmodi uelles etiā aduersus homines ipsos excogitare ac moliri, nescio equidem si quid rerum bellicarum prætmitteres. Si quando igitur necesse fuerit & in campestri planitie, & aperto Marte, et armatis utrisque manū conferere, in huiusmodi casu, fili, cōditiones quæ paratæ meliores fuerint, plurimū possunt. Has autem esse dico, si & milites bene fuerint exercitati corporibus, & animis bene excitati atq; acres redditī, & meditationibus bellicarum artium bene instructi. Hoc te præterea quamoptimè oportet nosse, quicumq; ipse duxeris dignum ut tibi pareant, eos omnis dignū iudicaturos, ut talis sis, qui præcipuè sibi consulas. Nunquam igitur temerè tibi habendum est, qui antea noctu cōsideres, quid subditos facere oporteat, cum dies aduenerit. Interdium uerò quomodo res nocturnæ perpulchrè sint ordinandæ, & quo pacto sit instruendus ad pugnam exercitus, aut quomodo interdium ducendus sit, quomodo noctu, uel angustis, uel latis itineribus, uel montuosis, uel campestribus. Aut quī sit castramentandū. Aut quomodo nocturnæ excubiæ, diurnæ uel custodiæ sint constituendæ. Aut quo pacto sit uel adigendus aduersus hostis miles, uel

ab ho

ab hostibus abigendus. Aut qua ratione aduersus hostilem urbem oporteat exercitum ducere. Aut quo pacto is ad murum ducendus sit, aut inde abducendus: aut quo modo uel per nemora sit, uel per flumina transeundum: aut qua item ratione tuendus sit equitatus: aut qua uia iaculatores sint sagittarij ue custodiendi. Siq; ubi tu exercitum ducas in cornu, hostes superuenerint, ut is contrà sit disponendus. Quòd si ubi illum agas in phalange, ex alio quopiam loco hostes appareant q̄ ad faciem, qua sit ratione illis occurrendum, quò aut quæ geruntur ab hostibus quis maximè sentiat, aut res tuas minimè hostes sciant. Hæc autem omnia quid tibi dicam esse opus? Nam quæcunq; ipse teneam, persæpe audisti, præsertim quòd si quis horum aliquid scire uideretur, eorum nihil neq; neglexeris, neq; minus didiceris. Oportet igitur cum aliqua huiusmodi acciderint, his uti præceptis, quæcunq; tibi conducere uideantur. Disce præterea uel in primis hæc ab me fili. Nam præter sacrificia & auguria neque solus, neque cum exercitu ullum discrimen adeas, animo uolutans solere homines res gerendas eligere coniectatione potius, quàm quòd norint, à quibus ipsarum rerum bona futura sint. Verùm scias ea esse ab his, quæ eueniunt. Multi enim persuaferunt ciuitatibus, & hi quidem qui sapientissimi uidentur, aduersus hos bellum suscipere, quorum ea usæ persuasionibus periere. Multi etiam auxere multos & priuatos homines & respublicas, quorū amplificatio ijs maxima attulit mala. Multi quoque his, quibus poterant amicis uti per mutua beneficia, cum maluissent seruis uti quàm amicis, his ipsis dedere pœnas. Multi item non contenti ea uitæ parte,

quæ in uoluptate est posita, cum uoluisent omnium esse domini, propterea amiserunt etiam quæ habebant. Multi quoq; ubi diuitias quas maximè optabant, adepti essent, propter illas perierunt. Et ita humana sapientia nihilo magis nouit expetere summū bonum, quàm si quis hoc agat, quod ei sorte tributum est. Sciunt enim, charissime filii, dii immortales omnia & præterita & præsentia, & quæ sunt exijs singillatim euentura: consulentibusq; hominibus, dii ipsi quibuscunq; sint propitij, antè significant, quæq; faciunda sunt, quæq; non faciunda. Quòd si minus omnibus consulere dii uolunt, nihil est mirandum. Non enim coguntur necessitate ea curare, quæ nolint.

XENOPHONTIS DE PAEDIA
CYRI LIBER SECVNDVS, FRANCISCO
Philelpho interprete.



CUM talia differentes, ad fines usque Persidis uenissent, essetq; his aquila de xtera apparēs itineris dux facta, deos heroasq; precati, terram colentes Persida, ut se propitij mitterent ac mites, ita fines superarunt. His uerò superatis cum rursus orationem habuissent ad deos qui Mediā habitant, ut se propitij mitesq; exciperent, mutua se charitate pro dignitate complexi, pater Cambyses reuertit in Persas, Cyrus filius in Medos ad Cyaxarem proficiscitur. Quò cum uenisset, primum, ut par erat, se inuicem amicè complexi sunt: dein rogabat Cyrum Cyaxares, quātum agmen duceret. Cui respondit Cyrus, uiginti millia à sese duci, qui
 & an

Et antea ad uos ierant stipendio conducti. Alij etiam qui nunquam egressi sunt, præter hos, ueniunt ex ordine optimatum. Hi quot sunt? inquit Cyaxares. Numerus, inquit Cyrus, si audieris, sit tibi minimè iucundus. Sed illud cogitato, quòd pauci optimatis, qui ab honoris paritate homotimi uocantur, facile in alios Persas, qui sunt permulti, imperiũ gerunt. Verũ num tibi ijs opus est? an frustra timuisti? Hostesne fortasse non ueniunt? Veniunt, inquit, certè, et multi quidem. Quĩ hoc nosti? Quoniã, inquit, multi qui inde ueniunt, alius alio modo, omnes tamen idem dicunt. Certadum est igitur nobis aduersus uiros? Est enim, inquit, necessarium. Quid igitur, inquit Cyrus, nondum uires dixisti mihi, quantæ sint adorientiũ hostium, ac item nostræ, quò ambabus cognitis, ad hæc nos cõsultemus, ut certemus optimè? Accipe igitur, inquit Cyaxares. Croesus quidem Lydus ducere fertur secum equites decẽ millia: scutatos uerò atq; sagittarios pluris quadraginta millibus. Sed Artaman, qui magnæ Phrygiæ est princeps, aiunt ducere equites ad octo millia: hastatos autem simul cum scutatis non paucioris quàm quadraginta millia. Aribæũ autem Cappadocum regem equites ducere sex millia: sagittarios uerò et scutatos non paucioris triginta millib. At Maragdum Araba, et equites ducere ferunt ad decem millia, et currus centum, et funditores magno quodam numero. Atqui Græci qui habitant in Asia, nondum certò dicitur, an sequuntur. Sed qui sunt ex Phrygia quæ Hellesponto adiacet, eos commisceri tradunt Gabæo, qui habet ad Caystrium campum sex millia equitum, et scutatos ad decem millia. Caras quidem ac Cilicas et Paphlagonas uel rogatos minimè aiunt sequi. At Assyrius qui ha-

bet & Babylona, & aliam Assyriam, ut existimo, ducet equites non paucioris quam uiginti millia: currus, id quod certò scio, non pluris quam ducentos: pedites uerò, ut arbitror, permultos. Ita enim consueuit, cum huc impetum facit. Tu, inquit Cyrus, hostes esse dicis equites sexaginta millia, scutatos autem & sagittarios plus quam ducenta millia, agè nunc exercitum tuum quantũ esse dicis? Sunt, inquit, Medi equites quidem supra decem millia. Scutati uerò & sagittarij fiant in nostro scilicet regno, saltẽ sexaginta millia. Ex Armenijs uerò, qui finitimi nobis sunt, equites aderunt quatuor millia, pedites uiginti millia. Dicis tu, inquit Cyrus, equites nobis esse minus quam tertiam partem hostium equitatus, pedites uerò circiter dimidium? Quid igitur, inquit Cyaxares, non paucos esse putas Persarum pedites, quos ais ducere? Si uiris, inquit Cyrus, nobis etiam opus est, siue non est, rursus consultabimus. Verum pugnam mihi dicito, quæ est cuiusque. Ferè, inquit Cyaxares, eadem est omnium. Sagittarij enim sunt ac iaculatores, & illorum, & nostri. Ergo in armis huiusmodi, inquit Cyrus, opus est uti ferentariorum diminutione. Necessariò enim, inquit Cyaxares. In hac igitur re plurimũ est uictoria. Longè enim celerius pauci à multis uulnerati absumentur, quam à paucis multi. Si ergo ita res habet Cyre, quid aliud quis inueniat melius, quam mittere in Persas, unaq; docere, si quid mali Medi patiantur, fore, ut in Persas clades eat, simulq; maioris copias petere? At hoc uelim scias, Cyrus inquit: Neque si omnes ueniant Persæ, possimus hostes multitudine excedere. Num hac re aliud quicquam melius intueris? Equidem, inquit Cyrus, si facultas sit, arma facerem quamprimum Persis
omnia

omnibus adueniētibus, qualia his sunt ueteranis, qui à nobis uocantur homotimi. Hæc autem sunt circa pectus thorax, & cratis in læua manu, & mucro aut securis in manu dextra. Si hæc nobis paraueris, facies ut & ipsi securius obuiam eamus aduersus hostis, et hostes fugere quàm manere magis expetāt. Instruimus autem nos ipsos aduersus illos qui manserint: uobis uerò equitibusq; uestris illos tribuimus, quicūq; ex ijs fugerint, quò neq; manendi, neque reuertendi facultatem habeant. Cum Cyrus ita dixisset, essetq; Cyaxari uisum cum bene dicere, de plurib. accersendis militibus nullam amplius mentionem faciebat, sed antedicta parabat arma, quæ propè parata erāt, cum iam adessent Persarum homotimi, qui Persicū habebant agmen. Hic igitur Cyrus his uocatis in concionem, ita locutus traditur: Ego uos intuens uiri amicissimi, ita instructos armis & animis paratos ad manum cum hostib. conferendam, cognoscens etiam Persas qui uos sequuntur, ita esse armatos tanquam ad pugnam maximè propinquam sint collocati, uereor ne pauci atq; nudi socijs conredientes cum hostium multitudine, aduersi quippiam patiamini. Nunc igitur cum ueneritis habentes proborum uirorum corpora, & socijs arma futura sint nostris similia, uestrū opus erit eorū animos acuere, ad pugnaq; fortis reddere. Decet enim principem non se bonum præstare duntaxat, uerum etiam pro subditis diligentiam gerere, ut quamoptimi sint futuri. Cyrus ita locutus est. At hi omnes letati sunt, cum putarent sibi esse cum maiore multitudine dimicandum, quorum unus huiusmodi uerba habuit: At ego absurdam fortassis habere uidebor orationem, si Cyro consulero, ut pro nobis aliqua uera

Cyri oratio.

ba faciat, cum hi arma ceperint, qui nobiscum unà in pugnam socij sunt ituri. Enimuero cognoscere mihi uideor eorum orationes, qui plurimum ualent & ad bene & ad male agendum, has maximè reddere auditores persuasos: siq; à talibus dentur dona, quanquam etiam minora sunt quàm ea quæ à sui similib. uiris dantur, ea tamen pluris æstimât, qui accipiūt. Et nunc, inquit, astantes Persæ maiore cum uoluptate Cyri adhortationem, quàm nostram excipient. Et in homotimorum ordinem constituti, hoc sibi munus certius ducent, si & à regis filio & ab imperatore collatum fuerit, quàm si à nobis idem hoc fiat. Quanquam ne nostræ quidem adhortationes abesse debent, omni tamen modo uirorum animositas acuenda est omnino. Nobis enim hoc conducet, quomodocunq; hi meliores fiant. Vbi ergo Cyrus ita in mediū arma posuisset, atq; omnis Persarum milites conuocasset, huiusmodi orationē habuit: Vos uiri Persæ, ut & in eodem estis, ubi nos, orti solo atq; enutriti, & corpora nihilo quàm nos, habetis deteriora: ita & animos uestros nihilo esse conuenit nostris humiliores. Cum tales autem estis, nō tamen in patria ijsdem quibus nos, honoribus fungebamini: & ne id quidem, quòd per nos essetis expulsi, sed quia necesse foret, uobis necessaria pararetis. Nunc uerò ut hæc sitis habituri, mihi cum diuina benignitate erit curæ. Licet autem uobis, si libuerit, acceptis armis qualia nobis sunt, & si quid estis quàm nos inferiores, ijsdem nobiscū obire periculū: et si quid boni ac præclari ex hisce euenerit, æquè atq; nos ipsos honorari. Superiore tempore & uos sagittarij iaculatoresq; eratis, & nos item. Ac si quid eratis quàm nos, ad hæc faciunda deteriores, nihil mirandum.

Oratio Cyri.

Non

Non enim erat uobis ut nobis ocium circa horum diligentiam. In hoc autem armorum genere uobis nihilo præstābimus. Thorax erit circa pectus accommodatus cuiq; & cratis in manu leua, quam omnes gerere cōsueuimus. Gladius autē uel securis in manu dextra: quibus quidem ipsis ut percutiamus aduersarios opus erit, minime cauētes, ne quid percutiendo aberremus. Quid igitur in his alter nostrū alteri præstiterit, præterquā audentia, qua nō minus uti uos decet, quā nos ipsos? Appetere enim uictoriam, quæ præclaras res omnis atq; optimas & adipiscitur & tuetur, quid nobis magis quā uobis conuenit? Et imperio, quod eorum qui uicti sunt, omnia uictoribus enlargitur, quid nobis magis opus est quā uobis? Ad postremum ait: Audistis omnia, aspiciate arma, & hæc qui eget, capiat, describaturq; apud ordinis centurionē in similem ordinem, quo descripti nos sumus. Cui autem satis est in mercenarij loco esse, maneat inter ministrādi arma. Cyrus ita locutus est. Quibus auditis Persæ putauerūt fore, ut iurē in omne æuum uitam per inopiā agerent, si exhortati ad similem laborem, quo eadem ipsi præmia consequerentur, facere id noluerint. Ita igitur describuntur omnes, & arma omnes acceperunt. In quo uero tempore aduentare hostes dicebantur, ac nondum aderāt, interim enitebatur Cyrus ad uires suorum corpora exercere, docereq; ordinandos milites, & ad res bellicas animos acuerre. Quare acceptis primum à Cyaxare ministris, ijs imperauit, ut abundē singulis militibus omnia præberēt effecta, quibus foret illis opus. Hoc autem cum parasset, eis reliquit aliud agendum nihil, quā res bellicas exercere, illud arbitratus didicisse, hos circa singulos esse optimos,

qui parcētes rebus plurib. mentem adhibere, circa unum uersarentur opus. Quare ex ipsis rebus bellicis sagittæ ac iaculi meditatione sublata, hoc solum eis reliquit, ut cum gladio crateq; & thorace pugnarent. Quo factum est, ut continuo paratis eos redderet animis, qui aut irent obuiam hostibus, aut concederent se pro nihilo esse habendos socios. Hoc autem molestum est ijs concedere, qui norint se ob aliud nihil ali, quàm. ut pro alentibus sint pugnaturi. Ad hæc item cum cogitasset, hæc homines longè male exercere, quorum gratia lites contentionesq; oriūtur: & ijs ludos pronūciauit omnium rerum quasq; à militibus exerceri cognouit utile esse factu: & hæc pronūciauit, ut homo priuatus principib. se præstaret obedientem, & laboris cupidum, & periculi studiosum cum modestia, & gnarum rerum militarium, & in armis elegantem, & in omnibus huiusmodi rebus ambitiosum. Quincurioni uerò se talem exhiberet, qualem bonum decet priuatum, & talem quoad eius fieri potest quincuriam præstaret, & decurioni itidem decuriam, & primipilo manipulum, & ordinis centurioni eodem modo se præberet, nulli culpæ obnoxium circa eorum principum diligētiam, qui sub illo sunt, quò illi rursus præstarent, ut hi quibus præsumt, suo fungerentur officio. Præmia etiam declarauit ordinum centurionibus: eos, qui uisi forent parasse ordines optimè, tribunos futuros: & primipilis, qui uisi essent optimos reddidisse manipulos, eos ascensuros in centurionū ordinū locos, & optimos decuriones in primipilos constituendos, ac item quincuriones optimos in decurionū locos constitutū iri. Qui uerò inter priuatos excelluissent, in quincurionū locos ascensuros. Existebat autem

Præmia militib.
decernuntur.

omnibus

omnibus his principibus primū, ut à subditis colerentur. Dein alij quoq; honores conuenientes cōsequebantur. Et aliæ quædā spes maiores uiris dignis accumulabātur, ac laudes, si quid maioris boni in uenturo apparuerit tempore. Pronūciauit etiā præmia uictoriæ et ordinibus totis, & manipulis totis, & eodem modo decurijs, & quincurijs, si uisæ fuerint tum suis præsidib. maximè parère, tum ea quæ antea sunt dicta alacriter exercere. Erant autē ea præmia ijs proposita, qualia in multitudine decē. Hæc igitur & pronūciabantur, & ab exercitu exercebātur. Tabernacula uerò parauit ijs Cyrus tum multitudine pro numero centurionū ordinū, tum magnitudine pro sufficientia ordinis. Erat ordo quilibet centū uiri. Ita igitur pro ordinib. erant in tabernaculis. Videbātur hi citò hanc utilitatē consequi ad futurū certamen, quòd inuicē se aspicerent identidē alij: neq; ea inesset excusatio, quòd propterea aliud alio sit aduersus hostestimidiore, quoniā minus bene tractetur. Videbātur etiā iuuari, quòd simul habitātes se inuicē cognoscerēt: at in mutua notitia innascitur magis omnib. uerecūdia. Qui autē ignorātur, uidentur procliuiiores quodāmodo ad desidiā, tanq̃ uersentur in tenebris. Videbantur etiā Cyro maximā consequi utilitatē ad ordines diligēter exquirēdos propter contuberniū. Habebāt enim et ordinū centuriones sub sese ordines ornatos, quādo singillatim ordo proficisceretur, & primipili manipulos eodem modo, & decuriones decurias, & quincuriones quincurias. Constituere autē ordines diligenter, uisum est ei plurimū cōducere et ad non turbandū, & ut celerius restituerētur, si turbati essent, ueluti et lapides & ligna si copulari oporteat, ea utcūq; prostrata fuerint, si

cilinè coaptantur, si manifestas habeant notas ex quo sit
 loco ipsorum quodq;. Quòd simul alerentur, uidebantur
 ei etiam utiliter agere, ut minus inuicē se defererēt, quòd
 intuerentur bestias quoq; simul enutritas incredibili duci
 sociarum desiderio, si quis eas ab inuicē distraheret. Vte-
 batur præterea Cyrus hac diligētia, ut nunquā nisi prius
 sudassent, ad prædium cœnamq; introirent. Aut enim ad
 uenationem educendo ut sudarent faciebat: aut ludos ta-
 les excogitabat, qui sudorem essent præbituri: aut etiam si
 quid eum agere oporteret, ita ducem se præstabat ad rem
 gerendam, ut sine sudore non redirent. Hoc enim sciebat
 ad suauiter etiam uescendum esse bonum, & ad bonā uas-
 letudinem, & ad laborem sustinendum. Præterea existima-
 bat labores conducere, ut forent inuicem mansueti magis,
 quòd & equi inuicem laborantes mansuetius simul stare
 consuerunt. Atq; aduersus hostes elatiore sunt animo, qui
 bonæ exercitationis sibiipsis conscij sunt. At sibi Cyrus ta-
 bernaculum id parauit quod satis ijs foret, quos inuitaret
 ad cœnam. Inuitabat autem frequenter centuriones ordi-
 num, quibus tempus datum esset opportunum. Interdum
 & primipilos, & decuriones quosdam quincurionesq;
 inuitabat. Interdum uerò et quincuriam totam, & totam
 decuriā, & totum manipulum, et ordinem totum. Quan-
 doque etiam milites quosdam. Inuitabat præterea atque
 honorabat, cum aliquos uideret, qui huiusmodi quiddam
 fecissent, quod eos facere uolebat. Quæ autem appone-
 rentur in mensam, paria erant semper & ipsi, & inuita-
 tis ad cœnam. Et ministris exercitus æqualem portionem
 semper faciebat esculentorum omnium. Nihilo enim mi-
 nus militum ministri ei honorandi uidebantur, quàm ca-
 duceato=

duceatores, quàm oratores: ut enim fideles putabat hos esse oportere, & peritos rerum militariũ, & callidos in-
super, & uehementis, & celeris, & impigros, & mode-
ratos. Ad hæc intelligebat Cyrus esse omnia et tenēda &
exercenda ministris, quæ habentur ab his qui optimi du-
cuntur, quò nullum hi opus recusent facere, sed putent o-
mnia esse ab se gerenda, quæcũq; sunt à principe impera-
ta. Et eam sanè diligentiam semper Cyrus adhibebat cum
esset unà cum suis in tabernaculo, ut & iucūdissimi simul
sermones inijcerentur, et qui ad bonas actiones incitarēt.
Itaq; deuenit olim in hunc sermonem: Num, inquit, ô uiri
amicißimi, ob hanc rem uidentur cæteri homines esse ali-
qua ex parte nobis inferiores, quòd nō eodem sunt modo
instituti, quo ipsi sumus? an à nobis nihil differunt, neque
in congressibus, neq; ubi cum hostibus sit certandum? Et
Hystaspas excepit, inquiens: Vt eiusmodi uiri in hostis fu-
turi sunt, equidem non intelligo. Nam in conuictu diffici-
les mediusfidius aliqui eorum uidentur, ac morosi. Misit
nuper Cyaxares hostiarum carnes in ordines singulos, et
rantq; carniũ frustra cuiq; nostrũ tria, aut etiam plura,
quæ circumferebantur. Atq; à me principium coquus fe-
cit primũ circumferens obsonium. Cum uerò secundum
circuiret obsonium illaturus, iussi, ab ultimo principium
faceret, retroq; circumferret. Exclamans igitur quispiam
ex his militibus qui in medio circulo discumbebant: Per Io-
uem, inquit, horum nihil est æquale, siquidem à nobis qui
sumus in medio, nemo unquam incipiet. Quibus auditis,
ego profectò turbatus sum, si quid illi minus habere uide-
rentur, eumq; continuò ad me uocaui: hic autem permo-
destè paruit. Verũ ut ea quæ circumferebantur, ad nos

uenere, tanquā, ut arbitror, ultimos ea sumentis, minima relicta erant frustra. Hic ille manifestò admodum tristatus est, dixitq; ad seipsum in malam fortunam quod huc inuitatus uenerim. Ad quem ego dixi: Ne cura, rursus à nobis confestim incipiet, & tu primus maximū capies frustum. Interimq; circumferebatur tertium, id quod erat reliquum, atq; cepit ille. Cui cum uisum esset exiguum cepisse obsonium, quod ceperat, posuit, tanquam alterū sumpturus: cum illum coquus arbitratus nihilo amplius egere obsonio, abiens circumferebat prius, quàm ille alterum sumeret. Hic autem grauitè adeò rem tulit, ut consumeretur ei, quod cepisset obsonium. Quod autem adhuc intinellionis ei reliquum erat, hoc, quia esset animo quodammodo perturbato fortunæq; iratus, ita male affectus euerit. Primipilus autem qui nos proximè discumbebat, rem intutus, manus inuicem complofit, ridensq; letabatur. At ego tussire simulabam, quippe qui neq; risum poteram continere. Talem igitur tibi Cyre unū ex sodalibus demōstro. Ad hoc igitur ut par erat, riserunt omnes. Alius uerò quidam ex ordinum centurionibus: Huic, inquit, Cyre, ut uidetur, accidit ita difficulter: ego autem ut tu nobis edoctis ordines misisti, iussistiq; ut quisq; suum doceret ordinē ea, quæ abs te didicimus: ita igitur ipse quemadmodum etiam alij faciebant, ubi uenissem, unum manipulum docebam. Et ubi statuissem primipilum primum, ordinasseq; post eum uegetum quendam iuuenem & alios, ubi opus esse existimabam: dein stans ex anteriore parte in manipulum respicerem, ubi mihi uisum est tempus esse, iussi procederet: & uegetus ille uir tuus procedens, prior quàm primipilus proficisciebatur: quod ego intutus, dixi: Homo

quid

quid facis? et ille inquit, Procedo ut ipse iubet. cui respon-
di: At ego non te solum, sed omnis procedere iubebam. Id
ille audiens, ad manipulares conuersus, ait: Non auditis
imperantem procedere nos omnis? Et uiri illi omnes præ-
tereuntes primipilum ierunt ad me. Sed ubi primipilus eos
reduxisset in locum, stomachabatur, dicentes, Viri paren-
dum sit: nunc enim alter iubet nos procedere, alter uetat.
Et ego hæc æquo animo ferens, eos rursus disposui conse-
stim, iubēs ne quis ex posteriorib. moueretur prius q̄ ante-
rior duceret: sed hoc solum omnes aspicerent, sequi ante-
riorē. Cum uerò quis in Persas abiēs uenisset ad me, qui si-
bi epistolam dari peteret, quam ad meos scripseram: et e-
go, quoniam primipilus sciret ubi posita ea foret, iussis-
sem ei, ut curreret, epistolamq; ferret, ille quidem curre-
bat: iuuenis uerò ille habitior primipilum sequebatur unā
cum thorace & mucrone: atq; alius uniuersus manipulus
illum intutus unā currebant, ueneruntq; uiri illi ferentes
epistolam. Ita, inquit ille, meus manipulus curat diligēter
omnia pro iussu tuo. Atque alij quidem meritò ridebant,
quòd armati ferrent epistolam. Cyrus uerò inquit: O Iupi-
ter optime maxime, coelitesq; omnes, cuiusmodi uiros so-
cios habemus, qui usque adeo sunt cultu faciles, ut minimo
etiam obsonio magnus imparium numerus in amicitiam
queat induci: ita autem sunt obedientes, ut antea pareant,
quàm imperata cognorint. Equidem nescio qui magis op-
ptādi sunt, quàm huiusmodi milites. Cyrus quidem ita mi-
lites laudauit. Erat etiam in tabernaculo unus ex ordinum
centurionibus Aglaitadas nomine, uir moribus seuerissi-
mus, qui ita quodāmodo est locutus: Quid enim, inquit,
putās ne Cyre hosce uero hæc dicere? Sed quid uolunt,

Ostentator
quis.

inquit Cyrus, quapropter mentiātur? Quid aliud, inquit, nisi ut risum moueāt, cuius rei gratia hæc loquūtur, & se ostentant. At Cyrus inquit: Bona uerba quæso, noli hos dicere ostentatores: ostentator enim nomen mihi uidetur esse propter eos positum, qui simulant & ditioris se esse, quàm sunt, & fortioris: et qui pollicentur ea se facturos, quæ nequeunt, præsertim cum manifestum sit hæc ab his fieri accipiendi aliquid ac lucrandi gratia. Sed qui risum cōiuiis moliuntur, neq; propter ipsorum lucrum, neque propter audientiū detrimentum, neq; ut noceāt cuiquam prorsus, quare hi minus urbani ac faceti iurè nominētur, q̃ ostentatores? Et Cyrus quidem ita respondit de his, qui risum præbent. Ipse autem ordinis cēturio qui narrat manipuli ridiculum, inquit: Si quidem Aglaitada fletum facere studeremus, nos admodum reprehenderes, quemadmodum aliqui etiam in carminibus & in orationibus miseria bilia quædam scribentes, lachrymas nituntur inducere: quandoquidem nunc ipse quoq; intelligens uelle nos quædam letitia te afficere, nocere autē minimè, nos tamen magnæ ignominie tibi ducis. Ita est medius fidius, inquit Aglaitadas, ac iurè id quidē. Nam qui amicos ad risum mouet, uidetur is mihi sanè rem efficere minoris æstimādam, quàm qui eos multis in rebus ad fletū inducit. Quare ipse nunc si rectè cōsideres, uera à me dici reperiēs. Et parentes quidem reddunt filios fletibus temperantes, & magistri pueros bene eruditos. Ac leges ad iustitiam ciues impellunt, quia fletibus eos instituūt. Ridiculos autem homines possis ne dicere aut corporibus prodesse, aut animos reddere ad gubernationem rei domesticæ, ad administrandam uicinitatem aptiores? Hinc Hystaspas in hunc modum

dum locutus est: Tu, inquit, Aglaitada, si mihi obtemperes, in hostes fidenter consumes hoc pluris æstimandum, ut inducas illos flere: & quod minimi ducendum est, nos hosce amicos omnino ridere affatim effcito. Etenim scio tibi risum permultum esse repositum. Nam neque utens eum consumpsisti, neque amicis, neque nobis hospitibus ultrò præbes. Itaque nulla tibi excusatio est, quo minus præbeas nobis risum. Ad quod inquit Aglaitadas: Et putas tu Hystaspa ex me risum facere? Et ordinis cēturio inquit: Ita mehercle amens est igitur, quoniam facilius quis ignem excuderit, quàm exigat ex te risum. Ob quod dictum & alij riserunt, eius cognoscentes ingenium, & Aglaitadas ipse leniter subrisit. Ac Cyrus eum intutus exhilaratum: Iniuriam, inquit, facis ordinis centurio, quòd uirum nobis corrumpis ac uitias grauissimum et optimum, dum risum ei persuades, præsertim qui adeò hostis sit risui. Ei hæc quidem huiusmodi dicebātur. Dein uerò Chrysantas ita locutus est: At ego, Cyre, cum hisce unà omnibus cogito egressos esse nobiscum alios plurimi, alios mini faciundos. Si quid autem boni contigerit, dignum hi omnes iudicabunt æqualem habere portionē. At nihil inter homines esse inæqualius duco, quàm & ignauum & fortem uirum de æqualitate certare. Ad quod Cyrus inquit: Num igitur uiri Persæ, per deos immortalis, nobis est optimum sententiam hac de re iniicere in exercitum: Vtrum uideatur, si quid boni ex laboribus deus dederit, facere omnibus æqualem portionem: an potius consideratis cuiusq; operibus, ad horum rationem honores esse cuiq; reddendos? Et quid opus est, Chrysantas inquit, hac de re ad exercitum referre, ac non pronunciare potius te ita fa-

cturum? Nōne et ludos ita pronunciaſti, & præmia? At
 mediusfidius, inquit Cyrus, nō ſunt hæc illis ſimilia. Quæ
 enim militādo acquirent, communia ſibi, ut arbitror, cen
 ſebunt. Exercitus uerò imperium putabūt fortāſſis etiam
 à domo in me eſſe collatum. Itaq; ſi præfectos conſtituo,
 nulla me uti putant iniuria. An etiam cenſeſ, Chryſantas
 inquit, decernere poſſe coactam multitudinem, ut minus
 æqualis portiones ſinguli conſequantur, ſed uiri fortiſſi
 mi honoribus donisq; antecellant? Puto equidem, inquit
 Cyrus, tum cohortantibus nobis, tum etiam quia turpe ſit
 aduerſari, ne qui plurimū laborat prodeſtq; reipub. maxi
 ma item præmia iurè cōſequatur. Puto autem uel timidif
 ſimis conducibile uiſum iri, uiris fortibus meliorē eſſe con
 ditionem. Quapropter uolebat Cyrus & ipſorum homo
 timorum gratia, hoc decretum fieret. Nam & hos ipſos
 exiſtimabat fore melioris, ſi uiderent ſe quoq; ex operibus
 ipſis iudicatos, digna conſecuturos eſſe præmia. Tempus
 igitur ei uidebatur nūc eſſe hac de re conſultandū, quādō
 etiam homotimi uerebantur de æquali uulgi portione. Ita
 igitur hi quoq; cenſebant, qui erant in tabernaculo, ut res
 poneretur in conſultationem, ſuadereturq; per eum, qui
 uir eſſe putaretur: cum arridens quidam ex ordinum cen
 turionibus, ait: At ego noui uirum etiam plebeium, qui
 nō fruſtra moleſtè fert, adeò æqualem eſſe portione. Ali
 us quærebat, hunc quemnam eſſe diceret. Cui ille reſpon
 dit: Eſt mediusfidius uir nobis contubernalis, qui omni in
 re quæritat ſibi plus eſſe. Alius eum rogabat: Num etiam
 ex laboribus? Minimè omnium, inquit. Sed in hoc ſum
 mendacij deprehenſus. Nam & laborum & aliarum hu
 iusmodi rerum æquo admodum animo ſemper ſinit plus
 alium

aliū habere, qui uelit. At ego, ait Cyrus, decerno ō uiri, si habendus sit miles ad agendum strenuus et obediens, ex exercitu huiusmodi homines qualis ab hoc nunc dicitur, esse eiiciendos. Videtur enim mihi magnam militum partem eiusmodi esse, ut sequatur, quacunque quis duxerit. Agere autem, ut existimo, ostendent alij, qui præclari fortesq; sunt ad res præclaras & magnas: alij uerò improbi, ad res improbas. Itaque fit persæpe, ut habeant plures qui secum sentiant improbi uiri quàm probi. Improbitas enim proficiscens per subitas uoluptates, harum persuasionibus utitur, quò multi secum sentiant. At uirtus ad arduum agens, non est admodum præpotens, ut subito inconsultoq; ad se trahat, præsertim ubi alij sint, qui contrà ad decline molleq; adhortentur. Quare ubi ex inertia atque laborum fuga improbiores sunt, hos ego arbitror ueluti fucos, solum impensa socijs esse detrimento. Quicunque præterea ad labores malī socij sunt, ad habendi uerò auiditatem uehementes impudentesq;, hi sese ad res improbas duces præstant. Possunt enim sæpenumero demonstrare plus haberi per malas actiones. Itaque huiusmodi homines omnino à nobis sunt expellendi. Nec est item considerandum uobis, quomodo ex ciuibus ordines suppleatis, sed quemadmodum equos quæritis, nō qui patrij sint, sed qui optimi, sic etiam homines quæritote. Ex omnibus inquam hominibus, quoscunq; arbitremini & robori uobis ornamentoq; maximè futuros, hos sumite. Hæc etiam mihi res testimoniū affert, quid nobis cōducatur quòd neq; currus celer sit, si tardis utatur equis, neq; iustus cui iungātur iniusti. Neq; domus bene habitatur, quæ malis utitur famulis: sed etiā si egeat famulis, minus erat

quàm si ab iniustis uexatur famulis. Bene autem scitote, uiri amicißimi, quòd non hanc utilitatem solùm mali milites afferent ablatis si fuerint, quòd aberunt mali: uerum etiam qui relictis fuerint, rursus eo uitio purgabuntur quo referti iam erant. At boni ubi uiderint uitiosos ignominia affectos, longè magis animati uirtutem capeßent. Cyrus quidem ita est locutus, & amicis omnibus hæc itidem uisa sunt, & ita faciebant. Exhinc rursus cauillo in eos uti Cyrus est aggressus. Cum enim intellexisset quendam ex ordinum centurionibus qui duceret secum ad coenam, faceretq; iuxta discumbere uirum & pilosissimum & turpissimum, eo nominatim uocato ait: O Sambaula, num etiam tu more græco, id quod pulchrum est, circumducis hunc adolescentem, qui iuxta te discumbit? Equidem, inquit Sambaulas. Lætor igitur etiam ipse, qui & sum cõuiua, & hunc habeo spectaculo. Quibus auditis contubernales respexerunt. Ut autem uiderunt uiri faciem turpissimam, riserunt omnes. Et quispiam dixit: Per deos immortalis, ô Sambaula, quo tandem opere uir hic te perdidit? Qui respondit: Per deos, inquit, uiri amici dicam uobis. Quoties enim eum uocaui aut noctu, aut interdiu, nunquã mihi neq; negocij excusatione usus est, neque pedetentim unquam paruit, sed semper cursim. Et quoties ei agendum aliquid imperaui, nihil unquam uidi ipsum facere sine sudore. Effecit præterea hos omnis decuriales, nõ uerbo, sed re demonstrans, qualis oportet esse. Et quidam dixit: Et tu postea ipsum qui talis sit, non oscularis, quem admodum cognatos? Atq; deformis ille ad hoc: Non mehercule, inquit: non enim est laboriosus, quoniã satis fuisset ei, si me osculari uoluisset, unũ hoc pro omnib. gymnasyis. Huc

sus. Huiusmodi igitur et ridicula & seria tum dicebātur,
 tum agebantur in tabernaculo. Tandem aliquando tertijs
 libationibus factis, dijs immortalibus precati res bonas, cō
 uiuium dissoluerunt in lectum. Postridie autem Cyrus mi-
 litibus collectis omnibus, talia est locutus: Viri amicis= Oratio Cyri.
 simi, certamen est nobis proximum: aduentant enim ho-
 stes. Si nos uicerimus (hoc enim & dicundum est & fa-
 ciundum, & non quæ sunt eorum qui uincuntur) omnia
 uincentibus proposita sunt præmia. Hoc igitur pacto uo-
 bis est sentiendum, quod quando in communi belli condi-
 tione singuli in se habeāt, nihil futurum ex sententia sua,
 nisi quisq; pro se alacer ad rem fuerit, plurima quamprimum
 ac præclara perficient: nihil enim eorum cunctan-
 tur quæ faciunda sunt. Sed ubi quisq; cogitarit, alium fo-
 re qui & agat & pugnet, quamuis mollior ipse fuerit, his
 omnibus omnia simul mala subeunda ueniūt. Ac deus ipse
 ita fecit quodammodo, qui hominibus qui nolunt sibi im-
 perare laborem ad bonum cōsequendum, alios his præfi-
 cit. Nunc igitur surgat hic aliquis, qui de hac ipsa re uer-
 ba faciat, utro nam modo putat uirtutem magis exerceri
 posse: Num si quis plurima & facere uolet, & periclita-
 ri, plurimum quoq; honoris consequatur: an si uideamus
 interesse nihil, si ignauus quis fuerit. Eodem enim modo
 æqualia cōsequemur omnes. Hic igitur surgens Chry Chrysantis
 santas, qui unus erat ex homotimis, uir sanè neq; magnus oratio.
 corpore, neq; robustus uisu, sed prudentia excellens: An
 ego arbitror, inquit, Cyre, te ne cogitantem quidem pro-
 posuisse hanc sententiam, an parem æquè portionem im-
 probi atq; probi sint habituri? Sed tentare scilicet uoluisti,
 si quis tandem uir sit futurus qui sese ostendet cogitatu, ut

nihil faciens neq; pulchrè neq; fortiter, eorum sit æqualem portionem habiturus, quæ alij uirtute peregerint. At ego neq; pedibus uelox sum, neq; manibus ualidus: neq; ignarus certè sum, quòd ex rebus quas ego corpore meo fecero, non sim iudicandus neq; primus neq; secundus, puto etiam neq; millesimus, & forsitan ne ex decem milibus quidem unus. Verū & illud certò scio, quòd si uiri potentes res fortiter capeissent, alicuius boni tanta mihi pars erit, quanta pro iure fuerit. Quòd si homines ignaui nihil gesserint, fortes autē uiri ac potentes remissius habuerint, uereor ne aliū rei cuiusquam magis quàm boni maiorem sim partem habiturus. Chrysantas quidem ita est locutus. Cum post eum autē surrexisset Pheraulas Persa, unus ex ordine plebeio, qui Cyro etiam abusque domo uir esset familiaris ac iucundus, quiq; & corpore formosus erat, & animo generosum uirum præ se ferebat, huiusmodi est locutus uerba: Equidem Cyre, uos omnes Persæ qui adestis, ipse nos omnis arbitror æqualiter nūc moueri ad uirtutis certamē. Video enim nos omnis simili alimēto exercere omnia, & simili dignos cōgressu omnis iudicatos. Eadem etiā nobis omnibus sunt proposita: nam parēre principibus omnibus communiter propositū est. Et quicunq; hoc libenter fecerit, hunc uideo à Cyro honorari. Ac præstare se fortem omnibus in rebus aduersus hostes, non alium decet, alium uerò dedecet, sed hoc omnes decere maximè est antea iudicatum. Nunc pugna quoq; demonstratur nobis, ad quam uideo homines omnes natura doctos: quemadmodum alia item animalia norunt singula pugnam quandam, quam neq; ab alio quopiam didicere, quàm ab ipsa natura: ueluti bos cornu percutere, equus

Pheraulæ
oratio.

Brutorum in-
dustria.

equus ungula, canis ore, aper dente. Quæ quidem animalia omnia cauere etiam sciunt, à quibus maximè est cauendum, & hæc quidem sine ullius prorsus doctoris præceptione. Atq; ipse ego ex admodum puero, continuò sciebam uti ante hoc quopiam propugnaculo, quo putarem uerberari. Quòd si aliud nihil haberem, utranq; manum protendens, impediēbam quantum poteram percutientem. Et hoc faciebā non edoctus, quin propter hoc ipsum percutiebar, si opponerem. Gladium equidem continuò puellus adhuc rapiebam ubi uiderem, cum neque à quorūquā alio id didicissem, ut capiūdus est gladius, quā à natura, ut dico. Faciebam igitur hoc itē coactus, nō edoctus: quemadmodum sunt etiam alia, quæ prohibitus & à patre & à matre agere cogebar à natura. Ac percutiebam mediūsfidius gladio, quodcunq; poteram clām percutere. Non enim erat solū natura, quemadmodum incedere & currere, sed ad naturalem motum hoc mihi suaue uidebatur. Verū posteaquā hæc nobis pugna relicta est, in qua alacritatis magis quā artis est opus, quī nobis nō iucundè certandū est aduersus hosce homotimos, ubi uirtutis præmia proposita sunt paria? Quòd si conferimur, non paria nobis pro periculo proposita esse scimus: sed hi quidem habituri sunt uitam honorificam, nos uerò uitam laboriosam quidem, sed inhonoratam, quæ mea sententia est molestissima. Maximè autem, ô uiri, hoc me bono animo ad obeundum certamen aduersus hosce incitat, quòd Cyrus iudicabit, qui non inuidè iudicat: sed deos obtestor, indubitato mihi uidetur Cyrus, quos uiros probos uiderit, nihilo q̄ seipsum minus eos amare. Hisce igitur ipsum uideo iucūdius dare quicquid habeat, q̄ sibi re-

tinere. Noui præterea esse hos animis elatis, quòd sint iam instituti et ad famē et ad sitim & ad frigus tolerādum, ne-
 scientes hi quidem hæc nos quoq; didicisse à meliore ma-
 gistro quàm ipsos. Nemo enim est horum præstantior do-
 ctor quàm necessitas, quæ hæc nos docuit diligentissimè.
 Hi laborem in ferendis armis exercuerunt, quæ omnibus
 sunt inuenta hominibus, ut facillimè ferantur. Nos autem
 in magnis oneribus & incedere & currere coacti sumus
 adeò, ut mihi uideatur armorum indumentum alis potius
 quàm oneri esse simile. Quam ob rem Cyre ita me fore
 exploratum habe, ut & certem, & qualiscunq; quis fue-
 rit, pro meritis dignum censeam honorari. Et uos ego mo-
 neo, uiri plebeij, ut contendatis in hac pugna cum hisce
 uiris pugnandi eruditis. Nunc enim uiri in plebeio certa-
 mine sumpti sunt. Pheraulas quidem habuit hæc uerba.
 Surrexerūt etiā alij multi, qui utrisq; fauerent oratione.
 Decretum est autē debere quenq; pro dignitate honora-
 ri, Cyrumq; ipsum iudicem esse. Hæc igitur ita processer-
 unt. Inuitauit in super Cyrus, cum uidisset dimidium ui-
 rorum ordinis illius utrinq; inter se contrà ad pugnam in-
 struxisse, qui utriq; thoracas haberent, & crates in sini-
 stris manibus, eorum alteris crassas ferulas in manus de-
 dit: at alteris dixit, ut glebis sublati aduersarios percuter-
 ent. Sed ubi hi steterunt ita instructi, & centurio prælio
 signum dedit, hic alij glebis feriebāt, & interdum alij at-
 tingebant thoracas & cratis, alij & femur et caligas. Sed
 ubi cominus fierent, qui ferulas habebant, percutiebant
 alijs femora, alijs manus, alijs suras: & his qui ad capiun-
 das glebas inclinabantur, & colla feriebant & terga. Ad
 postremum feruliferi eos in fugam uersos, multo cum risu

ac ludicro percutiebant. Et alij in altera parte accepti, ferulis rursus eadem ijs fecerūt qui percutiebant glebis. Delectatus autem Cyrus tum centurionis cogitatu atque studio, tum militum obedientia, quòd simul & exercebātur, & excandescabant, simulq; hi uincebant, qui Persarū arma essent imitati. His igitur Cyrus delectatus, et inuitauit eos ad cœnam, et intutus in tabernaculo eorum quosdam ligatos alium tibiā, alium manum, rogauit quid paterentur: cui respondebant, quòd glebis percussi fõrent. Rursusq; Cyrus interrogabat, utrū posteaquā sunt congressi, an cum erāt procul: cui dicebāt, cum essent procul. Nam ubi feruliferi cominus facti sunt, aiebant ludum fuisse pulcherrimum. Qui autem ferulis concisi erant, exclamabāt non sibi ludum uideri cominus percuti: simulq; ostenderunt ferularum plagas & in utrisq; manibus, & in collis, aliqui etiam in facie: & tum, ut fieri solet, ridebant inter se plurimū. Postridie uerò campus refertus erat omnibus uiris, qui hosce imitabantur: ac nisi aliud quicquā agerent melius, hoc utebantur ludo. Cum alium quoque esset olim intutus ordinis centurionem, qui à flumine ordinem ducebat singulatim ad læuā: quiq; cum ei uisum esset tempestiuum, iuberet primipilis ut postremū manipulum traderent, & tertium, & quartum in frontem: & cum in fronte essent primipili, iussit ut binatim agerent manipulum: exhinc etiam traducebāt decuriones in frontem, & cum rursus ei uideretur tempus esse, iubebat ut quaternatim manipulum agerēt: ita igitur quincuriones rursus traducebāt, ut quaternatim manipulus incederet. Vbi autem fuissent ad fores tabernaculi, iubens binatim ire ex ijs qui singulatim ibant, immisit primum manipulum, & secun-

dum ad huius caudam sequi iussit: et tertium et quartum itidem iubens ducebat intrò: & ita ut incedeabat, ad cœnā discumbebat. His igitur delectatus Cyrus, ob mansuetudinem & doctrinam atq; diligentiam, inuitauit etiam hunc ordinem unà cum centurione ad cœnam. Cumq; alius quidam ordinis centurio in cœna adesset inuitatus, At meum ordinē, inquit, Cyre nō inuitabis in tabernaculum? Enimvero cum ad cœnam adsit, hæc omnia facit. Et ubi finem habuerit conuiuium, qui cogit ultimum manipulum, educit eum, cui primi sunt ultimi instructi ad pugnam: dein qui cogit tertium manipulum, post hos & tertius et quartus itidem, quò etiam ubi sint ab hostibus abducendi, sciāt ut abire oportet. Cum uerò ad iter quod facimus cōstituti fuerimus, si quidem eamus ad aurorā, ego quidem duco, & primus manipulus, primus: & secundus, ut par est, & tertius & quartus, & manipulorum decuriæ & quincuriæ, utcunq; ipse iubeo. Cum uerò eamus ad uesperam, qui agmen cogit, & postremi, ducunt primi. Mihi autem, qui ultimus sum, ita obediunt, ut consuescāt & sequi et ducere itidem obedientes. Et Cyrus ait: Num etiam semper hoc facitis? Facimus sanè, inquit, quoties cœnamus. Vos igitur, inquit, mediusfidius inuito, quòd & ad ueniētes & abeuntes simul ordines meditamini, & id nō est simul & dic: simul etiam, quòd & corpora ambulantes exercetis, & prodestis animis doctrina. Quoniam igitur omnia facitis duplicata, iustum est duplicatam uobis à me præberi epulationem. Noli per Iouem, inquit primipilus, uno die præbere duplicatā, nisi duplicatos etiā nobis uteros præbueris. Et tum finis conuiuij talis fuit. Postero autem die Cyrus illum ordinem, ut dixerat, inuitauit.

Quæ ubi alij quoq; didicissent, reliqui eos imitati sunt omnes. Sed cum olim milites omnis censeret in armis Cyrus, simulq; ordinaret, uenit à Cyaxare nuncius, qui diceret Indorū adesse legationē. Quare is ingredi iussus: Fero tibi, dixit, etiam stolam pulcherrimā à Cyaxare: uult enim te anteuertere, quò splendidissimo ornatissimoq; corporis cultu aspiciaris ab Indis, dum aduenis. Quæ Cyrus ubi audisset, præcepit primo ordinis centurioni, qui instructus erat, ut stans ad dexterā singulatim ordinē duceret, in frontemq; locaret: & secundo iussit, ut idem præciperet, ac per omnis idem iussit ut traderetur. Qui ita obediētes, & præceperūt celeriter, & quæ præcepta sunt fecere quamprimū, breuiq; tempore fuerūt in fronte qui dem ad ducētenos (totidē enim erāt ordinū centuriones) in medio uerò agminis ad centenos. Vbi autem cōstituti sunt, eos sequi iussit pro suo ductu, cōtinuoq; ducere maturabat. Sed posteaq; didicisset callē ad regiā ferētem esse angustiores, q̃ ut in fronte omnes trāsirēt, iussu primo ordine sequi loco suo, secūdo ad caudam huius, atq; ita deinceps omnib. Cyrus quidē ducebat assiduē: alij uerò ordines sequebātur, quisq; ad anterioris caudam. Misit præterea ministros duos ad callis introitū, quò imprudentibus uiæ quid factū opus foret, significaret. Sed ubi uenerunt ad Cyaxaris ianuā, præcepit primo ordinis cēturioni, ut ordinē in duodenos circa mediū instrueret: duodenarios uerò profectos in fronte cōstitueret circa regiā: ac secūdo eadē præcipi iussit, et ita deinceps omnibus. et hi quidē hāc faciēbāt. Hic uerò ad Cyaxarē est ingressus in stola Persica minimē sordida aut inepta. Quē intutus Cyaxares celeritate quidē latatus est, sed turbatus uilitate stolæ,

Quid hoc, ait, Cyre? Cuiusmodi rem fecisti ita Indis appa-
rens? Ego sanè uolebam te quam splendidissimum appare-
re. Nam mihi ornamento hoc erat, quòd mea natus foro-
re magnificus et elegantissimus uidereris. Ad quæ Cyrus
inquit: Et utrum magis te ornassẽ Cyaxares, si cum in-
duerẽ ueste purpurea, caperemq; armillas, et monili col-
lum circumdarẽ, ociose iussis tuis audirẽ: an potius nunc,
quando cum talibus tantisq; uiris adeò properẽ tibi pa-
reo, cum sudore ac studio tui honorandi gratia, tum orna-
tus ipse, tum alios ostentans adeò tibi obedientis? Hæc Cy-
rus locutus est. Quem Cyaxares cum rectẽ dicere putas-
set, uocauit Indos. Qui ingressi dixere, mitti se ab Indorũ
rege, ab quo iussu essent interrogare, qua ex re bellum es-
set & Medis & Assyrio. Et cum te audissemus, iussit ut
rursus iremus ad Assyrium, & ab illo eadem hæc interro-
garemus. Ad postremum, ut uobis utrisq; diceremus, re-
gem Indorũ considerato iure, cum illo fore cui iniuria sit
illata. Ad hæc Cyaxares ita respondit: Me igitur audite.
Nulla nos Assyrium afficimus iniuria prorsus. Illum, si op-
pus est, adite interrogaturi quid dicat. Cyrus autem cum
adesset, quærebat ex Cyaxare: Num etiam ego, inquit,
dicam quod sentio? Qui iussit ut diceret. Vos igitur, in-
quit Cyrus, regi Indorũ hæc nunciate, nisi quid aliud Cya-
xari uidetur, nos ita dicere: Si quid iniuriarũ à nobis As-
syrius dicit in sese illatum, eligimus ipsum regem Indorũ
iudicem. His igitur auditis, legati abierunt. Sed posteaquã
Indi egressi sunt, Cyrus ad Cyaxarem dicere hæc cœpit:
O Cyaxares equidem ueni domo sine multis priuatis pe-
cunijs: quot autem erant, harũ mihi pauca sunt reliquæ,
cas enim in milites consumpsi. Et hoc miraris fortasse tu,
quo

quo pacto eas cōsumpserim, quādo hi milites abs te alantur. At ne te lateat uelim, eas à me consumptas esse pecunias in nullum aliud opus, quā ad honorem et gratiam, dum præclarum alicuius militis facinus admiror. Videtur enim mihi omnibus, quos ullus uelit cuiuscunq; rei bonos reddere adiutores, his iucundius esse, si bene & dicendo & faciendo fuerint ab illo incitati, quā si molestia afficiantur, coganturq;. Quos igitur quisquam uelit alacres sibi rerum bellicarum adiutores facere, hi omnino uenandi sunt mea sententia bonis & uerbis, & rebus. Amicos enim eos, nō inimicos esse oportet, qui pro nobis sine excusatione sunt pugnaturi: & talis quidem amicos, ut neq; secūdis in rebus sint imperatori inuisuri, neq; in aduersis eū prodituri. Hæc igitur ipse ita prouidēs, pecunijs opus esse puto. Omnibus autem in rebus ad te respicere, cuius permultam sentio esse impensam, uidetur mihi absurdum esse. In medium autem considerandum arbitror & tibi, & mihi, ne tibi sint pecuniæ defuturæ. Nam si hæ tibi abundè fuerint, scio etiā mihi futuras, ubi opus fuerit, præsertim si in huiusmodi eas rebus accipiam, quarum sumptus, ubi eas capias, tibi sit conducturus. Memini audiuisse abs te iandudum, te ab Armenio nunc contemni, quoniam audit hostes aduersus nos ire. Quo fit, ut neq; exercitum mittat, neq; tributū quod debet. Facit hæc, inquit, Cyre. Itaque ego uereor, utrum mihi sit melius bellum inferre atq; eum cogere, an magis cōducat per hoc temporis missum facere, ne hunc etiam alijs aduersus nos hostem addamus. Et Cyrus interrogabat: At habitacula utrum ei sunt in munitis locis, an contrā? Ad quē Cyaxares respondit: Nequaquā in locis sunt admodum munitis. Ego enim

Milites ut ad res alacriter gerendas excitandi.

hoc noui. Sunt sanè montes ubi queat, si subito abierit, trusus esse, quò minus captiuus fiat: neq; res item ea capiantur, quasq; subuehere potuerit, nisi quis pertinacius obsederit, quemadmodum à patre meo factum est. Dein hæc Cyrus locutus est: Si mittere me uolueris, additis mihi equitibus quot uisi fuerint tibi satis, effecturum me puto pro deorum ope, ut & milites mittat tibi, & tributum soluat: ac item futurum spero, ut nobis magis amicus fiat quàm nunc est. Et Cyaxares inquit: Et ego spero illos magis ad te ituros quàm ad me: audio enim ibi pueros quosdam tecum unà olim uenari consuesse: itaq; rursus eant ad te fortasse. Quos si ceperis, agat Armenius omnia quæ nos uolumus. Videtur ne igitur, inquit Cyrus, tibi cōducere occultāda esse cōsilia hæc nostra? Magis enim, inquit Cyaxares, eorū aliquis in manus ueniat: ac si quis eos aggreddiatur, possint capi imparati. Audi igitur, inquit Cyrus, an tibi uideor quicquā dicere. Sæpe cum socijs meis omnibus uenatus sum circa montes & tui & Armeniorum agri, & equitib. olim aliquib. assumptis ex hisce Medis socijs illuc ibam. Similia igitur, inquit Cyaxares, si facias, haud eris suspectus. Quòd si maiores copię illis appareāt copijs quas ad uenationem habere consuesti, hoc nimirum suspicionem afferat. Sed licet etiam hac in re, inquit Cyrus, excusationē instruere uerisimilem, si quis ad illos enunciet, uelle me magnā facere uenationē, et abs te equites palam petere. Dicis tu quidē perpulchrè, inquit Cyaxares: atqui ego tibi non dabo præter paucos quosdam, quasi iturus sum ad castella, quæ sunt iuxta Assyriā: etenim illuc ire institui, atque ea reddere quammunissimā. Cum tu autē processeris cum tuis copijs, ac duos iam

dies ue

dies uenando contriueris, mittam tibi meorum & equitum & peditum quantum sat fuerit: quibus tu assumptis, continuo ascendas. Ipse uero cum alijs copijs enitar non abesse à uobis procul, quò ubi tempus fuerit, superueniã. Hoc igitur modo Cyaxares continuo coëgit ad castella equites ac pedites, præmisitq; currus cum cibo, ea uia quæ ducit ad castella. Cyrus autem sacrum fecit propter professionem, simulq; ad Cyaxarem mittens, petebat iunioris equites. Hic uero non multos ei dedit, cum permulti ad eum uellent. Cumq; Cyaxares iam antecessisset cum copijs peditũ atq; equitũ, ea uia quæ ad castella ducit, Cyri sacrificia de eundo aduersus Armenium bona extiterunt: & ita Cyrus suos ducit tanquam in uenationem instructus. Ei uero proficiscenti, continuo in primo agro exurgit lepus. Aquila autem uolans dextera, leporẽ despicies fugientem, & irruit, & percussit illum, extulitq; correptum, eoq; ablato in collem proximum, pro libidine utebatur præda. Augurium igitur Cyrus intuitus, cum lætatus est, tum Iouem regem adorauit, dixitq; ad præsentēs: Venatio quidem, amicissimi uiri, pulchra est futura si deo libuerit. Vt autem ad fines uentum est, continuo uenabatur, quemadmodum consueuit. Et peditum atq; equitum multitudo mota est ita, ut feræ exurgerent. Fortissimi uero pedites atq; equites diuisi sunt, exurgētisq; bestias excipiebant atq; insequēbātur. Multosq; cepere sues ac ceruas, capreasq; & asinos sylvestris. Nam in his locis permulti sunt etiam hoc tempore sylvestres asini. Finita autē uenatione, cum applicuisset ad finis Armeniorũ, cœnatus est. Rursusq; postridie uenabatur, ad eos mōtes accedens quos desiderabat. Cumq; rursus uenari desisset, cœ-

nabat. Vt autem accepit exercitum, quem Cyaxares misse-
rat, aduentare, misso ad eos clam nuncio, iussit abessent
duas parasangas, hoc est, stadia sexaginta, ibique cœnarēt,
hoc prouidens conducturum ad latendum. Vbi autem cœ-
narint, dixit eorum principi, ad se iret. Post cœnam ad se
uocauit ordinū centuriones. Qui ubi adfuere, locutus est
in hunc modum: Armenius, uiri amicissimi, & socius es-
rat antea & subditus Cyaxari: sed nunc ut accepit hostes
aduenientis, eum contemnit, quippe qui neque exercitum
nobis mittit, neque tributum soluit. Itaque nunc uenimus ad
hunc uenandum si possumus. Quare ita faciundum uide-
tur mihi. Tu Chrysanta, cum delatus in fines fueris, assum-
pto dimidio Persarum qui sunt nobiscum, facto montano
itinere, montes occupa, quō cum cum metus ullus inuase-
rit, aiunt confugere. Duces autem ipse dabo tibi. Et hosce
quidem montis densos arboribus esse ferunt, itaque speran-
dum est latere nos posse. Veruntamen si præmittas ante
exercitum ex tuis aliquos expeditos uiros, qui latronibus
& numero & dolis similes sint, hi si in Armenios ullos in-
cidant, quos quidem comprehenderint, eos impedian, ne
quid renuncient: quos uerò nequeant cōprehendere, eos
longius insequantur, quō aperte non possint totum aspi-
cere agmen tuū, sed de furtis potius consultent. Et tu qui-
dem ita facito. Ego autem cum primū illuxerit, dimidium
peditum mecum habens, omnisque equites, campestri itine-
re uidelicet continuō proficiscar ad regiam. Et si quidem
obstiterit, pugnandum erit: sin se campo subduxerit, cura-
sim erit insequendus. Quōd si fugerit in montes, hic tum
opus futurum est, ut qui ad te uenerint, eorum euadat ne-
mo. Existimato ita nos futuros, ut qui seras indagantur in-
uenatio=

uenatione: te autem, ut eos qui sunt ad plagas. Illud igitur memineris, oportere prius saltus obstruere, quàm feræ moueantur. Eosq; latère opus esse, qui sunt ad hos aditus ordinati, ne auertant delatas feras. Ac noli tu quidem rursus facere Chrysanta, quemadmodum quandoq; soles obuenandi studium. Nam sæpe totā noctem in negotio somnum nō admittis. Sed est hoc tempore permittendum, ut uiri mediocriter cubent, dormire ut possint. Neq; tu sanè montibus soles errare, quòd careas itineris ducibus: sed quacunq; feræ subducunt, hâc transcurrentes transire didicisti. At noli sic etiam nunc per loca difficilia transitu abruptaq; proficisci, sed ducibus tuis iube, nisi longè breuior uia fuerit, per facillimam ducât. Quod enim agmen facillimum sit, idem est celerrimum. Nec etiam quia sis solitus per montes currere, uelis te cursus præstare ducem, sed ut te sequi possit exercitus maturè ducito. Bonū etiam est, ut ex robustissimis aliqui & alacerrimis uiris, subsistant quandoq; atq; alios adhortentur. Sed ubi cornu præterierit, incitanda est acceleratio, ut omnes quo ad eos qui ingrediuntur, currere uideantur. Hæc ubi Chrystantas audivisset, lætatus admodum Cyri præceptione, animoq; elatus cepit itineris duces. Et ijs qui secum erant profecturi, posteaquam iussisset faciunda, dedit se quieti. Sed ubi dormisset quantum uisum est satis, ad montes proficiscebantur. At Cyrus ubi illuxit, nuncium ad Armenium præmisit, qui iussus est ita dicere: Cyrus, ô Armenie, ita ut facias, iubet, uti quamprimum uenias tributum & exercitum habens. Quòd si rogat ubi sum, uera dicito, quòd in finibus. Sin rogat, an ipse uenio, hic etiam uera loquere, quòd nescis. Sin quæsierit, quot sumus, iube aliquem ipse

tecum ut mittat, ac discat. Nuncio igitur misso Cyrus hæc monuit, existimans amicius ita esse, quàm si prædicens nihil, proficisceretur. Ipse uerò instructus quamoptimè, & ad peragendum iter, & ad pugnandum, si opus fuerit, pergebat. Iussit præterea militibus, ab iniuria abstinerent: ac si quis in Armenium quenquam incidisset, cum moneret, ut & nihil metueret, & quisq; pro uoluntate uenalia ferret, ubicunq; ipsi forent, siue esculenta uellent, siue pocula uendere.

XENOPHONTIS DE PAEDIA

CYRI LIBER TERTIVS, FRANCISCO

Philelpho interprete.



YRVS igitur in his erat. At Armenius auditis quæ sunt à Cyro nunciata, perterritus est, secum ipse cogitans, quòd esset iniustus, cum neq; tributum solueret, nec exercitum mitteret. Vehementissimeq; timebat quòd uisus esset muro cingēdæ regiæ fecisse initium, quò satis esset ad repugnandum. Quare ob hæc omnia ueritus simul mittebat, tum ad cogendas uires suas, tum iuniorem filium Sabarin in montes, ac item uxores & suam & filij, atq; filias, & ornatum quoq; atq; apparatus cum his preciosissimum mittebat, datis qui eos deducerent. Ipse autem et speculatores simul mittebat intuitum, quid ageret Cyrus, & præsentis Armenios instruebat, cum celeriter alij aderant, qui dicerent hunc ipsum Cyrum adesse unà. Hic igitur non amplius sustinuit manum conferere, sed sese subtraxit. Quod ubi uidissent Armenij, diffugerunt quisq; ad sua habitacula, ut qui uellent res suas

res suas procul portare. At Cyrus ut campū uidit discurrentium & impellentium plenum, ad eos clam mittebat, inquires, eorum se nemini hostem esse, qui manerēt: quod si quem ceperit fugientem, eo pro hoste se usurum. Itaque plures restiterunt. Qui autem clam secesserant, erant una cum rege. At ubi hi qui antecesserant una cum mulieribus, in illos inciderunt qui latebant in monte, & clamoribus continuo complebant omnia, atque eorum plures capti sunt. Demum uero & filius, & uxores, & filiae simul cum pecunijs capiuntur, quotquot una cum illis agebantur. Ipsorum autem rex ut sensit quae gerebantur, quā uerteretur ignarus, quendam in collem fuga se recepit. Quae Cyrus item intutus, collem cingit praesenti agmine, mittitque ad Chrysantam, iubens ut relictā montis statione ad se iret. Et agmen quidem cogeatur ad Cyrum, qui ad Armenium misso caduceatore, ita interrogabat: Dic mihi Armenie, utrū uis istic manens, cum fame siti que pugnare, an in planitiem descendis nobiscum manū conferere? Cui respondit Armenius, se cum neutris pugnā uelle. Ad quem rursum mittens Cyrus interrogat: Quid igitur istic sedes, & non descendis? Quoniam, inquit, quid me facere oporteat, ambigo. Sed nihil, inquit Cyrus, ambigere te oportet. Nam licet tibi ad agendam causam descendere. Quis autem, inquit, iudex futurus est? Videlicet, inquit, cui deus etiā sine iudicio te uti dedit, ut uelit. Hic igitur Armenius necessitate cognita descendit. Ac Cyrus et illo, & alijs omnibus illius rebus intra exercitū receptis, castra posuit, cum uires iam omnis simul haberet secū. Per id uero temporis Armenij filius aetate maximus Tigranes, ex peregrinatione quadā aduenit, qui fuerat olim Cyro cōuenator.

Hic rebus ijs auditis, ita ut habebat, continuò ad Cyrum proficiscitur. Sed ubi uidit patrem ac matrem, sororesq;, atq; uxorem suam captiuos factos, collachrymatus est, ut par erat. Cyrus autem illum intutus, alia in eum benignitate nulla est usus, sed dixit: Venisti in tempore, ut de patre causam præsens audias. Conuocabatq; continuò Persarum ac Medorum duces, & ad hos etiam acciebat si quis aderat ex honestis Armenijs: neq; amouit, sed audire permisit mulieres, quæ aderant in rhedis. Atq; ubi idoneum fuit, dicere est aggressus: Et ô, inquit, Armenie, primùm tibi cōsulo in causa loqui uera, quò tibi id unū desit, quod est odiosissimum. Nanq; apertum mendacium, ut scis, impedimento est hominibus maximè ad ueniam consequendam. Dein conscij tibi sunt & liberi & mulieres hæ, quot quantaq; gesseris, & Armenij, qui adsunt: qui si te dicere senserint alia, quàm quæ feceris, putabūt te tua sententia damnatum ad extrema patiunda omnia, si minus quæ uera sunt, audiam. At interroga, inquit, Cyre, quod ipse uis. Nam horum gratia uera loquar, & fiat quodcunq;. Dic igitur, inquit, mihi, Gessisti ne olim bellū aduersus Astyagen matris meæ patrem, aduersusq; Medos alios? Gessi equidem. Ab eo autem uictus conuenisti ne tributum te daturum, iturumq; in expeditionem ubi iuberet, & munimina non habiturum? Hæc uera sunt. Nunc ergo quare neq; tributum tulisti, neq; agmina misisti, & munimina muro cinxisti? Libertatem, inquit, cupiebam. Pulchrū enim mihi uidebatur & me liberū esse, & liberis meis libertatem relinquere. Etenim pulchrum est, inquit Cyrus, pugnare quò nunquam sit futurus quis seruus. Quòd si aut bello quis uictus, aut alio quoquam modo in seruitutem actus,

molia

moliatur herum seipso priuare, hunc tu primus dicito, utrum ut bonum uirum honores honesteq; agentem, an ut iniustum, quem ceperis, supplicio afficias? Afficiam, inquit, supplicio. Nam mentiri me nō sinis. Dic igitur liquido, inquit Cyrus, singillatim: Si quis tibi in magistratu fuerit, & errarit, utrum cum sinis magistratum gerere, an alium eius loco constituis? Alium, inquit, constituo. Quid si grandem habeat pecuniam, sinis eum diuitem esse, an pauperē facis? Aufero, inquit, quæ habeat. Sin etiā ad hostes eum deficere intelligas, quid facis? Interimo, inquit. Quid enim est opus mendacij me potius argutū, quā uera dicentem mori? Hic eius filius hisce auditis tiarā discerpfit, peplosq; discidit: mulieres uerò uociferantes laniabantur perinde, atq; mortuus esset pater, & ipsæ iam perissent. Et Cyrus eas tacere cum iussisset, rursus inquit: De his satis. Hæc igitur iura tua sunt Armenie. Nobis autem quid ex his faciundum consulis? Ad quæ tacebat Armenius, dubius is quidem, utrum Cyro consuleret, num ut se interimeret, an ijs contraria doceret, quæ ipse dixerat sese facere. At filius eius Tigranes interrogabat Cyrum, inquit: Dic mihi Cyre, quoniā pater uidetur ambigere, uis ne ea de ipso cōsulam, quæ tibi optima esse reor? Et Cyrus quoniā accepiisset quo tempore Tigranes secū uenabatur, sophistam ei fuisse familiarē atq; admirationi habitū, percipiebat audire, quid dicere tādē uellet. Itaq; impigrè iussit ut diceret, quod sentiret. Ego igitur, inquit Tigranes, si quidē tu probas in patre uel quæq; consuluit, uel quæq; gessit, ut hunc imiteris, plurimum tibi consulo. Quod si tibi uidetur peccasse omnibus in rebus, cōsiliū meum est, ne hunc imiteris. Ergo, inquit Cyrus, si faciam iusta, mini

mè peccantem imiter? Sanè, inquit. Supplicio igitur afficiendus sit pater tuus pro tua ratione: siquidē iustum est, iniustum afficere supplicio. Vtrū autem censes Cyre melius esse, aut ad tuam utilitatem cruciatū fieri, aut ad tuū detrimentū? Ergo meipsum, inquit, hoc pacto cruciarē. Atqui plurimum tibi noceres, si tum tuos interimis, cum eos comparere tibi sit faciundum plurimi. At quo pacto sint homines plurimi faciundi, cum deprehendantur iniusti? Si quādo mea sentētia fiant sapientes. Videtur enim mihi Cyre ita habere, sine sapientia quidem neque aliās uirtutis ullam esse utilitatem. Quid enim quisquam utatur robusto fortūe, si insipiens fuerit? Quid equestri? Quid diuite? Quid potestatem habenti in ciuitate? Vna cum sapientia et amicus quisq; est utilis, & seruus omnis bonus est. Hoc igitur, inquit, dicis, quòd etiam tuus pater hoc uno die ex insipienti factus est sapiēs? Valdè quidem. Affectum ergo tu animi esse dicis sapientiā quemadmodum ægritudinem, non disciplinam? Haud enim, si uidelicet prudentem fieri oportet, qui futurus sit sapiens, continuo ex insipienti sapiens quisquam fiat. Quid autē, inquit, Cyre, nondum sensisti etiam unum uirū ob insipientiam inire cum eo pugnam, qui se fortior sit: cumq; sit uictus, cessasse continuo à sua in hunc insipientia? Nondum item ciuitatem uidisti aduersus alteram ciuitatem instructam ad pugnam, quæ uicta cum fuerit, huic cōtinuò pro pugna obedientiā præstat? Quem autem, inquit Cyrus, patris conflictum dicens, nixius asseueras adeò ipsum esse sapientem effectum? In quo, inquit, mehercule sibi conscius factus est, quòd pro libertate quam cupiebat, seruus sit factus, ut antea nunq̃. Quæ autem putauit latēre oportere

tere, aut præuenire aut propulsare, horum nihil potuerit efficere. Te autem nouit, cum uoluisti eum decipere, ita decepisse, quemadmodū si quis cæcos ac mutos, nulliusq; sensus atq; mētis homines deciperet. Quæ uerò putasti latere oportere, ita à te occultata esse nouit, ut quæ sibi putabat loca parasse munitissīma, hæc ei tu carcerem clam antea struxeris. Tanta autem celeritate eum superasti, ut à loco longe distanti cum magnis copijs profectus, prius assequereris, quàm hic uires apud se suas cœgerit. Dein, uidetūr ne tibi, inquit Cyrus, talis conflictus satis esse, qui homines reddat sapientis ad alios cognoscendos qui sint se meliores? Longe quidē magis, inquit Tigranes, quàm cum quis pugna sit uictus. Nam corporis uiribus superatus interdum putauit fore, ut corpore exercēdo repugnaret. Et urbes captæ arbitrantur assumptis socijs repugnatum iri. Quos autem melioris sese aliqui dixerint, his plerunq; etiā non coacti libenter parent. Tu quidem uideris nō existimare homines cōtumeliosos eos nosse, qui se sint temperatiores: neq; fures illos, qui nō furātur: neq; mentietis, qui loquūtur uera: neq; iniustos, qui iusta quæ sunt, faciunt. An es ignarus nunc quoq; patrem tuū esse mentitum, neq; cōstanter obseruasse quæ nobiscū conuenerat, nequaquam is quidem nescius nos eorū nihil omnino esse transgressos, quæ Astyages cōuenisset? At nec ego, inquit Tigranes, hæc dico, solam meliorū cognitionem sine ulla pœna à melioribus inferēda reddere homines prudentis, quemadmodum nunc meus pater dat pœnas. Verū tuus pater, inquit Cyrus, nullum prorsus adhuc passus est malum, qui, scio, admodum timet, ne extrema omnia patiatur. Num igitur quicquam putas, inquit Tigranes, magis

homines sibi subijcere, quàm uehementem metum? Num es nescius eos, qui ferro percutiuntur, quod supplicij genus putatur ualidissimū, rursus etiam uelle aduersus eosdem pugnare? Quos autem uehementer homines metuerint, ad hos ne si consolentur se quidem, possunt etiam oculos conuertere. Dicis tu, inquit, metum maiori supplicio esse hominibus, quàm si re ipsa male afficiātur? Ac tu quidem nosti, inquit Tigranes, me uera dicere: scis enim eos, qui metuunt exilium patriæ, quiq; pugnaturi timent ne uiuantur, degere in animi acerbitate. Et eodem modo qui nauigant, ne patiantur naufragiū, & qui seruitutem ac tributū metuunt, hosce neq; cibum posse, neq; potum capere propter metum. Qui iam uerò exules sunt, et qui uicti, & qui serui, possunt interdum magis etiam quàm felices ipsi, & comedere & dormire. Estq; manifestius etiam in hisce metum esse ueluti onus quoddam: aliqui enim metuentes, ne si capti fuerint, mortem dent, prius ob metum moriūtur: alij iacientes præcipientes seipsos, alij laqueo suspēdentes, alij iugulantes. usque adeo metus rerum omniū horribilium maximè animos perterret. Meum uerò patrem quī nunc putas animo affici, qui non modò de sua, uerū & de mea, & de uxoris, & de omnium liberorum seruitute metuit? Ad hæc respondit Cyrus: At quòd pater hic tuus ita nunc afficiatur, facile equidem crediderim. Nam eiusdem uiri esse uidetur mihi, & in secundis rebus uti contumelia, & in aduersis animo consternari celeriter: et rursus item si quid respirarit, animo efferri, ac iterum molestum se præstare. Sed ita est profectò Cyre. Nostra quidem errata in causa sunt, quò minus credatur nobis. Verū tibi licet castella muris cingere, & quæ munita sunt

sunt continere, & aliud fidei pignus capere, quodcunq;
 uelis: ac nos sanè habebis, qui hæc feramus haud iniquo
 admodum animo: meminerimus enim nos harū rerū es-
 se autores. Quòd si cui illorum, qui nihil deliquerint, re-
 gnum tradas, ac fidem eis non adhibeas, uide ne simul &
 benefacias, & illis amicus non existimeris. Sin rursus o-
 dium cauens, minus eis iuga imponas, quò à contumelia
 abstineant, uide ne illi denuò corrigendi etiā sint magis, q̃
 nos nunc fuerimus. Sed ita, inquit Cyrus, per deos immor-
 talis, huiusmodi ego ministris non libèter mihi uidear uti,
 quos sciā necessitate ministrare. Quos autem norim bene
 uolentia amicitiaq; mea quod opus est capeffere, hi mihi
 uidentur etiam si peccarint, facilius ferendi, quàm ij qui
 me exosi, omnia cumulatissimè necessitate præstant. Ad
 quæ Tigranes respōdit: Amicitia à quibus unquā tantam
 capias, quantam à nobis comparare nunc potes? Ab illis,
 inquit, mea sententia, qui mihi hostes fuere nunquā, si ue-
 lim in eos esse beneficus sic, ut ipse nunc iubes uobis bene
 faciam. Num etiam possis, inquit, Cyre quenquā hoc tem-
 pore inuenire, in quem tanta utaris beneficentia, quanta
 in patrem meū? Si quem uiuere nunc sinas, qui nulla in te
 sit usus iniuria, quam eum tibi putes gratiam habiturum?
 Quid etiam, si eius liberos & uxorem non auferas? Quis
 te huius rei gratia amabit magis, quàm qui putat iure sibi
 auferri debere? Regnum uerò Armeniorum si minus ha-
 bebit, scis ad nullum q̃ ad nos dolorem peruenturū. Itaq;
 ex hac re perspicuum est, in quem maximè dolor perue-
 nit, si rex non fuerit, hunc accepto imperio, maximā tibi
 gratiā habiturū. Quòd si tibi curæ est, ut hasce res abiens
 relinquas pacatissimas, cōsidera utrū putes habere quie-

Ministri qui
 meliores.

tius, nouó ne incipiente imperio, an permanente usitato?
 Sin est tibi curæ, ut quamplurimū exercitū educas, quem
 magis existimas hunc rectè scrutari, quàm qui sæpe eo est
 usus? Si præterea pecunijs opus fuerit, quem has censeas
 melius paraturū, quàm qui & nouit, & quæ sunt eas ha-
 bet omnis? O Cyre, uir optime, caue ne si nos amiseris, ma-
 iori tibi sis detrimento, quàm pater tibi potuerit nocere.
 Tigranes in hunc modum locutus est. At Cyrus hæc au-
 diēs mirificè letabatur, quòd putaret sibi ad exitū eueni-
 re omnia, quæcūq; Cyaxari fuerat pollicitus sese acturū.
 Meminerat enim dixisse, futurum se putare ut faceret Ar-
 menium ei amicū magis, quàm esset antea. Et exhinc Ar-
 menium rogat: Si hæc igitur uobis credidero, dic tu mihi
 Armenie, quantū mecum mittes exercitum, & quantum
 pecuniarū in bellum conferes? Ad hæc ait Armenius: Ni-
 hil habeo Cyre simplicius tibi dicere neq; iustius, quàm ut
 tibi declarem potentiam omnem meam: quam ipse cum ui-
 deris, quantum tibi uisum fuerit, exercitum agito, relicto
 hic regni præsidio. Itidem etiam de pecunijs iustum est ti-
 bi declarem, quanta mihi sit quantitas. Quibus tu cogni-
 tis, accipies quantū uolueris, ac itē mihi relinques quantū
 libuerit tibi. Et Cyrus inquit: Agè igitur, dic mihi quantæ
 tibi sunt copiae, dic etiam quantum pecuniarū. Hic, inquit
 Armenius, equites Armeniorum sunt ad octo millia, pedi-
 tes uerò ad quadraginta millia. At pecuniæ unà cum the-
 sauris quos reliquit pater, sunt in argentū supputatæ plu-
 res, quàm tria millia talenta. Ac Cyrus nihil cunctatus
 inquit: Exercitus igitur, quoniam Chaldæi finitimi aduer-
 sus te bellum gerunt, dimidium mecum mitte. Ex pecunijs
 uerò pro talentis quinquaginta quæ ferebas tributo, dus-
 plum

plum Cyaxari soluito, quoniam ea soluere desieris. Mihi uerò alia talenta centum dato mutuo: pro quibus ego tibi polliceor, si mihi deus benignus fuerit, me aut maiora in te beneficia collaturum, aut pecunias ipsas, si sit facultas, dinumeraturum. Quòd si facultas defuerit, impotentiae, mea sententia, non iniustitiae damnandus iure uidear. Et Armenius: Per deos, inquit, Cyre noli ita loqui, alioquin nulla mihi erit in te fiducia: sed existimato, quascunq; mihi pecunias reliqueris, non secus tuas esse, quàm quas habeas tecum abiens. In rem bonam, inquit Cyrus. At ut recipias uxorem, quantũ mihi pecuniarum des? Quantumcunq; equidem possim. Quid uerò ut recipias liberos? Et propter hos, inquit Armenius, quantumcunq; mihi facultas sit dare. Hoc pacto, inquit Cyrus, hæ sunt plures duplo quàm habeas. Tu autem, inquit, dic mihi Tigranes: Quanti emas, quò recipias uxorem? Hic uerò & nuper uxore duxerat, et eam mirificè amabat. Equidem, inquit, ô Cyre anima emam, quò hæc nunquã famuletur. Tu igitur, inquit Cyrus, abducito uxorem tuã: nec enim fecisse hanc captiuã puto, cum ipse nunquã à nobis fugeris. Et tu quoq; Armenie & uxorem tuam, & filios tecum age eorum nemine relicto, quò uideant se abire ad te liberos. Et nunc apud nos cœnate, cœnati uerò abite quò uobis libet. Ita igitur māsērunt. Illis autẽ discubentib. post cœnã Cyrus, Dic mihi (inquit) Tigranes, uir ille ubinam est, qui nobiscum unã uenabatur, & quẽ ipse admirari plurimũ uidebare? Nõnne, inquit, eum pater hic meus interemit? Ob quã, inquit Cyrus, iniuriã? Dicebat ab eo me uitiari: qui Cyre, ita erat honestus, ac bonus, ut etiã cũ esset moriturus, me ad se uocarit, inquit. Noli Tigranes quic-

quam succensere patri de morte mea. Non enim ulla maleuolentia hoc facit, sed imprudentia. Quæcūq; uerò per imprudentiā ab hominibus delinquantur, hæc omnia esse arbitror inuita. Ad hæc inquit Cyrus: Heu illi uiro. Sed Armenius ita dixit: O Cyre, neq; hi, qui suis cū uxoribus adulteros cōprehendunt, ob hanc causam eos interficiūt, quòd illas reddant impudicas: sed quia ipsos existimāt ab eis auferre charitatē erga uiros, itaq; ijs ut hostibus utuntur. Ita & ego illi inuīdi, quòd facere uideretur, ut filius meus se magis quā me patrem admiraretur. Ad quæ inquit Cyrus: Sed ita per deos, Armenie, uideris mihi humana perpetrasse errata: ac tu Tigranes patri ignoscito. Cum talia illi tum disseruissent, et perbenignè essent excepti, ut par erat, ex reconciliatione in rhedas unā cū uxoribus ascēdentes, abibāt læti. Cumq; uenissent domū, narrabant Cyri alius sapientiam, alius constantiā, alius mansuetudinē, alius etiam pulchritudinem atq; magnitudinē. Hic igitur Tigranes quærebat ex uxore: Num etiam, inquit, tibi Armenia Cyrus uidebatur esse pulcher? At illum ædepol, inquit, non spectabam. Sed quem, inquit Tigranes, spectabas? Illum ecastor, inquit, qui dixit se anima sua fuisse empturum seruitutem meam. Et tum sanè, ut erat consentaneum, post huiusmodi uerba inuicem quiescebat. Postridie uerò illius diei Armenius & ad Cyrum, & ad exercitum uniuersum dedit hospitalitatis munera. Suis autem, quos ire in expeditionem oportebat, pronunciauit, in tertiū diem ibi adessent: & quas pecunias Cyrus dixerat, duplicatas eas dinumerauit. At Cyrus quot iusserat acceptis, alias remisit: quærebatq; uter esset ducturus agmen, filius ne, an ipse. Responderuntq; uterq; simul: & pater

pater quidem ita, Quencunq; ipse iubebis. At filius ita: E= quidē ipse abs te Cyre nō abero, ne si sarcinarius quidem sim secuturus. Cui arridens Cyrus: Quanti, inquit, aestima res, ut uxor tua esset auditura te sarcinā ferre? At minimē opus erit ut audiat, agam enim: itaq; uidere licebit ei quicquid geram. Tempus instruendi sit uobis, inquit Cyrus. Existimato, inquit Tigranes, instructos ad fore, quicquid dederit pater. Et tum quidem munerati milites dederunt se quieti. Postero autem die Cyrus Tigrane ac fortissimis Medorum equitibus acceptis, & ex amicis suis quot oportuni uisi sunt, regionem obequitans conspiciabatur, cōsiderabantq; ubi castellum muro cingeretur: et ubi uenisset in uerticem quendam, interrogabat Tigranem, qui essent hi montes, unde Chaldaei decurrentes prædarentur. Quibus à Tigrane ostensis, quærebat rursus: Nunc in his montibus solitudo agitur? Non mehercule, respondit, sed in illis speculatores sunt semper, qui alijs significant, quicquid uideant. Quid igitur, inquit, faciunt ubi senserint? Auxilium laturo eunt ad uertices, quisq; pro uiribus. His Cyrus auditis, ubi considerasset, audissetq; multū agri esse Armenijs, & desertum et incultum esse propter bellum, tum quidem & ipse & cæteri ad castra redierunt, & ubi coenati sunt, quieti se dederunt. Postridie uerò & Tigranes ipse instructus aderat, et equites ad quatuor milliaangebantur ei, & sagittarij ad decem millia, & tantundem scutorū. At Cyrus interea dum hi colligebantur, sacrū faciebat. Sed posteaquā litauit, Persarum conuocati atq; Medorum duces ubi simul fuere, talibus eos alloquitur:

Viri amicissimi, mōtes hi quos uidemus, sunt Chaldaeorum: hos si occupauerimus, fecerimusq; castellum in uer

Cyri oratio.

tice, neceſſe ſit ut utriq; & Armenij & Chaldaei, ad ſanitatē erga nos redeant. Et ſacrificia quidem nobis bene habent. Humana uerò audentia ad hæc agenda nō ita nobis magno erit auxilio, ut celeritas. Nam ſi occupatū eò aſcenderimus prius quā hoſtes cogantur, aut ſine pugna omnino capiamus uerticem, aut & paucis utamur & imbecillis hoſtibus. Laborū autē nullus eſt neq; faciliſ, neq; tutior, q̄ ut nunc conſtanter acceleremus. Ite nunc ad arma. Et uos quidē Medi pergite nobis ad læuā. Vos autem Armenij dimidiati, pars ad dexteram, pars ante nos ducite: at uos equites poſt nos ſequimini, hortātes & urgentes nos ſurſum. Quòd ſi quis molliorē ſe præſtiterit, ei aduerſamini. His dictis Cyrus antecedebat, rectos manipulos ducens. At Chaldaei ubi nouerūt impetū ſurſum fieri, & id cōtinuò ſuis ſignificabant, & unā clamore inuicem ſublato cogeantur. Cyrus autē ita monebat: Viri Perſæ nobis accelerandū eſſe ſignificant. Nam ſi ſurſum anteuertimus, hoſtes poterūt nihil. Habebāt autē Chaldaei cratis & tragulas duas, dicebāturq; eſſe hominū illius regionis bellicoſiſſimi. Et ſtipendio merent, cum his cuiq; opus eſt, quoniā ſunt et bellicoſi maximè & pauperes. Etenim regio eſt ijs & montuoſa, et breuis, quæ pecunias habeat. Vt autē Cyri milites propius facti ſunt montiū faſtigijs, Tigranes unā cum Cyro proficiſcens ait: Num Cyre noſti, nobiſiſ ſ quāprimū eſſe pugnandū, cum Armenij non ſint eiufmodi, qui hoſtes ſuſtineāt? Ac reſpondens Cyrus, hoc ſe nō latere, Perſas monuit ſeſe inſtruerent, quòd eſſet quāprimū inſequendum, cum ſubterfugientes Armenij hoſtis Chaldaeos propè nos ſubduxerint. Talis igitur duces ſe præſtabant Armenij. Qui autem aderant ex Chaldaeis

Chaldæis, ut propè Armenij facti sunt, cōfestim in eos ululantes, ut consueuerāt, cursim ferebantur: quos Armenij, ut soliti erāt, minimè expectabant. Vt autem fugantes illos Chaldæi uiderunt obuios hostis qui sursum tenderent, gladios ferre, alij quidem eis appropinquātes statim mortui sunt, alij fugerunt, etiam quidam capti sunt. Curriculoq; montium cacumina capiuntur. Quæ ubi Cyri milites tenuissent, & Chaldæorum habitacula despexerunt, & eos ex proximis habitaculis fugere senserunt. At Cyrus, ut milites omnes conuenerunt, prandium præcepit. Qui ubi pranderunt, ipseq; didicisset, ubi speculæ Chaldæorum erant locum esse & munitum ac tutum, aquisq; abundantem, ibi continuo castellum muro circundabat, iubebatq; Tigrani ad patrem mitteret, iuberetq; ut ad se iret, secum adductis quotquot essent & fabris & architectis. Ad Armenium quidem abibat nuncius. Cyrus uerò cum ijs qui aderant murum struebat, cum per id temporis ad eum adducunt captiuos uinctos, & aliquos etiam uulneratos. Quos Cyrus ut uidit, uinctos continuo solui iussit, faucios autem uocatis medicis curandos imperauit. Dein uerò dixit Chaldæis, uenisse sese, neq; quòd cuperet illos perdere, neq; quòd esset sibi opus bello, sed quoniam uellet inter Armenios pacem facere & Chaldæos. Priusquā tenerentur cacumina, scio, inquit, uobis pace opus nō fuisse: secure enim habebant res uestre: sed Armeniorū bona agebatis ferebatisq;. Nunc autem uidetis aliquando, qua estis conditione. Itaque ego uos dimitto domum, & reliquos captiuos: uobisq; alijs Chaldæis tempus do consultādi, siue nobiscū uultis belligerare, siue amici esse. Et bellum si gerere optatis, nolite huc inermes ire, si sapitis. Sin

uobis arbitremini pace opus esse, uenite sine armis. Vt autem res uestræ bene habeāt, si amici fueritis, mihi erit cura. Quibus auditis, Chaldæi Cyrum multis laudibus extulerunt, cumq; essent iucundissimè complexi, domum abire. Sed Armenius cum audisset à Cyro uocari sese, et quid ab eo ageretur, acceptis fabris & rebus alijs quotquot uisui fore arbitrabatur, uenit ad eum quàm poterat celerissime. Quo quidē uiso, dixit: Cyre, ut pauca de futuro cum nos homines prospicere possumus, multa agere aggredimur. Nunc enim ipse moliri libertatem aggressus, factus sum seruus, ut antea nunquā. Cum uerò capti sumus, certò perisse arbitrati, nunc ut aliàs nunquā, salutem perspicuè sumus adepti. Qui enim nunquā cessabant multis nos malis afficere, his ego nunc esse uideo, ut optabā. Et hoc uelim, ne te lateat Cyre, fuisse me ad abigendos Chaldæos ex his uerticibus, multò pluris daturum pecunias, q̃ istas quas tu nunc habes ab me. Et quibus bonis pollicebaris nos affectum iri cum accipiebas pecunias, ea iam prestitisti. Itaque nouimus alias tibi debere gratias, quas tibi si boni uelimus esse, pudeat nos sanè non referre: cui etiam si referamus, nihil tamen pro dignitate facere ne hoc quidem pacto erga uirum adeò beneficū reperiamur. Et Armenius quidem hæc dixit. At Chaldæi rogatum uenerūt ad Cyrum, sibi ut pacem faceret. Quos Cyrus interrogabat inquiring: Ob aliud'ne Chaldæi quicquā pacem cupitis, quàm ob huius rei causam, quòd existimetis securius posse uitam agitare pace facta, quàm si bellum geratis? Quoniam hæc habemus, dixerunt Chaldæi. Et Cyrus inquit: Quid igitur si alia etiam bona uobis ex pace adueniāt? Magis item lætemur, respōdere. Sed quidnam aliud inquit

inquit? num quia boni agri caritudine pauperes existima
mini? Etiā propter hoc, confessi sunt. Quid igitur, inquit
Cyrus, uelletis ne tantum soluentes tributū, quantū Arme
nij soluunt, uobis liceret tantū colere agri Armenij, quan
tum uelitis? Modò, respōdere Chaldæi, credamus fore, ne
quid iniuriæ patiamur. Quid uerò tu, Cyrus inquit, Ar
menie, uellēs ne id agri quod nunc est incultū, ab his co
li, si constitutas apud te pecunias soluerint? Respondit Ar
menius: Pluris sanè hoc emerē, cum census multū augere
tur. Quid autem uos Chaldæi? quoniam uobis boni sunt
montes, num sinere uelletis Armenijs hos montis esse pa
sturæ, si uobis pastores quæ iusta sunt soluerint? Valde,
Chaldæi responderunt: nam sine ullo labore magnā ad se
sc utilitatem peruenturam. Tu autem Armenie, uellēs ne
pascuis horum uti, si pro parua Chaldæorū utilitate, lon
ge maiorem ipse utilitatem esses consecuturus? Et ualde id
quidem, si pasturam mihi securam arbitrarer. Igitur, in
quit Cyrus, securè pasceretis, si uertices auxilio habere
tis. Ita est, inquit Armenius. At per Iouē, dixere Chaldæi,
nequaquā securè nos agrum coleremus, & non modò ho
rum agrū, sed ne nostrum quidem, si hi cacumina posside
rent. Sed quid, rursus inquit, si cacumina uobis essent au
xilio? Ita nobis, Chaldæi responderunt, bene esset. Sed me
diusfidius, inquit Armenius, nobis rursus nequaquam be
ne foret, ubi hi rursus cacumina essent accepturi, præser
tim cincta muro. Atq; Cyrus inquit: Ita igitur ego faciā:
neutris uestrū uertices tradam, sed eos nos custodiemus,
& utri uestrū alteris iniuriā faciant, nos cum iniuriā
passi futuri sumus. His autē auditis utriq; rem laudarūt,
dicentes hoc modo duntaxat pacem futuram stabilem. Et

ad hæc obseruanda dederūt omnes acceperuntq; fidei pi-
 gnora, utq; utriq; ab inuicē liberi essent cōuenerunt, ute-
 renturq; inter sese connubijs, & culturis, & pasturis, &
 cōmuni societate, si quis in alterosq; esset iniustus. Ita
 per id temporis est peractum: atq; hac etiam tempestate,
 quæ tum fœdera sunt percussa inter Chaldæos & regem
 Armeniorū, ita perdurāt. Cæterū posteaquā fœdera sunt
 percussa, utriq; continuò castellum tanq̃ commune muro
 impigrè cingebant, & in id res necessarias congregabant.
 Sed ubi aduenit uestpera, Cyrus utrosq; apud se cœnatu-
 ros ut iam amicos, conuiuio excipiebat. Iis autem unā di-
 scumbentibus, dixit unus ex Chaldæis: hæc alijs quidem
 suis omnibus optabilia existere, uerū esse Chaldæos quos-
 dam qui uiuerent ex præda, nescirentq; terram colere, ac
 ne possent quidem, assueti ex rebus bellicis uitam degere.
 Prædabantur enim semper, merebantq; stipendio sæpe a-
 pud Indorū regem: nam illum aiebant uirū esse opulen-
 tissimū: sæpe etiā apud Astyagen. Et Cyrus inquit: Quid
 igitur nō etiā nūc apud me stipendio merēt? Ipse enim da-
 bo quantū quis alius plurimū unquam stipendium dedit.
 Cui cōsensere, multos etiā fore qui uelint. Et hæc quidem
 tandē ita conuenta sunt. At Cyrus cum audisset Chaldæos
 sæpe ad regē Indorū proficisci, recordatus uenisse quos
 ab eo speculatū in Medos res Medicas, abisseq; ad hostes
 quò rursus res eorū explorarent, uolebat ut quas ipse res
 gesserat, Indus disceret. Itaq; cœpit ita loqui: O Armenie,
 et uos Chaldæi dicite mihi, si quem ego ex meis ad Indum
 mitterem, mitteretis ne mea causa è uestris aliquos, qui ei
 & itineris duces essent, atq; unā agerent, ut quæ uolo, no-
 bis ab Indo fierent? Ego enim uellem ut grandior etiā præ-
 cunia

cunia nobis fieret, quo & stipendiū dare possim abundē quibus debeā, & milites honorare atq; munerare pro dignitate. Horum igitur causa mihi sit uolo maxima pecuniarū copia. His autē opus esse duco, si uelim quod libenter cupio, pecunijs uestris parcere. Amicos enim uos mihi iam arbitror. Ab Indo autem libenter acciperem, si daret. Itaq; nuncius cui uos iubeo dari duces, esseq; adiutores gerēdi negocij, illō cum uenerit, ita dicet: Inde Cyrus me ad te misit, qui ait: Quoniā alium exercitum domo ex Persis opperitur, maiore sibi pecunia opus esse. Etenim eum, inquit, opperior. Quare si ad eum miseris quantum pecuniæ possis cōmodē, si deus ei bonū exitū dederit, enitetur ita facere ut existimes bene tibi esse cōsultum, quōd munificus in se fueris. Et hæc sanē uerbis meis exponet. Vos autē mandate uestris nūcijs, quod ad rem cōducere arbitramini. Et si quidē ab eo pecunias ceperimus, his utemur copiosius. Sin minus ceperimus, intelligemus nullam à nobis ei gratiā deberi: quinimō licebit nobis illius causa omnia facere ad nostrū emolumentū. Hæc Cyrus locutus est, futurū putans ut Armenij Chaldæiq; nūcij eiusmodi uerba de sese facerent, qualia de se ipse cupiebat ab omnibus hominib. & dici et audiri. Et tum tandē cum res bene haberet, soluto cōuiuio dederūt se quieti. Sed postero die tum Cyrus nunciū mittebat, ei mādans quæcūq; dixerat. Tum Armenius Chaldæiq; unā miserūt quos maxime idoneos existimabāt, et ad agendū pro Cyro, & ad dicendū, quæ cōueniret. Exhinc autē Cyrus cum munisset castellum, & præsidio, quantū sat erat, & rebus necessarijs omnib. atq; ijs principē reliquisset Medum, quē Cyaxari putasset maxime gratū esse, abiit abducto secū exer-

citu, & quantū habuerat ueniens, & quem ab Armenijs
 assumpsit, & quos milites acceperat à Chaldæis ad qua-
 tuor millia, qui putabātur cūctis alijs præstare. Vt autem
 descendit in agrū habitatū, Armenius nemo neq; uir neq;
 mulier intra ædis se continuit, sed omnes obuiā facti sunt,
 lætitia ob pacem exultantes, ferentesq; & agentes quod
 quisq; habebat preciosum. Neq; Armenio hæc molesta e-
 rant, quoniā existimaret ita Cyrum delectari magis, quòd
 honoraretur ab omnibus. Sed ad postremum Armenij e-
 tiam uxor occurrit, filias secū habens & iuniorem filiū,
 quæ unā cum alijs donis portabat etiā aurū, quod prius
 accipere Cyrus noluerat. Id Cyrus ubi uidit: Vos me, in-
 quit, non facietis ut mercedis gratia obequitās sim bene-
 ficus: sed tu, ô mulier, abi, & quas ad me fers pecunias,
 tibi habe, easq; nolito amplius Armenio defodiendas da-
 re. Tuum autem filium pulcherrimè istis à te ornatum, in
 expeditionem mitte. At reliquas pecunias habeto, & ti-
 bijsi, & uiro, & filiabus ac filijs, quòd ijs seruatis pul-
 chrius etiam ornabimini, & ætatem agitabitis iucundius.
 Nam in terrā satis sit corpora defodere, cum quisq; diem
 obierit. Cyrus hæc locutus abequitauit, quem Armenius
 & reliqui omnes homines deducebant, eum beneficū ite-
 rum atq; iterum appellantes, & uirum bonum. Hæc q; fa-
 ciebant, donec eum ex Armenia emisserunt. Misit item ad
 eum Armenius maioris copias, quoniam domi pax esset.
 Ita igitur abiit Cyrus, non solum ditatus pecunijs quas ac-
 cepit, sed multò pluribus paratis ob suos mores, quas cum
 opus foret acciperet. Et tum quidem intra confinia est ca-
 strametatus. Postridie uerò illius diei, et agmen, & pecu-
 nias ad Cyaxarem misit. Nam is propinquus erat, ut dixe-
 rat. Ipse

rat. Ipse autem unà cum Tigrane, optimatibusq; Persarum uenabatur, ubi feras offenderet, atq; lætabatur. Sed ubi uenit in Medos, ex pecunijs dedit suis ordinum centurionibus, ut existimabat cuiq; satis esse, quò etiam ipsi honorare possent, si quos sub sese ducerent. Putabat enim si quisq; partem faceret laude dignā, totum sibi pulchrè habere. Atq; ipse quoq; si quid usquam uideret pulchrum pro exercitu, hoc adeptus, uiris dignissimis dono dabat, ratus ille quidem, ea sibi omnia ornamento esse, quicquid pulchri milites boniq; haberēt. Cum uerò militibus ijs tribueret quæ ceperat, in medium centurionum ordinē, primipilorum, & omnium quotquot honorabat, his quasi uerbis est usus: Viri amicissimi, uidetur nobis quædam nunc adesse letitia, & quòd opulentia quædam est addita, et quòd ea habemus, quibus honorare poterimus quos uelimus, & honorari quoq; pro dignitate cuiusq;. Omni-
no autem reminiscamur, quæ qualiaq; opera horum fuerē bonorum causa. Nam si nobiscum uelitis animo uoluntate, inuenietis & uigilasse ubi oportebat, & laborasse ac celerasseq;, & hostibus non cessasse, fuisse in causa. Sic igitur est opus, præstetis uosmetipsos in posterum uiros fortis: illud sanè intelligentes, magnas uoluptates, maximaq; bona præberi obedientia, constantia, tempestiuisq; & laboribus & periculis. Et cum Cyrus intelligeret milites robustis esse corporibus ad militiæ labores tolerandos, esseq; animis infractis ad hostis cōtemnendos, scire etiam singulos quæ suæ forent armaturæ accommodata, cumq; omnis intueretur paratissimos ad parendum superiorib. hinc igitur cupiebat iam res aliquas præclaras in hostis gerere, præsertim cum nosset in cunctando sæpe solere

Cyri oratio.

principibus ex pulchro etiā apparatu aliquid uariari. Videns præterea quibus in rebus milites concertarent, illos habere ambitiose, pluris quoq; inuicem sibi inuidere, ob hæc etiam eos in hostium agrum uolebat quamprimū educere, quippe qui nosset communibus periculis fieri, ut socij benignè inter sese habeant, & non amplius hac in re neque armis uiris ornatis inuident, neq; gloriæ cupidis, quin potius huiusmodi milites & laudant illos, & amplectuntur, qui sui sint similes, quòd eos existiment boni publici adiutores. Sic igitur primum armauit exercitum, instruxitq; q̃ potuit & pulcherrimè & optimè. Dein conuocauit prætores, qui militibus decem millibus præsunt, & militum tribunos, & ordinum centuriones, & primipilos: hi enim absoluti erant ab exercitus ordinarij numero. Cumq; aut imperatori audire, aut quicquam præcipere oporteret, nihil sine superiore relinquebatur, sed per duodenarios & sexcuriones relictæ omnia componebantur. Sed ubi tempestiui qui uocantur, conuenerunt, ijs Cyrus adactus ostendebat quæ bene haberèt, docebatq; qui, quæq; res ad mutuū auxilium esset ualida. Et illos postquam amore incendit iam ad aliquid faciūdum, ait eis abeundum nunc esse ad suos ordines, & ut quisq; suos edoceret quæ à se illi didicissent, omnisq; accèdere studerent cupiditate bellandi, quò ingenti omnes animo ad iter mouerètur, utq; adessent mane ad Cyaxaris ianuas. Tum igitur abeuntes egerunt ita. Sed postero die ubi illuxit, adfuerūt tempestiui ipsi ad ianuas. Vnà cum his Cyrus ingressus ad Cyaxarem, cœpit ita loqui: Non equidem nescius sum Cyaxares, quæ à me dicēda sunt, ea tibi iandiu nihilo minus uisa esse quàm mihi. Sed pudet te fortassis ea dicere, ne

re, ne uidearis idcirco de educēdo exercitu facere mentio-
nem, quoniam molestè feras nos alere. Quare posteaquā
ipse taces, loquar ego & tua et nostra causa. Nobis enim
uidetur omnibus, ne posteaquam parati sumus, tum pu-
gnemus, cum hostes in agrum tuum impetū fecerint: neq;
in amico sedentes solo, hostis expectemus, sed in illorum
potius regionem ipsi irruamus. Nunc enim cum in tuo su-
mus agro, magnum rebus tuis uel inuiti detrimentum inse-
rimus. Quòd si in hostilem eamus terram, malè res eorū
quamlibentissime afficiemus. Præterea abs te ipsi nunc a-
limur, magna tua cum impensa. Si aduersus hostis eduxe-
rimus exercitum, ex illorum agro alimenta capiemus. In-
super si maius nobis illic quàm hic periculum impende-
ret, fortassis id esset expetendum quod securius foret. Sed
nunc pares illi futuri sunt, siue hic expectemus, seu in illo-
rum agrum ijs obuij eamus: & nos item pares sumus pu-
gnaturi, siue eamus nos pugnatum aduersus illos, seu hic
illos adorientis excipiamus. Sed multò profectò præstan-
tioribus robustioribusq; utemur militum animis, si eamus
aduersus inimicos, neq; inuiti hostis aspicere uideamur.
Longè etiam illi magis nos metuent, ubi audierint nos ne-
quaquam suo terrore tanquam exanimatos domi sede-
re: sed posteaquam eos sentimus aduenientis, & ipsis oc-
currere quamcelerrimè manum conserturos, & minimè
expectare donec noster ager detrimentum patiatur, sed
anteuertētis potius uastare iam illorum solum. Ac si quis-
dem maiorem illis metum iniecerimus, & nos ipsos ala-
crioris fecerimus ad audendum, hoc ego nobis maximo
lucro cessurum puto. Et hoc item modo periculi nobis mi-
nus, hostibus uerò plus fore censeo. Nam ut & meus pa-

Prælia animis
magis quàm ui-
ribus censer.

ter dicere semper solet, & tu dixisti, & alij omnes con-
sentiunt, prælia animis longè magis, quàm uiribus corpo-
rum iudicantur. Cyrus ita locutus est. Ad quem Cyaxa-
res ita respondit: Verùm quòd uos alere mihi molestum
sit, nolo Cyre uosq; alij Persæ suspicemini. Enimuero ire
iam in hostilem terrā, uidetur etiā mihi ad omnia esse me-
lius. Ergo, inquit Cyrus, posteaquā eadem nobis mens est,
iam instruamur licet: & si per deorū sacrificia quampri-
mum nobis consentitur, exeamus celerrimè. Exhinc mili-
tibus instrui iussis, Cyrus sacrificabat primū Ioui regi,
dein alijs dijs, petebatq; ut propitij ac mites exercitū du-
cerent, utq; boni forent & fautores & socij, cōsultoresq;
bonorum. Simul etiam rogabat & heroas soli Mediæ ha-
bitatores & curatores. Vbi uerò & litauisset, & frequēs
ei esset agmen iuxta fines, tum demū secundis usus augu-
rijs, solum inuadebat hostile: superatisq; illicò finibus, il-
lic iterum propitiam libationibus reddebat Tellurem, &
sacrificijs deos ac heroas qui Assyriam incolunt, placā-
bat. Quæ cum fecisset, rursus Ioui patrio sacrificabat: &
si quis alius deus ostenderetur, nullum negligebat. His ac-
tis, cōtinuò haud multum itineris peditatum adigentes,
locabant castra: equitatu autem discurrentes, magnā mul-
tiplicemq; prædam complectebantur. Cæterum castrame-
tati habentesq; res necessarias affatim, et uastantes agrū,
hostis expectabant. Qui cum aduentare dicerentur, nec
iam distare iter dierū decem, tum ait Cyrus: Iam tempus
est Cyaxares obuiam eundi, ne & hostibus uideamur &
nostris metu eis non occurrere, quin potius pateat nō in-
uitos nos pugnatueros. Hæc ubi Cyaxari quoq; uisa sunt,
ita instructi procedebant, semper tantum quotidie, quan-
tum

tum satis esse ipsis uideretur: faciebantq; coenam semper cum luce. Neq; ignis in castris noctu accendebāt, sed ante castra, quò si qui noctu procederēt, propter ignē aspicerent, neq; ab aduenientibus uiderētur. Sape etiam post castra ignis faciebāt ad fallendos hostis. Quare interdum speculatores quoq; incidebant in eorū procubitores, quoniam ignes essent post castra, cum illi tamen arbitrarentur esse à castris sese admodum procul. Itaq; Assyrij, & qui cum ijs erant, ubi iam proxima inuicem agmina fierent, fossa circundabantur: id quod hoc etiam tempore faciunt reges barbari, qui in locatione castrorum quamprimum ob hominum multitudinem circundantur fossa. Non enim equestre agmen noctu facile turbari, esseq; inutile & maximè barbarum. Habebant enim in præsepio eos quos ligatis pedibus, ad quos si quis eat, eos & soluere noctu & frenare laboriosum sit. Operosum est etiā eosdem ephippijs sternere atq; loricis induere: & cum equū ascenderis, eum agere per castra nullo pacto poteris. Itaq; ob hæc omnia cum alij barbari, tum illi, fossa munitiones circundant: simulq; existimant cum in loco sunt munito, potestatem præstare pugnandi cum uelint. Cum hæc igitur facerent, inuicem proximi fiebant. Sed ubi appropinquantes distarent circiter parasangam, Assyrij ita locabant castra, ut dictum est, in loco fossa circumdato, sed aperto. At Cyrus quàm poterat in loco occultissimo, factis ante castra uallis loricatis et terreis tumulis, ratus res omnis bellicas quæ repenti aspiciantur, esse aduersis formidabiliores. Atq; illa quidem nocte, ut par erat, ab utrisq; procubitibus constitutis, quieti se dederunt. Postridie uerò illius diei Assyrius Cræsusq; atq; alij duces intra munitio

nem agmina in pace continuere. Cyrus autem & Cyaxares instructa acie expectabant pugnaturi, ubi hostes inuaderent. Sed ut est exploratum, neq; exituros eo die hostis ex munitione, neq; pugnam facturos, Cyaxares uocato Cyro atq; alijs tempestiuis huiusmodi uerba locutus est: Videtur mihi, amici uiri, uti ita instructi ut sumus, eamus ad aduersariorum munitionem, eisq; declaremus uelle nos pugnam. Ita enim ubi illi contra in pugnam non exeant, tum nostri omnibus in rebus audentiores futuri sunt, tum hostes timidiores nostram intuiti audentiā. Cyaxares ita sentiebat. At Cyrus: Nullo modo, inquit, per deos immortalis, ô Cyaxares. Nam si ita profecturi apparuerimus ut tu iubes, tunc profectò hostes nos aduenientis spectabunt sine ulla formidine, cum non sint nescij se esse in tuto, ne quid patiantur: cumq; abeuntes nihil omnino fecerimus, rursus aspicientes copias nostras eis numero admodum cedere, nos contemnent, tum cras exhibunt animis longè firmitioribus. Nunc autem cum adesse nos norunt, neq; nos uident, tibi perspicuum debet esse, nullis nos illis fore contemptui, sed cogitabunt potius, quidnam hoc est? denique de nobis differentis, certò scio eos minimè quiescere. Cum uerò exierint, tum ijs simul appareamus oportet, continuoq; obuij eamus, eos offendentes ubi olim uolebamus. Quæ Cyri oratio posteaquā & Cyaxari & alijs est probata, per id quidem temporis ubi coenati sunt, constituisentq; excubias, & ignis multos ante illas accēdissent, dederūt se quieti. Postero autem die mane Cyrus coronatus sacrificabat, præcipiebatq; alijs optimatibus, ut coronati sacrificijs adessent. Sacrificio finito, Cyrus his conuocatis: Viri amici, dixit, dij immortales quemadmodum

Cyri oratio.

& augu

et augures dicunt, et mihi etiam uidetur, tum pugnam fore pronunciant, tum dant uictoriam, et salutem in sacrificijs pollicentur. Qualis autem uos esse oportet, pudeat me sanè admonere. Noui enim æquè uobis hæc esse cognita ac mihi, et hæc uos exercuisseq; et audisse, audireq; assidue, quæ etiam ego. Itaque non absurdè alios doceatis. Sed hæc nunc si minus nostis, auditote. Quos enim nouissimè et habemus socios, et enitimur facere nobis similis, hi nobis admonèdi sunt, et quorū gratia à Cyaxare alebamur, et quæ ipsi exercebamus, et ad quas res eos inuitauimus, quapropter dixere se nobis adiutores fore. Et huius rei admonitos eos reddite, quòd hic dies demonstraturus est, quæ quisq; mereatur. Nam quas res homines serò discunt, non est mirandum si qui ipsorum admonitoris quoq; indigent. Verùm satis fuerit, ubi etiā ex admonitione se fortiter gerant. Quæ quidem agentes de uobis quoque unà periculum facietis. Nam qui potest in huiusmodi re facere alios melioris, sibi iam consentaneè conscius sit absolutæ suæ probitatis. Qui autem horū admonitionem habet duntaxat, estq; hac contentus, se iure semiperfectum existimet. Quāobrem haud ego ijs dico, sed iubeo, uos dicatis quo etiā uobis obsequi studeāt. Vos enim ijs estis proximi quisq; suæ parti. Neq; uos lateat, donec istis uestram fiduciā ostenderitis, et his et alijs multis audendi nō uerbo, sed opere doctores futuri estis. Dixitq; ad postremū, ut præsūm abirent coronati, utq; ueniret in ordines cum coronis. Ut hi abiire, rursus subsidiarios duces ad se uocauit, quibus ita quoq; locutus est: Viri Persæ uos facti estis et homotimi et electi, qui uidemini alijs quidem in rebus uiris fortissimis esse similes, et tateuerò etiam

prudētiores: habetisq; locū nihilo minus honestum quā
 praecepti. Vos enim cum in postremo estis agmine, uiros
 fortis obseruantes ipsosq; adhortantes, reddite etiam for-
 tioris. Quòd si quis molliorem se praeferat, hunc quoq;
 uidentes, nequaquam ei assentiamini. Conducit uobis ui-
 ctoria, quantum alteri cuiquā, tum propter aetatem, tum
 propter grauitatem stolae. Quare si uos etiam qui antero-
 res sunt acciuerint, sequiq; hortentur, ipsis audite. Et quò
 ne hac quidem in re sitis illis inferiores, ipsos adhortami-
 ni ut celerrimè antecedant aduersus hostis. Atq; abite, in-
 quit, quò & ip si prandeatis: deniq; unā cum alijs corona-
 ti in ordines itote. Itaq; Cyri milites in his erant. At Assy-
 rij iam etiā pransi & exierant audaciter, instruebaturq;
 constanter ac robustè. Parabat autem eos rex deuectus in
 curru cum huiusmodi adhortatione: Viri Assyrij nunc o-
 pus est uiros fortissimos uos praestetis. Per hoc temporis
 de uita uobis propositū est certamē, de solo ubi orti estis,
 de aedibus in quibus estis & alti & educati, de uxoribus,
 de liberis, ac de bonis omnibus uestris. Si quidem uiceri-
 tis, estis harum omniū rerum domini futuri, ut antea: sin
 uicti fueritis, haec omnia tradetis hostibus. Quare si uicto-
 riam amatis, manete ac pugnate. Stultum est enim qui po-
 tiri uolunt uictoria, hos terga, & eas corporis partis quae
 & armis uacant & manibus, per fugam aduersarijs op-
 ponere. Stultus etiam est si quis uitae appetens se fugae cō-
 miserit, cum non sit ignarus uictoria parari salutē, at mor-
 tem fugientis magis quā manentis occumbere. Atq; ille
 quoq; stultus est, qui pecuniarum cupidus uinci aequo ani-
 mo patiat. Quis enim ignorat, uictores & suas sibi res
 saluas facere, & succumbentiū bona etiam capere? uictos
 autem

autem, & seipſos unà et ſua omnia amittere? Hæc ab Aſſyrio gerebantur. At Cyaxares ad Cyrum mittens, aiebat iam tempus eſſe agendi aduerſus hoſtis acie. Si enim, inquit, nunc pauci adhuc ſunt, qui ſeſe extra munitionẽ egerint, in quo tum tempore aggrediemur, erũt permulti. Ne igitur expectemus donec nos ſuperẽt numero, ſed eamus potius dum adhuc putamus eos quamprimum à nobis ſuperatum iri & quamfacillimẽ. Cui reſpondit Cyrus: Cyaxares, niſi uicti fuerint ſupra dimidium ipſorum, dicturi ſunt nos metu multitudinis aggreſſos eſſe paucitatem, ac ne uictos quidem ſe putabunt. Itaque ruſſus pugnandum erit: qua quidem in pugna melius fortasſe ſibi conſulant, quàm nunc conſuluerint, tradentes ſe nobis adminiſtrandos, ut cum quanto uellemus eorũ numero pugnaremus. Nuncij his auditis abibant: cum interea temporis uenit Chryſantas Perſes, & alij quidam homotimi, qui tranſfugas agerent: quos Cyrus prudenter interrogabat, quæ ab hoſtibus gererentur. Illi autẽ dicebant eos exiſſe iam cum armis, diſponi q; à rege in aciẽ extra caſtra, qui eos egreſſos adhortaretur oratione multa eaq; ualida, ut ab ijs qui audierant ferebatur. Hic ait Chryſantas: Quid Cyre ſi etiam tu conuocatos milites dum adhuc licet adhorteris, ſi quid tandẽ melioris facturus es? Et Cyrus inquit: Chryſanta nulla te afficiãt moleſtia adhortationes Aſſyrij. Nulla eſt enim bona adeò admonitio, quæ uiros, ſi eam audiant, non fortes, unum diem fortis factura ſit. Non igitur ſagittarios faciat bonos, niſi antea ſagittam exercuerint: neq; iaculatores, neq; equites, nec item corpora ad laborandum ſufficientia, niſi fuerint antè ad labores exercitata. Ad quem Chryſantas: Sed ſatis eſt, inquit, Cyre, ſi ipſos

rum animos adhortationib. tuis reddideris melioris. Numqueat una oratio, inquit Cyrus, eodem die auditorum animos uerecundia implere, aut à turpitudine cohibere, atq; inducere ut laudis gratia omnem laborem, omne periculum subeant, ut hoc in mentis suas constanter admittant, expetendum magis esse mori pugnando, quàm fugiendo seruari? Nónne si huiusmodi cogitatus debent in hominibus coalescere, stabilesq; manere, leges primū huiusmodi sint oportet, per quas uiris bonis uita honorifica liberalisq; paretur, malis autem æuum proponatur et humile & molestum & mendicū? Dein magistri ac etiam principes mea sententia his præficiendi sunt, qui & rectè demonstraturi sint et docturi, assuefacturiq; ad hæc facienda, donec eis inharescat penitus, uiros bonos ac præclaros putandos esse indubitato felicissimos, malos autem & famosos omnium miserrimos duci oportere. Sic enim disponendi sunt, qui disciplinam hostili metui sint prælaturi. Si uero quo tempore milites armati eunt in pugnam, ubi plures etiā ea quæ diu didicerint obliuiscuntur, hinc potis quisquam erit qui breui agenda cōmentatus, è uestigio bellicos uiros efficiat. Omnium facillimum certè sit & didicisse & docuisse maximā rerum humanarū omnium uirtutem. Quoniā ne hosce quidem credebā stabilis futuros, quos nunc haberemus exerceremusq; apud nos, nisi præsentis uos uiderem, qui ipsis eritis exemplo qualis oportet esse: et quòd eos latuerit, poteritis suggerere. At ignaris omnino uirtutis mirarer equidem Chrysanta si quid plus appositā oratio prodesset ad probitatē, quàm musicæ indoctis pulchrè cantatū carmen ad musicā. Et hi quidē talia disseiebant. At Cyaxares iterum mittebat, dicens eum errare, quòd

quòd tempus tereret, neq; aciem ageret quamprimū aduersus hostes. At Cyrus tum tandem nūcijs respōdit: Exploratiſſimum ſit Cyaxari hoſtes nondum eſſe caſtris egreſſos, quod oporteret. Hæc q; nūciate ipſi uniuerſis audientibus. Cæterū quoniā ita illi uidetur, iam agā. Hæc locutus, & eius ſoli deos precatus, extra caſtra aciem agebat. Cumq; agere cœpiſſet, celerius etiā præibat. Quē milites cōpoſitè ſequebantur, cum ob ſcientiā, tum propter exercitationem in ordine pergendi. Magno autē cum robore ſequebātur propter mutuā inter ſeſe æmulationē, et quia erāt exercitatis corporib. ad laborē, & quoniā præfecti omnes erāt principes: libenter uerò, quoniā prudenter haberēt. Sciebāt enim ac iandiu ita didicerāt, et ſecuriſſimū eſſe & facillimū obuiā ire hoſtibus, & ſagittarijs maximè, iaculatoribusq; & equitibus. Sed donec adhuc erant eminus à ſagittarū iactu, Cyrus teſſerā dabat: Iupiter ſocius & imperator. Vbi ruruſus uenit teſſera uiciſſim reddita, Cyrus cœpit ruruſus Caſtori et Polluci canere pæana, qui eſt ex legibus. Hi autem piè omnes magna uoce conſtreperūt. In huiuſmodi enim hymno ſuperſtitioſi minus homines metuunt. Pæane abſoluto, unā pergentes homotimi hilari facie, eruditi, ac ſeſe inuicē circunſpicientes, appellantesq; nomine ſautores præſectosq; frequentiſſimè dicētes, Agite uiri amiciſſimi, agite uiri fortiſſimi, ſe mutuò hortabātur, ut ſequerētur. Qui autē erāt retrò, illis auditis, cōtrā primos ut ualentius ducerent adhortabantur. Habebat aciem Cyrus plenā ſtrenuitatis, ambitionis, roboris, fiduciæ, exhortationis, tēperatiæ, obediētiæ, id quod eſt aduerſarijs, mea ſententia, maximè formidabile. At Aſſyrij alij quidē qui à munitionib. propugnabāt,

cum propè iam accederet Persarum copiae, ascendebant in currus ad suas copias secedentes: sagittarij uerò ac iaculatores funditoresq; multò prius tela emisere, q̃ possent pertingere. Persæ autem adorti Assyrios, ubi peruenerunt ad telorum iactum, tum Cyrus uocem efferens dicebat: Viri fortissimi iam uelocius uestrum aliquis ito, seq; ipsum demonstrato, atq; alios exhortator. Et hi quidem deinceps hoc tradiderunt. Quidam uerò ob alacritatem et animi uim, studiumq; pugnandi, coeperunt currere, quos uniuerſa phalanx cursim sequebatur. Atq; Cyrus ipse non pedetentim, perinde quasi oblitus quòd antecedeſſet, sed cursim, simulq; obstrepebat, Quis me sequetur? quis fortis? quis primus uirum prosternet? Quibus illi auditis, idem hoc obstrepebant, ac per eos omnis uti monebat, sic peruadebat, Quis sequetur? quis fortis? Igitur Persæ hoc modo habentes, obuij ferebantur. Hostes cum amplius manere nō possent, in fugā cōuersi sunt ad munitiones. Itemq; Persæ ad castrorum portas insequentes, urgentis se illos inuicem pluris interficiebant: superq; eos insilientes qui in fossas caderent, et uiros simul equosq; necabant. Nam et currus aliqui fugientes, coacti sunt simul in fossas cadere. Atq; Medorum equites his uisis, immittebant in hostium equites, qui eos haud sustinuerunt. Igitur hic et equorum et uirorum fuga, atq; ex utrisq; nex facta. Ceterum qui intra munitionem Assyriorum in fossæ statione steterant, sagittas iaculaq; mittere in occisores neq; sciebant, neq; poterant, tum ob terribiles aspectus, tum propter metum. Fortassis etiam cum didicissent Persas quosdam ad munitionis aditus suos trucidare, auertebantur, fugiebantq; à stationib; interioribus. Sed ubi Assyriorum sociorumq; uxores uidissent

uidissent iam etiam in castris fugā fieri, clamabant, discurrebantq; præ stupore, aliæ liberos habentes, aliæ hæq; iuniores lacerantes peplos, seq; laniātes, omnisq; in quemcunque inciderent suppliciter orantes, ne fugerent, ne se desererent, sed auxilium ferrent & filiis, et uxoribus, & sibiipsis. Hic ipsi etiam reges stantes cum fidelissimis militibus, unā ad castrorū portas stationib. ascensis, tum ipsi pugnabant, tum alios hortabantur ad pugnandum. At Cyrus posteaquam rem nouit, ueritus ne si intrò ui irrumperent, pauci à multis mali aliquid paterentur, præcepit ut extra telorum iactus pedem retrò ferrent, atq; obedirent. Hic facile quis cognoscat uiros homotimos & quamoptimè institutos: celeriter enim & ipsi obediunt, & alijs parendum præcipiebant. Vt autem à iactibus eminus facti sunt, steterunt locis suis multò magis quā chorus, perspicuè scientes, ubi quenq; esse oportet.

XENOPHONTIS DE PAEDIA
CYRI LIBER QVARTVS, FRANCISCO
Philelpho interprete.



CYRVS ubi modicum temporis ibi unā cum acie māssisset, ostendissetq; paratos sese esse qui pugnarent si quis egredere tur, tandem posteaquā egrediebatur nemo, tantum abegit spatij, quantum bene habere existimabat: castrisq; locatis, & custodijs constitutis, ac præmissis exploratoribus, stans in medium suos milites conuocauit, ad quos in hunc modum locutus est:

Viri Persæ, primū equidem deos & ipse laudo quantum possum, et uos item omnes laudatis, ut arbitror: quip

Oratio Cyri.

pe qui & uictoriā sumus salutemq; consecuti. Ex his igitur quæq; habeamus semper, gratiarū dona dijs immortalibus sunt soluenda. Cæterum ego uos cunctos iam laudo. Nam quod operis gestum est uobiscū unā omnibus, pulcherrimū est profectò. Quæ autē est quisq; meritis, cum à quibus par est accepero, tum & uerbo & re pro dignitate gratiam cuiq; referam. Sed qui me proxime est, de Chrysanta ordinis centurione nihil est audiendum ab alijs. Nam ipse noui qualis fuerit. Fecit enim alia quæcūq; uos etiā omnis fecisse puto. Verum cum ipse reditū præcepi, eumq; nomine uocaui, hic sublato gladio ut hostem percuteret, tum mihi cōtinuò audiuit, tum quod facturus erat omittens, agebat quod iussus foret. Nam & ipse recipiebat sese, & idem alijs faciundum urgens præcipiebat. Itaq; extra telorū iactus prius ordinem eduxit, q̄ hostes uel perciperent nos recedere, uel arcus intenderent, tragulasq; immitteret. Quò factum est, ut & seipsum, & uiros quibus præerat, illesos præstiterit propter obedientiam. Præterea alios aspicio uulneratos, de quibus ubi considerauero, quo tempore uulneribus sunt affecti, tum de ipsis sententiā meā ostendam. At Chrysantā, & rerū operarium bellicarū & prudentē uirū, & qui satis sit ad ferendum imperiū atq; imperandum, militū tribunatu nūc dono. Verum cum aliud item quicq̄ boni dederit deus, ne tum quidē eius obliuiscar: atq; uos omnis admonitos esse uolo. Quæ enim nunc uidistis hac in pugna, hæc uos commentari nunq̄ cessetis, quò apud uosippos iudicetis semper, utrū uirtūs ne magis, an fuga animas seruet: & utrū qui libenter pugnāt, facilius liberetur, an qui minus libenter: & qualem uictoria uoluptatē præbet. Hæc enim ipsi
nunc

nunc optimè iudicetis, cum ob peritiā quam habetis, tum quia modò res est gesta: quæ quidem si usq; cogitetis, meliores futuri sitis. Nunc uerò ut & pij & boni & temperantes uiri cœnā sumite: deniq; immortalibus libationes facite, ac pœana incipite: simulq; prouidete, quod præcipitur. Quibus dictis, in equum ascendit, atque abegit. Cumq; uenisset ad Cyaxarē, essetq; illi unā cōgratulatus, ut par erat, eaq; uidisset quæ ibi agebantur, ac si quare opus esset quæsiuisset, equitauit rursus in sua castra. Et Cyri quidē milites posteaq; sunt cœnati, uigilib. ut opus erat, cōstitutis, quieti se dederūt. At Assyrij, utpote & mortuo principe, & quasi unā cum ipso uiris fortissimis, cum omnes molestia premebātur, tum multi quoq; illorū noctu è castris diffugiebāt. Hæc autē Croesus & cæteri socij inuidentes, animi angebantur: erāt enim omnia molestiæ plena. Sed illud omnib. ægritudinis plurimū afferebat, quòd imperialis exercitus natio esse uideretur cōsilij atq; mētis inops. Sic igitur castra deserūt, atq; abeunt noctu. Vt dies illuxit, atq; hostiū castra uiris orbata apparuerūt, eò Cyrus cōtinuò primos traducit Persas: dereliquerāt enim hostes & pecudes multas, & boues multos, & carros item multos, qui bonorū plurimum pleni essent. Dein transibant etiā omnes qui apud Cyaxarē erant Medi, prandebātq; in hostiū castris. Post prandiū Cyrus cōuocatis suis ordinū centurionib. in hūc modū disseruit: Qualia, ut mihi uidetur, uiri amicissimi, quātaq; bona dimittimus, quæ ab dijs immortalibus nobis offeruntur. Nam quòd hostes metu nostri se fuga tutati sunt, uidetis ipsi. Qui in munitione cū essent, hac relicta fugiūt, quī hosce māsuros quis putet, cum nos uiderint in planitie? Qui autem nos non

dum experti, minimè expectarunt, quomodo nunc expectent uicti, malisq; plurib. à nobis affecti? Quorum prætereà uiri fortissimi perierunt, quomodo ignauissimi pugnare nobiscū uelint? Atq; dixit aliquis: Cur igitur minus eos quam celerrimè insequimur, cum res secundæ adeò certæ sunt nobis? Et Cyrus dixit: Quoniam equorum etiā indigemus. Nam qui ex hostibus fortissimi sunt, quos tempus foret uel capere uel occidere, hi erunt super equos. Hos autem in fugam uertere deorum ope satis possumus: insequēdo autem capere nequaquā satis. Quid igitur, dicebant, non egrederis, Cyaxari hæc dicturus? Dixitq; ille: Sequimini nunc me unā, quòd uideat nobis omnibus eadem hæc uideri. Exhinc sequebantur omnes, ac dicebant quæ uidebantur ad ea necessaria quæ rogabant. Simulq; Cyaxares, quoniam illi cœperant loqui, tanquam subinuidebat: simulq; fortasse, quia bene sibi esse arbitrabatur, si non rursus periculum inirent. Nam & ipse in iucunditate erat, & alios pluris Medos idem facere uidebat. Igitur ita respondebat: Verum, ô Cyre, quòd uos Persæ uni omnium hominū maximè meditamini erga nullam uoluptatem insatiabiliter habere, & uisu noui & auditu. Mihi autem uidetur conducere longè magis, si quis in maxima se uoluptate contineat. Sed quid præbet maiorem hominib. uoluptatem quàm secunda fortuna, quæ nobis hoc tempore contigit? Igitur si quoniam res nobis secundæ sunt, uoluptate ipsa temperanter utamur, tutò fortasse possumus per felicitatem consenescere. Quòd si per eius inexplebilem usum aliā atq; aliam persequi nitemur, uidete ne eadem patiamur, quæ multos ferūt passos in mari, qui dum propter prosperam fortunam conquiescere à nauigatione

ne noluiſſent, periere. Sic item multi uiſtoriam conſecuta, dum alteram appetiuiſſent, amiſerunt etiam priorem. Etenim ſi quidē hoſtes fugientes eſſent nobis pauciores, fortaſſis nos eos tutò ut paucioris adhuc inſequeremur. Sed uelim nunc animo uolutes, aduerſus quantulam eorum partem cum ipſi omnes pugnauiſus, uiſtoriam adepti ſumus. At alij haud manum conſeruerunt: quos ſi minus cogamus pugnare, hi ut & noſtri & ſui ipſorum ignari, propter imprudentiam mollitiemq; abibunt. Sin norint ubi etiam abeant nihilo minus in periculo ſeſe fore, quàm ſi maneant, cauendum eſt nobis ne eos cogamus, ut uel inuiti fortes ſe præſtent. Nec enim latère te debet, non maiorem tibi eſſe cupiditatem illorum uxores atq; liberos capiundi, quàm illis ſeruandi. Cogitandum præterea tibi eſt, ſues, ſi multæ etiam ſint, fugere, ubi uideant uenatorem, unà cum natis. Sed ubi quis uenetur quenquam ex earum natis, non amplius fugere, ne ſi una ſit quidem, ſed ruere aduerſus capere molientem. Et modò cum ſeſe intra munitionem occluſiſſent, præbuerunt nobis pugnandi poteſtatem, cum quanta ipſorum quantitate uellemus. Quòd ſi cum ijs in campeſtri latitudine cōgrediemur, diſcentq; aduerſari ſeparatim alij à fronte, aduerſi ex aduerſo, quemadmodum nunc, alij à latere, alij à tergo, uide ne multis cuique noſtrū opus ſit & oculis & manibus. Ad hæc nolim equidem remouere nunc Medos à iucunditate in qua ſunt, atque eos cogere ut eant periclitatum. Ad quæ Cyrus reſpondit: At neminem ipſe cogas, ſed eos mihi dato, qui libèter ſint ſecuturi: tibiq; fortaſſis & tuorum cuiq; horum amicorum agamus ea quæ omnibus iucundiſſima ſint futura: hoſtium enim multitudinem nos

sanè haud insequemur : nam quo pacto eas caperemus? Quòd si quid ab agmine abscissum offenderimus aut reli-
ctum, id ad te agemus. Cogitandum est etiam tibi, quoni-
am indigebas, magnum iter fecimus, quò tibi gratificare-
mur. Itaque est iustum, ut ipse etiam contrà nobis gratifi-
ceris, quò domum redeamus cum aliquo emolumento, &
ne omnes in thesaurum tuum cōijciamus oculos. Hinc igi-
tur dixit Cyaxares : At si quis ultro sequeretur, haberem
etiam tibi gratias. Mitte igitur unà mecum quenquam ex
his quos habes fidelissimos, qui sit dicturus quæ ipse man-
des. Duc ex his, inquit, tecum quem tibi libet. Erat præ-
sens hic ille Medus qui dixerat olim Cyro, se eius esse co-
gnatum, quiq; ab eo est osculatus. Quare continuo inquit
Cyrus: Vnus hic mihi sufficit. Hic igitur te sequatur. Re-
spōdit Cyaxares: Et tu, inquit, dicito, ut cui libuerit, is eat
cum Cyro. Sic uiro illo accepto, ubi à Cyaxare est egres-
sus, continuo inquit Cyrus: Nunc mihi tandem ostendes,
uerà ne loquereris, cū dixisti te in me spectando affici uo-
luptate. Nequaquam, Medus inquit, abero abs te, si hoc
dicis. Et Cyrus inquit: Ergo alios quoq; alacriter educes?
Illeq; adiurans, Educam, inquit, mehercule, donec fece-
ro ut etiam tu suauiter me spectes. Tum igitur emissus à
Cyaxare cum alia alacriter exposuit Medis, tum etiam ad-
didit, se quoque non esse cariturum uiro pulcherrimo &
optimo, & quod maximum est, à dijs immortalibus geni-
to. Cum à Cyro hæc geruntur, diuinitus quodāmodo ue-
niunt ab Hyrcanis nunciij. Sunt autem Hyrcani Assyrijs
finitimi, gens haud magna, erantq; idcirco subiecti Assy-
rijs. Videbantur autem & ea tempestate strenui equites,
& nunc itē uidentur. Quare utebantur ijs Assyrij, quem
admo-

admodum utuntur Eilotis Lacedæmonij, neque in laboribus neq; in periculis ijs parcētes. Quapropter etiam per id temporis ut postremum agmen tuerentur eis iubebāt, qui equites essent circiter mille, quò si quid à tergo grauius incūberet, illi ante sese hoc subirent. At Hyrcanij tanquam ultimi profecturi, & carros suos & famulos ultimos habebāt. Erant enim in expeditione Asiatici, magna ex parte secum habentes illos, quibus cum etiam habitāt. Itaque etiam tum Hyrcanij sic militabant, qui cum animo reputantes, & qualia ab Assyrijs paterentur, & quòd nunc princeps suus mortem occubuiſſet, essent que uicti, & quòd metus in exercitu foret ingens, & ipsorum socij ægrè haberent ac defererent: hæc cum commentarentur, uisum est eis pro temporis conditione bonum esse ut deficerent, si uellet Cyrus unà secum hostis inuadere. Itaque mittunt ad Cyrum nuncios, nam huius nomen à pugna plurimum creuerat. Qui autem miſi sunt, dicunt Cyro, sibi Assyrios iure odio esse, siq; uellet nunc ire aduersus eos, tum ipsi socij existerent, tum uia duces se præberent: simulq; ad hæc narrabant res hostium ut haberent, quibus tandem incitare eum uolebant ad agendum in illos exercitum. Et Cyrus rogabat eos, inquiring: Et putatis nos prius illos offēsfuros quàm sint in munitiōibus? Nam hoc nobis magnæ calamitati ducimus, quòd nobis clām euaserunt. Hæc autem dicebat Cyrus, quòd eos uellet quammaximam de sese habere opinionem. Ad quem illi respondebant, fore ut cras mane, si expediti pergerent, illos offēderent, nam eos præ turba & carris tarde iter facere: simulq; dixerunt, quoniam superiore nocte uigilassent, nunc paululum profecti castrametati sunt. Et

Cyrus inquit: Habetis ne quicquam nos docere, quò uobis credamus quæ dicitis esse uera? Obsides responderunt, actutum equitantes noctu adducemus, solum tu obtestare deos in fidẽ, dextramq; dato, quò hæc alijs feramus quæ ipsi abs te acceperimus. Dein fidem dat illis, se indubitato ipsis usurum ut amicis ac fidelibus, si quæ dicerent confirmarint, ut ne Persis quidem neque Medis apud se crederent. Atque hoc etiam tempore licet intueri Hyrcanios, qui & creduntur magistratus & gerunt, quemadmodum ij quicunque & ex Persis & ex Medis uideantur esse dignissimi. Sed posteaquam sunt cœnati, Cyrus aciem eduxit adhuc sub lucem, iussitq; Hyrcanios expectare, quò si mulirent. Et Persæ quidem omnes, ut par erat, castris egressi sunt, cumq; his Tigranes suam habens aciem. E Medis autem sunt egressi, alij quidem quoniam Cyro puero ipsi cum essent pueri, amici fuerant: alij quoniam in uenatione cõsuetudine sua usi, eius sunt ingenio ac moribus delectati: alij quia gratiam ei haberent, quòd maximum ab se metum expulisse uidebatur: alij quòd eum sperarẽt quoniam uir bonus & fortunatus appareret, futurum adhuc magnum atque præpotentem: alij uerò quia dum educabatur in Medis, sicut boni alicuius extitisset adiutor, contra illud illi uellent rem gratam facere. Multi etiam quoniam propter eius humanitatẽ ab auo Astyage bona plurima acceperant. Multi præterea, quia uiderent Hyrcanios, rumorq; emanarat, fore ut duces essent ad bona quamplurima, exierant quò aliquid etiam caperent. Hoc igitur pacto Medi quoque ferè omnes egressi sunt, ijs exceptis quotquot Cyaxaris contubernio utebantur: nam hi manserunt, & qui his parebant. Alij uerò omnes hilari facie

facie alacriq; animo soluebant, non tanquam necessario, sed libenter grateq; exeuntes. At ubi egressi sunt, primum quidem adiit Medos Cyrus, eosq; laudauit. Ad hæc deos orauit maxime, ut & eis, & suis propitij duces forent: dein ut ipse huius alacritatis referre ijs gratiam posset. Dixitq; ad postremum, ut eis pedites duces forent, illis autē iussit unā cum equitibus sequerentur: & quo in loco aut quiescant, aut immorentur inter eundū, iussit aliqui ipsorum ad se adequitarent, ut quod esset iam opportunum acciperent. Exhinc Hyrcanijs iussit ut antecederent. At illi interrogabant: Quid autem? non enim expectas donec egerimus ad te obsides, quò tu quoq; pergas accepta à nobis fide. Et Cyrum dicitur respondisse: Cogito enim nobis omnibus fidem esse in animis nostris, atque in nostris manibus. Nam ita uidemur instructi: si quidem uerisitis, nos satis sumus qui in uos beneficium cōferamus: sin decipiatis, ita habere arbitramur, ut non ipsi in uestra potestate simus futuri, sed uos in nostra potius, diuina pro uoluntate. Atqui, ô Hyrcanij, quoniam dicitis uestros agmen sequi postremos, cum eos uideritis, significate nobis eos uestros esse, quò ijs parcamus. Quæ Hyrcanij audientes, itineris quidem duces erant ut iubebat: eius animi robur plurimum admirabantur, qui cum neque Assyrios, nec Lydos, nec eorum socios amplius metueret, tum ne minimi quidem omnino momenti cuiusquam esse duceret, ipsorum uel præsentiam, uel absentiam. Illis uerò proficiscentibus, ubi nox facta est, dicitur lucem & Cyro, & ipsi agmini coelitus apparuisse perspicuam. Quò factum est, ut omnes horror atque ueneratio erga deos caperet, & fiducia aduersus hostis. Sed quoniam expediti celeris

terq; pergebant, consentaneè tum multum itineris pere-
gere, tum simul cum crepusculo fiunt prope Hyrcanio-
rum agmen. Quod nuncij posteaquam nouere, Cyro di-
xerunt, hosce suos esse: eos enim cognoscere dicebant, &
quia essent postremi, & ob ignium multitudinē. Exhinc
horum alterum ad eos mittit, qui illis diceret: imperauit
ut si amici essent, quamcelerrimè obuiam facti dexteras tol-
lerent: mittitq; unà cum illo unum ex suis, cui iussit Hyr-
canijs diceret, ut quemadmodum ipsos inuadentis uide-
rent, sic etiā hi facerent. Ita igitur nuncius alter apud Cy-
rum manet, alter uerò adequitauit ad Hyrcanios. Sed cū
Hyrcanios Cyrus consideraret quid essent facturi, agmen
firmauit: ad eumq; adequitant quiq; præsident Medis, &
Tigranes, quid sit faciundum interrogantes. Ad quos ait
Cyrus: Agmen hoc proximum est Hyrcaniorum. Abitq;
alter ex nuncijs ad ipsos, atq; unà cum illo unus è nostris,
dicturi, si quidem sunt amici, ut nobis omnes occurrant
sublatis dextris. Itaque si ita ad nos ierint, contrā itidem
uos eos excipite, & simul ut quisque uenerit, bono ut ani-
mo sint hortamini. Sin arma capiant, fugamue aggredi-
antur, horum continuò est enitendum nil reliquum face-
re. Huiusmodi erant admonitiones Cyri. At Hyrcanij au-
ditis nuncijs, tum lætati sunt plurimum, tum equis ascen-
sis illicò affuere sublatis dextris, dictū ut fuerat. Medi ue-
rò ac Persæ & ipsi contrā dextris sublatis recipiebant e-
os amicè, & ut bene sperarent hortabantur. Et exhinc ait
Cyrus: Nos quidem Hyrcanij uobis iam credimus, utq; er-
ga nos ita uos habeatis est æquum. Verū nobis hoc pri-
mum dicite: Quantum hinc distat ubi sunt principia ho-
stium eorumq; frequentia? Cui responderunt Hyrcanij,

eos distare paulò plus quàm paraſangam. Hic ait Cyrus: Agitè igitur uiri Perſæ, Mediꝫ, uosꝫ Hyrcanij (iam enim ad uos ut ſocios ac participes loquor) neminem hoc tempore ignarum eſſe oportet, in huiusmodi nos eſſe diſcrimine, ubi ſi molliter habuerimus, extrema ſimus mala paſſuri. Norunt enim hoſtes quas ad res uenimus. Quòd ſi conſtantia fræti, eamus aduerſus hoſtis ualenter atque ingenti animo, actutum aſpicietis tanquam fugitiuos reſpertos ſeruos, alios ſupplices ſeſe præſtare, alios fugere, alios ne hæc quidem poſſe mente percipere. Nam & uiſti nos aſpicient, cum neque uenturos nos arbitrarentur, & neque inſtructi, neque ad pugnam parati, & capti erunt. Quare ſi uelimus poſthac ſuauiſſe et cœnare et pernoctare, nolimus iſtis ocium dare, neque boni quicquam conſultandi, neꝫ cognoscendi omnino quot homines ſumus, ſed omnia ueniſſe putèt, & cratis, & mucrones, & ſecuris, & uulnera. Et uos, inquit, ô Hyrcanij, proximos hoſtibus uoſmetipſos facientes ante nos procedite, quò uiſis armis ueſtris lateamus quamplurimũ tēporis. Sed ubi ipſe iuxta agmen hoſtium fuero, linquite ſinguli apud me ordinem equitum, quò ipſe intra aciem manens, ijs utar ſi quid opus fuerit. E uobis autem principes atque ſeniores in ordine, ſi ſapitis, frequentes inuadite, quò nunquam in conſertam multitudinem aliquam incidentes uim patiamini. At iunioris dimittite inſecutũ hoſtes. Et hi quidem hoſtis occidunt, hoc enim per hoc temporis eſt maximè ſecurum, quò illorum pauciſſimi relinquuntur. Sin, quod multis iam accidit, uincenſibus uobis fortuna aduerſetur, cauendum eſt ne ad rapinam uertamini, utpote qui hoc fecerit, non ſit habendus etiam uir, ſed homo ſarcinarius,

Victoria nullū
maius lucrum.

licetq; uolenti cuique ut hoc iam utatur pro mancipio. Illud autem ignorandum non est, nullum esse uictoria maius lucrū. Nam qui uincit, omnia rapit, unda & uiros, & mulieres, & pecunias, & regionem totam. Ad hæc solum hoc respicite, ut uictoriam seruemus: in hac enim etiam ipse raptor continetur. Atque hoc simul, dum hostis insequimini, mementote, ut retro adhuc per lucem ad me eatis, quod tenebris factis neminem etiam admitteremus. Hæc loquutus Cyrus, dimittebat quosq; in suos ordines: iubebatq; simul, ut pergentes eadem singuli decurionibus suis significarent. Decuriones enim erant in fronte. Itaq; audiebant, iisdemq; iubebant ut singuli suæ decuriæ eadē præciperent. Exhinc Hyrcanij antecedeabant. At ipse medium tenens agmen, unda cum Persis proficiscebatur. Equites uerò ex utroq; latere rectè instruxit. At hostes ubi illuxit, alij mirabantur quæ uidebant, alij iam rem intelligebant, aliqui nunciabant, aliqui clamabant: hi equos solvebant, illi accingebantur. Nonnulli à iumentis arma iaciebant, quidam armis induebantur. Exilicbant quidam in equos, frænabant eos alij. Vxores pleriq; uehiculis imponebant. Multi res preciosissimas capiebant, ut eas saluas facerent. Plerique cum huiusmodi res defoderent, capiebantur: plures autem fugæ sese dabant. Existimandum est etiam alia eos multa ac aduersa tum facere. Cæterum nemo pugnabat, sed gratis peribant. At Cræsus rex Lydorum, ut æstas erat, cum uxores in rhedis antè dimiserat noctu, quò facilius per temporis refrigerationem proficisceretur, tum ipse cum equitibus propè sequebatur. Et eadem hæc Phryga secisse tradunt, eius Phrygiæ principem quæ ad Hellespontum iacet. Hi ut ex fugientibus, &

ex

ex ijs qui sese offenderent interrogantes rem didicerunt, fugiebant etiam ipsi quammaximè poterant. Sed Cappadocum regem, & Arabum item regem, qui in proximo adhuc essent, thoracibusq; carentes uim sustinerent, Hyrcanij interficiunt. Erant autem mortui maiori ex parte Assyrij & Arabes. Nam quia essent in agro suo, lentè admodum incedebant. Medi igitur & Hyrcanij ut iam uictores, talia patrabant eos insequentes. At Cyrus equites apud se relictis circum castra ut obequitarent, ijs iubebat, ac si quos exeuntis uidissent armatos, ut interimerent. Iis uerò qui mansissent iussit per præconem, ut omnes milites, hostes quotquot essent, aut equites, aut scutati, aut sagittarij, deferrent arma ligata, at equos in tabernaculis relinquerent. Qui autè hæc non fecisset, is actutum obtruncaretur. Habentesq; mucrones expeditos, in ordine circunstititerunt. Igitur quibus forent arma, hi ea delata quendam iaciebant in locum quo iuebantur: quæ ipsa ab ijs cremabantur, quibus fuerat imperatum. Cumq; Cyrus cogitasset eò uenisse sine esculentis & poculentis, quibus sine neque rei militari studeri potest, neq; aliud quicquam fieri: & cum etiam cōsideraret, quì hæc & celerrimè fierent & pulcherrimè, ei uenit in mentem, necessario oportere, ut omnibus militiam exercentibus unus sit qui & tabernaculi curam gerat, & ut commeatus ingredientibus militibus sit paratus: quam ob rem intelligebat, hos omnium maximè circa apparatus faciundum, oportere in castris huiusmodi tempore comprehendere. Per præcones igitur iubet, tutores ut adsint omnes. Quòd sicubi minus sit tutor, ut is adsit qui sit à tabernaculo natus maximus, dura illi edicens omnia qui minus pareret. Hi autem ui-

dentes parère etiam heros, quamprimum obediebant. Vbi affuerunt, sedere primum iubebat eos, quibus esset in tabernaculo plus commeatus duorum mensium. Quibus uisis iterum iussit eos sedere, quibus foret commeatus mensstruus. Et in his propè cuncti sedebant. Hæc ubi didicit, ita ad eos ait: Agite nunc, ô uiri fortissîmi, qui è uobis mala exosi estis, & aliquid à nobis boni consequi uelitis, strenuam diligentiam adhibete, ut duplo plura in quolibet tabernaculo esculenta poculentaq; sint parata heris ac famulis, quàm quæ quotidie faciebatis: aliaq; omnia quæcunque pulchras præbitura sunt epulas, ut in promptu sint facitote, quoniam citò admodum sunt affuturi utriutrum uicerint, dignumq; duxerint affatim habere omnis res necessarias. Ita noueritis fore, ut uobis conducat si probè uiros exceperitis. Quæ illi audientes, magno studio quæ præcepta à Cyro fuerant, agebant. Hic rursus conuocatis ordinum centurionibus, huiusmodi uerba habuit: Viri amicissîmi, cognoscimus sanè licere nunc nobis, qui priores sumus quàm absentes socij, prandere & apparatis esculentis poculentisq; uti: sed non uidetur mihi hoc prandij plus utilitatis asferre posse, quàm si sociorum diligentiam habuisse uideamur: neque ipsæ epulae tanto reddant nos ualidioris, quanto si socios possimus strenuos facere. Quòd si insequentibus nunc socijs, & occidentibus hostis nostros atque præliantibus, si quis aduersatur, uidebimur hos ita negligere, ut prius etià quàm nouerimus quid ab ijs agatur, pranderimus, cauendum est ne ut turpes appareamus, & imbecilles futuri simus, sociorum inopes. Quòd si quis curauerit ut hi periclitantes laborantesq; dum castra ingrediàtur habituri sint necessa-

Cyri concio.

necessaria, hæc dapes plus lætitiæ nobis afferent, mea sententia, quàm si statim uentri obsequamur. Cogitate præterea, si etiam propter illos nobis pudendum non esset, neque tamen hoc pacto nos adhuc decere repleri atque inebriari. Nondum enim peracta sunt nobis quæ uolumus, quin omnia hæc inualescunt quibus diligentia opus est: quippe qui habemus in castris hostis multò pluris quàm ipsi sumus, & hos quidem solutos, qui cauendi fortassis adhuc sunt & custodiendi, quò sint qui res necessarias nobis faciant. Præterea equites nostri absunt, qui solitudinem nobis afferunt, ubi sint, ueniant ne, an sint mansuri. Quare mihi uidetur, ô uiri, talem nobis afferri cibum oportere, ac talem potum, qualem quis putet maxime conducere, quo minus & somno & insipientia reficiamur. Ad hæc non sum nescius pecunias in castris esse permultas, quæ quoniam ijs nunc communes nobiscum sunt qui cepere, fieri posse intelligo, ut eas pro uoluntate uertamus in priuatum usum. At ne mihi uidetur quidem eas capere fructuosius esse, quàm si, ut iusti appareamus, enitimur illos hac re nobis reddere, maiore etiam quàm nunc sunt affectos beneuolentia. Videtur autem mihi uel distributionem ipsarum pecuniarum cum uenerint, Medis et Hyrcanijs Tigraniquè esse concedendam: & quamuis minus etiam nobis tributuri sint, lucro ducendum esse. Nam lucri causa libentius apud nos manebunt. Auidior enim præsens acquisitio parum duraturas nobis diuitias præbeat, ac in his tradendis pecunijs illas nos res adipiscamur unde diuitiæ oriuntur, hoc perennioris, mea sententia, opes nobis possit nostrisque omnibus præstare. Puto etiam nos domi rei huiusce causa exerceri, ut et uentre

et intempestiuus quæstibus sumus superiores, ut cū opus sit unquam, queamus ijs uti ad nostram utilitatem. At ubi maioribus in rebus quā in præsentibus disciplinā possumus demonstrare, equidem ipse nō uideo. Cyrus hoc modo locutus est. Quo cum Hystaspas uir Perses, et is quidem homotimus, ita oratione conuenit: Absurdum enim sit Cyre, si in uenatione sæpe sine cibo perstamus, quò feram aliquam capiamus, uel minimi fortasse faciundam: opes autem totas uenari molientibus, si quid eorum impedimento sit nobis quæ malis hominibus dominantur, bonis seruiūt, haudquaquam uidemur facere ex officio. Hystaspas ita cum Cyri sententia conuenit, alijq; omnes hæc unā approbauere. Cyrus autem dixit: Agite quoniam eadem sentimus, mittite à manipulo singuli quinque ex uiris strenuis, qui circumeuntes quoscunque uideant parantis res necessarias, eos laudent, sed in negligentis seuerius animaduertant, quā si essent ipsorum heri. Ab his quidem hæc gerebātur. At Medī, alij quidem cum offendissent auertissentq; carros, qui iam antea soluerant eos impellebant, plenos earum rerum quibus egebat exercitus. Alij uerò adigebant rhedas quas ceperant, refertas mulieribus pulcherrimis, partim uxoribus, partim pellicibus, quæ propter formæ præstantiam circumductabantur. Asiatici enim exercitus hoc etiam tempore dum rei militari student, secum habent res omnis preciosissimas, inquiescentes, pugnacioris se esse, ubi adsint quæ habent charissima: cogi enim his ferre auxilium. Fortassis ita res habet, fortassis etiā ea faciunt uoluptati obsequentes. Cyrus autem spectans quæ à Medis et Hyrcanijs gesta sunt, se ac suos tanquam increpabat, quòd alij per id temporis ma-

gis

gis seipsis augeri gloria uidebantur, & aliquid etiam adipisci, ipsos autem in tardiore opperiri loco. Etenim qui prædam agebant ostendentes Cyro quæ ab sese agebantur, iterum abequitabant alios insequentes: nam hæc dicebant suos sibi principes faciunda imperasse. Aegrè commotus his Cyrus, tamē res seponebat, suosq; ordinum centuriones rursus conuocabat, stansq; ubi possent quæ consultarētur exaudiri, hæc loquitur: Viri amicissimi, omnes sanè cognoscimus, ut opinor, futurū ut magna bona sint Persis omnibus: at uobis non absurdè maxima per quos hæc geruntur, si his quæ initio nunc uidentur potiamur. Sed ut hæc sint nostris uiris, cum haudquaquam sumus sufficientes ad ea adipiscenda nisi proprium Persæ habeant equitatum, hoc equidem nō uideo. Cogitandum enim nūc uobis est, arma habere nos Persas, quibus hostis obuiam euntes uertamus in fugam. Sed ubi eos uerterimus, quos aut equites, aut sagittarios, aut scutatos, aut iaculatores fugientis capere possimus, uel interimere, si equis careamus? Qui etiam ledere nos aggressi, uel sagittarij, uel iaculatores equites ue, nos metuant, cum certò norunt nō maius à nobis sibi uel periculum uel malum imminere, q̃ à consitis arboribus? Quòd si hæc ita habent, nōne liquidum est hosce equites qui nobis nunc adsunt, putare hæc omnia quæ capta sunt, non minus sua esse quàm nostra? ac fortassis etiā magis mehercule. Nunc igitur hæc ita habent necessariò. Quòd si nobis equos comparemus non hisce deterioris, nōne perspicuum nobis sit prorsus fore, ut & de hostibus possimus omnia sine hisce facere, quæ unà cum his nunc facimus, & hos tum habituri simus minus erga nos animo? Quando uel abesse uel abire

Cyri concio.

Nihil ita no-
strum ut ipsi
nobisipsis.

uelint, minori nobis curæ sit, ubi sine his sufficiamus nobisipsis. Sed hæc hætenus. His inquam in rebus opinor neminem contrariæ fore sententiæ, quin præstet omnino esse Persis proprium equitatum. Verum illud fortasse cogitatis, quonam pacto id fiat. Ergo consideremus, si uelimus equitatum constituere, & quid nobis existit, & quid deest. Igitur hi quidem equi in castris sunt capti permulti, frænaq; quibus parent, & alia quibuscunque eos oportet uti qui equos habent. Atqui habemus etiam ea, quibus uiro equiti est utendum, thoracas quibus muniuntur corpora, pilaq; quibus & iaciendo utamur et habêdo. Quid igitur reliquum? Viris scilicet opus est, hoc certè habemus maximè. Nihil est enim ita nostrum, ut nobisipsis nostri nos sumus. Sed dicet fortassis aliquis: At nescimus. sed neque ea quæ nunc scimus, prius quàm didicissemus sciebat quisquam. Verum dixerit aliquis: Cum pueri essent, hæc discabant. Et utrum pueri ne sunt prudentiores ad ea discenda quæ traduntur ac monstrantur, an uiri? Vtri etiam quæ didicerint, magis sufficiunt exercere atque elaborare corporibus? pueri ne, an uiri? Quinetiam ocium nobis est ad discendum, quantum neque pueris neque uiris alijs esse potest. Nam neque nobis sagitta discenda est ut pueris, hanc enim scimus. Neque iaculum, nam scimus hoc etiam. Verum nec item quemadmodum alijs uiris, his agriculturæ negocium præbent, illis uerò artes, nonnullis aliæ res domesticæ. Nobis autem militiæ operam dare nō modò est ocium, sed etiam necessitas. Insuper non quemadmodum res aliæ plures bellicæ difficiles sunt, sed utiles. Equitare uerò nōne in itinere iucundius est, quàm duobus nos pedibus proficisci? Et ubi celeritati

leritati studendum est, an minus delectat quamprimum
 adesse amico si oporteat, celeriter que siue uirum opus sit
 seu bestiam insequi atque capere? Illud autem non faci-
 le est & commodum, quicquid armorum ferendum est,
 hoc ab equo unà ferri. Itaque idem est & habere, & u-
 nà ferre. Atqui metuat quispiam plurimum, ne si prius
 nos oportuerit in equo subire periculum quàm eque-
 strem bene didicerimus, neq; pedites amplius sumus nec
 equites satis. Sed ne hoc quidem perdifficile est. Vbi e-
 nim uelimus, licebit nobis continuo pugnare peditibus:
 quippe qui equestrem edocti, nihil pedestrium dedisce-
 mus. Ita Cyrus locutus est. Chrysantas uerò eius senten-
 tiam sequens, huiusmodi uerbis est usus: At ego ita pro-
 fectò cupio tenere scientiam equitandi, ut existimem fo-
 re homo uolucer, ubi fiam eques. Nunc enim satis mihi
 sit, si ex equo cursum aggressus ullo cum homine, hunc
 capite solum antecellam, si feram uideam cursu prætere-
 untem, eam possim aut iaculum, aut sagittam intendens
 prius assequi, quàm fiat admodum eminus. Quòd si fi-
 am eques, potero tum uirum ex aspectus longitudine in-
 terimere, tum bestias insequens alias cominus percutere,
 comprehensas alias perinde ac stantis iaculo ferire. Ete-
 nim si utrique sint ueloces, tamen ubi propius inuicem fi-
 ant, erunt stantium instar. Quo fit, ut maximè ex omni-
 bus animalibus adamem hippocentauros, si fuerunt: quip-
 pe qui tum hominis uterentur ante rem consultandi pru-
 dentia, & manuum artificio, tum haberent equi & uelo-
 citatem & uires. Quare & quod fugeret, capiebant, &
 quod expectaret, uertebant in fugam. Itaq; etià ipse hæc
 omnia, si fiam eques, mecum sanè confiro. Potero equidē

Chrysantæ
 oratio.

Hippocen-
 tauri.

omnia prouidere mente humana: manibus uerò me arma-
bo, equo autem uehar, aduersariumq; auertam equi robo-
re: neque sicuti hippocentauri, uincar natura. Itaque hoc
sanè melius est, quàm hippocentaurum esse natum. Hip-
pocentauros enim arbitror multis carere bonis quæ ab ho-
minibus sunt inuenta, ut ijs scilicet est utendū: multis item
carere uoluptatibus equis innatis, quonam pacto ijs frui
oportet. At ego si equitare didicero, cum in equo fuero
agam scilicet quæ hippocentauri sunt: cum ex equo de-
scendero, & coenabo, & induar, & me quieti dabo quæ-
admodum alij homines. Quare quid aliud sim futurus q̃
diuisus centaurus, ac rursum compositus? Insuper his eti-
am rebus hippocentaurum anteibo. Nam ille duobus pro-
spiciebat oculis, duabusq; auribus audiebat: at ego oculis
quatuor coniectabo, & quatuor auribus præsentiam. A-
iunt enim equum manifestare hominibus multa, quæ ocu-
lis prospicit: ac multa significare auribus, quæ antea au-
ditu percipit. Me igitur scribe in eorū numero, qui equi-
tare maiorem in modum cupiunt. Et nos quoque scribito
mediusfidius, alij omnes dixerunt. Exhinc igitur ait Cy-
rus: Quid ergo, posteaquam hæc omnibus nobis admodū
uidentur, num etiam legem ferimus nobis ipsis, qua cauea-
tur esse ijs turpe, quibus equum ipse dederò, si quis no-
strū uisus fuerit proficisci pedes, siue multum seu parū
itineris faciundum sit, quò omnino nos quoque homines
putent esse hippocentauros? Cyrus ita interrogabat. At ij
omnes rem comprobarunt. Quare hac etiam tempestate
talis usus ex illo tempore est Persis, ut neque ex claris at-
que bonis uiris ultro Perses quisquam aspiciatur usquam
pedes incedere. Igitur hi erant in his sermonibus. Cum
uerò

uerò esset supra meridiē, adequitabant equites Medi atq;
 Hyrcanij, qui agerent captiuos & equos & uiros. Quot
 enim arma tradidissent, eos haud necabāt. Cum ad-
 uenissent primū quærebat ex eis Cyrus, an socij omnes
 salui essent: quod cum affirmassent, dein percunctabatur
 quid egerant. Illi autē narrabant quæ fecissent, & ut for-
 titer singula iactabant. At Cyrus omnia libenter audiebat
 quæcunque uellent dicere, dein eos ita laudauit: At etiā
 perspicuum est, ô uiri, uos fortiter pugnauisse: etenim
 maiores apparetis & pulchriores, terribilioresq; uisu q̃
 antea. Exhinc ex ipsis percunctabatur, & quantum itine-
 ris incurpassent, & an habitaretur regio. Illi autem dice-
 bant multum itineris se fecisse, habitariq; agrum omnem,
 atq; plenum esse & suum, & caprarū, & boum, & equo-
 rum, & frumenti, ac bonorum omnium. Duo, inquit Cy-
 rus, nobis curanda fuerint, ut & meliores simus ea possi-
 dentibus, utq; hi maneant. Nam solum habitatū preciosa
 admodum est possessio: quod autem caret hominibus, ca-
 ret etiam bonis. Scio repugnantis à uobis esse occisos, &
 rectè quidem, hoc enim maxime uictoria seruat. Eos autē
 qui arma tradiderunt, egistis captiuos: quos si missos fa-
 ciamus, hoc item, ut mihi uidetur, fiat à nobis utiliter. Pri-
 mum enim neque cauendi hi nunc nobis neque custodien-
 di sunt, nec etiam alendi: non enim esurie eos necabimus.
 Dein hos si missos facimus, pluribus mancipijs utemur.
 Nam si agro potiamur, omnes eius habitatores mancipia
 nobis futuri sunt. Magis etiam alij qui hosce uiuōs diuif-
 sosq; uiderint, mansuri sunt, magisq; eligent parēre quā
 pugnare. Ipse ita sentio sanè. Quod si quis melius uidet, id
 dicito. Illi autem audientes, hæc faciūda esse comproba-

Bonis carere so-
 lum, quod homi-
 nibus careat.

Cyri concio. bant. Sic igitur Cyrus uocatis captiuis, huiusmodi uerba facit: Viri, & nunc quoniā paruistis, animas tutati estis, & in reliquum tempus ubi ita faciatis, nihil prorsus mali patiemini, nisi quod non idem uobis ut prius dominabitur. Habitabitis easdem aedes, & eandem coletis regionē, & earundem uxorū utemini contubernio, uestrisq; filijs sicuti nunc imperabitis. Neq; aduersus nos pugnabitis, neq; aduersus alium quenquam. Quod si alius iniuriā uobis infert, nos sumus pro uobis pugnaturi. Verū ne quis præcipiat in expeditionem ut eatis, arma ad nos portate: critq; ijs qui arma portarint, & pax, et alia quæ dicimus, sine dolo. Sed quotquot arma bellica minus detulerint, aduersus hosce nunc quoq; ducemus exercitum. Si quis autē uestrū & beneuolē ad nos ire, & agere quicquam docereq; appareat, hunc nos ut beneficū & amicū, non ut seruū fouebimus. Hæc igitur et uos scitote, & alijs nunciate. Verū si uolentibus hæc uobis aliqui aduersentur, agite nos in illos, quō uos illis imperetis, nō illi uobis. Cyrus hæc dixit. Illi uerō & eum adorabant, et hæc factum iri recipiebant. Illis autem abeuntibus, Cyrus inquit: Hora iam est Medi atq; Armenij cœnandi uobis omnibus. Parauimus uobis res necessarias quā potuimus optimē: sed ite, nobisq; mittite ex cibo qui factus est dimidium: satis enim utrisq; est factus. Obsonium uerō ac potū ne mittite, nam hæc apud nos satis parata sunt. Atque uos Hyrcanij deducite ipsos ad tabernacula: principes quidem ad maxima tabernacula, uerū eos cognoscite: alios uerō ut uisum uobis sit, habete pulcherrimē. Et uos quoque cœnate, ubi uos maximē delectat. Nam uobis salua & integra sunt tabernacula. Est autem æquē
uobis

uobis hic paratum atque hisce. Scitoteq; hoc utrique, nos
asseruatuos noctu, quæ uobis sunt exteriora. Vos quæ
in tabernaculis sunt aspiciate, atq; arma bene locate. Nam
qui in tabernaculis manent, nondum sunt nobis amici.
Medi igitur, Tigranesq; lauabantur. Erant enim parata
omnia, mutatisq; uestibus coenabant. Et eorum equi ha-
bebant necessaria. Mittebantq; ad Persas ex panibus di-
midium: obsonium uerò non mittebant, neque uinum,
rati ea ijs esse, quoniam dixisset Cyrus affatim hæc habe-
re. Sed hæc dicebat Cyrus, pro obsonio esuriem, pro po-
tu aquam præterfluentis amnis. Itaque Cyrus post cœ-
natos Persas ubi aduersperasset, per quincurias & decu-
rias eorum multos dimittebat, iubens circum castra deli-
tescerent: quippe qui putaret tum custodiæ illos fore, si
quis extrinsecus castra adoriretur, tum si quis intrinsecus
elatis pecunijs euaderet, eum capturos. Et ita factum est.
Multi enim effugiebant, multiq; capti sunt. At Cyrus pe-
cunias eos habere sinebat qui cepissent, effugientis au-
tem iussit iugulari. Itaque in posterum ne si uelles qui-
dem, facile inuenisses qui noctu proficisceretur. Persæ
igitur degebant ita. At Medi & potabant, & epulaban-
tur, & utebantur tibijs, & omni refeciebantur iucun-
ditate. Multæ enim res huiusmodi captæ erant. Quare
qui uigilabant, opere non carebant. At rex Medorum Cy-
axares nocte qua Cyrus egressus est, & ipse ebrietate te-
nebatur simul cum suis contubernalibus ob secundam for-
tunã, & alios Medos in castris adesse arbitrabatur, exce-
ptis paucis, cū magnum audiret tumultum. Famuli enim
Medorum, utpote heris absentibus, dissolutè & potabāt
& tumultuabantur, præsertim quòd ex Assyriorum cas-

stris & uinum & alias res multas huiusmodi ceperant. Sed ubi dies factus est, & ad ianuas nemo ueniret, præter eos qui unà coenabant, audiretq; uacua esse castra Medis atque equitibus, ac uideret ubi exiuit ita habere, hic tandem & Cyro excandescebat & Medis, quòd abiissent se relicto solo: continuoq; ut fertur, crudelis atque inexorabilis, iubet cuidam ex præsentibus, ut assumptis equitibus suis, quamcelerrimè pergeret ad Cyri castra, ac diceret hæc uerba: Arbitrabar equidem ipse, ut neque tu Cyre adeò temerè de me consultares, neque uos Medi, si Cyrus ita sentiret, ita me solum relinqueretis. Ac nunc si quidẽ Cyrus uelit, bene est: sin nolit, uos huc adeste quamprimum. Hæc mandauit. Qui uerò pergere iussus est, Et quomodo, inquit, here ego illos inueniam? In eo, inquit Cyaxares, illorum solo, aduersus quos & Cyrus, & hi qui unà cum eo sunt, proficiscebantur. Quòd medius fidius, inquit, audio Hyrcanios quosdam ab hostibus defecisse, illosq; huc ire, atque eos deducere. His autem auditis, Cyaxares multò etiam magis Cyro irascebatur, quòd neque hæc dixisset sibi, & longè festinãtius mittebat ad Medos, ut uiribus eum extenuaturus, ac etiã uehementioribus minis quàm antea Medos accusabat. Et nuncio quoq; interminatus est, nisi hæc acriter exponeret. Pergebat ergo nuncius habens equites suos circiter centum, & is quidẽ molestè ferens, quòd non etiam ipse cum Cyro profectus foret. Inter eundum autẽ hi triuio quodam disseparati errabant, neque prius ueniebant ad castra Cyri, quàm incidentes in quosdã Assyrios qui discederent, eos ut sese ducerent coegerunt: & ita ignibus uisis, circiter mediã propè noctem eò perueniunt. Vbi uerò facti sunt iuxta castra,

stra, uigiles, ut dictum à Cyro fuerat, haud eos passi sunt ante lucē ingredi. Sed posteaquam dies illuxit, Cyrus Magis uocatis, legitima dijs ob huiusmodi res secundas eligi iubebat: qui dum cura hac uersantur, is conuocatis hominibus, ait: Viri, deus quidem nobis bona plurima ostendit: sed nos, ô Persæ, hoc tempore pauci sumus ut hæc retineamus. Si enim qualiacunq; efficiamus, minus asseruauerimus, hæc rursus erunt aliena. Quòd si liquerimus ex nobis aliquos ijs custodes quæ facimus, patebit statim nullarum nos esse uirium. Itaque mihi uidetur, ut quamprimum è uobis aliquis eat in Persas, qui doceat quæ ab me dicuntur, iubeatq; quamcelerrimè mittant rursus suppetias, si quidem cupiunt Persæ imperium atq; fructum Asiæ. Ito igitur tu qui es ætate maximus, atq; hæc narrato: quodq; mihi erit alendi cura quoscunq; milites mittât, ubi ad me uenerint. Quæ autē nobis sunt, ea tu uides, quorum nihil tibi celandum est. Sed in hisce rebus mittendis à nobis in Persas, ut & pulchrè faciam & legitimè quæ ad deos attinent, patrem Cambysen, quæ uerò ad rempublicam, magistratus interrogato. Mittant præterea horū inspectores quæ gerimus, quiq; ea quæ à nobis quaeruntur, considerent. Et tu, inquit, accingere, ac manipulum comitem age. Exhinc uocabat Medos, simulq; adducitur nuncius à Cyaxare, qui audientibus omnibus dicebat, cū eius iram in Cyrum, tum minas aduersus Medos. Aitq; ad postremū, iubere Cyaxarem ut abeant Medi, etiamsi Cyrus manere uelit. Igitur Medi audito nuncio silentium seruabant, tum ambigentes quī uocanti non parerent, tum etiā metuentes quomodo minanti Cyaxari audirent, præsertim quod non essent nescij, qua is foret sæuitia. At Cy-

Cyri concio.

rus inquit: Ego, nuncie ac Medi, nequaquam miror si Cyaxares multos tum hostis aspiciens, nos uerò quid ageremus ignarus, & nobis & sibi ipsi metuebat: sed postea quod senserit hostis magno numero interemptos, omnis praeterea fugatos, primum liberabitur metu: dein cognoscet se nunc non esse solum, cum sui amici perdunt inimicos suos. Atqui accusandi qui sumus, cum illum bene afficiamus? Neque à nobis hæc agimus, sed ego illo persuaso ut uel egredi sineret, uobis assumptis hæc facio: uos autem non ueluti cupidi exeundi, an exiretis interrogastis. Hucque nunc uenistis iussi ab illo egredi, cui non liceat uos grauius ferre. Quare ipsa etiam ira, certo scio, & maturescet ex hisce bonis, & una cum desinente metu abitura est. Nunc igitur & tu nuncie requiesce, quoniam laborasti. & nos, ô Persæ, quoniam hostis affuturos expectamus, qui uel pugnent, uel pareant, instruamur quam pulcherrime. Nam si hoc pacto aspiciamur, consentaneum est nos plura ex his, quibus egemus, effecturos. Tu uerò Hyrcaniorum princeps opperire, militumque tuorum ducibus imperato, eos ut armis induant. Quæ ubi fecisset Hyrcanius, uenissetque, ait Cyrus: Non parua mihi est uoluptas Hyrcanie, cum sentio adesse te, qui non modò amicitiam præ te feras, sed te callidum esse ostendas, quæ ipsa conducere nunc nobis perspicuum est. Nam & mihi Assyrij hostes sunt, & tibi inimiciores quàm mihi. Hoc pacto nobis utrisque nunc est consultandum, ut horum nemo qui nunc socij nobis adsunt, deficiat: quinetiam si possumus, alios assumamus. Medum uerò audisti, qui equites reuocat: qui si abeunt, nos soli pedites manebimus. Sic igitur faciendum est mihi ac tibi, ut & nūcius hic qui reuocat, manere etiā ipse

ipse apud nos uelit. Tu igitur tabernaculum reperiens, id ei dato, ubi sit pulcherrimè omnia pro dignitate habiturus. Ego item enitar aliquid ei operis imperare, quod obiturus libētius sit quàm abiturus, eiq; omnia differe, quæq; spem bonam & ei et amicis omnibus afferant, si bene successerint. Hæc ubi feceris, ad me reuertere. Igitur Hyrcanius in tabernaculum ducebat Medum quò decebat. Qui uerò ibat in Persas, paratus aderat. Ei Cyrus iubebat, ut diceret Persis quæ antea in sermone declarata sunt, Cyaxari literas redderet: tibiq; inquit, uolo ea legere quæ ad Cyaxarem scribo, quò ea quæ noris cōfiteare, si quid his de rebus te roget. Hæc autem inerant in epistola. Cyrus Cyaxari salutem. Nos te neque solum deseruimus: nemo enim cum sit inimicis superior, tum est sine amicis: neque abscedentes, te putabamus in periculo constitutum. Sed quò magis distamus, eò tibi securius esse arbitramur. Haud enim qui sedent amicos proxime, securitatem maximè amicis præbent: sed qui maximè eminus inimicos fugant, tutioris amicos reddunt. Sed uelim animo uolutes, qualis ego erga te sum, & item qualis tu erga me, postea me accusa. Equidem ipse tibi socios egi, non quos tu suasisti, sed quot ego potui pluris. Dedisti tu mihi, cum essem in amica regione, quot possem persuadere. Nunc autem cum in agro sum hostili, non qui uelit, sed omnis reuocas Medos. Etenim tum equidem arbitrabar uobis utrisq; debere gratiam: at nunc abs te cogor tui quidem obliuisci, eniti autē hisce omnem referre gratiā, qui me sunt secuti. Equidem tui similis fieri haud possum, qui etiam nunc mittens in Persas militē accersurus mando, quotquot ad me ierint, si quid tibi ijs opus fuerit prius

Cyri epistola.

quàm ad me ueniant, ut in te sit ipsis uti, non quemadmodum eis libeat, sed pro tua uoluntate. Verùm consulā tibi, etsi iunior sum, ne quæ dederis auferas, ne tibi pro gratijs inimicitiae debeantur: nec etiā quem uelis ire ad te quamprimum, minitando accersas: neque dum annuis te solum esse, multis simul intermineris, quò illos non doceas te sibi curæ non esse. Nos uerò adesse studebimus, ubi celerrimè peregerimus, quæ & tibi & nobis si gesta fuerint, communia esse bona censeamus. Vale. Hanc ei epistolam redidit, & quicquid horum ex te percunctatur, quemadmodum scriptum est itidem dicito. Etenim ego tibi de Persis mando, ut est antea scriptū. Huic ita loquutus est. Quem data epistola ire iussit, addiditq; ita maturaret, quemadmodum nouit celerem aduentum conducere. Exhinc aspicebat omnis in armis iam esse & Medos & Hyrcanios, atque Tigranem Armenium: erantq; Persæ armis induti. Iam etiā finitimi quidam & adduxerunt equos, & arma attulerunt. At Cyrus tragulas cum in locum deicere illos iussit, quo alios quoque antea iusserat: et ut hi quibus hoc opus mandatum fuerat, eas cremarent, quotquot ipsi non egebant. Equos uerò iubebat custodiri, utq; hi manerent qui illos adduxerant, donec aliquid eis significasset. Principibus autem equitum Hyrcaniorumq; uocatis, huiusmodi uerba loquutus est: Viri amici ac socij, nulla uos admiratione capiat, quòd ab me sæpenumero conuocamini. Res enim præsentes quia nouæ sunt nobis, hæ minus sunt pleræq; ordinate. Quæcunque autem ordine careant, hæ necessario molestiam afferunt semper, donec loco suo fuerint constituta. Suntq; nunc nobis multæ captæ pecuniæ: præterea uiri quoq;. Et quoniam neq; nos scimus, quæ harum

Cyri conuicio.

rum

rum rerum sint cuiusq; nostrum, nec etiā hi nouere quis eorum singillatim herus sit, nō licet admodum intueri an ipsorū multi suo fungantur munere, utq; omnes ferē quid faciundum sit dubitant. Ergo ne ita res habeant, istas de-
finite, ut qui cepit tabernaculum in quo satis sit & escu-
lentorum, & potulentorum, & ministrorum, & strati,
& uestis, aliarumq; rerum quibus habitatur tabernaculū
militare, hic sanē aliud nihil addendum est, quā ut norit
is qui cepit, horum esse habendam curam perinde atq; de
rebus proprijs. Qui uerō in ea incidit tabernacula, quæ
rei cuiusquam indigent, hisce uos quod deest supplete di-
ligenter. Nec sum inscius superuacanea fore permulta.
Plura enim omnia quā pro nostra multitudine habebāt
hostes. Venerunt autem ad me & Assyrij regis, & aliorū
potentatuum quæstores, qui dicerent aurum esse apud se
signatum, tributa quædam narrantes. Quare hæc omnia
proclamate ad nos deferant ubiubi sederitis, metumq; illi
addite qui iussa non fecerit. Vos præterea tribuite quod
ceperitis, equiti quidem duplum, pediti uerō simplum, ut
habeatis si quo egebitis, & quo etiam aliquid ematis. Fo-
rum castrense proclamate, iam neminē inferre cuiquam
sniuriam, & ut tabernarij atq; mercatores uendant quod
ungulis est uenale: & hæc sanē ubi disposuerint, alia age-
re quò castra nobis incolantur. Atq; hæc hi cōtinuò pro-
clamabant. Medi autem & Hyrcanij ita dixerunt: Et quo
nam modo nos sine te ac tuis hæc distribuamus? Atq; Cy-
rus item ad hæc uerba ita subdidit: Num enim, ô uiri, ita
ipsi sentitis, ut quicquid agendum fuerit, omnibus rebus
interesse nos omnis oporteat? Neq; satis ego futurus sim,
qui agam aliquid ante uos, quicquid opus fuerit, neque

uosipsi ante nos. Et quo pacto aliter habeamus plus laboris, ac minus efficiamus quàm hoc modo? At uidete uos, inquit. Nos enim custodiuimus hæc uobis, quæ à nobis uos creditis esse bene custodita. Vos item distribuite, & nos credimus bene à uobis esse distributa: atque alijs item rebus nos boni aliquid enitamur agere commune. Videtis enim nunc primùm quot adsunt nobis equi. Alij etiam adducuntur, quos si ociosos esse permittemus, nulli nobis usui sunt futuri, quin molestiæ potius nobis erūt propter eorum curam. Quòd si equites in eos posuerimus, simul & negocijs liberabimur, & nobis ipsis uires addemus. Quare si alios habetis, quibus istos detis, quibus cum si opus fuerit, discrimen ineatis libentius quàm nobiscum, in illos distribuite. Sin maximè nos habere uultis uobis subsidiarios, nobis eos date. Etenim cū modò sine nobis fugando dimicabatis, magno nobis eratis metui, ne quid aduersi pateremini: fecistisq; nos sanè pudere plurimū, quòd non ibi ubi eratis adessemus. Quòd si equos acceperimus, secuturi uos simus, ac si quid maiori usui in equis dimicantes esse uideamur, ita nihil strenuitatis omitemus. Sin pedites uisi fuerimus opportunius adesse, tum descendentes in medium, uobis continuo pedites aderimus. Equos autè ex cogitabimus quibus tradamus. Cyrus huiusmodi orationem habuit. Illi autem responderunt: At nos Cyre, neque uiros habemus quos imponamus super hosce equos: neq; si haberemus, ubi tu hæc uelles, pro hisce alium eligeremus. Itaq; ipse nūc hos accipe, atq; facito ut esse tibi uideatur optimum. Verùm & istos, inquit Cyrus, admitto, & quòd faustū fortunatumq; sit, tum nos fiamus equites, tū uos quæ communia sunt diuidatis. Itaque primum seligite
dijs

dijs immortalibus, quicquid magi interpretetur: dein etiā deligite Cyaxari, ubi ubi magis rem gratā fore arbitramini. Et illi ridentes dixere, mulieres esse deligendas. Mulieres igitur, Cyrus ait, deligite, & aliud quicquid uobis uideatur. Cumq; delegeritis, facite pro uiribus, ut hi omnes Medi qui me ultro secuti sunt, ne quid querantur. Et uos item Medi, Hyrcanos hosce honorate, qui in societate nostra primi uenere, quò existiment bene sibi consuluisse de amicitia nostra. Atq; partem rerum omnium tribuite etiā Cyaxaris nuncio, tū ipsi, tum eius socijs: utq; nobiscū maneant istum hortamini, inquietes ita etiā mihi uideri, quò intelligēs quæ gerūtur, ea singillatim magis renūciet Cyaxari. Persis uerò qui sunt mecū, quæcunq; uobis bene habentibus superfuerint, hæc sufficient. Etenim nō admodū in delicijs, sed rusticè quodammodo ac duriter sumus educati. Itaq; uobis risui fortasse futuri sumus, si quid elegantius nobis induendum dederitis: quemadmodū noui fore, ut & sedentes in equis multum uobis risum præbeamus, quippe qui, ut opinor, decidamus in terrā. Exhinc illi addiuidendū iuere, magno quodam risu ob equitationē affecti. At Cyrus cōuocatis ordinū centurionibus iussit equos acciperent, equorūq; tum uasa, tum ministros, & acciperent eos quidē numero singuli æqualiter in ordinē secundū sortem. Ipse autē Cyrus proclamari iussit, si quis esset in Assyriorum, aut Syrorum, aut Arabum castris uir seruus, uel ex Medis, uel ex Persis, uel ex Carribus, uel ex Cilicibus, uel ex Bactrianis, uel ex Græcis, uel qui aliunde undecunq; coacti essent, hi se exhiberēt. At illi ubi proclamationē audierūt, libèter multi coram apparuere. Cyrus uerò electis ex ijs qui forma maxime præcellerēt, dicebat

dicere eos qui liberi forent, arma tollere quæ dat ipsis, sibi autem curæ fore ut res haberent necessarias. quos agens cōtinuò ad ordinum centuriones, illis eos commendauit, iussitq; ut cratis nudosq; gladios his darent, quò ea habentes, sequantur unà cum equis, et ut res necessarias pro his acciperent, quemadmodum pro Persis suis: centuriones uerò ipsi cum thoracibus ac lanceis ut equis ueherentur. Ipseq; Cyrus facere ita cœpit. At peditibus homotimorū, ut pro se quisq; alium præficeret, iussit ex homotimis. Et hi quidem circa hæc uersabantur, cum interea temporis adfuit Gobryas Assyrius, uir senex, in equo cum equestri famulatu, ferebantq; arma omnes equestria. Atq; hi qui constituti erant ad arma recipienda, iuebant lanceas traderent, ut eas quemadmodum alia cremarent. Quibus respondit Gobryas, uelle se antea uidere Cyrum. Et ministri relictis alijs equitibus, Gobryan ducūt ad Cyrum. Quem Gobryas ut uidit, ait: O here, ego genere sum Assyrius, qui & oppidum habeo ualidum, & magnæ dominor regioni. Præterea equites habeo circiter mille trecentos, quos præbebam regi Assyriorū, eramq; illi amicissimus. Sed ubi ille à uobis necatus est, uir sanè bonus, illiusq; filius mihi inimicissimus successit in regnum, ueni ad te, cui supplex concido, meq; ipsum do seruum ac socium: abs te autem peto, ut meam ulciscaris iniuriam, quem ita facio filiū ut licet, careo enim filijs maribus. Nam qui mihi hæres solus erat, filius honestus & bonus, quiq; me & amabat & honorabat, quemadmodum filius honore patrem facere felicem queat, hunc rex ille senior, regis huius præsentis pater cum inuitasset tanquam daturus filiam ci uxorem, ego illum misi, ut eram elato animo, quòd filium scire licet

licet meum filiae regis uisurus essem sponsum. Praesens autem rex ubi eum uenatum inuitasset, uenariq; liberrimè permisisset, ratus se longè illi equitatione praestare, meus filius ut unà quidem cum amico uenabatur. Vrsa uerò ut est oblata, cum hi ambo unà illam insequerentur, hic qui nunc est princeps, misso iaculo ictu frustratus est, quod utinà accidisset nunquam. At filius meus feriens, id quod minimè opus erat, ursam prosternit. Et tum quidem hic molestè fortasse rem ferens, inuidiam clàm continuuit. Sed ut rursus leo obiectus esset, regis filius item iaculatus est frustra: passus is quidem incredibile nihil, mea sententia. At filius meus item affecutus leonē interemit. aitq;: Certè bis deinceps ferit, & utraque uice feram prostrauit. Hic igitur non amplius homo nefarius inuidiam compescuit, sed arrepta lancea à sequentium quodam, eaq; percussio in pectus filio meo, qui & unicus mihi erat & charissimus, huic animā abstulit. Quem ego miser tam grandem agens aetatem, filium meum optimum mihiq; dilectissimum, cui nuper florere barba inciperet, pro sponso portauimus mortuum, atq; sepeliui. Parricida uerò perinde quasi inimicū aliquem perdidisset, se facti poenitere nunquam ostendit. Neque pro perpetrato facinore, honore aliquo sepultum dignatus est. Atqui eius pater & me commiseratus est, & calamitatem meam permolestam sibi esse declarauit. Ego igitur si quidem ille uiueret, nunquam ad te issem, quò illi nocerem. Nam illius multa amicitiae merita erga me fuere, cui etiam inseruiui. Sed posteaquam in filij mei interemptorem deuenit imperium, nunquam huic ego possem esse beneuolus, nec etiam hic me, certò scio, amicū unquam duceret. Nouit enim quo animo in se sum,

Et ut antea hilariter uitam agerē, nunc autem filio orbatus, in luctu dego senectutē. Si igitur me admittis, spemque afferas fore ut consequar tecum ultionem aliquam mei charissimi filij, tum rursus uidear mihi pubescere, tum neque uiuere cum dedecore, neque mori me putem cum dolore. Gobryas ita inquit. Ad quē Cyrus ita respondit: At si quidem Gobryas omnia sentis quæ es ad nos locutus, et admitto te supplicem, et tui filij ultionem cum deorum ope promitto tibi. Verum mihi dicito, si tibi hæc à nobis fiant, tuaque te habere oppida permittamus, et agrum, et arma, atque uires quas habebas antè, tu pro hisce quæ nobis præstabis obsequia? Ille uero dixit: Oppida equidem cum ueneris, domum præbebo tibi: regionis tributum quod illi ferebam, tibi soluam: et ubi expeditionem ages, ibo una tecum in exercitum cum regionis meæ uiribus. Est præterea mihi filia uirgo, eaque dilectissima, et iam nubilis, quam ego antea putabam uxorem alere huic qui nunc regnat: at ea nunc multo est cum gemitu me precata, ne se fratri paricide uxorem dem, id quod ipse etiam sentio. De hac autem ipsa ita hoc tempore tibi cōsultationem cedo, quemadmodum ipse quoque de rebus tuis uidear consultare. Sic dein inquit Cyrus: Ad hæc pro ueritate do tibi meam, tuamque dextram accipio, dii autem nobis testes sunt. Hæc ubi acta sunt, et abire Gobryan iubet sua secum habentē arma: et ex eo quærebat, quantum ad se usque foret itineris, quoniam eo esset iturus. Ad quem dicebat Gobryas: Si mane cras cas, altero die apud nos pernoctes. Ita igitur hic abiuit relicto Cyro imperatore. At Medi aderāt, qui Magis ea soluere, quæ iidem dijs dixerant deligenda. Cyro autem selegerūt pulcherrimum tabernaculum ac Susiam mulierem

mulierem, quæ in Asia speciosissima esse diceretur, & citharistrias duas optimas. Secundo autem loco, secunda Cyaxari. Huiusmodi etiam alia quorum indigebant sibi ipsis explentes, quò re nulla egentes militiam exercerent: omnia enim affatim erant. Acceperunt etiam Hyrcanij ea quorum indigebant. Aequalem quoq; portionem Cyaxari nūcio fecere. Superuacanea uerò tabernacula quot quot erant, Cyro tradidere, quò Persis tribueret. Numum uerò datum iri dixerunt, ubi collectus foret: quem etiam distribuerunt.

XENOPHONTIS DE PAEDIA

CYRI LIBER QVINTVS, FRANCISCO

Philelpho interprete.



I quidem hæc & egerunt & dixerunt. At Cyrus dona Cyaxaris iussit eos accipere atq; custodire, quos ei sciebat esse familiarissimos, aitq;: Quæcunq; mihi datis, libenter admitto. Iis autem qui uestrum maximè indiguerit utetur. Quidam uerò ex Medis musicæ studiosus, Atqui, inquit, ô Cyre, cum uesperis audissem citharistrias quas nunc tu habes, & audiendò delectatus sum, & si istarū mihi unam dederis, uidear dulcius in expeditionē ire quàm manere domi. Ad quē Cyrus inquit: At ego & do eā tibi, ac puto tibi habere gratiā magis quòd à me petieris, q̃ tu mihi quòd accipis, usque adeo cupio uobis gratificari. Et hanc quidē accepit qui petierat. Vocato autē Cyrus Araspa Medo, qui ei erat à puero sodalis, cuiq; stolā exutus Medicā dederat quo tēpore ab Astyage abiret in Persas, huic iussit ut sibi custodiret mus-

lierem atq; tabernaculum. Erat autē ea mulier Abradata
 uxor regis Susorum: qui cum caperentur Assyriorum ca-
 stra, ibi non erat, quippe qui ad Bactrianorū regē orator
 profectus est, eō ab Assyrio missus societatis faciūda gra-
 tia: erat enim regi Bactrianorum hospes. Hanc igitur Cy-
 rus tuendam iubebat Araspæ, donec ipse eam acciperet.
 Araspas autem iussus percunctabatur: Vidisti'ne adhuc
 Cyre, mulierem quam mihi iubet asseruandam? Medius si-
 dius, Cyrus inquit, nequaquam uidi. At ego, inquit Ara-
 spas, uidi equidem cum eam delegi tibi, & rursus cum in-
 gressi sumus in eius tabernaculum, eam ita demum mini-
 mē noueramus. Nam sedebat humi, & famulæ omnes cir-
 cum ipsam, habebatq; illa uestem ancillarum uestibus simi-
 lem. Sed ubi uolentes cognoscere quēnā esset hera, omnis
 illas circumspeXimus, quamprimum admodū uisa est alijs
 omnibus antecellere, quamuis sederet, essetq; uelata, &
 humi dispiceret. Ut autem eam iussimus surgere, consur-
 rexerunt unā cum ea illæ ancillæ omnes. Præstabat autem
 hæc primū magnitudine, dein uirtute & uenustate, etsi
 in humili erat habitu, manifestoq; ei lachrymæ stillabant,
 aliæ in peplos, aliæ pedes. Vbi uerò qui erat inter nos æta-
 te grandior ait, Bono animo esto mulier, nam etsi pul-
 chrum ac bonū uirum tibi esse audimus, nunc te uiro seli-
 gimus qui neq; formæ præstantia illo est deterior, neque
 prudentia, neq; uiribus. Sed, ut nostra fert opinio, si quis
 alius quisquam uir, Cyrus etiam ipse admiratione est di-
 gnus, cuius tu ex hac hora futura es. Quod mulier ut au-
 diuit, & lacerauit à summo usq; peplum, & eiulabatur:
 unā etiam uociferatæ sunt famulæ. Quo quidem tempore
 maxima ex parte apparuit eius facies, apparuit itē collū

ac manus. Voloq; tibi certò persuadeas Cyre, ut & mihi
& alijs intuentibus visum est, nondum esse ortam, neq; in
ueniri inter mortales huiusmodi mulierē in Asia. Verum
eam tu omnino aspice. Atq; ait Cyrus: Ita mehercule, &
multò quidem minus, si talis est qualis à te narratur. Cur?
inquit ille adolescens. Quoniā, ait, si nunc dum abs te au-
dio eam esse pulchram, sententiam tuam sequens eam vi-
surus iero, cum neq; satis mihi ocij sit, uereor ne longè ce-
lerius illa persuadeat mihi item, ut se rursus spectaturus
accedam, & exhinc fortassis his neglectis quæ gerere me
oportet, sedeam illam spectans. Ac iuuenis multo cum ri-
su ait: Putas enim tu Cyre, fieri posse ut mulieris pulchri-
tudo eum qui nolit, cogat agere quod factu non sit opti-
mum? Nam si hoc ita natura habet, omnes identidem co-
geret. Vides ne ut ignis omnes i. idem urit? Natura enim
talis est. Pulchras autem alias amant, alias non amant, &
alius aliam. Etenim res spontanea: & quisq; amat quem
uelit. Frater haud continuo sororem amat, sed ab alio hæc
amatur. Neq; pater filiam amat, quæ amatur ab alio. Ete-
nim metus ac lex satis sunt ad amorem inhibendū. Quòd
si lex feratur, ut qui non uescuntur, non fame capiantur:
& qui non bibunt, nō sitiant, neq; per hyemem frigeant,
neq; caleant per æstatem, nulla sanè lex possit efficere, ut
his homines pareant: sunt enim homines his rebus natu-
ra inferiores. At amare ultroneum est. Quisq; igitur ea
amat quæ sua sunt, ut amictus, & calceos. Quomodo er-
go, inquit Cyrus, si amor ultroneus est, nō eo uacare quis
poteat cum uelit? Cæterum ego uidi qui flerent præ dolo-
re ob amorem, & qui amatis famularentur, cum prius
quàm amarent, maximum malum seruitutem opinaren-

Amor ultro
neus ne, &
quanta ser-
uitus.

tur: quiq; darent eorū multa, quibus priuari eis non esset melius: & qui præterea optarent amore liberari non secus quàm ab alio quodam morbo, neque liberari tamen possent, sed ualidiore necessitate ligati essent, quàm si in ferrea uincula coniecti forent. Præbent igitur amatis se ipsos, permultum ac temerè seruientes. Neq; cum huiusmodi malis teneantur, tentant euadere, sed asseruant quos amant, ne quoquam effugiant. Et adolescens ad hæc ait: Faciunt enim quæ dicis. Et sunt sanè istiusmodi amatores flagitiosi, quo fit ut etiam optent, ut perseuerantes usq; in ærumnis moriantur. Cumq; infinitæ sint liberandi artes, à uita non liberantur. Iidem præterea furari aggrediuntur, neq; ab alienis abstinere. Sed cum quid rapuerint, furatiue fuerint, uides quòd ipse primus tanquam furtum necessarium non sit, & furem & raptorem accusas: & non modò non ignoscis, sed supplicio afficis. Hoc item modo formosi non cogunt ut homines se ament, aut cupiant quæ non decet: sed flagitiosi homunciones cupiditatibus omnibus se præstant inferiores, deinde amores accusant. At honesti atque probi uiri etsi cupiunt & aurum, & equos bonos, & mulieres pulchras, ab his tamē omnibus facile queunt abstinere, ut non his magis quàm deceat subditi sint. Itaq; ipse hanc mulierem intutus, etsi admodum formosa mihi uisa est, sum tamen & apud te, et equito, & alia quæq; mea præsto officia. Ita mediufidius, inquit Cyrus: fortassis enim celerius abisti, quàm in quanto tempore amor potest hominem sibi disponere. Nam & ignis eum qui se tetigerit, haud continuò urit, & ligna nò continuò flammæ tollunt. Ipse tamen neque ignem ultro tango, neque pulchros intueor, nec etiam tibi consulo

Araspa,

Araſpa, ſinas in pulchris oculos uerſari: quòd ignis quidem urit hominis tangētis, ac formoſi eos etiam accendūt qui ſe procul ſpectant, ut propter amorem æſtuent. Conſido Cyre, Araſpas inquit. Nam ſi nunquam etiā ſpectare ceſſauero, nullo pacto uincar, quò aliquid quod minus de ceat faciam. Pulcherrimè, inquit, dicis. Quare aſſerua hanc, ut tibi iubeo, eiusq; curam gere: fortassis enim admodum etiam in tempore fiat hæc mulier. Tum igitur his dictis abierunt. Sed adoleſcens cum ſimul mulierem pulcherrimam aſpiceret, ſimulq; eius probitatem cognoſceret, curamq; eius gereret, atq; gratificari ei arbitraretur: & cum etiam ſentiret eam non eſſe ingratam, ſed diligentiam per ſeruos ſuos adhibere, ut ingredienti Araſpæ eſſent neceſſaria omnia, & ne ſi quando ægrotaret, rei cuiusquam indigeret: ex hiſce omnibus amore captus eſt, & nihil fortaiſſe mirabile eſt paſſus. Et hæc quidem hoc pacto gerebantur. Cyrus autem cum uellet libenter manere apud ſeſe tum Medos, tum ſocios, conuocatis tempeſtiuis omnibus, huiuſmodi uerba locutus eſt: Viri Medii, & uos qui adeſtis omnes, equidem certò ſcio neque pecuniarum indigentis uos mecum egreſſos eſſe, neque quòd exiſtimaretis Cyaxari hoc præſtare obſequium, ſed ut hanc rem mihi gratificaremini, meq; honore proſequeremini, & per noctem iter facere, & mecum undè periclitari. Quorum ego gratiam uobis habeo niſi iniuſtus ſum, quam referre nondum mihi uideor poſſe pro dignitate. Neq; id dicere me pudet. Quòd autè dicā eam me relaturū ſi apud me māſeritis, hic mihi ſermo pudori eſſet: nā exiſtimarer uideri hæc dicere, quò uos magis uelitis manere apud me. Sed hac pro re hæc uobis dico. Ego enim

Oratio Cyri.

uobis etiā si iam abeatīs obediētes Cyaxari, tamē si quid boni gesserō, ita enitar facere ut me sitis laudaturi. Non enim ipse nunc sum abiturus. Verū & Hyrcanijs quibus & iusiurandum, & dextrās dedi, fidem seruabo, & nunquam hos deprehendar prodidisse. Et Gobryæ qui nunc nobis & oppida dedit, & regionē, & uires facere studebo, ne se unquā poeniteat sui ad me itineris. Et quod maximum est, cum dij immortales manifestis adeò bonis nos affecerint, eos & metuerem & uererer, si his bonis relictis temerē abirem. Equidem ipse ita faciam. Vos autem ita ut sentitis, ita etiam facitote, atq; mihi dicite quæcunq; sententia uobis sit. Cyrus ita loquutus est. Primus autem is qui olim dixit se Cyri consanguineum, respondit: At ego rex, inquit, rex enim nihilo minus uideris natura esse, quā qui in alueari apium est dux: illi enim apes parent ultro, & ubicunq; maneat, nulla illinc abscedit. Quòd si quò exeat, nulla eum relinquit: amor usque adeò uehemens in his inest, ut eius patiantur imperium: identidemq; quodammodò homines mihi uidentur erga te habere. Etenim in Persas cū à nobis abisti, quis Medus aut iuuenis aut senex relictus est, qui minus te sequeretur, donec Astyages nos auertit? Cum uerò ex Persis auxilio uenisti nobis, uidemus item amicos tuos ferè omnis ultro te sequentis. Vbi rursus cupijsti ducere hunc exercitum, sponte Medi omnes te sunt secuti. Nunc etiam sic habemus, ut unà tecum in terra hostili cum sumus, confidamus, & timeamus sine te abire etiam domum. Itaque alij quomodo facturi sunt, ipsi dicent. Sed ego Cyre, et hi qui mihi subditi sunt, & manebimus apud te, & tuum nutum obseruabimus, constanterq; expectabimus beneficiū tuū.

Post

Post hūc ita Tigranes loquutus est: Tu nunquam mireris
Cyre, si ipse taceo. Animus enim meus nō ad consultandū
paratur, sed ad omnia ea faciunda quæ iubeas. Hyrcanius
autem inquit: At ego, ô Medi, si nunc abeatis, dicam mali
numinis esse insidias, quod uos nolit felicissimos fieri. Hu
manæ autem mentis compos quis aut fugientis hostes fu
giat, aut arma si tradiderint, minus capiat, aut seipsos atq;
sua dantis non admittat? præsertim cum talis est uobis im
perator, qui mihi uidetur, ita uos deos omnis testor, ma
gis letari ut uobis beneficiat, quàm ut seipsum locuple
tet. Post hunc Medi omnes hæc dixerūt: Tu Cyre & edu
xisti nos, & domum cum abeundi tempus uideatur, tecū
nos age. Quæ Cyrus ubi audiuit, ita precatus est: At, ô Iu
piter optime maxime, abs te peto, mihi des ut hos benefi
cij uincam, qui me honorant. Exhinc iussit ut alij consti
tuerent habere iam circa se custodes. At Persæ distribu
erent tabernacula equitibus quidem, quæ his cōuenirent:
peditibus uerò, quæ his satis essent: & ita constituerent,
ut qui in tabernaculis sunt, ubi fecerint omnia pro offi
cio, ea in ordines ferant ad Persas, & equos præbent cul
tos. Persis uerò opus ut esset aliud nullum, quàm ea elabo
rare quæ ad bellum pertinent. Hunc autē diem degerunt
hoc pacto. Manē autem surgentes pergebant ad Gobry
an, Cyrus quidem in equo, & qui ex Persis equites facti
sunt, ad duo millia. Qui uerò habebant horum crates &
mucrones, post hos sequebātur pari omnes numero: ali
usq; exercitus instructus proficiscebatur. Cuiq; autē ius
sit, ut nouis ipsorum seruis dicerent, quicunq; eorum aut
post cogentes agmen uisus fuerit, aut ante frontē, aut ad
latera deprehendatur extra eos qui sunt in ordine, illum

punitum iri. Postridie circiter crepusculum perueniunt ad Gobryæ oppidum, uidentq; munimentum ualidissimum, & omnia parata in muris quæcunq; sunt ad repugnandum optima, ac boues multas pecudesq; permultas sub munimenta adductas intuebantur. Cumq; misisset ad Cyrū Gobryas, iussit ut equitans uideret si sit accessus expeditissimus, utq; intro ad se mitteret fidos aliquos, qui intuentes quæ sibi intus sunt, renunciaturi sint. Sic igitur Cyrus ipse certò uidere uolens, sicubi oppidum facile capi posset, siue Gobryas mentiretur, immittebat undiq; ac uidit omnia ualidiora esse accessu. Quos autem misit ad Gobryan, hi certò renunciabant tanta esse intus bona, quantà, ut sibi uidetur, in hominum ætatem si intus sint, defutura non forent. Itaque Cyrus sollicitus erat quid tandem hæc essent, quum Gobryas & ipse ad eum egressus est, et omnes intrinsecus eduxit ferentis uinum ac farinam, alios uerò agentis boues, capras, oues, sues: & si quid esset esculenti, omnia affatim afferebant, ut cœna exciperetur exercitus omnis unà cum Cyro. Qui ergo ad hanc rem constituti erant, & diuidebant hæc, & cœnabāt. At Gobryas ubi omnes uiri sui fuerūt extra, Cyrum ingredi iussit, quò arbitraretur omnia esse secura. Cyrus igitur præmissis exploratoribus ac uiribus, ita etiam ipse ingrediebatur. Sed ubi ingressus est Cyrus habens portas patefactas, amicos omnis inuitabat, & principes quos habebat secum. Vbi uerò intus fuere, Gobryas extulit phialas aureas, & urceos, & peluis, uariumq; ornatum, & innumeros quosdam daricos, & omnia ualde pulchra: ad postremum etiā filiam educens mirabili quadam pulchritudine atq; magnitudine, quæ luctuose haberet propter fratris obitum,

ita

ita inquit: Ego tibi Cyre hasce quidem pecunias dono do, hanc autem filiam concedo, ut de ipsa pro uoluntate deliberes. Te autem suppliciter rogamus, ego quidem etiam antea, ut filij mei, ipsa autem nunc, ut fratris sui sis ultor. Ad quæ Cyrus respondit: Sed ego tibi etiam hæc tum promisi me ultorem pro uiribus fore, ubi tu uerus esses. Nunc uerò cū te talem esse intueor, iam tibi debeo promissum: & tuæ huic filiæ eadem cum deorum ope promitto me facturum: atque hasce sanè pecunias ipse quidem admitto, quas filiæ huic tuæ, atq; illi do qui eam in uxorem capiet. Vnum autem donum habens abs te abibo, pro quo nec ea quæ Babylone sunt, etsi ibi sunt plurima, nec etiam quæ ubiq; sunt, pro hoc uno quo donatus abs te sum, suauius habens sim abiturus. Et Gobryas miratus quidnam hoc esset, suspicatusq; ne filiam diceret, ita est percunctatus: Et quidnam hoc est, inquit, Cyre? Ad quem ille respondit: Quoniam ego, Gobrya, multos homines esse reor, qui neq; impietati sese uelint, neq; iniustitiæ obnoxios facere, neq; sponte mentiantur: sed quia nemo his uelit præferre neq; pecunias multas, neq; regnum, neq; oppida munita, neq; filios charissimos, moriuntur prius quàm declarent quales essent. Tu autem mihi nunc & munitiones tutissimas, & diuitias multiplices, & uires tuas, & filiam dignissimam largitus mihi, clarū reddidisti mortalibus omnibus, eum me esse, qui neq; in hospites impius esse uelim, neq; iniustus pecuniarū gratia, neq; ultro mendax in seruandis promissis. Horū ego obliuiscar sanè nunquam, do nec uir iustus sum, talisq; esse uisus lauder ab hominibus: quin enitar te contrà bonis omnibus honorare. Neq; tibi uerèdū est, quo minus carcas digno uiro pro hac filia tuæ:

Nam & multi mihi, & boni amici sunt, quorū alicui hæc nubet, si quidem tantas sit habiturus pecunias, quantæ abs te dantur, uel ijs etiam alias multò plures nequeam dicere. Tu sanè haud ignoras quosdam eorum esse, qui ob pecunias tuas ne paulò quidem magis te sint admiraturi: me autè hoc tempore adamant, optantq; ut deorum beniginitate possint aliquando demonstrare, quòd nihilo minus quàm ego fideles sint in amicos: in hostes autem ut nunquam sint quandiu uiuunt remissiores, modò deus aliquis non aduersetur. Virtuti uerò atq; bonæ gloriæ, ne bona quidem omnia Syrorum Assyriorumq; tuis addita bonis præferant. Talis esse uiros qui hic sedent, nolo te lateat. Et Gobryas ridens: Per deos immortales, inquit, Cyre, ostende mihi ubi hi sunt, quò abs te petam horum mihi aliquem fieri filium. Atq; Cyrus ait: Nihilo tibi opus erit ut me percuncteris: si una nobiscum etiam sis, ipse tu poteris alij ipso rum quenq; demonstrare. Tantum loquutus uerborum, apprehensa Gobryæ dextera, atq; surgens abiit, suosq; secum eduxit omnis. Cumq; multum à Gobrya rogaretur ut intus cœnaret, haud uoluit, sed cœnabat in castris, & Gobryan ipsum conuiuiam assumpsit. Cumq; in uimineis toris discūberet, ita eum interrogabat: Gobrya, dic mihi, utrum tibi putas plura esse strata, an cuique nostrum? Ad quem ille respondit: Vobis sanè plura & strata sunt, & lecti, atq; ædes multò maiores quàm meæ, qui pro ædibus & terra utimini, & cœlo. Lecti etiam uobis sunt, quotquot cubacula sunt in terra: strata uerò existimatis non quot lanæ oriuntur ex pecudibus, sed quamcunq; materiam & montes & campi germinant. Primum igitur, dum unà cum his Gobryas cœnaret, uideretq; appo-

sitorum

sitorum esculentorū uilitatem, putabat seip̄os multò esse liberalioris quàm Persas: sed ubi animo uolutauit ciborū moderationem (in nullo enim neq; esculento, neq; potu lento uir Perses, ex his qui bene instituti sunt, neq; oculis commotus appareat, neq; rapina, neq; mente, ut consideret, tanquam si in cibo nō esset: sed quemadmodum equestres, quoniam in equis non turbantur, possint simul dum equitant & uidere, & audire, et dicere, quod sit opus: sic item illi inter cœnandum existimant oportere & prudentes apparere, & moderatos: at moueri esculentis & potulentis, uidetur his esse porcinum admodum & immane) cogitauit etiam ut hi inuicem talia quædā interrogabāt, qualia interrogari suauius esset, quàm non interrogari: et ut cauillabantur, qualia cauillari suauius erat, quàm non cauillari. Et quæ iocabantur, ut admodum à contumelia aberant, & à re turpi factu, & à mutua molestia. Maximum uerò ei uisum est, quòd his qui essent in exercitu, nihilo plura existimarent oportere apponi, quàm illis qui in diem periculum intrarent: sed hoc arbitrarentur suauissimum esse conuiuium, si ita pararent socios, ut futuri essent quamoptimi. Vbi autem Gobryas surrexit domum abiturus, fertur dixisse: Non amplius miror Cyre, si pocula, & amictus, & aurum nos possidemus quàm uos maiori copia, at nos sumus minoris faciundi quàm uos. Nos enim operam damus, ut sint nobis quamplurima: at uobis ea diligentia est, uti mihi uidetur, ut futuri sitis quamoptimi. Et ille quidem hæc loquutus est. At Cyrus: Age, inquit, Gobrya, quò manè adsis, tecum equitatum habens armatum, quò etiam tuum exercitum uideamus: simulq; nos age per agrum tuum, quò intueamur quæ & nobis

*Persarum in
cibo modestia.*

amica, & quæ hostilia sunt existimanda. Tum igitur hæc loquuti, utriq; abierunt ad res conuenientis. Sed ubi dies aduenit, affuit Gobryas habens equitatum suum, ac ducebat. Cyrus autem, ut par est uiro principi, nō solum mentem adhibebat itineri faciundo, sed procedens simul considerabat, si fieri posset ut redderet hostes imbecillioris, aut etiam seipsos ualidioris. Itaq; uocato Hyrcanio atque Gobrya, hos enim existimabat nosse maximè quæ ipse discenda sibi arbitrabatur: Ego, inquit, uiri amici, existimo si uobiscum, qui fidelissimi estis, cōsulto de hoc bello, nequaquam errare. Video enim uobis magis quàm mihi esse cōsiderandum, ut Assyrius uobis non dominetur. Nam mihi si ab his rebus errauero, est fortassis aliud per fugiū. At à uobis, si hic uicerit, uideo nostra omnia fieri aliena. Etenim hic mihi hostis est, qui me odio non habet, sed putet detrimentosum esse sibi, uos esse magnos: & ob hanc rem exercitum agit aduersus nos. Vos autem idcirco estiam exosus, quòd existimet à uobis pati iniuriam. Ad hæc ambo responderūt, propterea ut perficeret quod ei curæ esset: quoniam præsentia hæc intelligerēt ad se uehementer pertinere, ubi euenirent. Hic igitur ita incœpit: Dicite igitur mihi, utrum uos solos Assyrius putat habere hostis aduersus sese, an scitis alium item quenquam, qui ei sit hostis? Ita mehercule, inquit Hyrcanius. Hostes ei sunt maximi Cadusij, gens quidē & magna, et robusta. Atqui Sacæ finitimi nobis sunt, quos Assyrius multis affecit malis, qui enixus sit illos, quemadmodum etiam nos, subiugare. Ergo existimatis, inquit, nunc eos utrosque libenter nobiscum Assyrium inuasuros? Qui responderunt: Et uehementer hi quidem, si quidem coniungi nobiscum possint.

Quid

Quid est, Cyrus inquit, in medio, quo minus coniungantur? Assyrij, responderunt: eadē gens per quam nunc pergis. Quæ cum Cyrus audisset: Quid enim, inquit, ô Gobrya, non tu hunc adolescentem, qui nunc in regnum constitutus est, moribus esse accusas admodum insolentem? Talia enim, inquit Gobryas, ab eo sum passus. Verum ita, inquit Cyrus, in te duntaxat, an etiam in alios quosdam talem se gessit? Et in alios mediusfidius, inquit Gobryas. Verum quibus contumelijs afficit imbecillos, quid dicere oportet? Vnius autem uiri qui multò erat quàm ego potentior filium, qui illi etiam sodalis esset quemadmodum filius meus, compotantem apud se comprehendit atque excidit: & id quidem quoniam, ut aliqui dixere, pellex eius eum laudauit pulchritudinis, eamq; beatam fore dixit, quæ uxor illi futura esset; sed ut ipse rex nunc dicit, quoniam tentasset ille suam pellicem, atque hic nunc spado est, habetq; imperium, quoniam eius pater diem obiit. Putas igitur fore, inquit Cyrus, ut hic item libenter nos uideat, si putet sibi futuros auxilio? Bene equidem scio, inquit Gobryas, sed eum uidere difficile est Cyre. Quî, inquit Cyrus? Quoniam si quis uelit illi cōiungi, necesse est ut præter ipsam Babylona transeat. Quid igitur, inquit Cyrus, hoc est difficile? Quoniā, inquit Gobryas, futurū scio ut multò maiores uires ex ea exeant, quàm hæ quas nunc tu habes. Nec enim debes esse nescius, quòd ob hoc ipsum quod minus nūc tibi quàm antea Assyrij arma defuerūt, equosq; adducūt, quoniā uires tuæ his intuentibus uise sunt paruæ, & rumor hic iā disseminatus est permultus. Itaq; mihi uidetur esse melius, ut asseruāter proficiscaris. Et ubi Cyrus huiusmodi uerba dixisse Gobryan audi-

uit, ita ad eum loquutus est: Perpulchrè mihi dicere Gobrya uideris, qui iubeas iter fieri quam securissimè. Quare cogitāti mihi, nullū uidetur iter securius, quàm quod ad ipsam ducit Babylona, si ibi sunt maximæ hostiū uires. Sūt enim illi multi, ut ais: qui si cōfidunt, erūt etiā in nos acer rimi. Itaq; si nos nō uideant, sed existiment nos euanuisse, quoniā illos metuamus, liberabūtur eo metu in quo sunt, capientq; pro metu eò maiorem fiduciam, quò plus temporis nos nō uideant. Quòd si nunc eamus aduersus eos, reperiemus eorum permultos qui adhuc illos fleant, quos ipsi interemerimus. Multos item qui habcant obligata uulnera, quibus à nostris militibus sunt affecti. Omnes præterea qui adhuc meminere, tū huius exercitus audētiam, tum sui ipsorum & fugam, & cladem. Nec te latère hoc debet Gobrya, homines plures quando cōfidant, esse animi constanti erectione: cum uerò timeant, quò plures fuerunt, eò maiore formidabilioreq; metu detineri. Ex multis enim malisq; rumoribus is auctus est metus, ex multis etiam malisq; hominū coloribus, ex multis item atq; ignauis exanimatisq; personis coactus est. Itaq; ob magnitudinem is non faciliè extinguere potest furorem uerbis, neq; si ad hostes illum adigat, uim potest iniicere, neque si abigat, elationem excitare: sed quanto magis iubeat audere, tanto existimabunt in maiore se esse discrimine. Itaq; illud consideremus ut certò habet. Nam si post hoc tempus uictoriae sunt futurae in bellicis eorum operibus, utriutri maiorem turbam numeraturi sint, recte etiam tu de nobis metuis, & nos uerò in rebus sumus formidolosus. Sin quemadmodum antea pugnae iudicantur, etiam nunc propter bene pugnantes, ubi audeas nihil haberes: longè enim ope
deorum

deorū plures inuenies apud nos eos qui libenter pugnēt,
quā apud illos. Vt etiam magis audeas, hoc tecum co-
gita. Hostes enim longē nunc sunt pauciores, quā cum
antea uicti à nobis sunt: lōgē item minore numero, quā
quando nos effugēre. Nos uerò & maiores nunc sumus
quā antea, quoniam uicimus: & ualidiores, quoniam
rebus usi sumus secundis: ac item plures, quoniam uos ad-
diti nobis estis. Noli enim amplius contemnere, quoniam
unā nobiscum sunt. Nam cum uincētibz, Gobrya, etiam
qui sequuntur, audebunt. Neq; te hoc lateat, licere hosti-
bus per hoc temporis quōq; nos uidere. Formidabiliores
autem nullo modo eis appareamus, si adhuc expectemus,
quā si eamus aduersus illos. Itaq; hæc mihi quoniam co-
gnita sunt, rectā nos age ad Babylona. Ita igitur pergen-
tes, ad quartum diem peruenere ad Babylonis confinia.
Vt autem fuit in terra hostili, assumpsit constituitq; secum
in ordine cum pedites, tum ex equitibus quotquot ei uisi
sunt bene habere. Alios uerò equites permisit decurrere,
iussitq; ut hos qui arma haberent, interficerent: alij uerò
ut & pecudes, & quæcunq; alia cepissent, ad sese agerēt.
Iussit etiam Persis ut ipsi quoq; excurrerent. Veneruntq;
eorum multi qui ab equis deuoluti cecidissent: multi item
qui prædam plurimam agerent. Quæ ubi affuit, conuoca-
tis Medorum Hyrcaniorumq; principibus atq; homoti-
mis Persarum, hæc locutus est: Viri amici, Gobryas mul-
tis bonis hospitaliter nos omnis donauit. Si igitur ubi dijs
immortalibus quæ iusta sunt delegerimus, & exercitui
quæ sunt satis, dederimus, aliam prædā huic demus, cer-
tè rem honestam faciamus, quoniam statim declaremus
nos eniti, ut benemerentis quoque uincamus beneficijs.

Cyri oratio.

Quod ubi auditum est, & laudauerunt omnes, & prædicarunt. Vnus præterea ita locutus est: Rectè admodum, inquit, Cyre hoc à nobis factum fuerit. Gobryas enim uidetur mihi mendicos nos quosdam existimare, quoniã daricis referti non uenimus, neque phialis potamus aureis. Quòd si hoc fecerimus, cognoscet liberalis nos esse etiam sine auro. Agè igitur, inquit Cyrus, quæ deorũ sunt, detis Magis, & quæcũq; exercitui satis delegeritis: alia Gobrya uocato ei date. Sic igitur cũ illi cepissent quæcunq; opus fuerat, dederunt alia Gobryæ. Exhinc ad Babylona profectus est acie ordinata, quemadmodum cum est pugnandum. Vt autem contrà Assyrii egressi non sunt, Gobryæ iussit Cyrus, ut adequitās diceret, si uellet rex egredi pro regione pugnaturus, saltem ut ipse cum illo pugnaret. Sin id minus, ut agrum defenderet, quoniã necesse est parère uincētibus. Gobryas igitur eò immisit, ubi hæc dicere tuto posset. Rex autem misit qui talia ei responderet: Herus tuus dicit, ô Gobrya: Non solum me pœnitet quòd filium tuum occiderim, sed quòd non item te interemerim. Pugnare autem si uelitis, uenite ad trigesimum diem. Nunc enim nondum ocium nobis est, quippe qui adhuc paramur. Ad quem inquit Gobryas: Verum hæc pœnitentia tibi nunquam desinat. Perspicuum est enim te à me affici adhuc molestia, ex quo hac pœnitentia detineris. Et Gobryas quidem renunciauit Cyro, quæ Assyrius respondisset. Quibus auditis, Cyrus amouit exercitũ, Gobryaq; uocato: Dic, inquit, mihi, nõne dixisti tu, putare te futurum, ut excisus ab Assyrio unà nobiscum esset? Bene, inquit, mihi uideor nosse. Multa enim ego atque ille inuicem fidenter loquuti sumus. Quando igitur, inquit Cy-

rus, tibi uidetur bene habere, procede ad eū, ac primūm quidem ita facito utcunque ille dixerit. Vbi autem unā cum eo fueris, si noueris eum uelle amicum esse, hoc molendum est, ut clām nobis amicus sit. Nec enim amicos

*Simulata aut
dissimulata in
bello amicitia
quid possit.*

quisquam aliter quodammodo pluribus in bello bonis affecerit, quā si hostis esse uideatur. Neq; inimicis magis alio quodā modo nocuerit, quā si putetur amicus esse. Atqui, inquit Gobryas, non sum nescius quanti emeret Gadatas, ut magno aliquo malo regem hunc Assyriorum afficeret. Sed quicquid possit, hoc nobis considerandum est. Narra igitur mihi, inquit Cyrus, in castellum quod est ante regionem, quodq; uos dicitis Hyrcanijs Sacisq; fabricatum propugnaculū esse belli huic regioni, num putas à castelli præfecto permitti ut spado ueniat cum exercitu? Indubitato, inquit Gobryas, si quidem minimè suspectus sicuti nunc est, ad eum ueniat. Ergo, inquit Cyrus, minimè sit suspectus, si quidem ego adortus fuero eius castella, perinde atq; uelim capere, ille autem repugnet pro uiribus: atque ego aliquid eius capiam, & ille contrā è nostris captiuos faciat, aut alios quospiam, aut etiā nuncios quos ad hosce mittam, qui nobis dicuntur hostes esse Assyrio, dicantq; captiui abire se ad exercitum tanquam acturi ad castellum scalas: spado uerò his auditis simulet idcirco adesse, quoniam uelit hæc nunciare. Atque, inquit Gobryas, quod si ita res gerantur, certò futurum scio, ut & adsit ille, atque eum roget ibi manere, donec transieris. Ergo, inquit Cyrus, si quidem ingrediatur, facere queat ut castellum capiamus. Consentaneum est, inquit Gobryas, ubi ille interius rem paret, tu autem extrinsecus ualidius adoriaris. Agè igitur, inquit Cyrus, ito, atque enitere

ubi hæc docueris ac peregeris, huc adesse. Fidem autem ei haud maiorem neq; dicas, neq; demonstres, quàm eam quam tu à nobis accepisti. Exhinc abiit Gobryas: quem spado libenter uidens, & consentiebat omnia, & pacifice batur quæ oportebat. Vbi autem nunciauit Gobryas, uideri spadonem quæ Cyrus iusserat, omnia ualide habere, exhinc postridie Cyrus adortus est, Gadatas autem repugnabat. Nuncios uerò quos Cyrus miserat admonitos quò pergerent, alios Gadatas diffugere permisit, quò agerent copias, scalasq; portarent. Quos uerò captiuos fecit, coram multis exanimans, ubi audiuit quorum gratia se proficisci dixere, continuo instructus tanquam rem nunciaturus noctu pergebat. Postremo autem fide dictis eius adhibita, ut auxiliū ferens castellum ingreditur, & tum quidem unà cum præfecto castelli parabatur ut poterat. Vbi autem uenit Cyrus, capit castellum, adiutoribus usus his etiam captiuos quos Cyrus miserat. Quod ubi factum est, continuo Gadatas spado intus rebus constitutis ad Cyrum egressus est, quem ubi pro more adorasset, ait: Salue Cyre. Cæterum facio hæc, inquit, quoniā tu pro diuina ope non iubes solum, uerumetiam cogis me saluum esse. Non enim debes nescius esse, inquit Cyrus, me magnificare, quòd hoc castellum amicū relinquam presentibus socijs. Tibi autem Gadata ne filios faceres, ut uidetur, Assyrius abstulit: à quo minime es priuatus, ut possis tibi amicos cōparare. At uolo tibi bene persuadeas, fecisse te nos amicos tuo hoc presenti opere: qui ibi profectò, si facultas datur, operam dabimus ne deteriores auxiliores simus, quàm si uel filios uel nepotes adeptus esses. Et Cyrus quidem hæc dicebat. Hic uerò Hyrcanius cum nuper rem
sena

sensisset, accessit ad Cyrum, eiusq; dextra apprehensa inquit: O magnū bonum es amicis tu Cyre. Vt magnam me facis gratiam dijs immortalibus debere, qui me tibi coniunxerunt. Ito nunc, inquit Cyrus, & accepto castello, cuius gratia mihi gratularis, ita illud gubernato, ut amico uestro dignissimum sit atque alijs socijs: maximè autē hoc Gadatæ, qui id cepit atque nobis tradidit. Quid igitur, inquit Hyrcanius, posteaquam uenerint Cadusij, ac Sacæ, atque ciues mei, uocemus etiam hunc ut omnes simul consulemus quorumcunq; interest, ut quamutilissimè utamur castello? Quæ agenda ita consensit Cyrus. Vbi uerò conuenerunt hi quorum de castello intererat, consulta uerunt ab his omnibus unā custodiendum esse castellum, quibus conduceret illud amicum esse, quò foret illis belli propugnaculum, aduersus Assyrios autem munimentū. Quibus gestis, multò iam alacriores ac plures & Cadusij, & Sacæ, & Hyrcanij ibant in exercitum. Coactusq; hinc est exercitus, ex Cadusijs quidem scutati ad uiginti millia, et equites ad quatuor millia: ex Sacis uerò sagittarij ad decem millia, & equites item sagittarij ad duo millia. Et Hyrcanij miserunt rursus & pedites, quotquot poterant, & equites explerunt ad duo millia. Antea enim relictī fuerant domi plures equites, quoniam & Cadusij, & Sacæ, hostes erant Assyrijs. Quanto autem tempore sedit Cyrus circa castelli machinationem fabricandam, Assyrij multi circa castella hæc habitantes agebāt equos, multi arma differebant, quippe qui finitimos omnis iam metuerent. Exhinc ad Cyrum Gadatas accedit, dicitq; uenisse ad se nuncios, quòd Assyrius ubi accepit de castelli captiuitate, & molestè rem tulit, & paratur quo

impetum faciat in suam regionem. Quare si me, inquit, dimittas Cyre, oppida enitar seruare. Nam rerum aliarum mihi non est ratio. Ad quem inquit Cyrus: Si igitur nunc eas, quando es domi futurus? Et Gadatas respondit: Ad tertium diem coenabo in regione nostra. Num, inquit Cyrus, futurum putas ut iam illic offendas Assyrium? Certo, inquit, scio: maturabit enim donec adhuc procul uideris abesse. Ego autem, inquit Cyrus, ad quantum temporis illuc eam unà cum exercitu? Ad hoc Gadatas ait: Multas iam here copias habes, neque possis minus quàm aut in sex, aut in septem diebus ad meam ire habitationem. Tu igitur, inquit Cyrus, abi quamcelerrimè: ego autem quàm fieri possit, iter faciam. Et Gadatas abiit. At Cyrus conuocatis omnibus sociorum principibus, qui & multi iam adesse uidebantur, & clari, & fortes uiri, hæc Cyri concio. loquutus est: Viri socij, Gadatas peregit quæ nobis omnibus uisa sunt pluribus esse faciunda: et hæc quidem prius quàm quicquam omnino boni à nobis acceperit. Nunc Assyrius in eius regionem impetū facere nunciatur, perspicuum est eum uelle & de illo capere ultionem, quoniam ab eo putet detrimentum plurimum accepisse. Simul illud quoque fortassis cogitat fore, si nullo hi malo ab illo affecti fuerint, qui ad nos defecere, qui uerò cum illo sunt perdentur à nobis, ut nemo cōsentaneè uelit cum eo esse. Nunc igitur bene faciamus, mea sententia, si alacriter Gadatæ auxilium tulerimus, uiro sanè benefico: simulq; agamus pro iustitia, si gratiam retulerimus. Præterea, ut mihi uideor intelligere, rem agamus utilem nobisipsis. Si enim omnibus uideamur uincere, eos male afficiendo qui male perpetrarunt, beneficos uerò beneficijs superare,

ex his rebus uerisimile est uelle nos quamplurimos facere amicos, ac neminem cupere inimicum. Quod si neglexisse Gadatan uideamur, quibus rationibus per deos immortales persuadeamus alijs, ut quicquam nobis gratificentur? Quomodo etiam audeamus laudare nosipsos? Quomodo item quisquam nostrum queat Gadatan respicere, si beneficijs uincamur tot nos uiri ab uno uiro, & eo usque adeo affecto? Cyrus ita loquutus est. At alij omnes uehementer comprobarunt hæc esse faciunda. Agè igitur, inquit Cyrus, quoniam hæc item uidentur uobis, relinquamus in uehiculis ac iumentis eos, qui maxime idonei sint cum his proficisci: Gobryasq; noster his præsit, atque dux fiat. Nam & itinerum est peritus, & ad alia quæque satis. Nos autem cum equis potentissimis ac uiris pergamus, acceptis rebus ad uictum necessarijs dierum trium. Quanto autem leuius paremur ac uilius, tanto suauius diebus inde proximis & prandebimus, & cenabimus, & dormiemus. Verum nunc ita proficiscamur. Primum quidem tu Chrysanta, thoracibus indutos agito, quoniam uia & plana est, & lata, habeasq; omnis centuriones in fronte. Quisque autem ordo singillatim eat. Nam si frequentes fuerimus, & celerrime maximeq; tutò proficiscamur. Cuius rei causa iubeo thoracibus armatos duces esse, quoniam hoc genus exercitus est grauissimum. Quare si quod grauissimum est ducat, necessario omnia minus celeriter euntia facile sequuntur. Cum uerò quod celerrimum est ducit in nocte, nihil est mirandum si agmina distrahantur: nam quod iussum est, effugiant. Post hos autem Artabazus agat scutatos sagittariosq; Persarum. Ardamyas inde Medus peditatum Medorum

agat. Et post hos quoque Embas Armeniorum ducat peditatum. Artuchas uerò post hosce agat Hyrcanios. Et Thambradas post hosce, peditatū agat Sacarum. At post hos Damatas agat Cadusios. Agant etiā hi omnes, in fronte habentes centuriones, ad dexteram uerò scutatos, & ad sinistrā sagittarios, quos haberēt sibi à latere. Ita enim pergentes utiliores etiam fiunt. Post hos autem qui sarcinas omnium ferunt, sequantur. Quorum principes curēt ut antea quā dormiant, parata sint omnia, & manē adsint cum uasis ad constitutum locum, & ut sequantur decore. At post eos, qui sarcinas ferūt. Madatas Perses agat equites Persas, qui & is habeat in fronte cēturiones equitum. Centurio uerò ordinem agat singillatim, quemadmodum qui peditibus præsunt. Post hos Hierosombatas Medus identidē agat equites suos. Post quos tu Tigranes agito equitatum tuum, et alij quoq; equitum duces eos agant quibus cum singuli ad nos uenere. Post hos uerò agite uos Sacæ. Vltimi autem quemadmodū uenere Cadusij, agant agmen. Tu uerò Alceuna qui hos agis, curam non habe ut sis retro post omnes, nec quenquam patere esse tuorū equitum ultimum. Diligentiam quoq; adhibete, ut proficiscentes taceatis, & principes & omnes qui sapitis. Per aures enim noctu necesse est magis, quā per oculos & sentire quæq; & agere. Et turbari per noctem longē maius negocium est quā interdiu, & emendatione difficilius. Cuius rei gratia tum taciturnitas exercenda est, tum ordo custodiendus. Nocturnæ autem custodiæ cum noctu nobis surgendum est, & quam breuissimæ faciundæ sunt & quamplurimæ, quò nulla uigilia in custodia, si multa sit, detrimentum proficiscendo patiatur. Cum uerò proficiscen-

Noctu quid maxime obseruandum in exercitu.

fificendi sit hora, significandū est cornu. At uos habentes singuli quæ necessaria sunt, in uiam adeste qua itur Babilona. Qui autem anterior iter facit, semper postremis iubeat ut sequantur. Exhinc ibant ad tabernacula, simulq; euntē inuicem differebant: Quanta memoria Cyrus est, quot instruxit, quomodo nominatim præcepit. At Cyrus hæc propter diligentiam faciebat: quippe cui mirandum uideretur, si qui in sordida arte uersantur, singuli norunt artis suæ instrumentorum nomina, & medicus nomina tenet & instrumentorum & uenenorum quibus utitur: & imperator ita sit fatuus, ut nesciat nomina subditorum ducum, quibus ei opus est pro instrumentis uti: & dum anticipare quicquam uelit, & dum cauere, & dum audientiam iniicere, & dum terrere, & dum honorare quandoque quenquam cupiat, decorū ei esse uidebatur quenq; suo nomine appellare. Putabat etiā Cyrus eos qui à principe cognosci uiderētur, magis desiderare ut honesti quicquā aspicerentur facere, ac magis item expetere ut à turpi abstinere actione uiderentur. Res ei præterea hæc facta uidebatur, ut cum uellet aliquid geri, ita imperaret, quemadmodum heri domi consueuerunt, eat aliquis ad aquam, ligna scindat aliquis. Nam si ita iubeatur, omnes ei uidebantur se inuicem aspiciere, neminemq; quod iussum esset efficere, atque omnis esse in causa, & neminem ob eam causam neque pudere, neque metuere, quoniam identidem unā multi essent accusandi: ob quæ omnia ipse nominabat illum, cui aliquid imperaret. Et de his quidem rebus Cyrus ita sentiebat. At milites per id tēporis cum cœnassent, & custodias posuissent, & quæ opus erat parassent omnia, somno se dedere. Sed ubi media nocte cor-

nu signū est datum, dixissetq; Cyrus Chrysantæ, ut in uia maneret quæ est ante agmen, egressus est assumptis ministris suis. Parumq; post temporis Chrysantas affuit, ducēs armatos thoracibus. Cui cum Cyrus dedisset itineris duces, ut quietè pergeret iubebat, donec nuncius ueniret: nondum enim omnes erant in itinere. Ipse autem stans in uia, aduenientem deducebat in ordine: ad cunctantē uerò mittebat uocatum. Sed ubi omnes fuerunt in uia, equites ad Chrysantam misit, qui dicerent in uia esse omnis, itaq; ut celerius ageret. Ipse uerò equum quietè immittens ad partem anteriorem, ordines conspiciabatur: & quos uideret ordine & cum taciturnitate euntis, ad eos immittens, & interrogabat qui essent, & cum audisset eos laudabat. Quòd si quos sentiret tumultuantis, causa huius rei considerata, tumultum sedare enitebatur. Vnum solum relinquebatur circa nocturnam eius diligentiam, quòd ante omne agmen expeditos pedites haud multos præmitterebat, qui & à Chrysanta aspicerentur, & cum ut obediētes aspicerent: et si quo alio modo sentire aliquid possent, Chrysantæ significarent, ubi uiderint tempus esse. Erat etiam unus, qui huic rei præerat, quiq; hos ornabat, & quod laudabile esset significabat. Quod autē secus foret, sine conuicio dicebat. Noctu igitur ita pergebat. Sed ubi dies factus est, Cadusiorum equites, quoniam & eorum pedites proficiscebantur ultimi, apud hos reliquit, quòd neq; hi nudi irent equitibus. Alios uerò iubebat in partē anteriorem immittere, quoniam hostes quoq; in parte essent anteriore, quòd si quid sibi aduersaretur occurreret, robur habēs in ordine, ac pugnaret. Quòd si quid alicubi fugere aspiceret, ut quamparatissimè insequeretur. Et
erant

erāt ei semper instructi, & quos fugere oportet, & quos apud se manere opus esset. Totum autem ordinem solui sinebat nunquam. Cyrus quidem ita exercitum ducebat, neq; ipse uno utebatur loco, sed aliàs aliò immittebat, aspiciēbatq; & diligentiam adhibebat si cuiusquam rei indigerent. Milites igitur Cyri ita pergebant. At ex equitatu Gadatæ, uir quidā ex potentioribus uidens eum ab Assyrio defecisse, putauit si quid hic pateretur accepturū sese ab Assyrio bona eius omnia. Itaq; unum ex his quos fidelissimos habebat, ad Assyrium mittit, iubetq; eunti, si Assyrium exercitum iam in Gadatæ regione offenderit, ut ei diceret, fore ut & Gadatan & qui cum Gadata erant captiuos faceret, si quidem uellet insidias tendere: iussitq; ut regem faceret certiolem, & quantū uirium Gadatas habebat, & quòd Cyrus non eum sequebatur, ac uiam ostenderet qua esset inuasurus. Iussit etiam seruis suis, quò maior sibi fides præstaretur, ut & castellum quod ipse habebat in agro Gadatæ Assyrio traderet, & quæ intus erant: dixitq; se etiam uenturum occiso Gadata, si quidē id posset: sin minus, in posterum cum Assyrio se futurum. Vbi uerò qui ad hæc fuerat constitutus equitans quamcelserrimè poterat, ad Assyrium uenit, ac declarauit quorum causa ueniret, ille his auditis & castellum continuò accepit, & equitatum multum currusq; secum habens, insidias locauit in frequētibus uicis. At Gadatas ut prope hos uicos factus est, mittit quosdam qui antè explorarent. Sed Assyrius ut nouit exploratores aduentare, soluere ac fugere iubet currus duos aut tris, equitesq; paucos, perinde atq; metuerent, pauciq; essent. Quæ ut uiderūt exploratores, & ipsi in sequebantur, Gadatæq; hastas concutiebant: &

ille deceptus totis uiribus insequitur. At Assyrij ut uisum
 est Gadatan capi posse, surgūt ex insidijs. Quod Gadatæ
 milites intuentes, ut par erat, fugiebant: illi uerò, ut erat
 consentaneum, insequiebantur. Quo tempore qui Gada-
 tæ insidias intenderat eum percutit, & à letali quidem
 uulnere aberrat, uerùm eum in humerum ferit ac uulne-
 rat. Quod ubi fecisset, effugit donec ad insequentis hostes
 se cōtulit. Qui ubi patuisset quis esset, simulq; foret cum
 Assyrijs, alacriter equum dirigens unā cum rege insegue-
 batur. Hic igitur capti sunt uidelicet hi quibus equi erant
 tardissimi, ab ijs qui equis celerrimis utebantur. Sed equi
 tes Gadatæ omnes iam pressi, quoniā profectioe essent
 attriti, conspiciantur Cyrum cum agmine aduentantem.
 Existimandum sanè est eos tanquam ex hyeme in portum
 libenter atq; iucundè aduchi. At Cyrus primū quidem
 miratus est. Vt uerò rem nouit, & aduersarij quidem om-
 nes immittebant, & ipse in ordine aciem agebat. Quod
 hostes intelligentes, in fugā uersi sunt. Hic Cyrus his iussit
 qui ad hoc negociū fuerant instructi, ut illos insequeren-
 tur, & ipse unā cum alijs sequebatur, ut usui esse existima-
 bat. Tum igitur & currus capti sunt aliqui cadentibus
 etiā aurigis, alijs cum auerterentur, alijs item aliter. Qui-
 dam uerò ab equitibus anteuertentibus capti sunt, occi-
 duntq; cum alios permultos, tum etiam eum qui Gadatan
 percusserat. Et pedites quidem Assyrij qui Gadatæ castel-
 lum obsidebant, alij in castellum cōfugere, quod à Gadata
 defecerat, alij anticipantes in urbem quandā, quō & ipse
 Assyrius unā cum equitibus & curribus diffugerat, con-
 cessere. Cyrus igitur his gestis recipit se in Gadatæ regis-
 onem: cumq; imperasset ut habere oporteret circa man-
 cipia,

cupia, continuò pergebat quò Gadatan consideraret, ut haberet ex uulnere. Pergenti autem illi Gadatas occurrit uulnere obligato. Quem Cyrus ut uidit, & letatus est, & ait: Ego ad te ibam, consideraturus ut habes. Ad quē Gadatas respondit: Ita ego, per deos immortales, ibam te iterū spectaturus, qui uisu appares, qui tali es in me animo, quiq; quod neq; indigeas nunc mei, neq; hæc mihi actum iri promiseris, neque à me bene affectus sis priuatim ulla prorsus in re, sed ob id duntaxat, quòd tibi sum uisus prodesse amicis, adeò mihi alacriter auxiliū tulisti, cum nunc quantum in me fuit, perij, quantum autem in te, seruatus sum. Non, per deos immortales, Cyre, si essem qualis sum natus, ac filios genuissem, ipse scirem an adeptus essem filium talem erga me. Alios enim noui filios, & hunc præsertim qui nunc est rex Assyriorum, qui maiore iam ægritudine patrem suum affecerit, quàm te nunc potest afficere. Et Cyrus ad hæc ita respondit: Tu me admiraris, qui multò certe maius miraculum reliqueris. Et quid tandem hoc est, inquit Gadatas, quòd tot, inquit, Persæ erga te studere, tot Medi, tot Hyrcanij, præsentibus omnes, Armenij, & Sacæ, & Cadusij? Atq; Gadatas precatus est: Verum, ô Iupiter optime maxime, inquit, & his multa bona dii dent, et auctori plurima, qui facit ut hi sint huiusmodi. Ut autē quos ipse laudas, hosce, Cyre, etiam muneremus, præterea accipe hæc munuscula cuiusmodi dari à me possunt. Simulq; adegit alia permulta, quòd & ipse si uellet sacrificaret, & omnem exercitum muneraret, pro dignitate eorum quæ bene gesta sunt, & pulcherrimè successerunt. At Cadusius qui postremi agminis erat custos, neq; insequendi particeps fuerat, cum tamen uellet etiam

ipse præclarum aliquid facere, neque communicans, neque Cyro locutus quicquam, discurrit regionem uersus Babylona. Dispersis autem equitibus eius, rex Assyrius ex sua urbe inuadens quò perfugerat, unà occurrit habens exercitum ualde instructum. Vt uerò cognouit Cadusios esse solos, eos inuadit, & Cadusiorum principem interficit, aliosq; permultos, captis Cadusiorum quibusdam equitibus, & præda quam agebant ablata. Atque Assyrius cum eousque esset insecutus quò tutum existimasset, reuertebatur. Cadusij uerò ad castra seruati sunt primi circa crepusculum. Quam rem ut didicit Cyrus, occurrit Cadusijs, & quem uulneratum uideret, eum suscipiēs, ut Gadatan antea, mittebat ut curaretur. Alios uerò recipiebat in tabernacula, curabatq; ut necessaria eis forent, assumptis Persis homotimis qui unà illorum haberent curam: in huiusmodi enim rebus uiri boni non inuiti elaborant. Eratq; perspicuum eum admodum dolere, ut etiam cum cœnandi iam tempus esset, & alij cœnarent, Cyrus adhuc unà cum seruis & medicis neminem ultro neglectum relinqueret, sed aut ipsemet intuebatur, aut si minus ipse posset, palàm mittebat qui curarent. Et tum quidem ita cubuere. Cum uerò dies illuxisset, continuo ubi proclamasset ut conuenirent, aliorum quidem principes, Cadusios uerò omnis in hunc modum allocutus est: Viri socij, humanum est quod aduersi accidit. Nam quòd homines errent ut homines, nihil puto mirandum esse. Dignum autem est ut ex hoc quod accidit, alioquo fruamur bono, ut scilicet copiae imbecilliores hostium uiribus, nunquam diuellantur ab uniuerso exercitu. Neque hoc à me dicitur, quòd minus oporteat quandoq;

cum

cum minore etiam parte aliquò ire, si opus sit, quàm nūc Cadusius ierit : sed si quis iuerit re cum eo communicata, qui satis sit ad ferendum auxilium, fieri potest ut decipiatur: fieri etiam potest ubi tolleret, decipiendo hostes, aliò uertere ab his qui egressi sunt: fieri item potest ut præbendo hostibus negocia, amicis securitatem afferat: & hoc pacto neque si seorsum sit abierit, sed uiribus augeretur. Qui autem abierit & non communicauerit, ubi-
 bicunque sit is nihilo magis differt, quàm si solus militaret. Verùm pro hac re, si deus, inquit, uoluerit, ultionem de hostibus non multò postea capiemus. Sed cum celeriter pranderitis, eò uos agam ubi res gesta est, simulq; interemptos sepeliemus, simulq; hostibus ostendemus, ubi uicisse putant, hic, si deus uoluerit, ijs alios esse superiores: & quò ne ipsum quidem locum libenter aspiciant, ubi socios nostros occidère. Sin contrà minus exierint, eorum uicos cremabimus, agrumq; uastabimus, ne uidentes quæ nobis fecere, afficiantur letitia, sed sua intuentes mala tristentur. Alij igitur præsum ite. Vos autem Cadusij primùm abite uobis principem delecturi pro lege uestra, qui cum deorum auxilio ac nostro, si qua uobis re opus fuerit, uestrum sit diligentiam habiturus. Vbi autem elegeritis, præsumq; fueritis, eum ad me mittite. Et hi quidem hæc egerunt. Cyrus autem ubi exercitum eduxit, in ordinem eum constituit quem Cadusij legerant: cui iussit ut prope se ordinem ageret, quò, inquit, si possumus, uiros audentis rursus faciamus. Sic igitur pergebāt. Cumq; uenissent in locum, & sepeliebant Cadusios, & agrum uastabant. Quibus gestis, abierunt in regionem Gadatæ, rursus ex hostili agro res necessarias habentes.

Cumq; cogitasset fore, ut qui ad se defecerant, quoniã essent Babyloni finitimi, male afficiantur, nisi ipse adesset. semper, ita & quoscunq; ex hostibus missos faciebat, ijs iussit Assyrio dicerent, et ipse caduceatorem ad eum hæc dicturum misit, se paratum esse, qui sineret agricolas terram colere, nullaq; iniuria afficeret, si etiã ille uelit sinere agrum colere eos cultores qui ad se defecerant. At qui tu, inquit, si etiam potes prohibere, paucos quosdam cohibeas. Parum enim est agri, horum qui ad me defecerunt. At ego multam tibi regionem coli permittam. In messem autem fructus, si quidem bellum fuerit, ille fructum suscipiet qui superior fuerit. Sin pax erit, perspicuum est te suscepturum. Quod si qui aut ex militibus meis aduersentur tibi, aut ex tuis mihi, de his utriq; ut possimus, ultionẽ capiemus. Hæc ubi caduceatori iussisset, eum misit. At Assyrij his omnibus auditis, & suadebant regi ut hæc cõcederet, præsertim quod minimum quiddam bello uacuum foret: & Assyrius siue ab indigenis persuasus, siue quod ipse ita uellet, hæc concessit. At fœdera percussa sunt, ut agricolis pax esset, militibus uerò bellum. Hæc igitur Cyrus de agricolis peregit. Pasturas uerò pecorum amicis iussit ut haberent, si uellent, ubi ipsi dominabantur. Prædam autem hostium agebant unde possent, quò expeditio iucundior esset socijs: pericula enim eadem erant etiam si res necessarias non caperent. Sed quod alimentum ex hostibus pararetur, iucundiozem præstare militiam uidebatur. At dum Cyrus iam parabatur ut abiret, affuit Gادات alia dona multa ac uaria ferens, agensq; ut ex maxima domo. Agebatq; equos permultos equitibus suis ablato, quibus fidem non haberet propter insidias. Qui ut ap-
propin-

propinquauit, huiusmodi uerba fecit: O Cyre, hæc ego tibi do hoc tempore, quibus uelim utaris, donec tibi alicui sunt usui. Existimato etiam alia mea omnia esse tua. Nec enim est, nec erit unquam ullus à me genitus, cui domum meam relicturus sim: sed necesse fuerit, ut morienti mecū genus meum omne nomenq; extinguatur. Et hæc, inquit, Cyre, testor tibi deos immortalis qui & uident & audiūt omnia, passus sum, cum neq; iniusti quicquam, neq; aliud turpe neq; dixerim, neq; fecerim. Simulq; hæc dicens col lachrymatus est fortunā suam, neq; potuit amplius plura dicere. Quibus auditis, Cyrus commiseratus eius cladem, ita loquutus est: Sed equos quidē accipio. Tibi enim usui sum futurus, cum eos beneuolētioribus dederō, quā qui nunc apud te habebant, ut uidetur. Et ego, quod iam pridem cupio, Persicum equitatum celerius explebo ad equites decem millia. Sed alias pecunias tecū abige, seruatoq; donec uideas me habere, ne te sim contrā inferior donando. Quòd si plures dando abieris, quā à me accipiēdo, nescio per deos immortales, quomodo possim non affici pudore. Gadatas ad hæc respondit: Sed hæc ego tibi planē credo. Video enim ingenium tuum. At uide sim ne idoneus, qui pecunias seruem. Nā donec amici eramus Assyrio, pulcherrima uidebatur esse paterna possessio. Cum enim maxima urbs Babylon esset in proximo, fruebamur omni utilitate quæ ab urbe maxima capi potest. Quæcunque uerò huc abeuntes turbare poterant, ab his longè aberamus. Nunc uerò quoniā sumus inimici, non est obscurum cum ipse abieris, futurum ut & ipsi insidias patiantur, & uniuersa domus. Et, ut mihi uideor intelligere, tristem uitā agitabimus, cū inimicos omnino & in proximo

habeamus, & eos uideamus quàm nos sumus potētioris. Ac dicat fortasse quispiam: Et cur igitur non ita cogitabas prius quàm defecisses? Quoniam Cyre, animus meus propter illatam contumeliam mihi atq; iram meam, non considerabat quod foret maximè tutum, sed hoc semper concipiebat, Num ulciscar unquam eum, qui & dijs est, & hominibus inimicus? qui assidue odit, non si quis in eum iniurius sit, sed si quem suspicetur seipso esse meliorem? Itaque, ut mea fert opinio, cum ipse sit improbus, utetur omnibus seipso improbioribus. Quòd si quis eo melior apparuerit, confide Cyre nihilo opus fore ut pugnes aduersus bonum uirum, sed ille ad hoc satis futurus est, quippe qui moliatur donec perdat seipso meliorem. Huius ego gratia molestè habeo, & cū improbis facile arbitror eum fore superiorem. His Cyrus auditis, existimauit eum loqui minimè negligenda, atq; continuò: Cur igitur Gadatas nō muniamus castella tua ista custodibus, quò ijs possis securè uti cum istuc uenias, & ipse nobiscum milites, quò si dij immortales, quemadmodū nunc nobiscum sint, hic te potius metuat quàm tu illum? Sed quoniam tibi iucundum est uidere tuos, hos tecū habens, aut illum cuius consuetudine delectaris, in expeditionem proficiscere. Et tu mihi, ut arbitror, eris admodum utilis. Ego autem tibi quibuscunque in rebus potuero, enitar esse usui. Quare Gadatas ubi audiuit, & respirauit et dixit: Num possim hæc parare prius quàm tu egrediaris? Volo enim etiam mecū ducere matrem meam. Ita mediusfidiūs, inquit, parabis donec dixeris pulchre habere. Quare Gadatas ita abiens custodibus castella muniuit unà cum Cyro. Parauit etiam omnia quibuscunque domus magna bene habetur. Ducebat

bat præterea & ex suis fidos quibus delectabatur, & infidos permultos: coactos alios quidē uxores ducere, alios uerò etiam sorores, quò his ligatos eos detineret. At Cyrus continuò pergebat habens Gadatan secum, qui ostenderet & uias, & aquas, & pabulum, & frumentum, quò posset castrametari in locis abundantissimis. Et cum pergeret, intuitus Babyloniorū urbem, uidere uisus est uiam qua incedebat, ferè iuxta ipsum murum. Itaq; uocatis Gobrya & Gadata, percunctabatur an esset alia uia, quò nō admodū prope murum agerent. Ad quem respondit Gobryas: Viæ quidem sunt here multæ. Verū ego existimarem uelle te nunc exercitum agere quamproxime urbem, quò regi quoque ipsi ostenderes, tibi exercitum iam multum esse & pulchrum, quoniam quo tempore minorem habebas, & accessisti ad ipsum murum, & ille nos spectabat, quā haud multi essemus. Nunc uerò & si paratus est, quemadmodū pronunciauit se paratum iri quò tecum pugnaret, non sum nescius cum uiderit tuas uires, fore ut res suæ uideantur maximè imparatæ. Ad quæ Cyrus respondit: Mirari mihi uideris Gobrya, quòd in quo tempore ueni multo cum minore exercitu, adigebam iuxta ipsum murum: nunc uerò cum maioris habeo copias, agere nolo sub ipsos muros. Sed ne mirare: non enim est idem, propè agere & procul. Nam propè agunt omnes ita instructi, quò sint optimi ad pugnandum: & procul agunt uiri prudentes, quacunque tutissimè, non quacunque celerrimè abeant. Transire necesse est extensis curribus, & longè sine impedimento eorum qui sarcinas ferunt. Hæc autem omnia tegenda sunt ab armatis militibus, & nusquam huiusmodi homines ostendendi sunt hosti-

bus armis nudi. Itaq; necesse est dum ita pergunt, consti-
 tui quod bellicosum est aduersus debilis & imbecillos.
 Itaq; si uolunt ex urbe frequentes aliquò impetum face-
 re, ubi manum conseruerint, multò robustius conserant
 quàm si propius transeunt: et his qui eminus proficiscun-
 tur, longa etià subsidia sunt. Sed ex urbe exeuntibus, breue
 est in eos impetum facere qui propè sunt, rursusq; abire.
 Quòd si transeamus non minus distantes quàm quantum
 nunc instructi pergimus, multitudo quidem nos uidebit.
 Verùm ex armis coruscantibus omnis turba formidabi-
 lis uidetur. Quòd si nobis ita euntibus aliquò indubitato
 exierint, è multo spacio eos prospicientes minimè impa-
 rati offendamur. Quin potius, inquit, ô uiri, ne aggredi-
 entur quidè, cū à muro oporteat procul abire, ni omnino
 existimarint melioris se esse uniuerſa multitudine quàm
 nos omnis. Formidabilis est enim abscessus. Hæc cum di-
 xisset, præsentibus est uisus rectè dicere. Ducebatq; Go-
 bryas, quemadmodum Cyrus iusserat. Cumq; agmen ci-
 uitati opponeretur, Cyrus abscedebat, faciès ualidius sem-
 per quod relinqueretur. Vbi uerò ita pergit assiduus die-
 bus, ad confinia uenit Syrorum Medorumq; unde solue-
 rat. Quare cum tria hic essent Syrorum castella, unū ipse
 quod infirmisimum erat adortus, ui cepit. Alia uerò duo
 tum Cyrus terrens, tum Gadatas suadens ut custodes tra-
 deret, persuasit. Quæ ubi gesta sunt, Cyrus ad Cyaxarem
 mittit, petijtq; ut ueniret in castra, quò et de castellis quæ
 capta sunt consultarent quod opus fuerit, exercitumq;
 intutus de alijs quoq; unà consultet quid uideatur exhinc
 esse agendum. Quòd si iubeat, dic, inquit, decreuisse me
 ad illum ire castrametaturum. Nuncius igitur ibat ut hæc
 nuncia-

nūciaret. Interea Cyrus iussit ut tabernaculū quod Medi selegerant Cyaxari, quamoptimè pararent cum alio apparatus quem habebant, tum ut mulieres duas agerent in muliebre coenaculū tabernaculi, unaq; citharistrias quæ erant Cyaxari electæ. Et hi quidem hæc agebant. Qui autem ad Cyaxarem missus est, cum narrauisset quæ præcepta fuerant, Cyaxares eo audito iudicauit melius esse ut in cōfinijs maneret exercitus: etenim Persæ uenerant, quos Cyrus accersierat. Erant autem quadraginta millia sagittariorum scutatorumq;. Quare hos quoq; uidens nocere plurimum regioni Medicæ, existimauit iucundius esse hisce liberari, quàm aliam turbam excipere. Qui uerò ex Perside agebat exercitum, interrogato Cyaxare pro iussu Cyri, si quid ei exercitu opus sit: ubi respondit eius se non indigere, eodem die ubi audiuit præsentē esse Cyrum, ad eum perrexit exercitū agens. At Cyaxares postridie eius diei profectus est unā cum his Medorū equitibus qui remanserant. Quem Cyrus ut accepit aduenientē, acceptis Persarum equitibus, qui iam multi erant, præsentibusq; Medis, & Armenijs, & Hyrcanijs, et ex alijs socijs item ijs qui equitatum maximè præstarent, obuius pergit Cyaxari, ostentans exercitum. At Cyaxares ubi uidit & multos, & pulchros, & bonos unā Cyrum sequi, secum uerò & paucos, et parui faciundos famulos, existimauit id sibi esse dedecorosum, quare tristatus est. Vbi uerò Cyrus ex equo descendisset, adissetq; ut eum pro more oscularetur, Cyaxares descendit quidem ab equo, sed auersus est, nec eū est osculatus, sed palam lachrymatus est. Itaq; exhinc Cyrus iussit alios surgere atque quiescere. Et apprehensa Cyaxaris dextra, ubi eum abegit extra uiam sub quasdam

palmas, tum Medicum tapeta ei iussit substerni, ubi as-
 dens sedenti illi ita loquutus est: Dic mihi auuncule per
 per deos immortalis, quid mihi irascaris? & quid mole-
 stū intutus ita excandescis? Hic respondit Cyaxares: Quo-
 niam Cyre cum uideor ex omni hominū memoria natus
 esse, & priscis maioribus, & patre rege, & ipse rex esse
 existimatus, me ipsum intueor humiliter adeò & indignè
 equitantes, te uerò cum famulatu meo aliòq; exercitu, et
 magnum adesse & præclarū: quæ ipsa etiam ab hostibus
 pati molestum arbitror. Sed multò, ô Iupiter, molestius
 est ab his hæc pati, à quibus minimè decebat. Ego enim
 existimem iucundius esse decies in terrā demergi, quàm
 humilem adeò me aspici, meisq; intueri me esse neglectū
 ac risui. Non enim hoc ignoro, quòd non tu solum me ma-
 ior es, sed mei etiam serui ualentiores quàm ego sim, mihi
 obuiam eunt. Itaq; sunt instructi ut queant magis me male
 afficere, quàm à me affici. Quæ dicens, multò etiam ma-
 gis lachrymis tenebatur, adeò ut Cyrum coëgerit imple-
 re lachrymis oculos. Qui ubi se paulò cōpescuit, in hunc
 modum loquutus est: Verūm hæc tu Cyaxares, neque lo-
 queris uera, neq; rectè sentis, si arbitraris mea præsentia
 Medos paratos esse, ut satis sint qui te male afficiant.
 Quòd uerò irascaris metuasq; haud miror. Si quidē iure
 an iniuria his succenscas, hoc præteribo. Scio enim gra-
 uiter te laturum, si tibi pro his respondero. Verūm quòd
 uir princeps omnibus simul subditis sit infestus, hoc ma-
 gnum mihi uidetur erratum. Necesse est enim qui metui
 multis est, is multos faciat inimicos. Qui uerò omnibus si-
 mul infestus est, ijs omnibus concordia inijcit: quorū gra-
 tia, ne te lateat uolo, me hos sine me dimittere noluisse,
 quippe

quippe qui metuerem ne quid accideret ob iracundiam, quod nos omnes dolore afficeret. Hæc igitur pro deorum ope me præsentem tibi securè habent. Quòd quidem putes à me iniuriam accipere, hoc ipse fero admodū grauitè, si dū pro uiribus operā do, ut bonis quāplurimis amicos afficiam, dein huic rei contraria uidear operari. Enimvero non adeò temerè nos ipsos accusemus. Sed si fieri potest, perspicuè uideamus quod est meum in te erratum, et in amicis iustissimam ego causam habeo constituere. Si quod enim malum uidebor in te fecisse, iniuriam fateor. Sin mali nihil fecisse apparuerit, nec etiam uoluisse, non item ipse confitebere nullam accepisse à me iniuriam? At necesse, inquit, fuerit quòd si liquidò ostēdero bona plurima me fecisse, ac facere pro uiribus studuisse, nōne sum dignus magis quem laudes, quàm accuses? Iustum sanè, respondit. Agè igitur, inquit Cyrus, cōsideremus quæ à me gesta sunt singillatim omnia: sic enim patebit maxime, & quod eorum bonum est, & quod malū. Incipiamusq; ab hoc initio, si tibi quoq; habere uidetur satis. Tu enim cum sentires multos hostis cōuenisse, ut aduersus te tuamq; regionem impetum facerent, continuò misisti & ad Persarum rempub. socios postulās: et priuatim ad me, rogans, studerem ut ego ipse uenirem ductor, si qui Persæ ad te iremus. Itaq; ego abs te persuasus ueni, duxiq; ad te uiros, ut fieri potuit, & plurimos, & optimos. Venisti enim, inquit. Hic igitur mihi primū dicito, ullam'ne iniuriam aduersus te meam, an beneficium magis nosti? Perspicuum est, inquit Cyaxares, me ex his rebus esse abs te affectum beneficio. Quid enim? inquit, dicito. Posteaquam uenerūt hostes, eratq; aduersus eos dimicandū, animaduertisti

me hic usquam aut labori concessisse, aut periculo cuiquam pepercisse? Non, inquit, mehercule. Quid enim? ubi deorum ope ipsi uicimus, hostesq; cessere, rogavi ego te ut communiter eos insequeremur, & communiter ulcisceremur, communiterq; si quid praeclarum bonumq; contingeret, hoc frueremur. His in rebus possis ne ullius me audivitatis accusare? Et Cyaxares quidem hac in re silebat. Cyrus autē rursus ita dicebat: Quod si ad hanc rem libentius taces quā respondes, hoc sanē mihi dicito: si qua te iniuria affectum existimasti, quod ubi tibi tutum visum non est hostes insequi, te quidem passus non sum periculi huius participem fieri, sed ut mihi ex equitibus tuis mitteres, te rogavi. Si enim etiam hoc postulans iniustus in te fui, praesertim cum meipsum praestiterim tibi sociū, hoc item uelim abs teipso demonstretur. Sed ubi ad hoc quoq; sileret Cyaxares: Quod si ne ad hoc quidē, inquit, tibi uolūtas est respondere, tu uelim hinc narres, si quam rursus iniuriam intuli, quod cum mihi respondisses, quoniam intueris Medos in laetitia, nolle per eius laetitiae motionem eos cogere ut irent periclitatum. Si quid item uideor fecisse molestum tibi, quod neglecta ira post hanc iterum id abs te petij, quod sciebā neq; tibi minus esse mihi ut dares, neq; facile Medis quicquā imperare: petij enim à te, mihi ut dares, qui sequi scilicet uellent: itaq; hoc à te consecutus nihil perfeci, nisi ut hos persuasos redderem. Eos igitur adiens induxi, & quos persuasos reddidi, cum hisce profectus sum teipso assentiente. Quod si hoc accusatione dignum existimas, neque sine accusatione fortassis est, à te accepisse quodcunque dederis. Ita ergo soluimus. Vbi uerò egressi sumus, quid minus est perspicuū, quod
gestum

gestum à nobis fuerit? Non castra hostiũ capta sunt? Non multi eorum interempti, qui aduersus te ierunt? Atqui è uiuis etiam inimicis, multis arma ablata sunt, multis equi. Pecunias uerò tuas quæ ab hostibus prius ferebãtur et agebantur, nũc tuos amicos aspicias et agere, & habere, alias quidem tibi, alias uerò sibiipsis qui sub imperio tuo sunt. Et quod omnium maximũ pulcherrimumq; est, regionẽ tuam auctam uides, hostium autẽ diminutam, eorumq; castra facta esse tua: tua uerò quæ prius à Syrorũ dominatu tenebantur, nunc cõtrà ad te redisse. Ex his autẽ rebus si quid mali sit, aut si quid minus boni, discere quidem uolens nescio quo pacto dicam, sed audire nihil prohibet. Verũm dicito de his rebus ut sentis. Et Cyrus quidem ita loquutus, finem fecit. Ad quæ Cyaxares hæc respondit: Verũm, ô Cyre, quod hæc quæ abs te sunt facta, sint mala, nescio quomodo dicere oportet. Haud sanè es nescius hæc bona esse talia, quæ quò plura uideãtur, eò mihi sunt grauiora. Ego enim mallem regionem tuam maiorem facere meis uiribus, quàm meam intueri hoc pacto amplificatam. Nam hæc præclara sunt tibi facienti, at mihi minimè quodammodo honorifica. At pecunias ita iucũdius mihi existimo tibi dono dare, quàm ita te capere, ut mihi nunc abs te dantur: his enim abs te ditatus, magis etiam sentio quibus reddor pauperior. Ac subditos meos si uideam parua à te affectos iniuria, minus mihi dolendum reor, quàm nunc intuens magna eos à te bona accepisse. Quòd si me existimas hæc inhumaniter cogitare, non in me ista, sed in te uertens, considera omnia qualia uidentur tibi. Quid enim si quis canes, quas ipse alis custodiæ gratia & ipsius tui & tuorum, ita tractet ut eas familia-

rioris reddat sibiipsi quàm tibi? Num tibi hoc cultu is lætitiā afferat? Quòd si hoc tibi uidetur esse quid parui, illud animo uolutato. Si quis eos qui tibi inferuiunt, quos tu & præsidij et expeditionis gratia adeptus es, ita disponat ut illius malint quàm tui esse, num ei gratiam habeas pro hoc beneficio? Quid autem, quod homines maximè & amplectuntur, & curant ut maximè propria, si quis uxori tuæ ita morè gereret, ut eam faceret sibi magis amicam quàm tibi, num te hoc beneficio lætū redderet? Longè, ut opinor, secus esset: sed qui hoc fecerit, maximè omnium iniurius in te foret. Vt autem dicam, quod meo dolori similimum est: si quis Persis quos tu duxisti, ita gratificaretur ut eum libentius quàm te sequi uellent, num is tibi amicus uideatur? Puto equidem minimè, sed longè magis hostis, quàm si multos istorū interficeret. Quid uerò si quis amicorum tuorū, ubi diceres tu benignè, ut capiat quæcunq; libuerit, dein ille his auditis abeat acceptis omnibus quæ potuerit, atq; is rebus tuis ditetur, cū tu ne mediocriter quidem uti queas, possis ne probum hunc amicū existimare? Atqui nunc ego Cyre si minus hæc, at his similia pati uideor. Nanque uera abs te dicuntur, cum ais dixisse me, ut eos duceres qui id uellēt. Tu abijisti accepto meo omni exercitu, me autem reliquisti solum. Et hoc tempore quæ cepisti frætus uiribus meis, ea tandem agis ad me, meamq; regionem auges meo cum labore. Ego uerò cum nullorum bonorum uidear esse causa, meipsum præbeo qui tanquam mulier beneficiam, tum alijs hominibus, tum subditis hisce meis: at ipse tu uir uideris, ego uerò ne dignus quidē imperio. Hæc ne tibi beneficia uidentur esse Cyre? Nec enim te præterit, si qua te mei cura tetigisset,

tigisset, cauisses nullare ita me priuare, ut autoritate honoreq;. Quid enim mihi plus est quòd amplificetur regio, si ipse reddor inhonoratus? Nec enim idcirco Medis imperabam, quòd ipse omnibus essem melior: sed eò potius, quòd ijdē ipsi nos ducerent omnibus in rebus sese esse melioris. Et Cyrus eo adhuc dicente subdidit: Per deos immortalis auuncule mi charissime, si quid etiā ipse tibi sum prius gratificatus, tu quoq; mihi nunc gratificare quæ te rogauero. Desine hoc tempore me accusare. Cum uerò de nobis periculum feceris, quomodo erga te habemus, si quidem quæ à me gesta sunt, ea propter utilitatem tuam gesta existimes, & me te amplectentem contrà amplectere, & beneficium arbitrare: si id contrà, tum meipsum accusa. Verum fortassis, inquit Cyaxares, per pulchrè dicis, & ego ita faciam. Quid igitur? inquit Cyrus, num etiam te osculor? Si tu uis, inquit. At ne à me auertere, ut nuper. Non auertar, inquit. Ac Cyrus eum est osculatus. Quod ut uiderūt & Medi, & Persæ, & alij (omnibus enim erat curæ, quid ex his rebus futurū esset) continuò lætati sunt, & hilaritatē præ se tulerunt: Cyrusq; & Cyaxares equis ascensis procedebant. Et Cyaxarem quidem Medi sequebantur: ita enim Cyrus his innuerat: Cyrum uerò Persæ, & post hosce alij. Vbi uerò uenerunt in castra, statueruntq; Cyaxarem in apparatus tabernaculum, hi quibus fuerat constitutum, necessaria Cyaxari parabant. At Medi, quantū temporis ante cœnam Cyaxares ociosus erat, ad eum ibant, alij ex se ultro, plurimi uerò à Cyro iussi, agentes munera, alius pulchrum pincernam, alius bonum obsonij instructorem, alius panis artificem, alius cantorem: hi uerò pocula, illi uestem pulcherrimam. Quisque

uerò ut plurimum aliquid eorum singulare quæ ceperat, ei donabat. Itaq; pœnitebat Cyaxarem quòd Cyrus eos à sese dimisisset, neq; Medi minus quiddam sibi attendissent quàm antea. Sed ubi fui coenandi tempus, Cyrum uocauit Cyaxares, eumq; rogabat ut diu uideret ipsum unà coenantem. Ad quem inquit Cyrus: Noli nunc iubere Cyaxares. Nónne uides hosce omnis qui adsunt, à nobis elatos adesse? Nullo modo pulchrè agerem, si his neglectis uoluptati meæ putarer obsequi. Milites uerò dum uidetur haberi neglectui, qui boni sunt, longè minus redduntur alacres: at mali, multò ad contumeliam promptiores. Verùm tu præsertim qui longũ iter feceris, iam coenato: ac si qui te honorant, eos contrà amplectere, & conuiuio excipe, quò etiam familiarius te utantur: at ego abiens, uertar ad quæ dico. Verùm cras manè huc ad ianuas tuas aderunt tempestiui, quò unà tecum omnes cõsultemus, quid posthac sit faciundũ. Et ipse præsens hac de re referto, utrum etiam putes operam dandam rei militari, an sit tempus soluendi iam exercitus. Exhinc Cyaxares coenabat. At Cyrus his collectis amicis, qui satis & saperent, & agerent, si quid opus esset, ita loquutus est: Viri amici, quæ prima optabamus, adsunt deorum benignitate. Quocunq; enim pergamus, regionē uincimus, hostesq; uidemus diminui, nos uerò & pluris & ualidiores fieri. Quòd si hi socij qui additi sunt, uoluerint apud nos manere, multò etiam magis perficere possimus, et si quid ui capere tempus sit, et si quid persuadere oporteat. Quò igitur manere quàm plurimis socijs unà uideatur, hoc moliri non meum est opus magis quàm etiam uestrum. Sed quemadmodũ quando pugnandũ sit, qui plurima fecerit mancipia hunc opinantur

Oratio Cyri.

nantur inuictissimo esse animo: sic itē quando persuadendum sit, qui plurimos egerit in sententiam nostrā, hic iurē ac meritō & eloquētissimus esse iudicetur, & ad res agendas prāstantissimus. Ac nolite quidem perinde quasi orationem nobis ostentaturi, qualem ad unumquemq; eorum habeatis, hoc meditari, sed quò etiam persuasi à quolibet manifesti sint ex his quæ gerant, ita instruite. Ac uos quidem gerite horū curam. Ego uerò ut milites habentes res necessarias, quantū equidem ipse prāstare queam, de expeditione consultent, huius ego rei enitar diligentiam habere.

XENOPHONTIS DE PAEDIA

CYRI LIBER SEXTVS, FRANCISCO

Philelpho interprete.



HVNC diem cum ita agitassent, coenassentq;, dederūt se quieti: postridie uerò manē uenerunt ad Cyaxaris ianuās socij omnes. Itaque donec Cyaxares ornabatur, audiens turbam multā esse ad fores, hic amici adducebāt ad Cyrum alij Cadusios, qui eum rogarent ut maneret, alij Hyrcanios, hic autem Sacas, ille etiam Gobryam. At Hystaspas adducebat Gadatam spādonem, qui Cyrum ut maneret precabatur. Hic igitur Cyrus sentiens Gadatam iandiu metu confectum, ne exercitus solueretur, arridens inquit: O Gadata, non est obscurum te ab hoc Hystaspa persuasum hāc sentire quæ dicis. Et Gadatas sublati ad coelum manibus iuratus est, sanē se minimē ab Hystaspa persuasum hāc sentire. Sed nō sum, inquit, nescius, si uos abieritis, fore ut res meae omnino pe-

reant. Quam ob rem cum hoc ego differebam, sciret'ne quæ tibi mens foret de soluendo exercitu. Ad quem inquit Cyrus: Iniuste igitur hunc ego Hystaspam accuso. Iniuste mediusfidius, Hystaspas inquit, ô Cyre. Ego enim huic Gadatæ tantum dicebam, duntaxat non fieri posse ut militiæ operam dares, inquiens te à patre accersi. Et Cyrus: Quid ais? inquit. Et tu es ausus hæc efferre, siue ego uellem, siue non? Ita, inquit, mehercule. Video enim te cupere ut in Persis conspicuus circumneas, patriq; ostentes ut gessisti quæq;. Ad quem Cyrus inquit: Tu uerò non cupis abire domum? Non mehercule, inquit Hystaspas, neque abiturus sum quidem, sed manens me ducem geram, donec hūc ipsum Gadatam Assyrij herum faciam. Et hi quidem hæc inuicem seriò iocabantur. Interim Cyaxares uenerabili ornatus habitu egressus, in solio sedit Medico. Ut uerò conuenerunt omnes quos oportebat, ac silentium factum est, Cyaxares in hunc modum est loquutus: Viri socij, quoniam adsum, ac Cyro sum grandior, par est me dicendi initium facere. Nunc igitur tēpus mihi uidetur esse, ut hac primum de re dicatur, utrum adhuc militandi tempus uideatur, an soluendi iam exercitus. Dicat igitur aliquis de hac ipsa re sententiam suam. Exhinc primum dixit Hyrcanius: Viri socij, nescio equidem si quid dicendū sit, ubi res ipsæ quod optimū est demonstrant. Nouimus enim omnes, si unā maneamus, futurum ut malis pluribus hostes afficiamus, quàm ipsi afficiamur. Cum uerò separati inuicem fuimus, illi nobis utebantur ut ijs iucundissimum erat, nobis autem molestissimum. Post hunc inquit Cadusius: Nos uerò quid dicamus? qui si domū abeamus, singuli separati futuri sumus, ubi ne militantibus quidem

conducit

conducit ipsa separatio. Nos igitur qui non multum temporis separati à multitudine nostra rei militari operā indulsumus, pœnam dedimus, ut ipsi nostis. At post hunc Artabazus, qui olim dixit se consanguineum esse Cyri, ita loquutus est: Ego, Cyaxares, tantum ab his dissentio qui antea dixerunt. Hi enim aiunt adhuc manere oportere cū exercitu: at ego dico, quod domi cum essem, tum rem militarem exercebam. Etenim ferebam auxilium sæpe cum res nostræ agerentur, & de nostris castellis ut insidijs circumuentis persæpe negocia habebam, cum et metuerem, & præsidium agitare: & hæc gerebam proprijs sumptibus. At nunc illorum habeo castella, et illis metui sum, dapibus illorum utor, ac bibo hostium uina. Tanquam igitur res domesticæ sint exercitus, hæ uerò festiuitas, mihi quidem non uidetur soluendam esse hanc celebritatē. Gobryas post hunc ait: Ego, uiri socij, huc quidem usq; laudo Cyri dextram: eorum enim nihil mentitur quæ promissit. Quòd si abibit ex regione, Assyrius uidelicet requiescet minimè, earum rerū pœnas luens, quibus & uos est aggressus, & me affecit iniuria. Ego autem ea in parte iterum dabo pœnam, quòd in uestram ueneram amicitiam. Post hos autem omnes inquit Cyrus: O uiri, neq; me latet futurum ubi soluamus exercitum, ut res nostræ reddantur imbecilliores, hostium uerò rursus augeantur. Ii enim omnes quibus arma sunt ablata, celeriter alia sunt facturi. Quicunq; equis priuati sunt, quamprimum rursus alios comparabunt: & pro interemptis alij pubescent, ac nascuntur. Itaq; nihil mirabile fuerit, si celeriter admodum nobis sint negocia præbituri. Quid igitur iussi ego Cyaxari, ut uerbum inijceret de soluendo exercitu? Nempe,

quoniam quod futurum esset metuebam. Video enim aduersarios aduentare, aduersus quos si hic castrametabimur, pugnare minimè poterimus. Aduentat enim iam hyems. Tecta uerò si etià sunt nobis ipsis, at minimè sunt mediis fidiis neq; equis, neq; famulis, neq; militū plebi, sine quibus nos haud possumus militiæ operam dare. Necessaria uerò quem in locum ipsi uenimus, à nobis consumpta sunt. quò uerò non uenimus, ea metu nostri ipsorum conuexerunt in loca munita. Itaque illi habent, nos uerò hæc capere haud possumus. Quis igitur est adeò fortis, aut quis ita ualidus, ut possit aduersus famem ac frigus militando pugnare? Quare si hoc pacto militiā exercebimus, ego affirmo oportere nos ultro soluere exercitū potius, quàm inuitos ob difficultatem expelli. Quòd si uolumus adhuc esse in exercitu, hoc ego dico adhuc quamcelerrimè esse faciundum, ut ipsi quamprimū munitiones quàm plurimas illorū capiamus, ac nobis ipsis easdem faciamus quamplurimas. Quæ si fiât, res necessarias habituri sunt, utri pluris queant capiendo congerere: obsidebunt etiam hi utri fuerint superiores. Nunc autem nihilo præstamus in pelago nauigantibus. Etenim illi cum semper nauigāt, nihilo magis propriū relinquunt quod nauigarūt, quàm quod nondum nauigarunt. Quòd si castella habuerimus, hæc hostibus agrum alienabunt, nobis uerò propter tranquillitatē omnia magis erunt. Quòd si fortassis aliqui uestrū metuerint, ubi opus fuerit procul à sua regiōe præsidium agitare, neq; hoc uerebimini. Nos enim Persæ ubi etiam à domo imus peregrè, admittimus tenere præsidij, quæ castella hostes sunt propiissima. Vos autem Assyriæ castella quæ uobis ipsis finitima sunt, illa & possidetis & colitis.

colitis. Si enim ipsi tenētes præsidijs quæ illis propinqua sunt, ea colere possimus, in multa pace uos eritis, qui ea quæ procul à uobis sunt, habetis. Non enim poterunt, ut existimo, malis ijs neglectis quæ sunt in proximo, uobis quos finitimos habent insidiari. Quæ quidē ut dicta sunt, & alij omnes surgentes dixerunt, hæc se malle. Et itē Cyaxares. Gadatas uerò & Gobryas uterque dixere castella se munituros muro, ubi socij assentiantur, ut hæc quoque amica sint socijs. Cyrus igitur posteaquam uidit omnes impigrè acturos quæcūq; dixisset, postremo ait: Si ergo perficere uolumus quæcūq; dicimus esse faciunda, opus sit ut quamprimum machinas habeamus ad purgandos hostium muros, fabrosq; ad munimenta nostra turribus cingenda. Exhinc pollicitus est Cyaxares machinam se præbiturum, & Gadatas aliam, & aliam Gobryas, ac Tigranes item aliam. Ipse autē Cyrus dixit, enixurum sese duas facere machinas. Vbi hæc decreta sunt, præbuerunt machinarum fabros. Parabantur autem singuli ad machinas, ut opus erat, uirosq; præfecerūt qui uidebantur maximè ad hæc esse idonei. Ac Cyrus posteaquam cognouit circa hæc esse cunctandum, eo in loco est castrametatus, quem putauit & saluberrimum esse, ac maximè accessibilem ad quæcūq; sunt aduehenda. Et omnia quæ ad munitionem opus erant, effecta reddidit, quò manerent in tuto semper si quando ulterius cum uiribus exercitum ducerent. Ad hæc interrogatis quos maximè arbitrabatur regionis habere notitiam, unde quamplurimam utilitatem exercitus caperet, educebat semper in loca pastionibus referta, tum ut plurima necessaria exercitus caperet, tum etiam quò magis & bene ualerent, & robusti essent itineribus

laborantes, tum præterea quò in uecturis ordines admo-
nerèt. Cyrus igitur in his erat. At ex Babylone transfugæ
et captiui hæc dicebant, quòd Assyrius uenisset in Ly-
diam, talenta multa secum agens auri et argenti, aliasq;
diuitias multiplicemq; ornatum. Itaq; turba militum dice-
bat illum iam pecunias colligere propter metum. Cyrus
uerò intelligens eum uenisse ut constitueret si quid posset
aduersus sese, contrà ipse magno cum robore parabatur,
perinde atq; pugnandū etiam esset. Cumq; expleisset Per-
sarum equitatum, alijs ex captiuis, alijs quibusdam ab ami-
cis quoq; acceptis equis (hæc enim et admittebat ab ho-
minibus, et renuebat nihil, neq; si arma dedisset quis pul-
chra, neq; si equum) parabat etiam currus et ex captiuis
curribus, et aliunde undecunq; poterat: et Troianos cur-
rus sessilis quos antea habuissent, et qua Cyrenaica utun-
tur etiam nunc, currulem agitationem soluit. Superiore
enim tempore et Medi, et Syri, et Arabes, et Asiatici
omnes curribus ita utebantur, ut nunc Cyrenaici. Visum
est ei, si qui ex uniuerso exercitu consentaneè plurimum
ualerent, uiri optimates in curribus forent, eos in illa esse
parte qua ferentarij pugnant, et ad uictoriam magnum
cōferre pondus nullū possunt. Currus enim trecenti præ-
bent pugnantis quidem trecentos, equis autem hi utuntur
mille ac ducentis. Aurigæ uerò hi sunt, ut uerisimile est,
quibus optimates maxime fidem habent. Ii uerò sunt alij
ad trecentos, qui nihil prorsus hosti nocēt. Hos igitur sessi-
lis currus sustulit. Pro his uerò ad bellandū aptos parauit
currus et ualidis rotis, quò non facile contererentur, et
longis axibus: minus enim resupinātur lata omnia. Sellam
uerò fecit aurigis, sicuti turrem, ex ualidis lignis. Harum
uerò

uerò currulium sellarum altitudo est ad cubitos quinque, quò possint equi ab aurigis gubernari super sellas. At aurigas loriceis totos armauit, exceptis oculis. Apposuit etiā falces ferreas duarum ulnarum longitudine ad axes, ex altera atq; altera rotarum parte: & alias infra sub axem respicientis in terrā, tanquam impetum in aduersarios curribus facturi essent. Vt hosce Cyrus tum parauit, ita etiam hoc tempore utuntur curribus, qui in regis sunt regione. Insuper erant ei cameli permultæ collectæ ab amicis, & quæcunq; fuerant captæ. Et hæc ita effecta sunt. Cum autem uellet exploratorem mittere in Lydiæ regionem, fieriq; certior quid Assyrius ageret, uisus Araspas est idoneus qui ad hanc rem mitteretur: is inquam Araspas, qui pulchram illam mulierē custodiebat. Talia enim Araspæ acciderant, captus amore mulieris coactus est ei uerba facere de concubitu. Hæc autem negauit quidem, eratq; fidelis uiro suo, quanquam absenti: eum enim amabat uehementer: neq; Araspam accusauit apud Cyrum, uerita certamen iniicere inter uiros amicos. Sed cum Araspas existimans in seruitutem ire, si minus quod uolebat consequeretur, minatus est mulieri, sese facturū quæ uellet, ea inuita, si ultro ipsa nollet. Exhinc mulier ut uim metuit, non amplius rem clām habet, sed spadonem suū mittit ad Cyrum, iussu ut ei narraret omnia. Quod audiens Cyrus, cum plurimū risisset propter eum qui diceret se amore esse superiorem, mittit Artabazum unā cum spadone, cui iubet ei ut dicat, ut uim asferre caueret eiusmodi mulieri: uerū si posset persuadere, se illi non esse impedimento. Artabazus uerò ad Araspam ut uenit, conuicio in eum est usus, cum & depositum nominaret mulierem, & eius impie-

tatem diceret, & iniuriam, & incontinentiam, adeò ut Araspas & præ dolore multũ collachrymaret, & ob pudorem cõfunderetur, ac ueluti ob metum periret, ne quid etiam aliud à Cyro pateretur. At Cyrus posteaquam hæc didicit, eo ad se uocato, solus cum solo dixit: Video te Araspas & metuere me, & maximo pudore detineri. Quiesce igitur ab his: ego enim scio & deos ab amore esse superatos, & homines qui prudentissimi esse uiderentur, qualia ab amore passi sunt. Et ipse meipsum accusaui, quòd minus tolerare potuerim, ut cũ pulchris congressus eos negligerem. Præterea ego tibi huius rei autor sum. Nam ego te ad hoc inexpugnabile negocium coëgi. Atque Araspas subdidit: Et in his similis es tu Cyre, quemadmodũ in alijs rebus, qui & mansuetus sis, & humanis peccatis ignoscas, me autem alij etiam homines demergunt sollicitudine. Vt enim rumor meæ calamitatis apud omnis increbruit, mei inimici gratulantur mihi: amici uerò adeuntes consulunt, ut me è medio tollam, ne quid etiam abs te patiar, ut quòd iniustissimus fuerim. Et Cyrus ait: Bene igitur noueris Araspas, quòd hac opinione potes uehementer gratificari mihi, ac socijs prodesse plurimũ. Vtinã fiat, inquit Araspas, ut ego tibi opportunè rursus sim usui. Igitur, inquit Cyrus, si simulans à me fugere, uelis ad hostes ire, puto fore ut fidẽ apud illos inuenias. Ego sanè me diusfidius, inquit Araspas, puto etiam ab amicis creditũ iri, quòd tanquam à te fugiens rumorem sim præbiturus. Venias igitur, inquit, ad nos cognitis hostium rebus omnibus: puto autem eos tecum propter fidem communicaturos & uerba & consilia. Itaque eorum nihil te latebit, quæ uolumus nosse. Pergam igitur nunc, inquit Araspas.

Etenim

Etenim hoc erit unum fortassis fidei argumentum quòd uidear effugisse, quoniā essem à te aliquid passurus. Num, inquit, poteris deserere pulchram Pantheam? Duos, inquit, Cyre, dilucidè animos habeo. Nunc ego philosophatus sum cū iniusto sophista amore. Non enim qui unus sit, simul & bonus est & malus: neque simul & honestorum & turpium operum amore capitur, atque hæc simul uult agere & non uult. Sed perspicuum est, animos esse duos: quando bonus dominetur, res agit honestas: quando autē improbus, res turpis aggreditur. Nunc uerò quia te sociū cepit, bonus animus dominatur, et id admodum quidem. Si igitur tibi quoq; eundum uidetur, inquit Cyrus, sic faciundum est, quò etiam illis credaris magis. Enuncia eis quæ à nobis geruntur, & ita enuncia, ut quæ ijs dixeris, impediunt maxime quæ uolunt agere. Impedient autem si nos dicas parari, ut illorum agrum adoriamur. Hæc enim audientes, minus congregentur omnibus uiribus, quisque enim metuat suis rebus domesticis. Maneq; apud illos plurimū temporis. Quæcunq; enim faciant, ubi sint maxime prope nos, hæc nos scire maxime oportebit. Consule etiā his ut instruantur, ubicunq; uideatur esse optimū. Quando enim tu abieris arbitratus eorū ordinem nosse, necessarium fuerit ita eos instructos esse: ordinem enim mutare uerebuntur. Quòd sicubi uel aliter ordinem mutabunt, ex recenti ordine turbabuntur. Araspas autem ita egressus cum accepisset fidelissimos famulos, dixissetq; ad quosdā quæ negotio existimabat conducere, abiit. At Panthea ut sensit Araspan abisse, misit ad Cyrum dicens: Noli Cyre tristari propter Araspæ ad hostes abitionem. Nam si me siueris mittere ad uirum meū, ego tibi spondeo illum uen-

*Amor iniustus
sophista.*

turum multò quàm Araspan amicum fideliozem: scioq;
futurum ut adsit tibi cum quantis poterit uiribus. Etenim
pater præsents regis eum amabat. Sed qui nunc regnat,
aggressus etiam olim est inter me ac uirum diuortium fa-
cere. Quare cum existimet eum sibi esse contumeliæ, non
sum nescia fore ut libenter sese ad uirum recipiat qualis tu
es. Quibus auditis Cyrus, ut ad uirū mitteret iubebat. Illa
autem misit. At Abradatas ut signa ab uxore cognouit, &
alia didicit ut habebant, libenter pergit ad Cyrum, equos
habens circiter mille. Vt autem uenit ad Persarum specu-
latores, ad Cyrum mittit qui foret enarrans. Cyrus autem
iubet eum continuò duci ad uxorem. Vt uerò uxor atque
Abradatas uir inuicē se uidere, sese mutuò sunt cōplexi,
ut uerisimile est, ex insperato. Exhinc narrat Panthea re-
ligionem Cyri, & temperantiam, & commiserationē ad-
uersus sese. Quæ audiēs Abradatas, ait: Quid igitur ego,
Panthea sim factururus, quò Cyro & pro te, & pro meipso
gratiam referā? Quid aliud, inquit Panthea, quàm ut eni-
taris similis esse erga illum, qualis est ille erga te? Exhinc
uenit ad Cyrum Abradatas, quem ut uidit, dextra appre-
hensa inquit: Pro quibus nos Cyre beneficijs affecisti, non
habeo quod sim maius dicturus, quàm quòd tibi meipsum
amicum do & famulum & socium: et quibuscunq; rebus
te uideo studere, in his adiutor tibi enitar esse, quantum
præstari à me queat, optimus. Ad quem respondit Cyrus:
Ego uerò te admitto, & nunc te dimitto unà cum uxore
ut cœnes: rursus item opus erit ut meo utaris tabernacu-
lo, unà cum tuis meisq; amicis. Exhinc uidens Abradatas
Cyrum studere circa falcatos currus, & circa cataphra-
stos, & equos, & equites, enitebatur ei perficere ad cē-
tum

tum currus ex equitatu suo, illius similes curribus: & ipse ut eorum ductor parabatur in curru. Coniugauit autem currum suum quatuor temonibus, & equis octo. At Panthea eius uxor ex pecunijs suis fecit ei aureum thoraca, et cassidem auream, ac item brachialia, currus autem equos æreis omnibus tegumentis instruxit. Et Abradatas quidē hæc gerebat. At Cyrus intuitus eius currum cum quatuor temonibus, cogitauit fieri posse ut etiam cum temonibus octo currus instrueretur, ut cum octo boum paribus ageretur inferius domicilium machinarum. Erat autem hic sublatus tris passus maximè à terra unà cum rotis. Tales autem turres unà cum ordine sequentis arbitrabatur magno auxilio fore phalangi suæ, magno etiam detrimento hostium ordini. Fecit etiā in huiusmodi domicilijs & ambitus uiarum & pinnas, imposuitq; in quamlibet turrim uiros uiginti. Vbi uerò cōstituit omnia quæ ad turris pertinebant, cepit agendi experiētiā, & multò facilius agebant octo boum paria turrim & uiros qui erant in turri, quàm pondus impedimentorū singula boum paria. Nam uasorū pondus erat singulis boum paribus circiter quinque & uiginti talenta. Turris uerò pondus erat quemadmodum tragici tabernaculi, crassitudinis lignorum octo, ac uirorum uiginti armorumq; : harū turrium fuit minus quàm quinque & decē talenta cuiq; pari boum conductio. Vt autem nouit facilem esse conductionē, parabatur perinde ac ducturus eas turris unà cum agmine, existimans belli auiditatem esse simul & salutem, & iustitiam, & felicitatem. Per id uerò temporis uenere qui ab Indo pecunias agerent, eiq; nunciarent, regem Indorum huiusmodi uerba significare: Mihi Cyre uoluptas est, quòd ea quorū

indigebas, mihi nunciaueris: uoloq; tibi hospes esse, mittoq; tibi pecunias, siq; alijs eges, accersere. Iussi etiam meis, ut quicquid iubeas, faciāt. Quæ Cyrus audiens: lubeo igitur uobis, ut alij uestrum hic maneatis in tabernaculo ad custodiendas pecunias, et uiuendū quam suauissimè. Tres uerò mea causa cōcedatis ad hostes, tanquam ab Indo, de incunda societate. Cumq; illic didiceritis, quicquid dicant & faciant, quam celerrimè & mihi & Indo renunciate. Quibus in rebus si pulchrè mihi obsequium præstiteritis, etiam magis ob hanc rem sum uobis gratiam habiturus, q̃ quod pecuniam attuleritis. Etenim speculatores seruorum similes, aliud nihil quod sciant possunt renunciare, quàm quæcunq; nouerint omnes. At uiri quales uos estis, etiam consilia sæpe discunt. Quæ Indi libenter cum audissent, essentq; munerati, tum apud Cyrum instructi, postridie profecti sunt, pollicentes sanè cum didicerint quæcunq; quiuerint plurima ex hostibus, uenturos se quàm poterūt celerrimè. At Cyrus tum alijs rebus paratis ad bellū magnificè quodammodo, ut erat uir qui nihil parui gerere cogitaret, non solum uisus est sociorum habere curam, sed contentionem etiam inter amicos inuicem ingessit, ut singillatim ipsi apparerent & pulcherrimè armati, & equis ornatissimi, & iaculis sagittisq; munitissimi, maximeq; industrii. Hæc autem operatus est ad ianuas, educens honoransq; singillatim uiros fortissimos. Et princeps quos diligentis uideret circa hanc rem quò eorum milites optimi forent, hos etiā laudans ac muneribus donans quibus poterat, incitabat. Quòd si quando sacrum faceret, atq; ageret festum diem, etiam in hoc ipso quæcunq; homines meditantur ad bellandum, horū omnium ludos faciebat.

faciebat, præmiâq; uincentibus munificentissimè dabat, eratq; in exercitu multa iucunditas. Erant autē Cyro iam ferè effecta omnia, quæ militiæ habere uellet, præter machinas. Etenim Persæ equites iam implebant ad decē milia, & currus falcati quos & ipse parauerat, implebant iam ad centū. Quosq; Abradatas Susius parare aggressus est similes Cyri curribus, & hi absoluti erant ad alios centum: & currus Medici quos Cyrus in hunc modū ut mutando formaret, Cyaxari persuaferat, ex Troica & Libyca curruum sessilium forma, implebant & hi circiter alios centum. Atq; super camelos cōstituti erant uiri bini in unamquāq; sagittarij. Et quamplurima exercitus pars hac erat mente, tanquam omnino iam uicisset, essentq; res hostium nihil. At ubi ita illis affectis uenerunt Indi ex hostibus, quos miserat Cyrus speculandi gratia, ac dixerunt Crœsum imperatorem ducemq; lectum esse uniuerforum hostium: quodq; decretum esset regibus socijs omnibus, ut omnes cum totis uiribus adessent, inferreq; pecunias admodum multas. Has autem perficere, & mercede conducere quos possent, et donare quibus opus esset: iamq; mercede conductos esse permultos, ex Thracibus quidem gladijs armatos. Adnauigare præterea Aegyptios, quorum numerum dicerent circiter centum uiginti millia, unâ cū scutis ad pedes tendentibus, atq; magnis hastis quas etiam nunc habent, & mucronibus. Insuper Cypriorum exercitum adnauigare, iamq; adesse omnis Cilicas, & utrosq; Phrygas, & Lycaonas, & Paphlagonas, et Cappadocas, & Phœnicas, & unâ cum Babylonis principe Assyrios. Ionasq; & Aeoles, atq; omnis ferè Græcos Asiæ incolas, unâ cum Crœso sequi coactos esse, misisseq; Crœsum etiā

ad Lacedæmonios de societate. Cogi autem exercitum circa Pactolum flumen, eosq; processuros in Thymbraiam, ubi etiam nunc conuentus est barbarorum habitantiū in inferiorem Syriam, qui sunt sub rege: omnibusq; iussum esse huc portare commeatum. Quasi enim his similia dicebāt etiā captiui. Curabat enim hoc item Cyrus, ut hi caperentur, ex quibus discere quicquam posset. Mittebat etiam speculatores seruis similes tanquam transfugas. Vt igitur exercitus Cyri hæc audiuit, sollicitus esse cœpit, ut erat consentaneum, incedebantq; omnes maiore cum silentio quàm consueuerant; neq; uidebantur admodum hilares, sed tristes potius. Erantq; plena omnia sese interrogantiū inuicem de omnibus rebus, atq; differentium. At Cyrus ut sensit metum per exercitum discurrentem, tum agminum principes conuocat, tum etiam omnes quorumcunq; ubi minus fiderent, detrimentum aliquod esse uidebatur: ac item utilitas, ubi alacri forent animo: pronunciauitq; ministris, si quis etiam alius ex militibus adesse uellet, quæ loqueretur auditurus, eum ne arcerent. Vbi autem conuenissent, ita est loquutus: Viri socij, ego uos cōuocaui, quoniam uidissem uestrūm quosdā posteaquam nuncij ex hostibus sunt allati, admodum similis esse hominibus his qui metuāt. Videtur enim mihi mirandū esse, si quis uestrūm idcirco timet, quoniam cogūtur hostes. Quod autem nos multò plures congregati nunc sumus quàm quo tempore illos uicimus, multò etiam melior pro diuina benignitate nunc exercitus nobis est quàm antea. Hæc uidentes non audetis? O per deos immortalis, quid aliquando faceretis, qui hoc tempore formidatis, si qui nunciarent quæ nunc apud nos sunt, hæc nobis aduersa aduentare? Ac primum
audire

Oratio Cyri.

audiretis, quòd qui prius nos uicissent, hi ueniunt rursus eam in animis habētes uictoriā, quam olim essent adepti. Dein, quòd qui tum sagittarij iaculatoresq; arces excidissent, hi nūc ueniunt, alijq; his similes multo plures. Dein, quemadmodum hi armati peditibus tum uicere, nunc ita & eorum equites instructi aduersus equites aduentant, et arcubus iaculisq; contemptis, uno ualido quisque accepto pilo adequitare cogitat, ut cominus præliaturus. Præterea ueniunt currus, qui nō ita statuentur ut antea cōuersi tanquam in fugam, sed equi quoq; qui sunt ad currus armantur loriceis, & aurigæ in turribus stant ligneis, quibus eminentia omnia loriceis sunt cassidibusq; armata, atq; falces ferreæ axibus sunt accommodatæ, ut hi quoq; impetū faciant continuo in aduersariorum ordines. Præterea cameli sunt inter eos in quibus adoriuntur, quarum quanq; ne centeni quidem equi uisu sustineant. Insuper turres immittunt, à quibus suis auxilium ferent. Nos autem iacendo impediēt aduersus eos pugnare, qui sunt in campo. Si quis igitur nunciaret uobis hæc esse in hostibus, qui nunc metuitis, quid essetis facturi, quando allatis nuncijs quòd Cræsus lectus sit hostium dux, qui eo est Syris ignauior, quo Syri quidem pugna uicti fugerunt? at Cræsus cū eos uictos uidisset, pro ope ferēda socijs, in fugam est uersus. Dein etiam nunciatur hostes ipsos, quoniam non ducant sese satis esse qui nobiscum pugnent, alios mercede conducere, tanquam pro se melius pugnatuos quàm ipsi sint. Hæc quidem cum sint huiusmodi, uidentur esse formidabilia, nostra autem cōtemnenda. Hos ego affirmo, ô uiri, mittēdos esse ad aduersarios: lōgè enim magis nobis apud illos si fuerint, quàm præsentibus sint profuturi. Quæ Cy-

Chrysantæ
oratio.

rus ubi dixisset, Chrysantas Perses surrexit, qui in hunc modum locutus est: Ne te Cyre miratio capiat, si qui nuncijs auditis tristi facie uisi sunt. Non enim quòd metuerint ita sunt affecti, sed grauius ferentes, quemadmodum si quibusdam uolētibus existimantibusq; iam pransum ire, opus aliquod enuncietur, quod necesse sit ante prandium efficere, nemo, mea sententia, hæc audiens lætaretur: ita etiā nos arbitantes fore iam ut ditemur, ubi audiuiumus esse reliquum opus quod efficere nos oporteat, facie turbati sumus, haud id quidem quòd metuamus, sed quòd iam etiā facere hoc uelimus. Enimuero posteaquam non de Syria solum certabimus, ubi triticum est multum, & pecudes, palmæq; fructiferæ: uerum de Lydia quoq; ubi multum est uinum, multæ fici, multum oleum, mareq; alluit per quod plura aduehūtur, quā quotquot quisquam est bona intutus. Hæc nos cogitantes non amplius grauius ferimus, sed audemus quammaximè, quò celerius his quoque Lydijs fruamur bonis. Chrysantas quidem locutus est: socij uerò omnes & eo sermone delectati sunt, eumq; laudant. Atqui, inquit Cyrus, mihi uidetur ô uiri fortissimi, esse aduersus eos quamcelerrimè eundū, quò illos euntes anteuertamus, si fieri possit, ubi necessaria colligūt. Dein quò celerius iuerimus, eo pauciora adesse illis inueniemus, abesse autem plura. Equidem ita dico, quòd si quis aliter sentit, aut tutius esse, aut facilius nobis, sanè doceat. Sed posteaquam multi comprobauere, quamprimum pergere oportere aduersus hostes, nemoq; cōtradiceret, hinc Cyrus huiusmodi uerba facere est aggressus: Viri amicissimi, animi quidem corporaq; & arma, quibus utendū sit, iandiu nobis diuina ope parata sunt. Nunc uerò necessaria

Cyri concio.

ria ad iter sunt paranda, tum nobis ipsis, tum etiā quibuscunq; utimur quadrupedibus, nec ea minus quā dierū uiginti. Ego enim mecum ipse supputans, inuenio plurū quā quindecim dierum iter fore, quo quidem itinere rerum necessariarū inuenturi nihil sumus. Translata enim sunt partim a nobis, partim ab hostibus quæcunq; metuerunt. Parandum est enim satis cibi: nam sine cibo neq; pugnare, nec uincere possumus. Vini autem tantum cuiq; est habendū, quantum satis futurū sit. Consuescamus aquam bibere, multū enim crit itineris quod uino caret: ad quod ipsum neque si admodum uini multum parauerimus, satis futurum est. Ne igitur, si repenti uino caruerimus, incidamus in morbos, ita faciundum est. Inter uescendū incipiamus continuo aquam bibere: hoc enim iam facientes, non admodū mutabimur. Etenim qui farinæ utitur cibo, uescitur semper massa aquæ mista: & qui panis utitur cibo, uescitur pane aqua irrigato. Et elixa omnia cum aqua plurima sunt parata. Post cibum autem si uinum addimus potui, nihilo deterius habens animus quiescet. Dein uerò post cibum quoq; oportet uinum diminuere, donec didicerimus fieri aquæ bibi. Nam mutatio quæ fit paulatim, efficit ut omnis natura mutationes ferat. Docet præterea deus ipse, qui paulatim nos deducit ex hyeme ad uehementis æstus tolerandos, ex æstu in hyemem uehementē: quē imitantes, ad quod eundem est, assuefacti antea ire nos debemus. Atq; stratorum pondus in res necessarias consume: necessaria enim si supersint, haud erūt inutilia. Stratorum autem indigentes, ne metuite quò minus libenter sitis dormituri: sin secus fuerit, me accusate. Vestis enim cui sit abundantior, plurimo auxilio est & ei qui bene ua-

Mutatio subita periculosa.

let, & ei qui egrotat. Obsonia uerò parare oportet, quæ cunque acuta sunt plurimum, & mordacia & salsa: hæc enim & agunt ad cibū, & diutissimè sufficiunt. Cum uerò excesserimus in loca integra ac salubria, ubi uerisimile sit iam nos frumentum capere, inde pistrinos parate quibus cibum faciamus: hoc enim eorum quibus fit cibus, leuissimum est instrumentum. Parata etiam unà sint ea, quibus ægroti homines egent: horū enim cumulus minimus est. Quòd si talis fortuna sit, ijs maximè opus erit. Habenda etiam sunt cingula ac lora: plurima enim et hominibus & equis hisce perficiuntur: quibus attritis ac fractis necesse est cunctari, nisi quis habeat cingula. Qui uerò didicit pilum polire, bonum est ne dolabræ obliuiscatur: bonum etiam ut limam ferat. Acuens enim lanceam, animū quoque quodammodo exacuit: additur enim quidam pudor, eum timidum esse, qui lanceam acuit. Habenda sunt præterea ligna quamplurima, & in curribus & in plaustris. Nam in actionibus multis, multa itē sunt necesse est, quæ defunt. Habenda sunt præterea instrumenta maximè necessaria ad hæc omnia: non enim ubique opifices sunt. Quod autem in diem sit satis, pauci quidam ad id faciundum sufficiunt. Habendum etiam est sarculum & bidens in quolibet plaustro. Sunt etiam in iumentis bipennes falcesq; habendæ: hæc enim cuiq; etiam priuatim usui sunt, & publicè sæpe utilitatem asserunt. Et quæcunq; ad alimentū necessaria sunt, uos militum duces exquirite ab ijs quibus præestis. Non enim prætereundū est, cui aliquid horum sit opus, nos enim horum indigebimus. Quæcunque uerò iumentis iubeo habēda, uos qui his præestis qui ferunt impedimenta, exquirite: & qui ijs caruerit, cogite

ut paret. Vos item qui præestis itinerũ ducibus, habetote descriptos à me eos, qui reprobati sunt & ex iaculatoribus, & ex sagittarijs, & ex funditoribus. Hi qui ex iaculatoribus securim habent, ad incidenda ligna cogēdi sunt, in expeditionem ut eant cum securi: sagittarij uerò cum bidente, ac funditores cum sarculo. Hi uerò hæc habentes ante plaustra secundum alas debēt proficisci, quò si quid opus sit ad faciundum uiam, continuò eatis ad operandũ. Et ego si qua re egeam, ut uideã unde oporteat & capere hæc & uti. Ducam etiã eos qui sunt in militari ætate cum instrumentis, ærarios fabros, cerdones, quò nihil desit, si quid talium artium in expeditione opus sit. hi uero soluentur ab ordine armigero. Quæ autē sciunt, mercede ei ministrantes qui uelit, erunt in constituto loco. Quòd si quis etiam mercator sequi uelit aliquid uenditurus, habeat res necessarias antedictorum dierum. Quòd si deprehendatur aliquid uendere, priuabitur rebus omnibus. Vbi uerò hi dies præterierint, uendat pro uolūtate. Quicumq; præterea mercator plurimum commeatum attulerit, hic & à socijs & à me dona honoremq; consequetur. Si quis uerò putat ob mercaturam pecunijs pluribus egere, hic adducatis qui sui & notitiam faciant & uadimonium ueniendi prorsus cum exercitu, eas à nobis capiat. Ego igitur hæc pronuncio. Quòd si quis aliud quicquam necessariũ intuetur, mihi significet. Et uos quidem abite atq; paramini. Ego gratia hinc soluendi sacrificabo, cumq; res diuinæ rectè habeant, significabimus. Adsint etiam omnes ad constitutum locum cum rebus antedictis apud duces suos. Vos autem duces ubi quisque instruxeritis uestrum ordinem, omnes ad me cōuenite, quò singuli locos uestros in-

telligatis. Quibus auditis illi parabantur, Cyrus uero sacrificabat. Vbi sacrificia bene habuerunt, Cyrus mouit unâ cum agmine. Ac primo quidem die locauit castra ut potuit proximè, quò si quid quisquam oblitus esset, id repeteret: ac si quis nosset ulla sibi re opus esse, hanc itè pararet. Et Cyaxares tertiam habens Medorum partem restitit, quò neq; domi res solæ essent. Cyrus uero pergebat quàm poterat celerrimè, habens equites quidem primos, & ante hosce exploratores: speculatoresq; semper præmittens ad loca anteriora ad speculandum aptissima. Post hos uero agebat impedimenta, faciens ubi campus esset multos globos plaustrorum impedimentorumq;. Retro phalanx sequebatur, ac si quid impedimentorū relictum esset, qui principes inciderēt, curabāt ne proficisci impedirentur. Et ubi uia esset angustior, armati milites impedimentis tenentibus medium hinc atque hinc pergebant, ac si quid impediret, milites ad has res constituti diligentiam adhibebant. Pergebant autem ordines frequentius apud se habentes impedimenta. Iussi enim erant omnes qui ferebant sarcinas, ut singuli irent secundum ordinem suum, nisi quid necessarium esset impedimento. Signumq; habēs quisque cuius centurionis sarcinarius foret, antecedeat, quò suo ordini notum foret. Itaque frequentes proficiscuntur, curabantq; uehementer suos singuli, ne subsisterent. Quibus ita facientibus, neq; opus erat se inuicē quaerere: simulq; & præsentia erant omnia & salua, habebantq; milites celerius quæ oportebat. Ut autem procedēs speculatores in campo uisi sunt uidere homines qui pabulū caperent & materiem, aspiciebantq; iumenta huiusmodi res agere ac pasci: & ulterius item intuentes, discere

scere uisi sunt sublatū fumum aut puluerem: ex his omnia-
bus fere nouerant, exercitum hostium alicubi propè esse.
Itaque speculatorum præfectus continuo quendam mittit
hæc Cyro nunciantem, qui his auditis iussit, ut illi manerent
in iisdem speculis, quodcunq; noui usquam uiderint
nunciantes: misitq; ordinem equitum ulterius, quibus iussit,
eniterentur capere ex his hominibus qui erant in campo
aliquos, quò certius uerū disceret. Iussi igitur hæc agebant.
At ipse aliud agmen suum disponebat, quò pararent quæcūq;
arbitratur oportere prius quàm essent admodum simul. Ac primum
præcepit ut pranderent, deinde ut in ordinibus manerent,
prouidentes quod iuberetur. Quibus pransis cōuocauit Cyrus
et equitum et peditū et curruum duces. Præterea machinarū
et impedimentorū carpentorumq; præfectos, qui omnes conuenerunt.
At illi qui in campum decurrerant, agebāt homines quos cepissent.
Captiui autem illi à Cyro interrogati, dicebant se à castris anteceßisse
pabulatum, alij uerò lignatum prætereuntes procubitores.
Nam propter exercitus multitudinem rarissima esse omnia.
Quibus Cyrus auditis inquit: Quantum hinc abest hostiū agmen?
Ad quem illi respondabant: Ad duas parasangas. Post hæc percūctabatur
Cyrus: At de nobis rumor ne ullus esset apud eos. Ita, dixere,
per Iouem, et multus quidē, quod propè iam itis adorientes.
Quid igitur, inquit Cyrus, num etiam gaudebant, cum audirent nos ire?
Hoc autem percūctabatur præsentium gratia. Non per Iouem,
dixerunt illi: nullo modo gaudebant, quin etiam tristabantur plurimum.
Nunc autem, inquit Cyrus, quid faciunt? Instruuntur, responderunt:
et heri et nudius tertius hoc idem agebant. Qui autem

tem eos instruit, quis est? inquit Cyrus. Ad quem responderunt: Et Cræsus ipse, & unà cum eo uir quidam Græcus, & alius item Medus quidam qui à uobis fugisse dicebatur. Et Cyrus inquit: At ô Iupiter optime maxime, utinam mihi detur eum capere ut ipse uolo. Exhinc cum iussisset abigendos captiuos, ad astantes ut dicturus quippiã reuertebatur. Hic etiam aderat alius à præfecto speculatorum, inquiens apparere ante alios in campo magnũ equitum ordinẽ: & nos, inquit, coniecturamus eos immittere, quòd uidere hanc uelint aciem. Etenim ante hunc ordinẽ alij circiter triginta equites frequentes adequitant, qui uelint fortasse nos ipsos speculatores capere si possint. nos autem sumus decem in hac specula. Et Cyrus iussit ex equitibus, qui semper apud se essent, immittẽtes sub speculam clàm hostibus, quietem agere. Cum autem denarij illi nostri speculam liquerint, uos exurgentes eos inuadite qui in speculam ascendunt. Vt autem uos dolore non afficiant, qui sunt à magno ordine, contrà tu, inquit, egredere ô Hystaspas, tribunos militum habens equites, teq; contrà ostende hostium ordini. Insequere autem nusquam in locum obscurum, sed quò speculæ tibi permaneant, hisce diligentia adhibens transito. Quòd si qui sublatiis dextris ad uos immiserint, amicè uiros excipite. Hystaspas igitur abiens, armis induebatur: ministri uerò cõtinuò immittebãt, ut iusserat. Obuius autem his fit uel intra ipsas speculas Araspas unà cum famulis, qui olim missus est explorator, custos Susiæ mulieris. Quare Cyrus ut audiuit, exiliẽs ex cathedra & occurrebat ei, et amicè excipiebat. At alij, ut erat cõsentaneum, cum nihil scirent, ob rem eam stupore tenebãtur, donec Cyrus inquit: Viri amicißimi, uenit nobis

bis uir optimus: nunc enim hominibus omnibus scienda sunt huius opera. Hic neque ulla uictus turpitudine abiit, neq; mei metu, sed à meipso potius missus, quò rebus hostium liquidò cognitis uera mihi referret. Quæ igitur ego tibi pollicitus sum Araspa, & memini, & unà cum hisce omnibus referam. Est autem iustum, ô uiri, uos etiã omnis hũc honoribus prosequi ut bonũ uirum. Ad nostrã enim utilitatem & periculũ subiit, & accusationi obnoxius factus est, quæ erat admodum grauis. Exhinc omnes Arasparam amplectebantur, & amicè excipiebant. Dicente autem Cyro: De his igitur satis, quæ autem tempus est nobis scire, hæc Araspa narrato, nihilq; de ueritate diminue, neq; hostium res extenua. Melius enim est si maiora arbitrati, minora uideamus, quàm minora audientes, ualidiora inueniamus. Atqui respondit Araspa: Ego feci ut scirem quam securissimè, quantus est exercitus: unà enim quum ijs interessẽ, aciem ordinaui. Tu enim, inquit Cyrus, non solum multitudinem nosti, uerumetiam ordinem ipsorum. Equidem medius fidius, inquit Araspa, & quomodo cogitant pugnam facere. Veruntamen, inquit Cyrus, multitudinem nobis summatim expone. Illi omnes, respondit, instructi sunt ad trigenos in densitatem, & pedites & equites, demptis Aegyptijs, qui absunt stadia circiter quadraginta. Valde enim curauì, ut scirẽ quantũ loci continerẽt. At Aegyptij, inquit Cyrus, quo pacto ordinati sunt? quoniã dixisti demptis Aegyptijs. Hosce, inquit, qui decẽ millibus præsunt, instruxerunt singulos decem millia in centenos: hanc enim ordinum legem, qua utuntur domi, secum intulerunt. Et Cræsus sanè ualde inuitus ijs cõcessit ordinari hoc pacto: uolebat enim excedere plurimum

phalange aciem tuā. Ad quid, inquit Cyrus, cupiebat hāc rem Cræsus? Quò mediusfidius maiore multitudine tuā aciem circūdaret. Et Cyrus inquit: At hi scirent, si circundantes circundarentur. Sed quæ à te tempus est discere, audiuius. Cæterum uos oportet, ô uiri, ita facere. Nunc ubi hinc abieritis, cōsiderate & equorū & uestrū ipso rum arma: sæpe enim ob paruæ rei defectum, & uir & currus inutilis redditur. Cras autem manè donec ego sacrum faciam, primum quidem prandendum est & uiris & equis, ne quicquid agendi sit tempus, huius rei indigeatis. Dein tu Araspa dextrum habeto cornu, quemadmodum etiā habes. At alij qui denis millenis præestis, sicuti habetis nunc, habetote. Cū enim simul certamen est, nulli currui tempestiuum est equos mutando coniugare: iubeatq; centurionibus atque primipilis, ut stent in phalange bini, habentes singulos manipulos. Erat autem manipulus quisq; uiri XXIII. Et quidam ex centurionibus inquit: Videmur ne tibi Cyre satis habituri in tot milites instructi, aduersus phalanga adeò densam? Ad quem Cyrus respondit: At phalanges densiores quàm ut armis assequi hostis queant, quid tibi uidentur esse, hostibus ne nocere, an socijs prodesse? Ego enim milites singillatim in centenos diuisos, contra decem millia potius uellem instructos esse: ita enim aduersus paucissimos pugnaremus. Ex quot ego militibus phalanga densabo, puto totam adiutricem ac sociam futuram ipsam sibi. Iaculatores quidem post thoracibus armatos ordinabo, post iaculatores autē sagittarios. Hos enim primos in acie quisnam ordinet, qui etiam ipsi fatentur nullam posse pugnam cominus sustinere? Cum uerò obiecerint thoracibus armatos, et manebunt qui iaculantur:

culantur: & qui sagittas mittunt, pro anterioribus omnibus ledent hostes. Quocunq; quis aduersarios malo afficiat, hoc certè incommodo omni socios leuat. Postremos autem statuam, qui post omnis sunt euocati. Nam quemadmodum ædium, neque sine lapidum munita structura, neque sine facientibus tectum ulla est utilitas: ita etiã neq; phalangis, nec sine primis, nec sine ultimis, nisi boni fuerint, ulla utilitas est. Sed uos ut præcipio instruamini, atq; uos scutatorum principes post hos eodem modo manipulos constituite: & uos sagittariorũ præfecti post scutatos identidem. Tu uerò qui in omnes principatum geris, ultimos habens uiros fortis, præcipe tuis ut quique suos obseruet, & alios pro officio facientis adhortetur, & alijs non facientibus uehementer minitetur. Si quis autẽ auertatur uolens prodere, hic plectatur morte. Debent enim præfecti audentiam sequentibus injicere, & uerbo & re: atq; uos etiam oportet, qui post omnis ordinati estis, maiore metu ignauos afficere quàm qui est ab hostibus. Et uos quidem hæc facitote. Tu uerò Eufrates qui præes machinarijs, ita facito, ut iumenta quæ turres atq; ministros agunt, sequantur quamproximè phalanga. Tu autẽ Dauce qui ducis impedimētaria plaustreis, post turris ac post machinas age omnis huiusmodi copias. Tui autẽ ministri uehementer animaduertant in eos qui ex multitudine ante tempus aut procedunt aut desunt. Tu uerò, ô Chadurca, qui carpentis mulieres agentibus præfectus es, ipsa post impedimenta locato ultima. Hæc enim omnia si sequantur, & multitudinis præbent opinionem, & nobis insidandi dabunt facultatem, maioremq; circuitum facere cogent hostis, si tentent circūdare: qui quò plus loci circun-

dent, eò hi necessariò imbecilliores fiant. Et uos quidē ita facitote. Sed tu Artaoxe & Artagerſa millenarium ordinem uterq; ueſtrorū peditum unā nobiſcum poſt hos habete. Tuq; Pharnuche & Aſiadata millenarium equitum ordinem, cui ueſtrū uterq; præeſt, nolite conſtituere in phalanga, ſed poſt carpēta uos ſeparatim ipſi inſtruimini armis, deinde ad me itote unā cū alijs ducibus. Ita uos parari oportet, ut primos neceſſariò præliaturos. Tu uerò qui ijs uiris eſ præſectus qui ſunt poſt camelos, poſt carpenta ſtato, facitoq; quodcunq; tibi Artagerſas præceperit. Vos autē qui deſignati eſtis curruum duces, ueſter qui dem princeps ante phalanga curruſ centum ſecum conſtituat: alij quidē centeni ordines curruum, alteri ad dextrū latus exercitus incedētes ſequantur phalanga ad cornu, alteri uerò ad læuum. Et Cyrus quidem ita inſtruxit. At Abradatas rex Suſorum inquit: Ego tibi Cyre ultro recipio ordinem habere è regione aduerſæ phalangis, niſi quid tibi aliud uidetur. Et Cyrus eo delectatus admiratusq; rogauit Perſas qui erant in alijs curribus: Num etiā uos hæc conceditis? Sed poſteaquam illi reſponderunt, nō eſſe honeſtum hæc concedere, ſortes his dedit, & in Abradatum ſors cecidit, quemadmodum receperat, & oppoſitus eſt aduerſus Aegyptios. Tum igitur abeuntes, et eorū quæ prædixerant curam habentes cœnati ſunt, conſtitutisq; cuſtodijs dormire. Poſtero autem die Cyrus manē ſacrum faciebat: alius uerò exercitus cum prandiſſet, libationemq; feciſſet, inſtruebatur multis atq; pulchris tuniſcis thoracibusq; & caſidibus multis itē & pulchris. Armauerunt etiam equos frontalibus pectoralibusq; & ſolos quidem equos femoralibus: eos uerò equos qui erant
sub

sub curribus, lateralibus. Itaque uniuersus exercitus ære fulgurabat, puniceoq; florebat ornatu. Atque Abradatae currus quatuor temonum, & equorum octo, pulcherri-
mè erat ornatus. Cumq; induturus esset lineum thoraca, qui ijs patrius est, affert ei Panthea auream cassidem & brachialia, & latas armillas circa manuum iuncturas, & tunicam purpuream ad pedes usque tendentem, cuius inferiores oræ stolæ habebant speciem, & conum hyacinthini coloris. Hæc autem clàm uiro fecerat, dimensa illius arma. Quæ ille intutus, & admiratus est, & Pantheam interrogauit: Tu sanè, ô mulier, mundo tuo conciso arma fecisti mihi? Per Iouè, inquit Panthea, haudquaquam illo multi faciundo: tu enim mihi, si alijs etiam appares qualis mihi uideris esse, maximus eris mundus. Hæc autè dicens simul eum armis induebat, latereq; nitebatur: nam ei lachrymæ fundebantur per genas. Cumq; etiam antea esset spectatu dignissimus Abradatas, ubi his armis instructus est, apparuit & pulcherrimus & uenustissimus: quippe qui natura etiam talis esset. Acceptis autem habenis ab auriga, parabatur ut in currum iam ascensurus. At hic Panthea alijs qui aderāt omnibus iussis secedere, dixit: Si qua alia unquam uxor uirum suum pluris quàm animā suam aestimauit, puto te Abradata cognoscere me etiam harum esse unam. Quid igitur opus est ut omnia singillatim eloquar, cum existimem præstitisse me opera uerbis præsentibus probabiliora? Veruntamen cum sic habeo erga te, ut ipse nosti, testor tibi meam tuamq; amicitiam, indubitato malle me publicè obrui terra tecum bono uiro, quàm uiuere cum dedecoroso dedecorosa. Sic ego & te & me ipsam rebus honestissimis sum dignata. Cyro autè magnā

nos quandam gratiam debere arbitror, quòd me & capti-
uam & sibi electam, neque ut seruam dignum existimauit
possidere, neq; ut liberam cum famæ ignominia, sed asser-
uauit tibi me captam tanquam fratris uxorem. Præterea
quando Araspas qui me custodiebat ab eo defecit, ego ei
pollicita sum, si me sineret ad te mittere ut uenires, sibi te
futurum multò quàm Araspam & fideliorē & meliorē
uirum. Panthea hæc loquuta est. At Abradatas eius ora-
tione delectatus, mulcensq; eius caput, in cœlū oculos tol-
lēs, ita precatus est: At, ô Iupiter optime maxime, da mihi
ut appareā & uir dignus Panthea, & dignus amicus Cy-
ro, qui nos est honoribus prosecutus. Hæc locutus, in fo-
ribus sellæ currulis ascendit in currum. Sed posteaquam
is ascendisset, sellamq; auriga clausisset, Panthea non ha-
bens quomodo item aliter eum amplecteretur, sellā oscu-
lata est. Et Abradatae currus iā procedebat. Panthea uerò
clām eum sequebatur, donec cōuersus Abradatas eam in-
tutus inquit: Fide Panthea, & gaude, atque iam abito. Ex-
hinc igitur spadones et ancillæ eam capientes deduxerūt
in carpentum, eamq; declinantes tabernaculo uelauerūt.
Homines uerò quamuis spectaculum pulchrum esset &
Abradatae & currus, non eum tamen prius spectare po-
tuerunt, quàm Panthea abiisset. At Cyrus posteaquam li-
tauit, & eius exercitus quemadmodum is præceperat in-
structus est, habens speculatores alios ante alios, conuo-
catis ducibus huiusmodi oratione est usus: Viri amici ac
socij, sacrificia nobis dij ostendunt, qualia cum antea de-
dere uictoriam. Ego uolo eorū uos repetere memoriam,
quæ mihi uidemini meminisse, multò maiore cum fiducia
in certamē eundum esse. Nam in rebus uos bellicis multò
magis

Oratio Cyri.

magis quàm hostes exercitati estis: eadem autem in re & educati estis & instituti iam multò plus temporis quàm hostes, inuicemq; unà uicistis: hostium uerò plures cum iisdem ipsis sunt uicti. Alij uerò qui non pugnarunt, utro runque sunt: atque hostes quidem norunt præfides, sibi proditores esse. Vos autem qui nobiscum estis, non latet pugnare cum uolentibus auxilium ferre socijs. Consensu tantum uerò est eos, qui sibi inuicem credunt, concorditer manere in pugna. Qui uerò mutuo sibi non credunt, necesse est consultare quomodo singuli quamcelerrimè è medio se eripiant. Eamus igitur uiri fortissimi aduersus hostis, cum armatis curribus aduersus inermes hostium currus: eodem modo cum equitibus equisq; armatis aduersus inermes, ut pugnemus cominus. Pugnabitis itè aduersus pedites, quemadmodū antea aduersus alios. Aegyptij enim eodem modo armati sunt, identidemq; instructi. Clypeos enim maiores habent quàm ut aliquid facere uideantur possint. Et ordinati in centenos, uidelicet se inuicem ad pugnandū impediunt, præter admodū paucos. Quòd si incumbentes credunt nos urgere, equis hi primum sustinendi sunt, ac ferro ab equis firmato. Quòd si quis eorum etiam sustinuerit, quomodo simul poterunt & equitatu pugnare & phalange? Etenim nostri à turribus nobis opem ferent, qui hostis percutientes facient, ut loco pugnandi quid acturi sint nesciant. Quòd si qua uobis re opus esse arbitramini, mihi dicite: nam pro diuina benignitate egebimus nihilo. Ac si quidem aliquid dicere uult quisquam, id dicat: sin id minus, uenite ad sacrificia, & precati deos quibus sacra fecimus, ad ordines itote: & quisque uestrum suos admoneat, quæ à me uos estis ad-

moniti: & quisque subditis se demonstret dignum imperio, intrepidū se ostendēs & habitu & facie et oratione.

XENOPHONTIS DE PAEDIA
CYRI LIBER SEPTIMVS, FRANCISCO
Philelpho interprete.



OSTEA quā ad deos hi orationem habuerunt, ad ordines abiere. Cyro autem & his qui cum Cyro erant, attulerūt famuli potum ac cibum. At Cyrus stans ut erat, post diuinas primitias coenabat, eiq; dabat semper qui maximè indigeret, libansq; ac precatus bibebat: & alij qui cum eo erant, ita faciebant. Post hæc uerò cum implorasset Iouem patriū, ut & dux esset & socius, in equum ascēdit, idemq; ut sui facerent iussit. Et erant hi milites armati omnes armis iisdem quibus Cyrus, tunicis puniceis, thoracibus atq; cassidibus æreis, conis albis, gladijs, pilo, casside una quisq;. Equi uerò frontalibus pectoralibusq; æreis, atq; lateralibus. Eadem etiā hæc femoralia erant uiro. Tantum duntaxat Cyri arma præstabant, quòd alia quidem illita erant colore aureo, at Cyri arma ut speculū relucebant. Cyrus ubi equum ascendit, stetitq; respiciens quā erat perrecturus, fulmē dexterum insonuit. Hic autē dixit, Te sequemur, ô Iupiter optime maxime: ac soluit habēs ad dextrā Chrysantam equitum præfectum equitesq;, ad sinistram uerò Arsaman ac pedites: præcepitq; ut ad signū aspicerent, & pariter sequerentur. Signum autem ei erat aquila aurea, extensa in longa hasta: & hoc etiam tempore signum hoc permanet regi Persarum. Atque prius quā uideret hostes, uel ter quiesce

quiescere fecit exercitum. At ubi iam processissent stadia circiter uiginti, cœperunt iam uidere hostium agmen contrà aduentare. Sed posteaquam omnes inuicem fuerunt in aperto, hostesq; eos cognouerunt multò utrinque ijs phalange superiores, hanc ubi firmassent (nec enim est aliter circundare) flexerunt in circuitum, ueluti gamma utrinq; ordinē suum facientes, quò undiq; simul pugnaret. Quæ Cyrus intuens, nihilo magis destitit, sed eodem modo ducebat. Verùm considerans ut illi procul undique fecerant flexum, circa quem flectentes cornua extendebant: Animaduertis, inquit, ô Chrysanta, ubi hostes curuaturam faciunt? Valde, Chrysantas inquit: atq; miror equidē. Multum enim uidetur mihi separare cornua à sua ipsorū phalange. Ita medius fidius, inquit Cyrus, & à nostra quoq;. Quare tandē hoc faciūt? metuentes uidelicet, inquit Cyrus, ne si cornua prope nos sint, cū phalanx procul sit eos inuadamus. Dein inquit Chrysantas: Quomodo prodesse poterunt alteri alteris, ubi multū sic inuicē absint? Sed perspicuū est, inquit Cyrus, quòd ubi cornibus ascendētes steterint è regione laterū nostræ aciei, uertantur tanquam in phalanga simul undiq; aduersus nos pugnaturi. Itā ne, inquit Chrysantas, uidentur tibi bene cōsultare? Sanè ad ea quæ uidet, inquit Cyrus: at quæ uerò nō uident, peius etiā quàm si per cornu inuaderent. Sed tu, inquit, ô Arsama, duc peditatum quietè quemadmodū me uides. Et tu Chrysanta, unà sequere æqualiter cum hoc Arsama equitatum habens. Ego uerò illuc abibo, unde mihi uidetur tempus pugnandi initium facere, simulq; præteriens singula considerabo ut nobis habent. Cumq; illuc uenero, ubi iam simul inuicem inuasuri fuerimus, pæana canere incipiam,

uos autem incumbite. Verum dum nos manum cum hostibus conferamus, facite uobiscum ut sitis. Non enim, ut opinor, paruus erit tumultus. Tum uero adoriemini, cum ipse Abradatas in aduersarios cum curribus impetum faciet. Ita enim ei dicetur. Vos autem sequi oportet quammaxime fieri potest prope currus: ita enim maxime in hostes turbatos impetum faciemus. Adero etiam ipse celerrime quantum potero uiros insequens, si dijs libuerit. Hec loquutus, ubi tesseram iussisset, Iupiter seruator & dux, profectus est. Pergensque medius inter currus thoracibusque armatos, cum aliquos eorum uidisset qui essent in ordinibus, tum dixisset: O uiri, quam mihi iucundum est spectare facies uestras. tum item inter alios dixisset: Certè cogitatis, ô uiri, nunc esse certamen non solum de hodierna uictoria, uerum etiam de illa quam antea uicistis, ac de omni felicitate. inter alios uero adueniens dixisset: O uiri, post hunc diem nunquam amplius dii erunt accusandi: tradiderunt enim nobis multorum magnorumque bonorum possessionem. Verum, ô uiri, simus fortes. Inter alios rursus uerbis huiusmodi usus esset: In quem unquam meliorem fructum atque lucrum inuicem nos adhortemur, quam hoc tempore? Nunc enim licet, si fortiter egerimus, res multas ac bonas inuicem nobis afferre. Inter alios item ita loquutus esset: Non estis nescij uiri, ut arbitror, nunc proposita esse præmia, uictoribus quidem fugare et interficere, bona habere, laudari, esse liberis, imperare: at uictis, uidelicet horum contraria. Qui igitur seipsum amat, mecum pugnet. Ego enim nullum, neque malum, neque turpe exemplum ultro præstabo. Cum uero esset inter eorum aliquos, qui antea unam pugnascent, dixisset: Ad uos, ô uiri, quid dicere oportet? Scitis enim

enim & qualem uiri fortes diem agunt in pugnīs, & qualem ignaui. Vt eò autem præteriens uenit ubi Abradatas erat, Abradatas quidem stetit, aurigæ habenis traditis, Cyrumq; adiit. Accurrerunt etiam alij qui propè erant constituti, & pedites & agentes currus, inter quos præsentis Cyrus ita dixit: Deus immortalis Abradata, quemadmodum tu rogabas, & te & tuos dignatus est socijs anteferre. Tu uerò hoc memineris, oportere te nunc dimicare, quoniam Persæ & spectabunt uos, et qui uos sequuntur, neq; patientur solos uos certare. Ad quem Abradatas respondit: At res nostræ Cyre uidentur mihi pulchrè habere, sed transuersa me sollicitum reddunt, quoniam obliqua hostium cornua uehementer uideo porrecta, & curribus & omni fariam acie. A nobis autem nihil aduersus eos aliud contra est ordinatum, quàm currus. Quare ego nisi fortè cepissem hunc ordinem, puderet me hic esse: usque adeo mihi uideor esse in tuto. Ad quæ Cyrus inquit: Verum si apud te res bene habent, de illis esto bono animo. Ego enim tibi pro diuina ope hæc hostium obliqua cornua deserta reddam, ac tu non prius impetum feceris aduersus hostes, deos testor, quàm fugientis aspicias hos quos nunc metuis. Huiusmodi sanè uerba iactabat Cyrus cum pugna futura esset, præsertim cum non esset admodum iactator. Cum sanè uideris, inquit, hosce fugientis, & me adesse arbitrare, & tu impetum fac in hostes. Etenim tu & aduersarijs tum utaris ignauissimis, & socijs tuis fortissimis. Sed donec tibi adhuc ocium est Abradata, omnino immittens intra currus tuos, hortare tuos ad inuadendum, uultu fiduciam his injiciens, et spe metum leuans. Quò autè eorum qui sunt in curribus fortissimi appareatis, contentione ijs injcito.

Etenim bene nosti, si hæc bene fiant, omnis dein dicturos reliquum nihil esse uirtute fructuosius. Itaque Abradatas ascenso curru immittebat, hæc q̃ faciebat. Cyrus autē rusus transiens, ut uenit ad læuum cornu ubi Hystaspas habebat Persarum equitum dimidium, eum nomine uocans, inquit: O Hystaspa, nūc opus uides dignū celeri tua actione. Nunc enim si anteuertemus hostes interimēdo, nostrū moritur nemo. Ad quem Hystaspas arridens, inquit: Verū de his qui nobis obiecti sunt, curæ mihi erit: sed de his qui sunt à latere, alijs impera, quò neque hi sint ociosi. At ego, inquit Cyrus, aduersus hosce ipse sum transiturus. Tu uerò Hystaspa hoc memineris, cuicumq; nostrū uictoriam Deus dederit, si quid usquam hostile sit, aduersus pugnantis semper contendamus. Quæ loquutus procedebat. Sed ubi uenit ad latus, et ad principem curruum qui hic erant, ad hunc dixit: Ego quidem uenio uobis auxilium allaturus. Sed quando senseritis nos inuadentis ad summum, tum etiam uos enitemini simul per hostis immittere. Longè enim tutiore in loco futuri estis si extra fueritis, quàm si intus offendamini. Et ubi item transiens uenit retro post carpenta, Artagerse Pharnuchoq; iussit, ut habentes millenarium ordinem Persarum, tantundem etiam peditum, & tantundem equitum, eo manerēt in loco. Sed ubi senseritis me inuadere eos qui sunt ad dexterum cornu, tum etiam uos eos inuadite qui uobis aduersi sunt. Pugnabit autem aduersus cornu, quæ acies imbecillior est: & cum phalange, ut eatis ualidissimi. Atque sunt, ut uideatis, hostium equites ultimi, omninoq; immittite aduersus eos camelorum ordinem. Neque uos lateat fore, ut prius etiam quàm pugnetis ridiculos spectetis hostis esse. Atq;

Cyrus

Cyrus quidē his actis, ad dexterū cornu transit. At Cræsus iam propius esse arbitratus hostiū phalanga, tum aciei qua cum ipse unā pergebat, cornibus protensis signum sustulit, ne amplius sursum pergerent, sed ibi in loco conuerterentur. Vt autē steterunt è regione, respicientes ad Cyri aciem, signum his dedit pergendi aduersus hostes. Et ita appropinquauerūt tres phalanges Cyri exercitui, una ad faciem, duæ uerò altera ad dextrum cornu, altera ad læuum. Quo factū est, ut toti Cyri exercitui inijceretur metus. Quemadmodū enim paruus laterculus in magno positus, ita etiam Cyri exercitus undiq; circumdabatur ab hostibus, & equitibus, & militibus, & scutatis, & sagittarijs, & curribus, præterquam à tergo. Veruntamē Cyrus posteaquam præcepit, conuersi sunt omnes è cōspectu ad uersus hostes. Eratq; undique permultum silentium, quoniam de futuro euentu uererētur. Sed posteaquam uisum est Cyro tempestiuū, pæana canere coepit, constrepuitq; uniuersus exercitus. Post hoc uerò & Martem simul lætis uocibus conclamarunt: & Cyrus surrexit, continuoq; cum equitibus latēs transuersos hostes, obuius ipsis factus manum conseruit: quem pedites instructi cōtinuò sunt secuti, atque hastas hinc indeq; concutiebant, adeò ut longè esset superior. Cum sua enim phalange adortus est cornu, quo factum est ut hostes uehementer in fugam uerterentur. Vt autem sensit Artagersas Cyrum esse in opere, inuadit etiam ipse ad læuum cornu præmissis camelis, ut iusserat Cyrus. Equi uerò eos camelos ex loco admodum multo non expectauere, sed alij ob stuporem fugiebant, exiliebant alij, alij uerò inuicem concidebant. Talia enim equi à camelis patiuntur. At Artagersas suos habens in-

structos aduersus turbatos incubuit, currusq; immisit in dexterum simul atq; in læuum cornu. Cumq; multi eos fugerent currus, ab his interempti sunt qui sequebantur ad cornu. Multi etiam hosce fugientes, capiebantur à curribus. Atque Abradatas minimè amplius tardabat, quin potius clamitans, Viri amici sequimini, immittebat equis minime parcens, sed eos stimulo uehementissimè cruentans: simul etiam impetum fecerunt alij curruum ductores. Et currus quidem hostiles eos continuo fugiebant, alij eos capientes qui gressu essent segniores, alij uerò post se relinquentes. At Abradatas ex aduerso per eos in Aegyptiorum phalanga impetum facit, & cum eo unà etiam inuasere qui proximè erant ordinati. Et cum multis alijs in locis patet, non esse phalanga ualidiorem, quàm cum fuerit congregata ex amicis socijs, tum hoc etiam in loco perspicuum fuit. Nam & eius sodales & commensales unà fecerunt impetum. At alij aurigæ ut uiderunt Aegyptios multo globo sustentis, declinarunt aduersus fugientis currus, eosq; sequebantur. Milites autè Abradatæ quàm immiserant, tantquam Aegyptij separari non possent propter illos à quibus hinc atque illinc circundabantur, alios rectos temone equorum percutientes conuertebant, alios uerò cadentis capiebant, & ipsos, & arma, & equos, & rotas. Quem autem falces corripuissent, omnia ui incidebant & arma, & corpora. In hoc autem inenarrabili turbine ex multis fària coaceruatione exilientibus rotis excidit Abradatas, atque alij eorum qui unà inuadebant. Et hi quidem cum hinc fortis sese uiros præstitissent, trucidati sunt et interempti. Persæ autem concursu factò, quàm Abradatas unà cum suis adortus fuerat, irruebant, turbatosq; illos enecabant: quàm uerò

uerò Aegyptij, nihil mali passi sunt. Erat autē magna horum multitudo, qui obuij Persis concedebant. Itaque hic terribilis erat pugna & lancearum, & tragularū, & gladiorum: ac praeualebant quidem Aegyptij, tum multitudine, tum etiam armis. Nam & lanceas ualidas ac longas nunc etiam habent. Et clypei multò magis quàm thoraces & crates tum tegunt corpora, tum ad urgendū adiuuāt, cum ad humeros sunt. Clausis igitur clypeis procedebāt, urgebantq;. At Persae eos sustinere non poterant, ut qui in summis manibus haberent cratis, sed pedē referebant percutientes percussiq;, quousq; sub machinis fuerunt. Huc uerò ubi uenissent, percutiebantur rursus à turribus Aegyptij, & inter omnes nō sinebant sagittarios fugere, neque iaculatores, sed intensis gladijs cogebant et sagittare, & iaculari: multaq; erat uirorum nex, permultus armorum omnisfariamq; missilium fragor, multus etiam clamor aliorum se inuicem reuocantium, aliorum adhortantium, aliorum item deos immortalis implorantiū. At Cyrus hic insequens hostes proximos aduenit: qui ut Persas uidit è loco motos, & doluit plurimum, & cognoscens nullo pacto celerius posse hostis cōtinere ne ulterius procederēt, quàm si post eorum terga immitteret, ijs quos secum habebat sequi iussis, post eorum terga immittebat, in eosq; irruentes Persae inopinatos percutiūt, interimuntq; permultos. Quod Aegyptij ut senserunt, et clamabant hostis esse post terga, & inter uulnera conuertebantur, atq; hoc loco mixtim praeliabātur & equites & pedites. Quidam uerò cum cecidisset, fusus à Cyri equitatu pessundatusq;, gladio Cyri equum ferit in uentrem. Equus autem ob id uulneris intolerabili dolore agitatus, Cyrum excutit. Hic

igitur nosse quis possit, quanti sit faciundum ut princeps ametur à subditis. Continuo enim clamorem sustulerunt omnes, incumbentesq; pugnabant, urgebāt, urgebantur, percutiebant, percutiebantur: desiliensq; ex equo unus ex Cyri ministris, tollit eum in equum suum. Ut autē Cyrus ascendit, despiciebat undiq; iam Aegyptios percuti. Etenim Hystaspas iam aderat unā cum Persarū equitatu, simulq; Chrysantas. Verūm hos nondum sinebat irrumperere in Aegyptiorum phalanga, sed ut extrinsecus sagittas iaculaq; torquerent, iubebat. Ut autē immittens uenit inter machinas, uisum est ei ut aliquis in turres ascenderet, speculareturq; sicubi adhuc aliud quicquam hostium maneret ac pugnaret. Qui cum ascendisset, campum despexit refertum equis, hominibus, curribus, fugientibusq; & uincens ac uictis: manens autem quicquam nusquam despicere amplius poterat, præter exercitū Aegyptiorum. Hi uerò quoniam difficulter haberent, undique facto circulo ut arma uiderentur, sub clypeis sedebant, faciebantq; amplius nihil, patiebantur autem & multa & graua. Admiratus autē eos Cyrus commiseratusq;, quod uiri fortes cū essent, perierant, retraxit eos omnis qui circum illos præliabantur, pugnareq; neminem amplius sinebat: mittitq; ad eos caduceatorē percunctatum, utrum uelint omnes ne propter eos perire, à quibus proditi fuerint, an qui fortes esse uideantur seruatū iri. Ad quem responderunt Aegyptij: Quonam pacto nos seruemur, si uiri fortes uidemur esse? Cyrus autē rursus dicebat: Quoniam nos uidemus uos solos, qui maneatis uelitisq; pugnare. Sed deinceps dixerunt Aegyptij: Quid honesti faciamus ut seruemur? Et Cyrus item ad hoc respondit: Si ita

seruemi-

seruemini, ut & sociorum prodatis neminem, & arma nobis tradatis, & amici his sitis qui eligunt uos saluos facere, cum liceat perdere. Quæ illi audientes interrogabant: Quòd si in tuam amicitia ueniamus, ad quid uti nobis dignum existimabis? Ad quos Cyrus respondit: Ad beneficium ultro citroq; conferendum. Et rursus Cyrum interrogabant Aegyptij: Ad quod beneficium? Ad hoc, inquit Cyrus: Stipendij quidem plus uobis dem, quam nunc accipitis, quandiu sit bellum. Facta autem pace, qui uestrum manere apud me uoluerit, huic ego & regionem dabo, & urbes, & uxores, & famulos. Quibus Aegyptij auditis, precati sunt ut sibi negocium auferret gerendi belli aduersus Croesum. Huius enim solius misereri se dixerunt. Alia uero paciscentes fidem dederunt, atq; acceperunt. Hinc & Aegyptij qui tum resisterunt, hoc etiam tempore fideles erga regem perseuerant. Et Cyrus his urbes dedit alias sursum, quæ ipsæ hodie quoq; urbes Aegyptiorum uocantur, Larissam, ac Cyllenem, quæ trans Cymen posita est prope mare, quas quidem urbis hac etiam tempestate habent eorum posteri. Cyrus his rebus gestis iam per tenebras rediens, in Thymbraris locauit castra. In hac autem pugna Aegyptij ex hostibus claruerunt. Ex Cyri quidem equitatu, Persarum equitatus uisus est optimus extitisse: quare nunc quoque armatura permanet, quam Cyrus tum est equitibus fabricatus. Vehementer etiam claruerunt currus falcati: quare hoc genus bellandi, hoc etiam tempore permanet ei semper qui regnat. At cameli solū equis metui fuere. Nec enim equites qui in his erant, interempti sunt, nec item ipsi ab equitibus. Nullus enim equus propè factus est: atq; utile esse uidebatur. Sedenim

neq; alere camelum uelit uir honestus & bonus uehendi gratia, neque meditari ut ab his sit pugnaturus. Ita igitur rursus suo recepto habitu, degunt inter impedimentaria iumenta. Atq; Cyri milites ubi cœnassent, custodesq; posuissent, ut par erat, somno se dederunt. At Crœsus quidē continuò fugit Sardis unà cum acie. Nationes autem aliæ quò poterant, quamlongissimè noctu per uiam singuli abscessere, quæ domum duceret. Sed ubi dies illuxit, continuò Cyrus exercitum egit Sardis: qui ubi uenit ad murum ipsius urbis, tum machinas erexit ut muro apponeret, & parabat scalas. Quæ faciens, per ea quæ esse uidebantur ardua ac difficilima Sardianorum munimenta, sequenti nocte Chaldæos sursum atque Persas tollit. Ductor ijs fuit Perses, qui seruus fuerat cuiusdam eorū qui in arce erant præsidio, quiq; didicerat & descensum in flumen & eundem ascensum. Quod ubi factum est, arx uidelicet capta est: quare Lydi omnes quò poterant, singuli à muris fugiebant. At Cyrus simul cum die in urbem est ingressus, præcipiens moueri neminem ex ordine suo. Crœsus uerò in regia clausus, Cyrum clamabat. Cyrus uerò Crœsi custodes reliquit. Ipse autem abiens ad captam arcem, ut uidit Persas, ut par erat, custodientis arcem, Chaldæorū autem arma sola (decurrerant enim, ut rapinam bonorum facerent ex ædibus) continuò eorum principibus conuocatis, ait ut quamprimū abirent ex acie. Non enim, inquit, contineri possem, intuens auiditatem intemperantiū. Scitis enim uos esse à me paratos, ut mecum militantes Chaldæis omnibus laudabiles redderem. Nunc uerò nolite mirari, si quis melior etiam uobis abeuntibus ijs incidat. Quibus Chaldæi auditis, & metuerunt & orauerunt ut irasci

desineret, seq; raptas res omnis datum ire dixerunt. Ad quod Cyrus respōdit, ijs sibi nihilo opus esse. Quod si me uultis ab ira desistere, reddite res istas omnis quas accepistis arcem custodientibus. Nam si alij milites senserint eos plus habere qui ordinem seruauerint, omnia mihi bene sunt habitura. Et Chaldaei quidem ita fecerunt ut iussit Cyrus, acceperuntq; obediētes, & multas omnisq; generis pecunias. Cyrus autē ut suorum castra ibi posuisset, ubi existimauit locum esse urbis aptissimum ad manendum in armis, praecepit ut pranderent. His autē rebus gestis, iussit Crœsum agi ad sese. At Crœsus Cyrum ut uidit: Salue, inquit, here: hoc enim fortuna & habere posthac dat tibi, & mihi appellare. Et tu quidem Crœse, inquit Cyrus, salue: quoniam uterq; homines sumus. Ceterum Crœse, inquit, num mihi uelis consulere? Vellem equidem, inquit, Cyre boni aliquid tibi inuenire: hoc enim existimarē mihi quoq; bonum fore. Audi igitur, inquit, Crœse. Ego enim uidens multū milites laborasse, ac multa pericula subisse, & nunc existimare habere urbem, quæ post Babylona ditissima sit in Asia, dignū puto prodesse militibus: quippe qui futurum norim, si minus fructum aliquem laborū ceperint, ne eos possim habere diutius mihi obtemperantis: & nolo equidem pati, hi urbem diripiant. Nam & urbs, mea sententia, periret, & in rapina qui maximē sunt improbi, ditarentur. Quæ Crœsus audiens, dixit: At sine me dicere ad quoscunq; uelim Lydorū, me abs te impetrasse rapina ne fiant, neque te sincere pueros mulieresq; perdi: quodq; tibi pollicitus sum, pro hisce rebus fore à Lydis ultro, quicquid & pulchri & boni sit in Sardibus. Si enim hæc audient, futurum scio ut afferant quicquid hic possis

Artes bono-
rum fontes.

detur pulchrum & uiro & mulieri: at rursus in sequentē annum urbs tibi referta sit multis pulchrisq; rebus. Quòd si eam diripueris, artes quòque quas bonorum fontes esse aiunt, corrumpentur. Præterea licebit tibi, si hæc uideas, etiam cum ueneris de rapina consultare. Primum autem mitte ad thesauros meos, & eos custodes tui à meis custodibus accipiant. Hæc igitur Cyrus omnia consensit ita faciunda, ut Croesus dixerat. Hæc autē, inquit, Croese mihi dicito omnino: Quomodo euenerunt quæ Delphicū dixit oraculum? Dicitur enim Apollo tibi ualde obsecutus, teq; gessisse omnia ab illo persuasum. Vellem equidem, inquit, Cyre ita habere. Nunc autem secus omnia cōtinuò agens ab initio, consului Apollinem. Quomodo? inquit Cyrus, dece me. Incredibilia enim admodum narras. Quoniam primū, inquit, interrogare deum negligens si qua re egerem, tentauī eum an posset uera loqui. Hoc autē non deus solum, uerum etiam homines honesti ac boni, cum norint fidem sibi minus haberi, nō amant incredulos. Vbi igitur nouit me facere admodum absurda, qui longē abessem à Delphis, ita demum mitto de filiis cōsulens. Ille autē mihi prius nō respondit, sed ubi ego multis oblationibus aureis misissis, multis etiam argenteis, permultis item sacrificijs actis placui cum aliquando, ut mihi uidebatur, tum tandem mihi respōdet percunctanti, quidnā facere me oporteret, quò mihi essent filij. Ille dixit, fore ut haberem. Et nati sunt quidem: neque enim hoc mentitus est. Hi uerò cum mihi nati sunt, nihil profuere. Nam alter mutus esse perseuerauit, qui autē erat optimus, periit in ætatis flore. Pressus autem cladibus filiorum, mitto iterum, atq; deum rursus cōsulo, quidnam essem factururus, quò reliquū tem-
pus

pus uitæ quam felicissimè degerẽ. At ipse respõdit: Ipsum se ipsum nosse,
 te noscens, es felix Cræse futurus. Vbi uerò oraculo audi felicitas.
 to letatus essem (putabam enim eum mihi felicitatẽ dare,
 quod facillimum esset imperando. Alios enim cognoscere,
 quosdam fieri quidem posse, quosdam uerò non posse: se
 autem ipsum quĩ sit, unumquenq; existimabam hominem
 nosse) omne deinceps tempus usque quietem habui, nihil
 de infortunijs quærens post filij mei mortem. Sed ubi sum
 ab Assyrio persuasus aduersus uos exercitum ducere, in
 omne ueni periculum, & seruatus sum sanè nullo malo ac
 cepto. At ne propter hæc quidẽ deum incuso. Cum enim
 meipsum nossem, non satis esse qui aduersus uos pugna-
 rem, tutò abiui unà cum deo & ipse & mei. Nunc rursus
 & à præsentium diuitiarum delitijs insolentior factus, &
 ab ijs qui me rogabãt ut bellum gererem, & à muneribus
 quibus me donabant, & ab hominibus qui mihi assentan-
 tes dicerent: Si imperare uellem, futurum ut omnibus in
 rebus mihi parerent, foremq; hominum maximus. Huius-
 modi tandem uerbis inflatus, ut omnes undiq; reges belli
 præfectum me legerunt, suscepi imperium tanquam satis
 essem qui maximus fierem: certe meipsum ignorãs, quòd
 existimarem me satis esse, qui aduersus te bellũ gererem:
 primũ quidẽ quòd ex dijs immortalibus genitus sis, dein
 quòd ex regibus oriundus, demum uerò quòd abusq; pue-
 ro uirtutem exercueris. Maiorum autem meorum audio
 primum qui regnauit, & regem simul fuisse & liberum.
 Hæc igitur cum ignorarim, iure, inquit, optimo pœnam
 do. Verũm nũc tandẽ Cyre meipsum cognosco. Tu uerò
 etiam ne putas uerum dicturum Apollinem me felicẽ fo-
 re, si meipsum noro? Te autem propter hanc rem inter-

rogo, quoniam mihi optimè uideris hoc ipsum nunc coniectare, potes enim facere me felicem. Et Cyrus respondit: Consilium mihi da Crœse hac de re. Ego enim cogitans priorem tuam felicitatem, & misereor tui, & reddo tibi uxorem habendam quam habes & filias. Audio enim esse tibi & amicos, & famulos, & mensam qua cū unā uiebatis. Pugnas uerò tibi bellaq; aufero. Medius fidius nihil igitur, inquit Crœsus, mihi tu adhuc consultas eripere de mea felicitate. Ego enim tibi iam dico, si hæc mihi feceris quæ dicis, hanc me, quam et alij felicissimā uitam existimabant, & ego cum his sentiebam, esse nunc etiā acturum. Et Cyrus inquit: Quis igitur est qui habet hanc uitā beatam? Mea uxor, inquit, ô Cyre. Illa enim & bonarum, & mollium, & letarum omnium rerum æquē atque ego erat particeps: curarū uerò ut hæc forent, & belli & pugnæ particeps nō erat. Ita igitur tu quoq; parare me nūc uideris, quemadmodum ego illam quammaximè omnium hominū amabam. Itaq; mihi uideor Apollini debere alia munera. Cuius uerba Cyrus cum audisset, admiratus est animi eius tranquillitatem. Itaq; deinceps eum quacumq; ipse pergeret ducebat, siue quòd eum usui cuiquā sibi esse existimaret, siue quòd etiam tutius ita censeret. Et tum qui dem ita quieti se dederunt. Postridie uerò Cyrus uocatis amicis & exercitus ducibus, alios eorum constituit ut thesauros acciperent, alijs iussit ut quascumq; pecunias Crœsus traderet, primū dijs immortalibus eligerent quas Magi interpretarētur: deinde alias pecunias quas acciperēt, eas in arcis locatas, in plaustis ut portarēt quocumq; ipsi pergerent, ut ubi tempus foret, singuli caperent portionē suam. Et hi quidem hæc faciebant. At Cyrus uocatis quibusdam

busdam ex presentibus ministris: Dicite mihi, inquit, uidi ne uirū quisquam Abradatam? Miror enim quòd cum antea iret ad nos frequenter, nunc nusquam apparet. Ad quem respondit unus ex ministris: Quoniam here ille nō uiuit, sed mortuus est in pugna, cum in Aegyptios currū immisisset. Alij uerò, exceptis eius sodalibus, ut aiunt, effugerunt ubi globum uidissent Aegyptiorum. Et nunc dicitur eius uxor mortuum sustulisse, imposuisseq; in carpentum in quo ipsa uehebatur, atq; eum portauisse quendam hic in locum ad Pactolum flumen, feruntq; eius spadones ac famulos fodere loculum mortuo quodam in tumulo. Dicunt etiam eius uxorem humi sedere ornatam quibus uirum ornatat, habereq; caput eius in genibus. Quibus Cyrus auditis, femur sanè percussit, continuoq; equo ascēso, assumptisq; equitibus mille, immisit ad luctum. Iussit præterea Gadatæ & Gobryæ, ut quantum possent acceptum pulcherrimum ornatum, ad uirum amicum & bonū qui diem obisset transferrēt. Et qui haberet armenta sequentia & boues & equos huic dixit, simulq; pecudes multas ageret ubicunq; se esse audiret, quò ea Abradatæ immolarentur. At ubi uidit Abradatæ uxorem humi sedere, ac mortuum iacere, & collachrymatus est propter dolorē, & ait: Heu ô bona atque fidelis anima, abis nunc nobis relictis? simulq; eius dextram capiebat, atque manus mortui secuta est: abscisa enim mucrone fuerat ab Aegyptijs. quod Cyrus intutus, multo etiā mœstior fuit. Et uxor Panthea eiulabatur: exceptaq; tum à Cyro, & eam est manū osculata, & loco suo, ut fieri potuit, rursum coaptauit, dixitq;: Et alia quidē Cyre ita habent, uerū quid aspicere oportet? & hæc, inquit, scio illū propter me nō minima

passum esse, neque fortasse minus propter teipsum Cyre. Nam & ego stulta multum sum eum hortata ita faceret, ut tibi amicus appareret dignus memoratu: & idem ipse certo scio, non hoc cogitabat ut mihi obtemperaret, sed ut aliquid faciens gratificaretur tibi. Etenim ipse quidem probe diem obiit, ego uero quæ eum hortata sum, uiua assideo. Atque Cyrus aliquantum temporis tacens collachrymauit, dein ita est locutus: Verum hic, ô mulier, pulcherrimum finem habet: nam diem obiit uictor. Tu uero hisce à me acceptis eum adornato. Aderant autem Gobryas Gaddatasq; multum ferentes pulchrumq; ornatum. Dein inquit: Scito ne alijs quidem in rebus istum inhonoratum fore, sed etiam monumentum multi nostrum pro dignitate in tumulum erigent, eiq; immolabuntur quæcunq; par est uiro fortissimo. Neq; tu etiam eris orbata. Nam ego te & pudicitie & omnis uirtutis gratia, cum alijs in rebus honorabo, tum constituam qui te portet quocunq; ipsa uolueris. Tu solum mihi declarato ad quem uelis portari. Et Panthea inquit: Verum bono animo esto Cyre, nequaquam tibi occultabo ad quem ire uolo. Et Cyrus hæc locutus, abiit commiseratus & mulierem, quod tali uiro orbata esset: et uirum quod talem uxorem cum reliquisset, non amplius eam esset uisurus. At Panthea spadonibus quidem iussit secederent, donec, inquit, hunc ego pro uoluntate eiuler. Nutrici autem dixit ut expectaret, eiq; iussit ut cum mortua esset, & sese & uirum in uno uelaret uestimento. At nutrix cum multum eam supplex precata esset ne hoc faceret, posteaquam nihil perficeret, uideretq; eam grauius ferre & permolestè, flens sedit. At Panthea acinace, quem gladium diu parauerat, seipsam iugulauit, & imposito

sito suo capite super uiri pectore, mortua est. At nutrix
& uociferabatur, & uelauit ambos, quemadmodum Pan-
thea iusserat. At Cyrus ut sensit mulieris opus, exterritus
ad eam it, si quid auxilij posset asferre. Sed spadones quod
factum erat intui, tres ut erant, ipsi quoq; districtis acina
cibus ibi se iugularunt, stantes ubi eos iusserat. Et hac tem-
pestate hucusq; monumentum spadonum tumultum di-
citur: & in superiore columna uiri uxorisq; nomina in-
scripta esse dicunt Syris literis. Deorsum tris esse dicunt
columnas, easq; sceptriferorū inscriptionem habere. At
Cyrus ut ad eam cladem appropinquauit, & admiratus
mulierem, & questus abiit. Et horum quidem pro digni-
tate diligentia habuit, ut consequerentur honesta omnia,
& monumentum magnum surrexit in tumulum ut perhi-
bent. Exhinc cum seditiones inter Caras ortæ essent, et hi
inuicem bellum facerent, ut qui habitaret in munitissimis
castellis, utrique Cyrum implorarunt. At Cyrus Sardibus
ipse manens, machinas fecit & arietes, ut eorum muros
solo æquaret qui parere nollent. Cadusium uirum Persen
& alij in rebus neque insipientem neque imbellem, præ-
terea admodum gratiosum, dato ei exercitu mittit in Ca-
riam, quo cum & Cilices & Cyprij admodū impigrè in
expeditionem profecti sunt. Quapropter haud misit un-
quam Persen satrapen, neq; Cilicum, neque Cypriorum,
sed satis erant ei semper indigenæ reges. Tributum quidē
capiebat, & expeditiones cum opus esset his iubebat. Ca-
dusius autem acto agmine uenit in Cariam, & ab utrisq;
Caribus ad eum assuere, qui dicerent se paratos esse, qui
eum admitterent in oppida, in detrimentum contrariæ fa-
ctionis. At Cadusius ad utrosque hæc faciebat, iustioraq;

aiebat hos dicere cum utrisque loqueretur, dicebatque
 oportere aduersarios latere quod ipsi sui amici essent, ita
 enim fore ut magis imparatos adoriretur aduersarios, ro-
 gabatque ut fidem darent. Et Cares quidem iurati sunt et sine
 dolo se eos recipere in castella, et ad Cyri Persarumque uti-
 litate. Ipse quoque iuratus est sine dolo in castella ire, et ob-
 suscipientium bonum. Hæc cum ambobus fecisset, clam
 utrisque eadem nocte pepigit, et hac ipsa nocte in castella in-
 filijt, et amborum munimenta cepit: simulque facto die se-
 dens in medium cum exercitu, uocauit utrorumque tempe-
 stiuios. Ii uero intuiti sese inuicem grauius rem tulerunt, exi-
 stimantes utrique se deceptos. Et Cadusius quidem in hunc
 modum locutus est: Ego uobis, o Cares, iuratus sum sine do-
 lo ingredi in castella, et propter bonum suscipientium. Si
 quidem igitur perdidero uestrum alterutros, puto ob Ca-
 rum ipsorum malum ingressus esse. Sin pacem uobis fecero
 ac securitatem, ut utrique agrum colatis, arbitror me uobis
 adesse propter uestram utilitatem. Nunc decet ab hoc die
 et amicè inuicem uos misceri, et sine ullo metu colere a-
 grum uestrum, dareque et accipere mutuò liberos. Quod
 si præter hæc quisquam uestrum iniuriam tentet, hisce et
 Cyrus et nos hostes erimus. Exhinc portæ castellorum
 apertæ sunt, et uia plenæ proficiscentium inuicem: referti
 etiam campi cultoribus, festos dies publicè agebant, pacis
 ac lætitiæ omnia erant plena. Per id temporis uenerunt ad
 Cyro nuncij, rogantes si quid aut exercitus indigeret, aut
 machinamentorum. Cadusius uero respondit, præsentem etiã
 exercitu aliò uti licere: simulque hæc dicens abduxit exerci-
 tum, præsidij relictis in arcibus. At Cares precabantur
 eum ut maneret. Qui ubi noluit, miserunt ad Cyrum ro-
 gantes,

gantes, ut Cadusium mitteret sibi satrapen. Hoc tempore Cyrus Hystaspam misit cū exercitu aduersus Phrygiam, quæ adiacet Hellesponto. Vbi uerò Cadusius uenit, ei iussit exercitum traduceret quā Hystaspas processerat, quò magis parerent Hystaspæ, si audissent alium exercitū aduentare. Igitur Græci qui ad mare incolunt, multis muneribus datis, conuenerunt intra castella barbaros non excipere, sed tributū soluere, & in expeditionem ire quò Cyrus iuberet. At Phrygū rex parabatur, ut munita castella contineret minimeq; pareret, atq; iussit ita. Sed ubi ab eo ductores defecerunt, ac solus relictus est, tandem in manus uenit Hystaspæ à Cyro iudicandus. Et Hystaspas relictis ualidis Persarum præsidij in arcibus, abiit suos milites secum ducens, ac Phrygum multos equites scutatos. At Cyrus iussit Cadusio, qui coniunctus Hystaspæ fuerat, ut hos Phrygas qui res suas legissent, armatos ageret: qui uerò belligerare cupissent, his iuberet ut ablatis equis & armis, omnes se funditores sequerentur. Et hi quidē hæc faciebant. At Cyrus mouebat ex Sardibus, ibi relicto magno peditū præsidio, habebatq; secum Croesum, & multa agebat plaustra multarum & omnis generis pecuniarū. Veniebat etiam Croesus scriptas habens pecunias, quæcūq; erāt in singulis plaustris: scriptisq; Cyro datis, Hæc, inquit, habens Cyre, noris & qui tibi rectè pecunias reddiderit quas agit, & qui id minus. Ad quē Cyrus respondit: Verūm tu quidē Croese pulchrè facis qui provideas. Mihi sanè pecunias sunt acturi, qui etiā eas habere digni sunt: quare si uel furati quid fuerint, sua furabūtur. Quæ simul dicēs, dedit ea scripta amicis ac principibus, quò scient tutores siue saluas eis redderent pecunias, siue non.

Cyrus

Cyrus etiam Lydos quos intueretur ornatos & armis & equis & curribus, quiq; eniteretur facere omnia quæ putarent ipsi gratificari, hos ducebat armatos: quos uerò intuebatur non libenter sequi eorū equos, illis tradidit Persis qui primum unà militarant. Arma uerò concremauit, & hos quoque coëgit fundas habere ac sequi, atque inermes omnis qui serui fuerant, fundam coëgit meditari, putans hoc genus armorum esse maximè seruile. Nam unà cum alijs uiribus funditores si adsunt, ualde quādoq; prosunt: ipsi uerò soli, ne omnes quidē funditores expectent paucos admodum obuios factos cum armis, quibus cominus pugnatur. Cyrus autē cum uia procederet qua itur Babylona, subiugauit & Phrygas qui in magna sunt Phrygia: subiugauit etiam Cappadocas, & fecit Arabas mancipia, quorum omnium armis Persarum armauit equites non paucioris quadraginta millibus. Multos item equos captiuorum omnibus quoq; socijs tribuit. Venitq; ad Babylona multos equites ducens, permultosq; sagittarios iaculatoresq;, ac funditores innumeros. Cumq; esset prope Babylona Cyrus, locauit circū urbem aciem uniuersam. Dein ipse equitauit circum urbem unà cum amicis atque tempestiuis sociorum. Sed ubi muros intutus est, parabat ab urbe exercitum abducere, cum transfuga quis egressus ait, futurum ut hostes eum adorirentur, cum exercitū abduceret. Iis enim à muro despicientibus, phalanx, inquit, uisa est imbecilla. Et minimè mirum erat ita habere. Nam cum circundarent murum, qui multus esset, necesse erat phalanga non admodum esse confertam. Hæc Cyrus ubi audiuit, stans in mediū sui exercitus unà cum ijs quos circū se haberet, iussit militibus grauis armaturæ, ut ab utraque

que

que summitate duplicantes phalanga abirent præter stantem aciem, quousq; summitas utrinq; ad se perueniret & ad mediũ ipsum. Sic igitur his facientibus, & hi qui manebant continuò redditi sunt audentiores, cum duplicati essent densitate aciei, & qui abibant itidem magis audebāt. Continuò enim qui ex his manerent, fuerunt aduersus hostes: cum uerò proficiscentes utrinq; summitates coniunxerunt, constitere ualidiores effecti, & qui abierant propter anteriores, & anteriores propter eos qui posteriores iam essent. Duplicata autem hoc pacto phalange, necesse est & primos & ultimos esse fortissimos, in medio uerò ignauissimos esse positos. Ordoq; habens hoc pacto, & ad pugnandum uidebatur bene paratus esse, & ad minime fugiendum. Equites uerò ac uelites à cornibus fiebant propius principem semper, quanto phalanx duplicata confertior fieret. Vbi uerò ita callide dispositi sunt, abiere pedem referentes, donec extra missilia facti sunt quæ à muro torquebantur. Dein conuersi sunt, ac primũ paucis gressibus factis mutabantur ad clypeũ, ac stabant ad murum respicientes: & quo longius distarent, tanto rariùs mutabātur: sed ubi tuto esse in loco uisi sunt, frequentes abibant, donec ad tabernacula peruenerunt. At ubi castrametati sunt, Cyrus conuocatis tempestiuis ita loquutus est: Viri socij cucurrimus circum urbẽ, equidem quomodo capere quis possit muros adeò firmos altosq; pugnando, mihi uidere non uideor. Sed quò plures homines in urbe sunt, posteaquam pugnatum non exeunt, eò celerius posse fame capere illos puto. Nisi igitur aliũ quenquam modũ habetis quem dicatis, ita uiros obsidentes esse dico. Ad quem Chrysantas respondit: At hoc flu-

men nōne per mediā urbē fluit, cuius latitudo est plus quā ad duo stadia? Ita medius fidius, inquit Gobryas: & profunditas tanta, ut ne duo quidem uiri alter super alterum stantes, supra aquā emineant. Itaq; urbs ualidior est flumine quā muris. Et Cyrus: Hæc, inquit, Chrysanta missa faciamus quæcunq; uiribus nostris præstant. Dime tiri autem nos quamplurimum oportet partem cuiusque nostrū, atq; fossam fodere quamlatissimam profundissimāq; quò nobis paucissimis custodibus opus sit. Sic igitur dimensus circum murum, distans à flumine quantum magnis propugnaculis in altū sublatis satis est, fodit hinc atque inde à muro fossam peringentem, terramq; aduersus seipso iecit. Ac primū quidem turres edificauit in flumine, palmis fundatas longis nō minus quā plectrū: sunt enim maiores natura quā tantæ longitudinis. Et enim palmæ pressæ onere sursum curuantur, quemadmodum curui asini. Has igitur supposuit huius rei gratia, ut maximè uideretur paratus ad obsidendū, quò etiā si diffugeret flumē in fossam, turris ipsas non tolleret. Erexit etiā alias turris super terram coniectam, quò essent quamplurimæ custodiæ. Et hi quidem hæc faciebant. Qui uerò hostes erant in muro, deridebant obsidionem, ut qui res necessarias haberent plus quā uiginti annorū. Hæc Cyrus cum audisset, exercitū distribuit in partes duodecim, quò singulæ partes essent custodituræ singulos anni menses. Rursusq; Babylonij his auditis, multò etiam magis hæc deridebant, animo uolutantes, si Phryges & Lycij & Arabes & Cappadoces se custodierint, quos omnis existimabant mitiore esse in se animo quā in Persas. Ac iam fossæ effectæ erant. At Cyrus quoniam audisset eiusmodi festū esse

esse Babylone, in quo Babylonij omnes uniuersam noctē bibunt, & lasciuis carminibus saltationibusq; indulgent: cum primū hac nocte tenebræ factæ sunt, acceptis multis hominibus aperuit fossas quæ tendebant ad flumē. Quod ubi factum est, aqua in fossas nocte concessit: alueus autem fluminis qui tendebat per urbem, redditus est hominibus permeabilis. Vt autem quod ad flumen pertinet ita paratum est, iussit Cyrus Persis militum tribunis & peditum & equitum, ut ad se adessent agentes ordinem millenariū bini, atque alij socij ad horū caudam sequerentur, quemadmodū antea instructi. quare hi aderant. At Cyrus cum imposuisset in fluminis aridū ministros & pedites et equites, iussit explorarent an solum fluminis incessum pateretur. Quod ubi pati posse nunciarunt, hic peditum equitumq; ducibus conuocatis, talia uerba facit: Viri amicissimi, posteaquam flumen nobis in urbem uiam cōcedit, iam intrō audenter ingrediamur, nihil prorsus metuentes, animo sanē repetētes aduersus quos nūc pergimus, illos esse quos ipsi cum & socios auxilio haberent, & uigilantis omnis & sobrios & armatos instructosq; uicimus. Nunc autē eamus aduersus eos, quo tempore multi horum dormiunt, multi ebrij sunt, omnes etiam imparati. Cum uerō etiam senserint nos intus esse, multò quoque magis quam nunc futuri sunt inutiles, quoniā erunt exanimati. Quòd si quis hoc cogitat, quod iam dicitur formidabile esse, in urbē intrantes, ne in tecta illi ascendentes hinc indeq; feriant, hoc maximè audete. Si qui enim ascenderint super ædes, socium habemus deum Vulcanum. Eorum autē uestibula sunt crematu facilima: ualuæ enim ex palma fabricatæ sunt, bitumineq; tinctæ subadusto. Nos autem rursus

Oratio Cyri.

facem habemus, quæ celeriter admodum ignem parietibus multum etiam picis ac stuppæ, quæ multam flammam inuoluant. Itaque necesse fuerit, ut aut quamprimum fugiant ab ædibus, aut quamprimum comburantur. Sed agite, arma capite, ego uobis unâ cum dijs immortalibus sum dux futurus. Vos autem Gadata Gobrya; uias ostendite: noster enim. Cum uerò intus fuerimus, quamcelerrimè ducite ad ædis regias. Atqui, dixerunt qui erant cum Gobrya, nihil mirandum fuerit. Nam ipsius regie portæ ne clausæ quidem sunt, ut in ebrietatis intemperantiæ; festo: ita enim uniuersa uidetur urbs esse hac nocte. Incidemus autem in uigiles ante fores: sunt enim semper constituti. Non negligendum enim est, inquit Cyrus, sed eundem quò imparatos quammaximè eos uiros offendamus. Vbi hæc dicta sunt, pergebant. Occurrentes uerò, alij percussi interibant, alij rursus intrò fugiebant, alij clamabant. Qui uerò erant cum Gobrya, unâ cum his clamabant tanquam etiam ipsi ebrij essent & incontinentes: euntes; quàm poterant celerrimè, uenerunt ad regias ædis. Et qui erant cum Gobrya Gadata; constituti, regie portas clausas inueniunt. Qui uerò aduersus uigiles fuerant constituti, in eos irruunt bibentis ad multam lucem, eis; continuo hostiliter usi sunt. Vbi autem clamor & strepitus factus est, & qui intus erant tumultum sensissent, rege iubente ut quid res ea esset specularentur, excurrunt quidam, portas; aperiunt. Qui uerò erant cum Gadata ut uiderunt portas patefactas, in eas irruunt, illos; sequentes ac percutientes qui refugiebant intrò, ad regem ueniunt, quem iam stantem districto acinace quem habebat inueniunt. Et hunc sanè milites multi qui essent cum Gadata

¶ Gobrya è medio sustulerunt: his etiam interfectis qui cum eo erant, cum alius aliquid obijceret, alius fugeret, alius repugnaret cui posset. At Cyrus dimisit equitum ordines per vias, iussitq; quos offenderent extrà eos interimerent. Qui autè Syricè loqui scirent, ut intus domi manerent, omnibus proclamarent. Quòd si quis extra caperetur, plecteretur morte. Et hi quidem hæc faciebant. At Gadatas & Gobryas uenerunt, deosq; primùm adorarunt quòd de rege nefario cepissent ultionem: dein Cyri manus ac pedes exosculabantur, multùm simul præ gaudio lachrymantes atque gestientes. Vbi autem dies factus est, & hi qui arces habebat senserunt & urbem captam esse & regem mortuum, arces etiam tradiderunt. At Cyrus arcis quidem continuò accipiebat, in easq; & præsidij præfectos, & præsidium iterum mittebat. Mortuos autem sepelire necessarijs permisit, iussitq; præconibus, proclamarent ut Babylonij omnes arma deferrent. Vbi uerò in ædibus arma offenderentur, iussit ut omnes intus interimerentur. Illi igitur ea detulerunt. Quæ Cyrus in arcis deposuit, quò parata essent si quid unquam illis utendum esset. Quæ ubi gesta sunt, primùm Magos uocauit, ac iussit ut ex urbe bello capta spoliolum primitias dijs immortalibus & delubra eligerent. Exhinc & ædes distribuebat, & principia, his quos existimabat participes esse rerum gestarum. Et ita distribuebat, ut optimè ab optimis tibus est decretum. Quòd si quis iussus esset minus habere, iubebat is ad se iret, ac doceret. Babylonij autè pronunciauit ut terram colerent, tributaq; deferrent, atq; his obsequerentur quibus singuli ipsorum dati essent: quibus etià iussit, ut Persas & eos quibus cum res communis esset,

& socios quicunq; apud se manere decreuissent, ut heros
 quibus obtigissent alloquerentur atq; salutarerent. Exhinc
 cupiēs Cyrus iam parari etiam ipse ut regem decere exi-
 stimabat, ratus est hoc facere oportere una cum amicorū
 sentētia, quò minima cum inuidia & rarus appareret &
 uenerabilis. Quam quidem rem ita molitus est. Vt primū
 dies illuxit, quo in loco putaret esse aptissimum, admitte-
 bat qui loqui aliquid uellet: quem dato responso dimitte-
 bat. Quod homines ut nouerunt, uenere multitudine infi-
 nita, urgentiūq; adire & conatus multus erat & pugna:
 ministri autem quàm poterant habito discrimine, eis adi-
 tum permittebant. Cumq; aliquis ex amicis uideretur tur-
 bam urgere, Cyrus protensa manu eos accersebat, ac dice-
 bat ita: Viri amici, expectate donec uulgus extrudamus,
 dein per quietem congregiemur. Et amici quidem expe-
 ctabant: at uulgus magis magisq; affluebat, donec prius
 uespera anteuertit, quàm ipse cum amicis posset per ociū
 congregi. Igitur Cyrus sic ait: Nunc uiri sanè tempus est
 soluendi, cras autē itote manē, etenim quiddam uolo uo-
 biscum differere. Quæ amici audientes libenter abierunt
 & cursim, cum dedissent poenā à rebus omnibus necessa-
 rijs: & tum quidem ita somno se dedere. Postridie uerò
 Cyrus affuit in eundem locum, quem multò maior homi-
 num multitudo circunstetit, eum adire uolētium, multoq;
 hi prius quàm amici affuere. Cyrus uerò cum magnum
 cōstituisset circulum speculatorum Persarum, iussit nemo
 alius præteriret quàm & amici & principes tum Persa-
 rum, tum sociorum: qui ut conuenerunt, in hunc modum
 ad eos locutus est: Viri amici ac socij, deos quidē immor-
 talis incusare minimè possumus, quòd minus in hāc diem
 egeris

Cyri oratio.

egerimus omnia pro nostris optatis. Quòd si huiusmodi erit res magnas gerere, quò fieri non possit ut neque solus quis uacet, neque letetur cum amicis, ego sanè hanc felicitatem ualere iubeo. Cogitate enim, et heri uidelicet cum manè cœpissimus adeuntis audire, non desuimus ante uesperam: & nunc uidete hosce & alios pluris quàm heri, qui adsunt nobis negocia præbituri. Si quis igitur sese hisce subiiciet, considero futurum ut minimam mei partem uobis faciam, & minimam quoque mihi uestrùm. Ipsius autem mei certò scio ut nulla omnino pars sit futura. Præterea aliam etiã rem ridiculam uideo. Ego enim certè affectus sum uobis uti par est: horum uerò circumstantiũ aut ullum, aut neminem cognoui, & hi tamen omnes parati sunt, ut si urgendo uos uincant, prius quàm uos à me quæ uolunt consequantur. Ego autem dignos rear hos uiros talis, si qua in re mei quis indigeat ut uos colat amicos meos, uosq; ut se abducatis roget. Fortasse quis dicat: Quomodo igitur non ita initio me paraui, sed præstabam potius me in medium? Quoniam intelligebam res bellicas esse eiusmodi, quòd non deceat principem esse inferiorem, neque intelligendo quæ oportet, neque gerendo quæ tempus sit gerere. Nam si imperatores uideant raros homines, existimabam multa eos præterire quæ gerenda sunt. Nunc uerò posteaquam laboriosissimũ bellum cessauit, uidetur mihi dignum esse ut animus meus quietem aliquam consequatur. Quare perinde quasi ambigente me quid sim facturus, quò & nostræ & aliorum res qui nobis debent curæ esse pulchrè habeant, cõsulat quod quisque uidet maxime cõducibile. Cyro ita locuto, surrexit post eum Artabazus Artabazi is qui olim se dixerat consanguineum, ac dixit: Profectò oratio.

perpulchrè fecisti Cyre hunc sermonem aggressus. Ego enim cum iuuenis admodum adhuc esses, initio cupiebam tibi amicus fieri. Te autem uidens minimè indigere mei, adire sum ueritus. Cum autè olim etiam me rogasses ut alacriter ad Medos, quæ Cyaxares dixerat nunciarem, considerabam si ijs tibi in rebus alacriter essem adiutor, fore ut & familiaris tibi essem, & differere tecū possem quantum uellem temporis. Atq; illa quidem ita à me acta sunt, ut abs te laudarer. Post hoc Hyrcanij quidem primi nobis amici facti sunt, quòd admodum sociorum indigeremus: itaque solum propter nostram in te dilectionē non in tuas cellas eos circumferebamus. Postea uerò ubi castra hostiū capta sunt, non tibi licebat, ut arbitror, erga me ocium habere, & ego tibi ignoscebam. Dein Gobryas factus est nobis amicus, id quod ego gaudebam: & item Gadatas. Itaq; labor erat ut tui particeps fierē. Postquam Sacæ & Cadusij in societatem recepti sunt, his erat obsequendum: etenim hi tibi obsequebantur. Vbi autè eò reuertimur unde moueramus, intuens te habere circum & equos & currus & machinas, putabam cum ab hac re tibi ocium daretur, tum etiam erga me ociosum te futurum. Atqui ut formidabilis nuncius est allatus de omnium hominum aduersus nos conspiratione, intelligebam hæc esse maxima: quæ si feliciter haberent, iam bene uidebar nosse multā tibi futuram copiam mei tuiq; congressus. Atque nunc tandem tum uicimus magnam pugnam, tum Sardis Croesumq; famulum habemus, & Babylona cepimus, omniaq; subiugauimus. Et solem testor, ego heri nisi multos pugnīs cecidissem, te adire non poteram. Et ubi quidē dextra me apprehendisti, & apud te manere iussisti, iam conspicuus eram

eram quòd tecum sine cibo & sine potu diem egi. Nunc igitur sicubi erit ut digniores plurimam tui habeant partem, bene est. Sin minus, rursus ego nunciabo uerbis tuis ut omnes abs te abeant, exceptis nobis qui ab initio usque amici sumus. Ad idq; & Cyrus quidem risit & alij multi. At Chrysantas quidem Perses surgens ita loquutus est: Verum antea Cyre, ut decebat in medium te præbebas, et ob ea quæ ipse dixisti, & quoniam tu non poteras nobis gratificari. Nos enim etiam propter nosipsos aderamus. At multitudinem opus erat ut omni ratione tibi comparares, quò quamlibentissimè uellet una nobiscū & laborare & periculum subire. Nunc autem quoniam res tibi non habet hoc pacto duntaxat, uerum etiam alios potes homines adipisci, quum tempus fuerit, iam etiam dignum est ut domum consequaris, aut quid fruaris imperio, ne solus fueris expers foci, quo neque religiosior locus in hominibus est, neque suauior, neq; familiaris quicquam. Dein, nōne ne putes nos etiam pudere, si te uideamus exterius præstantem, nos autē in ædibus simus, & locupletiores uideamur quàm tu? Vbi autem Chrysantas hæc locutus est, eadem multi cohortati sunt. Exhinc tandem regiam Cyrus ingreditur, & pecunias Sardianas qui ferebant, hic reddidere. Sed ubi Cyrus ingressus est, primo sacrum fecit Lari, dein Ioui regi, & si cui alij deo Magi interpretati sunt. Quæ cū fecisset, cœpit alia administrare. Cogitās q; negocium suū, quòd qui aggredereetur multis hominibus imperare, pararet habitare in ea urbe quæ inter illustres erat maxima: ipsa autē ita haberet aduersus eum, ut quæ maximè hostilis uiro urbs fuerit: hæc igitur animo uoluntans, censuit sibi esse opus custodia circa corpus. Intelligi-

Chrysantæ
oratio.

gens autem homines nusquam facilius capi quàm in esculentis & potulentis & balneis & lecto & somno, considerauit quos in his rebus fidelissimos erga se haberet. Estimauit autem neminem esse posse fidelem unquam qui magis alium amaret, quàm qui custodia egeret. Qui igitur haberent filios uel uxores cōuenientis, aut pueros amoribus coniunctos, nouit eos natura cogi ad amandum maximè. Sed cum spadones uideret his omnibus priuatos, arbitratus est ab his plurimi eos fieri à quibus ipsi possint maximè ditari, & auxilium habere si quid iniuriæ patiantur, atque honoribus augeri. A quo autem in beneficijs in hos cōferendis superari posset, neminè esse censebat. Ad hæc

Spadones. cum spadones obscuri sint apud alios homines, etiam ob hanc rem egent heri auxilio. Nemo sit enim qui nō dignū putet se omni in re pluris esse faciundum quàm spadonē, nisi quid aliud melius impediatur: sed nihil prohibet spadonem quoque primariū esse, ubi fidelis sit hero. Quod autem maximè aliquis putet spadones robore corporis carere, ne hoc quidē Cyro uidebatur, quippe qui coniecturā faceret ex alijs animalibus, quod & cōtumeliosi equi ubi excidantur, à morsu cōtumeliaq; cessant, nihilo tamen minus sunt bellicosi. Et tauri excisi animi elationem inobedientiamq; dimittunt, sed corporis uiribus & usu colendi agri non priuantur. Et canes item eodē modo si excidantur, cessant à relinquendis heris, sed ad custodiā & ad uenationem nihilo sunt deteriores. Et homines itidem quietiores fiunt si hac priuentur libidine, sed minimè negligentiores circa imperata, neq; minus equitandi studiosi, neque ad iaculandum minus apti, neque ambitiosi minus: perspicuumq; est & in bellis, et in uenationibus eos pertinaciam

tinaciam in animis seruare. Quòd autem sint fideles in herorum pernicie, maxime probarunt. Nulli enim fideliora opera demonstrarunt in herilibus infortunijs quàm spadones. Quòd si quid diminui uidentur circa uires corporis, ferrū æquat imbecillioris in bello robustioribus. Hæc igitur intelligēs quæ ab ostiarijs acceperat, eos omnis qui sui corporis curam gererent, spadones fecit: & arbitratu curam hanc non satis esse aduersus eorum multitudinem qui infesto sunt animo, considerauit quos alios acciperet, qui circa regiam essent fidelissimi. Itaq; sciens Persas pessimi uictus domi esse propter inopiam, & laboriosissime uiuere propter regionis asperitatem, & quoniam operarij ipsi essent, hos existimauit esse cōtentos maxime apud se uitam agere. Accepit autē ex his spiculatores decem millia, qui noctu dieq; circū regiam custodirent cum intus ocium ageret: cum uerò exiret, hinc indeq; instructi pergerent. Ratus præterea sufficientis custodes totius Babylonis esse oportere, siue ipse in urbe esset, siue peregrè profisceretur, constituit etiam Babylone præsidiariorū satis, quibus iussit mercedem dari à Babylonijs: quippe quos uellet maxime imbelles reddere, quò & humilimi essent, & maxime subiecti. Hæc igitur custodia & circa ipsum & Babylonem per id tempus constituta, nunc etiā eodem modo perdurat. Considerans rursus quo pacto et omne contineretur imperium, & aliud item adderetur, existimauit hosce stipendiarios non tanto esse subditis meliores, quanto paucioris. Bonos autem uiros cognoscebat continendos esse qui unā cum dijs immortalibus uictoriā præstitissent, & curandum esse ut perficerent exercitationē uirtutis, quibus ne iubere uideretur, sed cognoscere

tes ipsi hæc esse optima, ita & perseverarent & curarent
 uirtutis opus, collegit homotimos, & omnis quotquot e-
 rant tēpestiuos, quiq; utilissimi ei uisi sunt participes esse
 & laborum & honorum. Hi ubi conuenerunt, in hunc
 modum est locutus: Viri amici atque socij, dijs quidem in
 mortalibus magna est gratia, quod dederint nobis ea con-
 sequi quibus putauimus esse nos dignos. Nunc etenim ha-
 bemus & solum multum & bonum, & qui hoc colentes
 nos alent. Habemus etiam ædis, & in his apparatus: neq;
 uestrum quisquam hæc habēs existimet aliena se habere.
 Lex est enim inter omnis homines perpetua, quando bel-
 ligerantium urbs capta fuerit, cuncta eorum esse qui ce-
 perunt, & corpora eorum qui in urbe sunt & pecunias:
 nullo modo iniuste possidebitis, quodcunque possideatis.
 Sed pro humanitate non abstuleritis, si quid habere eos si-
 nitis: equidē hoc ego exhinc ita sentio. Quod si uertemur
 ad pigritiam improborumq; hominum uoluntatē, qui ar-
 bitrantur laborare esse ærumnosissimum, & uitam sine la-
 bore agitare uoluptatem existere, ego nos affirmo celeri-
 ter nobis ipsis minimi esse faciundos, ac fore ut citò priue-
 mur bonis omnibus. Nihil enim ad perfectionem sufficit
 fieri bonos uiros, nisi quis usq; ad finem curet in bonitate
 perseverare. Sed quemadmodum aliæ artes ubi neglectæ
 sunt, minoris precij fiunt: & corpora ipsa bene habentia
 cum quis ea remittit ad inertiam, male rursus habeant: ita
 & temperantia & continentia & robur, cum quis eorū
 exercitationem relaxarit, hinc in malignitatem iterū uer-
 titur. Nullo modo igitur negligendum est, neque proce-
 dendum uobis ad subitam uoluptatē. Magnum enim opus
 esse existimo uel principium agere, multò etiā maius qui
 incepe-

inceperit id tueri. Nam incipere sæpe illius fuit qui præstiterit audaciam solum: sed continere quod cœperit, non etiam hoc sine temperantia, non sine continentia, nō sine multa diligentia sit. Quæ nunc cognoscentibus nobis longè magis uirtus est exercēda, quàm prius in his bonis adipiscēdis: cum nō simus, nescij quando plura quis habeat, tum plurimos & inuidere illi & insidiari & hostis fieri, maxime si ab inuitis & possessiones & seruos habeat, ut nos habemus. Atque deos quidem putandum est nobiscū fore: non enim insidijs usi hæc iniuste possidemus, sed insidijs appetiti ultionem cepimus. Quod autem optimum sit uobisip̄s posthac, parandū est. Hoc autem est, ut qui meliores sunt, eos dignos existimemus qui subditis imparent. Aestus igitur ac frigoris, & ciborū & potuum, & laboris & somni, necesse est seruis etiam partem facere. Sed quorum eos participes facimus, in his enitendum est ut præcipuè meliores quàm ipsi esse appareamus. Scientiæ uerò militaris meditationisq; hi omnino participes faciendi nō sunt, quos & operarios nostros & tributarios uolumus possidere: sed eos debemus hisce exercitationibus præstare, non ignari, deos hominibus demonstrasse hæc libertatis felicitatisq; instrumenta. Et quemadmodū illis arma abstulimus, ita nosip̄s oportet sine armis nunquam esse, cum bene nouerimus quibus arma sunt semper proximè, hisce familiarissima etiam esse quæcunque uelint. Quòd si quisquam talia cogitat, quid igitur nobis prodest peregisse quæ cupiebamus, si etiā opus fuerit tolerare & famescendo & sitiendo & curando & faciendo? Illud sanè sciendum est, eò bona maiorem afferre lætitiā, quò magis quis labore antecedente ad ea perue-

Labores bonis uiris obsonium

niat. Labores enim obsonium sunt bonis uiris. Nam si quis nulla re egeat, nihil adeò paretur sumptuose ut suaue sit. Quòd si hæc nobis parauit numẽ, quæ homines cupiunt maximè, & aliquis quò suauiora uideantur hæc parabit sibi, uir huiusmodi tanto plus habiturus earum rerum quibus uita eget, ut in fame suauissimos sit cibos consecuturus, & in siti suauissimis potibus perfructurus, et cum est opus quiete, suauissimè quieturus. Quapropter dico nunc nos decere intendere ad probitatem, quò tum bonis quam optimè & quam suauissimè perfructuri simus, tum eius simus imperiti quod est omnium molestissimũ. Non enim ita molestum est bona non habuisse, quàm hunc qui bona habuerit, ijs priuari molestum. Cogitate etiam illud, quæ possimus induci causa, ut simus peiores quàm antea fuerimus. Vtrum quoniã imperamus? At nequaquam certè conuenit esse principẽ quàm subditos improbiorem. An quoniam nunc uidemur feliciores esse quàm prius? Postea dicet aliquis, uitium felicitatis tutelam gerere. Num quoniam seruos adepti sumus, in hos animaduertemus si improbi fuerint? Vobiscum præterea hoc animo uoluntate, parasse nos multos alere, &strarum domorum & corporum custodes. Sed quĩ turpius non sit, si putabimus spiculatorem consequi ad salutem nostram, ipsi autem nobis ipsis spiculatores non erimus? Atqui bene oportet nosse, non esse aliam custodiam talem, qualis si ipse quisquam honestus bonusq; sit, hoc enim consequatur oportet. Eiuero qui uirtute careat, neque aliud quicquam decet pulchrè esse. Quid igitur censeo esse faciundum, & ubi uirtutem exercendam, & ubi meditandũ? Nihil noui dicam, o uiri amicissimi, sed quemadmodum inter Persas hominibus

Virtuti optima suis suis custodia.

timi

timi in principijs degunt, ita affirmo uos oportere cū hic estis, homotimos omnis exercere, quæ illic etiam exercebatis: & cum me uidetis, considerate præsentes, si degero eorum diligentiam habens quæ oportet. Ego uos quoque considerans intuebor, & quoscunque uideam honestis rebus bonisq; studere, hos equidem honoribus prosequar. At filios quoque quicumque nobis nascantur, hic instituemus: ita enim et ipsi meliores futuri simus, si uelimus præbere nosmetipsos liberis nostris quam optima exempla: et liberi ipsi nec etiam si uelint, facile fiant improbi, quippe qui nihil turpe neque uideant, neq; audiant, & in studijs honestatis bonitatisq; uersentur.

XENOPHONTIS DE PAEDIA

CYRI LIBER OCTAVVS, FRANCISCO

Philelpho interprete.



YRVS quidem ita locutus est. Chrysantas uerò post eum surgens, in hunc modum orationem habuit: Verum ego, ô uiri, sæpenumero etiã aliàs cogitauī, bonum principē nihilo differre à bono patre.

Chrysantæ
oratio.

Nam & parentes filijs prouidēt, ut bona his nūquam sint defutura. Et Cyrus uidetur mihi nunc ea nobis consulere, à quibus maxime in felicitate possimus ad ultimum usque finem perseuerare. Quòd autem mihi uidetur minus quàm oportuerat ostendisse, hoc ego ijs enitar ostendere qui ignorant. Cogitate enim & quæ urbs hostilis capta sit ab obedire nolentibus, & quæ amica ab ijs qui parere nolint seruata sit, quæ etiam obedientiam non præstantium sit acies uictoriam consecuta. Quo autem pacto

magis homines uincantur in pugna, quàm ubi ceperint priuatim quisq; de sua salute consultare? Quod etià aliud bonum præstetur ab ijs qui melioribus non parent? Quæ urbes legitimè habitentur, uel quæ domus seruentur, quo pacto naues quò opus sit perueniant? Nos uerò quæ hoc tempore habemus bona, ob quam rem aliam magis adepti sumus, quàm ob præstitam obediētiam principi? Propter hoc enim & noctu & die, tum quamprimū uenimus quò oportuit, tum frequentes principē sequentes nullo utebamur ocio: quæq; iussa erant, eorum nihil semiperfectum linquebamus. Si igitur principi obedire maximum apparet esse bonum ad bona adipiscenda, ita uobis exploratum esse debet, quòd etiam idem hoc ad seruandum quæ oportet maximum est bonum. Et antea quidem multi nobis imperabant, at imperabamus nemini. Nunc uerò ita parati estis quòd imperatis, alij quidem pluribus, alij uerò paucioribus. Quemadmodum igitur ipsi dignum esse existimatis uestris subditis imperare, ita etiam nos ijs pareamus quibus decet. Tantum autem inter nos decet seruosq; interesse, quantū serui ipsi inuiti heris ministrant. Nobis autem qui dignum putamus libertate uti, ultro faciundum est quod plurimi uidetur æstimandum. Inuenietis quoque ubi sine unius principatu urbs habitatur, quæ maximè uult parere principibus, hanc minimè ab hostibus ad obediendum cogi. Adsimus igitur, ut Cyrus iubet, ad hoc principium, & ea exerceamus quæ maximè continere poterimus, quæ oportet, atq; præstemus nos ipsos ut Cyrus utatur ad quodcunque opus sit. Etenim ne hoc quidē latere nos debet, nullo modo Cyrum inuenire posse, quod propter suum bonum nobis usus sit, non autem

Principi obedire maximum bonum.

tem

tem propter nostrum: quoniam eadem nobis conducunt,
& ijdem nobis sunt hostes. Posteaquam Chrysantas hæc
locutus est, ita etiam alij multi surrexerunt & Persæ &
socij eadem consentientes. Decretumq; est, ut uiri optima
tes semper adessent ad ianuas, seq; utendos præberent ad
quicquid Cyrus uellet, donec eos dimitteret. Et quemad-
modum tum est decretum, ita hoc etiam tempore hi faci-
unt qui in Asia sub regibus sunt constituti, celebrant prin-
cipum ianuas. Sicuti uerò demonstratum est in oratione
Cyrum constituisse ad custodiendum principatum sibi &
Persis, hæc item reges qui post illum secuti sunt, legitima
hac quoq; tempestate obseruant. Et hæc quoq; ita habent
quemadmodum item alia: quando princeps melior sit, pu-
riora iura cōstituit: quādo uerò deterior, nequiora. Ibant
igitur ad Cyri ianuas uiri optimates cum equis et lanceis,
pro communi consensu optimorū uirorum omnium qui
imperium subiugarant. Cyrus uerò ad alia quidem consti-
tuit alios, qui diligentia haberent. Erantq; ei & censuum
susceptores, & datores sumptuum, & operum præfecti,
& custodes possessionum, et rerum necessariarum ad ui-
ctum qui curam gererent. Atq; equorū item, et canū illos
cōstituit diligentiam habere, quos existimabat reddituros
hæc pecora ad usum suum quamoptima. Quos uerò puta-
bat ad suæ felicitatis custodiam habendos ut hi quamopti-
mi forent, minimè rei huius diligentia alijs imperauit, sed
hoc suum esse putabat officiū. Sciebat enim si quando pu-
gnandum esset, ex his esse sibi legendos, et qui interessent
& qui præessent: quibus cū maxima sunt pericula, et cen-
turiones quoque peditumq; & equitum norat ex his esse
constituendos. Quòd sicubi sine sese ducibus opus esset,

sciebat illos ex hisce mittendos esse. Sciebat etiam quibus-
 dam horum utendū esse custodibus ac satrapis et urbium
 & omniū gentium: ac item oratores quosdam ex his mitti
 oportere, id quod ducebat in maximis esse rebus ad ea sic
 bello consequenda quibus egerent. Quare ubi non essent
 hi quales oportet, ex quibus maximæ ac plurimæ res fo-
 rent gerendæ, futurum cēsebat ut res suæ male haberent:
 sin hi essent qualis oporteret, putabat omnia pulchra fo-
 re. Itaque ita sentiens, in hanc diligentiam accingebatur.
 Arbitrabatur præterea eandem uirtutis exercitationē si-
 bi quoque esse debere. Non enim existimabat fieri posse,
 ubi ipse minus foret qualem deceret, ut alios incitaret ad
 illustres bonasq; actiones. Hæc ubi cogitauisset, putauit
 primum ocio opus esse, si uellet diligentiam habere rerum
 optimarum. Itaq; ut census negligeret, putabat haudqua-
 quam fieri posse, quippe qui prouideret multam necessa-
 riō faciundam esse impensam in magnum imperium. Præ-
 terea cum multæ essent possessiones, si uellet ipse circa
 hæc uersari semper, sciebat multam sibi futuram occu-
 pationem in adhibenda diligentia circa omnium salutem.
 Itaque sic considerans, quō & res familiares rectè habe-
 rēt, & ipse foret ociosus, excogitauit quodammodo ordi-
 nem rei militaris. Nam ut frequētius decuriones decuriaz
 rum curā habent, et manipulorū ductores decurionū, &
 millenarij manipularium ductorū, & qui decem millibus
 præsunt millenariorū: & hoc pacto nemo negligitur, ne
 si admodū multa quidem sint dena hominū millia. Cumq;
 dux uelit uti ad aliquid agendum exercitu, satis est si ijs
 præcipiat, qui singulis denis millibus sunt præfecti. Vt igi-
 tur hæc habent hoc pacto, sic etiā Cyrus summatim com-
 plexus

plexus est domesticas actiones. Itaque ei cum paucis loqui opus erat, quò neque res domesticas neglectui haberet: & exhinc maius ei ocium erat, quàm alij qui unam domum & unā curaret nauim. Quare cum ita Cyrus res suas domesticas constituisset, docuit etiam suos milites ut hoc ipsi ordine uterentur. Sic igitur ocium & sibi parauit & militibus suis. Cœpit enim instruere cuiusmodi familiaris suos esse oporteret. Primū quotquot satis ali possent, alijs agriculturæ studentibus, hosce nisi adessent ad ianuas requirebat, ratus fore ut qui adessent, hi nolent neq; malum neq; turpe aliquid agere, tum quoniam essent apud principem, tum quia nosset à uiris præstantissimis uideri quid agerent. Qui autem non adessent, hos arbitratur uel ob incontinentiam abesse, uel ob iniustitiam, uel ob negligentiam. Quare hoc ratus, cogebat huiusmodi uiros adesse, quoniam iuberet qui apud se esset maximè amicus, huic liceret eius bona recipere qui non adesset, ac dicere sua capere. Cum igitur hoc fieret, ueniebant cōtinuò hi quibus bona ablata essent, tanquam affecti iniuria. At Cyrus quidem diu huiusmodi uiris audiendis non attendebat: quos ubi audisset disceptationem dijudicare in multum temporis differebat, quæ faciens arbitratur eos assuefacere ad præstandum obsequium, minusq; sibi fore inimicos quàm si ipse coëgisset per animaduersionem adesse. Vt igitur adessent, unus ei hic erat docēdi modus: alius uerò quo præsentibus imperabat, & quæ facilima essent, & quæ maximè fructuosa: alius etiam, quo nihil unquā absentibus tribuebat. Sed maximus necessitatis is erat modus, si horum neminē exaudiret, cuius bona quæ abstulerat alij dedisset, quem putaret sibi tempestiuè adesse posse: & ita utilis ei

amicus pro inutili reddebatur. Requirit etiā qui nunc rex est, si quis eorum absit quos adesse conuenit. Qui ergo minus adessent, ita ijs Cyrus aduersabatur. Qui uerò seipsos præberent, eos putauit maximè ad res præclaras & bonas posse incitari: quoniam existimabat ita iure in illos imperium gerere, si operam daret, ut subditis declararet se omnium esse uirtute ornatissimum. Sentire enim uidebatur, etiam propter scriptas leges homines fieri meliores: at bonum principem ratus est uidentem legem esse hominibus, quoniam satis est qui & moderetur & uideat, puniatq; delinquentem. Ita igitur sentiens, primū quidem seipsum hoc tempore ostendebat studere magis diuinis rebus, quoniam esset felicior. Et tum primū Magi constituti sunt, et laudes simul semper ac dies illucesceret canebat ad deos, & singulis diebus ijs dijs sacra faciebat, quibus Magi dicerent. Sic igitur quæ tum cōstituta sunt, hac etiam tēpestate perdurant apud eum semper qui rex est. Itaque his in rebus primū imitabantur eum alij item Persæ, rati se quoq; felicius fore si deos colerent, quemadmodum is qui felicissimus esset & princeps. Quæ facientes existimabant se Cyro rem gratissimam facere. At ille suorum pietatem sibi etiam conducere arbitrabatur: quippe qui putaret, quemadmodū qui nauigationem eligunt, cum pijs potius eligere solere, quàm cum ijs hominibus qui impiè aliquid uideantur perpetrasse. Ad hæc secum animo reputabat, si omnes sui familiares pij essent in deum, minus eos uelle & inuicem & aduersus seipsum nefarij quicquam facere, ratus se beneficū esse erga familiaris. Liquidum præterea hoc faciens, se plurimi ducere quòd neminem neque amicum, neque socium afficeret

Bonus princeps
uidens lex.

ret iniuria, sed ius ipsum uehemēter intuens, magis etiam alios à turpi quæstu abstinere arbitrabatur, per iustitiam uerò locupletari uelle. Atque pudore existimabat magis omnes affici, si ipse ostenderet ita sibi omnis pudori esse, neque dicere, neque facere turpe aliquid auderet. Hoc autem ex hac re ita fore cogitabat, quòd non principem solùm, uerumetiam eos quos minimè timent, magis pudētis quàm impudentis homines uerentur. Et mulieres item quascunq; pudētis senserint, magis etiam qui eas uident, pudori habere uolunt. Et obedire quoq; ita rebatur maxime permanere in suis posse, si manifesto magis eos honoraret qui sine excusatione obedirent, quàm qui maximas etiam laboriosissimasq; uirtutes præstare uiderētur. Hoc autem sentire ita & facere perseuerabat. Cumq; sui ipsius temperantiā ostenderet, faciebat ut eam magis omnes exerceerēt. Cum enim uideant homines, cui maxime licet uti contumelia hunc uiuere temperanter, ita magis imbecilliores ipsi nulla uti cōtumelia uideri uolunt. At pudorem & tēperantiā hac ratione diuidebat, quòd pudētes quæ turpia sunt, in propatulo fugerent: temperantes uerò ac pudici etiam in obscuro. Et continentiam hoc pacto maxime arbitrabatur exercendam, si sese ipse ostenderet minime per subitas uoluptates abstrahi à bonis actionibus, sed potius laborem suscipere primum unà cum honestate uelle sese quàm uoluptates. Ergo Cyrus cum talis esset, facit ut in foribus multa esset deteriorū modestia cedentium melioribus, multus etiam pudor atq; decorū inuicem. Insuper etiam cognosceres illic neminem neq; irasci clamore, neque gaudere risu per contumeliā: sed si eos uideres, uerè existimares uiuere decorè. Res igitur huiusmodi

facientes uidentesq; degebant in foribus. Præterea bellicæ exercitationis gratia eos ad uenationem educebat, quibus hæc exercenda existimabat: hanc exercitationem rerum bellicarum esse omnino ratus optimam, equestris autem uerissimam. Hæc enim in omnifariam locis equitantes maxime ostendit, quoniam insequi oporteat feras fugientis: & hæc item reddit ab equis maxime agilis ad efficiendū opus, quoniā capiuntur & cupiditate & honoris studio: & hic etiam maxime familiaris assuefaciebat ad ferendā & cōtinentiam, & labores, & frigora, & calores, & famem ac sitim. Atque hoc etiam tempore rex ac regis familiares hæc assidue faciunt. Quòd igitur existimaret neminem imperare decere, qui melior subditis non esset, & ex antedictis omnibus patet, & quoniā ita suos exercens multò etiam magis ipse exercebat & cōtinentiam & bellicas artis meditationesq;. Etenim ad uenationē alios educebat, quando aliqua manendi necessitas nō esset. At ipse in necessitate quoq; domi uenabatur eas feras, quæ in hortis alebantur. Atque ipse nunquam antequam sudasset cœnam capiebat, nec equis priusquam essent exercitati, pabulum iniciebat. Quinetiam ad hanc uenationem inuitabat sceptriferos suos. Itaque longè ipse in omnibus honestis operibus excellebat, longè etiam sui præstabant ob exercitationem assiduam. Et de se quidem tale præbebat exemplum. Præterea alios quoque & muneribus & magistratibus & consensibus & omnibus donabat honoribus, quos maxime intueretur quæ honesta sunt sequi. Itaque multam omnibus iniciebat ambitionem, quò quisq; Cyro optimus uideretur. Insuper de Cyro uidemur didicisse, quòd non hac re solum decere existimabat principes subditis

ditis præstare, quòd ijs forent meliores, sed etiam existima-
 bat opus esse ut ornatu corporis eos allicerent. Itaque ele-
 git stolam Medicam & ipse ferre, & ut familiares ea indu-
 duerentur persuasit. Hæc enim uisa est ei occultare, si quis
 defectum aliquem haberet in corpore: præterea ea indu-
 tos & pulcherrimos & maximos ostendere. Etenim cal-
 ceos talis habet, in quibus qui eos ferunt clam aliquid sub-
 ijciant, quò maiores esse uideatur quàm sunt: sinebatq; ut
 oculos suppingerent coloribus, quò pulchrioribus quàm
 sunt oculis esse uiderentur, & fricarentur ut melius uide-
 rentur colorati quàm natura essent. Exercuit eos insu-
 per, ut neque spueret, neq; mucum emittere apparerent:
 præterea ne ad quenquam spectandum conuerterentur,
 perinde quasi mirarentur nihil. Omnia uerò hæc existi-
 mabat aliquid afferre, quò minus forent subditis contem-
 ptui. Quos igitur censebat dignos qui alijs præessent, ex
 seipso ita composuit ut & meditarentur & uenerabiliter
 ijs præessent. Quos item constituit ad seruiendū, horum
 neminem incitabat ad meditando ingenuos labores, neq;
 assentiebatur ut haberent arma: uerum curabat ut neque
 sine cibo unquam essent, neq; sine potu, ingenuarum me-
 ditationū gratia. Etenim quando immitterent ut agerent
 feras in campos equitibus, cibum in uenationem his ferre
 permittebat, liberorum autem nemini: & quando iter fa-
 ciendū esset, agebat eos ad aquas ut iumenta. Cumq; esset
 prandendi tēpus eos expectabat, donec aliquid essent ne-
 esurirent. Itaque hi quoq; cum, ut uiri optimates, patrem
 uocabant, quòd sui ipsorum haberet curam, quò indubi-
 tatò semper mancipia forent. Atque uniuerso quidem Per-
 sarum imperio hoc pacto parauit securitatem: sibi uerò

ne à subiugatis periculi quicquam esset ad nocendū, ualde audebat. Etenim existimabat eos esse mollis, quos etiam intemperantis intueretur. Præterea neq; horū quisquam ei appropinquabat, neq; noctu neq; interdiu. Quos autē & optimos putabat, armatosq; ac frequentis intuebatur, aliosq; eorum equitum esse duces, alios peditum, multos etiam eorum animis elatis esse sentiebat, ut qui satis essent ad imperandum, hi & eius custodibus maximè erant proximi, & Cyro ipsi horum multi sæpe cōmiscebantur: necessariò enim his erat usurus. Per hos igitur ei quoq; periculū erat maximè, nē quid pateretur multis modis. Quare considerans quòd ab ijs tutus esset: nam his auferre arma, atque eos imbellis reddere reprobauit, & iniustum id ducens, & imperij solutionem hoc arbitratus. Quod rursus eos non admitteret, seq; ostenderet fidem his non habere, arbitrabatur principium esse belli. Vnum autē quidam horum omnium nouit & optimū esse ad securitatem sui & pulcherrimum, si facere posset eorum præstantissimos sibi amicioris, quàm ipsi inter se forent. Quomodo igitur uidetur nobis adeptus ille eorum amorem, hoc enim temur ostendere. Primò enim assidue semper humanitatē animi maximè quoad poterat declarabat, existimās quē admodum non facile est illos amare quibus se odio esse putant, neque beneuolos esse maleuolis, ita etiam qui cogniti fuerint amare & beneuoli esse, haudquaquam fieri posse ut his odio sint qui amari sese arbitrantur. Donec igitur pecunijs imbecillior fuit ad beneficium conferendū, tum prouidendo socijs ac familiaribus, tum anticipando labores, tum quòd perspicuum faceret se letari eorum bonis, malisq; tristari, hisce rebus studebat amicitiam uenari.

Vbi autem factum est ut ipse posset pecunijs esse benefic-
 cus, uidemur sanè cognoscere nullum esse beneficium ho-
 minibus erga homines gratius, quàm quæ ab eodem fit ui-
 titandi sumptu, ciborum potuumq; collatio. Hoc autem
 Cyrus ita ratus primū constituit ad mensam suam, ut qui-
 bus ipse cōuiuium faceret, his similia semper esculenta ac
 sibi apponerentur, quæ satis essent permultis hominibus.
 Quæcunque autem apposita essent, hæc omnia præterea
 quibus ipse conuiuæq; uterentur, distribuebat, quibus uel
 let amicorum memoriam ostendere uel benignitatem. Mit-
 tebat etiam singillatim ad hos quibus delectaretur aut in-
 custodijs, aut in famulatibus, aut in quibuscunque actioni-
 bus, hoc sanè significans, quòd se non lateret ea esse illos
 uoluntate ut sibi gratificarentur. Honorabat etiā seruos à
 mensa, cum aliquem laudaret: & uniuersum seruorū ci-
 bum in sua mensa ponebat, ratus etiam hac re inducere in
 eos quandam beneuolentiam, quemadmodum in canes.
 Quòd si quem ex amicis uellet à multis coli, ad hos quoq;
 mittebat à mensa. Etenim nunc itē quibus uideant aliquid
 mitti à mensa regis, hos omnes magis colunt, rati eos esse
 honorificos, & qui satis sint ad transigendū si qua re ege-
 ant. Præterea non solum horum quæ diximus gratia dele-
 ctant ea quæ mittuntur à rege, uerumetiā quia uoluptate
 certò plurimum præstant quæ à regis mensa mittuntur.
 Quam rem ita habere non est mirandum. Nam quemad-
 modum aliæ artes in magnis urbibus excellentius laboran-
 tur, eodē modo regis esculenta sunt longè præstantius la-
 borata. In paruis enim urbibus ijdem faciunt lectum, ual-
 uas, aratrum, mensam. Persæpe etiam hic idem & ædifi-
 cat, et cōtentus est si accipiat hoc pacto à quibus per das

tas operas ipse sat ali queat. Non ergo fieri potest, ut qui multis utitur artibus, is homo omnia pulchre faciat. At in magnis urbibus quia multi singulis egent, satis est una etiā cuique ars ad alendum: ac sæpe ne tota quidem una, sed calceos facit hic uirorū, ille mulierum. Est etiam ubi alter qui calceos facit, eos neruo solum consuens sibi uictū parat, alter autem scindens: hic tunicas duntaxat incidens, ille uerò faciens horum nihil, sed incisa componens. Necessariò igitur qui in breuissimo uersatur opere, hic uel optimè cogitur hoc facere. Idem etiā hoc patiuntur, quæ pertinent ad uictum. Cum enim idem lectum sternit, mensam ornat, massam & obsonia aliās alia atq; alia facit, necesse est hunc ita in ijs habere ut singillatim accidit. Vbi uerò satis est operis uni unum, carnes elixare, alij assare, alij item piscem elixum facere, alij assatū, alij uerò facere panes, & ne hos quidem multiplices, sed satis est si præbeat speciem unam pulchrè, necesse sit, ut arbitror, hæc quæ ita fiunt longè excellenter facta esse. Qui igitur res faceret huiusmodi, esculentorum cultu longè omnes excellebat. Vt uerò alijs item rebus obsequens Cyrus longè præstabat, hoc equidem nunc enarrabo. Nam cum multò cæteris hominibus superior esset in plurimis censibus capiundis, multò etiam magis eos superabat in donandi magnitudine. Cyrus igitur hoc incepit, quod hac quoq; tempestate in regibus perseuerat in magnis muneribus faciundis. Cui enim ditiores amici ostenduntur quàm Persarum regi? Quis etiam pulchrioribus uidetur stolis suos ornare quàm rex? Cuius dona cognoscuntur ut regia quædam, armillæ, torques, equi frænis insignes aureis. Non enim licet illic cuiquam hæc habere, cui rex non dederit.

Quis

Quis item alius dicitur donorum magnitudine efficere, ut rex anteponatur fratribus, parentibus, filiis? Quis alius quoque potuerit inimicos distantis multorum dierum iter punire ut rex Persarum? Quis præterea alius qui subiungasset imperium, est à subditis uocatus pater cum diem obiit, quàm Cyrus? Hoc autem nomen benefici uidelicet magis est, quàm eius qui auferat. Dicimus præterea Cyrum & regis oculos, qui uocantur, & regis aures nō aliter adeptum esse, quàm munerando honorandoq;. Cum illos enim magnis afficeret beneficiis qui nūciassent, quæ cunq; sibi pro tempore essent audienda, fecit ut homines multi & auribus audirent & oculis uiderēt, quò nuncijs suis utilitatem regi essent allaturi. Hinc igitur existimati etiam sunt multi esse oculi regis, & multæ aures. Quòd si quis putat unum expetendum oculum regi esse, non rectè putat: unus enim pauca & uideat & audiat, essetq; alijs quasi negligentia quædam indicta, si hoc uni foret imperatum. Præterea quem cognoscerent esse oculum, hunc scirent cauendum esse. Sed nō ita habet. At rex omnes audit, qui dicunt se aliquid audisse aut uidisse dignū diligentia. Sic igitur multæ existimātur esse regis aures & multi oculi, metuuntq; ubique ea dicere quæ minus regi conducant, tanquam eo uidente: & ea facere quæ non prosint, quasi eo præsentē. Non modò nemo ausus esset memorare mali quicquam de Cyro cum aliquo, sed ita quisque ei erat affectus tanquam esset in omnibus oculis atque auribus regis præsentibus semper. Quòd autem ita homines erga eum essent affecti, equidem nescio quam aliquis causam potiore affert, quàm quòd pro paruis magna beneficia referret. Et quòd magnitudine munerum excelle

Regis multi
oculi ac au-
res.

Regis & pa-
storis compa-
ratio.

ret, nō est mirandum, quoniam esset ditissimus. Sed quod cultu ac diligentia, qui rex esset, amicos antecelleret, hoc sanè admirabilius. Ille igitur narratur nulla re, ubi superaretur, ita manifesto pudore affici consuesse, ut amicorum cultu. Et eius oratio memoriae prodita est, cum diceret similia esse opera boni pastoris & boni regis. Nam & pastorem decere id præstare, ut pecora habeant feliciter: & ijs uti, si tandem pecudum est felicitas. Et regem identidem decet urbes atque homines felices facere, & ijs uti. Nihil igitur mirabile si hac esset sententia, ut pertinaciter uellet omnis homines obsequio præstare. Pulchrum etiam documētum Cyrus dicitur Crœso demonstrasse, quando ab eo admonebatur, fore ut in multa largitione pauper fieret, cum liceret ei uni uiro quamplurimos auri thesauros domi reponere. Et Cyrum dicitur percunctatum: Et quot iam mihi pecunias futuras fuisse arbitraris si aurum collegissem, ut ipse iubes, ex quo tēpore sum in imperio? Cræsumq; respondisse, magnum quendam numerum. Atque Cyrum ad hæc dixisse: Agè igitur Crœse, mitte uirū unū cum hoc Hystaspā, cui tu maximè credis. Tu uerò Hystaspā circumadiens amicos, dic eis me auro egere ad opus quoddā: etenim uerò egeo: eisq; iube, mihi præbeant pecunias quas cunq; singuli queant: scriptam autem obsignatamq; epistolam dent ferendam Crœsi famulo. Hæc autē quæcunque dixerat, cum scripsisset obsignassetq; literas, eas Hystaspæ ad amicos dedit, scripsitq; ad omnes ut Hystaspā exciperent ut amicum suum. Cum igitur amicos circuisset Hystaspas, & Crœsi famulus epistolas tulisset, ait Hystaspas: O rex Cyre, etiā me iam ut diuite decet uti. Adsum enim multis donatus muneribus ob literas tuas. Et

Cyrus

Cyrus ait: Vnus igitur iam etiam hic nobis Crœse thesaurus est: alios uerò ipse intueri, & supputa quot pecuniæ sunt paratæ, si quid mihi utendum sit. Supputatis igitur Crœsus pecunijs, multò plures inuenit quàm Cyro dixerat futuras fuisse iam in thesauris, si eas collegisset. Quod ubi patuit, Cyrus dixisse traditur: Vides'ne Crœse mihi quoque esse thesauros? At ipse mihi iubes, ut eos collectos apud me habeam, ut propter eos & inuidiæ sim & odio, ac fidem habeam mercenarijs custodibus, quos ijs præferam. At ego dum amicos diuites reddo, hos mihi thesauros esse puto, & custodes simul tum mei ipsius, tum meorum bonorū longè fidelioris, quàm si prædarios stipendiarios præfecissem. Atq; aliud item dicam tibi: Ego enim Crœse, quod dii dederūt animis hominū, qui omnes identidem pauperes fecerunt, hoc ne ipse quidem possum esse superior, sed insatiabilis sum pecuniarū quemadmodum alij. Verū ego hoc mihi uideor multitudini præstare, quòd hi posteaquā plus quàm satis est adepti fuerint, alias suas pecunias defodientes, alias marcescere facientes, alias numerantes, metientes, expendentes, uentilantes, custodientesq; turbationes habent. Et ipsas tamen cum intra ædes tot habeant, neq; comedūt plus quàm ferre possunt: frangerētur enim: neq; induuntur plus quàm ferre etiam queunt: suffocarentur enim. Sed pecuniæ superuacaneæ negocia afferunt. Verū ego ministerium præsto dijs immortalibus, ac pluris pecunias semper desidero, quas cū adeptus fuero, eas quas mihi uideo superesse, his indigentias amicorū leuo, & diuitijs homines & beneficijs prosequens, ex ijs beneuolentiā et amicitiam mihi comparo. Pecuniarum Ex ijs uerò hominibus fructus mihi fit securitas & bona usus.

nominis fama, quæ neque marcescunt, neque quò plura
 sunt, corrumpuntur. Sed gloriæ quò plus est, eò & maius
 & melius, & ad ferendū fit leuius: sæpe etiam magis eos
 leuat, à quibus fertur. Vt autē hoc etiam scias Cræse, ego
 non eos felicissimos duco, qui pecunias plurimas habeant
 & possideant (hoc enim pacto qui muros custodiunt, es-
 sent felicissimi, quippe qui omnia quæ sunt in urbibus cu-
 stodiunt) uerū qui & cōparare plurimas pecunias iu-
 st possit, et ijs uti honestè plurimis, hunc ego felicem esse
 puto, eiusq; pecunias. Atq; hæc Cyrus dilucidè faciebat,
 quemadmodum etiam dicebat. Ad hæc cum Cyrus cogi-
 tasset permultos homines, si quidem bona ualitudine utan-
 tur, parari ut sint necessaria habituri, eaq; reponere quæ
 usui sunt ad uictum bene ualentium: ut autem si ægrotarint
 afforent utilia, huius rei non admodū eos habere diligen-
 tiam uidebat: itaque existimauit circa hæc quoque sibi ela-
 borandū, medicosq; optimos ad sese accersuit ut cum his
 loqueretur: & quæcunque uel instrumenta utilia esse di-
 xisset aliquis eorum, uel uenena, uel esculenta, uel potu-
 lenta, hæc omnia parata seruabat apud sese. Considera-
 bat etiam quando quis eorū ægrotaret, quod esset curan-
 di tempus, præbebatq; omnia quibus opus esset. Habebat
 etiam medicis gratiam, cum quis sanasset quenquam eo-
 rū quos ab illis sanādos accepiissent. Hæc igitur & huius-
 modi permulta moliebatur, ut apud eos excelleret à qui-
 bus amari uellet. Quarum autem rerū & certamen pro-
 nunciabat ac præmia proponebat, uolens inijcere conten-
 tionem de pulchris bonisq; operibus, hæc Cyro laudem
 afferebant, quòd curaret ut uirtus exerceretur. Et opti-
 matibus quidē hæc certamina inuicem inijciebant et lites

et peruicias. Insuper et legem Cyrus constituit, quæ
cunq; dijudicanda essent, siue ciuili causa, siue concerta-
tione, ut hi quibus dijudicatione opus esset, refugium ha-
berent ad iudices. Perspicuum igitur erat coniectare soli-
tos ipsos aduersarios optimorum amicissimorumq; iudi-
cum ambos aliquid. Victus autem, his qui uicerant inui-
debat, et qui non pro se sententiam tulissent eos oderat.
Qui autem uicerat, simulabat iure uincere, itaque existi-
mabat gratiam debere nemini. Et qui amicitia primi apud
Cyrum esse uellēt, quemadmodū in urbibus alij, ita etiam
hi inuide inuicem habebant. Itaque plures malebant alter
alterum ē medio tolli, quā unā agere inuicem boni quic-
quam. Et hæc declarant Cyrum moliri solitum, ut hi qui
potentissimi essent, magis eum amarent quā seipsos in-
uicem. Nunc autem iam enarrabimus, quo pacto primū
Cyrus emisit ē regia: etenim emissionis uenerabilitas uide-
tur nobis ars una ex his quæ moliuntur, ne imperium sit
cōtemptui. Itaq; primū antequam egrederetur, uocatis
ad sese et Persis et alijs qui præerant magistratibus, di-
stribuit inter eos stolas Medicas: et tum primū Persæ
Medicā stolam induti sunt. Et cum eas distribueret, simul
hæc uerba ad eos loquebatur: se emittere uelle ad delubra
dijs immortalibus constituta, ac simul cum illis sacra face-
re. Adeste igitur, inquit, ad fores stolis hisce ornati ante so-
lis ortum, consituiminiq; quemadmodū uobis uerbis meis
nunciarit Pheraulas Persas: cumq; ipse ducam, eritis in ea
quæ uobis dicta fuerit regiōe. Quod si uestrū alicui ali-
ter uidetur melius quā ut nunc immittamus, cum reuer-
terimus is me doceat. Vt enim pulcherrimum atque opti-
mum esse uobis uidetur, ita singula cōstituenda sunt. Vbi

autē primarijs distribuit stolas pulcherrimas, extulit alias quoque stolas Medicas. Per multas enim parauerat nihilo parcens, neq; purpureis, neq; ferrugineis, neq; puniceis, neq; caricinis uestibus. Cumq; horum amictuum partem singillatim distribuisset inter duces, his iussit ut amicos suos hisce uestibus ornarent, quemadmodum, inquit, uos estis à me ornati. Et quidam ex præsentibus eum interrogauit: Tu, inquit, ô Cyre, quando ornabere? Respondit autem Cyrus: Non enim uideor nunc uobis ipse ornari, dum uos orno? Ergo si queam in uos amicos esse beneficus, apparebo etiã in stola quam habeo pulcherrimus. Sic igitur illi abeuntes, accersitos amicos stolis ornabant. At Cyrus arbitratus Pheraulam, qui erat ex ordine plebeio, & callidum esse & elegantem & modestum & sibi gratificandi studiosum, qui olim de singulis pro dignitate honorandis internuncius fuit: hunc igitur ubi uocasset, consuluit quo pacto esset factururus, ut emissio beneuolis uisu pulcherrima foret, inimicis autem maximè formidabilis. Vbi uerò ipsis cōsiderantibus eadē ambobus sunt uisa, Cyrus Pheraulæ iussit curandum ut cras ita fieret emissio, ut uisa est pulchrè habere. Ego enim dixi, ut tibi de emissionis ordine parerent omnes. Verùm quò libentius te præcipientem audiant, fer tecū hasce tunicas ad spiculatorū duces: equitibusq; uocatis, dato has etiam equitum ducibus, et curruum ductoribus hasce alias tunicas. Pheraulas igitur ferebat tunicas acceptas. Quem duces ut uiderunt, dicebant: Magnus iam sanè tu es Pheraula, quandoquidē iussurus es nobis faciunda. Non equidem, respondit Pheraulas. Non solum enim non iubebo, ut uidetur, sed feram etiam sarcinas. Itaq; nunc fero hos duos amictus, alterum alteri:

*Consideratio
Pheraulæ ambidua esse nescire dar*

alteri: & tu quidem horum cape utrum ipse uis. Exhinc igitur ille accepto amictu, inuidentiæ est oblitus, continuoq; eum consulebat utrū caperet. At Pheraulas ubi consulisset uter esset melior, dixissetq;: Si me accusaueris quòd tibi optionē dederim, rursus cum ministrauero me utere altero ministro. Pheraulas cū ita ut iussus fuerat tunicas distribuisset, continuo ea curabat quæ ad egressionē regiam pertinebant, quò singula habitura essent quam pulcherrimè. Cum uerò dies posterus factus esset, omnia ante lucem erant pura atq; expedita. Ordines steterant & ab hac & ab altera parte uie, quemadmodū hoc etiam tempore stant, quā rex est immissurus, intra quos nemo ingredi potest qui minus sit ex honoratis. Flagriferi etiam steterant, qui uerberarent si quis turbaret. Steterant præterea primū spiculatores circiter quatuor millia ad quaternos ante portas. Duo millia uerò ex utroq; portarum latere, aderātq; omnes equites qui ex equo descēderant sublati manibus per candyas uestis. Et nūc etiā eas tollunt quādo uidentur à rege. Et Persæ quidem stabant ad dexterā, sed alij socij ad laeuā uie partiē: & curruū eodē modo utrinq; dimidium. Sed ubi patefactæ sunt portæ ipsius regie, primū agebātur tauri Ioui optimo maximo perpulchri quaterni, & ijs dijs alijs quos Magi sunt interpretati. Putant enim Persæ, multò magis artificibus esse utēdū erga deos immortalis, q̄ circa res alias. Post boues autem agebantur equi, ad Solis sacrificiū. Post hos autē educebatur currus albus coronatus, iugo aureo, qui esset Iouis sacrū. Post hunc agebatur etiā Solis currus cādidus, et is coronatus ut anterior. Post hunc etiā alius tertius currus educebatur, cuius equi strati erāt puniceis amictib. et post eū uiri sequeban

*exercitū**sacrificiū*

tur, qui ignem portarent in magno quodā foco. Post hæc uerò iam ipse Cyrus apparebat prior ex portis super currum, rectam tiaram habens, tunicamq; purpuream pari albo distinctam, alij uerò semialbam habere non licet: & circa crura periscelidas hedereo colore infectas, & candyn purpureum totum. Habebat etiam diadema circumtiaram, atque eius cognati idem hoc habebant signum. Et hoc etiam tempore hoc idem habent. Manus uerò habebat extra chiridas. Comitabatur autē cum auriga magnus quidem, sed minor sanè quàm ille, siue re ipsa minor, siue quomodocunque. Verum Cyrus longè maior uidebatur, quē omnes intuentes adorauere, siue quòd alij iussi essent incipere, siue quòd etiā stupefacti ob apparatū, & quòd Cyrus & magnus uideretur & pulcher. Antea uerò Persarum nemo adorabat Cyrum. Sed cum procederet Cyri currus, procedebant hi spiculatores quatuor millia. Iuxta autē sequebantur insuper qui eum circumdabant sceptriferi in equis ornati, unā cū pilis circiter trecenti. Adducebantur præterea equi à Cyro nutriti, qui haberent fræna aurea, amictusq; uirgatis strati essent, circiter ducentos. Et post hos hastiferi duo millia. Dein uerò equites qui primi facti sunt decem millia, instructi undique in centenos, quibus Chrysantas præerat. Post quos sequebantur Persarum equites alij decem millia, eodē instructi modo, quibus Hystaspas præerat. Et post hos alij decem millia identidem, quibus præfectus erat Dutamas. Et post hos alij, quorū dux erat Gadatas. Post hos uerò sequebantur Medi equites, dein Armenij. Post Armenios Hyrcanij, post Hyrcanios uerò Cadusij sequebātur. Post equites autem sequebantur currus quaterni instructi, quibus præfectus

Huius erat Artabates Perses. Sed cū Cyrus iter faceret, per multi homines sequebantur extra signa, alius rem aliā rogantes. Quare Cyrus cum ad eos misisset quosdam ex sceptriferis, qui eum terni sequebantur iuxta ex utraq; parte currus, rei huiusce causa ut nunciarent, iussit ut ijs dicerent, si quis aliquid ab eo uellet, id doceret aliquē ex præbitoribus, quoniam illos diceret rem sibi dicturos. Quare illi abeuntes continuo inter equites pergebant, consultantes quem quisque adiret. At Cyrus quos maxime ex amicis uellet ab hominibus coli, hos misso aliquo singillatim ad se uocabat, & his ita dicebat: Si quis horum qui me iuxta sequuntur, uos aliquid doceat, qui uobis uisus fuerit nihil dicere, nolite ei attendere. Qui uerò iustis rebus egere uideantur, mihi nunciate, quò per publicam consultationē eos expediamus. Alij igitur cum uocaret uehementer immittentes obediebant, imperium Cyro acturi, ostendentesq; uehementer se parēre. Erat Daiphernes quidam incultis moribus, qui putabat, si minus celeriter obediret, liberiores se uisum iri. Quod Cyrus cum didicisset, priusquam se is adiret, secumq; differeret, clam misso quodā ex sceptriferis, iussit ut ei diceret quòd nihilo amplius eo sibi opus esset, ac cæterum non uocabat. Vt autē qui post eum uocatus esset, prius quàm ipse obediuit, immisit Cyrus, eiq; equum dedit ex ijs qui iuxta sequebantur, iussitq; sceptrifero cuidam illum ut ei ageret, quò ipse iussisset: quod quidem uidentibus uisum est honorificum quiddam esse: exhinc multò plures homines eum colebant. Sed ubi uenerūt ad delubra, sacrum fecere Ioui optimo maximo, totosq; tauros cremauerunt: dein Soli totos equos cremare, postea Telluri immolauerunt, ut Magi interpretati sunt.

Sacrific

sunt: dein heroibus, Syriam habitantibus. Post hæc uerò quoniam locus pulcher esset, calcem demonstrauit ut ad quindecim stadia eius loci, & dixit ut per tribus totis uiribus hic equos dimitterent. Vnà igitur cū Persis ipse immisit ac uicit: nam maiorem in modū Cyro equestris cura fuerat. E Medis uerò Artabates uicit: nam equum ei dederat Cyrus. E Syris uerò omnibus Gadatas. At ex Armenijs Tigranes. Ex Hyrcanijs autem præfecti filius. At ex Sacis priuatus uir quidam equo suo alios reliquit equos, cum esset prope dimidiū curriculi. Hic igitur dicitur Cyrus interrogasse adolescentem, si regnum admitteret pro illo equo. illumq; respondisse: regnū equidem minimè admitterem, uerū locare gratiam apud uirum bonum, admissurus essem. Ad quem inquit Cyrus: Atqui ostendere tibi uolo, hic etiam si clausis oculis iacias, fore ut non aberes à uiro bono. Omnino igitur, inquit Saca, sublata manu ostende mihi, ut hac sublata gleba illum feriam. Ac Cyrus demonstrat ei ubi suorū amicorū erant plurimi. Hic uerò clausis oculis immisit glebam, & equo transcurrentem Pheraulam assequitur: nam casu Pheraulas quiddam præcipiebat, quod Cyrus iusserat. Qui percussus ne conuersus est quidem, sed pergebat id acturus, cuius gratia iussus fuerat. Saca uerò respiciens, interrogat quem esset affecutus. Non per Iouem, inquit, quenquam es ex præsentibus affecutus. Sed minimè quidem, inquit adolescēs, ex absentibus quenquam. Ita mediusfidijs, inquit Cyrus: tu quidē illum percussisti, qui equum celeriter inter currus immittit. Et quomodo, inquit, nō cōuertitur? Ad quē inquit Cyrus: Insanus quidem est, ut uidetur. Quod audiens adolescens, ibat quānam esset cōsideraturus: inuenitq;

Pheæ

Pheraulā, cuius barba & terra referta erat & sanguine, qui percusso ei fluebat ex nare. Sed ubi Pheraulā adisset, interrogavit si percussus esset. Cui ille respōdit: Vt uides. Do igitur tibi hūc equū, inquit adolescēs. At Pheraulas interrogavit, cuius rei gratia. Exhinc Saca rem ei narrabat, dixitq; postremo: Et equidē puto nō aberrasse à uiro bono. Ad quē respondit Pheraulas: At ditiori quā mibi, si sciperes, eum dedisses. Nunc uerò ego quoq; equū admittam. Oro autē deos qui fecerūt ut abs te percuterer, mibi dent ut faciā ne te poeniteat huius munerationis erga me. Atq; nunc tu, inquit, abequita in meum equū ascendens, rursus ego ad te ibo. Ita quidē hi inuicem à se discesserūt. Ex Cadusijs uerò uicit Rhadines. Dimisit autē currus singillatim Cyrus, et qui uicissent dedit omnibus, tum boues, quò ubi sacrificassent uesterentur, tum etiā pocula. Itaq; bouem accepit ipse uictoriæ præmiū: sed ex poculis partem suam Pheraulæ dedit, quoniā uisus esset eius immissio nem è regia pulchrè instruxisse. Itaq; ut tū Cyrus cōstituerat, ita etiam hoc tempore perseuerat regis immissio, nisi quòd hostiæ defunt quando nō sacrificet. Sed posteaquam hæc finē habuerūt, in urbē redeunt, & distribuunt hi quīdem quibus ædes datæ fuerant, in ædibus: quibus autē nō datæ fuerāt, in ordine distribuerūt. At Pheraulas inuitatō Saca, à quo equum acceperat, & munera ei dedit, & alia præbuit assatim. Cūq; cœnati essent, impletis poculis quæ acceperat à Cyro, & propinauit, et ea largitus est Sacæ. At Saca uidens multū quidē ac pulchrū stratū, multū etiā pulchrumq; apparatū, ac famulos itē multos: Dic, inquit, mihi Pheraula, num etiam domi es ex diuitum ordine? Ad quē Pheraulas respondit: Quorū diuitum? Ex illorū sanē

sum ordine, qui sibi manibus uictū parant. Nam me pater instituit puerorū disciplina, cum ipse parcè operaretur, aleretq;. Sed ubi in adolescentiā excessi, cum me nequiret ociosum alere, in agrum deduxit, iussitq; ut operam facerem. Hic igitur ego illum alui contrā, donec uixit: ipse terram uertens ac serens, & agellum sanè admodū paruum, nec malum quidem, sed omnium iustissimum. Quodcunq; cepisset semen, pulchrè iusteq; reddebat & ipsum et fructum haud sanè multum: quandoq; tamen ob generositatem duplo ijs plura reddidit, quæ acceperat. Domi igitur ego uiuebam ita: nunc uerò hæc omnia quæ uides, Cyrus mihi dedit. Et Saca inquit: O beate quidē tu, cum ob aliam, tum propter hoc ipsum quòd ex paupere diues es factus. Multò enim te arbitror ob hanc etiam rem suauius ditari, quòd cum pecuniarum fame tenereris, factus es diues. Ad quem Pheraulas respondit: Num enim ita Saca existimas, me nunc eò uiuere iucūdius quò plura possideo? An ignoras me & comedere et bibere et dormire nullo modo mihi iucundius, quàm tunc cum eram pauper? Quòd autem hæc sunt mihi permulta, tantum mihi est lucri quòd plura me oportet custodire, plura alijs tribuere, et quò plura curo, eò mihi plura esse negocia. Nunc enim famuli multi cibum à me petunt, multi potum, multi amictus, alij egent medicis. Venit etiam aliquis qui ferat pecudes à lupis absumptas, aut boues præcipitium passos, aut morbum peccora dicēs inuasisse. Itaq; mihi uideor magis tristari quòd nunc plura possideam, quàm antea quòd pauca haberem. Verum, inquit Saca, cum salua certò esse multa intueris, multò magis letaris quàm ego. Ad quem respondit Pheraulas: Nequaquam Saca ita iucundum est habere pecu-

nias, ut molestum eas amittere. Noueris autem me uera dicere. Nemo enim diues cogitur uigilare propter uoluptatem: sed neminem eorum uides qui aliquid amiserint, præ dolore posse dormire. Medius fidius, inquit Saca, neque illorum quenquam qui aliquid acceperint, somnolentum uideas præ uoluptate. Vera, inquit, narras: si enim aliquid habere ita suaue esset, ut accipere, diuites multò felicitate præstarent pauperibus: sed necesse est etiã Saca qui multa possidet, eum facere multum etiam sumptum, & erga deos & erga amicos & erga hospites. Qui igitur ualde pecunijs delectatur, certò scito hunc etiam ualde tristiari si sumptum faciat. Per Iouem, inquit Saca, ego non sum ex horum numero: sed hanc rem felicitati dandam puto, eum facere multum sumptum, qui multa possideat. Quid igitur, per deos immortalis, inquit Pheraulas, non ipse quamprimum fias admodũ felix, & me ipsum felicem facias? Accipe enim hæc omnia, ac posside, ijsq; utere pro uoluntate tua, meq; aliud nihil quàm ut hospitem ale, & tenuius quoque quàm hospitem. Satis enim mihi futurum est, quodcunque etiam ipse habeas, quòd horum sum particeps. Iocaris, inquit Saca. Et Pheraulas iure iurando affirmauit seriò loqui se. Et alia quidem tibi Saca imperabo, inquit, à Cyro, ut neque eius fores te curare oporteat, neq; in expeditionem ire, sed tu diuitijs abundans domi mane: ego hæc faciam & pro te & pro meipso. Et si quid boni præterea accepero ob Cyri cultum, aut etiam ab aliqua re militari, id ad te feram, quò item pluribus domineris, solum me soluto hac cura. Nam si mihi ab his ocium, futurum puto ut & mihi et Cyro magno usui sum. Quibus ita dictis hæc inuicem composuere, faciebantq;. Et Saca qui-

Multa possi-
denti multum
etiã sumptus
faciendum.

dem se ducebat felicem factum, quòd multis pecunijs dominaretur. Pheraulas item arbitrabatur se beatissimū esse, quòd tutorem esset habiturus, qui sibi ocium præberet ad agendum quòdcunque ei iucundum foret. Erat autē Pheraulas natura amicorum studiosior, & colere nihil ei iucundum ita esse uidebatur neq; utile, ut homines. Etenim arbitrabatur hominem animalium omnium esse optimum & gratissimum, quòd uideret & eos qui ab aliquo laudarentur, contrā etiā hosce alacriter laudare, enitiq; ut contrā rem gratam his facerent, qui sibi gratificarentur: & quos cognosceret beneuolē habere, in illos nos cōtrā esse beneuolos: et quos uideret amare eos, hos odio habere nō posse, parentesq; magis quàm omnia alia animalia: cōtrā item uelle colere & uiuos & mortuos. Cognoscebat autē alias quasq; animantis & magis ingratas esse, minusq; beneficij memores, quàm homines. Sic igitur & Pheraulas afficiebatur maxima uoluptate, quòd sibi licitum foret, ut liberatus cura aliarum possessionū, apud alios amicos uersari posset: & Saca plurimum letabatur, quòd quia haberet multa, multis quoque usurus esset. Amabat autem & Saca Pheraulam, quòd semper asferret aliquid: & Sacam Pheraulas, quòd accipere uellet omnia, semperq; plura curans, nihilo magis ei præberet occupationem. Et hi qui dem ita degebant. At Cyrus cū sacrificasset uictoriæ præmia epulatus, uocauit ex amicis qui perspicuē uiderentur ipsum uelle & amplificatū ire maxime, & honorare beneuolentissimē. Inuitauit etiam unā cum his Artabazum Medum, & Tigranem Armenium, & Hyrcanium præfectū, & Gobryam. Gadatas uerò sceptrifera eius præcrat. Et ubi ille parauisset, ibi omnem intus uictum constituit.

stituit. Cumq; aliqui unà cœnarēt, Gadatas ne sedebat quidem, sed curam habebat. Dum uerò ipsi abessent, cœnabat ipse quoque unà cum Cyro: delectabatur enim unà cum eo esse. Pro his autē rebus multis magnisq; beneficijs honorabatur à Cyro, & propter Cyrum apud alios quoq; erat in honore. Sed ut uenerunt inuitati ad cœnam, non temerè et incōsultò singulos locabat ad mēsā: sed quem maximè honoraret, ad sinistram sedere iubebat manum, quòd hæc insidijs magis subiecta sit quàm dextera: secundum uerò ad dextram, tertiū rursus ad sinistrā, & quartum ad dextram. Quòd si plures essent, eodem modo. Declarare enim quo pacto singulos honoraret, hoc ei bonū esse uidebatur. Quòd ubi adhuc homines putant eum qui melior sit, neq; proclamandū, neq; præmia accepturum, liquidò patet eos hic minime inuicē habere pertinaciter: sed ubi qui optimus sit longè præfertur, hic maxima cum alacritate non obscure omnes certant. Atq; Cyrus ita declarabat eos qui apud se erant optimi, continuò incipiens à confessu & assistentia: haud sanè immortalē quem confessum iusserat, cōstituit, sed lege cauit, ut bonis operibus ad honoratissimū confessum ascenderetur. Ac si quis uoraciter immundeq; uesceretur, ut is secederet ad sedem minus honorificam. Qui autē excelleret in confessu, Cyrum pudebat, quòd minus is uideretur bonis plurimis ab se affici. Atque hæc quæ sub Cyro fuerunt, ita etiam hoc tempore sentimus permanere. Cum uerò cœnaret, uisum est Gobryæ, quòd singula permulta forēt, minime esse mirandum apud uirum multis imperitantem. Sed quòd Cyrus qui res adeò magnas gereret, si quid iucundū cepisse uideretur, nihil consumeret solus, sed id honoris haberet,

ut qui aderant omnes, rei sibi datæ participes faceret, hoc sanè mirabatur. Persæpe quoq; eū uidebat Gobryas hæc absentibus quibusdam amicis mittere, quibus ipse delecta retur. Quare posteaquam cœnauisset, & omnia Cyrus, quæ permulta erant, misisset à mensa, dixit Gobryas: At ego Cyre, hac te re plurimū cæteris præstare hominibus ducebam, quòd esses rei militaris scientissimus: nunc autem, deos testor, certò mihi uideri te magis humanitate præstare quàm re militari. Per Iouem, inquit Cyrus, multò profectò mihi iucundius est humanitatis opera demonstrare, quàm rei militaris. Quî tandem? inquit Gobryas. Quoniam, inquit, demonstranda sunt & ea quæ homines male faciunt, & ea quæ bene. Hinc igitur ubi modicè bibissent, interrogauit Hystaspas Cyrum: Num, inquit, Cyre succensurus mihi sis, si te interrogauero quod audire ex te uolo? Sed ita per deos, inquit, contrà tibi succenserem si sentirem tacere te, quæ tibi interrogare uoluntas esset. Dic igitur, inquit, mihi, num ullo unquam tempore cum uocatus abs te sum, non ueni? Dij meliora, inquit Cyrus. Sed dum obedio, num ociose obedio? Ne hoc quidem. Si quid etiam iam mihi iussisti tu, non id egi? Haud te, inquit, accuso. Quod autem agerem, unquam deprehendisti me non alacriter, aut iucundè minus id à me agi? Hoc omnium minimè, inquit Cyrus. Quare tamen, inquit, per deos immortalis Cyre, Chrysantam scripsisti, ut honoratiore in loco quàm ego poneretur? Dico sanè quod in re est, inquit Cyrus. Omnino, inquit Hystaspas. Et tu rursus non mihi succensebis si uera audias? Quin uoluptate, inquit, afficiar si didicero me non pati iniuriam. Chrysantas igitur, inquit, hic primum quidem nō expectabat uocari se, sed

sed prius quàm uocaretur, aderat rerum mearum gratia. Deinde non id solum quod iuberetur, sed etiam quod ipse cognosceret esse mihi factò melius, hoc agebat. Cumq; aliquid dicendū esset ad socios, quæ dicere me puderet, consulebat mihi: & quæ sentiret me uelle à socijs cognosci, meq; animaduerteret pudere de meipso loqui, hæc ipse dicens tanquam suam esse sententiam ostendebat. Itaque his in rebus quid prohibet ipsum mihi esse meipso etiam meliorem? Ac sibi quidem semper ait, præsentia omnia satis esse: mihi uerò perspicuum est eum usq; considerare quid rursus utilitatis sit allaturus, multoq; magis exultat ac lætatur meis bonis, quàm ipse ego. Ad quæ ipsa respondit Hystaspas: Per Iunonem Cyre, lætor hæc me percunctatum. Cur maximè? inquit Cyrus. Quoniam ego etiam hoc enitar facere. Sed unum solum ignoro, quonam modo sim ostensurus gaudere me bonis tuis. Vtrum manuum concussione utendum est, an ridendum, an aliud faciundum? Et Artabazus inquit: Saltandum est Persicè. Quibus in uerbis risus factus est. Procedente autem symposio Cyrus Gobryam interrogauit: Dic mihi ô Gobrya, hoc ne tempore libentius putas horū alicui filiam tuam dare uxorem, an cum primùm nobiscum cōgressus es? Num etiam ego, inquit Gobryas, uera loquor? Ita mehercule, inquit Cyrus, utpote quòd nulli interrogationi mendacio opus est. Certò igitur, inquit, scito me nunc multò libentius. Putas an etià habcas, inquit Cyrus, dicere quam ob rem? Habeo equidem. Dic igitur. Quoniam tum equidem aspiciebam ipsos æquo animo tolerare labores ac pericula, nunc uerò eosdem uideo res secundas temperanter ferre. Videturq; mihi Cyre, difficilius inuenire uirū qui bona pul-

*Res secundas
rectè ferre dif-
ficilius, quàm
aduersas.*

*chrè ferat, quàm qui mala. Altera enim in contumeliam multos, altera omnes in intemperantiam agunt. Et Cyrus inquit: Audisti ne Hystaspæ uerbum Gobryæ? Ita, inquit, mehercule. Quòd si multa loquatur huiusmodi, multo magis me capiet filiae suæ procum, quàm si multa mihi pocula ostendet. Profectò, inquit Gobryas, multa mihi sunt literis mandata huiusmodi, quæ tibi non inuidebo si filiam meam ceperis uxorem: pocula uerò quoniam mihi non uideris admittere, nescio an Chrysantæ huic das, quoniã & ipse tuam sellam subripuit. Atqui, inquit Cyrus, ô Hystaspæ, & uos alij qui adestis, si mihi dixeritis cum quis uestrum nubere tentauerit, cognoscetis qualis etiam ego adiutor uobis futurus sim. Ad quem Gobryas respondit: Sed si quis tradere uult filiam, cui dicere oportet? Mihi, inquit Cyrus, etiam hoc: hanc enim artem egregie calleo. Quã enim? inquit Chrysantas. Cognoscere scilicet quod matrimonij cuique conueniat. Et Chrysantas respondit: Dic igitur per deos, quam mihi uxorem putas pulcherri-
mè conuenire? Primum, inquit Cyrus, paruam: paruus enim es etiam ipse. Nam si magnã ducas uxorẽ, ubi quandoque uelis eam rectam osculari, prosilire te oportebit quemadmodum anserulos. Hoc, inquit Chrysantas, rectè prouides. Etenim nullo modo prorsus ad saltum sum ap-
tus. Deinde, inquit, si ma tibi uxor conductura sit uehe-
menter. Ad quid item hoc? Quoniam, inquit, tu es adun-
co naso: ad similitatẽ uerò nasi subcuruitas, ut non te lateat, optimè accommodatur. Dicis tu, inquit, ut cum bene coe-
nato, quemadmodum nunc mecum qui coenatus non sit, conueniat? Ita mediufidius, inquit Cyrus. Nam pleno-
rum uenter fit curuus, incoenatorum autem simus. Ad
quem*

quem respondit Chrysantas: Frigido autem regi possis ne dicere per deos, cuiusmodi uxor conductura sit? Et hic quidem tum Cyrus uehementer risit, tum identidem alij. Quibus simul ridentibus inquit Hystaspas: Multò equidem maximè ob hanc rem tibi inuideo in imperio. Ob quam? inquit Cyrus. Quòd potes etiam frigidus risum præbere. Et Cyrus inquit: Postea nolis emere plurimi, ut abs te hæc dicta essent & ei nunciata, apud quam uis in precio haberi te esse urbanum. Et his cauillis ita utebantur. Postea uerò Tigrani extulit mundū muliebrem, quem iussit uxori ut daret, quoniam fortiter in re militari se gesserit cum uiro. Artabazo uerò aureum poculum, Hyrcanio autem equum, aliaq; permulta ac pulchra largitus est. Tibi autem, inquit, ô Gobrya, uirum filiae tuæ dabo. Ergo, inquit Hystaspas, me dabis, quò historias quoq; accipiam. Num, inquit Cyrus, tibi substantia est digna rebus puellæ? Ita, inquit, per Iouem multò pluribus pecunijs. Et ubi est, inquit Cyrus, hæc tibi substantia? Hic, respondit Hystaspas, ubi etiā ipse sedes qui mihi amicus es. Sufficit mihi, inquit Gobryas. Et continuò dextrā cum extendisset: Da, inquit, Cyre. Admitto enim. Et Cyrus Hystaspæ dextram capiens, dedit Gobryæ. Ille autem excepit. Exhinc multa atq; pulchra dona dedit Hystaspæ, quò ea puellæ mitteret. Chrysantam uerò ad se tractū osculatus est. Atq; Artabazus inquit: Per deum Cyre, nō similis auri & mihi poculū dedisti et Chrysantæ dono. Verū tibi etiam, inquit, dabo. Quæsiuit ille: Quando? Ad trigessimū, inquit, annum. Itaq; sic te parato ut expectaturum, & non ut moriturum. Et tum quidem conuiuium hoc pato desijt. Ii uerò cum surrexissent, surrexit itē Cyrus, &

eos deduxit ad fores usque. Postridie uerò eius diei dimisit socios quosque domum pro uoluntate sua, his exceptis quicunque habitare apud se uellent: quibus & agrum dedit & ædis, quæ omnia hac etiam tempestate posteri eorū qui remansere, possident. Hi autem sunt maiore ex parte Medi & Hyrcanij. Eos uerò qui abirent, cū plurimis muneribus donauisset, fecissetq; ne quid expostularent, & principes & milites dimisit. Exhinc distribuit inter milites suos pecunias quas cunq; ex Sardibus ceperat. Atque ijs qui denis millibus præessent, eorumq; ministris electas pecunias dedit pro dignitate cuiusque, alias uerò distribuit. Et pecuniarum parte data præfecto cuiq; denorum millium, his permisit earum tributionem, quemadmodum ipse illis tribuerat. Dederunt autem alias pecunias singuli principes, singulos eos dijudicantes magistratus quibus ipsi præessent: ultimas autem pecunias hi qui senis præerant, pro iudicio suo cuiq; priuato dedere pro dignitate. Et ita omnes iustam portionem acceperunt. Vbi uerò pecunias acceperant quæ tum datæ sunt, quidam huiusmodi uerba de Cyro loquebatur: Certè multas ipse pecunias habet, qui singillatim nobis tot dedit. Aliqui autē dicebant: Quas multas pecunias habet? ingenium Cyri non tale est ut ditari omnino uelit, sed dādo magis lætatur quàm possidendo. Quæ uerba cum acceperat, & eas de se opinionēs, collegit & amicos & tempestiuos omnis, atq; in hūc modum loquutus est: Viri amici, uidi equidem iam homines qui uideri uolunt plura possidere quàm habeant, rati hi quidem liberaiores ita apparere: at hi uidentur mihi secus trahi quàm uolunt. Nam cum is qui uidetur habere multas pecunias, minus pro dignitate substantiæ amicis prodest,

Cyri concio.

prodest, auaritiæ nomen subit, mea quidē sententia. Sunt etiam qui latere alios uolunt, quasunque ipsi habeant. Improbi igitur etiam hi uidentur mihi esse in amicos. Nam quoniam quas ipsi pecunias habeant ignoratur, sæpe indigentes amici sodalibus minus nunciant, sed decipiuntur. Simplicis autem apertissimiq; uiri mihi uidetur esse, qui manifestata substantia, ex hac exercetur circa æquum & bonū. Ego igitur ostendere uobis uolo, quæ mihi sunt omnia, quæcunque possunt uideri. Quæcunque autē uideri nō possunt, ea enarrabo. Quæ loquutus, alia quidem bona ostendebat, quæ multa pulchraq; possidebat. Quæ autem reposita erant, ut quæ uideri facîle non possent, ea enarrabat. Postremò ita dixit: Hæc, ô uiri amicißimi, omnia oportet uos arbitrari non magis mea esse quàm etiam uestra. Ego enim hæc congero, neque ut ipse impediam, neque ut ipse consumam (nec enim possim id facere) sed quò habeam quod sim ei daturus, qui è uobis pulchri aliquid fecerit: & quò si quis uestrum existimauerit rei alicuius indigere, si ad me ueniat, accipiat quod ei sit opus. Et hæc sanè dicta sunt ita. Sed ubi iam ei uisum res Babylonē pulchrè habere, ita ut etiam abire posset, parauit reditum in Persas, eumq; alijs præcepit. Vbi uerò putauit satis ea habere, quibus egere futurū arbitrabatur, sic tandem soluit. Exponemus præterea hæc, ut multus exercitus cum esset, pulchro ordine parabatur, ac rursus itineri accingebatur, atq; celeriter ponebatur quo in loco oporet. Vbicunque enim castrametabatur rex, ibi uniuersus regis exercitus sese cum tabernaculis locat & æstate & hyme. Cyrus autem continuò hoc legitimum fecit, ut tabernaculum poneretur ex orientis regione. Deinde con-

exercitus

stituit, primum quidem quantum abesse cum tabernaculis oporteret spiculatores à regio tabernaculo. Dein dexterum locum ostendit ijs qui cibum facerent, sinistrum autem ob soniorum artificibus. Equis quoque dexterum locum, iumentis uerò alijs sinistrum. Et reliqua constituta sunt ita, ut quisq; sciret sedem suam & dimensione & loco. Cum uerò iter rursus est faciundum, componit quisq; ea uasa quibus pro constitutione est utendū. Alij item ea ponunt in iumentis. Itaque ueniunt simul omnes qui agunt impedimenta ad agendum constituta: simul etiam omnes reponunt, quisq; super sua iumenta. Sic igitur idem tempus satis est, ut & unum tabernaculū & omnia tollantur. Idem tidem sic habet etiam de apparatu, & de faciundis necessarijs omnibus tempestiuè: eodem modo singulis constitutum est quæ facere oporteat. Ob quam quidem rem idem tempus sufficit & uni parti, & omnibus ad faciundum. Quemadmodum uerò famuli qui erant ad res necessarias constituti, locum habebant cōuenientem singuli, ita etiam armigeri eius in expeditione & habebant locum armaturæ accommodatum, & sciebant quis hic esset, & indubitato omnes se locabant. Perpulchrum sanè arbitrabatur Cyrus, in ædibus quoque esse aptæ locationis studium. Cum enim cuiquam re ulla est opus, liquidum est quò sit iturus ad eam accipiendā. Multò præterea pulchrius existimauit, si bene posita essent tribus militares. Quò enim acutiora sunt tempora earum rerum quibus utendum est ad res bellicas, maiora etiā errata fiunt per eos qui in his cunctantur. Ab illis uerò qui tempestiuè adsunt, uidebat utilitates fieri plurimi æstimandas in rebus bellicis, itaque curam habebat huius ordinis maximè. Atque ipse Cyrus

primum

primum se in medio castrorum collocabat, utpote quòd hic locus munitissimus foret. Dein uiros maxime fidos, quemadmodum semper consuevit, circum se habebat. Hi uerò cum circulariter starent, et equites habebat et currum ductores. Etenim his putabat opus esse loco munitissimo, quoniam quibus cum armis praeliantur, nihil horum paratum expeditumque habentes castrametantur, quin multo his tempore opus est ad se armandos, si utiliter sint educaturi. In dextera autem ac sinistra et suis ipsius et equitum parte, locus erat scutatis constitutus. Sagittariorum item locus et ante erat et post, tum ipsum, tum etiam equites. Milites uerò grauis armaturæ et qui magnas haberent cratis, circum eos omnis habebat ueluti murum, quò si quid oportere parari milites, hi constantissime aggressi praeberent ijs ad armandum securitatem. Accubabant autem ei in ordine quem admodum milites grauis armaturæ, sic quoque scutati ac sagittarii, quò etiam noctu si quid ei opus esset, sicuti et milites ipsi parati sunt ad ferendum cominus inuadentem, ita et sagittarii et iaculatores si qui adorirentur, praesto iacula sagittasque torquerent pro his militibus. Habebant praeterea signa omnes principes in tabernaculis. Sed ministri quemadmodum etiam in urbibus qui temperantes prudentesque sunt, plurimorum quoque sciebant habitationes, praesertim tempestiuorum: eodem quoque modo Cyri ministri, et sciebant in castris ducum loca, et signa cognoscebant quæ singulis essent: quare si quo illorum Cyro opus esset, cum non querebant, sed quambreuissime currebant ad singulos. Et quoniam nationes singulae merae essent, multò etiam magis erant manifestae, et cum quis bene iussa seruaret, et si quis minus ageret quod iussum esset. Igitur cum ita illi haberent,

censebat Cyrus si quis etiā inuaderet noctu aut die, inuadentis hostes tanquam in insidias in castra incidere. Atq; disciplinæ militaris non hoc solum esse ducebat, si quis ex tēdere phalangas facile possit, aut restringere, aut ex cornu in phalanga redigere, aut ex dextra uel sinistra, aut à tergo apparentibus hostibus rectè explicare: sed etiam distrahere cum opus sit, ordinarium præceptum existimabat: & quo pacto ponenda esset quælibet pars quò maxime esset utilis, & quomodo accelerandum ubi assequi oporteat: hæc omnia ac similia periti strenuq; uiri esse arbitrabatur, atq; hæc omnia æquè curabat. Præterea in itineribus, ad id quod accideret semper exercitu disposito pergebat. In castrametatione uerò frequenter, quemadmodum dictum est, exercitum locabat. At ubi uenerūt in Mediæ regionem, diuertit Cyrus ad Cyaxarem. Qui ubi se inuicem sunt complexi, Cyrus primū inquit Cyaxari, ei & ædes Babylone electas esse, & principia, quò haberet etiam cum illuc iret, diuersoriū tanquam in domū. Dein quoque alia ei dona dedit & plurima & pulcherriima. At Cyaxares his quidem acceptis, ad eum filiam misit, quæ ferret & coronam auream, & armillas, & torquem, & stolam Medicam quàm fieri potuit pulcherriimam. Et puella quidē Cyrum coronabat. Cyaxares uerò dixit: Do etiam tibi Cyre hanc ipsam uxore, quæ mea est filia. Tuus autē pater uxorem cepit filiam patris mei, ex qua ipse natus es. Hæc autem est, quam tu sæpe cum puer apud nos esses, cantiunculis demulcebas: cūq; aliquis eam interrogaret cui nuberet, dicebat se Cyro nubere. Præterea do etiā ipsi dotem uniuersam Mediam: nec enim mas filius mihi legitimus est. Cyaxares ita est loquutus. Ad quem

quem Cyrus respōdit: Verūm Cyaxares & genus laudo,
 & puellā, & dona, sed hæc tibi uolo consentire unā cum
 patris mei matrisq; sententia. Quæ quidē Cyrus in hunc
 modum loquutus est, sed puellæ tamen hæc omnia dono
 dedit, quæcunq; arbitrabatur Cyaxari quoq; grata fore.
 Et hæc cum fecisset, proficiscebatur in Persas. Sed ubi per
 uenit in Persarum fines, relicto alio agmine ipse unā cum
 amicis ad urbē pergebat, uictimas secum agens, quæ om-
 nibus Persis satis essent & ad sacrificandū & ad epulan-
 dum. Agebat etiam dona quæ decerent & patrē, & ma-
 trem, & amicos alios: qualia item forent pro magistratuū
 & seniorum homotimorumq; dignitate. Dabat præterea
 Persis omnibus dona & maribus & sceminis, quæcunq;
 etiam hac tempestate dantur à rege quodocunq; in Per-
 sas ierit. Exhinc collegit Cambyses Persarū seniores atq;
 magistratus, qui rerum maximarum ius habent. Inuitauit
 etiam Cyrum, ac tali est usus oratione: Viri Persæ, & tu
 Cyre fili, ego utrisq; uobis, ut decet, sum beneuolus. Nam
 uobis Persæ rex sum, tu autem Cyre meus es filius. Itaque
 meæ est iustitiæ, quæcunq; uideor mihi nosse utrisq; uo-
 bis conducere, hæc ut in medium referam. Superioribus
 enim tēporibus uos Cyrum amplificastis, quippe cui &
 exercitum dederitis, & exercitus principem constitueris-
 tis. Huius autem dux Cyrus pro deorum benignitate in-
 clytos uos, ô Persæ, inter omnis homines reddidit, & in
 uniuerſa Asia honorificos. Eorum uerò qui unā cum ipso
 militiam obiere, uiros optimatis etiam locupletauit. Mul-
 titudini uerò stipendium uictumq; parauit, constitutoq;
 Persarum equitatu reddidit Persas agrorum item partici-
 pes. Si quidem in posterum ita senseritis, eritis inuicē uo-

Cambyſes

bis autores multarum bonarumq; rerum. Sin autē tu Cy-
 re elatus secundis rebus præsens, aggrediaris in Per-
 sas quoque pro auiditate imperium gerere quemadmo-
 dum in alios, aut uos ciues huius potentiae inuidia tenta-
 bitis soluere huius imperium, debetis non esse nescij uos
 inuicem uobis fore impedimento, quò minus rerum plu-
 rimarum bono perfruarini. Quæ quidem mala ne fiant,
 sed bona potius, mihi uidetur ut per publicum sacrifi-
 cium, perq; deorum attestationem in hæc pacta conue-
 niatis. Te quidem, ô Cyre, si quis aut regionem Persida
 bello appetierit, aut Persarum leges rescindere tentaue-
 rit, auxilium patriæ laturū omnibus uiribus. Vos autem,
 ô Persæ, si quis aut imperio Cyrum priuare aggrediat, aut si
 subditorum mancipiorum quisquam defecerit, futu-
 ros auxilio & uobisipsis, & Cyro ad quicquid hic præ-
 cipiat. Atque donec ego in uiuis sum, meum sit in Persis
 imperium, sed ubi ipse diem obiero, regnum scilicet erit
 Cyri si uixerit. Cumq; hic in Persas uenerit, si religiose uo-
 biscum se gesserit, ut hic sacra pro uobis faciat, quæ nunc
 ipse sacrifico. Sed ubi hic naturæ concesserit, rectē uobis
 consultū erit mea sententia, si ex genere qui uobis futurus
 optimus uideatur, hic legitima dijs immortalibus persol-
 uat. Quæ Cambyses cū dixisset, probata sunt & Cyro &
 magistratibus Persarum. Atque hæc ut tum pepigerunt,
 atq; deos attestati sunt, ita etiam hac tempestate facere in-
 uicem & Persæ & rex perseuerant. His autē gestis abiit
 Cyrus: qui ubi uenit in Medos, ex patris matrisq; senten-
 tia uxorem capit Cyaxaris filiam, quæ fertur hoc etiam
 tempore fuisse pulcherrima. Et si historici quidam tra-
 dunt, Cyrum matris sororem duxisse uxore: sed ea etiam

an^{us} fuisset omnino. Continuò autem ubi cepit uxorem,
eam secum habens soluit ex Media: qui ubi fuisset Babylo
ne, uisum est ei satrapas iam esse mittendos in gentis subiugatas. Atque eos quidem qui in arcibus præsidij præe
rant, atq; millenarios quos præfecerat custodiæ regionis,
noluit alij parère quàm sibi. Hæc prospiciebat, quoniam
cogitaret ut si quis satraparum prædiuitijs atque homi
num multitudine contumelia se esset affecturus, tentatu
rusq; minus parère, continuò in regione haberet qui ad
uersarentur. Hæc igitur uolens agere, decreuit cōuocare
primū tempestiuos, eisq; prædicere ut scirent cunctes quæ
erant facturi: existimabat enim ita facile eos esse laturos.
Vbi autē aliquis esset constitutus princeps, taliaq; accepe
rit, putabat Cyrus hæc illos laturos molestè, quippe qui
arbitrarentur hæc facta esse propter ipsorum infidelitas
tem. Sic igitur uocatis illis in concionē, huiusmodi uerba
loquutus est: Viri amici, sunt nobis in urbibus subiugatis
præsidia præsidiorūq; præfecti, quos tum reliquimus: &
his ego abiens iussi ut aliam ad rem nullam essent curiosi,
quàm ad seruandas urbis. Hos igitur à magistratu nolo
amouere, quoniam bene imperata seruauere: sed alij satra
pæ uidentur mihi mittendi qui imperēt habitātibz, quiq;
accepto tributo & præsidarijs militibus dent stipendiū,
& aliud quodcunq; opus est soluant. Videtur etiam mihi
è uobis hic agentibus quibuscunq; negocia præbeo, cum
illos mitto acturos aliquid in has gētes, & agros tribuen
dos illic esse & ædis, quò & tributū huc ad uos dent, &
cum illuc eant, in propria habeant diuersorium. Hæc lo
quutus est, deditq; amicorum multis in omnibus subiuga
tis urbibus & ædis & subditos, & nunc etiam sunt illorū

posteris qui hæc tum acceperunt agri, permanētes alij in
 alio solo: ipsi autem habitant apud regem. Oportet autē,
 inquit, ut satrapas euntis in has regiones talis ipsi conside-
remus, qui meminerint huc etiam mittere quicquid aut pul-
chri aut boni in quolibet solo sit, quò nos quoq; qui hic su-
mus, participes simus bonorum omnium quæ ubiq; sunt.
 Etenim si quid alicubi graue fiat, nobis erit ulciendum.
 Hæc loquutus Cyrus, tum quidem dicendi finem fecit.
 Dein uerò quos ex amicis cognouit cupidos eundi in di-
 cta loca, electis ex his qui aptissimi esse uidebātur, eos mi-
 sit satrapas. In Arabiam quidem Megabyzum, in Cappa-
 dociam Artabatan, in Phrygiam magnam Artacaman. In
 Lydiam uerò & Ioniam Chrysantam, in Cariam Cadu-
 sum, ut Cares etiam petierunt: in Phrygiam uerò quæ ad-
 iacet Helleſponto & Aeolidi, Pharnuchum. Ciliciæ autē
 Cypri & Paphlagonum, non misit Persas satrapas, quo-
 niam ultro uisi sunt unā secū bellum geſiſſe aduersus Ba-
 bylona. Atq; tributa quidem ut hi quoq; deferrent, ordi-
 nauit. Ut autē tum Cyrus constituit, sic item hoc tempore
 & sunt regis arcium custodiæ: & millenarij qui custodi-
 bus præſunt, à rege constituti sunt, descriptiq; apud regē.
 Iuſſit præterea satrapis omnibus quos mittebat, ut pro ui-
 ribus ea omnia imitarentur, quæ ipsum facere uiderent.
 Et primum quidem ut equites constituerent, aurigasq; ex
 his Persis & socijs qui unā secuti sunt: & quicumq; agrū
 principiaq; cepiſſent, hos cogerent ut ad fores irent tem-
 perantiq; studerent, & sese utendū satrapæ præberen-
 si quare opus eſſet: atq; ut filios qui nascerentur, inſitue-
 rent ire ad fores, quemadmodum apud ipsum. Insuper ut
 satrapes educeret ad uenationem eos qui sunt ad fores: &

ut

ut satrapes ipse, & qui unà cum eo sunt res bellicas exer-
cerent. Quicunq; autē, dixit, mihi reddiderit pro ratione
potentiæ plurimos currus, plurimosq; & optimos equi-
tes, hunc ego ut bonum socium bonumq; concustodem im-
perij, & Persarum & mei honoribus prosequar. Ad hæc
præferantur apud uos quoq;, quemadmodum apud me,
uiri optimates cæteris in confessu. Et mensa etiam sit si-
cuti mea, quæ alat primū famulos, dein satis sit ornata ad
impertiundum etiam amicis: & ut eum qui pulchrè ali-
quid fecerit, quotidie rursus muneret. Insuper hortos cō-
parate, atque nutrite feras, & neque ipsi unquam sine la-
bore cibum apponite, neque equis sine exercitatione pa-
bulū iniicite: haud enim possim ipse qui unus sum, huma-
na uirtute bona omniū uestrū seruare semper, sed opor-
tet me qui bonus sum, auxilio esse uobis unà cum his bonis
quæ à me sunt: identidem quoque uos qui ipsi boni sitis,
cum his bonis quæ uobiscū sunt mihi esse socios. Vellem
præterea uos hoc etiam animo uobiscum uolutaretis, me
nihil horum ad quæ nunc uos hortor seruis imperare, sed
quæ uobis faciunda dico, hæc item ipse omnia enitor age-
re. Et quemadmodū ego uobis iubeo ut me imitemini, sic
item uos qui à uobis magistratus habent, ut uos imitentur
eos docetote. Atque hæc ut tum Cyrus constituit, etiā hoc
tempore eodem modo omnes quæ sub rege sunt custodiæ
similiter asseruantur. Omnes autē principum ianuæ iden-
tidem celebrantur, ædesq; omnes & magnæ & paruæ si-
mili ratione habitantur: atq; omnibus uiri optimates præ-
feruntur, in confessu præsertim, omniaq; itinera eodē mo-
do constituta sunt, & omnibus summatim cōprehendun-
tur multæ actiones, cū pauci sint præfecti. Hæc loquutus

Cyrus ut singulis essent agenda, datisq; cuiq; uiribus, eos
 emisit: pronunciauitq; omnibus ut se pararent, utpote
 quod in proximum annum in expeditionem cundum foret,
faciendusq; census & uirorum & armorum & equorum
& curruum. Considerauimus hoc præterea quod Cy-
 ro autore, ut aiunt, hac quoque tempestate perdurat. Sol-
 uit enim uir annuatim semper exercitum secum habens,
quò si cui satraparum auxilio opus sit, auxiliū ei afferat:
 sin aliquis contumelia utatur, ut eum ad suauitatem redi-
 gat. Quòd si quis negat aut solutionem tributorum, aut in-
 habitantium custodiam, aut ut ager colatur, aut aliud quic-
 quam eorum quæ sint constituta reliquerit, ut hæc omnia
 disponat, modereturq;: sin id minus queat, regi ut nūciet.
 Quod rex audiēs, cōsultat de eo qui inordinate quid ege-
 rit: & qui sæpe dicuntur regis filius descendit, regis fra-
 ter, regis oculus, et quandoque minimè apparent, hi sunt
 regij quæsitores. Amouetur enim eorum quisque dum rex
 iusserit. Insper didicimus aliud Cyrum excogitasse ad im-
perij magnitudinem, ex quo celeriter sentiebat quomodo
ea haberent quæ permultum etiam distarent. Cum enim
 considerasset quantum itineris equus faceret die equitans
 quantum sat esset, fecit equorum stabula tantundē distan-
 tia, in quibus equos constituit, & qui equorum diligentiam
 haberent. Virumq; quolibet in loco ordinauit, qui aptus
 esset ad accipiendas literas quæ ferebantur, easq; traden-
 das: quiq; reciperet equos defatigatos atque homines, re-
 centisq; alios mitteret. Interdum etiam ferunt ne noctes
 quidem sufficere huic itineri, sed diurno nuncio noctur-
 num succedere. Quibus rebus ita gestis, aiunt quidā hoc
 itineris uelocius perfici quàm gruum uolatum. Quòd si
 hoc

eglafin
 p. 17

hoc mentiuntur, illud certè manifestū est hanc pedestrem
 profectionem uelocissimam esse humanorum pedestrium
 itinerum: & quodque bonum ubi sit quamcelerrimè in-
 tellectum, quamcelerrimè etiā curari. Sed ubi annus præ-
 terijt, coëgit Cyrus exercitum suum ad Babylona, cui su-
 isse fertur equites ad centum uiginti millia, currus falca-
 tos ad duo millia, pedites uerò ad quingēta uiginti millia.
 Vbi uerò hæc parasset Cyrus, mouit hunc exercitū, quo
 fertur subiugasse gentes eas omnis, quæ ab ineunte Syria
 habitant usque ad mare rubrum. Postea uerò expeditio fa-
 cta dicitur in Aegyptū, subiugasseq; Aegyptum. Exhinc
 imperium terminauit Cyro ad orientem rubrum mare, ad
 septentriones pontus Euxinus, ad occidentem Cyprus &
 Aegyptus, ad meridiem Aethiopia. Horum autem metæ
 aliæ propter calorem, aliæ propter frigus, aliæ propter
 aquam, aliæ uerò propter ariditatem sunt cultu difficiles.
 At Cyrus in harum medio uitam agens, tempore hyemali
 degebat Babylone septē menses: hæc enim regio clemens
 est. Per ueris autem tempus tres menses degebat Susis, in
 æstatis autem uehementia menses duos agebat Ecbatanis.
 Sic autē Cyrus dum faceret, ferunt eum per calores et fri-
 gora degere semper solitum in uerno tempore. Et usque-
 adeò homines erāt in eum affecti, ut omnis gens deterius
 habere uideretur, nisi ad Cyrum misisset quod pulchū eis
 in regione uel oriretur, uel nutriretur, uel arte excogita-
 retur. Omnis etiam urbs identidem, omnisq; uir priuatus
 fieri sanè diues uidebatur, si quid Cyro largiretur. Etenim
 Cyrus à singulis ea accipiens quibus dantes abundabant,
 ea retribuebat quorū eos esse inopes sentiret. Verū cum
 ita æuum processisset Cyrus, iam admodum senex uenit in

*mumens cor
city 1711*

imperium ei

*cyro soluta
rima ueris*

Persas anno septimo sui imperij, cuius pater materq; ian-
 diu, ut par erat, diem obierant. Atque Cyrus sacrificauit
 uictimas legitimas, duxitq; chorum Persis more patrio, et
 omnibus tribuit dona, ut consueuerat. Cumq; dormiret in
 regia, uisus est ei aduenisse melior quidā quā natura hu-
 mana, eiq; dixisse: Para te, ô Cyre, iam enim abis ad deos.
 Quod somnium intutus excitatus est, propeq; intelligere
 est uisus uitæ exitum adesse. Itaq; hostijs continuò captis,
 eas sacrificabat & Ioui patrio, & Soli, & alijs dijs in ca-
 cuminibus, ut Persæ sacrificant, ita orans: Iupiter patrie,
 ac Sol, dijq; omnes, hæc accipite & ultima sacrificia mul-
 tarum pulchrarumq; rerum gestarum, & gratiarū dona,
 quòd significastis mihi & in sacris, & in signis cœlesti-
 bus, & in augurijs, & in rumoribus, & quæ agēda erāt,
 & quæ non agenda. Multa autem uobis gratia, quòd &
 ipse noram diligentiam uestram, & nunquam in rebus se-
cundis super hominem sum elatus. Peto autem à uobis, ut
 detis etiam nunc filijs quidem meis, & uxori, & amicis,
 & patriæ felicitatem. Mihi autem quale dedistis æuum,
 talem detis etiā uitæ exitum. Quæ Cyrus cum fecisset, do-
 mumq; reuertisset, uisus est suauiter quiescere, cubuitq;
 Sed ubi hora iam erat, eum adeuntes qui cōstituti fuerant,
 iubebant ut lauaretur. Ad quos respondit, libenter se qui-
 escere. Rursus hi constituti cum tempus esset, cœnam ap-
 posuerunt. At Cyrus animo cibum quidē non appetebat,
 sed uisus est sitire, bibitq; & suauiter quidem. Sed ut po-
 stridie eius diei, ac die item tertio hæc item ei accidissent,
 filios uocauit: hi enim sequuti eum fuerāt, & erant in Per-
 sis. Vocauit præterea amicos magistratusq; Persarū, qui-
 bus omnibus præsentibus loqui cœpit in hūc modū: Filij
mei

mei charissimi, & uos amici omnes qui hic adestis, uitæ si
 nē adesse iam mihi ex multis equidē rebus perspicuē co-
 gnosco. Vos autem decet cum obiero, omnia & dicere &
 facere, perinde atque felicitatem adeptus sim. Ego enim
 & cum puer essem, quæ in pueritia honesta existimātur,
 eorum mihi uideor fructum consecutus: & ubi exceßi in
 ephebos, adolescentiæ honestate, & perfectus uir factus,
 quæ in uiris honesta sunt, his sum perfructus. Et cum unā
 cum ætate procederē, mihi auctas cognoscere uisus sum
 uires meas. Itaq; senectutē meam nunquam sensi esse mea
factam iuuenta imbecilliolem. Neque aliquid aut cupisse
 aut aggressum me noui, quod minus mihi contigerit: un-
 diq; amicos meos per me factos esse felices, hostes uerò à
 me actos in seruitutem. Atque meam patriā, quæ antea in
 Asia nullum habebat imperium, nunc præ cæteris relin-
 quo honoratam. Quæcunq; adeptus sum, eorū nihil noui
 minus mihi seruari. Et superius quidem tempus ita gessi,
 ut optaui. Cum metus autē me comitaretur, ne quid in fu-
 turum uel uiderem, uel audirem, uel paterer molestum, is
 me non sinebat prorsus esse magno elatoq; animo, neq; læ-
 tari absolutē. Nūc uerò si moriar, relinquo uos filij uiuos,
 quos dii immortales dederunt mihi. Relinquo etiam pa-
 triam & amicos feliciter agentis. Quare quī ego minus
 iure memoriam beatitudinis in omnem ætatē consequar?
 Est autem à me declarandum, cui regnum sim relicturus,
 ne id si ambiguū sit, negocia uobis præbeat: equidem uos,
ô filij, ambos æquē amo. Verū & cōsilio prouidere, &
ducem relinquere tēpus uidetur esse hoc ei imperio, qui
& prior est natus, & rerum plurium consentaneē peris-
tus. Institutus autem est etiam ita ipse & à mea & uestra

patria senioribus, non solum fratribus, uerumetiam ciuibus & incedendo, & sedendo, & dicendo cedere. Atque uos ego filij, ita initio institui, ut & seniores honoraretis, & honoraremini à iunioribus. Quare ita admittite quæ à me dicuntur, ut & uetera & usitata & legitima. At tu quidem, ô Cambyses, regnum habe & dijs dantibus & meipso, quantum in me est. Tibi uerò, ô Tanaozares, satrapæ esse do & Medorum & Armeniorum, & tertium Cadusiorum. Hæc uerò dans tibi, existimo imperium quidem maius atque regni nomen seniori filio reliquisse, at felicitatē tibi cum minore molestia. Qua enim humana lætitia cariturus sis, haud equidem uideo: quin omnia tibi sunt affutura, quæ uidentur afficere homines uoluptate. Sed cupere res factu difficilioris, ac multum esse sollicitū, neque posse quietem habere qui stimuletur æmulatione rerum à me gestarū, & insidias tendere obijciq; insidijs, hæc necessario magis illum qui regem gerit, quam te consequantur: quæ quidem ipsa, ut perspicuè nosti, multas ei qui letari uelit, præbēt occupationes. Quare, quod etiam te Cambyses minimè latet, non est aureum hoc sceptrum quod regnū seruet, sed amici multi sceptrum sunt regibus uerissimū maximeq; securum. Verum ne putes homines nasci natura fidos: omnibus enim ijdem fidi apparerent, quemadmodū etiam alia quæ natura gignuntur, omnibus apparent eadem: sed fidos oportet sibi unusquisq; faciat, quorū comparatio nullo modo fit ui, sed beneficentia potius. Itaq; si alios quosdam tentabis regni concustodes efficere, nusquā aliunde prius incipe quam ab eo qui ex eodem loco natus est. Quare & homines ciues alienis præferendi sunt: & qui unā sunt aliti, ijs qui contubernales

non

Amicorum co-
pia maxime
securum regi-
bus sceptrum.

nō sunt. Qui autem ex eodem semine sunt orti, & aliti ab eadem matre, & in ijsdem mœnibus adoleuerunt, & ab ijsdem sunt dilecti parentibus, & eandem matrem eundemq; patrē appellant, quomodo hi minus sunt omnibus propinquitate præferendi? Nolite igitur quæ dii immortales bona admouent ad familiaritatem fratribus, inania unquam facere, sed ad hæc continuò parate alia amicitie opera, & ita semper insuperabilis uobis inuicem futura est charitas. Qui fratri prouidet, seipsum curat. Cui enim alij, cui frater est magnus, adeò bonum sit ut fratri? Quis alius honorabit uirum qui magnis sit uiribus ita ut frater? Quemnam timebit quisquam iniuria afficere, si frater sit magnus, ut fratrem? Nemo igitur te celerius huic audiat, neque alacrius adsit. Nemini enim magis propria sunt huius neque bona neque mala, quàm tibi. Cogita hæc præterea: Cui gratificeris unde maiora consequi speres, quàm huic? Cui etiam si auxilium feras, ualentior socium belli recipias? Quem præterea turpius est non amare, quàm fratrem? Quem omnium pulchrius est antepone, quàm fratrem? Solus quidem, ô Cambyses, frater est, qui si prioris habet partes apud fratrem, neque inuidia uenit ab alijs. Quin per deos patrios filij mihi charissimi, honorate uos inuicem, si quid etiam tunc mihi gratum facere cura est uobis. Non enim sanè hoc uidemini nosse dilucidè, me nihil amplius esse, cum ab humana uita decessero. Nam ne nunc quidem animū meum uidebatis: uerum ex his quæ ageret, eum esse cernebatis. Animos uerò eorum qui iniuriam passi sunt nondū didicistis, quos metus sceleratis parricidis iniiciunt, quas ultrices afflictiones in nefarios immittunt. Vita autem functis putetis ne

honores fuisse adhuc duraturos, si eorū animi nullius rei ius haberent? Nullo modo ego filij, ne hoc quidē mihi unquam persuasi, ut animus uiuat donec fuerit in corpore mortali: cum uerò ab hoc solutus fuerit, moriatur. Video enim eum corpora mortalia quantum temporis in his sit, uiua præstare. Neq; sanè animus, mea sententia, stupidus est atque insipiens, cum separetur à stupido insipientiq; corpore: sed cū mens mera ac pura ab eo discreta fuerit, tum etiam consentaneum est ipsam maximè & uigere & sapere. Cum uerò homo dissoluitur, minimè est obscurum abire singula ad cognatam speciem ac suam, animo tamen excepto, qui solus neque dum adest, neque dum abest, uidetur. Cogitate præterea, nihil esse morti somno similis.

Animi diuinitas maximè in somno apparet.

At hominis animus tum scilicet maximè diuinus perspicitur, & tum futurorum aliquid prospicit: in somno enim, ut uidetur, maximè liber redditur. Quare si hæc ita habent, ut ipse mihi persuadeo, et animus relinquit corpus, uos, ô filij, uerentes animū meum, facite quæ uos rogo. Quòd si ita non habent, sed manens animus in corpore unā cum corpore interit, deos saltem qui semper sunt, & omnia uident, & omnia possunt, quiq; hunc rerū omnium ordinem continent certum & immortalē & sine errore, quiq; præ pulchritudine atque magnitudine enarrari nō potest, hosce uos metuentes nihil usquam impiū, nihil nefariū neque feceritis, neque consultaueritis. Et post deos quidem hominū etiam genus omne, quod semper propagatur, uobis uerendū est. Nō enim uos dii in tenebris operiunt, sed opera uestra necesse est semper in propatulo uere apud omnes: quæ si pura & sine iniuria appareant, reddent uos inter omnis homines potentissimos. Quòd si
quid

quid iniusti inter uos inuicem cogitabitis, fidei dignitatem apud omnis homines amittetis. Nemo enim amplius credere uobis possit, neque si uos admodum eam præstare uelitis, intutus ille quidem cum à uobis iniuria affici, qui necessitudine sit coniunctissimus. Si igitur ego uos satis doceo quales inuicem esse debeatis, bene est: si id minus, saltem ab illis discite qui ante nos fuerunt: hæc enim optima est doctrina. Multi enim perseverarunt in amicitia, parentes quidem cum filiis, & fratres cum fratribus, & horum iam aliqui contraria inuicem gesserunt. Quibus igitur alterutris quæ gessere conduxisse senseritis, hæc si eligatis rectè consultetis. Et de his quidē iam satis fortasse. Meum uerò corpus, ô mihi charissimi filij, cum moriar neque in auro condite, neque in argento, neque in alia re prorsus ulla, sed illud terræ reddite quamprimum. Quid enim hac re beatius quàm terræ misceri, quæ pulchra omnia, bona omnia & gignit & nutrit? Ego uerò et aliàs me humanum præstiti, & nunc iucundè mihi uideor eius rei particeps fieri, quæ benefica est in homines. Enimuero iam, inquit, animus mihi uidetur deficere: unde, ut uidetur, incipit omni ex parte me relinquere. Quare si quis uestrū aut dextrā meam tangere, aut oculū meum dum adhuc uiuo intueri uelit, me adeat propius. Verū ubi ego oculos clausero, peto à uobis filij, nemo amplius corpus meum intueatur, neq; uos etiam ipsi. Atq; Persas quidem omnis ac socios inuitate ad monumentum meum, qui unā mecū lætentur, quòd iam securo in loco futurus sum, utpote qui nihil amplius mali patiar, neq; si cum dijs fuero, neq; si nihil amplius sim futurus. Quicunq; autem uenerint, hos his beneficijs affectos, quæcunque existimatis

in homine esse felici, dimittite. Et hoc ad postremum de me memineritis: si in amicos benefici fueritis, poteritis etiam plectere inimicos. Ac ualete filij charissimi, matriq; hæc nūciate uerbis meis: & qui hic adestis, & qui abestis amici, ualete omnes. Hæc locutus, cum dedisset omnibus dextram, oculos clausit, & ita diem obiit. Quòd pulcherrimum quidem ac maximum regnorū omnium Asiæ Cyri fuerit regnum, ipsum de se testimonium præbet. Terminos enim habuit ad orientem mare rubrum, ad septentriones pontum Euxinum, ad occidentem Cyprum & Aegyptum, ad meridiem Aethiopiam. Id autē imperium cum tanta esset magnitudine, una Cyri sententia gubernabatur, qui etiam ipse subditos suos æquē ac filios & honorabat & colebat, & Cyrum subditi perinde quasi patrem uenerabantur. Vbi Cyrus excessit è uiuis, continuo ipsi filij inter se dissidere, continuoq; urbes ac gentes defecere, sicq; in deterius omnia uersa sunt. Quòd autem uera à me narrantur, incipiam à rebus diuinis hæc docere. Noui enim & regem prius, & qui sub rege essent, etiam his qui ultima scelera perpetrassent, siue iusiurandum iurati essent, inuiolatum præstare, siue dextras dedissent, constantissimè obseruare solitos. Quòd si minus tales fuissent, & huiusmodi de se opinionem non præbuisent, ne unus quidem credidisset eis, quemadmodum nunc nemo amplius credit, posteaquam cognita est eorū impietas: sic utinam neq; tunc illi credidissent qui duces unā cum Cyro ascenderunt. At hoc tempore, qui priori de ijs opinioni adhibita fide ubi credidissent sese, ad regem acti, obtruncati sunt. Multi etiam eorum barbarorum qui unā militarunt, alij alijs decepti suasionibus periere. Multi præterea etiā
ijs in

Terminus Regi
Cyri

ijs in rebus nunc sunt deteriores. Antea enim si quis aut periculum subiisset pro rege, aut urbem gentem'ue in seruitutem egisset, aut aliud quicquam pulchri boniue ei per egisset, hi erant qui in honore habebantur. At nunc etiam si quis, quemadmodum Leomithres, uxorem ac liberos amicorumq; filios obsides apud Aegyptum liquisset, isq; maximum iusiurandum iuratus foret, essetq; id transgressus, quò uideretur aliquid emolumenti fecisse regi, hi sunt qui maximos honores præmij loco habent. Hæc igitur uidentes Asiatici, omnes ad impietatem & iniustitiam uersi sunt. Quales enim fuerint præfecti, tales etiam qui sub ipsis sunt, frequentius fiunt: ob eamq; rem maiore utuntur licentia nunc quàm antea, præsertim circa pecunias, ut sunt iniustiores. Non enim eos solum qui magnis se delictis fecerunt obnoxios, sed iam hos item qui nihil fecerunt iniuste, comprehensos cogunt nullo iure pecunias soluere. Quo fit, ut nihilo illi minus qui uidentur esse ditissimi, quàm qui multa per iniustitiam deliquerunt, in metu sint, adeò ut neque in manus hi ire uelint potentiorum, neque audeant conuenire cum exercitu regio. Igitur quicumque bellum cum ijs gerat, omnibus licet in regione ipsorum sine pugna uenari, utruncunque uelint propter illorum tum impietatem erga deos, tum iniustitiam erga homines. Mentis igitur eorum ita sunt omnino nunc deteriores quàm antiquitus. Quòd autem ne corpora quidem exercent, ut antea consuerunt, nunc item hoc exponam. Lex erat apud eos neq; spueri, neq; mucum facere. Est autem manifestum hæc eos lege sanxisse, non quia parceret corporis humori, sed quoniã uellent per labores ac sudorem reddere corpora solidiora. Hoc uerò tempore

non spuerere quidem, neq; emungi adhuc perdurat, sed labori nusquam studetur. Atqui antea erat Persis legitimū comedere semel, quò toto die uterentur & circa res gerendas & circa labores: hac uerò tempestate semel cibum capere adhuc permanet, sed uesci incipientes quemadmodum qui summo mane prandent, ad illorum usq; tempus comedentes potantesq; degunt, qui extremo uesperti cubant. Erat autem his legitimum, ne urcei importarentur in symposia, quippe qui putabāt si minus nimis potarēt, minus corporibus ac mentibus prosternerētur. Hac uerò tempestate quòd urcei non importentur, adhuc permanet: tantum autem bibunt, ut pro importandis urceis ipsi exportentur, quoniam nequeant amplius erecti egredi. Atqui ille quoq; mos patrius ijs erat, ut dum iter facerēt, neq; comederent, neq; biberent, neq; horum gratia quicquam rerum necessariarum facerent, quod patēret: nunc autem ab ijs abstinere adhuc perdurat, sed itinera faciunt adeò breuia, ut minimè sit mirandū quòd à rebus necessarijs abstineant. Atqui ad uenationem quoque toties antea exhibant, ut pro exercitatione uenationes satis essent & ipsis & equis. Sed ubi Artaxerxes rex, & qui ei erant familiares, redditi sunt uino inferiores, non amplius eodem modo, neque ipsi egrediebantur, neque alios ducebant ad uenationes: quin potius si qui laboris studiosi atque industrij unà cum suis equitibus simul uenarentur, liquidò ijs inuidebant, & ut scipsis meliores oderant. Præterea puerorum institutio ad uenandum adhuc perdurat, sed disciplina & meditatio equitandi extincta est: quoniā eò non eunt, ubi antecellere uideantur. Et quoniā pueri cum illic antea lites audirent pro iure iudicari, uidebantur discere iustitiam,

iustitiā: & hoc omnino conuersum est, quoniam certò uident eos uictores utri plus dederint. Sed eorum uim quæ è terra oriuntur, pueri antea discebāt quò utilibus uterentur, & à perniciosis abstinere: nunc uerò uidentur hæc discere, quò mala quamplurima perpetrēt. Nusquam igitur plures quàm illic, neque moriuntur, neque corrumpuntur ex uenenis. Quinetiam multò nunc delicatiores sunt, quàm Cyri temporibus. Tum enim adhuc disciplina Persica & cōtinentia utebantur, Medorum uerò stola atque lautitia: sed hoc tempore Persicam constantiā æquo animo uident extinguī, at Medorum molliciem diligenter seruant. Declarare autem uolo eorum quoque delicias. Illis enim primū cubilia non modò satis est substernere molliter, uerum etiam lectorum pedes in tapetibus locant, ne pauimentum renitatur, sed ut tapetes cedant. Insuper quæ ludo iaciebantur ad mensam, & quæcunque reperta sunt antea, eorum nihil ablatū est, sed & noua semper excogitātur, & obsonia identidem: etenim utrarumque harum rerum noui artifices cōparantur. Insuper hyeme non solum his satis est caput & corpus atque pedes tegere, sed extremis manibus chirothecas crassas habent, & grandioris anulos. Ac æstate quidem non his satis sunt, neque armorum, neque saxorum umbræ, sed in his umbras alias homines molientes eis adstant. Utque pocula quāplurima habeant, hac re gloriantur. Quæ si iniuste comparata sint, id nulli sibi dedecori ducunt: in illis enim & iniustitia lucritque turpitudine longè est aucta. Atque antea patrius eis mos erat, ne uideretur tum proficisci pedites aliū cuiusquam rei gratia, quàm ut equites optimi fierent: nunc autem plura in equis strata habent quàm in cubilibus. Non enim ita

equitandi curam habent, ut molliter sedendi. Quæ uerò ad bellum pertinent, quo pacto in his non sunt conuenienter omnino deteriores quàm antea? Quibus superiore tempore patrium existerat, tum eos qui terram colerent, ab hac ipsa equitatores reddi, qui etiam in expeditionem ibant: tum præsidarios si militandum esset, pro regione stipendiarios esse: nunc uerò qui ostiarij sunt, & ciborum obsoniorumq; artifices, & pincernæ, & balneatores, & qui ad mensam apponunt, & qui è mensa tollunt, & qui dormitum agunt, & qui à somno excitant, & ornatores, qui & coloribus eos liniunt infricantq; aliaq; decenter aptant: hosce omnis qui potestatem habent, equites faciunt, quò sibi stipendium ferant. Multitudo igitur ex his quoque apparet, & nulla eorū ad bellum utilitas. Hoc etiam res declarant ipsæ: nam per eorū regiones hostes facilius uersantur quàm amici. Cyrus enim cum iactum ferentiariorum amouisset, thoracibus autem & eos & equos armasset, & pilum unum cuique dedisset in manum, cominus pugnam faciebat: sed hoc tempore neque iactu utuntur amplius, neque congregientes cominus præliantur. Atque pedites habent quidem ipsi crates & mucrones & securis, quemadmodum Cyri temporibus pugnaturi, sed cominus congregi neque hi uolunt. Nec item falcatis curribus ad id utuntur amplius, ad quod eos Cyrus est fabricatus. Cyrus enim cum aurigas amplificasset honoribus, bonosq; reddidisset, habebat qui in arma impetum facerent. Persæ autem huius temporis cum ne norint quidem eos qui sunt in curribus, censent similis sibi qui exercitatione carent eos fore, qui exercitati sunt. Et hi quidem adoriuntur. Sed priusquam fuerint inter hostes, alij è curribus

ribus ultro excidunt, alij exiliunt. Quo fit, ut iugales auri-
rigis carētes pluribus saepe malis amicos quā hostes affi-
ciant. Quoniam nimirum ipsi quoque cognoscunt, qua-
lia sibi proposita sunt belli præmia, remittuntur. Nemoq;
amplius sine Græcis ad bellum constituitur, neq; cum in-
uicē belligerant, neq; cum Græci agunt contra eos exer-
citus: sed etiam aduersus hosce didicere cum Græcis bel-
lum gerere. Et ego quidem arbitror, quæ pollicitus sum,
ea mihi aliquando esse absoluta. Existimo enim Persas at-
que Persarum socios & magis impios esse aduersus deos,
& magis nefarios in necessarios, & iniustioris erga alios,
& ignauioris ad bellum hoc tempore, quā antea fuerit
demonstratum. Quòd si quis secus atque ego sen-
tiat, si eorum is opera consideret, ea inue-
niet testimonio suo uerba mea
confirmare.

XENOPHONTIS DE PAEDIA CYRI,
LIBRI OCTAVI ET VL-
TIMI FINIS.

ROMVLVS AMASAEVS LVDOVIC
CO AVYLAE CAROLI V. CAESARIS
Imperatoris intimo cubiculario

S. P. D.



D amorē, Ludouice Auyla, in animis hominum excitandum, etsi nihil est uirtutis pulchritudine ualentius, saepe tamen usu uenire uidemus, ut ea amoris scintilla, quam uirtutis ipsius splendor accendit, nisi mutuis officijs, & perspicuis beneuolentiæ indicijs foueatur, aut in ipsis amicitia primordijs elanguescat, aut ad luminis claritatem segnius emicet. Quare à quo primū tempore tua me eximia indoles, suauissimi mores, incredibile optimarum artium studium, te ut quantum alium neminem amarem, impulerunt, ac mihi egregiam tuam erga me uoluntatē, tua multa & humanitatis plenissima officia declararunt: nihil mihi sanctius, aut solennius esse debere existimaui, quàm ut orientis (ut ita dicam) mutui amoris nostri igniculos, certa quapiam meæ erga te obseruantia significatione inflammarem, atque enixè operam darem, ut me qui à te constanter & perpetuò diligerer, nō indignissimum duceres. Quo in genere, cum eos qui amant non ignorarem, eos quos amant, ipsi potissimum rebus munerari solere, quas ab illis maximè expetere intelligūt, tibi, quē literarum cupidissimum cognoram, aliquid de studiis meorū quasi penu depromere cogitabam. Verū cum de multis, quæ inchoata duntaxat atq; informata habeo, unū aliquid cuperē deligere, quod & ad meum erga te studium testificandum esset appositum, & tibi aptum ac iucundum contingeret: optatissimus tuus à Turcico bello cum Cæsare (quem maiestatis causa nō mino) Bononiam reditus, facile omnem eius delectus mei dubitationē sustulit. Cum enim in primo cōgressu nostro, tibi ego de sequēdissimis Cæsaris euentis essem gratulatus, qui diuina uirtute sua, immanissimum hostem præproperā fugam facere coëgisset, atq; è re nata inter nos mentio facta esset Alexandri, Themistoclis, Miltiadis;

Miltiadis, Agefilai, Luculli, Pompeij, & aliorum quorundam Imperatorum, quorum fuissent maxime illustres de Asia gentibus uictoriae: quesiisti tu hoc loco, quoniam fuisset illa Graecorum expeditio, quam Plutarchus M. Antonio cum Parthis bellum gerenti, admirationi fuisse scriptum reliquerit: & nunquid Xenophontis, quem ille auctorem nominat, de ea libri adhuc extant: exposui ego tibi celebratae illius Graecorum monumentis historiae summatim argumentum. Ac cum te eius subtilius cognoscendae cupiditate incensum animaduertirem, in Xenophontis ipsius libris VII. quos inter iuueniles meas exercitationes, in latinum sermonem conuersos haberem, rem omnem ordine explicatae, prius quam hinc discederes, me tibi traditurum pollicitus sum. Ac statim est bibliothecae meae latebris, in quibus annos amplius XII. rudes, & informes penes contabuerant, eductos, ut in tuo nomine apparerent in lucem, non magis emissi, quam extrusi. Quid enim facerem? An qui in huiusmodi aliqua re tibi gratificari ardentissime cupissem, hoc a te gratiam ineundi tempus praetermitterem? praesertim cum tu postea saepius pro iure tuo me appellaris, & tanquam aeris alieni submonueris. Ego uero, cum quandiu esset hic Caesar commoraturus incertum omnino esset, malui festinata expolitione in obsequendo studium & fidem, quam emendationis maturitate curam & exactam quandam diligentiam tibi meam probare. Quin cum ex sermone etiam tuo suspicari potuissem, ita demum fore tibi hoc quicquid muneris est gratissimum, si posses absoluti iam operis uno tempore compluscula exemplaria habere, libros hosce non describendos (quod fama fuisset meae fortasse consultius) sed librariorum formulis exprimendos curavi. Neque illud omnino me deterruit, quod paratos uidebam multos, qui aut hanc uertendi operam contemnerent, aut melius uerti potuisse dicerent: illis enim quod respondeam in promptu est. Primum inique eos facere qui laborem eum uituperent, per quem maximas & grauissimas disciplinas, facile qui non sit rerum omnium imperitissimus, ab interitu uindicatas intelligere possit. Deinde, non posse

iurè id operis reprehēdi, è quo summam aliquando de ueteribus ac recētioribus hominibus multi sibi laudem meruerint. Quamquam attentius consideranti, uideri quodammodo possit ea quæ nunc legantur, maiore ex parte ab alijs, uel quasi mutuò accepta, uel ex alia lingua in patrium sermonem conuersa. Atq; ut nulla uerentem laus consequatur, mihi bene & præclare de hominum genere meritū illi uideri solent, qui cum intelligerent operam suam alijs cōmodiorem, quàm sibi gloriosiore fore, non grauatè suam paucorum laudem, ut quamplurimorum utilitati cōdonatam uellent, sibi in animum induxerunt. Ad hæc, iurè fortasse nōnullis mea hæc æditio sermonem dederit, si in hoc uno omnes uigiliæ meæ uertantur, ac non tam multa à me scripta domi delitescant, ut quæ conuersa in lucem prodierint, illorum meritò prolusiones ueluti quædam numerentur. Et profectò facillè passurus sum meū hoc consiliū reprehendi, si hi ipsi quibus id non probabitur, ostenderint aliquādo, se melius sua, quàm qui uerterūt aliena, pronunciaſſe. Quòd si minimi fortasse negotij, atque operæ leuiſſimæ græca in latinum transferre existiماuerint, in hac cupio palæstra ut periculū faciant, intelligent profectò multa esse cogitantibus facillima, experientibus suprà quàm dici possit grauia ac laboriosa. Postremo hos homines exoratos uelim, ne molestè ferant, me dum & incomparabili, quo tui incēsus sum, amorī indulgeo, & neglectæ fidei crimē redimo, de laude mea non plurimum laborasse. Iam uerò qui melius potuisse dicant, hi ut eadem, qua ipse cum eos uerti fui ætate, à se aliquid melius conuersum, ac nō maiore ocio, uel laxiore tempore elimatum ostendant, uehemēter cupio. Hic est à Cæsaris in hāc urbē aduentu dies opinor quinquagesimus: ex his ipsis diebus, cum primorū aliquot lucem, partim in maximis reipub. negotijs, partim in scholarum publico munere consumpserim, noctium, & succissiuis quidem horis totius operis castigationem elucubraui: reliqui dies librario dati sunt. At maturitatē, & potius cunctationē desiderant, hoc est eodē reuolui. Meum, inquam, studiū & beneuolentiā tibi adolescenti

nobis

nobilissimo, atq; omnibus fortunę ac uirtutis ornamento prædito, quo uno ego in præsentia poterā, & tu maxime cupiebas modo, declaratam quamprimū uoluī, non scienter uertendi facultatem longiore sumpto temporis spatio cuique ostentatam. Verum cum pluribus quàm in animo habebam, cum hæc ad te scribere exorsus essem, mei huius uel officij, uel obsequij uituperatoribus, si quorū fortē aculeos meus hic labor exacuerit, responderim, ad te iam ornatissime Aulya redeo. Musculi certē huius mei prima erit ab autore commendatio, in quo te spero uel latinē loquente, propter summam rerum prudentiam, Socratis discipulum: propter orationis copiam & iucunditatem, Atticam Musam: iam uerò quod ea scripsit quibus non solum miles interfuit, uerumetiam dux præfuit, & historiæ fidem, & summi imperatoris laudes agniturum. Illud enim hoc loco non dicam, multa te animaduersurum inter legendum fidē, prudentiæ, tolerantia, ac reliquarum uirtutum exempla, quæ facile uelis & possis imitari. Multa item uitiorū, à quibus te semper abhorruisse latere. Ut illud missum faciam, magnam tibi uoluptatem afferre posse locorum & itinerum descriptionem, euentorum uarietatem, illustrium præterea hominum mirabiliter expressos mores, naturam, consilia, acta, casus. Non addam multas etiam castrenses conciones, grauiter & ornate, ac cum multa & planē Xenophontea iucunditate expositas, tibi facile declaraturas, uel inter armorum fremitus suum esse eloquentiæ locum. Quæ enim communes sunt totius historiæ laudes, etsi in Xenophonte, atq; adeo in his eius libris multum eminent, eas tamen potes ex aliorū etiam scriptorum monumentis cognoscere. Quod uerò præter autoris dignitatem, ad munus meum apud te ornandum ualde fore accommodatum duco, primum erit quædam ac maximē germana similitudo illius Græcorum expeditionis cum hac, quæ nuper Caroli Cæsaris magnitudinē & felicitatem immortalitati consecrauit. Vtraque enim magno sanē temporum interuallo, certissimo fuit documento, non copia rum numero, sed militum uirtute: consilio, non ducum

temeritate: disciplina, nō impetu ad uictoriam profici.
 Deinde uerò, quòd cum Græcos leges parua manu in-
 finitum propè Asianorum numerū sapius fudisse, neq;
 tantum hostium perfidiam, periuriam atque insidias ua-
 luisset, quin sola illi uirtute freti, per ignota atque infesta
 loca, feras & immanes gentes euaserint, atque ad suos
 in patriam incolumes redierint: in minimè dubiā spem
 adduci poteris, Cæsarem aliquando minore multò ne-
 gocio, uindicata Christiano imperio Peloponneso, ex-
 torto de impñ hostis manibus Byzantio, in Asiam ui-
 strices aquilas illaturum. Atque utinam mi Auyla, &
 cum hęc spe atque cogitatione complectere, & cum in-
 ter illas gentes assiduus, & fidus comes Cæsare sequere,
 mihi qui incredibilem meum erga te amorem hac ædi-
 tione indicare uolui, animo uerò ac uoluntate summa,
 totum me in clientelam & fidem tibi tradidi, uel
 uiuenti, uel uitæ iam muneribus perfun-
 cto, aliquid suauitatis ac beneuo-
 lentia tuæ impertiare.

Vale.

Bononia, pridie Kal. Feb.

M. D. XXXIII.

Xenophontis de

CYRI MINORIS EXPEDITIO

NE LIBER PRIMVS, ROMVLO

Amasæo interprete.



DARIVS ex Parysatide filios duos suscepit: maiorem quidem natu Artaxerxen, minorẽ uerò Cyrum. Is cum graui affectus morbo, extremum à se diem nõ longè abesse suspicaretur, utrunque filium cum è uita decederet, interesse cupiebat. Aderat tũc quidem Artaxerxes. Cyrus è prouincia, cui à patre præfectus fuerat, accersendus fuit: ei nanq; ciuitatum earum omnium quæ ad Castoli campos sunt, imperiũ detulerat. Ac uenit ille quidẽ quamprimũ cum Tysapherne, quem sibi amicum putabat, & Græcorum grauis armaturæ perditum trecentorum cohorte, quam Xenias Parrhasius ducebat. Mortuo uerò Dario, cum ei in regnũ Artaxerxes successisset, Tysaphernes Cyrum apud fratrem criminatur, quòd ei insidias compararet: cui cum ille credidisset, Cyrum comprehendit. Eum tamen mater deprecatione sua, certæ necis periculo liberatum, in prouinciam remittit. Tunc Cyrus & periculi, & fraternæ contumeliæ indignitate grauiter commotus, deliberat quonam modo et à fratre deficiat, & eius etiam sibi regnũ uindictet. Et Parysatis quidem mater, in hunc magis quàm in ipsum iam regnantem Artaxerxen animi inclinatione propẽdebat. Ipse uerò Cyrus eorũ qui ad se à rege quacunq; de causa

uenissent, ita sibi animos conciliabat, ut amiciores multò sibi, quàm regi dimitteret. Præterea & ex barbaris nationibus, quarum & bellicæ uirtuti, & studijs erga se confideret, multas sibi suo beneficio deuinciebat, & Græcorum copias quamocultissimè (quòd scilicet regem imparatissimum adoriretur) ad se accersebat. Quoties itaque singularum ciuitatum præsidia recenseret, toties præfectis earum negotium dabat, ut è Peloponneso quamplurimos, quamq; lectissimos homines euocarent, simulans comperisse se eas Ioniæ ciuitates à Tysapherne clàm sollicitari: quæ cum fuissent antea à rege Tysapherni traditæ, nuper ad Cyrum omnes, præter Miletum, defecerant. Cum enim Milesios Tysaphernes præsensisset nouas res moliri, ex cõsiliij eius autoribus partim occiderat, partim exegerat. Hos cum Cyrus ad se confugientes excepisset, exercitu comparato Miletum summa ui, terra mariq; suscepta exulum causa, aggressus fuerat obsidere: quæ sanè obsidio eius quoque in nouo delectu dissimulationem facile sustinebat. Qua etiam de causa miserat Cyrus ad regem legatos, qui eum orarent, ut ei qui frater esset, mallet quàm Tysapherni eas ciuitates parère: qua quidem in re neq; matris ei studium defuit. Atque his artibus regiæ suspicioni facile occursum est. Cum enim putaret rex contra Tysaphernem à fratre copias comparari, non molestissimè ferebat eos inter se armis dissidere, præsertim uerò cū tributi nomine, pro ijs quas diximus ciuitatibus nihil minus quàm Tysaphernes regi Cyrus penderet. Et Cyro alius etià delectus habebatur in Chersoneso, quæ Abydi è regione est, ad hũc sanè modũ. Clearchus Lacedæmonius domo eieclus, erat apud Cyrum in summo honore: à quo

in reges per
lebant tri
um regi
i. Nectur
mreaz fair

quo cum Daricorum decem millia accepisset, ex Chersoneſo collecta manu, Thracibus qui ſupra Hellespontum ſunt, bellum intulit. Quæ res quod erat ex Græcorū com- modo, ciuitates Hellesponti ultrò ei ad alendū exercitum pecunias conferebant: quare & hæ Cyro copiæ clām con- ſectæ ſunt. Ariſtippus uerò Theſſalus hoſpes eius, cum domi aduerſariorum factione premeretur, ad Cyrum con- fugit: à quo cum pecuniam in bis mille mercenarios mili- tes, & trimeſtre ſtipendium popoſciſſet, quod ea ſe manu facile inimicis ſuperiorem futurum cōſideret, Cyrus pro liberalitate ſua in quater mille, & menſium ſex ei ſtipen- dium detulit: hominemq; incitauit, ut negotium cōficere maturaret, prius quàm ad ſe eum conſultandi cauſa accer- ſeret. Atq; etiam in Theſſalia auxilia ex occulto Cyro ale- bantur. Eodem ſanè tempore Proxenum Bœotium, bello in Piſidas ſibi inſenſos ſimulato, pro uetere amicitia roga- uit, ut ad ſe cum quàm poſſet maximo militum numero ueniret. Sophænetum etiam Stymphalium, & Socratem Achæum hoſpites ſuos, belli eius nomine quod Mileſiorū exulum cauſa contra Tyſaphernem ſuſcepiſſet, cum ſua utrunq; manu ad ſe euocauit: neque hi in officio non fue- runt. Cyrus ubi in ſuperiorem Aſiam mouere ſtatuit, cau- ſam huius belli eam præ ſe tulit, quod Piſidas finibus ſuis uellet eiſcere: atque ob eam rem ſimulat omnia tum Græ- corum, tum barbarorū auxilia ſe cogere. Tum Clearcho denunciât, ut ad ſe quas habebat copias, adducat. Ariſtip- pum admonet ut pace cum ciuibus facta, ad ſe manū illā mittat. Xenie uerò Arcadi, quē ijs quos in ciuitatibus ſin- gulis habebat mercenarijs præfecerat, imperat ut ad ſe, firmatis tamē præſidio arcibus, cum ſuis omnibus ueniat.

Eos quoq; qui in Mileti obsidione occupati erāt, ac ipsos etiam exules, sibi eius expeditionis socios adsciscit: quibus pollicetur confecto ex sententia quod tunc suscipiebat bello, non conquieturum se prius, quàm eos domum restituisset. Hi uerò minimè inuiti paruerunt: quippe qui non paruum Cyro fidem habebant, ac omnes quidem Sardeis armati cōuenerunt. Xenias collectis omnibus ex urbibus, ad quatuor millia peditum grauis armaturæ: Proxenus cum mille & quingentis, & expeditis quingētis: Sophænetus grauis armaturæ mille: Socrates Achæus ferè quingentos adduxere. Pasion Megarensis cū septingentis militibus uenit. Hic & Socrates unà in Mileti oppugnatione fuerant. Atque hi quidem Sardibus præstò fuere. Cum hæc animaduerneret Tysaphernes, eumq; apparatus aliò pertinere quàm ad Pisidas arbitraretur, cum equitū quingentorum comitatu, ad regem quàm potuit maximis itineribus contendit. Vbi rem omnem rex cognouit ex Tysapherne, & ipse omnia ad bellū necessaria comparat. Cyrus uerò cū ijs, quas enumerauimus copijs, Sardibus mouit. Inde per Lydiam tertijs castris, parasangas uiginti duas, quod est ad passuū millia octoginta octo, progressus, ad Mæandrum amnem peruenit. Cuius cum esset latitudo duūm plethrorum, id est, passuum fermè quadraginta, erat tunc ponte, quem nauigia septem sustinebant, iunctus. Hunc cum traiecisset, per Phrygiam primis castris tricies bis mille passibus confectis, ad Colossas uenit, celebrē urbem, magnam & opulentam: ubi cum dies septem cōmoratus esset, superuenit interea Menon Thessalus, cum grauis armaturæ peditibus mille, cetratis, item quingētis Dolopibus, Aenianēsibus, Olynthijs. Inde uerò

tertijs

ortia lape

tertijs castris passuum octoginta millia progressus, Celæ-
 nas uenit. Vrbs hæc Phrygiæ est, ampla, frequens, & lu-
 culenta. Hic Cyri regia fuit, in qua horti feris refertissimi,
 quas in equo insectabatur, quoties seipsum & equos ex-
 ercere uellet. Medios hortos Mæander perlabitur, eiusq;
 fontes in ipsa regia sunt. Idem amnis oppidum quoq; præ-
 terfluit. Est etiam regis ipsius Celænis regia in ædito, &
 situ ipso munito loco, sub arce, ad Marsyæ fluminis fon-
 tes. Marsyas etiam urbem præterfluens, in Mæandrum
 intrat: eius est latitudo pedum uigintiquinq;. Hic Apolli-
 nem ferunt à se in tiliarū certamine uicto Marsyæ cutem
 detraxisse, eamq; in antro ubi fontes sunt, suspendisse, atq;
 ex ea re flumini nomen inditum. Hoc in loco Xerxen tra-
 ditum est, cum clade accepta ex Græcia retrocederet, re-
 giam hanc & arcē munisse. Illic Cyrus triginta ipsos dies
 commoratus est: intra quos Clearchus Lacedæmonius
 exul, cum peditibus grauis armaturæ mille, et Thracibus
 cetratis octingentis, Cretensis sagittarijs ducentis, est
 eum assequutus. Per eosdem etiam dies Sofias adfuit Syra-
cusanus, cum grauis armaturæ peditibus mille, & cum to-
tidem Sophænetus Arcas. In ijs quos antè diximus hor-
 tis, Cyrus Græcorum censum habuit. Censa sunt grauis ar-
 maturæ pedites XI. millia, cetrati plus minus bis mille.
 Hinc secundis castris pass. XL. millia processit ad Peltas
 celebre oppidum, ubi dies item tres quieuit. Ibi Xenias lu-
 dos fecit, Lupercalia: uictoribus præmia fuere strigiles
 aureæ. Eos ludos ipse etiam Cyrus spectauit. Hinc secun-
dis castris millibus passuum XLVIII. confectis, Ceramun-
 tem uenit. Ea urbs nobilis est, in Mysiæ finibus. Ab hac
 tertijs castris millibus passuum CXX. ad Caystri campos,

Celæne Cy-
 ri regia.

quæ ciuitas & ipsa frequens: hic dies quinque substitit.
 Quo in loco cum militi trimestre iam, atque eo maius sti-
 pendium deberetur, urgebatur quotidie Cyrus à multitu-
dine, quæ ad eius fores conueniebat. At ille flagitantes spe-
 alebat: neque tamen animi sollicitudinem dissimulare po-
 terat, quippe qui neutiquam, cum haberet, pensionē dis-
 ferre solitus esset. Interea Epyanaxa, Syennesis Cilicum
 regis uxor, ad Cyrum ultrò uenit, à qua magnam credi-
 tur pecuniam accepisse: quatuor mensium certè mercedē
militibus dissoluit: ac eam quidem Cilicum & Aspendio-
 rum satellitum comitatus deduxerat. Vulgò quidē fereba-
tur cum Cyro eam familiarius congressam. Hinc secundis
 castris passuum XL. millia progressus, Thymbriū uenit.
 ciuitas & ea celebris. In ipsa quæ huc ducit uia, fons o-
 stenditur, qui Midæ dicitur: eum enim Midam Phrygum
 regem uino miscuisse proditū est, cum ad se Silenum pel-
 lexit. Hinc secundis castris millium passuum XL. itine-
 re, ad frequentem urbem Tyriæum peruenit, quo in loco
 dies tres commoratus. Cum interea Cilissa ut exercitum
 sibi ostenderet uniuersum rogasset, Græcorum ac barba-
 rorum copias in proximo campo hoc modo recensuit.
 Græcis imperauit, ut suo ritu aciem instruerent, ac suos
 quisque produceret. Illi in cornua diuisi, quaterni consti-
 terunt. Dextrum Menon tenuit: in laeuo suos Clearchus
 habuit: in media cæteri duces acie steterunt. Spectauit Cy-
 rus barbaros primū: atq; hi quidem in cateruas ac cen-
 turias descripti processere: Græcos deinde: ipse curru
 præteruectus, Cilissa uerò plaustro curuli. Erant omnibus
 æreæ galeæ, puniceæ tunicæ, ocreæ, & scuta ad splendo-
 rem deterfa. Cyrus omnia cōspicatus, currum ante aciem
 susti-

sustinuit, ac Pigretem interpretem misit, qui Græcorum ducibus suo nomine denūciaret, ordinib. imperarēt, scuta ut proijcerent, ac quasi impressionem facerent, ita promoverent. Atq; hi quidem militibus quod factū opus esset significarunt. Quare ubi clāssicum cecinit, cuncti proiectis scutis, cum clamore promouerunt: tantoq; cum impetu excurrerunt, ut non antè sisti cursus potuerit, quā ad tentoria uentum sit. Ibi cū barbaris alijs sanè multis incesit metus ac trepidatio, tum Cilissa ex curuli plauistro se in fugā dedit: forensis uerò omnis multitudo mercibus relictis dilapsa est: at Græci se cum risu intra tabernacula recepere. Regina speciem ac ordinem exercitus est uehementer admirata. Ac Cyrus quidem magnam cepit uoluptatem, cum Græcos animaduertit tantopere à barbaris metui. Progressus hinc tertijs castris millia pass.

LXXX. ad Iconium, quæ extrema Phrygiæ urbs est, uenit: in qua triduum commoratus, inde per Lycaoniam quintis castris nonagintaduū milliū passuum iter fecit. Agrum uerò eius regionis uniuersum, quod hostilis erat, Græcis diripiendum tradidit. Hinc Cilissam ea uia, quæ breuissīma uisa est, Menonis Thessali cohorti, ipsiq; Menoni, in Ciliciam deducendam committit. Ipse cum reliquo exercitu quartis castris millibus passuū C. confectis, per Cappadociam Danam, quæ ampla & opulenta urbs est, peruenit. Hic quoque triduum est commoratus, atque interea Megaphernem Persam hominem, regis purpuratum, & alium quendam, summo inter regios præfectos loco, eo nomine quod sibi insidias fecissent, interemit. Hinc in Ciliciam traiectionē molitur. Angusti sunt ad eam aditus, trames uehementer arduus, & uix singulis

plaustris peruius: quem certè agmen nullum, si quis prohibeat, ulla ui superare possit. Ac tunc quidem Syennesis summis in iugis aditus eos custodire ferebatur. Quare in campis Cyrus diem unum constitit: postero uerò die cum renunciatum esset, Syennesein, ubi animaduertisset intra montes Menonem in ipsa iam Cilicia cum suis constitisse, audisset etiam Tamon, cum Lacedæmoniorum, Cyriq; ipsius triremibus ex Ionia profectum, ad Ciliciam appropinquare, è montibus præsidium deduxisse, sine ullo negotio in montes ascendit: ubi deserta Cilicum castra conspiciatus, descendit in latè patentes campos, amœnos & irriguos, ac omnifarijs arboribus & uitibus consitos: sesami uerò, panici, milij, tritici, ordeï, feracissimos. Eos arduus ab una maris ad alteram partè, & præruptus mons amplectitur. Hinc cum millia pass. C. castris tertijs promouisset, Tarsum uenit. magna & opulenta est Ciliciæ ciuitas, & in eadè Syennesis Cilicum regis domus. mediam urbè præterlabitur Cydnus amnis, cuius est latitudo pass. XL. Ac urbe quidem cum Syennesi ciues omnes deserta, se in montiũ castella receperant: soli remanserant caupones: neq; hi se loco mouerant, qui Solis & Isi ad mare habitabant. Epyanaxa quidem Syennesis uxor, quinq; ante Cyrum diebus Tarsum peruenerat: in quibus quã in plana è summis montibus descensus erat, manipulos duos de copijs suis Menon amiserat, quos populabundos erant qui dicerent à Cilicibus cæsos: alij uerò aiebant, in extremo agmine relictos, suos assequi nequisse, quòd scilicet à uia aberrassent, itaq; palantes interemptos. Fuere qui desiderati sunt grauis armaturæ C. reliqui cum Tarsum uenissent, ira ob amissos cõmitones incensi, oppidũ ac ipsam

regiam

regiam diripuerunt. Cyrus primū urbem ingressus, misit qui Syennese ad se euocarēt. At ille quòd diceret, eā sibi cautionem semper fuisse, ne ad eos accederet, quibus se in firmiorem esse putaret, non prius cum Cyro congredi uoluit, quàm & uxoris suasu adductus, & fide à Cyro data confirmatus esset. Cum essent itaque multa inter se colloquuti, Syennesis Cyro magnam pecuniam ad exercitum alendum dedit. Cyrus illi uicissim munera quæ regibus eximia esse consueuerunt: equum cum freno aureo, aureum item torquem, Persicum uestitum. Ad hæc in posterum tutos fore ei à suorum populationibus fines recepit, mancipiaq; redditurū se, ubicunq; ea essent reperta. Hoc in loco Cyrus dies XX. commoratus est, cum milites iam suspicantes se contra regem duci, recusarent longius progredi: neq; enim se eo nomine conductos aiebant. Hic Clearchus suos ui impellere conatus est: at illi & in eum, cum iam agmen duceret, & in iumenta lapides coniecerunt: quo factū, ut penè lapidibus obrueretur. Quare cum iam planè intelligeret se nihil ui profecturum, suos ad concionem uocauit: ac prius cum diu stans collachrymatus esset cum magna militum admiratione ac silentio, ad hunc deinde modum loquutus est: Nihil est milites quod miremini, si animi angor propter præsentem rerum statum. Cyrus mihi quidem hospes est: is mihi exulanti & alios honores habuit, & Daricorum X. millia largitus est: quam ego pecuniam neq; in commoda, neq; in uoluptates proprias effudi, sed eam uniuersam inter uos diuisi. Et primū cum Thracibus bellum gessi, quos uobiscum unā suscepta Græciæ causa, armis sum persequutus: ac eos Græcis colonis agrum eripere conātes, è Chersoneso eiecimus. Vbi

uerò me Cyrus ad se euocauit, uobiscum ad eum ueni, ut
 cum qua in re opus esset, ille me adiutore uteretur, pro
 multis in me meritis gratiam ei referrem. Iam uerò cum
 refugere uos hoc iter animaduertam, ac mihi horum alte
 rutrum necesse sit, uel ut uos prodam, Cyri amicitia utar:
 uel ut eum spe sua frustrer, uobiscum abeam: etsi haud
 scio an iustum cuiquam meum hoc factum uideri possit,
 certum est tamen uos illi antepondere, & uobiscum quen-
 cunque casum fors tulerit, æ quo animo pati. Neque me
 quisquam iurè criminabitur, quòd cum Græcos ad bar-
 baros duxerim, Græcis planè proditis, barbarorū amici-
 tiam sim sequutus: uerum cum uos neq; audire me, neque
 sequi uolueritis, ego uos sequar, ego uobiscum quicquid
 ceciderit, feram. Vos ego mihi patriam, uos amicos, uos
 socios esse arbitror: uobiscum ego ubicunque fuero, egre-
 gium me fore, & honoratum confido: à uobis si deseror,
 ne esse quidem possim, nedum aut amicū iuuare, aut ini-
 micū ulcisci. Quare eo animo uos esse uelim, ut me, quo-
 cunque uos duxeritis, uenturū putetis. Hæc cum dixisset,
 milites, quòd negasset se illis inuitis aduersus regem pro-
 fecturum, eius orationē magnopere approbarunt. Quo-
 circa à Xenia & Pasione amplius bis mille, cum armis &
 iumentis ad Clearchi tabernacula transierunt. Hic Cyrus
 magna solitudine ac molestia ex re inopinata affectus,
 Clearchum ad se accersi iubet: ille palàm quidem se itu-
 rum negat: clàm uerò certum ex militibus suis nuncium
 mittit, ac Cyrum bono animo esse iubet, quòd uti expedi-
 ret, omnia euentura confideret, se modò iterum accerse-
 ret. Quo facto, ille iterum se uenturum negauit. Atque è
 re nata uocatis cum suis, tum aduentitijs ad concionem,
 in hunc

in hunc modum uerba fecit: Iam milites nihil plus hercule nos à Cyro, quàm illum à nobis expectare æquum est: neque enim nos illi milites, qui scilicet eum non sequimur: neque ipse nobis iam stipendium pendet. Atque eum quidem planè scio se à nobis existimare iniuria affectum esse: quare cum accersierit, nullo pacto ad eum mihi eundum putavi: pudet enim me (quod caput est) quòd mihi conscius sum, illum prorsus à me deceptum esse. Deinde uerò & illud timeo, ne cum me cōprehensum tenuerit, meam in se iniuriam iusta uindictet pœna. Vt res igitur se nunc habet, non patitur tempus ut somno nos demus, & ipsos nos ut negligamus: uerum pro re atq; tempore consilium capiendum, quò aut si hic manendū putamus, quamminimo cum periculo maneamus: aut si discedendum, quàm tutissimè abeamus, atque interea nobis ut commeatus suppeditent. Neque enim hi si desint, aut militis, aut ducis opera quicquam proficere possit. Et Cyrus sanè, ut cui amicus est, omni officij genere cuius facile præstat: ita est cui inimicus extiterit, hostis acerbissimus. Habet præterea eas, cum terrestres peditum atque equitum, tum maritimas copias, quas ipsi cernere ac nosse possumus: neque enim, ut mihi uidetur, ita longè ab eo confedimus. Quare tempus monet, ut quod quisque factu optimum ducat, id in medium afferat. Cum dicendi finem fecisset, surrexerunt ex eo numero militum, partim qui pro animi sui sententia uerba fecerunt, partim uerò qui à Clearcho subornati, demonstrabant quæ esset rerum omnium difficultas futura, uel manerent, uel discederent sine Cyri consensu. Ac unus ex his festinatione simulata, censebat primo quoque tempore in Græciam redeundum: ac si

Clearchus dux esse recusaret, alios quamprimum duces
 deligendos, commeatus curandos (erat autem in barbaro
 rum castris forum) reliqua omnia comparanda: mitten-
 dos item qui à Cyro nauigia poscerent, quibus in patriam
 reueherentur: ea si dare nollet, ducem daret, qui per ami-
 corum fines reduceret. Quòd si hunc etiam se daturū ne-
 garet, occupanda esse quamcelerrimè montium iuga, ne
 scilicet aut Cyrus, aut Cilices, quorum paulò antè, inquit,
 opimam prædam asportauimus, detrimento nos ullo affi-
 ciant. Hæc ille. Tunc Clearchus unū hoc addidit: Me qui-
 dem iubeat nemo hoc imperium capeßere: multa enim oc-
 currunt, quamobrem id mihi nullo pacto censeam facien-
 dum. Ei tamen quemcunq; uos imperatorem delegeritis,
 pro facultate mea parebo, ut me intelligatis nō facilè cui-
 quam hominū parendi scientia cedere. Alius subinde eius
 stultitiam reprehendit, qui nauis à Cyro petendas censue-
 rit, tanquam uerò aliam ille classẽ comparare non pos-
 set. Nam quid absurdius, inquit, quàm ab eo ducem pete-
 re, cuius nos expeditionem, quantum in nobis est, irritam
 facimus? Sed fidem Cyri duci habeamus, quis prohibeat
 quin iubeat Cyrus iuga montium occupari? Ego quidem
 & nauis quas ille nobis dederit, nō medijs fidijs libenter
 cõscenderim, quòd scilicet iure timeri possit, ne cum ipsis
 nos triremibus demergendos curet. Cur etiā non timeam,
 quem mihi dederit ducem sequi? quasi nos ille eò compin-
 gere nō possit, unde nulla sit exeundi potestas. Ego uerò,
 inuito si Cyro abeundum sit, quam occultissimè disceden-
 dum puutarim. Sedenim hæc mihi planè nugatoria esse
 uidentur: quin potius cum Clearcho idoneos homines ad
 Cyrū mittimus, qui percontentur qua in re opera nostra
 uti uelit.

uti uelit. Quod si intellexerimus, à nobis illum nihil plus
quàm à cæteris conductitijs postulare, censeo sequamur,
neque deteriores ijs sumus qui cum illo antè hoc iter in=
gressi sunt. Sin res maior, maiorisq; periculi ac laboris,
quàm adhuc fuerit, uideatur: aut ille nos, se ut sequamur
adducat, aut si nobis id persuadere nō potuerit, salua ami=
citia nos abire sinat. Sic enim aut amici ac libentes seque=
mur, aut tuti discedemus. Ac quid ille quidem ad hæc re=
sponderit, legati renuncient: nos uerò tunc ex ipsa re con=
siliū capiemus. Huius est omnibus probata sententia, ac
statim delecti sunt qui cum Clearcho ad Cyrum profecti,
quæ à suis mandata acceperant, exposuerunt. Ad ea ille
respondit: Audisse se Abrocomā hostem suum ad Euphra=
ten annem esse, quō possit dierū XII. itinere perueniri:
eō se igitur iter habere, ubi si hominem assequatur, de eo
se supplicium sumpturū: sin effugerit, eo ipso in loco con=
siliū de reliquō, inquit, capiemus. Hæc legati suis renun=
ciarunt. At illi tametsi suspicabantur se aduersus regem
duci, decreuerunt tamen sequi, stipendium tantum postu=
larunt. quibus Cyrus pristinæ mercedis sesquiplū daturū
recepit, nempe ut pro Darico, sesquidaricum menstruum
acciperent. Quod eos uerò aduersus regem duceret, ne=
tum quidem uulgatum est. Post hæc secundis castris M.
paß. XL. progressus, ad flumen Pharon uenit, quod qui=
dem in latitudinem paß. LX. patebat. Inde primis castris
M. paß. XX. ad Pyramum, huius nihilo minor stadio la=
tudo: à quo castris secūdis LX. M. paß. cōfectis, Issum,
quæ Ciliciæ extrema ciuitas est, maritima quidem ea, et
opulenta, peruenit. Ibi triduum cōmoratus est: per quos
dies ex Peloponneso naues XXXV. quarum erat nauar

chus Pythagoras Lacedæmonius, præstò fuere. Dux earũ
 Tamus erat Aegyptius, qui ab Epheso Cyri etiam naues
 XXV. adducebat, quibus ille Miletum obsederat, quòd
 ea scilicet ciuitas Tysapherni se cõiunxerat, aduersus quẽ
 Tamus Cyro auxilium tulerat. Fuit in illis nauibus à Cyro
 euocatus Chirisophus Lacedæmonius, cum DCC. grauis
 armaturæ militibus, quibus ille Cyri auspicijs imperabat.
 Ac naues quidem proximè ad Cyri prætorium appule=
 runt. Eo in loco Græci CCCC. grauis armaturæ, qui Ab=
 rocomæ stipendia faciebāt, ab eo ad Cyrũ transiere. Hinc
 Cyrus castris primis pass. XXV. M. confectis, ad Cilic=
 iæ, ac Syriæ portas peruenit. Harum citeriores muros,
 qui Ciliciæ finis est, Cilicum præsidium à Syennesi consti=
 tutum custodiebat: ultiores regis ipsius præsidium tenere
 dicebatur. Interfluebat amnis cui Cerse nomẽ, cuius erat
 XX. pass. latitudo: medium utrorumque murorum inter=
 uallum trium erat stadiũ: ui quidem insuperabilis locus:
 angustissimus erat transitus: muri ipsi ad mare pertine=
 bant, quibus ardua et prærupta imminebāt saxa. In utris=
 que muris portæ erant singulæ. Hæ fecerunt angustia, ut
 nauis Cyrus accerferet, quòd transmissis intra et extra por=
 tas armatis, si quos offendisset qui Syriæ portas præsidio
 tuerentur, ijs ui pulsus, loci difficultatem superaret: neque
 uerò dubitabat, quin Abrocomas qui magnum exercitum
 haberet, esset eos aditus defensurus. At ille ubi primũ Cy=
 rum accepit Ciliciam iam tenere, deserta Phoenice ad re=
 gem cum CCC. millibus hominum, quos in armis habere
 dicebatur, se recepit. Ingressus igitur Cyrus, nullo nego=
 cio per Syriam primis castris M. pass. XX. itinere, ad
 Myriandrum, celebrem & maritimam Phœnicum ciui=
 tatem

tatem cōtendit. Erat hic locus totius oræ emporium, quō tunc onerariæ naues quamplurimæ appulerant. Hic Cyrus dies VI. commoratus est. Hinc Xenias Arcadū dux, & Pasion Megarensis, optima rerum suarum parte in nauim imposita, clām soluerunt. Id multi ex indignatione factum interpretati sunt, quōd milites qui ab ipsis simulato in Greciam reditu, ad Clearchum per fugerant, quōd aduersus regem proficisci nollent, Cyrus eos à Clearcho detineri pateretur. Cum itaque se ex omnium conspectu eripuissent, rumor increbuit, triremibus eos Cyrum persecuturum. Ac alij quidem, ut capti perfidiæ pœnas darent, cupiebant: alij ne caperentur timentes, eorum uicem dolebant. Hic Cyrus uocatis ad se ducibus, in hunc modum uerba fecit: Itāne Xenias nos & Pasion deseruerunt? Ne tamē putent se aut per fugisse, cum me nō fugiat quōd abeant: neq; effugisse, cum triremes mihi non desint, quibus eorum nauigium capere possim. Sedenim neutiquam eos persequar: neq; cōmittam ut me criminari quisquam possit, quōd quantisper mecum quis est, eo utor: ubi discedere statuerit, aut captum multem, aut sua eum pecunia spoliem: uerū impunē abeant: faciliē enim patior eos intelligere, maiore me in illos æquitate, quā illos in me fide, usum esse. Quin & cum eorū liberos & coniuges Trallibus obsides habeam, nō tamen illis per me carebunt: uolo enim eos pristinis in me illorum officijs condonatos. Hæc Cyrus. At ē Græcis multi, qui antea expeditionē eam grauius tulerant, humanitate eius perspecta, libentius multo atq; alacrius consequuti sunt. Hinc Cyrus quartis castris M. pass. LXXX. ad Chalon amnem progreditur. Huius est latitudo pass. XX. magnis uerō ac mansuetis piscibus

refertissimus est, quos Syri sacrosanctos habent, eosq; uiolare æquè ac columbas, nefas putât. Vici in quibus castra posuerant, Parysatidi in sumptus fuerant attributi. Eo ex loco quintis castris M. pass. CXX. itinere, ad Daradacis fontes uenit: patet is quâ latus est, pass. XX. Erat hîc Belesis Syriæ prætoris regia, atq; in ea horti maximi ac elegantissimi, atque omnium quæ ferunt anni tempora fructuum feracissimi. Hos Cyrus succisis arboribus uastauit, ipsamq; regiâ exussit. Tertijs deinde castris M. pass. LX. progressus, ad Euphraten amnem peruenit, cuius latitudo stadiûm est III. Proxima fluuio est magna & opulenta urbs, Thapsacus nomine, ubi dies quinque Cyrus commoratus est. Atq; eo primum in loco accersitis ad colloquium ducibus, Babylonem se aduersus regem ipsum contendere confessus est: quod ut militibus quisq; suis denunciaret, imperauit: eosq; adduceret, ne inuiti sequerentur. Illi uocata concione rem exposuere. Tum milites grauiter commoti sunt, quod suos duces putarêt, cum id antea multò rescissent, se de industria celasse: se uerò sequuturos negabât, nisi idem sibi stipendij daretur, quod ijs Græcis antè datum scirent, qui Cyrum ad patrem deduxerût, cum præsertim nulla illis fuisset proposita pugna, nempe quod Cyrû pater accersisset. Tum Cyrus singulis argenti minas quinque, cum Babylonem ingressi essent, se daturû recepit: stipendium uerò quantum iam præfinisset, usque dum in Ioniam eos restitutos curasset. Atque huic quidem cōditioni acquieuerunt reliqui. Menon uerò dum anceps esset adhuc omnium deliberatio, neque constaret Cyrum sequuturi essent nec ne, ita propèmodum suos est alloquutus: Si me audiat is milites, neque periculo, neque labore quàm

quàm cæteri maiore efficere potestis, ut Cyrus uobis maiorem quàm cæteris honorem habeat. Quid igitur faciendum censeo? Nempe quoniam Cyrus nunc à Græcis ut se aduersus regem sequantur, uehementer cōtendit, nos uultò Euphraten transmittamus, atque id antequam cæteri Cyro quicquam in alterutram partem respondeant. Nam si sequi decreuerint, nos illi autores fuisse uidebimur: nobisq; Cyrus, cum ei tanto maiorem alacritatem præstiterimus, gratiam & habebit, et referet, quod prolixè, ut alius quiuis, facere consueuit. Sin illi secus statuerint, uniuersum domum reuertemur. Ac tunc quidem nobis, ut quorum sit fidem atque officium expertus, utetur præ cæteris: ac uos, siue præsidiorum præfecturas, siue centuriatus, siue aliud quid ex commodo uestro poposceritis, omnia uobis de eius beneficentia polliceri poteritis. Hæc illi faciliè approbarūt, ac prius quàm cæteri Cyro responsum darent, transmiserunt. Id ubi Cyrus cognouit, magnam cepit uoluptatem, statimq; Glun misit qui hæc nunciaret, habere se iam quod in illis summopere laudaret: sibi uerò magnæ curæ fore, ut ab illis laudem mereretur, uel se nō amplius Cyrum putarent. Quibus sanè uerbis milites hi ad magnā spem erecti sunt, ac ut Cyro omnia felicissimè euenirent, optabant. Menoni quidem ipsi magnifica dona misisse ferebatur. Post hæc & ipse flumen traiecit, quē uniuersum agmen consecutū est: neq; uerò quisquam est altius, quàm ad pectus immersus, cum Thapsaceni affirmarent, neminem antè tam faciliè potuisse eum annè pedibus transmittere. Nauigijs enim alios traicere solitos, quæ Abrocomas in ipsa fuga exusserat, quò Cyro transeundi facultatem eriperet. Quare id diuinitus factū interpretabantur,

quasi uerò ipse amnis se Cyro paulò post regnatura sub-
mitteret. Inde nonis castris per Syriam M. pass. CC. ita-
nere ad Araxen amnem peruenere. Hic uici erant com-
plures frumēto uinoq; refertissimi, in quibus dies III. fru-
mentandi causa commorati sunt. Hinc per Arabiam, Eu-
phrate ad dexteram relicto, quinis castris M. pass. CXL.
iter per deserta loca fecere. In hoc quidem spatio campi
latē in æquoris modum patebant, absinthij ex omni parte
plenissimi: sed in his & alia sylua, uel calami, uel cuiusuis
fruticum generis, odoris gratia nihil ab aromatis differe-
bat. Arbor omnino nulla, ferarum ac syluestrium auium
aliquot genera, onagri, struthiocameli, otides, capreæ,
quas equites nonnunquam bestias insectabantur. Onagri
quidem cursu equos facillē superabant: cumq; iam ad eos
equites proximē accessissent, ad cursum illi incitabantur:
resistabant deinde cum abessent longius, atque ita sæpius
iterata fuga equitem fallebant: neq; capi ulla ratione po-
tuisent, nisi eos equites diuersis ex partibus urgētes, me-
dios excepissent. Erant eorum carnes sapore nihil ferē à
ceruinis differentes, molliores aliquanto. Struthiocame-
lum nemo omnino capere potuit: tam longē enim modò
pedum pernitate, modò uerò alarū quasi uelificatione
promouebant, ut statim equites desperata præda insequi
desinerent. Otidas uerò, qui modò in eas celeriter mouis-
set, non magno negotio capiebat: nihilo enim quàm per-
dices longius prouolant, & fatigantur celerrimē. Sunt au-
tem carne multò suauissima. Hinc profecti ad eiusdem re-
gionis fluuium perueniunt, Mascam nomine, pass. XX.
latitudine patentē: ad hunc urbs fuit, illa quidem magna,
sed deserta, cui Corsote nomen, quam amnis ipse undiq;
circun-

circunfluebat. Hoc in loco exercitus triduū frumentandi causa cōmoratus est. Mox castris decimistertijs M. pass. CCC LX. per deserta progressus, ad dexteram Euphrate relicto, ad Arabiæ portas peruenit. Eo interuallo quàm plurima iumenta fame perierunt: neq; enim aut pabulum aut arbor ulla uspiam inuenta. Tota siquidem regio uasta usquequaq; & inanis. Incole asinarias molas circa flumen cædunt, excusasq; Babylonem deportant, ijsq; uenditis coëmpto frumento famem leuant. Ac tunc quidem frumenti inopia uehementer exercitus laborabat, neque erat unde emi posset, nisi fortè ex Lydiæ foro, ab ijs barbaris qui sub Cyri erāt imperio: ubi singulæ farinæ capides quaternis siclis uenibant: & siclus obolis septem & semis mutatur: capides binos Atticos chœnicas capiunt: carnibus itaque milites se sustentabant. Et horum sanè castrorū fuisse non parum longa interualla, dum ad irrigua loca & pabuli feracia festinarent. Hic angustam & lutulentā uiam, & idcirco plaustris multò iniquissimā offēderūt: substitit itaq; eo in loco Cyrus cum optimis quibusq; & potentissimis suorū. Glun uerò & Pigreta iussit, cum barbarici exercitus parte plaustra præ se agere: quod cum illi quasi indignantes lentius facerent, Persarum nobilissimis id negotij dedit. Ibi magnum potuit officij documentū spectari. Abiectis enim protinus purpureis amiculis, eum quisque in quem incidit locum obtinuit: atq; inde quasi de magna uictoria propositum certamen esset, in aduersum lulum subiere. Horum multi cum preciosis tunicis & pectus femoralibus, nonnulli etiam cum aureis torquibus & armillis, in mediū se lutum cōiecere, atque inde opinione celerius, plaustra suis quasi humeris exportarunt. Res au

tem ipsa facile indicabat Cyrū plurimū in celeritate spei
positum habere, quippe qui nūspīā, nisi fortè cōmeatus,
aut necessarij cuiuspiam negocij causa moraretur, existi-
maretq; quanto magis properasset, tanto se imparatiore
regem offensurum: quò uerò plus temporis in itinere con-
sumpsisset, eò copijs fore regium exercitū instructiorem.
Neq; omnino attentius cogitanti nō erat facile intellectu,
regis imperium finium magnitudine, atque hominum nu-
mero plurimū pollere: propter locorū autem longinqui-
tatem, ac dispersas opes, celeritate facile superari posse.
Erat trans Euphratē magna et opulenta ciuitas, cui Char-
mande nomē: ibi miles quaecunq; opus fuit, mercatus est:
& ad eam sanè ad hunc modum traiciebāt. In pelles eas,
quibus tabernacula cōtegebantur, foenum insuebant, situ-
risq; arctè iunctis, ne aqua posset ad se stucas peruadere,
his culeis pro ratibus, & ad transmittendū, & ad cōpor-
tandum utebantur: & erat sanè in ea regione uini ex pal-
mulis, ac panici maxīma copia. Hoc in loco orta inter
duos milites, alterum Menonis, Clearchi alterum cōtro-
uersia, Clearchus Menonis militem iudicio suo damnatū
plagis mulctauit. Ille cū se ad suos recepisset, eos in Clear-
chū uehemēter incendit. Cumq; is eodem die ad eam am-
nis partem, unde traicientes soluebant, uenisset, atque in-
de foro perlustrato, equo uehens, ad sua se tentoria cum
paucis comitib. per Menonis tabernacula reciperet, abe-
rat Cyrus. Cum enim in extremo agmine iter faceret, nō-
dum ad eum locum peruenerat. Hic unus de Menonis co-
horte, ut fortè ligna diuidebat, transcurrentem cōspicatus, in
eum bipennem contorsit, quem sanè non attigit. Sed alius
subinde atq; alias, deniq; tota multitudo magno cum cla-
more

more lapides in eum cōicere:is tamen ad suos incolumis effugit, mox ut arma caperent imperauit, ac grauem quidam armaturam, scutis ante genna proiectis, in subsidijs manere iubet. Ipse cum Thracibus & equitibus, quos in sua cohorte habebat suprā XL. profectus, Thracas de improviso in Menonis tentoria inmisit, ibi omnes conterriti, quin & Menon ipse subita re percussus ad arma accurrit. Multi uerò incerti quid agerent, trepidabāt. Tum Proxenus, qui suum grauis armaturæ ordinē nondū dimiserat (ut in postremis iter fecerat) in medios scuta proijci iubet: Clearchū obsecrat, ut ruere desinat. Is enim uero uehementer indignari, quòd cum paulò antè penè lapidibus obrutus esset, suam ille iniuriam adeò leniter ferre uidetur. Iubet itaque eum de medio recedere. Superuenit interea Cyrus, qui ubi rem audiuit, armis sumptis cum paucis, de multis, qui circū ipsum erant, in medium processit, atque ibi, Clearche, inquit, & Proxene ceteriq; qui nunc adestis Græci, planè quid agatis nescire uidemini: nam si ullam inter uos pugnam cōmittitis, existimare debetis eodem hoc ipso die me prius, uos ipsos deinde ad internitionē cāsum iri. Quos enim in partib. nostris barbaros esse uidetis, ij uniuerſi re inclinata, pro rege cōtra nos acerrimè dimicabunt. Hæc cum Clearchus audisset, impetum compressit, & utraq; pars armis positis ad suas se cohortes recepit. Hinc uerò cum procederent, ex equorum uestigijs ceterisq; signis coniecturam faciebant, fuisse in illis locis globum plus minus equites bis mille. Et hi quidē in ea loca cum excurrissent, quā Cyrus transiturus erat, & pabulum, & quicquid aliud usui futurū esset, exusserant, ibi Orontes Cyro insidias cōparat. Erat hic regi ge-

nere proximus, rebus uerò bellicis inter Persas cum primis clarus, ac bellum quidem antea Cyro intulerat: sed in fidem ab eo iam receptus pollicetur, sibi si Cyrus mille equites tradidisset, eas equitū turmas quæ igni omnia corruptissent, aut insidijs circumuentas se necaturum, aut ex ijs equitib. quamplurimos uiuos ad Cyrum perducturū, prohibiturūq; quò minus reliqua incendāt, aut regi, quæ de Cyri copijs explorata haberent, renunciare possint. Hæc cum Cyrus audisset, existimauit id è re sua magnopere futurum: quare à ducibus singulis iussit eum copiarum partem accipere. Orontes ubi equites præstò sibi fore putauit, ad regem epistolam scribit, se propediè cum quam possèt maxima equitum manu affuturū, imperaret modò ille equitibus suis, ut se tanquam amicū reciperent. Ei pristinam amicitia in memoriam redigit: epistolam uerò certo ac fideli (sic enim ipse existimabat) homini, ad regem perferendam tradit. Eam ille ut primū accepit, Cyro ostendit. Quam cum Cyrus legisset, primū comprehendit Orontem iubet, deinde accersit in prætorium de Persarum numero VII. dignitate & honore apud se longè principes. Ad hæc Græcorum duces iubet grauē armaturam ad se ducere, eamq; in præsidijs circa prætorium locare. Cumq; illi cum III. M. grauis armaturæ peditum præstò fuissent, Cyrus Clearchum in consiliū adhibuit, quòd sanè & ipsi, & item cæteris Persis, dignitate longè reliquos Græcos anteire uidebatur. Atq; ille quidē cum concilium iam dimissum esset, iudicium de Oronte quo factum esset modo amicis narrauit, neque enim id iussus erat reticere.

Oratio Cyri. Aiebat igitur Cyrū hinc dicendi initium fecisse: Vos amici huc accersiti iussi, ut de uestra sententia, quod dijs & hominibus

nibus probari possit, de Oronte statuā. Hunc primū pater sub imperio meo esse uoluit: postea uerò cum in regnū frater meus successisset, eius suasu (sic enim ipse mihi confessus est) aduersus me, cum Sardium arcem obtineret, arma cepit: cuius ego bello iniuriā persecutus, effeci ut de cætero ab armis sibi quiescendū putaret, deinde data & accepta fide, in fidem eum et amicitiam recepi. Hæc præfatū, ad Orontē cōuersum dixisse: Num te ego ulla iniuria affeci? Cui cum ille respondisset, prorsus nulla: Atqui, inquit Cyrus, nulla, ut ipse fateris, à me iniuria laceßitus, facta ad Mysos defectione, pro uirili tua fines meos infestos reddidisti? Ita factū est ut dicis, inquit Orontes. Tum Cyrus: Nōne ubi quāto esses potētia inferior nosti, in Dianæ uenisti, atq; ibi deprecando me, ut te pœnituisse putarē adduxisti? fidemq; in posterū dedisti, atq; accepisti? His cum Orontes assensus esset: Qua igitur mea, inquit Cyrus, iniuria commotus, nouas mihi insidias, quas inficiari nullo pacto potes, faciendas putasti? Cumq; ille prorsus nulla respondisset: Fateris igitur, inquit Cyrus, te planè fuisse in me iniuriū. Et quī, inquit ille, negare possum? Tum rursus Cyrus: Possis ne, si tibi nūc ignoscā, et fratri meo hostis, et mihi ipsi fidus amicus esse? Atqui ut maximè essem, quī tibi, inquit, Cyre uideri possem? Tunc Cyrus ad eos qui aderāt cōuersus: Hic quidē, inquit, quæ audistis cōmisit, uestrum nunc est de eo statuere. Dic tu Clearche primū quid censeas. Tū Clearchus: Hūc ego, inquit, hominē primo quoq; tempore de medio tollendū censeo, ne nobis scilicet ab eo cauendū sit, atq; ut ociosiore animo ab hac parte, de præmijs eorum, qui ultro nobis amici sunt, liceat cogitare. In hanc sententiā & cæteros cōmemorabat. Clearchus isse:

quare Cyri iussu uniuerſi, atq; in his aliquot eius cognati, hominem zona apprehenſum, paucis quibus id erat negocij datum, ad ſupplicium ducendum tradidere. Tranſeunti, qui antè incolumem uenerari conſueuerant, nihilominus & tunc ad terram Perſico more proni honorem habuerunt. Deductus quidē eſt in Artapata, cui ex omni apparitorum numero maximam Cyrus fidem habebat, tabernaculum. Neq; poſtea quiſquam eum aut uiuentē, aut mortuum uidit, neque quo mortis genere interierit, quiſquam affirmare potuit: alij alia ſuſpicati ſunt. Eius quidē nuſſiam ſepulchri ullum extitit uestigium. Poſt hæc progreditur Cyrus per Babyloñā M. paſſ. XLVIII. Ac cum tertia caſtra poſuiſſet in campis, media ſerè nocte copias ſuas, tum Græcorum, tum barbarorum recensuit: regem enim putabat poſtero primū die cum exercitu pugnandi cauſa aſſuturum: ac dextro quidem cornu Clearchum, læuo Menonem Theſſalū præfecit. Ipſe cum ſuis mediam aciem tenuit. His ita conſtitutis, poſtero die, prima luce, perſugæ à regijs caſtris Cyrum de toto regis exercitu docuerunt. Hic ille ducibus ac centurionibus Græcorum ad ſe uocatis, cum illis de pugnæ ratione conſilium capiebat, atque hac tunc eos oratione confirmauit: Ego uos Græci, nō quòd mihi barbarorū auxilia deeſſent, huc adduxi, uerū idcirco ueſtra mihi opera utendū exiſtimaui, quòd uos quemuis barbarorū numerū anteire putaui. Vobis igitur uidendum eſt, quo iure ea qua fruimini libertate, & cuius ego gratia uos beatos eſſe arbitror, digni etiā in poſterum habeamini. Hoc enim uobis perſuaſum uelim, me libertatem ipſam multò quàm quæ habeo omnia, ac ſi ea longè eſſent ampliora, pluris facere. Quò uerò, quod cer-

taminis

taminis genus uobis subeundum sit, intelligatis, ego uos id planissime docebo. Barbarorum quidem exercitus magno cum clamore impressionem facit: eam si uos sustinueritis, pudet dicere quales sitis nostros cognituri. Equidem si uiros uos fuisse, & infracto animo perspexero, cum domum redire uolueritis, ita dimittam ut multis fortuna uestra inuidenda sit. Sed profecto efficiam, ut uestrum plurimi mecum, quam in patria esse malint. Hic Gaulites qui Samo exulabat, uir in primis Cyro spectatus: Atqui, inquit, Cyre sunt qui dicant te nunc multa polliceri, dum incertus est & periculosus rerum exitus: ubi uero rem feliciter gesseris, tibi omnia ex animo dilapsura. Alij, neq; si memineris, & maxime uelis, eas te opes habiturum, ut singulis quæ promiseris præstare possis. Quæ cum accepisset Cyrus: Atenim, inquit, paternum nobis uiri fortissimi, imperium est. Ad austros ad ea usq; loca, in quibus propter æstus uapores nulli homines habitare possunt. Ad septentriones, quantum ad maxima usq; frigora terrarum patet: quicquid inter hos fines medium est, totum in eorum potestate est, quos frater de amicorum suorum numero illis regionibus præesse uoluit. Quod si nos uicerimus, amicos ego meos pro illis eorum locorum compotes, uti æquum est, faciam: quamobrem tantum abest ut defuturum sit quoddam, ut magis uerear ne quibus dem desit. Insuper Græcis auream etiam coronam dabo. Hæc cum illi audissent, & ipsi alacriores redditi sunt, & alijs quæ acceperant renunciarunt. Venerunt autem in eius tabernaculum duces aliquot, & ex Græcis nonnulli, ut ex Cyro nominatim cognoscerent, si uicissent quid præmij laturi essent: quos Cyrus omnes optima spe plenos demisit. Sedenim qui cum

eo tunc sunt congressi, omnes autores erant, ne ipse prælium iniret, sed in extrema acie in subsidij cōsisteret. Atq; hic Clearchus: Putas'ne, inquit, Cyre tecum fratrem in pugna congressurum? Non mediusfidius, si Darij & Parysatis filius, & meus, inquit, frater est, hæc ego illi sine pugna eripiam. Ac in ea quidem recēssione, ex Græcis censa tunc sunt scutatorū X. millia, & CCCC. Peltatorum duo millia, & CCCC. Ex barbaris qui cum Cyro uenerant C. millia hominum. Currus falcati circiter XX. At in hostili agmine esse dicebantur, militum duodecies centena millia, & currus cum falcibus CC. Sed amplius in præsidij pro regijs castris instructa erant equitum VI. millia, quibus Artageses præerat. Regij uerò exercitus quadrifariā diuisi: ter centenis hominum millibus singuli duces summa potestate imperabant, atque hi fuere, Abrocomas, Ty saphernes, Gobrias, Abraces. Sed tota ex hac multitudine noningenta tantum millia prælio interfuerunt, & currus cum falcibus C. & L. nam Abrocomas ex Phœnice ueniens diebus V. post pugnam, regem est assequutus, quod cum ex ijs intelligi potuit qui ante prælium à rege ad Cyrum profugerāt, tum ex ijs qui post pugnam ex hostibus capti sunt. Hinc Cyrus unis castris millia pass. XII. cum copijs omnibus Græcorum ac barbarorum instructis processit. Existimabat enim eo ipso die regem prælium commissurum: aberat siquidem hinc non longius quàm quō posset dimidia diei unius parte perueniri, fossa passus alta quinque, treis lata, quæ campos sursum uersum ad pass. circiter XLVIII. millia, usque ad Mediæ muros diuidebat: qua in parte aluei erant à Tigri amne ducti III. ingenti altitudine, ac pass. XX. latitudine, per quos frumentaria

taria nauigia commodè agi poterant: ac hi quidem aluci in Euphraten influunt. Singulorum uerò aliquanto breuius est III. millibus spatium: pontibus hi per interualla iunguntur. Angustus callis inter fossam & flumē medius, ad Euphraten ducebat, non amplior is XX. pedum latitudine. Fossam eam rex munimenti causa agendam curarat, accepto primo de Cyri irruptione nuncio. Sedenim Cyrus cum exercitu ijs locorū difficultatibus superatis, iam intra fossam castra habebat. Ac eo quidem die rex nō prodiit in pugnam, sed appropinquantium cum hominum, tum uerò equorum uestigia cernebantur. Ibi Cyrus uatem Silanum Ambracioten ad se uocatum Daricis ter mille donauit, quòd undecimo die antè, proximis X. diebus regem, cum id ex eo quæreretur, prælium commissurum negasset. Cui Cyrus responderat, non præliaturum certè illum si intra X. dies nō esset congressus: quod si id euentu ipso uerum esse cognouisset, talenta se illi X. receperat daturum. Quare cum X. ipsi dies præterissent, pecuniam dissoluit. Cum uerò copie uniuersæ, rege nihil omnino prohibente fossam transmisset, & Cyrus & item alij illum pugnandi consilium abieciisse putarunt. Quare iam ociosius postero die Cyrus iter faciebat: quin & tertio iam die ipse curru uectus est, paucis tamē qui quamce terrimè progredierentur præmissis. Multitudo uniuersa dissipato agmine procedebat, & arma magna ex parte plaustris & iumentis uehebantur. Sub eam uerò horam, qua forū multitudine cōpleri cōsuevit, cū iam locus propè esset ubi castra ponere cōstituerat, aduolat sudāti equo Pagyas Perses, ex ijs unus quib. Cyrus maximā fidē habebat. Vt quisq; ei sit obuius, aut barbarica, aut græca uoce

clamat, adesse regem cum ingenti exercitu, neq; aliter instructum quàm si cōfestim sit signa collaturus. Ibi magna cum Græcos, tum cæteros inuasit trepidatio, cum nihil magis metuerent, quàm ne in dispersos hostis irruptionem faceret. Hic Cyrus loricā induit: cumq; de curru in equum arreptis missilibus desiluisset, alijs denunciavit ut arma caperent, ac suo quisq; loco in acie consisterent: atque illi impigrè constiterunt. Clearchus dextrum cornu proximè ad Euphraten, Menon læuam, mediam aciem reliqui tenuerunt. Proxenus iuxta Clearchum, cæteri deinceps ordine. Græcorum hæc acies fuit. At ex barbaris ad mille equites Paphlagones, prope Clearchū in dextro cornu steterunt: atque eadem in parte Græci omnes qui cum cetris erant. In sinistro uerò Ariæus Cyri præfectus cum reliquis barbaris. Cyrus in principijs, & cū eo equites DC. grandibus loricis omnes, & seniorum munimentis ac galeis muniti: solus Cyrus nudo capite pugnam expectabat. sed & alios aiunt Persas nudis capitibus prælia inire. Equi sanè omnes frontis ac pectoris munimenta habebant: equites ipsi græcis gladijs utebantur. Erat iam meridies, neq; hostes adhuc conspici poterant. At enim cum iam adueesperasceret, pulueris ueluti globus conuolui ceptus, in modum albicantis nebulae: atque is paulatim per totum campum mutato iam in atrum colere, se diffudit. Cum uerò propius accessissent, æris primo splendor miscere, deinde spicula, ac ipsi etiam militum ordines cerni potuerunt. Erant in læuo hostilis aciei cornu equites albis loricis tecti, quibus Tysaphernes imperare dicebatur. His proximi erant cetrati: succedebat grauis armatura, scutis cratitijs ad imos usq; pedes protecta: Aegyptios esse hos aiebant.

aiebant. Inde equites & sagittarij, atq; hi omnes per gentes descripti singillatim, quadratis agminibus, ac ex omni parte plenis procedebant. Præibant currus, magnis singuli interuallis, qui falcati appellantur: falces his ex doliabris ad imos currus, in obliquum affixæ prominebant, terram deorsum spectantes, quò facilitè in quæcunq; incidissent, diuiderent. Consilium etenim fuit ad Græcorum aciem sternendam, eos primo congressu immittere. Ac Cyrum quidem opinio sua sefellit, quòd Græcos pro concione antea adhortatus fuerat, ut barbarorum clamorè in prima impressione sustinerent: neq; enim illi cum clamore, sed taciti, ac quoad eius fieri potuit, sedatè, ac æquabili gradu in pugnam processerunt. Ibi Cyrus in principia progressus cum Pigrete interprete, tribusq; aut quatuor alijs, Clearcho inclamabat ut in mediam hostium aciem, qua in parte rex erat, agmen suum ageret: quòd si, inquit, illic uicerimus, tota nobis res cōfecta fuerit. Clearchus etsi mediæ aciei hostilem globum cernebat, atq; ex Cyri uerbis intelligebat mediam aciem in qua erat rex, longè ultra Græcorum leuū cornu extendi, cum tanto superior numero hostis esset, ut media eius acies longo interuallo cornu leuū Cyri relinqueret: non potuit tamen adduci, ut dextrum cornu à fluminis ripa introrsum retraheret, cum maximè metueret ne utrinq; ab hostibus cingeretur. Quare id uñum Cyro respondit, sibi curæ fore, ut quamcōmodissimè omnia gererètur. Interea barbari pedetentim accedebāt, Græcorum uerò ordines quandiu in eodem loco permanserunt, alijs subinde atq; alijs superuenientibus implebantur. Cyrus obequitans modico ab acie interuallo, & suas eminus copias, & hostiles intuebatur. Hunc à Græcorum

ordinibus Xenophon confpicatus, obuiam procedit, rogat, nunquid denunciaret: qui paululū cum hæsisset, renunciari omnibus iubet, in sacris ritè litatum. Dumq; hæc diceret, fremitu inter ordines coorto, causam quæsiuit. Respondit Xenophon, secundā iam tesseram tradi. Hic ille admiratus quis eam prodidisset, quenam esset rogauit: Iupiter, inquit, seruator, & uictoria. Tunc ille: Omen, inquit, accipio, atq; ita esto. Hæc cum dixisset, in suum se locum recepit. Iam uerò tria, aut quatuor ad summū stadia acies utraq; distabat, cum Græci signo dato priores in aduersos iere: atq; hîc cum longius promouissent principia, posteriores ordines cum laxati fluctuarent, cursu præeuntes consequebantur. Tum clamorem cuncti bellicum susstulerunt, cunctiq; se ad cursum pariter incitarunt. Non desunt qui dicant, ad equos incitandos clypeos hastis percussos. Nullum adhuc telum iactum fuerat, cum barbari equites fuga effusissima terga uerterunt, quos Græci acerrimè insectabantur. Cum tamē se clamitantes uicissim monerent, ne nimiam in cursu celeritatem susciperent, atque ut potius ordinibus cōseruatis sequerentur, interea in hostium acie currus temerè, excusis aurigis, partim eorum per hostes, partim per Græcos trahebantur. Hos multi cū præuidissent, sistebant: fuit etiam qui repentè tanquam in curriculo, percussus obstupesceret, neq; tamen grauiter fuerit affectus, quando neq; Græcorum alius quisquam, hac in pugna quicquam passus est, præterquam quòd in læuo cornu dicebatur nescio quis sagitta percussus. Cyrus cū Græcos ex sua aciei parte uincētes cerneret, hostemq; acriter insectantes, magnam certè lætitiā cepit: iamq; ab his, qui circa eum erant, rex fuerat salutatus, non tamen cupia

cupidè est hostem insequutus, sed stipatus conferto equitum D C. globo, quid facturus esset rex expectabat. Illum etenim sciebat Persici exercitus mediā aciem tenere, cum & cæteri, qui barbaris præessent, medium semper inter suos ordines locum obtinerēt: quòd ita se tutiori loco esse putarent, si suorum robore utrinq; muniti essent: simulq; id commodi in ea re inesse, quòd dimidio breviorè tempore, quæ à se denunciari suis uoluissent, utrocunq; perferri possent. Verùm mediæ regiæ aciei pars ultra sinistrū Cyri cornu procurrebat: in hanc ex aduerso nulla facta impressio fuerat. Quare cum Cyrus regem animaduertisset curuatis ordinibus in eam partem, quæ hoste uacabat, incumbentem, ueritus ne si in longiorem ambitum se explicuisset, Græcorū terga caderet, in eum cum globo suo inuectus est, ac primo statim impetu regio ordines fundit, VI. hostium millia de cohorte prætoria in fugam uertit, eorumq; ducem Artagesen sua manu occidit. Vt illi terga uertere, Cyri manus dum eos urget audidius, iam confidentius ordinem deserit: pauci tamen cum Cyro remanserunt, nempe hi, qui eius contubernales appellabantur. Interea Cyrus regem suo incinctū globo conspiciatus, continere se amplius nequit, Video, inquit, hominē: statimq; in eum inuadit, infesta hasta per loricam pectus uerberat. Quod se uulnus Ctesias medicus curasse refert. Ibi hostem incautius ferientem, tragula ex hostili acie, nescio quis Cyri altè sub oculo uulnerat. Pugnatur utrinq; acriter, dum suum utraq; pars regem protegit. Ctesias quidem, qui ceciderint circa regem, memorat, in illis enim fuit partibus. In his cum Cyrus ipse, tum ex eius cohorte VIII. uiri fortissimi occubuerunt. Hic Artapates eorum qui cum sceptro

Cyri interitus

Principum li-
berorū in Per-
sis disciplina.

Cyro apparebant, fidelissimus, posteaquam Cyrum humi iacentem uidit, ex equo descendens, ad eius se cadauer abiecit. Hunc sunt qui dicant, regis iussu supra Cyri corpus iugulatum, alij ipsum sibimet latus acinace cōfodisse: erat enim ei aureus acinaces, ut qui & torquem gestaret, & armillas aureas, ut quiuvis ex Persarum optimatibus, cum esset ob fidem ac beneuolentiam in summo apud Cyrū honore. Hunc Cyrus uitæ exitū habuit, uir consentienti omnium qui cum eo uixerant iudicio, unus post maiorem Cyrum, ad regnandum imperandumq; maximè factus. Is primum cum puer esset, omni puerilium exercitationum genere, & fratri & æqualibus cæterisq; quibus cum educabatur, præstitit. Nam in Persis Principum liberi ad ipsas regiæ fores erudiuntur, ubi multa illis summæ cōtinentiæ documenta suppeditant, cum nihil unquam fœdum, uel obscœnum aspiciant, aut audiant: cum uerò alios honoribus, probris alios à rege affici uideāt, statim à pueris cum parendi, tum bene imperandi exemplis imbuuntur. In ea se disciplina Cyrus præ cūctis æqualibus suis maximè docilem præbuit: idemq; senioribus, multò etiam quàm qui inferiore erāt fortuna, promptius parebat: equos studiose alebat, atq; his utebatur scientissimè. In armorum studijs, iaculis, ac sagittis mittendis, tantum consequebatur, ut in eo tyrocinio ac meditatione longo interuallo cæteris anteponeretur. Puber uerò factus, ad uenationem studiosissimè animum adiecit: in qua pericula unus omnium fortissimè adibat, atq; adeò ut ursum aliquando in se ruentem nihil extimuerit, sed cum eo congressus, ab equo quidē fuerit abstractus, & uulnera acceperit, quorum etiam cerni cicatrices poterant: feram tamen peremerit: eumq; qui sibi

sibi primus in eo certamine auxilium tulerat, perhonorificis præmijs affecerit. Postea uerò quàm Lydia ei à patre, magna Phrygia, & Cappadocia, & eorum omnium qui in Castoli campos conueniunt, imperiũ decretum est, primũ facile omnibus declarauit, se nihil fœderum, pactorum, ac promissorum omnium religione antiquius habere. Quare eximiam ei fidem cum ciuitates, quæ in eius potestate erant, tum alij omnes populi habebant. Neq; hostes etiam ipsi, si quid cum Cyro pepigissent, ne quid præter compositionis ius paterentur, metuebant. Quam ob rem ubi Tysapherni bellũ intulit, ciuitates cunctæ ultro, præter Milesios, ad Cyrũ defecerunt. Nam Milesij, quòd exulum causam nollet negligere, ei se credere ueriti sunt. Id enim præ se ferebat, ac prædicabat, multoq; magis re ipsa confirmabat, se eos ne in aduersis quidem rebus, atq; afflictæ fortuna, quos iam antè in fidem recepisset, destitutum. Perspicuum uerò omnibus semper fuit, id esse ei omnium antiquissimũ certamen, ut bene de se meritos beneficij, inimicos nocendi rationibus superaret. Neq; ullum ei frequentius uotum esse consueuisse, multi prodiderunt, quàm ut tandiu uiuere liceret, donec & amicorum beneficia, & inimicorum iniurias uinceret. Quare uni ei ex omnibus ætatis nostræ hominibus, cuncti mortales pecuniam, urbes, corpora etiam sua tradere cupiebāt. Neq; tamen uerè quisquam dixerit, improbis ac sceleratis hominibus impunitatẽ apud eum fuisse, cum in eos seuerissimè animaduerneret, atq; adeò, ut in militaribus uijs multi passim offenderentur, quibus uel manus, uel pedes præcisi, uel effossi essent oculi. Quo fiebat, ut in toto Cyri imperio quietis omnibus ac pacatis, uel Græcis, uel barbaris

ris, quicquid ex re commodoq; suo comportarent, tutissimā essent itinera. Præ cæteris quidē, militari uirtute præstantibus hominibus maximū honorem habebat. Primam in Pisidas & Mysos expeditionem suscepit: cui cum ipse etiam interfuisset, quos alacriter belli se periculis obijcere animaduertenterat, ijs earum quas armis subegisset prouinciarum imperia, & alia item præmia ac munera detulit. Quibus ex rebus efficiebatur, ut fortissimi quiq; fortuna etiā excelleret: contrā uerò timidi & ignaui, nihilo honestiores haberentur, quàm si illis seruitutem seruirent. Quam ob rem nunquam deerāt, qui ultrò se periculis offerrent, modò id Cyrum rescitutum putarent. In primis uerò si qui aliquod iustitiæ documentū dedissent, eos sibi Cyrus multò magis locupletandos putabat, quàm quos luci cupiditate teneri animaduertisset. Hinc meritò & adiumenta rerum gerendarum ei omnia undecunq; suppetebant, & firmissimo ac fidelissimo exercitu utebatur. Duces enim & centuriones non pecuniæ cupiditate, sed uerissimæ disciplinæ amore, quam mensstruis stipendijs multò utiliore ducebāt, ultrò ad eum è Græcia nauigabant: sed neq; ille ijs unquam, qui alacriter imperata fecissent, se ingratum præbuit. Quare uni omnium optimi ac præstantissimi cuiusuis operis adiutores præstò erant. Quòd si quem uideret, aut bono modo rem familiarē augentem, atq; ea in re diligentem & callidū: aut regionem, cui præesset, dum bene eam constitueret, fructuosiorē multò redudentem, nihil ei omnino adimebat, quin eius industriam sua etiam liberalitate prosequeretur. Ex quo & libenter omnes labores suscipiebant, & partis bonis fidenter fruebantur: quo fiebat, ut nemo quantum possideret, Cyrum cælaret.

cælaret. Neq; enim cuiquam apertè quærenti inuidebat, sed clàm coactam pecuniam uindicabat. Ac eorū quidem commodis quos in amicitiam suam recepisset, quosq; sibi beneuolos, & ad opem ferendam (quodcunq; suscepisset negotium) promptos esse intelligeret, omnium consensu studiosissimè seruebat: quandoquidē cuius rei causa aliorum ipse amicitiam magnoperè sibi necessariam esse ducebat, quò scilicet rerum gerendarū socios & adiutores haberet: eadem etiam in re amicis, ubi eorum tempora postularent, opitulando gratiam referendam putabat. Dona autem, quæ unus omniū plurima accipere consueuerat, omnia inter amicos pro cuiusq; uitæ ac temporū conditione diuidebat. Quin & quæ sibi ornāmēta uel ad belli usum, uel ad elegantiam uestitus mittebantur, elargiebatur. Quo in genere hoc eius dictū celebratur: Non posse suū unius corpus ijs omnibus ornari: amicos uerò egregiè ornatos, præclarum se homini ornatum putare. Atenim quòd amicos beneficijs uinceret, cum tantò illis esset potentior, nihil fortasse mirū uideatur: quòd uerò cura, & in bene de illis merendo alacritate, eosdem longo interuallo superaret, id enim uero mihi laude & admiratione summa dignū uideri solet. Quoties enim uini, quod esset optimū & præstantissimum nactus, semiplenos cantharos ad suos mittebat, quòd se nescire diceret, quādo eo melius nancisci posset? Hoc igitur dicebat is, cui negotium datum esset: Tibi Cyrus mittit, teq; ut id hodie cum ijs bibas quos maxime diligis, rogat. Quoties semefos anferes? Quoties panes dimidiatos, & huius generis alia mittebat? Quæ qui ferebant, Hæc tibi, aiebāt, Cyrus impertitur, quòd ipsi iucundissima fuere. Quoties in magna pabuli penuria, quòd

Cyri de amicis
bene merendi
studium.

sibi facilius comparatu esset pabulum, propter pabulatorum multitudinem ac diligentiam, ad amicos mittebat, atq; id equis, ut suis, quibus ueherentur, apponerent hortabatur, ne illi dominos esurientes ueherent? Quoties in uia, multis spectantibus dedita opera ad se amicos uocabat, cumq; illis secretò loquebatur, ut quibus honorē haberet, testificaretur? Quare ex omnibus quos ego audierim, uel Græcis, uel barbaris, neminem statuo plures unquam amicos habuisse. Cui rei & illud documento est, quòd à Cyro, qui sub alieno erat imperio, nemo unquam ad regem defecit, uno Oronte excepto: quem tamen rex dum sibi fidelem putat, Cyro penè, quàm sibi amiciorem inuenit. Ab ipso uerò rege ad Cyrū, bello suscepto, quàm plurimi perfugere, atq; hi maximè regi familiares, quòd uirtuti suæ maiorem à Cyro, quàm ab ipso rege honorem habitum iri putarent. Benè autem cum illo, & præclare extremo uitæ tempore actum est, quòd & ipse fortiter dimicans occubuerit, ac suorū in se fidem, beneuolentiam, ac constantiam sit expertus: quandò amici omnes, & contubernales pro eo pugnantes ceciderūt, præter Ariæum. Is enim cum in læuo cornu equitatu præisset, ubi Cyrum cecidisse cōperit, integris copiis suis aufugit. Cyro tunc, & caput, & dextera manus abscissa est. At rex cum exercitu hostem insequens, in Cyri castra incidit. Ariæus non prius cū suis fugere destitit, quàm ad ea unde paulò antè discessum fuerat, castra peruenit, quæ sexdecim ferè milia passuum ab eo loco, quo prælium commissum est, abfuerūt. Rex interim cum suis castra diripit, ac Cyri ipsius Pallacam Phocaicam, eximia specie, ac prudentia etiam, uti fama ferebatur, mulierem abducit. Nanque altera natu

minor

minor Milesia, à regia cohorte capta, nuda effugit, seq̃s ad eas Græcorum turmas recepit, quæ fortè inter impedimenta cum armis steterant. Et illi quidem barbaris castra diripientibus, globo factò acriter restiterunt, multosq̃ ex ijs cæcidère: ac quamuis nonnulli ex ipsis etiam ceciderint, locum tamen suum tutati sunt, mulieremq̃, & cæteros homines, resq̃ omnes quæ ea in parte fuerūt, seruauerunt. Erat inter regem & Græcos XXX. ferè stadiorum interuallum. Et Græci quidem cum uictos à se omnes putarent, urgebant: Barbari contrà quasi ex omni parte uicissē, se totos ad prædam conuerterant. Vbi uerò & Græci regem cum sua manu ad impedimenta peruenisse cognouerunt, & rex à Tysapherne certior factus est, uicisse sua ex parte Græcos, ac fusos persequi, rex copias suas colligit, & componit. Clearchus & Proxenus, qui loco proximi erant, deliberant, nunquid uniueris castris opem ferant, an copiarum tantum partem mittant. At rex interea ita suos instruebat, ut à tergo impressiōē facturū uideretur: quare Græci collecti, in quam ille partem minaretur, ea aut uiperrumpere, aut hostis irruptionē sustinere putabant. Sed ille, quā paulò antè progressus fuerat, extra læuum Cyri cornu, inde retractis ijs qui in pugna ad Græcos perfugerant, & intra suum agmen Tysapherne recepto, retrocessit. Tysaphernes in primo congressu non sanè fugerat, sed cum secundum flumen peltatos Græcorum inuasisset, neminem planè interfecit: quin Græci cum se in duas partes diuisissent, eius cohortē cum gladijs, tum missilibus urgere cœperunt. Imperabat peltatis Episthenes Megalopolitanus, uir cū primis prudens & fortis: eo factum est, ut Tysaphernes inferior discesse

rit. In Græcorum uerò castra cum incidisset, ibi regem offendit, quò cum instructo agmine profectus est. Ac ad leuum cornu Græcorum cum propius accessissent, ueriti sunt Græci ne se inuaderent, ac utrinq; explicatis ordinibus circumuentos caderent: optimum igitur factu uidebatur, si illud ipsum cornu ita porrigerent, ut flumē à tergo haberent. Dum id consilij ineunt, rex in eos haud alia forma aciem dirigit, quàm qua antè congressus fuerat. Illi simulac barbaros ita instructos appropinquare senserūt, per pæanē patrio ritu signo dato, eos multò alacrius etiā quàm antè, adorti sunt. Barbari nusquam impetū sustinentes, effusius multò quàm paulò antè fugam fecerunt. At hic cum usq; ad uicum quendam insequuti essent, paululū substitere: ob eam nēpe causam, quòd regis equestres copiae, sine ullo peditatu collem qui supra eum uicum erat, tam latè infederant, ut totus ab equitibus teneretur: quare cum ceteri sunt primū, quid ageretur incerti. Hic aiunt regale signum agnitum, auream aquilam, in pelta ad summā hastam alligata. Verū cum subire aduersum cliuum Græci cœpissent, diffugientes barbari quā quisq; poterat, dissipatis ordinibus eum collē deseruere. Quem etsi præsidio nudatū, dilapsis iam omnibus equitibus Clearchus conspiciatus est, tantisper tamen milites suos continuit, dum Lycius Syracusanus, & alius quidā, quos speculatū miserat, quæ in colle comperissent, renunciarent. Ac Lycius rediens, hostes nunciat quammaximè citatis equis fugere. Verū cum iam propè esset ut occideret sol, armis depositis quiescendum putarunt: ac tunc primū admirari cœperunt, quòd neq; Cyrus, quem perisse ignorabant, neq; ex eius comitatu quisquam iam adesset. Illum tamen uel
hostes,

hostes insequi, uel relictum à tergo statim adfuturum opinabantur. Inter se uerò consultabant, ad eum'ne locum impedita adducerent, an uerò in pristina se castra reciperent: placuit postremò in castra redire. Ad tabernacula igitur sua, sub ipsum cœnæ tempus peruenerūt. Et hic diei illius exitus fuit. Offenderunt autē cum ceteras multarum rerum copias direptas, tum quicquid poculentum, aut esculentum fuerat: atq; inter hæc plaustra farina uinòq; onerata CCCC. quæ Cyrus reseruabat inter Græcos diuidenda, si fortè exercitus penuria laboraret. Quæ sanè omnia regiæ copiæ diripuerant, eamq; ob rem ex Græcis quamplurimi incœnati pernoctarūt, cum omnes etiam impransi essent. Rex enim se ostenderat, antequam cibi capiendi potestas esset. Atq;

hanc quidē noctem ad hunc modum egēre.

XENOPHONTIS DE CYRIM-
NORIS EXPEDITIONE LIBER SECVN-
dus, Romulo Amasæo interprete.



VE MADMODVM ad se Cyrus Græcorum copias euocarit, suscepta aduersus Artaxerxen fratrē expeditione: quæ admodum deinde prælium sit commissum, ac in eo Cyrus ceciderit, & Græci postremò uicisse se omni ex parte, ac Cyrum uiuere existimantes, in castra reuersi pernoctarint, superiore libro expositū est. Postero uerò die prima luce cum duces in unū conuenissent, uehementer admirari cœperunt, quòd neq; nuncium ad se, quid factò opus esset, mitteret, neque ipse

uspiam in conspectum prodiret. Quare ijs, quæ reliqua
 erant, impedimētis collectis, uniuerſi armis sumptis pro-
 mouere statuerunt, usquedum se cum Cyro cōiungerent.
 Iam propè erat ut iter ingrederentur, cum sub ipsum solis
 ortū Procles Teuthraniæ præfectus à Lacone Demarato
 genus ducens, & Tami filius Glus uenientes, Cyrum mor-
 tuum esse nunciarūt: Ariæum uerò cum reliquis barbaris
 ad ea castra fugisse unde pridie mouerant: illum dicere, to-
 tum se eum diem, nec amplius, Græcos opperiri uelle: po-
 stridie si non uenissent, in Ioniam se unde profectus esset,
 reuersurū. Hæc cum audissent duces, & item Græci om-
 nes, molestissimè tulerunt. Clearchus uerò ad illos conuer-
 sus: Vtinam, inquit, Cyrus uiueret: sed quando ille mor-
 tem oppetijt, Ariæo renunciate, nos quidē regem uicisse:
 ut enim uidetis, nemo iam nobis repugnat: quòd nisi uos
 interuenissetis, aduersus ipsum regem cōtendissemus. Ve-
 rum Ariæo pollicemur, si ad nos uenerit, ipsum nos in re-
 gio solio collocaturos: est enim penes eos qui prælio uice-
 rint, imperiū. Cum hoc responso nuncios remittit, cumq;
 ijs Chiriosophum Laconem, & Menonē Thessalum, hunc
 sanè postulantem: erat enim Ariæo & amicus, & hospes.
 Atq; hi statim profecti sunt. Clearchus uerò quid illi affer-
 rent, expectabat. Interea exercitus se in maxima cibario-
 rum penuria ueterinis sustentabat, boues, asinos, cædens:
 ac pro lignis utebantur sagittis & missilibus, quæ nō lon-
 gè à castris, quo in loco pugna commissæ fuerat, humi iac-
 ebant: quæq; ijs qui à rege persugerant, Græci adimes-
 bant. Non deerant præterea parmae, & cratitia scuta Aeg-
 yptiaca, pelte passim plurimæ, & plaustra inania, sine
 iumētis, è quibus factò igni, elixis eo die carnibus, famem
 leuarunt.

leuarunt. Sub eam uerò dici horam, qua forum hominum multitudinem refertissimum esse consuevit, à rege & Tysapherne legati uenerūt: reliqui barbari, unus Græcus, Phalynus nomine, qui tunc fortè apud Tysaphernem honestissimum locum tenebat, quòd & rerum gerendarum, & armorum singularem sibi peritiam uindicabat. Hi cum ad Græcorum duces accessissent: Regem, inquiunt, iubere (quòd scilicet à se uictoria esset, cum Cyrum occidisset) ut sibi arma tradant, & ad regis limina consistentes, experiantur si quid fortè commodi nancisci possint. Hæc illi. Quæ etsi Græci indignissimè ferebant, Clearchus tamen id unum respondit, non esse eorum qui uicissent, arma tradere: uerùm uos, inquit, prætores, illud his respondebitis, quod honestissimum atq; optimum uobis in mentem uenerit: ego ad uos statim reuertar. Accersierat enim eum ex ministris unus, ut exempta exta inspiceret, ut tunc fortè sacris operam dabat. Ibi Cleanor Arcas, omnium natu maximus, primus respondit, quòd ad se pertineret, malle mori, quàm arma tradere. Thebanus deinde Proxenus: Enim uero, inquit, ego admiror Phalynem, quid sibi cum hac postulatione rex uelit: utrum ne tanquam uictor à uictis arma, an ut ab amicis amicus dona petit? Nam si ut uictor, quid ea opus est petere? cur non inuitis ereptum uenit? Sin mauult ea dono accipere, quid obsecro militibus, ubi arma elargiti fuerint, reliquum fiet? Ad hæc Phalynus: Rex, inquit, se planè uicisse interpretatur: nam & Cyro interempto, qui cum est ei amplius de imperio certamen? Ac uos in potestate sua esse putat, quos in media regione sua, intra difficilissimam traiectu flumina interclusos teneat. Eam uerò contra uos hominum multitudinem possit ad

ducere, quam si uobis ipse interficiendam tradat, neutrum
 quam tamē possitis. Tum Xenophon Atheniensis: Atqui
 o Phalyne, inquit, nobis, ut uides, nihil boni, præter arma
 & uirtutē reliquum est. Ac arma quidem quandiu obtine-
 mus, nobis arbitramur uirtutē usui esse posse: illa simul-
 ac tradiderimus, ipsorum etiam corporum nos ius omne
 amissuros. Noli igitur, obsecro te, putare nos ea quæ sola
 posidemus bona, cuiquam tradituros: quin his ipsis de re-
 liquis bonis pugnabimus. His auditis, Phalynus subridēs:
 Tu quidem, inquit, adolescens philosophus, ni fallor, es:
 & sunt sanē quæ dicis non illepida, uerū non satis sanus
 es, si uestram uirtutem regijs copijs superiorem fore pu-
 tas. Alios quidē rumor fuit demissius multo, & penē effoe-
 minatē loquutos, cum dicerent se, ut Cyro fideles fuissent,
 ita & regi ipsi egregiam operam nauare posse, modō ille
 se in amicitiam recipiat: nam & in alijs quibusuis expedi-
 tionibus, & in Aegypto debellanda, strenuē ipsum adiu-
 turos. Interea Clearchus rediens, nunquid iam legatis re-
 sponsum sit, rogat. Tum Phalynus: Ex his, inquit, Clear-
 che alijs alia dicit. Tu uerō iam quid censeas, nobis expli-
 ca. Ad hæc Clearchus: Te, inquit, Phalyne libenter uidi,
 atq; hi etiam, opinor, omnes: nam & ipse tu Græcus es, et
 nos item omnes quos hic uides. Quare in hoc rerum statu
 te consulimus, quid in rem nostram esse putes. Agē igitur
 per deos, eo nos consilio iuuā, quod tibi honestissimū, atq;
 optimum uideatur, quodq; tibi apud posteros laudī futu-
 rum sit, cum illi scilicet aut legent, aut audient Phalynum
 à rege missum, ut Græcos iuberet arma tradere, etsi regis
 in officio erat, id tamen illis cōsilijs dedisse: quicquid enim
 id fuerit, tibi persuadeas in Græcia prædicatum iri. Hoc
 sermone

sermone Clearchus se illum inducturum sperabat, ut diceret, neque se putare ex Græcorum re esse arma tradere: Græcos uerò ipsos cum legati regij sententiā nossent, meliorem existimabat in posterum spem concepturos. Verum multò secus Phalynus, atque ille opinatus fuerat, respōdit. Ego, inquit, si uel tantula spes reliqua est, fore uos saluos si bellum regi inferatis, neutiquam uobis suadeam arma tradere: sin salutis spes prorsus nulla reliqua esse possit, uos hortor, ut quo possitis modo salui esse malitis. Tum Clearchus: Tu quidem, inquit, ita censes: à nobis uerò hæc regi renunciato, arbitrari nos, si nos sibi amicos esse malit, multò ei fore utiliores amicos, arma si retinuerimus, quàm si ea cuiquam tradiderimus: sin bellum fuerit gerendum, non esse difficile existimare, quanto magis conducatur arma retinere, quàm alijs tradere. At Phalynus: Nos, inquit, ita ut iubes renunciabimus. Sed & alia à rege ad uos mandata habemus: manentibus hoc ipso in loco, fœdus: progredientibus uerò, aut regredientibus, se uobis bellum proponere. Respondebitis igitur & hoc mihi, utrum manentes uos à rege pacem, an uerò discedentes bellum malitis, ut habeam quid regi renunciem. Hic Clearchus: Illi, inquit, renunciabis, hac de re idem nobis quod regi uideri. Quid hoc est? inquit Phalynus. Si manserimus, respondet Clearchus, pacem: sin progressi aut regressi fuerimus, bellum nobis futurū. Dic, inquit ille, apertius, pacem'ne an bellum renuncio? Iterū Clearchus: Pax, inquam, manentibus, progressis aut regressis bellū. Neque quid factururus esset, ulla ex parte significauit. Ac Phalynus quidē cum collegis profectus est. Procles uerò & Chirisophus ab Ariæo redierunt: apud illum Menon mansit,

Hi retulerunt, Ariæum dicere in Persis multos esse dignitate se longè superiores, qui nequaquam laturos essent se regnare: si ad se uenire uellent, ea ipsa nocte uenirent, prima luce se omnino discessurum. Tum Clearchus: Sic, inquit, ut dicitis, si uenerimus: sin aliter, quod maxime uobis uisum fuerit expedire, illud facitote. Quid uerò facturus esset, neq; his aperuit. His ita actis, sole iam occidente. prætoribus & centurionibus ad se aduocatis, in hunc modum uerba fecit: Mihi, uiri fortissimi, deos per exta consulenti, an aduersus regem eundum sit, non est bellè litatum: atq; id opinor consentaneum fuit. Re enim explorata, inter nos & regem Tigrim fluum esse comperio: atque is non aliter quàm nauibus trajici potest, quæ nobis nusquã suppetunt. Hic uerò commorandi nulla est nobis facultas: desunt enim cōmeatus. At enim ad Cyri amicos si nos conferamus, exta optime promittūt. Sic igitur facto opus est: pro sua quisq; copia cibum capiat: deinde cum eodem modo quo quiescendi tempus significatur, cornu signum datum fuerit, ad primum protinus signum uasa colligantur: ad secundum, iumenta onerentur: ad tertium, ducem omnes sequantur: atq; ita ut impedimenta secundum flumen sint, armati citerius iter faciant. His auditis, prætores ac centuriones sibi quod ille statuisset faciundum putarunt: atque ex hoc quidem tempore, tacito omnium consensu, ille uniuersis imperauit, quòd nempe solus imperatorijs artibus, quarum ceteri expertes essent, excellere uideretur. Fuit iter quod ab Epheso Ionie confecerunt, castrorum quingentenū nonagenū ternū: stadiū sedecies M. & L. id est, millium passuum uicies centenū, & amplius centū, decē & octo. Ab eo uerò loco ubi pugnatum est,

tum est, ad Babylonem usq; stadia esse ferebantur ter M. & LX. passuum millia CCCC VIII. Hinc cum iam primæ se intenderet tenebræ, Myltocythes Thrax cum equitibus quibus ipse imperabat, circiter XL. ad regem transfugit. Clearchus reliquos dicto audientes habuit, cum quibus media ferme nocte ad prima castra, ad Ariæum, eiusq; copias peruenit. Ibi prætores & centuriones instructam aciem relinquentes, ad Ariæum cōuenere. Vbi inter Græcos & Ariæum, eiusq; optimates fœdus percussum est, neutram partem alteram prodituram, firmam & fidam inter ipsos societatem futuram: Barbari priores iusiurandum conceperunt, se bona fide agmen ducturos. Fœdus ictum est, mactatis super scuto, tauro, apro, lupo, ariete, in quorum sanguine enses Græci, hastas barbari intinxerunt. His rite sancitis, Clearchus agè, inquit, Ariæe, quando idem est nobis de reditu consilium capiendū, quid obsecro de tota itineris ratione censes? utrum ne eadem qua uenimus uia utamur? an tibi potior ulla in mentem uenire potest? Hic ille: Si eadem, inquit, reuertamur, fame nos confici necesse est, ubi neq; commeatus ulli nobis, ut proximè, his denis septenis castris suppetant: neque ex agro liceat comparare, cum nuper quacunq; iter fecimus, omnia consumpserimus. Quare uia utendum statuo, etsi longiore, in qua tamen commeatuū penuria multò minus laboremus. Ac primis quidē diebus magnis est nobis itineribus contendendū, quò scilicet à regijs castris quam longissimè recedamus. Nam si bidui aut tridui ab rege absuerimus, nō erit quod uereamur ne nos assequi possit. Cum paruis enim copijs non audebit, cum magna manu nō poterit celeriter insequi. Ad hæc commeatum penuria la-

Fœderis ieiendimos priscus.

borabit. Hæc, inquit, mea sententia est. Erat hoc consiliū ad fugam & recessum appositum, ad reliqua inutile. Verū fortuna melior dux fuit. Vt enim illuxit, iter facere cœperunt, à dextera solem habentes, cum se existimarent sole iam occidēte ad uicos Babylonie peruenturos. Quæ sanè cōiectura nihil eos sefellit. Sub ipsum uerò crepusculum, hostilem sibi equitatum uidere uisi sunt: ob id Græci qui ordinem, ut in longiore uia sit, negligētius seruauerant, statim in locum suum recurrerunt. Et Ariæus ipse, cum propter uulnus quod in pugna acceperat, plaustro curuili ueheretur, desiliit, ac loricā induit. Idem eius milites fecerunt. Dum hi arma caperent, qui speculatum missi fuerant, renunciarūt nullos esse in cōspectu equites, iumenta duntaxat pascere: ex quo facile omnes intellexerunt regia castra non longè abesse, quod item fumus è proximis uicis planum fecit. Ibi Clearchus neq; aduersus hostes progredi tutum duxit, cum fessum de uia, & planè debilitatū inedia militem esse intelligeret. Neque tamē (id cauens ne fugere uideretur) de uia sibi declinandum putauit: sed rectà agmen agens occidente iam sole, cum ijs qui in fronte agminis erant castra locauit. Tabernacula ex ea copia quam rex cæteris direptis reliquā fecerat, sumpta è uillarum tugurijs materia, erecta sunt: ac priores quidē continuo ac certo ordine, postremi ut intempesta & obscura nocte adfuere, quo quisque potuit loco decubuerunt. Adum se mutuo, ut fit, uocarent, sublatum clamorem hostes audierunt: è quibus qui proximi erant, fugientes tabernacula deseruere. Quod postero die facile intellectum est: neq; enim aut iumentū, aut castra, aut fumus ullus in cōspectu fuit. Quocirca ipsum regem constabat primo exercitus

exercitus nostri accessu perterrefactum: cuius rei certa post-
stridie argumēta extiterunt. Verum & Græcis timor &
trepidatio incesit, talisq; in castris fremitus fuit, qualis
cum subitus terror inciderit, existere cōsuevit. Quod ubi
Clearchus animaduertit, Tolmidem Eleum præconē ætas-
tis suæ præstantissimū, quem secum fortè habebat, accer-
sit, ei mandat ut silentio imperato hæc pronūciet: Qui in-
dicarit à quo sit asinus in media arma actus, ei duces præ-
mium argenti talentum decernunt. Ex edicto milites pla-
nè intellexerūt inanem fuisse metum, & duces incolumes
esse. Sub primam uerò lucem Græcis imperat Clearchus,
ut sumptis armis eo ordine aciem instruant, quo in pugna
steterant. Quòd uerò scripsi antè, regem pertinuisse, ex
eo intelligi etiam potuit, quòd cum pridie sibi arma tradi
postulasset, postero die sole oriente de pace legatos misit.
Hi itaque cum ad primas custodias accessissent, ubi duces
essent quæsierunt. Quod ubi ducibus est à custodibus re-
nunciatū, Clearchus qui tum fortè ordines recensabat, cu-
stodibus mandat, ut oratores iubeant expectare, quanti-
sp̄er ijs audiendis uacui aliquid tēporis dare possit. Postea
uerò quàm copias omnes bellissimè instructas animad-
uertit, atque ita ut ex omni parte densæ phalangis species
pulcherrima cerni posset, neq; esset quisquam inermis in
consp̄ctu, tum legatos accersi iubet, ac ipse processit pau-
lulum, globo militum stipatus, armorum ornatu ac forma
præstantissimorum: quod & reliqui duces eius monitu fe-
cere. Vbi ad legatos uentū est, tum rogat Clearchus quid-
nam uelint. Illi se ut de pacis cōditionibus agerent, uenisse
dixerunt: idoneosq; se esse, qui & à rege Græcis, & regi
rursus à Græcis, quicquid utraq; pars mandarit, renun-

cient. Renunciate igitur, inquit Clearchus, pugna opus esse: prandium enim nuspian in promptu est: neq; fuerit quisquam inuentus qui de cōditionibus apud Græcos uerba facere audeat, prius quàm prandium ijs præbeat. Vbi hæc illi audierunt, statim profecti quamcelerrimè redierunt. Quæ res indicio fuit uel regem, uel eum cui hæc à rege cura demandata esset, non longè abesse. Ac illi quidē renunciarunt, æqua regi uideri quæ attulissent: quamobrem se adduxisse secum eos homines, quibus ducibus ad eum locum essent peruenturi, unde sibi commeatum compararent, modò ut pax fieret. Tum quæsiuit Clearchus, cum omnibúsne pax futura esset, an cum ijs tantū qui ultro citroq; commeassent? Cum omnibus, illi responderūt, usq; dum quæ à uobis proposita fuerint, ad regē referantur. Hæc illi. Tum Clearchus cum eos paululū concedere iussisset, de tota re suos consuluit. Quibus statim ac sine disceptatione ulla uisum est compositionem transigendam, ad commeatus comparandos proficiscendū. Sedenim Clearchus, etsi, inquit, eadem mihi uidentur, non tamen euestigio responsum à me auferent. Nam de industria cunctabor, quò & legati uereantur ne nobis compositio nō probetur, & idē nostri milites metuant: hoc enim rationibus nostris conducere arbitror. Vbi uerò respondendi maturitas uisa est, se fœdus percussurum dixit, sed ad commeatus deduci se prius iussit. Tunc illi iter ingressi sunt. Clearchus, etsi paulò pòst fœderis erat cōditiones accepturus, quadrato tamen agmine cōsequebatur, ac ipse quidem in subsidijs erat. Cum uerò in fossas & alueos quosdā aquæ plenissimos incidissent, quos neuitquā sine pōtibus trajicere poterant, ex palmis aut passim humi iacentibus, aut
quas

quas ipsi excidissent, pontes facere aggressi sunt. Ibi Clearchus curæ ac diligentiae suæ in imperando specimen dedit: cum leua manu hastam, dextera uirgam tenens, quencunq; segnius opus facientem, ex ijs quibus id negocij dederat, animaduertisset, iuberet multatum de medio recedere, alium in eius locum deligeret. Quin ipsemet in cœnũ cum descendisset, eius operis suas sibi partes depoposcit. Quod cum ceteri uidissent, dedecori sibi fore putarunt, si non fuissent illius alacritatem imitati. Quare cum eorũ tantum, qui annis XXX. minores essent, delectum habuissent, seniores tamen cum illum nullum laboris genus delectantem uiderent, & ipsi sua munia obicrunt. Et Clearchus quidẽ eo plus celeritatis in negotio conficiendo adhibebat, quòd cum eas lacunas nequaquam perennes esse suspicaretur, iam uerò aquis completas uideret, eo anni tẽpore quo agros irrigari nihil necesse erat, id ueritus est, ne rex aquam eam inducendam curasset, quò Græcos itineris difficultate perterrefaceret. Peruenerant iam ad eos uicos, è quibus ducum suorum iussu, commeatus capiendi erant. Frumentum plurimũ, uiniq; ex palmulis magnam copiam nacti sunt. Quin & acetum ex iisdẽ palmulis decoctis cõditum. Ac palmarum quidem fructus ipsi multò præstantiores ijs qui in Græciam cõportantur, scruiis apponebantur. Delectissimi uerò quiq; & pulchritudine, ac magnitudine admirabiles, colore non multũ ab electro differentes, dominis reseruabantur. Hos erant qui siccarent, ac in usum bellariorum reponerent. Mensis quidem ex his suauissimæ epulæ, sed quæ capitis dolorẽ afferrent. Quin & cerebro, id est, exacta ex uiridibus ramis medulla, milites uestiebantur, quæ item ipsa capiti molesta erat.

Sed multi præcipuam quandam in eo cibi genere suauitatem admirabantur. Hac extracta, arbor tota exarescebat. Hoc in loco Græci triduum cōmorati sunt. Interea uenit à rege Tysaphernes, & cum eo regis uxoris frater, tres item Persæ, cum magno seruorum numero. Quibus cum Græcorum prætores obuiam uenissent, prior Tysaphernes per interpretē ita loquutus est: Ego principes Græci, proximo Græciæ loco habito. Quare cum uos in summas ac plurimas rerū difficultates incidisse uiderem, præclare me uestris rebus cōsulere posse putauī, si fortē à rege possem impetrare, ut à me uos in Græciam incolumes reduci sineret. Pro quo cum & à uobisipsis, & ab uniuersa Græcia egregiam me gratiam initurum mihi persuaderem, à rege id pro iure meo petij: cum illi etiam dicerem, me planē ita meritum esse, ut libenter mihi in hoc genere gratificari deberet, cum & de Cyri motu primus eum certiorē fecerim. Primus item, atque adeo cum ipso nuncio copias ei in auxilium adduxerim. Solus deinde ex omnibus qui contra Græcos in acie steterunt, non fugerim, sed per meos hostes euaserim. Deinde cum ipso rege in uestris castris congressus, quō scilicet rex post Cyri cædem penetrarat, barbaros eos qui Cyrū secuti fuerant, unā cum ijs qui nunc mecū sunt regi fidelissimis hominibus, in fugam uerterim. Quæ cum exposuissem, se deliberaturum rex promisit. Verū interea me ad uos uenire iussit, ac quærere quamnam ob causam contra ipsum arma ceperitis. Hic ego uobis ut lenius respondeatis suadeo, quō possim quæ cupio uestra causa facilius obtinere. Hæc ubi Græci audierunt, paululum concedētes, inter se quid respondendum esset consularunt. Tum Clearchus pro omnibus in hunc

hunc modum loquutus est: Nos neque in unum conuenimus ut bellū regi inferremus, neq; contra ipsum prudentes ac scientes uenimus: sed, ut ipse nosti, Cyrus omnibus artibus usus est, quò & uos imparatos opprimeret, et nos huc perduceret. Vbi cum cum maximis rerum difficultatibus circumuentū uideremus, fuit quod deorum nos, & hominū pudor adduxit, ne cum in aduersis desereremus, cui in sequendis præstò semper fuisset. Iam Cyro interfecto, neq; nobis de imperio cum rege ullum est certamen, neq; in eius fines hostiliter inuadimus, nec ipsum occidere uelimus, liceat modò in patriam sine cuiusquam iniuria redire. Quòd si quis nos lacesierit, hūc, dis freti, ut ulciscamur, operā dabimus. Sin fuerit de nobis quisquam bene meritus, nihil certè, ne uicti beneficio uideamur, referendæ gratiæ studio futurum nobis antiquius est. Hæc Clearchus. Tysaphernes uerò: Hæc, inquit, regi renuncia- bo, rursusq; uobis quicquid ille respōderit. Dum uerò ad illum excurro, de compositione illud maneat, quod antè inter nos cōuenit, ac interim commeatus uobis dabimus. Ac tunc abiens, cum postero die nō rediret, Græcis non nihil suspicandum præbuit. Tertio uerò die cum uenisset, se à rege impetrasse dixit, ut liceret Græcos in patriā incolumes reducere: quamuis non defuissent qui aduersati essent, cum è regis dignitate esse negarent, si qui contra ipsum armati uenissent, impunè ab eo discederent. Postremo, ut rem, inquit, paucis absoluam, uobis, ut nunc se res habet, licet nobiscum pacisci. Fidem nos dabimus primū, tuta uobis fore itinera, per omnes regni partes, ut nihil plus quàm ab amicis uobis timendum sit: deinde uos optima fide in Græciam reducendos suscipiemus. Commeat

tuum copiam faciemus, id si minus præstare potuerimus,
 tum ex agro quæcunque opus fuerint, uos sumere patie-
 mur. Vos contrà iusiurandum concipietis, quacunque tran-
 sieritis, nulli neque incõmodum, neque detrimentum ullum
 importaturos, ac si per sociorum fines iter faceretis: escu-
 lenta tantum, et poculenta sumpturos, ubi è foro ea uobis
 curare non potueritis. Vbi uerò mercandi facultas fuerit,
 omnia uos empturos. Hæc utrinque iureiurando sancita
 sunt: dexterae datae uicissim. Autores fuere illinc Tysa-
 phernes, et regis uxoris frater, hinc Græcorum prætores
 et centuriones. His ita transactis, Tysaphernes ad regem in-
 quit excurro: illinc rebus omnibus, quæ ad iter pertinent,
 cõparatis, confestim adero, uosque in Græciam deducam,
 et ipse me in meam prouinciam recipiã. Post hæc Græci
 eo ipso in loco, et Ariæus coniunctis castris, XX. ipsos
 dies Tysaphernem expectantes commorati sunt. Interea
 uenerunt ex Persis ad Ariæum, cæterosque qui cum eo erant,
 cum ipsius fratres, tum cæteri necessarij, qui eos bono ani-
 mo esse iusserunt: fidem etiam à rege dederunt, quòd Cy-
 rum armis iuuissent, nulli ipsis fraudi futurum; ac præte-
 ritas omnes offensiones illum ijs condonaturum. Hæc Ari-
 æum eiusque milites ita cõmouisse uidebantur, ut iam Græ-
 corum societatem multò negligentius colerent. Quod cum
 uulgus Græcorum animaduertisset, non bellè secum agi pu-
 tarunt: quare cum Clearchum et cæteros duces conue-
 nissent: Quid, inquiunt, hic amplius cõmoramur? An ue-
 rò ignoramus regem nihil impensius, quàm nos perditos
 cupere? atque ob id maximè, ut reliquos Græcos hoc exem-
 plo perterrefaciat, ne in posterum contra ipsum arma ca-
 piant. Ac nunc quidẽ decedita opera hic nos detinet, quan-
 tisper

tisper scilicet eius copiae, quae nunc dissipatae sunt, in unum coeant. An dubitatis quin ubi coierint, sit in nos impetum factururus? Quid si forte nunc, aut fodiendum, aut muniendum aliquid curat, quo nos intercludat? Neque enim quantum in se fuerit, passurum consentaneum est, in Græciam renunciarî, nos cum tam pauci essemus, regem in ordinem redigisse, atque ab ipsius, ut aiunt, ianua, domum, eius potentiam illudentes, redigisse. Ad hæc Clearchus: Eadem mihi, inquit, suspicari in mentem uenire solet: sed illud iam cogito, si nunc discedimus, ne rebellasse contra foedus uideamur. Deinde uerò commeatus nobis dabit nemo, neque erit quod frumentatum eamus: ducem præterea itineris neminem habebimus. Ad hæc Ariæus, quasi nostro hoc facto commotus, à nobis planè deficiet. Atque ita non modò nullum nobis amicum reliquum fecerimus, sed qui antè amici, hi hostes fient. Fluius quidem nunquis traijciendus nobis sit alius, nescio. Euphraten certè, facile intelligere possumus, si obstant hostes, nullo pacto transmitti posse. Quod si pugnandum fuerit, ecquis nobis est equitatus? at is hostibus plurimus & lectissimus. Quo fiet, ut si uicerimus, illos tamen assequi nequeamus: sin uicti fuerimus, nostrum euadat nemo. Ego sanè regis consiliū miror, si, cum tam multis modis pro suis opibus ac facultatibus, nos facilius perdere possit, nobiscum foedus feriat, fidem det, deos peruius rio lædat, fideique suae autoritatē apud Græcos & barbaros comminuat. Multa in hanc sententiā cum egisset, Tyrsaphernes uenit, copiasque suas secum, uti domum rediturus, adduxit. Cum eo unā Orontes, cum suis itē copiis uenit: ac is secum regis filiam sibi matrimonio coniunctam habebat. Hinc duce Tyrsapherne, & eodem commeatus

uenum exponente, profecti sunt. Vnà etiam Ariæus cum ea barbarorum manu, quæ Cyri fuerat. Atq; hi quidem, & Orontes, communibus castris utebantur. Græci uerò cum barbaros suspectos haberent, seorsum iter faciebant, duces suos sequentes: quocunque locorum peruenissent, castra ponebant, interuallo haud multò minore inter se pass. IIII. M. Ac utrinque, æquè ac aduersus hostes custodiæ adhibebantur: quæ res suspicionem haud leuem in omnium animos immisit. Sæpe etiam qui aut lignatum, aut pabulatum, aut quid aliud quæsitum mittebantur, ab alterutris plagis mulctati redibant, ex quo implacabiles inimicitie existebant. Hinc uerò progressi, tertijs castris ad Medææ muros accesserunt: per cuius etiam interioris pomœrium iter fecere. Erant hi coctilibus laterculis & bitumine extructi, pedes XX. lati, C. alti, in spatium excurrentes uti ferebatur M. pass. LXXX. A Babylone uerò non longè hi aberant. Proximis binis castris M. passuum XXXII. confectis, alueos duos traiecerunt, quorum unus ponte, alter nauigijs septem iungebatur. Hi à Pigrete amne ducti fuerant, atque ab his fossæ per totum agrum diducebantur: quarum primæ quæq; maiores, minores mediæ, postremæ nihilo latiores ijs riuulis, quos Græci in panici segetem inducere solent. Hinc ad Pigretem amnem peruenire, à quo quindecim circiter stadia urbs abest Sitace nomine, magna illa & hominum multitudo abundans. Græci in proximo agro nō longè à pulcherrimis maximisq; ac omnifarijs arboribus cōsitis hortis, castrametati sunt: Barbari ipsi trans Pigretem, quaq; in parte conspici non poterant. Iam uerò cū à cœna fortè Proxenus & Xenophon pro castris ambularēt, accedens

nescio

nescio quis ab ijs qui pro statione erant, quæsiuit, Clearchum aut Proxenum, ubinam reperire possit: de Menone nullam mentionē fecit, cum tamē ab Ariæo is missus esset Menonis hospite. Vbi uerò Proxenus se illi indicauit: Me, inquit ille, Ariæus & Artabazus fideles olim Cyro, uobis beneuoli homines miserunt, ut monerem, caueatis ne noctu uos barbari adoriantur: in proximis enim hortis magnæ copię subsederunt. Ad hæc, uos ijdem iubent præsidio pontem Pigretis occupare: statuisse enim Tysaphernem illum dissoluere, si possit, quò retrocedendi adempta facultate, intra fluuiū & alueum intercludamini. Hæc illi cum audissent, ipsum nuncium ad Clearchū adducunt, ac ei rem omnem explicant: qua ille audita, uehemēter commotus ac perterritus est. Hic ex ijs qui tunc aderant, adulescens quidā, re attentius considerata, pugnantia esse dixit, adoriri simul, & pontem soluere: necesse enim, inquit, est si nos adorti fuerint, aut uincere, aut uinci. Quòd si uicerint, quid tunc est quod pontem soluant? cum neque si multi nobis pontes suppetant, fuga saluti consulere possimus. Sin eos nos uicerimus, certè soluto ponte quò effugiant nō habebunt. Adde quòd ex ulteriore parte, nemo ex tanta multitudine ponte amoto, his auxilio uenire poterit. Cum ad hæc attendisset Clearchus, de nuncio quæsiuit, quàm latè patēret ea regio, quæ Pigrete & alueo terminaretur. Cui cum respondisset ille, magnā utiq; esse, & in qua uici cōplures, multæq; essent, ac magnæ urbes, planè ab omnibus intellectum est, allegatum esse illum hominem à barbaris, illud metuentibus, ne Græci cum pontem transissent, insulam illam occuparēt, in qua se hinc aluei, illinc fluminis duplici quasi munimento tueri, & com-

meatus ex agro, qui in medio maximus & optimus patē-
 ret, copiam habere possent, cum præsertim qui eum cole-
 rent, de futuri nō essent: ex eo uerò loco regē multis posse
 incommodis affici. His rebus perspectis, Græci quieue-
 runt, pontem tantum misso præsidio tenuerunt. Verūm
 neq; eos quisquā ulla ex parte adortus est, neq; ullus om-
 nino ex hostibus ad pontē accessit, uti postea ex illis ipsis,
 qui in præsidio fuerant, cognitum est. Cum illuxisset, pon-
 tem nauigijs XXXVII. fultum, omni adhibita cautione
 transierunt: etenim renunciatum fuerat, in ipso transitu
 Tysaphernem impetum facturum: quod falsum omnino
 compertum est. Conspexerūt quidem transeuntes Glun,
 & Allonem: speculatū hi uenerant, nunquid Græci tran-
 sirent, ac re cognita pedē retulerūt. A Pigrete uerò quar-
 tis castris M. paß. I. XXX. confectis, ad Physcum amnē
 peruenere. Huius latitudo paß. erat XX. Ponte is iunge-
 batur. Nec longè aberat ampla ciuitas, Opis nomine: pro-
 pe quam Græcis obuius factus est Cyri & Artaxerxis no-
 thus frater, qui secū à Susis & Ecbatanis, magna regi au-
 xilia adducebat. Is cum exercitu substitit, & prætereuntes
 Græcos spectauit. Agmen in binos Clearchus ducebat, ac
 modò hac, modò illa in parte imperabat: & quantisper
 quidem frons agminis intersisteret, agmen totum intendi
 necesse erat. Quod sanè efficiebat, ut & ipsis Græcis mul-
 tò maximus militū numerus uideretur, & Perses intuens
 uehementer extimesceret. Hinc per Mediæ solitudines,
 senis castris M. paß. CXX. profecti, in Parysatidis, Cyri,
 & Artaxerxis matris uicos uenerunt: eos Græcis, Cyro
 iam mortuo illudens, populabundos Tysaphernes præ-
 buit, captiuum tamen neminem abduxerunt. Erat in his
 uicis

uicis, frumēti, pecoris, aliarumq; rerum luculenta copia. Hinc profecti per solitudines castra quina habuerunt intra M. pass. LXXX. ad læuam Pigretem habentes. Ad prima castra trans flumen, urbs incolebatur frequens & opulēta, Cœnæ: ex qua barbari coriaceis ratibus panem, caseum, uinum in castra conuehebant. Hinc ad Zabatum amnē uenere, cuius latitudo pass. patebat LXXX. atq; hic dies tris commorati sunt: in quibus ut nullæ se ostenderint insidiæ, suspiciones utrinq; nō defuerunt. Quas cum tollere uellet Clearchus, antequam ex ijs bellum aliquod conflaretur, sibi cum Tysapherne congregiendum putauit: quare per nuncium eum monuit, sibi magnopere ex usu esse cum eo congregi: ille non grauatē sui adeundi potestatem fecit. Vbi conuenerunt, Clearchus ita loquutus est: Noui equidē Tysapherne, fœdus inter nos ictum, datasq; dexteras, neutram partem alteram læsuram. Quod cum ita sit, quid est obsecro, quod uobis æquē à nobis, atque ab hostibus cauetis? Id enim uero cum nos animaduertamus, uestrum exemplum sequimur. Sedenim cum diligentiùs attendo, neq; uestrum quenquam esse comperio, qui nobis periculum ullum intentet: neq; quod ego planē affirmare possum, quisquā de nostris est, qui in uos quicquam hostile cogitet: eam ob rem te mihi conueniendum putaui, ut has, si fieri posset, utrinq; suspiciones exemptas ex animis curaremus. Noui enim ex huiusmodi plerunq; suspicionibus & criminationibus effici solere, ut dum homines ne patiantur quid grauius metuunt, longē atrocissimas iniurias ijs plerunque facere occupent, qui nihil ipsi unquam tale quicquam commissuri fuerant. Veni igitur ad te, quod nulla re magis quàm familiari congressu, hu-

iusmodi errores tolli posse existimaui: ac tibi quidem facile, opinor, ostendam, nihil esse quamobrem fidem nobis non habeas. Primum enim omnium ipsa nos omnino iurifurandi religio continere debet, ne nobis uicissim infensi sinus: atque cum quidem, qui se uiolatæ religionis conscientia obligarit, neutiquam ego inter beatos numerarim. Deorum enim immortalium bellum, neque qua quis celeritate, nec in quas effugiat latebras uideo: nec postremo in quod se propugnaculum recipiat, quò neglecti numinis ira non peruadat, cum sint omnia dis obnoxia, neque sit quicquam uspiam quod in deorum potestate non sit. Ac de dis, fide, ac iurciurando, quo nobis fœdus sancitum est, ita statuo. Quod uerò ad homines attinet, te ego nobis in præsentia salutis auctore puto. Per te enim omnis nobis est aditu facilis uia: per te facile quemuis amnem transijcimus: per te nobis commeatuum copia in promptu est. Sine te omnis nobis, quasi in tenebris ignota est uia, quòd scilicet omnium locorū prorsus ignari sumus: sine te nullus est, quem transmittere possimus, amnis: sine te formidolosa quæuis turba, multò formidolosior solitudo, cū nulla nobis itineris satis expedita ratio iniri possit. Quòd si te furore atque amentia impulsī occidamus, quid aliud obsecro, nisi homine bene de nobis merito interempto, maximi regis ad ultionem iurè incitati, sit nobis bellum sustinendum? Iam uerò quas mihi ipsi spes irritas redditurus sim, tibi si quam iniuriam facere conatus fuero, nunc explicabo. Ego Cyri antè amicitiam expetiui, quòd unū omnium suæ ætatis, ad bene merendum de quibus uellet, maximè idoneum existimaui. Nunc ad pristinam potentiam tuam, illius opes atque imperium adiectum esse uideo: ac

regis

regis copias quæ Cyro infensæ erant, firmo tibi præsidio fore. Hæc cum ita sint, quis tantopere insaniat, quin te sibi amicum expetat? Verum & qua adducar spe, te mihi amicum fore, aperire non dubitabo. Satis constat Mysos infestus uobis esse, quos hisce quæ me sequuntur copijs, nihil diffido uestræ me potestati subiecturum. Quin et Pisidas, & alias gentes, quæ (ut audio) uestræ felicitati negotium facessunt, facile à uobis existimo, suppetias nobis ferentibus, coërceri posse. Quid? Aegyptios quibus nunc maxime uos iratos scio, quibusnā alijs auxilijs freti facilius ulciscemini? Prætereo quod & finitimis benemerentibus prodesse, & in eos qui te laceſierint, pro iure tuo, nobis adiuuantibus, tãto facilius animaduertere poteris. Ac nos qui dem non hercule magis stipendij causa tuis tēporibus inferuiemus, quàm quod pro tuis in nos meritis, gratiã tibi (uti æquũ est) libentissimè referemus. Mihi profectò hæc attentius consideranti, permirum uideri solet, te nobis fidem nō habere: atq; illum mediusfidius, quisnam sit libenter uelim cognoscere, qui tantũ in dicēdo ualere possit, ut cuiquã persuadeat nos tibi insidias cōparare. Hæc Clearchus. Ad quæ sic respōdit Tysaphernes: Enimuero Clearche plurimũ delectatus sum prudēti oratiōe tua, ac facile adducor te, si quid in me moliaris, tibijsi male consulturũ. Sed quò ipse etiã intelligas, nō iure uos, aut à rege, aut à me posse deficere, me uiciſsim audi. Si uos perdere uoluissēmus, defuisset ne, obsecro te, nobis aut equitũ multitudo, aut leuis grauis ue armaturæ peditũ copiæ, quibus uos minimo negotio, ac sine ullo nostro periculo affligeremus? At enim iniquiora fortasse nobis loca esse uideãtur, unde uos adoriāmur. Atqui longum uobis iter cum per

campos nobis pacatos, tum per difficilimos montes faciendū est: quos cum arbitrato nostro occupare possimus, an nō facile uos intercludamus? Quot uerò flumina sunt, ad quæ uestram traiectionem obseruantes, cum qua nobis expediat copiarum uestrarum parte, pugnare possimus? Adde quòd sunt ex illis non pauca, quæ nisi uobis duces simus, traicere nullo pacto possitis. Sed fac his rebus omnibus inferiores simus, ignis certè, frumento ac pabulo superior est, quo cum omnia exusserimus, famē uobis, quasi in acie opponemus, cui uos ne si longè quidē omnibus fortitudine præstetis, repugnare possitis. Est uerò consentaneum, cum tam multis uos modis, ac sine periculo nostro oppugnare atq; euertere possimus, unum illum deligere maluisse, qui & deorum maiestatem læderet, & apud homines summa turpitudinis infamia carere non posset? Est omnino non improborum modò, sed eorum etiam qui & aduersis rebus premantur, & maximis difficultatibus, ac necessitate summa circumuenti sint, id cōmittere, in quo & iusiurandum deorum immortalium, & hominū fidem uiolēt. Nō adeò uecordes aut stulti sumus Clearche: quid enim opus est, cū tam multis uos modis opprimere possimus? Non propterea huc uenimus. Vnum, mihi credito, bene merendi studium me ad hanc cum Græcis societate adduxit: abundè uerò præclarum mihi fore putauī, si quo exercitu mercede sibi conciliato, Cyrus in superiorem Asiam ascendisset, cum eodem ego meo beneficio fretus, in inferiorem descenderem. Cui uerò mihi usui esse possitis, & ipse paulò ante exposuisti: & ego, quod caput est, per me noui, uni scilicet regi rectam tiaram capite gestare licere, alijs corde fortasse facile liciturū, uobis in officio per-

cio per-

cio permanentibus. Hæc ille. Quæ cum Clearchus approbasset, Nónne igitur, inquit, qui inter nos tam firma iunctos amicitia, dissidium quærunt, dignissimi sunt qui grauißima quaq; pœna afficiantur? Tum Tysaphernes: Si uelstri, inquit, prætores ac centuriones cuncti in cõspectum uenerint, indicabo tibi eos qui ad me detulerunt, te mihi copijsq; meis insidias facere. Ego planè, respondit Clearchus, omnes ad te adducam, & simul tibi aperiam qui de te minus commodè apud me loquuti sunt. Ab his sermonibus Tysaphernes Clearchum amplexus, manere tũc eum apud se iubet, ac coenæ etiam adhibuit. Postero uerò die cum in castra Clearchus redisset, facilè erat cognoscere, omnia eum sibi de Tysaphernis amicitia polliceri. Hic ubi suum cum Tysapherne colloquiũ exposuit, opus esse ait, uenire ad Tysaphernem quos ille iusserit: quiq; conuicti fuerint, quòd Græcos insimularint, eos proditiõis ac maleuoli in Græcos animi pœnas dare. Suspiciabatur is quidẽ eius insimulatiõis autorem fuisse Menonem: meminerat enim illum unà cum Ariæo ad Tysaphernem se cõtulisse: meminerat ab illo in se tumultũ olim cõcitatum. Iam uerò sciebat sibi ab illo insidias comparari: cupiebat enim ille à Clearchi studijs exercitu uniuerso abducto, ad Tysaphernis se amicitiam conferre. Sed & Clearchus summa ope milites in officio retinere nitebatur, ac propterea omnes qui sibi aduersarentur, de medio tollere cupiebat. Sed tũc non defuerunt ex militibus qui dicerent, nihil opus esse centuriones et prætores omnes ab exercitu discedere, neque esse omnino fidem Tysapherni habendam. At Clearchus pertinacißimè contendit, quousq; obtinuit ut prætores IIII. centuriones XX. se ad Tysaphernẽ redeun-

Callido Tysa
phernis astu
Græcorū du-
ces oppressi.

tem sequerentur: quos milites circiter CC. non secus ac si in forum iretur, consequuti sunt. Vbi uerò ad Tysaphernis prætorium uentum est, prætores ipsi intromissi sunt, Proxenus Bæotius, Menon Thessalus, Hagias Arcas, Clearchus Lacon, & Socrates Achæus: centuriones ad fores remanserunt. Neq; ita multò post ad idem signum, & qui intus erant, comprehensi sunt, & qui foris, ad unū cæsi. Tum barbari equites per campos discurrentes, in quemcunq; de Græcis incidissent, sine discrimine, seruus ne, an liber esset, passim omnes trucidabāt. Græci ex castris eorum discursationem prospicientes, quid rei esset mirabantur, prorsus quid ageretur, incerti, antequam Nicarchus Arcas accepto in uentre uulnere, ex quo intestina manibus sustinebat, fuga se in castra recipiens, rem omnē aperuit. Ibi Græci inopinata re perculsi, statim ad arma concurrerunt: neq; cuiquam dubium erat, quin illi eodem impetu ad castra uenturi essent. Non uenerunt tamen uniuersi, sed Ariæus tantum, Artaozus & Mithridates, quibus maximam Cyrus fidem habuerat. Græcorum uerò interpres se uidere inter eos Tysaphernis fratrem, quē probè cognosceret, affirmauit. Sequuti sunt hos ex Persis loricati plus minus CCC. Vbi propius accessere, procedere iusserunt ex prætoribus aut centurionibus aliquem, ut ei quæ à rege mandata haberent, exponerent. Processerunt igitur è Græcis, qui in præsidijs erant, prætores quidem, Cleanor Orchomenius, & Sophænetus Stymphalius, & cum his Xenophon Atheniensis, ut aliquid de Proxeno sciscitaretur. Nam Chirisophus tunc fortè aberat: erat enim in uicum quendam frumentandi causa cum cohorte sua profectus. Hi posteaquam eo loco constiterunt, unde

quæ

quæ illi dicerent exaudire possent, his eos uerbis Ariæus alloquutus est: Clearnus, Græci, cum se manifesto periurio obligaret, scelus morte luit: Proxeno & Menoni, quòd rem detulerunt, gratia & honos maximus habetur. A uobis rex arma sibi dedi postulat, quòd sua sint, quæ antè Cyri serui sui fuerunt. Ad hæc pro Græcis omnibus Cleanor Orchomenius ita respondit: O hominum sceleratissime Ariæe, & item alij qui Cyri olim amicitiam sequuti estis, an non pudet uos, & hominum, & deorum? Siccine cum iureiurando uos obstrinxeritis, eosdè uobis qui nobis essent, & amicos, & hostes futuros, iam cum Tysapherne, uno omnium maximè impio ac nefario homine, nos prodidistis? eosq; homines, qui propter iurisiurandi ac fœderis religionē, uobis sacrosancti esse debuerant, sustulistis? iam uerò & nos eadem prodicione circūuentos, cum hostibus oppressum uenitis? Tum Ariæus: Atqui Clearnus, inquit, prior manifestis insidijs Tysaphernem & Orontem, nosq; qui cum ipsis eramus, opprimere conatus est. Hic Xenophon: Si Clearnus, inquit, præter fœdus aliquid molitus est, iam pœnas dedit: nihil enim æquius q̃ periuros merita affici pœna. At Proxenū & Menonem, si quidē hi de uobis bene meriti sunt, & ijdem nobis præsumunt, ad nos huc quamprimum remittite: hi enim proculdubio cum utrisq; amici sint, uestris æquè ac nostris rebus optimè consulent. Ad hæc barbari, cum diu inter se capita contulissent, postremò nullo dato responso, abierunt. Prætores quidem ipsi, uti antè dictum est, comprehensi, regis iussu ad quem deducti sunt, securi percussi diem extremū clauserunt. Ex ijs Clearnus, uir consensu omnium eorū qui illum familiarius nossent, ad militaria munia na-

Clearchi fortissimi Græcorū ducis uita & interitus.

tus, ac idem belli gerēdi, suprà quàm dici possit, cupidus. Is enim quandiu bellum Lacedæmonijs cum Atheniensibus fuit, operam patriæ nauauit: pace facta, ciuibus suis persuasit bellū contra Thracas, eo nomine quòd illi Græcis infesti essent, suscipiendum: cumq; ut bellum id sibi decerneretur, ab Ephoris impetrasset, classe Thracibus ijs, qui supra Chersonesum & Perinthum habitant, bellū intulit. Postea uerò quàm Ephori mutata sentētia, iam profectum ab Isthmo reuocare conati sunt, ille quidem non paruit, sed ad Hellepontum nauibus contendit: eam ob rem à magistratibus Spartanis, quòd parēre noluiisset, capitis arceſſitus est. Ac tūc exul ad Cyrum profectus, quibus eum rationibus sibi conciliaſſet, alio loco scripsimus: à quo Daricis uicies mille acceptis, nequaquam se ocio aut desidie dedit, sed comparato ea pecunia exercitu, Thracēs bello coepit urgere: quos cum prælio uiciſſet, latiſſimè agros eorū populatus est: ac in eo sanè bello uersatus, usquequo Cyrus cum delectum haberet, eum ad se euocauit, tunc illi belli socius futurus in Asiam traiecit. Atque hæc propensi ad bellum animi documenta fuerunt, quòd cum honestæ ac securæ paci consulere posset, bellum optaret: cum uerò ocium amplecti liceret, bellandi causa labores suscipere mallet. Cum deniq; magnam pecuniā posset impune possidere, præstabilius duceret eam bellicis impensis cōminuere. Itaq; ut in amores alij, ac alia uoluptatum genera, sic in bellicos apparatus hic libētissimè pecuniam erogabat. Hæc, inquam, omnium facile eius in re bellica studium declararūt. Quòd autem bellicarū laudum unus maxime compos esset, ex eo intelligi poterat, quòd pericula omnia intrepidè adibat, modò interdiu, modò nocte in hostem

in hostem mouens. Idem in grauibus ac difficilibus rebus, prudentiæ muneribusungebatur, atq; id ubiuis locorum omnes confessi sunt. Ad hæc imperandi artes egregiè tenere uidebatur, pro suo tamen ingenio ac moribus. Vt enim diligentius nemo operam dabat, ut commeatus ac reliqua commoda militibus suppeterent: sic metuendum se potius, quàm diligendum præbebat, quippe qui & uultu acerbiteretam quandam præ se ferret, & uoce esset asperior, ac in puniendo ea uteretur seueritate, ut ab ira nonnunquam, cuius eum rei aliquādo pœnitebat, se uinci sineret. Neq; tamen non certam rationem sequebatur, cum dissoluto exercitu nequius nihil esse putaret. Quin dicere solitum aiūt, imperatorem hoste ipso formidolosiores militibus esse oportere: neq; enim aliter aut uigilias obiturum, aut amicis temperanter usurum, aut absq; tergiuersatione in hostem iturum. Quare periculosis in rebus eum libentissimè omnes auscultabāt, unum sibi illum imperatorem exoptabant, ac eius oris tristitiam, hilaritatem, in imperando acerbiteretam, robur in hostes interpretabantur, sibiq; eam salutarē potius quàm molestam ducebant. At ubi pericula euaserant, poterantq; impunè ad alios duces transire, multi eum deserebant, quippe qui morum suauitatē, quæ longissimè ab eo aberat, sectarētur, duritiam & difficultatem refugerent: neq; enim aliter illum milites, quàm magistros pueri metuebant. Quocirca nunquam illū aut studijs, aut beneuolentia deuincti milites sequebantur: eos tantum dictū audientes habebat, qui aut ex ciuitatis delectu ei attributi essent, aut qui cum eius opera indigerent, ipsa necessitate adducti, in officio permanerēt. Postea uero quàm eius ductu hostem uincere cœpere, quotidie uti-

lioribus militibus usus est. Nam & ipsa consuetudo in hostem audaces effecerat, & pœnæ metus urgebat, ut ordinis conseruandi antiquissimam rationem haberent. Talis ille imperator fuit. Alijs autē imperantibus unus omnium minimè libenter parère dicebatur. Excessit è uita annum

Proxenus.

agens plus minus quinquagesimum. Proxenus autē Bœotius statim à puero cum indole esset optima, rerum gerendarū studio conflagrauit: ad quas ut se quamoptimè compararet, Gorgiæ Leontino operam dedit, cuius consuetudine cum tantum se profecisse intelligeret, ut & rectè imperare, & principum amicitias ita colere posset, ut ab ijs beneficijs non uinceretur, Cyro se susceptæ expeditionis sociū adiunxit, cum ex ea magnū nomen magnasq; opes, & ingentem pecuniam adipisci posse speraret. Quæ tamē ita cupiebat, ut satis omnibus cōstaret, nihil tanti esse, quod ille per iniuriam sibi partum uellet, cum hæc ita deum expetenda duceret, si cum iustitia & honestate coniuncta essent. Ac ille quidem optimo cuiq; commodissimè imperabat. Non erat is tamē, qui militē pudore, aut metu contineret, quin suos magis uerebatur, quàm ipsi illum. Neque dubium erat, quin multò magis metueret suorum inuidiam, quàm hi ne sibi ille fidē non haberet. Satis enim imperandi munus & esse, & uideri perfectum putabat, si bene merentes collaudasset, improbis nullas laudes impertiretur. Quibus ille rationibus effecerat, ut probissimus atq; honestissimus quisq; esset in eum animo propensissimo. Qui ad iniuriam essent procliuiiores, sæpe illi insidias facerent, cum præsertim sibi leuissimè caueret. Agebat cum de medio sublatus est, annū ferè XXX. At Me-

Menon.

non Thessalus magnam & diuitiarum, & imperij cupiditatem

ditatē semper prae se tulerat. Is enim imperare cupiebat, ut unde caperet, haberet, & honores lucri causa expetebat. Potentiorum uerò amicitias magni aestimabat, ut si iniuria quenquam affecisset, poenas dare non cogeretur: & ad ea quae semel concupisset, se compendiaria admodum uia peruenturum putabat, si peierasset, si mentitus esset, si se felliisset. Animi simplicitatem ac lenitatem, quasi lentitudinem quandam & ignauiam esse existimabat. Neminem ex animo diligebat, neque se cuiquam amicum unquam simulauit, quin insidias ei fecerit. Ex hostibus neminem unquam ludibrio habuit: ac contra quibus cum consuetudinem habebat, cum ijs de rebus omnibus deridens atque illudens agebat. Hostium bonis non insidiabatur: quod difficile esse putabat, quae diligenter seruarentur eripere. Amicorum res ita appetebat, ut solus nosse uideretur, facilius quae non custodiantur, adimi posse. Ad haec, quos periuros, quos iniuriosos esse intelligeret, eos tantum, quasi bene aduersus se armatos metuebat: bonorum pietate ac fide pro libidine sua abutebatur. Neque sua quisquam religione, ueri & aequi obseruantia tantopere delectabatur, quantam Me non uoluptatem capiebat, dum aut aliquem fraudaret, aut mendacia fingeret, aut amicos derideret. Homines minime facinorosos, rudes existimabat et indoctos. Apud quos principem in amicitia locum obtinere contenderet, nihil suis rationibus magis conducere putabat, quam si gratiosissimos quosque criminando suspectos reddidisset. Iam milites scelerum societate in officio retinere studebat: atque ut hi se colerent, ac honore dignum putarent, facilius se consequi posse arbitrabatur, si ostendisset posse se & uelle quamplurimum nocere. Ac ijs quidem qui à se defece-

rant, tanquam eximium beneficiū exprobrabat, quòd illos quandiu apud se fuissent, non perdidisset. Verum hæc propterea quòd obscuriora sunt, ficta uideri possunt: quæ autē notissima omnibus, iam dicentur. Ab Aristippo, cum nondum excessisset ex ephebis, mercenariorum præfecturam impetrauit. Idem cum Ariæo barbaro homine, quòd is formosorum puerorum cōsuetudine magnoperè delectaretur, specie corporis, ac ætatis flore commendatus, familiarissimè uixit. Ipse nondū puer, iam puberem Tarypan in delicijs habuit. Interemptis uerò ijs, quos antè dixi, prætoribus, eo nomine quòd Cyrum cōtra regem iuuissent, cum eiusdem criminis esset damnatus, nō statim tamen, neq; eodem mortis genere sublatus est. Non enim ei, ut cæteris, est caput à ceruicibus abscissum (quod supplicij genus honestissimum habetur) sed, quod eius scelere dignum fuit, regis iussu, multis corporis cruciatibus laceratus, uix anno exacto exanimatus est. Hagias quoq; Arcas, & Socrates Achæus occisi sunt. In his nemo unquam, neq; bellicam uirtutē, neq; amicitie fidem requisuit. Vixerunt uterq; annos fermè XL.

XENOPHONTIS DE CYRIMINORIS EXPEDITIONE LIBER TERTIUS, Romulo Amasæo interprete.



V AE gesserint Græci toto eo itinere, quod cum Cyro in ulteriorem Asiam fecerunt usq; ad prælium: quæq; post Cyri interitum acta sint, dum Græci cum Tysapherne icto fœdere retrocederent, superior

superioribus libris exposita sunt. Postea uerò quàm & prætores ipsi oppressi, & qui eos sequuti fuerant centuriones ac milites cæsi sunt, magna ex rerum difficultate Græcis trepidatio incessit, quippe qui se etiamnum ad regis fores esse, ac circumquaq; hostilibus se nationibus atq; urbibus incinctos cogitarent. Neminẽ uerò iam fore, qui sibi annonam præberet, cum à Græcia amplius stadium decem millia (id erat ferè terdecies centena, & XX. M. pass.) abessent: neq; dux uiaë quisquam præstò esset: at flumina in medio plurima, altiora multò quàm ut uado transiri possent. Videbant præterea se ab ijs proditos barbaris, qui Cyro eius expeditionis socij fuerāt. Ad hæc, equitum ne unum quidem habebant: ex quo futurum erat, ut neq; uictores fugientes assequi, neq; uicti insequentes effugere possent. Hæc dum animo agitarent, magna cura & mœrore afficiebantur. Ac pauci omnino cum iam aduersperasceret, cibum ceperant, pauci ignem accenderant, neq; multi ea nocte ad suos ordines cum armis conuenerunt, sed eo quẽ quisq; fortuito occuparat loco, quiescentes, præ mœrore, ac patriæ, parentum, uxorū, liberū, quos nunquam se amplius uisuros putabāt, desiderio, insomnem noctem egerunt. Atq; hic tunc fuit Græcorū militum status. Erat in eo exercitu Xenophon quidam Atheniensis, qui non modò neque prætor, neque centurio erat, aut alium ullum ordinẽ ducebat, sed neq; ulla stipendia faciebat: quippe qui priuata tantum amicitia ductus, pro ueteris hospicij iure, Proxenum sequutus esset, ab eo è patria euocatus, quòd scilicet hunc ille Cyro commendandū susceperat, quem se meritò pluris quàm ipsam patriam facere dictitabat. Quare Xenophon cum ea de re à

Proxeno epistolā accepisset, ubi eam legit, de profectio-
 ne sua ad Socratem Atheniensem retulit. At is cum uere-
 retur, ne esset illi alicui fraudi apud ciues suos, Cyri ami-
 citiam expetisse, propterea quòd Cyrus Lacedæmonios,
 bellum cum Atheniensibus gerentes alacriter iuuerat, ius-
 bet illū Delphos proficisci, ibiq; de ea profectio-
 ne Apollinem consulere. At Xenophon ab Apolline quæsiuit,
 cuinam deo uotis nuncupatis, & sacris peractis, quod ha-
 beret iter ex animi sententia conficere, req; inde feliciter
 gesta, saluus domum redire posset. Tunc deos quibus res
 diuina facienda esset, deus ædedit. Cum uerò ad Socra-
 tem reuersus Xenophon, oraculum retulisset, ab eo repre-
 hensus est, quòd non antè quæsisset, utrum satius esset
 proficisci, an manere: ea enim de re deum consuli oportu-
 iusse: non autem itinere iam suscepto, quomodo id opti-
 mè euenturum esset. Sed quando, inquit ille, ita ut libuit
 quæsisisti, iam quæ deus iussit fieri oportet. Tum Xeno-
 phon sacris, quibus dis oraculo iussus fuerat, ritè patra-
 tis, nauem conscendit: ac Sardeis cum appulisset, ibi Pro-
 xenum & Cyrum conuenit, iter iam in ulteriorem Asiam
 capeffentes. Cyro quidem est Xenophon à Proxeno com-
 mendatus. Cumq; eum manere secum Proxenus cuperet,
 est etiam à Cyro liberaliter inuitatus, qui se illum promi-
 sit quamprimum expeditio ea confecta esset, in patriam
 remissurum. Et tunc sanè copiae illæ in Pisidas comparari
 dicebantur: quare ea simulatione inductus Xenophon,
 castra sequutus est: non ille quidem à Proxeno deceptus,
 cum nemo ex Græcis omnino, præter unum Clearchum,
 bellum id contra regem suscipi sensisset. Neq; enim prius
 res omnibus perspicua fuit, quàm in Ciliciam uentum est:

ac tunc

ac tunc quidem milites partim metu, propter uiae difficultatem, partim uerò mutuo pudore impediti, in fide permanserūt. In hoc numero Xenophon fuit. Hoc uerò tempore cum iisdem & ipse esset, quibus cæteri, difficultatibus circumuinctus, uehementer angebatur, neque somnum capere poterat. Leuissimè tamen dormitanti, huiusmodi somnium oblatum est. Paternam domum uisus est uidere cum tonitru de cælo tactam, omni ex parte subito lumine coruscare: qua specie perculsus, cum somno solutus esset, eodem somnio & leta sibi, & aduersa significata esse interpretatus est. Nam quòd in medijs laboribus ac periculis lumen sibi à Ioue magnum affulsisse uisum esset, ad salutis spem pertinere uidebatur. Terrorem uerò afferebat, quòd cum à Ioue rege id somnium extitisset, ac circumquaque omnia uisa essent flammis ardere, ne non posset ex loci iniquitate euadere, ac rerum omnium difficultatibus intercluderetur, metuebat. Sed uti fuerit somnium illud accipiendum, ex rerum, quæ consecutæ sunt, euentis, facile iudicari potest: hæc enim postea acciderunt. Vbi primùm à somno excitatus est, coepit secum ita cogitare: Quid hic ego iaceo? nox quidem exacta magna ex parte est. Quid tam credi potest, quàm hostes cum prima luce adfuturos? Quòd si in regis potestatem redigimur, quid impedit, quin quæ indignissima homini contingere possint, uideamus? ac deinde grauissima quæque passi, & ab hostibus contumeliosissimè tractati, mortem oppetamus? Quì uerò resistamus, neq; opem comparat, neque curat quisquam: sed iacemus omnes, proinde quasi ociosis esse liceat. Ac ego quidem ipse, ex qua potissimum ciuitate, tam præclari facinoris dux aliquis exoritur

expectem? Aut quam tandem ætatē idoneam mihi ad res magnas gerendas fore putem? Senex equidem nunquam fiam, si me hostibus hodie tradidero. His impulsus cogitationibus surgit, ac statim Proxeni centuriones conuocat. Qui cum unum in locum conuenissent: Ego, inquit, centuriones, non modò non dormire, quod mihi uobiscū commune esse arbitror, sed ne quiescere quidem possum, dum quo loco res nostræ sint, considero. Hostes nō antè apertè nobis arma intulerunt, quàm sibi ex sententia parata omnia, & constituta esse putarunt: Nostrū uerò nemo est qui rationem ineat, quonam modo cum illis quamæquisima conditione certemus. Atqui si fracti animo, atq; abiecti, in regis potestatem uenerimus, quàm nobis æquum illud futurum putamus, qui germani fratris mortui abscissum caput, & dexterā palo suffixerit? Iam quid nos pati par sit, quorum nemo causam suscipit, quiq; ui & armis regem seruū facturi, ac cum fortunis omnibus, uita etiam ipsa euersuri uenerimus? An non eo contra nos animo illud uenturū putatis, ut cum indignissimis nos modis cruciarit, exemplum cæteris ædat, quid eos expectare oporteat, qui contra ipsum arma capiant? At nobis quiduis faciendum, ne in illius potestatem ueniamus. Equidē quantisper fœdus nobis cum barbaris integrum & inuiolatum fuit, cum rege benè ac præclarè agi putabā, cum tam multas eum regiones, tam immensam commeatuum copiam, tam ingentem seruorum multitudinem, tot pecorum greges, tantam auri, uestisq; uim, in potestate sua habere uiderem. Contrà uerò nostram hanc conditionem magno perè miserabar, quòd ex tam multis bonis, nihil cuiquam nisi quod precio mercatus esset, possidere liccret, cum &

ipsum

ipsum precium quam paucissimis suppeditaret: alio uerò quouis modo, quæ opus essent nobis quærere, fœderis religione prohiberemur. Quæ cum in mentem uenirent, fœderis ipsius cōditiones, omni bello nobis multò grauiores esse statuebam. Nunc uerò cum fœdus illi irritū fecerint, non mehercule cum illorum insolentia solutissima sit, quominus nos rationibus nostris, ut ex usu cōmodoq; nostro sit, consulamus, ulla uerecundia, aut religione astricti esse debemus. Iam in medio, quæ paulò ante cōmemorauī bona, quasi quædā præmia posita sunt: ea sibi utri nostrū uirtute præstiterint, uindicabunt. Certaminis autores & præsides di, qui, uti consentaneum est, à nobis erunt, cum illi fidem eorum se fellerint: nos ne quid contra iusiurandum faceremus, maximis plurimisq; commodis, quorum compotes esse poteramus, constantissimè abstinuerimus. Quare, ut mea fert opinio, in hoc certamen nobis multò quàm illis fidentius licet descendere. Sunt præterea nobis & frigoris, & æstus, & laborum omnium corpora multò tolerantiora: & animi etiā robore (di modo propitij sint) illos anteibimus. Neq; illi cæde ac uulneribus non facilius quàm nos cōfici possunt: quod & antè experti sumus, & in posterum experiemur, si deorū ope, uti paulò ante, uictoriam adepti fuerimus. Verū hæc eadem in exercitu nostro, fortasse & alijs in mentem uenient. Sed per deos, ne expectemus usquequo alij ultrò ueniant, et ad pulcherrimi facinoris laudē nos excitent: quin ipsi alijs duces & impulsores simus ad uirtutis gloriā capeffendā. Vos nūc, uos inquam centuriones, uiri fortissimi, omnium dignissimos, ijs quos geritis honoribus, et ad imperandū maximè idoneos ostendite. Ego medius fidius, neq; uos alacriter ad

hoc opus aggredientes, nō libentiſſimè ſequar: neq; ſi mihi hoc imperandi munus detuleritis, ætatis excuſatione utar: quippe qui adoleſcentiæ ipſius uigorem, magno ad propulſanda quæ imminent mala, mihi auxilio fore putem. Hæc ille. Quibus centuriones commoti, ſub eius imperio eſſe nihil recuſabant. Ex his tamē Apollonides quidam, Bæoticam ille quidem linguam præ ſe ferens, nugari eos dicere cœpit, qui ſalutē aliunde, quàm ex regis miſericordia, ſe cōſequi poſſe putarent. Ac difficultates omnes rei gerendæ cōmemorare aggreſſus fuerat, cum Xenophon eum interpellans: Vir præclariſſimè, inquit, ſolus mihi omnia ignorare uideris: ac cū rebus omnibus non minus quàm hi, & ipſe interfueris, perinde quaſi neque uideris, neque audieris quicquam, prorſus non memiſſe, regem poſt Cyri cædem rei euentu elatum, primū ad nos miſiſſe, qui eius nomine iuberent arma tradere. De inde cum id nos facturos negaſſemus, ac cum iſdem armis propius ad eius tabernacula caſtra locaſſemus, eundem nihil, quod uelle uideremur, non feciſſe. An non & legatos de pace miſit, & commeatum nobis copiam fecit? Vbi uerò ad compoſitionem adducti ſumus, ac ad eum prætores & cēturiones armis poſitis uenerūt, quod nunc etiam faciendum cenſere uideris, non illi (credo) plagis, uulneribus, contumelijs affecti, mori etiam (quod unum ut in ſummis miſerijs maxime expetunt) prohibentur. Quæ cum eueniſſe ſcias, nihilo tamen minus nugari eos audes dicere, qui armis reſiſtendum putant: ac illum, ut ſaluos nos eſſe patiat, rogandum cenſes. Ego Græci, hominem hunc è noſtro conſilio eiiciendum puto, atque ordine amotum, ad uafa portanda amandandum. Quantum enim

enim in ipso est, & patriam suam, & Græciam uniuer-
sam dedecorat, cum Græcus homo tam sit à Græcis dege-
ner. Ad hæc Agasias Stymphalius: At huic quidem, in-
quit, neque cum Bæotijs, neq; cum Græcis omnino quic-
quam est: etenim eius ego utranque aurem Lydorum mo-
re perforatam uidi: atq; ita sanè esse compertum est. Eum
igitur cum euestigio exterminassent, cæteri per cohortes
certos dimiserunt, qui uel prætores ipsos, quibus supersti-
tes adhuc essent, & centuriones: uel quibus perissent, eos
qui pro prætoribus, proq; centurionibus essent, conuoca-
rent. Qui cum in unum conuenissent, ante suos quisque
ordines confederunt, ac fuerunt prætores & centurio-
nes in ea concione circiter C. Et erat cum hæc agerentur,
media fermè nox. Eo in conuentu Hieronymus Eleus, om-
nium Proxeni centurionum natu maximus, primus ita lo-
quutus est: Nobis quidem rerum nostrarum statum con-
siderantibus, prætores ac centuriones, optimum factu ui-
sum est, si & ipsi conueniremus, & uos conuocaremus,
quò, si qua posset rei bene gerendæ ratio iniri, communi-
ter consiliū caperemus. Dic, inquit, iam Xenophon, quæ
nobiscum paulò antè egisti. Hic ille: Est, inquit, omnibus
notum, regem ac Tysaphernem, & antè, quos de nostris
potuerint, comprehendisse, & nunc operam dare ut nos
per insidias de medio tollant. Nobis uerò quiduis facien-
dum censeo, ne in barbarorū potestatem ueniamus, ac ut
illos nos potius (si fieri possit) opprimamus. Illud quidem
uos scire oportet, nos ipsos quotcūq; sumus, qui huc cōue-
nimus, præclarā uirtutis declarandæ occasionē habere: mi-
lites enim hi nos omnes intuentur: quos si fractos ac debi-
litos uiderint, & ipsi ad ignauiam propensi ferentur.

Sin contrā, & ipsos uos paratos, & erectos in hostē esse, & ad alios incitandos acres animaduenterint, mihi credite, uos sequentur, ac ita se comparabūt, ut uestri quāsimilimi esse uideantur. Et profectō, uos æquum est (nisi quid fortasse me fallit) hos bellicis artibus longē anteire. Vos enim prætore, uos tribuni militares, uos centuriones estis: uos pacatis temporibus, pecunia, & honoribus abundatis. Vos itaq; & nunc in bello eniti decet, omnibus ut laudibus multitudinem superetis. Vos providere, uos primi, si res postulet, labores suscipere debetis. Ac primū omnium uehementer arbitror ad exercitum confirmandum pertinere, ut primo quoq; tempore prætore, ac centuriones, in demortuorū locum subrogentur. Nihil enim omnino, si desint qui imperent, ulla in re benè ac præclare geri potest. Ac ne omnia persequar, nihil certè in re bellica profici potest, in qua & ordinis constantia rebus salutē, perniciem affert perturbatio. Vbi uerò duces constitueritis, ipsos etiam si milites recensueritis, ac ad munia quenq; sua adhortati fueritis, nihil, opinor, a uobis opportunius fieri possit. Nunc enim & uos facillè uidere potestis, quā segniter, quāq; diffidēter, & ad ordines suos ueniant, & uigilias obeant. Quòd si ad officiū non redierint, nō uideo cui nobis usui esse possint, quoties quid uel die, uel noctu geri oportuerit. Quòd si cōuerso in melius animo, non tantum quid passuri, sed quid facturi sint, cogitarint, multò mehercule alacriores euadent. Id enim planè omnibus perspicuū est, non numero, aut corporū robore uictoriam comparari, sed utri in hostem, dis utique iuuantibus, animo firmiore impressiōne fecerint, eos esse quorum ille impetū sustinere non possit. Illud etiam mihi

in men-

in mentem uenire solet: qui quouis modo, ut uiuere liceat, ab hostibus impetrant, eos plerunque turpiter ac misere mori. Contra uerò, quicunq; moriendi omnibus communem ac necessariam legem esse, animo reputantes, neque certamine, neque periculo ullo proposito, honestam mortem deprecantur, eos ego ad senectutē peruenire uideo, & quoad uiuant, beatioris multò uitæ muneribus fungi. Qua nos opinione præditos (id enim temporum à nobis conditio exigit) & ipsos uirtutis laudem capeffere, & ad eam cæteros expedit adhortari. Hunc in modum loquutus Xenophon, dicendi finē fecit. Tum Chirisophus: Ego te Xenophon, inquit, antehac ex eo tantum noram, quòd Atheniensem esse intellexeram: iam uerò, quòd talem in dictis ac factis uirtutem præ te fers, te magnopere laudo, ac maximè uelim publici boni causa, quamplurimos tui similes reperiri. Ad eos deinde qui aderant cōuersus: Adhuc, inquit, cunctamur? quin hinc digressi, prætores, quibus opus est, deligite: ac quos delegeritis, in media castra eòdem producite, quò & milites accersamus: præstò autem nobis sit Tolmides caduceator. Atque hæc cum dixisset, ne quid ipse moræ interponeret, quò minus quam celerrimè, quæ opus esset, exequeretur, statim surrexit. Suffecti in demortuorum locum, pro Clearcho Timasion Dardanensis, pro Socrate Xanticles Achæus, pro Agia Cleanor Arcas, pro Menone Philesius Achæus, Proxeno successit Xenophon Atheniensis. Ac hi quidē duces cum renunciati essent, diluculo in medium omnes prodierunt, ac præsidij circum castra dispositis, militibusq; ad concionem uocatis, primus Chirisophus Lacedæmonius in hunc modum uerba fecit: Iniquissima nos milites in præ-

sentia temporum conditio oppressit, tot prætoribus, tot cæturionibus, tot militibus orbatos: ad hæc ab Ariæo, qui antè societate nobiscum coniunctus fuerat, eiusq; copijs destitutos ac proditos. Nihil tamē nos aduersis rebus frangi, ac debilitari oportet: quin pristinæ uirtutis memores, eniti debemus, ut uel ex uictoria salutem cōsequamur, uel si aliter ceciderit, summa cum gloria occumbamus. Viuentes certē ne unquam in hostium potestātē ueniamus, à quibus quæ passuri effemus, di in ipsorū caput uertant. Post hunc Cleanor Orchomenius surrexit, atque ita loquutus est: Videtis profectò milites, regis periuria, & impietatem: uidetis Tysaphernis perfidiam: qui, cum se Græciæ uicinum esse diceret, & idcirco nihil se malle, quàm sibi nos salutem acceptam referre, ipse iusiurandum cōcepit, ipse dexteram dedit, ipse deniq; in fraudē inductos, cum prætores cæteros, tum uerò Clearchum ipsum conuiuam suum, nihil louem hospitalem ueritus, per summum scelus perdidit. Nam quid de Ariæo dicam, quem nos ad regnū euehere uoluimus? Is, credo, datā acceptamq; fidē, quantum in se fuit, irritam fecit, ac deos immortales, & Cyri manes, apud quem in summo fuit honore, contēpsit. Idem ad hostes eius nomini insensissimos defecit, ac nos illius amicos ac socios, nunc maximis calamitatibus afficere conatur: sed hos di immortales ulciscātur. Nos uerò hæc cōsiderantes, & cauere oportet ne dolis amplius illudamur: & cum res postularit, quamfortissimē pugnare: tum quicquid dis placitum fuerit, fortiter ac magno animo ferre. Vbi finē ille dicendi fecit, surrexit Xenophon quàm potuit splendidissimē ad pugnā ornatus: nam si uictoriā consequerentur, uictori honestissimum ornatum conuenire:

sin mori

sin mori necesse esset, elegantissimū esse putabat, pro sua
 quenq; dignitate ornatum occidere. Sic autē exorsus est:
 Barbarorum periuria, atq; omnem perfidiam, & Cleanor
 antē uobis exposuit, & uos ipsi satis, opinor, nostis. Nunc
 si rursus nobis eorum amicitia utendum statuimus, magnā
 certē animi demissionem profiteamur necesse est, cum,
 qui se eorum fidei tradiderunt, prætores quid passi sint,
 non ignoremus. Sin eorum iniurias armis uindicare, & in
 posterum dis approbantibus aperto eos bello persequi in
 animo habemus, multa nobis pulcherrimam salutis spem
 pollicentur. Interea dum hæc ille diceret, de concione ster-
 nuit nescio quis: quo omine accepto, cuncti milites deum
 abiecti ad terrā uenerati sunt. Tum Xenophon è re nata:
 Quoniam uiri fortissimi, dum uerba de salute facimus, no-
 bis à Ioue salutari omen extitit, eidem deo uotum nuncu-
 pandum pro communi salute censeo: quod tum sacris ritē
 susceptis persoluemus, cum primū pacatam terram atti-
 gerimus. Atqui & dis cæteris uota facienda sunt, quibus
 eodem tempore sacrificium pro copijs nostris faciamus.
 Quare cui idem uidetur, manum tollat: ac manū quidem
 cuncti sustulerūt, uotoq; nuncupato pæanem cuncti cum
 plausu citarunt. His quæ ad deorum cultum pertinebant,
 ita institutis, ad id unde digressus fuerat Xenophon, re-
 diit. Multa, inquit, ut paulò antē cœperā dicere, pulcher-
 rimam salutis spem nobis pollicentur. Primū enim deo-
 rum fidem ratam habuimus: at hostes & iurisiurandi, &
 fœderis religionem omnem uiolarunt. Hæc cum ita sint,
 & hostibus deos infensos, & nobis propitios futuros con-
 sentaneum est. Atqui illi ipsi di, & sequenda elatos fortuna
 na quam celerrimè, cum uelint, euertere, & abiectos cum

maximè rebus aduersis conflictantur, excitare facile possunt. Deinde uerò maiorum nostrorum pericula uobis in memoriam redigam, ut intelligatis quales uos, quâ ue in rebus aduersis uirtute esse oporteat, præsertim cum deorum ope adiuta uirtus, ab iniquissimis plerunq; & difficilimis tēporibus homines uindicare consueuerit. Cùm Persæ cum ingentibus copijs, ut Athenas delerent, in fines nostros inuasissent, animi magnitudine hosti sibi resistendum Athenienses putarunt, ac eos quidem uicerunt. Quo tempore cum Dianæ uotum fecissent, tot illi se capras immolatu-
ros, quot hostes occidissent, ac totidē uictimas ex toto agro comparare nō potuissent, quotannis D. mactare decreuerunt, quas ætate etiā nostra quotannis mactant. Postea uerò cum Xerxes infinitis propè copijs comparatis, in Græciam traiecisset, maiores nostri horum hostium maiores terra mariq; uicerunt. Cuius quidē uictoriæ & trophæa multa monumento sunt, & earum ciuitatum, in quibus nati & educati estis, libertas: in quibus deos tantum, ex hominibus uerò neminē domini loco habetis. Et ab his uos estis maioribus, à quibus tamen neutiquam uos dixerim degenerasse. Neque enim ita multi dies præterierunt, ex quo uos acie cum illorum posteris congressi, dis iuuantibus, eorum copias tanto uestris maiores fudistis: ac illud quidem pro Cyri regno suscepto certamine, uirtutis uestre documentū dedistis. Nunc uerò cum uestra ipsorum salus agatur, multò uos meliores, & in hostem alacriores esse par est. Nam si antè cum quales illi in prælio essent, planè ignoraretis, patria animi elatione freti, nihil dubitastis cum tam magno eorum numero collatis signis congredi: quid nunc cum periculum feceritis, eos, quamuis
tam

tam multis partibus uos numero superarent, uestrum tam impetum sustinere nequisse? quid, inquam, absurdius quàm si eos nunc pertimescatis? Neque uerò nunc res uestras iniquiore loco putare debetis, quòd à uobis hi defecerint, qui uiuente Cyro uobiscum unà praelium inierunt. Illi enim multò sunt ijs quos uicimus ignauiores: quare nihil mirandum, si à nobis desciscetes, ad illos cõfugerunt. Quin illud optandum, ut qui ad fugam spectent, in hostili potius acie, quàm in nostra uersentur. Quòd si què illud diffidentiore reddit, quòd equitatum nos nullum, hostes uerò maximum habeant: is consideret uelim, decem equitum M. nihil esse plus, quàm hominum X. M. Neq; enim in praelio quisquam equi morsu, uel calcibus unquam confectus est. Viri sunt, mihi credite, uiri, quorum opera in pugna geruntur omnia: ac nos quidè uehiculo multò utimur, quàm equites tutiore. Illi enim equis subnisi, & nos unà timent, & simul ab illis ne excutiantur. At nos pedibus uadentes, & ferimus cominus uehementius, & certius ijdem eminus iaculamur. Vna equites re præstant, quòd in fuga certius est illis subsidiũ. Verùm ad pugnam fortasse uestrũ quisque paratissimus est. Sed illud scilicet solitudinis multum affert, quòd neque Tyfapherne duce amplius utemini, neque annonam uobis rex præstaturus est. Hic illud considerate, Tyfaphernem ducem habere satius ne sit, à quo nobis insidias factas nihil possumus dubitare: an uerò eos quos ipsi duces delegerimus? qui si quid deliquerint, non nobis magis, quàm uitæ capitq; suo male consuluerint. Nam quòd ad cibaria, ac quæ usui sunt reliqua pertinet, mallè ne debeamus ex fòro precariò sumere, parua admodum mensura, ac minimè tole-

rabili precio : an uerò arbitrato nostro, qua mensura, ac
 quanti ipsemet statuerimus, si uictoriam scilicet adipiscamur? Atenim in his non est fortasse difficile, utrum uobis
 magis cōducatur dijudicare. Sed flumina uos terrent, in quibus
 traijciendis ne uada uos fallant ueremini : in quo ipso
 quàm stultè barbari fecerint, perspicere potestis : * omnia enim
 flumina, quæ procul à fontibus suis pleniora sunt, eadem circa
 fontes non hercule sunt altiora, quàm ut genu traijcientium
 alluant. Sed esto, obstant nobis flumina, neque duces nanciscamur, nō tamen idcirco animum despondere debemus. Videmus Mysos, illos quidem nihilo
 armis meliores quàm nos simus, in regis finibus eo inuito,
 multas easq; magnas & opulentas urbes incolere. Eodemq;
 modo Pisidas, Lycaonas etiam scimus, occupatis camporum
 munimentis impunè, ex eiusdem regis agro sibi uictum
 quærere. Et haud scio an simus multò rationibus nostris
 melius consulturi, si reditu in patriam dissimulato, ad
 manendum parati uideamur : nihil enim dubito, quin si
 Mysi discedere uelint, rex facile adduci possit, ut multis
 ducibus, multis item obsidibus datis, tutam protectionem
 præstet : ac si id postulent, quadrigas etiam ad iter
 conficiendum præbeat. Quibus in rebus & nobis illum
 obsequuturum scio, ac supraquàm facile dici possit, libenter,
 si nos ad permanendum paratos uideat. Sedenim illud non
 nihil timeo, ne ipsa ocij consuetudine, & cum rerum
 omnium copia, tum forma & corporis magnitudine, qua
 Medorum & Persarū uxores ac uirgines præstant, cum
 illis familiariores esse cœperimus, deliniti, ueluti qui ad
 Lotophagos diuerterint, de reditu in patriam nihil laboremus.
 Atqui æquū & iustum esse duco, ut ad suos quisq;
 redeat:

redeat: ac ibi Græcis ostendamus, ipsorū culpa fieri quòd inopes sint, quibus liceat miseram & egentem multitudinem, qua ciuitates refertæ sunt, huc deducere, ubi tenuissimum quenque quamfacilimè ac celerrimè locupletem fieri uisuri essent. Sed hæc omnia uiri fortissimi bona, in eorum qui uicerint potestate sunt. Illud nunc consilium ineundum, ut uel quamtutissimè discedamus, uel si pugnandum sit, quamæquissima conditione pugnemus. Ac primum plaustra omnia cremanda censeo, ne sarcinaria uehicula nobis quodammodo imperent, impediantq; quò minus quocunque exercitui expediat, accedere possimus. Deinde ipsa etiam tentoria: ea enim retardant nos plurimum: nihil uerò neq; ad pugnam, neq; ad cōmeatus comparandos iuuant. Ad hæc, superuacanea uasa omnia reiicienda, neq; aliud quicquam retinendum, quàm quod aut ad belli, aut ad cibi potusq; usum pertineat: atq; id ob eam maximè causam, ut in armis expediti quāplurimi sint, ac quam paucissimi nobis sint lixæ & huiusmodi operæ alendæ: neq; enim ignoramus uictores eorū etiam potiri, quæ in alterius mancipio sunt. Quare ubi uicerimus, ipsi nobis hostes pro lixis erunt. Vnum illud mihi ad dicendū restat, quod maximi momenti esse arbitror. Videtis hostes non antè bello nos laceessere ausos esse, quàm prætores nostros comprehenderint: quippe qui omni ex bello superiores nos discessuros putarunt, quantisper & essent qui nobis imperarent, & nos imperantibus pareremus. At si ducibus uos orbassent, sublata imperandi autoritate, atq; omni ordinis tuèdi disciplina, nos proculdubio perituros existimarūt. Quamobrè et prætores qui nuper renūciati sunt, multò oportet attentiores esse, & milites in suis ordinibus

conseruandis diligentiores, ac multò quàm adhuc, magis dicto audiētes. Quòd si quis ab officio discesserit, statuite uestris sententijs, ut de eo cuius uestrūm, cum res ipsa tulerit, unà cum præfecto liceat pœnas sumere. Hoc enim maximè modo se sua opinione deceptos hostes intelligēt, cū hodierno die decies mille Clearchos pro uno extitisse uidebunt, per quos nemini nequā esse liceat. Sed iam tempus est ut dicta ad rem conferamus: hostes enim iam fortasse aderunt. Quare si quæ relata sunt uobis probantur, ea quamprimū sciscite, quò decreta uestra operibus ipsis primo quoque tempore cōprobetis. Quòd si quis melius quid uidet, ne dubitet quiuis, ut etiam priuatus ille sit & gregarius, cæteros docere: de cōmuni enim salute est omnibus consilium capiendum. Tum Chirisophus: Si quid, inquit, aliud opus est, quod Xenophon prætermiserit, tum fieri id licebit, cum in mentem uenerit. Quæ uerò ab eo iam dicta sunt, optimū factu esse censeo, ut ea sine ulla cunctatione sciscatis: cui igitur ea probantur, is sublata manu significet. Tum cuncti manum sustulerunt. Surrexit iterum Xenophon, atq; ita loquutus est: Audite uiri quæ cauenda mihi uidentur. Eundum nobis iam est, ubi commeatus in promptu sint. Audio autem uicos pulcherrimos, nihilo hinc longius quàm stadia XX. abesse. Nihil uerò mirandum mihi uidebitur, si quemadmodum ignaui canes prætereuntes insectantur, ac mordēt assequuti, persequentes uerò fugiunt, sic hostes abeuntes nos insequantur. Tutissimè nos iter facturos arbitror quadrato agmine, ita quidem ut cius quamlibet partem armati teneant. In medium, turba omnis, ac impedimenta recipiantur. Quòd si nunc etiā statuerimus, quem fronti, quem tergo, quos

quos item utrique laterum præesse oporteat, nihil erit necesse tunc demum cum nos hostes adorti fuerint, imperia diuidere, quin statim instructa acie uti licebit. Ac nunc, uel eius qui rectius sentiat sententiam sequamur, uel Chiriosophus principia ducat, quippe qui Lacedæmonius est. In lateribus è nobis prætores duo natu maximi imperent. Tergum nos iuuenes regemus, ego ipse & Timasion. atque ita quidem in præsentia. De reliquo uerò cum experti semel fuerimus hanc ordinis rationem, uel eandem tuebimur, uel meliorem inibimus: quam si quis uel nunc uidet, in medium censeo prodeat. Cum nemo inuentus esset qui contra ea diceret, cui hæc probantur, Xenophon inquit, manum tollat. Cum scitum omnes fecissent, iam uidendum, inquit, est, ut quæ sciimus, abeuntes re ipsa rata faciamus. Ac primum quidem qui suos uidere cupit, uirum se strenuum præbeat: neque enim aliter quisquam sperare possit se uoti compotem fore. Qui uiuendi cupiditate tenetur, is uincere contendat: est enim uictori hostium cædes, uicto mors proposita. Qui postremo pecuniam concupiscit, in uictoriæ studium incumbat: quod si uicerit, & sua tueri, & quæ in hostium sunt potestate, sibi uendicare facile potest. Quæ cum dixisset ille, surrexerunt cuncti, ac iter iam ingressuri, primum plaustra & tabernacula omnia incendere. Deinde uerò quæ uasa cuique superuacanea fuerunt, ea indigentibus concesserunt, in ignem reliqua cōiecere. Tum ad corpus curandum conuersi. Ac dum cibum caperent, superuenit Mithridates cum equitibus ad XXX. uocatisque ad colloquium prætoribus, in hunc modum loquutus est: Ego, uiri fortissimi, Cyro ut scitis fidem, usque dum ille uixit, meam præstiti: ac nunc optimo erga uos animo

mo sum: & quoniam in his locis non possum non magnopere de salute mea sollicitus esse, uos ego si intelligam salutare aliquod consilium inire, me uobis adiungam socium, & quamprimū cū toto comitatu meo ad uos redibo. Me cum igitur quod in animo habetis, libenter ut cum amico, ac uestri cupidissimo homine, atq; adeo cum eo qui uobis scum unā proficisci uelit, cōmunicate. Ad hæc prætores, cum capita inter se contulissent, ita respondendum putarunt, ac pro omnibus quidem Chirisophus: Nos, inquit, si liceat, per has regiones quam pacatissimè domū contendere in animo habemus: sin quis aduersari uoluerit, cū eo omni ope nostra bellare. Tum Mithridates docere conabatur, nullam inuito rege salutis existere spem posse. Ex quo satis intelligi potuit, nihil esse quod ei fides haberetur: præsertim uerò cum uenisset cū eo unā de Tysaphernis familiaribus unus, quasi eius orationis arbiter. Quare prætoribus uisum est, nihil statui melius posse, q̃ si quantisper in hostili terra essent, tacitum, ac minimè indictum bellū gererent. * Cum propius accessissent, milites occiderunt: quin & ex centurionibus unū Nicharchum Arcadem. * Noctu deinde profectus cū XX. plus minus hominibus * Post hæc corporibus curatis, Zaten amnē traiecerunt, instructo quidem agmine, impedimentisq; omnibus, ac inermi turba in medium recepta. Non longè processerant, cum Mithridates cum globo equitum CC. iaculatorum ac funditorū maximè agiliū, atq; expeditorum circiter CCCC. obuiam uenit, ac propius quidem quasi amicus uenisset, accessit. Equites uerò ac pedites sagittis, plumbeis glandibus funditores, Græcos laceffere cœperunt: ex quibus qui in extremo erant agmine, impune feriiebantur,

riebantur, cum hosti ipsi nihil nocere possent. Cretenses enim sagittarij, & minus longè quàm Persæ mittebant, & cum ipsi leuissimè armati essent, grauis armaturæ ordinibus stipabātur: at iaculatores missilibus ne funditores quidem assequi poterāt. Hic Xenophon cum peltatis & graui armatura, quæ erat in extremo agmine, cui ipse imperabat, hostem insequi statuit. Sedenim neminem omnino consequebantur, quippe qui equitatum nullum haberent: pedites uerò intra tam breue spaciū mediij campi, fugientem peditem adipisci non poterant, neq; omnino expediebat à reliquo agmine tam lōgè discedere. At barbari equites in ipsa fuga à tergo sagittas mittentes nostros uulnerabant: quos, quantū hostem urgentes processissent, tantundem dimicando retrocedere oportebat: quare toto eo die nihil amplius quàm stadia XXV. promouerunt, ac sub ipsum crepusculum in proximos uicos peruenere. Ibi pristina homines sollicitudo inuasit. Chirisophus quidem, & ex toto prætorum numero nату grandiores Xenophontem incusabant, quòd ab acie nimis longè, suo cū maximo periculo, ac nullo hostium detrimento, persequendi causa excurrisset. Hæc Xenophon cū audiret, iurè eos queri fatebatur, neq; inficiabatur quicquam. Sedenim, inquit, necessitas ipsa me ut insequerer impulit, quòd uidebam grauius nos dum consisteremus lædi, cū interea nihil ipsi hosti nocere possemus. At postquā insequuti sumus, ita sanè accidit ut dicitis: hostibus nihil plus quàm antè nocuimus, & ipsi uiuunt, & magno cum periculo pedè retulimus. Sed gratia scilicet dis est habenda, quòd parua omnino cū manu periclitati sumus, atq; ex leui admodum iactura quid nobis in posterū opus sit, planissimè cognouimus. Etenim

hostes & sagittas, & è fundis glandes longius multò mittunt, quàm ut cum illis aut Cretenses sagittarij, aut ferentarij nostri conferri possint. Cumq; illos insequimur, nobis non conducit longius à reliquo agmine progredi: modo dico uerò spacio, non possit utiq; pedes peditem assequi, ne intra teli quidem iactum. Quòd si hostis impetum retardatum uolumus, ne quid nobis in posterum detrimenti inferri possit, funditoribus nobis atq; equitibus opus esse censeo. Atque in castris quidem nostris Rhodios esse audio, quorū multi funda scienter utantur, ac duplo longius quàm Persici funditores mittant. Nam cum illi grauiores intorqueant lapides, non possunt utique longum spacium assequi: at Rhodij plumbeis glandibus uti didicerunt. Eos igitur qui fundas habent si conquiserimus, ac pro illis argentum dederimus, ac alijs item certa mercede faciundas locauerimus, ac ijs qui in funditorū ordinem recepti fuerint, ab alijs muneribus uacationē dederimus, inuenimus fortasse qui certam rebus nostris opem afferant. Ad hæc, uideo in castris aliquot equos esse, quorum partim penes me sunt, partim uerò à Clearcho relictī: nōnulli item sunt bello capti, quibus ad impedimenta uehenda utimur. Horum itaq; si maximè idoneos ad usum atq; apparatū equestrem delegerimus, aliosq; pro his clitelarios substituerimus, cum his opinor fugientes hostes aliquanto certè facilius ulciscemur. Probata est omnibus hæc sententia. Eadem itaq; nocte funditores ad C. C. conscripti sunt. Postero uerò die equi, equitesq; circiter L. delecti, quibus lorica data, & equester ornatus. magister equitum creatus Lycius Atheniensis, Polystrati filius. Eum diem Græci in quo substituerant loco manserunt. Postridie prima luce castra mo-
uerunt:

uerunt: erat enim eo die torrens transmittendus, ad quem ne se hostes inuaderēt, metuebant. Neque sua ipsos sefellit opinio: cum enim transmittere cœpissent, obuius fit Mithridates cum equitibus mille, sagittarijs ac funditoribus ad quater mille, quos à Tyſapherne acceperat, pollicitus ea se manu Græcos omnes ei in potestatem traditurū: erat enim superioris diei euentu elatus, quòd cum paucos duxisset, neminem ipse desiderasset: Græcos uerò se arbitretur grauitè multasse. Cum igitur iam Græci octo circiter stadia longè à torrente progressi essent, Mithridates suis cum copijs traiecit. Hic peltatis denunciātū est, multisq; item è graui armatura atq; equitatu, hostē ut alacriter adorirentur: paulò enim post maiores copias subsidio uenturas. Iam propè Mithridates accesserat, fundisq; ac missilibus Græci laceſſebantur, cum ad primum tubæ cantum hi quibus imperatum fuerat, in hostes cum cursu impetum fecerunt, & equites in primis se in aduersos effudere: quorum cum illi impetum non sustinuisſent, fugientes, nostri inſequuti sunt, atque ad ipsum torrentem multi de barbarorū peditibus, multi itē in medio alueo ex equitibus perierunt: uiui ad decē & octo capti sunt: cæſos milites nostri, cum id tamen duces non imperaſſent, fœdè lacerarunt, ut hostes rei ſpectaculo terrerentur: atq; illi qui dem re ita geſta diſceſſerunt. At Græci, quod eius diei reliquum fuit, tutò progressi, ad Pigretē amnem peruenerunt: quo in loco urbs fuit magna, ſed deſerta, Lariffa nomine: quam priſcis temporibus Medi tenuerunt. Muri eius latitudine fuerūt pedum XXV. altitudine C. ambitu octo millium paſſuū, ac toti coctilibus laterculis extructi. Lapidæa tantū crepido XX. ped. à fundamētis emine-

bat. Hanc urbem Persarum rex, cum Medos Persæ imperio spoliassent, diu obsessam, nō antè capere potuit, quàm solem densa nubes obscurasset, oppidani animis conciderunt. Ante ipsam urbem pyramis lapidea surgebat, lata pass. XX. alta XL. Huc ex proximis regionibus barbari multi profugerant. Hinc profecti primis castris M. pass. XXIIII. cōfectis, ad muros peruenere, magnos quidē, sed neglectos, qui ante urbem stabant, cui Messila nomen fuit. & hanc Medi olim habitarūt. Eius murus crepidine nitebatur lapidea, excisis in muricum modū lapidibus, latitudine pedum L. ac totidē altitudine: reliqua muri superficies lateritia erat, pedum lata L. alta C. ambitus erat M. pass. XXIIII. Huc Mediam regis uxore confugisse ferunt, quo tempore Medi imperium amisere. Eam olim urbem Persarum rex cum neq; obsidionis diuturnitate, neq; ui expugnare potuisset, obstupescētos postremò crebris tonitribus oppidanos dicitur oppressisse. Hinc profecti cum M. pass. XVI. processissent, ad castra prima Tysaphernes in conspectum uenit cum equitatu suo, atq; Orontæ regis generi copijs, cū ijs item barbaris qui Cyrum sequuti fuerant, atq; ijs etiam quos secū regis frater in eius auxilium adduxerat, quosq; rex Tysapherni ipsi attribuerat: quæ copię uniuersæ planè magni agminis speciem habuerunt. Atq; is cum propius accessisset, alias quidem cohortes in subsidijs locauit, alias uerò de transuerso immisurus uidebatur: neq; tamē impressionem facere, aut suos pugne periculo committere ausus est. Funditoribus tantum & ferentarijs, nostros ut lacefferent, imperauit. Verum ubi Rhodij per ordines diuisi, è fundis lapides, ac Scythici sagittarij sagittas mittere cœperunt, multi passim ex barbaris

barbaris uulnerabantur, à quibus aberrare nostri, ne si uolissent quidē, facile poterant. Quare Tysaphernes extra telorū iactum concessit, ac reliqui item ordines retrocesserunt. Reliquū igitur eius diei nostri progrediebātur, à tergo illi ex interuallo sequebantur, neq; pristinam tamen iaculationē repetere ausi sunt: longius enim quā Persæ, Rhodij funditores mittebant, ac longius etiam quā possent ē sagittarijs plurimi. Erant præterea Persica missilia maiora nostris, quare usui fuerūt quæ nostri legerant, & ea sanè didicerant ē superiore loco longissimè iaculari. In proximis uerò uicis, & neruos, & plumbum ad fundarū usum reppererunt. Atq; eo die cum Græci ad uicos peruenissent, barbari ex leui illa iaculatione inferiores discessere. Postero die eodem in loco frumentandi causa cōmorati sunt: erat enim illis in uicis magna frumenti copia. Postridie iter cōtinuarunt, et Tysaphernes eminus laceffens insequebatur. Ibi animaduersum est, hostibus insequentibus nequaquam utile esse quadratum agmen lateribus æqualibus, propterea, quod si se aliquando agminis cornua contraxissent (quod fieri necesse est, ubi uel uiarū angustia, uel montiū anfractus, uel postremò pontiū transitus cogerent) grauis armatura aut arctius constipata ægrè procederet, aut turbatis ordinib. laxata, nihil posset in pugnando proficere. Rursus uerò si cornua discederent, in diuersa irent qui antè cohæserant: atq; inter cornua area uacua relicta, qui utroq; uersum abissent, urgētibus hostibus animis deficerēt: quo plerunq; fiebat, ut cū uel pons, uel alia quæuis uia difficultas superāda esset, certatim unusquisq; principia occuparet, atque ita ab hostibus agmen facilius oppugnari posset. Quod ubi animaduersum est, prætor

res ordines sex, singulos uirorum C. instituere, eisq; suos centuriones præfecere: centurias uerò singulas in semicenturias, ac manipulos descripsere: quibus item subcenturiones & decuriones præesse uoluerunt. Cumq; agmen progredieretur, centuriones, ubi cornua contraherentur, ne urgerent, subsistebant, ac deinde seorsum subsequerentur. Quoties uerò laxari cornua necesse fuisset, iisdem quadrati agminis mediū cōplebant, uel centurionibus ipsis, si fortè quæ discessissent partes exiliores essent: uel si pleniores aliquanto, subcenturionibus: si postremò quamminimè attenuatæ essent, decurionibus in uacua succedentibus: quo fiebat, ut medium agmen semper cōfertum esset: ac si quid superandum esset, pons uel quis transmittendus, nihil trepidaretur. Centuriones enim hi, quos antè diximus, seorsum traiiciebant: quaq; in parte aciei res postulasset, in eam se immittebant. atque hoc quidem ordine ad quarta castra progressi sunt. Ad quinta uerò cum accederent, regiam quandam cōspexerunt, circumq; eam uicos cōplures, in quam partem uia per æditos colles ducebat. Hi uerò colles monti subiacebāt, in cuius ima parte uicus erat: ac Græci per illi quidem libenter colles uiderunt, ut qui hostem scirent in primis equis fidere. Ibi cum è campis primum tumultum subissent, atq; inde per decliua ad alterum accederēt, barbari è superiore loco deorsum tela mittere in nostros, fundas torquere, iacula amento uibrare. Multi sanè è nostris uulnerati, quin & expediti milites ita à barbaris circumuenti atq; interclusi sunt, ut funditores & iaculatores in turba oppressi, nulli usui esse potuerint. Nam si Græci malo coacti in hostem se cōuertebant, uix in aduersos cliuos euadere poterāt, quippe qui graui

armatura

armatura tarderetur, cum hostes interea summa agilitate in collis uerticē exilirent: sin ad suos properarent, eodem incommodo urgebantur. Idem etiam euenit cum ad alterum collem transfirent. Quare statuerunt Græci, è tertio tumulto non antè agmen mouere, quàm subductos à dextro aciei latere cetratos ad uerticem obtinendum misissent. Quod ubi factum est, hostes à nostris superiorem locum occupatū cum animaduertissent, non sunt ausi amplius discedētes insequi, quòd uerebantur, ne diuisi utrinque circumuenirētur. Quod reliquū igitur eius diei fuit, nostri pars una per colles, altera secundum montes, iter modico interuallo facientes, ad uicos peruenere: ubi medicos octo (multi enim saucij erant) delegere. His in uicis dies tris manserunt, cum sauciorum causa, tum uerò quòd cōmeatum bonā copiam nacti sunt, farinæ, uini, ordeï, quo largissimè equos explerūt, quæ omnia ex proximis agris, ad exercitū regis alendum, in unum coacta fuerant. Quarto uerò die in campos descendere: ibi eos Tysapher nes assequutus effecit, ut sibi censerent, in eo qui primus se obtulisset uico, consistendum, neq; ullo pacto in uia pugnandum: erant enim iam quamplurimi ad pugnam inutilles, alij quòd uulnera acceperant, alij quòd saucios deportarent, alij postremò quòd eorū à quibus illi deportarentur, armis onerati essent. Ac uix Græci castra posuerant, cum barbari propius ad uicum accedētes, missilia mittere coeperunt: sed facilè eos Græci repulerunt. Multò enim iam è castris mouentes, hostes facilius coërcebant, quàm antè in ipso itinere eorundem excursiones reprimere poterant. Cum itaq; iam ad uesperasceret, hostes pedem retulerunt: neque enim propius quàm stad. LX. ad nostros

castra locabant, quòd scilicet nocturnum nostrorū impetu metuebant. Nam Persarum copiae minimè ad nocturnas pugnas idoneae sunt: equos enim uinciūt, ac saepe etiā pedicis impediūt, ne fortè ruptis capistris effugiāt. Quare in tumultu, & equum insternere, & frenare, & cum lorica induerit inscendere, Persae homini necesse est: quae omnia per noctem, praesertim cum trepidatū fuerit, difficilimè fieri consueuerunt: quae res efficiebat, ut procul à Graecis castra haberēt. At Graeci ubi eos animaduenterūt agmen discedendi causa coëgisse, ad arma cōclamarunt: tum barbari (facile enim omnia audiebant) pauxillū substituerunt: nocte uerò iam imminente retrocesserūt, quòd sibi intelligebāt minimè expedire, noctu uel iter facere, uel castra ponere. Eos uerò Graeci postquam manifestò discedētes uiderūt, et ipsi castra mouere, stadiaq; circiter LX. progressi sunt: tantū inter utrunq; exercitū spaciū relictū est, ut neq; postero die, neq; omnino tertio, hostes in cōspectū uenerint. Quarto demū noctu ad nostros propius accesserunt, ac montis iugū ad dexteram occuparunt, quā Graeci erant iter facturi. Ex eo in campos descensus erat. Vbi iugum id occupatū Chirisophus animaduertit, Xenophontem ab extremo agmine euocat, eumq; iubet cū peltatis ad principia transire. At is peltatos loco non mouit. Cum iam uniuersum Tysaphernis exercitū conspiceret, ipse tantum citato equo accurrit: tum, quid, inquit, me uocas? Vti uides, respondit ille, uertex qui supra uiam ipsam eminet, quā nobis discedendum est, ab hostibus obtinetur: quos nisi cæciderimus, nulla est euadēdi ratio. Sed cur peltatos non adduxisset quærenti Chirisopho, quoniam, inquit ille, nequaquā tam propinquis hostibus putauī nuda agminis

agminis terga relinquēda. Atqui, inquit Chirisophus, uidentū est ut eos ex eo uertice deiiciamus. Ibi Xenophon cum iugum animaduertisset ijs, quas ipse ducebat, copijs imminere, atq; ex eo tramitem, per quem ad uerticē eum aditus patebat, in quo hostes constiterant: Optimum, inquit, Chirisophe fuerit, si quamcelerrimē ad eum tumultū contendamus: quem si occupauerimus, hostes nullo pacto poterunt supra uiam, eodem quo nunc loco sunt permanere: quare aut cū exercitu ipse maneto, quantiſper ego in montem euado: aut si tu mauis ad montem contendere, hic ego cum exercitu manebo. Quin ego tibi, inquit ille, potestātē facio, utrum malis deligendi. Tum Xenophon: Iunior, inquit, ego sum: ac ita proficiscendi sibi partes deposcit: sed enim postulat ex principijs, quod longum esse putabat ab extremo agmine milites euocare, sibi cohortem unam dari. Chirisophus ei ex ipsa fronte peltatos tribuit, atque adeo de medio quadrati agminis exemptos: ad hos CCC. sequi iubet lectissimos uiros de suorū numero, qui ipsa agminis principia obtinebant: atq; hi quidē omnes iter strenuē ingressi sunt. Quos ubi ad montem rectā contendere hostes animaduertere, & ipsi certatim eōdem cursum direxerunt. Hic clamorem Græci, item qui cum Tysapherne erant, dum suos utrique cohortantur, ingentem sustulerunt. Xenophon equo præteruehens, his uerbis suos incendebat: Nunc uiri fortissimi, uobis de reditu in Græciam, ad liberos, cōiugesq; uestras, certamē propositum esse existimate. Nunc si paululum hoc laboris exhaurimus, reliquū iter sine pugna conficiemus. Tum Soteridas Sicyonius: Atenim, inquit, Xenophon non satis æqua conditione res geritur: tu equo ueheris, ego grauitè

scutum ferens laboro. Id cum ille audisset, statim ex equo defiliit, hominem de loco deturbat, ipse eius scuto abrepto quàm potuit celerrimè promouet. Erat fortè equestri lorica indutus, qua etsi premebatur, nihilo tamè segnius & præcedentes incitabat, & sequentes, illos quidem in ascendendo laborantes confirmabat. At milites Soteridam cædunt, obiurgant, cogūt postremò, scuto recepto unà cum cæteris pergere. Xenophon equum ascendit: eo usus est quantum per loci conditionē licuit. Cum ad difficiliorem aditu montis partem uentum esset, & ipse pedibus equo relicto subiit. Priores tandem Græci montis fastigium occupant. Tunc barbari terga uertētes, quò quisq; maximè potuit, effugerunt: Græci fastigium tenuerunt. Tysaphernis atq; Ariæi copię ad aliam se uiam, priore relicta, conuerterūt. Tum Chirisophus, quiq; cum eo erant, iam tutò in campos descendere, & castra in pago quodā locarunt, omnibus copijs refertissimo. Sed erant alij itē in his campis pagi ad Pigretē amnem, omni cōmeatuum genere copiosissimi. Iam ad uesperascebat, cum repentē hostes se obtulerunt, ac de Græcorum numero nōnullos occidere, ut fortè illi diuersi ad prædam discurrerant: nacti enim fuerant pecoris greges, qui cum amnē tranassent, iam erant in citeriore ripa interclusi. Post hæc Tysaphernes cū suis copijs pagos exurere aggressus est: quæ res Græcorū animos uehementer debilitauit: non poterant enim non magnopere uereri, ne commeatibus incensis, non haberent unde alios sumerent. Iam Chirisophi milites è præsidijs discedebant, cū Xenophon ad singulos ordines in equo accedens: Videtis iam, inquit, uti nobis agris concedere se barbari cōfitentur? cum enim ne nos uicos regios exure-

rcmus,

remus, sœdus nobiscū ferientes cauissent, eos iam ipsi tanquam alienos ultrò incendunt. Nunc per ea ipsa loca nos iter facientes uidebunt, in quibus sibiipsis cōmeatus reliquerint. Interea Chirifophe, ad illum conuersus, censeo, inquit, hos agros tanquā nostros ab iniuria uindicandos. Minimè, respondit ille, quin & nos itidē uramus: sic enim illi celerius desistent. Iam uerò cum se intra castra recepissent, alij ad commeatus animum adiecerunt. At prætores centurionesq; in unum conuenere, ut consilium de itinere caperent. Erat enim res difficultatis plenissima, cum hinc arduis montibus, illinc tam profundo flumine cohiberentur, ut ne hastæ quidem quibus uada tentabant, immerse quicquam emerent. In hac cunctatione Rhodius quidā ad duces ueniens: Ego, inquit, si mihi quæ opus fuerint, parata tradideritis, ac pro mercede talentum unum, quaterna millia simul grauis armaturæ peditū traiciam. Rogatus autem quid opus esset, utrum respondit ille duobus millibus: esse autem in cōspectu quamplurimas oues, capras, boues, asinos, quibus coria detracta & inflata, facilem traiectionem præstare possent. Loris deinde opus, inquit, est ad connectendos, ut aptè cohæreant inter se utres, qualia ea sunt, quibus ad iungenda iumēta utimini. Huic ego ex utribus rati saxa alligabo, quibus quasi anchoris quibusdam in flumen demissis, & rate utrinq; religata, terram & sarmenta superiniiciam. Illud quidem nequaquam intellectu difficile est, qui hac rate traiecerint, mergi minimè posse, siquidē binos singuli utres faciliè subleuant: quò minus uerò labantur pedites, terra eos ac sarmenta continebunt. Enimuero id ducibus consilium callidum uisum est: sed quī res effici posset, nō uidebant, cum

trans amnem multi essent hostiū equites, qui facile ijs, qui primi ad opus aggredierentur, impedimēto futuri essent. Quare cum hanc cogitationem missam fecissent, postero die quasi Babylonem uersus ad integros uicos profecturi, retrocesserunt, ac quā iter faciebant, incendijs cuncta uastabant: quod cum hostes uiderent, iam nihil ut anteuertērent laborabant. Illud magis mirabantur, quō se Græci recepturi essent, aut quid omnino in animo haberēt. Interea cum milites in cibarijs conquirendis occupati essent, prætores ac centuriones rursus conuenere, ac omnibus captiuis in medium adductis, quæstione habita, ex illis planissimè cognouerunt, quorum locorum finibus cingerentur. Indicarunt enim illi à meridie Babylonem esse, & Mediam, quā antè uenissent: ab ortu Susa & Ecbatana, quibus in urbibus uer & æstatē agere rex solitus esset. Quod si trans amnem se ad occasum conuertissent, in Lydiam et Ioniam peruenturos. At montanam uiam, quæ ad septentrionem esset, ad Carduchos perducere: hos ferocem in bello esse gentem, quæ montes incoletet, ac ne regi quidē ipsi parēret. Regias enim copias in ea loca aliquando irrupisse: ex centum autem & uiginti millibus hominum neminem omnino redisse, quod ex locorum difficultatibus eua dere nō potuissent: ac eo ipso tempore sædus illis cum eo satrapa esse, qui campestre regionē obtineret, ac liberos esse utrisque ad alteros aditus. Quæ cum prætores audissent, eos ipsos à quibus regionū situs cognouerant, diuersos locarunt, neq; omnino quō iter haberent, indicarunt. Ipsi inter se statuerunt, necesse fore per montes in Carduchos ducere, quod illinc in Armeniā, cui tūc Orōtes præerat, amplam et fertilem regionē descensuri essent: ex qua
nihil

nihil prohibitorū uidebatur, quò minus in quam uellent terrarum partem se conferrent. Id cum decreuissent, ac dis sacra fecissent, ne quid esset in mora, cum iter capeissent dum esset (uerebantur enim ne montes ab hostibus occuparentur) militibus imperant, corporibus curatis, ac uasis collectis, conquiescant, ac deinde cum signum datum fuerit, se ut sequantur.

XENOPHONTIS DE CYRIMI NORIS EXPEDITIONE LIBER QVAR tus, Romulo Amasæo interprete.



V AE à Græcis in superiorem Asiæ partem progredientibus, usque ad prælij cōmissionem gesta sint: quæ item post prælium, fœdere cū rege percusso, atq; eosdem ab ipso rege ac Tysapherne uiolato acciderint: ac quemadmodū Græci insequente Persarum exercitu, assiduo bello urgerentur, superioribus commentarijs expositum est. Postea uerò quàm ad Pigretem amnem uentum est, quia is ea in parte propter magnitudinē atq; altitudinem traijci non poterat, cum flumini Carduchij montes, ardui illi quidem ac prærupti imminerent, eos (neq; enim alia occurrebat euadendi ratio) milites sibi superandos censuerunt. A captiuis enim acceperant, hos ubi superassent, se ad Pigretis ipsius fontem, qui in Armenia est, uenturos: à quo non longè Euphratis etiam fons abesset: eum fontem, quòd angustissimus esset, aut transmissuros, id si mallent, aut si uisum aliter esset, circumituros. Ad hunc uerò modum in Carduchos mouerunt. Cum

illud in primis curæ esset, ut quam occultissimè proficiscerentur, atque ut in montium iuga prius quàm ea ab hostibus occuparentur, euaderent: ad postremā uigiliam, cum adhuc tantum tenebrarum superesset, ut per campos iter facientes cerni nō possent uniuersi, ubi denunciatum est, iter ingressi, prima luce ad montem peruenerunt. Chiriso-
phus agmen ducebat, cum suis cohortibus atque omnibus expeditis militibus. Consequabatur Xenophon cum gra-
uis armaturæ caterua, in qua ne unus quidem erat de ex-
peditorum numero. Neq; enim periculum ullum esse uide-
batur, ne quis dum illi in aduersos cliuos subirent, ex infe-
riore loco à tergo impetū faceret. Ac Chiriso-phus prius
quàm id quisquam hostium præsensisset, iam montiū iuga
occuparat: inde porro promouebat: sequebatur exercitus
frons: iamq; in pagos, qui passim inter montiū anfractus,
atq; in ipsis recessibus erant, descendebant. At Carduchi
domibus relictis, cum coniugibus ac liberis in montes con-
fugerant. Hic Græci præclaram cōmeatum copiam re-
pererunt: erant præterea domus ipsæ æneis uasis egregiè
instructæ, quæ illi non attigerunt: neque homines etiam
ipso persequuti sunt, quòd illis tantisper parcendum pu-
tarunt, dum experirentur, passirine essent se, cum & ipsi
regis hostes esse perhiberentur, tanquam per pacatam re-
gionem iter facere. Cibaria tantum quo quisq; loco nactus
esset, sumebat: hoc etenim ipsa necessitas cogebat. At illi
neq; uocati præstò fuerunt, neq; ullam amicitiae significa-
tionem dederunt. Quin cum extrema agminis pars, iam
primis se intendētibus tenebris in pagos descēderet (erat
enim totus dies in montibus superandis consumptus) glo-
bo factò extremos adorti, ex ipsis aliquot occiderunt, ali-
quot la-

quot lapidibus ac missilibus uulnerarunt. Atq; hi quidem pauci fuerunt, in quos de improviso Græcorū agmen incid erat: quòd si maior multitudo concurrisset, nihil propius futurum fuit, quàm ut maxima exercitus pars deleretur. Tunc Græcis in illis, quos antè diximus, pagis pernoctantibus, Carduchi circūquaq; per mōtes ignibus accensis mutuò se prospectātes, omnes aditus custodiebāt. Vbi illuxit, cum prætores ac centuriones in unum cōsultandi causa conuenissent, relatum est optimum factu fore, si iumentis maxime necessarijs conseruatis, quàm possent celerissime iter facerent: reliqua uerò relinquerent, ac cū his eos quos paulò antè ceperant homines missos facerent: quandoquidem & iumenta ipsa, & mancipia, itincri moram afferebant, præsertim cum multi qui in his custodiendis occupati erant, parum essent in pugna utiles: ac præterea duplo propè plus cōmeatuum comparare, & quocunque irent, comportare cogerentur. Id cum omnibus placuisset, ita ut fieret, decretum est. Quare cum iam pransi iter ingrederentur, prætores angustias, quæ uniuerſi exituri erant, obsederunt: ac quod apud quenq; ex ijs quæ antè diximus, reperissent, id nisi sponte à dominis dimissum esset, eripiebant: paruerunt tamē omnes, præter paucos, qui elegantem quempiam puerum, aut formosam mulierculam, amoris suo obsequentes, furtim retinuerunt: ac tunc modò pugnantes, sæpe etiam à pugna interquiescentes, iter fecerunt. Postero uerò die, etsi frigus uehementer inualuerat, cōmeatuum tamen tenuitate, castra mouere coacti sunt. Erat agminis dux Chirisophus, tergo imperabat Xenophon. Hostes acriter urgebant, nempe qui angustijs freti, propius etiam accedētes de superiore loco no-

stros missilibus ac fundis uulnerarent. Ea res Græcos co-
gebat ut se aliquando in hostes conuerterent, ac deinde ijs
repulsis restitendo iter facerent. Quam ob rem frequen-
ter, cum illi urgeret, significabat Xenophon, ut qui ante-
ibant, subsisterent. At Chirisophus, qui alias quoties signi-
ficatum esset, subsistere cōsueuerat, tunc, quantū poterat,
accelerabat, & alijs ut quamcelerrimè sequerentur impe-
rabat. Ex quo conijci poterat, non temerè eum festinare:
sed non uacabat ad eum propius accedere, & festinatio-
nis causam cognoscere: quare iter fuit ijs, qui in extremo
agmine fuerunt, fugæ similimum. In qua trepidatione, uir
honestissimus ac fortissimus Cleonymus Spartanus, trans-
fosso per parmam & loricā latere occubuit: cumq; eo unā
Pasias Arcas, transfixo capite. Quare ubi primū congre-
diendi copia facta est, antequam uspiam cōsisteret Xeno-
phon, eodem quo erat ornatu ad Chirisophum ueniens,
quidnam accidisset rogauit, quòd ille nō expectasset, ac se
inter pugnam fugere coëgisset. Amissimus enim, inquit,
duos, eos quidē optimos, ac summa uirtute homines, quos
neq; tollere, nec sepulturæ mandare licuit. Ad hæc Chiri-
sophus: Montes, inquit, intueri: uidet̃ quā sint ardui ac
prærupti, ac per eos unicus hic trames quā angustus?
atq; is quanta hominum multitudine circumsedeatur? quæ
nempe fauces eas, per quas euadere nos oportet, obsessas
tenet. Idcirco, inquit, non restiti, quòd maturandū esse pu-
taui, antequam illi de superiore loco uerticibus occupa-
tis, exitu nos prohibere possent. Neque uerò duces nostri
aliam nobis uiam indicant. Atqui, inquit Xenophon, ego
etiam duos in potestate habeo. Nam cum hostes negociū
facerent, in insidijs subsedimus: quæ res etiam nobis res-
pirandi

spirandi facultatem dedit. Ibi ex illis cum nonnullos occidissimus, unum & alterum operam dedimus ut uiuos caperemus, quò scilicet peritis locorum ducibus uteremur. Atq; hic cum ambo illi in quæstionem producti fuissent, ac seorsum rogarentur, uiam ecquam nossent aliam quàm eam peruulgatam: eorum quidem alter, cum nullis minis cogi potuisset ut quicquam diceret quod Græcis cognoscere expediret, in alterius conspectu iugulatus est. Tum superstes alter, illum affirmavit propterea Græcis se negasse aliã uiam nosse, quòd filiæ timuisset, quæ in ipsa uia apud uirum esset: at se per eam uiam ducturum, qua iumenta etiam transire possent. Cum uerò ex eodem quæreretur, ecquæ essent locorum difficultates: unicum respondit esse iugum, quod nisi occuparetur, euadendi nulla iniri ratio posset. Id ubi prætores audierunt, centuriones ac peltatos, bonam etiam grauis armaturæ partem accersendam censuerunt: ac re cum his cōmunicata, quærendum, nunquis esset, qui uirtutis documentum dare uellet, suscepto in eum locum proficiscendi negocio. Quo facto, eam sibi prouinciam Aristonymus Methydriensis Arcas, & Agasias Stymphalius ex eadem Arcadia, depoposcerunt. Sed fuit in primis inter Callimachum Parrhasium, & Agasiam Stymphalium non parua contentio. Agasias se cum ijs, qui se è toto exercitu ultro offerrent, profecturum dixit: Persuasum enim mihi, inquit, satis habeo, meū ductum bonam iuuentutis partem sequuturam. Quæsierunt præterea duces, nunquis è numero expeditorum, aut militarium tribunorum proficisci uellet. Ibi Aristarchus se obtulit, uir militari uirtute multis in rebus spectatiss. Iam primæ se tenebræ intendebant, cū milites raptim

sumpto cibo, iter ingredi iussi sunt: ducē itineris uinctum
 ijs prætores tradiderunt. Ita autē res composita est, ut no-
 cte si iugum occupassent, locū ne relinquerēt, manē tuba
 signum darent, ac deinde ē superiori loco inuaderent eos,
 qui tritum illum exitū obsiderent: prætores cum reliquo
 agmine quamcelerrimē se euasuros affirmarunt. His ita
 constitutis, profecti illi sunt, ac per maximos quidem im-
 bres: numerus is fuit homines bis mille. Xenophon tergū
 agminis ad notum exitum deducebat, eo sanē consilio, ut
 cum hostes eam unam uiam obseruarent, ad eos non atten-
 derent qui per montes iter facerēt. Verū cū ad alueum
 quendam uentū esset, quo superato milites oportebat per
 aduersum cliuum euadere, hostes in eos globosa, & maio-
 ra ac minora saxa, quā quæ plaustris conuehi possent,
 deuoluere cœperunt: quæ petris illisa, tanquam ē fundis
 missa, cum impetu disiliiebant. Quæ res cū uiam infestissi-
 mam reddidisset, ex centurionibus nonnulli priore uia re-
 licta, alia euadere aggressi sunt. Vbi uerō per noctis tene-
 bras eos qui profecti fuerant, iam non posse amplius con-
 spici arbitrati sunt, ad corpora curanda se milites conuer-
 terunt: erant etenim in extrema agminis parte omnes ad-
 huc impransi. At hostes tota nocte nullum lapides deuola-
 uendi, quod fragor ipse nostris indicabat, finem fecerūt.
 Interea montanæ illæ cohortes ducem suum sequutæ, mi-
 lites ex hostium præsidio ad ignem sedentes offenderunt,
 quorū parte una cæsa, altera pulsa, locoq; occupato, pri-
 mum illum tenere cogitarunt: deinde cum uerrucam iugo
 imminentem animaduertissent, atq; ad eam angustum tra-
 mitem, in quo hostium præsidium cōstiterat, unde erat ad
 eos qui tritam uiam obsederant, aditus, ad eam ipsam uer-

rucam

rucam transierunt. Cumq; noctem eo in loco peregissent, ubi illuxit, cum silentio directa acie in hostes contenderunt: tam densa autem circumfusa est nebula, ut quamproximè accesserint, prius quàm illi quicquam senserint. Hic cum utrinq; iam se conspicerent, tubæ cecinerunt: deinde cum clamore et plausu Græci barbaros adorti sunt. At illi impetum non sustinuerunt, sed præsidio deserto fugam statim fecerunt. Pauci cæsi sunt, quòd cum expediti essent, è periculo se eripuerunt. Tum qui Chirisophum sequebantur, tubæ cantu audito, ad tritam uiam accurrerunt. Prætores alij per tramites, ut quis cuiq; proximus erat, contendebant: ac qui superiorem iam locum summo negotio tenuerant, hastis quasi aquam è puteis haurirent, inferiores tollebant. Atque hi primi se cum his cōiunxerunt, qui iugi illū uerticē occuparant. Xenophon cum dimidia extremi agminis parte, eòdem quò cæteri qui ducem habebant, progrediebatur: erat enim ea iumētis multò æquior uia: dimidia altera, ut impedimenta sequerentur, imperarat. Cum aliquantulum processissent, ad uerticē quendam peruenere, quem hostes occuparant, eos nisi cæcidissent, necesse fuisset scorsum à cæteris Græcis castra ponere. Et hominibus quidem uia patebat illa, quà cæteri iter faciebant, sed eadem iumenta nullo potuissent pacto euadere. Ibi mutuis adhortationibus incitati, ad uerticem contendunt, non in orbem explicatis, sed aduersis directisq; ordinibus, ne scilicet uia utrinque hostibus intercluderetur, si in fugam se illi uertissent. Enimuero cū Græcos uidissent barbari ascendentes, neq; sagittam quisquam direxit, neq; aliud teli genus in eos misit, sed repentè se, quà quisq; potuit, deserto præsidio effuderunt: quare ex hoc etiam loco

incolumes Græci euaserunt. Ac cum alterum à fronte conspexissent iugum itidem ab hostibus occupatum, sine ulla cunctatione eò contendendum putarunt. Atenim Xenophon cū uereretur, ne si quem uerticem iam occuparant, deseruissent, illum hostes reciperent, atque ex eo iumenta transeuntia adorirentur, quæ nimirum ut in angusta uia, in longiorē seriem se explicuerant, eo in ipso uertice centuriones duos, Cephisodorum Cephisophontis F. Atheniensem, & Archagorā Argium exulem, cum præsidio reliquit: ipse unā cum cæteris ad alterum iugum accessit, atq; id pari celeritate ceperunt. Restabat tertia adhuc uerruca, magis illa quidē ardua, quàm ea de qua deiecti sunt, qui superiore nocte ad ignem, ab ijs, qui sibi ultrò negotium poposcerant, deprehensi fuerant. Hic Græci pari sunt usi fortuna: nam barbari sine ullo certamine, simulac Græci appropinquare cœperunt, statim deserta uerruca diffugerunt. Quæ res cunctis admirationi fuit: etsi nō fuit difficile suspicari, ueritos illos ne undiq; à nostris circumuenirentur, fugæ tempus occupasse. Quare cum intuerentur quæ à tergo gerebantur, hi qui in summo iugo cōsederant, statim omnes ad eos, qui erant in subsidijs, se applicuerūt. Xenophon autem cum iunioribus in iugum ascendit, alios pedetentim usque eò consequi iussit, quoad extremi centuriones se cum cæteris coniunxissent. In ipsa deinde uia, æquo loco, ut arma ponerent, imperauit. Interea Archagoras uenit, ex hostium manibus elapsus: is nostris nunciauit, deturbatos eos esse, qui primū tumultum occuparant: Cephisodorum, & Amphricaten occisos, cumq; ijs reliquos omnes, præter eos, qui cū è saxo quodā saltu se deiecissent, subsidia fuerāt assequuti. Re igitur ita gesta,

barbari

barbari in eum collem ascenderunt, qui uerrucæ ex aduerso erat. Cum ijs Xenophon per interpretem de conditionibus agere cœpit, ac suorum cadauera repetijt, quæ illi se reddituros sponponderūt, si tutos ab incēdio pagos præstitisset. Id se præstare Xenophon affirmauit. Interea uerò dum cæteræ copię prætereūt, ac de conditionibus agitur, eo ipso in loco hostes constiterunt, quem Græci omnes dilapsi uacuum reliquerant: ac dum nostri è uerruca descendunt, in eum locū in quo paulò antè Xenophontis cohors arma posuerat, barbari cum clamore conferti impetum fecere: ac uerrucæ eius, è qua descenderat Xenophon, uertice occupato, saxa deuoluere cœperūt: his unde nostris crus fractū est. Et Xenophontem quidē is, qui scutum ei præferebat, deseruit: in eius uerò locum Eurylochus Lusienſis Arcas accurrit, & proiecto clypeo utrūq; protexit, in suum deinde locū pedem retulit. Alij item se intra suos quisq; ordines receperunt: cunctus deinde exercitus eodem in loco castra habuit. Ibi enim pagi multi fuerunt sanè quampulchri, & cum cæteris copijs abundantissimi, tum uino, quod incolæ in pauimētatis lacubus conditum habebant. Hic Xenophon & Chirisophus perfecerunt, reddito eo quo duce usi fuerant, ut sibi hostes suorum cadauera redderent. Quibus cum iusta, patrio ritu, pro præſenti rerum copia, atq; hominū ipsorū dignitate, persoluiſſent, postero die sine ullo duce castra mouerunt. Hostes uerò assidue inſequēbātur, ac ubi locorū angustias nacti essent, nostros exitu prohibere conabantur. Nostris id auxilio fuit, quòd si se illi principijs opposuerant, Xenophon à tergo in montes ascendebat, deq; superiore loco oppositum hostium globum dissipabat: sin extremos

intercludere conabatur, à fronte Chirisophus è iugis eodem modo suis opem ferebat: atq; ita alter alterum periculo liberabat, suoq; uicissim officio strenuè uterq;ungebatur. Nonnunquam & ijs qui iam cliuum superassent, dum iam descenderent, barbari negociũ faceſſebant, quippe qui agiles erant: ac cum uel proximè acceſſiſſent, faciliè effugere poſſent: nulla enim his alia arma, quàm arcus & fundæ. Erant hi ſagittandi peritiſſimi: arcubus utebatur ternũ cubitũ, ſagittis nihilo binũ cubitũ breuioribus: neruũ intendebant, applicato ad imum arcum leuo pede: ſagittæ, ſcuta & loricas penetrabant. Eas noſtri, ſi naſti eſſent, amentabant, ac pro iaculis utebatur. In his locis perutiles Cretenſes fuere: his autè Cretenſis Stratocles præerat. Atque eo quidem die in uicis commorati ſunt, ſupra eos cãpos, per quos Centrites amnis fluit. Eius amnis latitudo eſt paſſ. CC. Armeniamq; à Carduchis diuidit: abeſt à Carduchorum montibus ſtad. VI. aut ad ſummum VII. Hic Græci iucundiſſimo diuerſorio uſi ſunt, ac in rerum omnium copia, labores quos antè pertulerant, cum quadam (ut fit) uoluptate recordabantur. VII. enim dies, per quos iter per Carduchos fecerant, tam graues, tamq; iniquos, propter crebras atque adeo perpetuas pugnas perpeſſi fuerant, ut cum his uniuerſa incommoda ac moleſtiæ, quibus à rege ac Tyſapherne affecti fuerāt, nulla ex parte conferendæ eſſent. Maximis itaq; deſuncti periculis, hoc in loco ſuauiſſimè pernoctarunt. Sequenti uerò die trans flumen equites armatos conſpicati ſunt, qui ſe traiſcientibus oppoſituri uidebantur. Conſpicati etiam ſunt pedites in tumultis ſeorſum ab equitibus inſtructos, ad noſtros ſcilicet Armeniæ aditu prohibēdos. Erant autem hi Oronæ

hi Orontis & Artuchi, ex Armenia, Mygdonia, & Chaldaeis mercenarij. Et Chaldaeos quidem fama erat liberos esse, & bellica uirtute praestare. Arma his praegrandes ceatra, & lanceae. Aberant hi tumuli, in quibus acie constiterant, ab amnis alueo passus LX. aut ad summum LXXX. & unica erat uia, quasi manu facta, quae ad ulteriorem partem ducebat. Ea igitur Graeci cum transire conarentur, in aqua mammiis tenuis mergebantur: amnis inter magna & lubrica saxa rapidissime ferebatur, quare armati ingredi non poterant: quod si arma capite portarent, hostium sagittis ac reliquis missilibus nudata corpora praebent. Retrocesserunt igitur, ac propter ipsum flumen castra locarunt. Quo uero in loco superiorem noctem egerant, in ipsis montibus magni Carduchorum globum in armis conspexerunt: ex quo rebus suis uehementer diffidere coeperunt. Videbant enim amnis importunitate: in aduersa ripa, qui obsistere parati essent: in citeriore Carduchos, qui agminis tergum dum transcerent, oppugnaturi uidebantur. In hac trepidatione ac metu cum diem & noctem unam consumpsissent, Xenophonti in somnis nonnulla salutis spes ostentata est. Is enim in quiete se compedibus distineri putauit: eas uero compedes, quibus distineretur, uidere uisus est repente rumpi, sequi liberum ac solutum quo uellet cunque ingredi. Quam ob rem diluculo ad Chirisophum ueniens, ei somnium exponit, cum praefatus esset in posterum optime sperandum. Id ille cum audisset, letatus est. Ut primum illuxit, omnes qui aderant praetores rem diuinam fecerunt. Cumque esset pulcherrime litatum, praetores ac centuriones a sacris ad suos quisque milites reuersi, cibum ut capiant, imperant. Hic ad Xenophontem dum pranderet,

adolescentes duo accurrerūt, quòd omnes norant ad eum
 unū facilimos, uel cum cibum caperet, aditus esse: quin &
 dormientē se excitari idem faciliē patiebatur, si quis quid
 attulisset, quod bellicæ rei conduceret. Narrarunt igitur
 illi, se fortē dum ad ignem in ripa sarmenta colligūt, in ad
 uersæ ripæ saxi flumini imminētibus, senem cōspexisse,
 mulierē, & puellas quasdam, quæ uestium inuolucra quæ
 dam in specu abderent: id cum uidissent, existimasse tutò
 se traicere posse, quòd hostiū equitatus propter loci aspe
 ritatem eò non posset accedere. Vestibus itaque depositis,
 ac sicis eductis, quippe qui sibi natandū putarent, ita tra
 iecisse, ut ne supra femur quidem mergerentur. Amne
 itaque superato, ac uestibus ablatis, eodem se uado reuer
 sos. Id cum Xenophon audisset, & ipse dis libauit, & ado
 lescentibus fundi iussit: tum peractis libationibus, ac uotis
 nuncupatis, ijs nempe dis qui somnium obtulissent, quiq;
 uadum fluminis monstraissent, ad Chirisophū statim ado
 lescentes deduxit: qui cum singula audisset, rem diuinam
 fecit. Tum multitudini, ut uasa colligerent, denunciauit:
 ac deinde adhibitis cæteris prætoribus, de tota traiciendi
 ratione cum ijs unà cōsiliū cepit: illud in primis, quē &
 aduersos uincerēt, & ab insequentibus tuti essent. Ita uerò
 constitutum est, ut Chirisophus agmen duceret, ac prior
 cum dimidia exercitus parte traiceret: altera uerò dimi
 dia pars Xenophontem sequeretur: iumenta ac turbæ re
 liquum, in medium agmen includeretur. His ita, uti maxi
 mē oportuit, confectis, iter ingressi sunt. Præibāt duo illi
 adolescentes, relicto ad leuam amne. Via quæ ad uadum
 ducebat IIII. fermè stadiū erat. Cōtra nostros, ex altera
 fluminis parte, hostes procedebant. Vbi ad uadum ipsum
 uentum

uentum est, arma primū posuerūt. Deinde Chirisophus primus omnium coronam cepit, ac ueste posita arma iterum sumpsit, tum alijs ut idem facerent, imperauit. Iussit autē centuriones, aciem utrinq; directam, ad dextram leuamq; agere. Ibi uates hostias ad flumen cæciderunt. Interea hostes sagittas in nostros, atq; è fundis glandes mittebant, quæ nostros neutiquam attingere poterant. Postea uerò quā bene exta promiserūt, milites cuncti simul cū plausu pæanem cecinerunt: quem plausum & ipsæ mulieres (erant enim non parū multa in exercitu scorta) lætum tollentes clamorem, comprobarunt. Tum in fluuium Chirisophus cū suis cohortibus intrauit. Interea Xenophon cum expeditissimis ab extremo agmine, citatissimo cursu ad uadū illud amnis, unde paulò antè discesserant, recurrit, ac unde in Armeniorū montes exitus patebat: id adeò simulans ea se traiecturum, quò hostilem equitatum intercluderēt. Hic hostes, cum Chirisophum animaduertissent non magno negotio amnem traicere, Xenophontē uerò pristinum uadum celeritate summa repetere, ueriti ne reuera intercluderentur, in fugam conuersi, incitato quoad eius fieri potuit, cursu, se ad eum tramitem, qui ab amne ad montes ducebat, receperunt: ac ad ipsam quidem uiam cū iam peruenissent, rectā ad montes contenderūt. Quos ubi tam effuse fugientes Lycius, qui aliquot equitum turmas, Aeschines itē, qui Chirisophi cetratos ducebat, conspexere, statim eos insequi cœperunt. Milites uerò cæteri cum clamore rogabant, ne à se longius discederent, atque ut secum in montes unā ascenderent. At Chirisophus simulac ulteriorem ripam tenuit, equites ille quidem insequutus non est: uerū in eos cursum cōuertit, qui in proxia

mis tumultis cōstiterant. Qui cum equites fugere animadu-
 uertissent, cumq; iam se inuadentis grauis Græcorum ar-
 maturæ impetum se sustinere non possent, uererentur, eos
 repentè tumulos reliquerunt. Xenophon ubi trans amnē
 uidet suis omnia ex animi sententia euenisse, statim ad uadum reuertitur. Etenim Carduchi à summis iugis, in aciei
 tergum impetum facturi uidebantur, ac Chirisophus iam
 in superiora euaserat. At Lycius, qui cum paucis equites
 insecutus fuerat, nactus impedimentorum reliquias, pre-
 ciosam uestem, & pocula multa, in præda occupatus erat.
 Feruebat iam iumentorum, & turbæ traiectio, cum Xeno-
 phon conuersa fronte, in Carduchos aciem direxit. Centu-
 rionibus uerò imperauit, ut suas quisq; centurias in mani-
 pulos describeret: ac primores quidē manipulos, ipsi cen-
 turiones, decurionesq; phalange constituta, in scutum ad-
 uersus Carduchos ducerent: reliquos, sub suis tergiduci-
 bus, iuxta amnem, in præsidijs locarēt. At Carduchi cum
 laxari turbæ extremos ordines uidissent, ac iam paucos in
 conspectu haberent, tunc idoneum ad inuadendū tempus
 rati, quàm potuerunt celerrimè, sua quædā carmina con-
 cinentes, in nostros impetū faciunt. Interea Chirisophus,
 cum iam suos in tuto collocasset, peltatos, funditores, sagit-
 tarios ad Xenophontē mittit, ijsq; imperat, ut illius dicto
 audientes sint. Hos descendentes Xenophon cōspicatus,
 nunciū præmittit, qui eos suo nomine iubeat in ipsis uadi
 principijs subsistere, ad traijciendū tamē paratos. Cumq;
 se traijcere animaduernerint, tum diductis utrinque ordi-
 nibus non aliter quàm si ipsi in alteram rursus partem tra-
 iecturi essent, obuiam ueniant: ac ferentarij amentata iac-
 cula, sagittarij iunctas neruis sagittas præferāt: extra flu-
 men

men uerò neutiquam progrediantur. Tum ijs, qui se sequebantur, imperat, ut quoties è fundis glandes emissæ fuerint, ac complosa scuta concrepuerint, hoc signo mōniti, in hostem pæane citato, læto cū clamore excurrant. Vbi illi se auerterint, & à flumine litui bellicum cecinerint, & ipsi in hastam pedem referant, tum tergi duces sequuti, ad flumen quamcelerrimè descendant, ac quo loco cuiq; contigerit, modò ne quid trepidetur, traijcient. Edicitur, primas eum uirtutis laturum, qui primus ulteriorem ripam tenuerit. At Carduchi ubi numerum ualde diminutum uident, ac paucos omnino reliquos factos (nam & multi ex ijs, quos manere oportuerat, subdlexerant se, quòd alium iumentorum, alium sarcinarum, mulierculæ alium cuiuspiam cura auocarat) nostros confidenter adoriuntur, fundisq; ac sagittis urgent. Ibi Græci ex composito, citato pæane, in illos cursu contendunt. At illi impetum non sustinuerunt: quippe qui ita erant armati, ut ad fugam atque excursiones agiles essent: ad statarias uerò pugnas nequaquam satis muniti. Vbi uerò classica cecinerunt, hostes effusius multò fugere. Græci ad flumen conuersi, omnem ad traijciendum celeritatem susceperunt. Tum qui dolū è barbaris sensere, rursus ad flumen reuererunt, ac minus nostros sagittis laceffentes, nō plura sanè fecerunt, quàm ipsi acceperint uulnera, multoq; plurimi, cum iam nostri transmisissent, adhuc fugientes conspiciabantur. At hi, qui Xenophonti obuiam uenerant, cum in hostem cupidius progressi essent, nēpe qui audaciā ostentare uoluissent, amnem post Xenophontem, ac nonnulli ex his uulneribus acceptis, traiecerunt. Verum cum uniuersi traiecissent sub ipsam iam meridiem, pristinis ordi-

nibus repetitis per Armeniæ campos, & molliter surgentes colles, passuū haud minus XX. M. confecerunt. Neque enim uici ulli propius amnem propter bella, quæ finitimi cum Carduchis assidue gerebāt, incolebantur. Is certe uicus ad quem diuerterunt, amplissimus fuit, in quo satrapæ erat prætoria domus: ac supra complures domos mœnia surgebāt. Cibaria hoc in loco largissime militibus suppeditarunt. Hinc secundis castris M. pass. XII. confectis, supra Pigretis fontes, ad Teleboan amnem peruenerunt: pulchrum illum quidem, sed minimè magnum. Circa eum uici erant plurimi, atque ipsa regio, Armenia ad occasum uocabatur. Eam tunc obtinebat cum imperio Teribazus, cum primis regis amicus, quiq; quoties adesset, regem in equo collocabat. Hic obuiam cum equitatu uenit, ac interprete præmisso, nostros ad colloquiū inuitauit. Prætores quidem quid afferret audiendū putarunt. Quare cum in eum locum uenissent, ubi quæ diceret exaudire possent, quidnam uellet quæsierunt. At ille paratum se dixit certis conditionibus cum Græcis foedus ferire. Eæ uerò cōditiones erant: Ne ipse ullo aut incōmodo, aut detrimento Græcorum exercitū afficeret, neue Græci domos exurerent: ea tantum quibus indigerent, omnia undecunq; caperent. Quæ cū prætoribus probata essent, in ea foedus iētū est. Hinc per cāpos castris ternis M. pass. LX. progressi sunt, sequēte cū suis copijs Teribazo X. stadiorum interuallo: cūq; eo unā ad prætoriam domū, atque eos uicos, qui circa eam plurimi incolebantur, peruenerunt, ubi cōmeatuū luculentā copiā nacti sunt. Ea uerò nocte cū in agro castra locassent, cœlo ingēs niuis effusa uis est: quæ res effecit, ut cū illuxisset, uicatim militibus prætores diuersoria attri-
buerent.

buerent. Neq; enim hostē ullū amplius uidebāt, neq; quicquam omnino propter niuis magnitudinē metuendū putabant. Et omnia quæ ad usum uictumq; expetuntur, in promptu erāt: hostiæ, frumentū, uina uetusta, atq; optimè olētia, uux passæ, ac legumina omnifaria. At hic, qui à castris paulò longius diuerterāt, se procul copias quasdā, ac per noctem multos ignes uidisse nunciarūt. Quare prætores cōmoti, tutius esse putarunt, uti antè solebant, uno in loco castra habere. Cōuenerunt itaq; omnes in unū. Cum uerò sub diuo, quòd res ita postulare uisa fuerat, pernoctassent, tam ingens cælo nix demissa, ut nō homines modò iacentes, & arma, sed ipsa etiā iumenta cōtegerentur. Hic se homines præ torpore tollere nō poterant: iacentes uerò miserabile erat niue sepultos uidere. Tum torpenti-
bus quidem cæteris, primus Xenophon surrexit, lignaq; cedere cœpit. Tunc alius quidam & ipse surrexit, atq; à Xenophonte illud sibi munus depoposcit: mox alij se erexerunt, accensisq; ignibus omnes ungebātur. Multum autem eo in loco liquaminis suilli, sesamini, amygdalini, triticeï, terebinthini, quo pro oleo utebantur. Unguenta etiā ex iisdē rebus cōfecta reppererūt. Tum rursus uicatim sub tecto diuertendū censuerunt. Milites lætis cum uocibus se intra tuguria receperunt, ac sanè libenter ad pristinā optimarū rerū copiam rediere. E quibus, qui domos incendebant, sub diuo pernoctantes pœnas dedere. Eadē nocte Democraten Temeniten, cum aliquot comitibus in eos montes misere, ubi qui ab exercitu longius recesserant, ignes se prospexisse renūciarant. Atq; huic quidē meritò fidem habebant: sæpe enim antea uerissimè, quæ cōpererat omnia, detulerat. Is autem rediens nullos omnino ignes sibi

uifos renunciauit:atenim hominem unum uinctum deduxit.Erat hic Perfico arcu,pharetra, & securicula, qualem propè Amazones gerere consueuerunt, armatus. De quo cum quæreretur, cuias nam esset, se Persen esse respondit, ac unum de Teribazi castris: digressum autē à suis se frumentādi causa. Rursus cum rogassent, quā magnus esset Teribazi exercitus, quoq; nomine coactus esset: Habere Teribazum respondit, præter suas ipsius copias, mercenarios Chalybas, & Taochos: eas uerò comparatas copias esse, ut inter montium angustias, quā unicus esset trāstus, Græcos adorirentur. Hæc cū prætores audissent, de communi consilio exercitum congregarunt: ac deinde relicto præsidio, eiq; præposito Sophæneto Stymphalio, ipsi captiuum illum ducē sequentes, profecti ultrò aduersus hostem sunt. Montibus uerò superatis, peltati fidentius progressi, castrisq; hostilibus exploratis, grauē armaturam nihil expectandū rati, repente in hostium castra impetum fecerunt. At barbari tumultu audito, in fugam se protinus dedere: in qua tamē ex ipsis nōnulli occisi sunt, equi uerò ad XX. capti: captum etiam ipsius Teribazi tabernaculum, quiq; in eo erant argenteis pedibus lecti, item pocula multa, tum seruitia quædam, pistores uti ipsi dicebant, & pincernæ. Hoc cum grauis armaturæ duces rescissent, quamcelerrimè sibi ad castra redeundum decreuerunt, ne scilicet in eos, qui ibi relicti erāt, impetus quis fieret. Cum igitur receptui cani iussissent, eodem ipso die in castra redierūt. Postero uerò die prætores cēsuerunt castra quā primum mouenda, antequam in unum ex fuga copijs collectis, hostes angustias occuparent. Cum uasa itaq; colligi iussissent, per multas niues, ducibus quidem compluribus præeun-

præcuntibus, eo ipso die iugum superarunt, de quo impetum Teribazus facturus erat, atq; eo quidē in loco castra locarunt. Inde per desertos agros, secundum Euphraten amnem castris ternis progressi, fluuium ita traiecerunt, ut infra duntaxat umbilicum mergerentur: non longē autem hinc amnis ipsius fontes abesse dicebantur. Inde processere per altas camporum niues castris ternis M. pass. LX. Tertij uerò diei iter multò difficilimā uiam habuit: flabat enim aduersus Boreas, urens homines, ac planè congelans. Ibi ē uatū numero nescio quis, uento rem diuinam faciendam dixit. Quo factō, liquidō apparuit uenti impetum statim fractum, ac lenitum. Nix uerò nihilo duobus passibus minus alta erat: quare & iumentorum & captiuorum magnus numerus periit, ac milites ad XXX. Noctem itaq; multis ignibus accensis egerūt: ligna enim passim multa in tota uia reperta sunt. At qui serius uenerant, nullam habuerunt lignorum copiam: & qui eam occuparant, postremos ad suos ignes nō admittebāt, nisi illi ignis usum, aut tritico, aut aliquo cibariorum genere redemissent. Quo factum est, ut omnes uicissim quas haberēt res, alijs impertirentur, atque ab ijs item acciperent. Quibus certē in locis ignes fecissent, in ijs soluta niue scrobes aperiebantur deorsum usq; ad inum solum, ex quibus faciliē erat niuis altitudinem metiri. Postero die per niues perpetuas iter fecerunt, inter quas homines non pauci grauiterrime laborare cœperunt: quos cum humi passim iacentes Xenophon, qui extremū agmen ducebat, offendisset, primò rei nouitate percussus est, cū calamitatis eius causam ignoraret. Postea uerò quā ab ijs qui rerum usu præstant, cognouit fame illos concidisse, ac si quid comessent,

fore ut repentè se erigerent, ad iumēta accedēs, quicquid cibi aut potionis nactus esset, illis dabat, ac dimittebat ualentiores, qui esurientes assequuti releuarent. At illi cibo sumpto subleuati, unā cū cæteris proficiscebantur. Chiriosophus crepusculo ad uicū quendā peruenit, ubi puellas offendit ante castellū, è fonte aquā haurientes. Priores illæ quærere occuparunt, quinam essent: quibus interpres respondit Persicē, à rege se ad satrapen uenire. At illæ eum negarunt ibi esse: abesse eum locū, ubi tunc erat, pass. III. fermè M. Nostri tamen eas imminente iam nocte secuti, in castellum ad uici eius præfectum intrarunt: ubi & Chiriosophus, & hi quibus potestas fuit, castra locarunt: reliqui in ipsa uia pernoctarunt, & hi quidē sine cibo & igne: multi itaq; frigore ac fame confecti sunt. Urgebant uerò ex hostibus multi in unum congregati, qui iumenta, quæ sequi non possent, adorti, impedimenta diripiebant, ac tam auide, ut pro illis inter se etiam pugnarent. Relicti de nostris multi sunt, qui oculos ex perpetuo niuium aspectu amiserunt. Multi item quibus gelu pedū digiti obstupuerāt. Hic unicū erat oculis præsidium, si quid ante eos nigri prætendissent: pedibus, si corpus assidue mouerent, & nunquam omnino quiescerent, ac si noctu calciamēta detraxissent. Nam si calceati decubuisent, tumescentibus pedibus altè uincula imprimebantur, atq; ita, ut calcei pedibus astricti, resolui nullo modo possent, præsertim cum ueteribus calceis cōsumptis, carbatinis è boum recenti corio uterētur. His itaq; malis, quò minus cæteros cōsequi possent, retardabātur. Ac locū quidem cōspicati, qui colore ipso à niuibus uacuis uidebatur (solutæ enim fuerant eo in saltu proximi fontis halitus) eò diuerterunt. Cumq; iam cōsedissent, negabant

Militiæ plura
incommoda.

negabāt se iter amplius facturos. Id ubi Xenophon sensit, nempe qui tergū agminis ducebat, primò rogare cœpit, ac quouis modo atq; arte suadere, ne ordinem desererēt, hostibus præsertim cōgregatis, ac insequētibus: postremò cum precādo nihil proficeret, acerbius etiam obiurgare. At illi iugula ostentantes, omnino se iter facere non posse affirmabāt. In hac rei difficultate, nihil Xenophon magis expedire arbitratus est, quàm si terror quispiā hostibus inijceretur, ne tam grauitè affectos adorirentur. Iam noctis se tenebræ intēderant: hostes uerò de præda inter se cū multu litigantes, propius ad nostros accedebāt, cū ab ipso tergo excitati Græci, integri illi quidē ac bene ualētes, cū cursu in hostē inuasērūt. Eodemq; tēpore debiles illi atq; infirmi clamorē sustulerunt, ac hastis scuta percusserunt. Quæ res tam uehemētè barbaros perterrefecit, ut se per medias niues in conuallē dimiserint, neq; eorū quisquam uel uocem miserit. Tum Xenophon cum suis longius progressurus, iubet languentes & ægros bono animo esse, postridie uētueros ad eos qui auxiliū ferrent. Ipsi tunc profecti, nondū stadijs IIII. confectis, prostratos atq; inuolutos medijs in niuibz milites, siue ullis excubijs offenderunt. Quos cum excitassent, didicerunt priores ordines nihil omnino promouisse: quare cōmotus Xenophon, de pelatatorum numero fortissimos homines præmisit, qui cognoscerēt quare illi impediti substitiissent: cumq; hi renunciaissent, totum planè exercitum eodem modo in niue abiectum, & hi qui cū Xenophonte erant, ubi potuerunt, constitutis tamen pro tempore ac loci natura excubijs, pernoctarūt, incœnati quidē, ac sine igne. Prima luce misit Xenophon de suis iuniores aliquot, qui ægros ac torpentes

tollerent, ac progredi cogerent. Iam & Chirisophus de ijs qui in uicum diuerterant, miserat qui inspiceret uti se qui in extremo agmine erant, haberent: quorum aduentus Xenophontis militibus optatissimus fuit, ac ijs debiles & affectos in castra deportandos tradiderunt. Ipsi stadia ferme XX. confectis, ad uicum eum quo Chirisophus diuerterat, peruenerunt. Ibi cum in unum iam omnes conuenissent, praetoribus uisum est tutissimum fore, si per uicos ordines, quasi in hyberna, describerentur. Et Chirisophus quidem in eodem uico permansit. Alij uero, qui cuique uicus sorte obligit, ex ijs qui in conspectu erant, eum obtinuit. Hic Polycrates Atheniensis centurio, ut arbitrato suo sibi diuertere liceret impetrauit: assumptaque expeditorum parte, in eum uicum accurrit, qui Xenophonti obtigerat. In quo & curiales omnes, & curionem etiam ipsum deprehendit: pullos praeterea equinos XVII. qui tributum nomine regi alebantur: ipsius etiam curionis filiam, quae nono antea die ad uirum matrimonij causa uenerat. Vir autem eius tunc leporum uenatione detinebatur: quae causa fuit, ut cum ceteris non opprimeretur. Hic domus erant subterraneae, quarum erant ostia puteorum instar, ab imo uero late patebant: primi aditus fastigio, bestiarum deducendarum causa, aequati erant: homines per cochleas descendebant: intus oues, caprae, boues, gallinae cum suis foetibus alebantur: pecora uero ipsa pabulo sustentabantur. Repertum etiam triticum, ordeum, legumina, & uino plenissimi crateres. Ordeum quidem accumulatissime suppeditabat. Conditi etiam calami erant, maiores alij, alij uero minores, prorsus enodes, quos qui sitiens ore teneret, ac sugeret, merum is bibere sibi uideretur, modo ne aqua perfunderentur: cum

tamen

tamen hoc etiam modo suauem potionem, neq; à uini sapore magnopere differentem præberet. Hic Xenophon curionē conuiuio adhibitum cōfirmavit, ac se ei filios incolumes præstiturū, ac domum multò quàm acceperissent, copijs omnibus pleniorē relicturū spopondit, modò ut quantum in ipso esset, Græcorū copijs, quoad in finitimæ gentis fines uenissent, bene consuleret. Id ille se facturum pollicitus est : ac tunc, cum in conuiuio hilarè ac iucundè fuisset, uinū etiam quod defossū erat indicauit. Eam noctem egerunt Græci milites sub pellibus, in rerum omnium copia, cū interea in custodijs curionē ipsum eiusq; liberos in cōspectu haberet. Postero die illum Xenophon ad Chirisophum deduxit. Ac cum uicum iam priorē præterisset, in cæteris uicis omnibus milites Græcos offendit, tempestiuus conuiujs se festiuè oblectantes: quorum nemo sanè fuit qui Xenophontem nō inuitaret, ac mensa posita carnes nō apponeret, agninam, hædinam, suillam, uitulinam, cum panibus triticeis, atq; ordeaceis : quem uerò ad bibendum inuitassent, ei nō è poculo propinabant, sed ad craterem deductū demisso capite exorbere iuebant. Curioni etiam ipsi quantum è quouis rerum genere uellet, ut caperet permisere : at ille nihil quicquam attigit. E cognatis tantum suis, si quem uidisset, eum secū abducebat. Ad Chirisophū cum uenissent, illic etiam milites sub pellibus offenderunt fœno aut stipula coronatos: quibus Armenij pueri, barbaricis amicti stolis, ministrabāt : illis Græci tanquam adolescentibus quid factò opus esset monstrabant. Hic cū Chirisophus & Xenophon amantissimè congressi essent, communiter curionē per interpretem Persicè rogant, quænam esset ea regio : cum ille Armeniā esse re-

spondisset, tum rursus rogarunt, cuiam equi illi alerentur: regis tributum esse respondit. Addidit, proximam gentem Chalybas esse, & quæ eò uia duceret, demonstrauit. Tunc Xenophon hominem ad suos reduxit, ac ei equum, quem sibi sumpserat, iam seniore, immolandum tradidit. Audierat enim hanc Solis apud eas gentes uictimam esse: & sanè ueritus est, ne equus ille quem iam itineris labor magnopere debilitarat, in ipsa uia deficeret: pro illo itaque pullum unum cepit, ac reliquos singulis praetoribus ac centurionibus singulos dedit. Erant equi hi Persicis aliquanto minores, ferociore uerò multò. Idem autem curio docuit, ut per niuosam uiam sacculis equorum & iumentorum pedes obligarent, quòd nudis pedibus ingredientes, usque ad uentrem in ipsas niues descenderent. Iam erant dies VIII. eo in loco commorati, cum Xenophon Chirisopho curionem, ut eo duce uteretur, tradidit: de eius quidem familia neminè prorsus abduxit, praeter puberem eius filium, quem Epistheni Amphipolitano in custodià dedit, ut cum eo unà incolumis pater rediret, si se fide optima duxisset: in eius uerò domū res plurimas atque optimas congeisserunt. Inde motis castris, duce curione, qui solutus praebat, per niues profecti sunt. Iam ad castra tertia peruenerant, cum Chirisophus grauiter curioni succensuit, quòd se per uicos non duxisset. Ille quidē nullos ea in regione esse uicos affirmabat. Ibi Chirisophus hominè percussit, non tamen uinxit. Quare ille commotus, clàm noctu filio relicto aufugit. Hæc in curionè contumelia, atq; in eo seruando negligentia, unica fuit in toto itinere inter Xenophontē & Chirisophum dissidij causa. Episthenes uerò puerum adamauit: ac cum domum eum

secum

secum abduxisset, fidelissimo usus est. Post hæc septimis castris, cōfectis in dies singulos uicenis quinis M. pass. ad Phasin peruenere. Eius fluminis latitudo pass. est ferme XX. Illinc M. pass. XL. bidui cōfectis, obuios habuere in montium uerticibus, per quos in campos descendendū erat, Chalybas, Taochos, Phasianos: quos ubi cōspexit Chiriosophus, gressum sustinuit, interuallo stadiūm ferè L. ueritus ne si in cornu ageret, ad hostes accederet. Alijs itaq; imperat, ut manipulos adducāt, quò in phalangem copiae omnes coirent. Ac ubi primū extremū agmen affuit, conuocatis prætoribus ac centurionibus, in hunc modum loquutus est: Hostes, uti uidetis, montium æditiores partes obtinent: consilium itaq; ex ipso tempore capiendum, quī cum illis æquissima conditione depugnemus. Ipse quidem censeo militibus edicendum, uti cibum capiant: nos uerò interea consultemus, hodiè ne, an cras potius montes superemus. Tum Cleanor: Mihi uidetur, inquit, sine ulla mora cum primū pransi fuerimus, arma capiēda, & in hostem alacriter eundum: nam si hodiernū diem hic consumpserimus, id cū hostes animaduertent, & qui adsunt confidentiores reddentur, & ad eos alij fortasse illorū confidentia freti, se adiungent. Ego uerò, inquit Xenophon, si necesse sit pugnare, ad pugnam omnia cōparanda, ac dandā esse operam censeo, ut ex sententia pugnemus. Sin illud unum cōtentendum uidetur, ut quamfacilimè loci difficultatem superemus, uidendum est ut incolumes atque integri euadamus, ac de nostris quam paucissimos amittamus. Atque hic quidem mons, qui in conspectu est, quantum cerni potest, nihil minus quàm stadia LX. excurrit. Homines uerò qui iter nostrum obseruāt, nuspīam præterquam circa

hanc ipsam uiam apparent. Satiùs igitur, opinor, fuerit experiri, si quam desertam montis partem clàm, & quasi furtim præripere, atque occupare possimus, quàm simul & cum loci difficultate, & paratis ad pugnandum hominibus certamen suscipere. Est enim facilis multò in aduersa eniti, modò pugnandũ non sit, quàm per plana iter facere, urgentibus omni ex parte hostibus. Præterea noctu quæ antè pedes sunt, si pugnandum nõ sit, multò hercule melius cernuntur, quàm interdiu si in pugnam sit incumbendũ. Iam salebrosa uia, sine pugna multò est æquior pedibus, quàm plana, si capita ex superiore loco feriantur. Neque sanè hostes nunc cælare difficilè fore uidetur: nam per noctem progredi possumus, ita ut nõ uideamur: & regredi si opus fuerit, ut nihil omnino hostis sentiat. Quòd si rectà nos transituros simulauerimus, alterā montis partem ab hoste uacuum faciliè superare licebit: in hac enim ipsa uniuerſi permanebũt. Sed quid ego de furto disputatione, cum uos, inquit, Chirisophe Lacedæmonios audiā, patriæ disciplina à pueris furtis assueſcieri? tantũq; abesse ut turpe cuiquam sit furari, ut necesse etiā sit: modò ijs abſtineat quæ lege excepta sunt. Ac quò quamelegantissimè & cautiſſimè furemini, iubet lex deprehẽsum in furto, loris cædi. Nunc itaq; nobis Chirisophe, cum maximè tempus postulat, ostendes, quàm sis ex patriæ institutione in furando callidus: ac illud est in primis cauendũ, ne in furto deprehensi, plagas ab hoste multas accipiamus. Atenim, inquit Chirisophus, et ego uos Athenienses audio ad publicæ pecuniæ furta egregiè eruditos esse, cũ ea tamen res magnæ fraudi furi sit: & quod est magis mirandum, optimi quiq; (nam apud uos, qui optimi censentur, hi honores summos gerunt)

gerunt) hoc furti genere nequaquam abstinēt. Quare et nunc scientiæ uestræ aliquod tibi dandum est documentum. Imò, inquit Xenophon, cum extremis hisce quos duco, paratus sum, cum cibum ceperimus, montē occupare: neq; mihi uiae duces desunt. Velites enim nostri nuper ex ijs nonnullos ceperunt, qui nobis à tergo insidiabantur. Præterea montem intelligo non esse usquequaq; insuperabilem, ac etiam in eo maximum esse caprarū ac bouum numerum: quo facili adducor, modò aliquam eius partē occupauerimus, iumentis etiā nostris peruium fore. Ad hæc sperandum illud etiam est, non permansuros eodē in loco hostes, cū nos uiderint nihilo se loco inferiores. Satis enim liquet, nolle eos nobiscū æquo loco congregi. Tum Chirifophus: Quin tu alios, inquit, eò mittito: neq; enim expedit à te agminis tergum relinqui, nisi fortè qui id ultrò negotij suscipiant, defuerint. Ibi se ituros professi sunt Aristonymus Methydriensis cum graui armatura, Aristas Chius cum uelitibus, atq; item cum uelitibus Nicomachus Teius. De tessera cōuenit, ut cum iuga occupassent, ignes facerent multos. Inde ad corpora curanda cōuersi sunt: ac cum cibū cepissent, Aristonymus propè ad hostes X. ferme stad. copias omnes duxit, quò scilicet trita illa uia usurus uideretur. A cœna uerò cū iam nox immineret, hi quibus negociū datum erat, montē occuparūt: alij infra montem substiterunt. Hostes cum montē captum uidissent, totam noctem multis accensis ignibus euigilarunt. Vbi primum illuxit, Chirifophus cum rem diuinam fecisset, rectā in hostes cōtendit, cum interea nostri iuga iam inuaderēt. At barbari partim quidē in superiore montis parte manserunt, partim uerò ijs qui iuga appetebant, occurrerūt:

ac prius quàm in unum coirent, eos nostri impressione facta fundunt, fugantq; atq; eodem tēpore è campis peltati in aduersam aciem cursu inuaserūt. Chirisophus pedetentim progressus, cū graui armatura præstò fuit. Hostes de uia cum superiora omnia capta uiderent, statim terga uertunt, & eorū sanè multi cæsi sunt. Scuta cratitia multa relicta, quæ nostri, ne cui usui essent, gladijs conciderunt. Iugis iam superatis, ac sacris ritè peractis, trophæoq; erecto, in campos descenderunt, ubi uicos copijs omnibus refertissimos offendere. Ex his quintis castris pass. circiter CC. M. confectis, in Taochos perrexerunt, quo loco cibaria defecerūt. Loca enim munita Taochi tenebant, in quæ cōmeatus omnis deportarant. Cum autem eò peruentum esset, quò (etsi neq; oppida ibi, neq; domus ullæ erāt) Taochi tamen se cum pecoribus & uxoribus receperant, Chirisophus eum locū oppugnare aggressus est. Et quoniam non poterant uniuerſi saltum illum circumſedere, quippe qui omni ex parte præruptus erat, primæ cuique cohorti iam fessæ, integra succurrebat. Hic cum Xenophon cum peltatis qui in tergo erant, & graui armatura superuenisset, Opportunè, inquit Chirisophus, aduenis, est enim hic nobis saltus omnino capiendus: quem nisi ceperimus, copijs nostris nullo pacto cōmeatus suppetere possunt. Inter consultandū autem rogauit Xenophon, quid impediret, quò minus eò possent penetrare: Vnus, inquit Chirisophus, hic, quē uides, illuc trames ducit. Quòd si quis hac enitatur, de superiore illa crepidine saxa deuoluunt, quibus uti uides homines eliduntur. Ac simul ei aliquot homines ostendit, cruribus alios, alios lateribus elisis. Sedenim, inquit Xenophon, si lapides cōsumpserint, quid nos amplius

plius loci aditu prohibebit? aduersos quidē nobis paucos uidemus, atq; ex ijs duos, ad summū tres, armatos. Qui uerò locus nobis infestus ac periculosus est, is in XXX. fere pass. longitudinē patet: idemq; est ad XX. fere pass. pinis maximis per interualla cōdēsus. Qua in parte quid omnino nobis aut iacta, aut deuoluta saxa nocere possunt? Reliquum erit spaciū pass. X. quod erit cursim cōficiendum, cum scilicet quæ deuolui possint, nulla amplius saxa supererunt. Verū, inquit Chirisophus, cum iam per conspectum hunc arboribus locū iter facere cœperimus, saxa in nos creberrima deferentur. Hoc ipsum, inquit Xenophon, à nobis erit: sic enim celerius quem habent lapidum numerū abijcient. Sed ad eum iam locū accedamus, quo, modo liceat peruenire, breui euademus. Hæc cum dixisset Xenophon, cum eo Chirisophus & Callimachus Parrhasius (cum is eo die, principem inter eos, qui in tergo erant centuriones, locum obtineret) profecti sunt: centuriones uerò reliqui in tuto manserunt. Tum homines fere septuaginta ad arbores se contulerunt, non uniuersi, sed singuli, quàm quisq; potuit cautiſsimè. Agasias quidē Stymphalius, & Aristonymus Methydriensis, & ipsi tergi centuriones, citra arbores se cōtinuerunt: neq; enim amplius quàm centuria una arboribus illis protegi poterat. Hic Callimachus progrediendi rationē excogitat: ab ea arbo-
re, sub qua constiterat, pass. fere II. aut III. excurrebat. Cum uerò lapides deuoluebantur, haud magno negotio se in tutum recipiebat. At quoties excurrerat, toties plaustra haud minus quàm X. lapidum consumebantur. Id cum à Callimacho factum Agasias animaduertisset, ueritus ne spectante exercitu primus ille laudem in capiēdo

Spēctaculū ui
su horrendū.

saltu occuparet, solus re, neq; cum Aristonymo, qui loco erat proximus, neq; cum Eurylocho Lusienſi, aut ſociorū alio quoquam cōmunicata, in mediū proceſſit, ac omnes anteuertit. At Callimachus ubi ſe præteritum ſenſit, Agasiam clypeo prehenſum retrahere conabatur. Illis uerò inter ſe certantibus, Aristonymus Methydrienſis, ac poſt eum ſtatim Eurylochus Luſienſis (erat enim inter hos omnes de gloria certamen, ac ſibi eorū quiſq; uirtutis primas uindicabat) irruptionem primi intra ſaltum fecerunt, ac certatim eum occuparunt: neq; enim aditu ſemel occupato, lapis ullus amplius deuolutus eſt. Hic miſerabile ſpectaculum extitit: ſceminæ paruulos primū filios, ac ſeiſſas deinde de ſaxo præcipites miſerunt: ac uiri etiam idem fecerunt. Ibi Stymphalius Aeneas centurio, quendam conſpicatus corporis ornamentis inſignem, hominē ne ſe deiſceret, retinere conatus eſt: at ille & hunc in præceps traſxit, atq; ita ambo è ſummo ſaxo collapſi, unā interierunt. In eo uerò loco homines ſanè pauci, aſini ac boues quamplurimi reperti ſunt. Hinc Græci diſcedentes ſeptimis caſtris M. paſſ. CC. itinere, in Chalybas peruenerunt, gentē omnium ad quas uenerint fortiſſimam, quæq; manus conſerere non dubitarit. Hi linteis loricis ad imum uſq; uentrem muniebantur: pro plumulis, arctè contortis ſparteis funiculis utebantur. Ocreas iſdem & galeas habebant: de zona Sicula pēdebat inſtar Laconici cultri: ea, quos in poteſtatē redegiſſent, iugulabant, ac præciſis capitibus, cum iſs ſe ad ſuos recipiebāt. Hi quoties in eum locū ueniſſent, unde ſe conſpici poſſe ab hoſtibus putarent, cantu & ſalutatione lætitiā præ ſe ferebāt. Haſta utebantur longa ad cubita XV. unica præfixa cuſpide. Græcis quidem prætereuntis

tereuntibus, intra oppida se continebant, deinde tergum pugna laceſſebant: partim etiam in caſtella ſe receperunt, quô cibaria omnia concluſerant: quare ex toto eorû agro nulla Græcis cibaria ſuppeditarunt. Pecudibus tantû alebantur, quas à Taochis abegerant. Hinc elapſi, ad Harpaſum fluuium peruenere, cuius latitudo nihilo erat minor quàm paß. LXXX. Progreſſi deinde per Scythinorum câpos paß. LXXX. M. quatridui in uicos proximos, ibi triduum frumentandi cauſa cômorati ſunt: quo ex loco, quatridui, paß. LXXX. M. conſectis, ad urbem uenerunt opulentam ac celebrem, cui nomen Gymnias. Hu ius regionis præfectus ducẽ ad Græcos miſit, qui eos per hoſtilem agrum duceret. Hic cum in Græcorum caſtra uenſſet, ſe eos in eam regionem ducturû pollicitus eſt, è qua proximis illis quinq; diebus mare eſſent uifuri: id niſi præſtitiffet, nihil deprecaturum, quin ſe occiderent. Ingreſſus poſtea hoſtium ſuorû fines, igni ferroq; omnia Græcis uanſtanda tradidit: ex quo apparuit, illorû odio, non Græcorum beneuolêtia, tam æquum illum ſe præbuiſſe. Quinto uerò ipſo die in ſacrum montem Græci peruenerunt, cui Teches nomen. Hic cum in montẽ, qui in principijs agminis erant, iam aſcendiſſent, mari cõſpecto clamorem ſuſtulerunt, quo Xenophon, quiq; in tergo erant percuſi, ueriti ſunt ne hoſtes agmen à fronte inuaſiſſent, quandoquidem & à tergo, ab incenſis uillis multi urgebant, è quorû numero nōnullos extremi agminis cuſtodie occiderant, nonnullos item ex inſidijs uiuos ceperant, ac ſcuta ferme XX. hirtorû boum recenti corio contecta eripuerāt. Iam uerò cum increbuiſſet clamor, & inſequentiû ad primos, qui clamaſſent, concurſus fieret, ac eò uehementior cla-

mor fieret, quanto iam plures cum clamore ascendissent: enimuero Xenophonti ea res minimè contemnenda uisa est, quamobrem statim in equum ascendit, assumptoq; Lycio cum equitatu, auxilium laturus accurrit: cum autem propius accessisset, intellexit militum eam uocem esse, mare, mare iterantium, ac se mutuò cohortantium. Iam eòdem triarij accurrebant, eòdem iumenta atque equi agebantur. Cum uerò in ipso iugo iam omnes cõstitissent, colachrymantes præ gaudio, prætores ac centuriones se mutuò amplectebantur. Milites alacres, incertum cuius iussu, lapides in unum congefferunt, ac suggestu extructo, in corio intacta scuta, sudes, cratitios item, quos hosti eripuerant, clypeos collocarunt, quæ dux ipse concidit, atq; ut alij iidem facerent, hortatus est. Tum ducem Græci datis cõmuni impensa donis, remisērūt. Dona fuerūt equus, phiala argētea, ornatus Persicus, Darici ad hæc X. in primis quos ille cupidè petierat, à militibus priuatim annulos complures accepit: ac uico monstrato, quo diuersuri essent, monstrata item uia, qua in Macronas iter facerēt, cum iam ad uespera sceret, noctu iter facturus, à Græcis discessit. Ipsi tridui XL. M. pass. cõfectis, in Macronas per uenerunt. Primo uerò die ad fluuium uenere, qui Macronas à Scythinis diuidit. Macrones regionem dextram tenent, quippe quæ est aditu difficilior: ad læuam aliū amnem habent, in quem is qui eos à Scythinis disiungit, influit: & utrunq; Græcis traicere necesse erat. Posterioris alueus arboribus non illis quidem densis, sed crassioribus cõseptus erat: quas arbores quò celerius possent è loco infesto euadere, Græci strauere. In aduersa ripa cõstiterant acie Macrones cū cratitijs clypeis, lanceis, & è setis con-
 textis

textis tunicis, qui se mutuò cohortati, lapides in flumē cōtra Græcos mittebant : uerū longiore interuallo, quā ut quenquam omnino attingere potuerint. Ibi ē peltatorū numero unus ad Xenophontē uenit : is se Athenis quidē seruitutē seruissē dixit, iam uerò suam se patriam ex hominū uoce agnoscere, ac cupere, si nulli esset fraudi futurū, cū illis colloqui. Impunē, inquit Xenophon, colloquere, & ab his primū quere quinam homines sint. Quod cū ille quæsisset, ac se illi Macronas esse respondiissent : Quære, inquit, rursus, quare cōmoti arma nobis instrāt. Ad quæ illi responderunt, quoniā priores uos fines nostros inuaditis. Atqui, responderi prætores iusserunt, non ut ullis uos damnis afficerent, sed ad mare contendunt, in Græciā redituri. Tunc illi rogarūt, nuūquid ita futurū, fide data sibi uellent cauere. Quinimò & dabitur, & à uobis fidē, Græci responderunt, non inuiti accipiemus. Tum Macrones barbaricā lanceam Græcis dedere, Græci illis græcā. Sic enim illi fœdera patrio ritu sanciebant : deos quidē utriq; suos attestati sunt. His ita actis, Macrones Græcis permisi, arbores cedere, ac uia ut illi celeriter traicerēt, impedimēta tollere : mercatus præterea pro copijs suis, potestātē facere : quin triduò etiā homines deduxerūt, quoad scilicet eos in Colchorū montibus collocarunt. Ibi mons fuit, ille quidē nō insuperabilis, uerū in eo Colchi acie occurrerunt. Quare animaduersa Græci, primū in phalangem cōtracti, aduersum montē subire uoluerūt. Deinde prætoribus uisum de cōmuni cōsilio statuere, quæ pugnandi ratio optima futura esset. Tum Xenophō cēsuit omīssa phalange per directos manipulos ascendendū. Nam cū modò faciliorem, modò uerò difficiliorem ascensum, propter

Fœdera
faciendi mos.

montis anfractus, offensuri simus, necesse, inquit, fuerit phalangem laxari: quæ res nonnihil nostrorū fortasse animos franget, cum ita se scindi uidebūt. Huc accedit, quod si densa phalange hostes adorti fuerimus, illi tanto numero superiores, quacunque in parte maluerint, numero suo utentur: sin laxiore, nihil mirum acciderit, si phalanx nostra cum telorum multitudine, tum hominum undecunq; irruentium impetu, cōcidatur: neq; poterit id uspiam euadere, quin phalanx uniuersa male multetur. Verū optimum fore arbitror, si cum totum agmen in manipulos descripserimus, tantum spaciū occupemus, ut extremi quiq; manipuli, citra utrunq; hostium cornu sint. Nam præterquam quod utrinq; manipuli nostri extra hostilē phalangem erunt, atq; eò minus circumueniri poterunt: simul et illud erit commodi, quod nostrū lectissimi quiq;, quā se uia æquior ostēdet, ea manipulos in ardua erectos ducēt. Neque uerò facile hostibus fuerit, aut in id spaciū, quod in medio relictum fuerit, irrumperere, obsistentibus utrinque manipulis, aut rectā acie procedentes ordines cedere. Quod si cui manipulorū negocium faceissetur, proximus quisq; opem feret: neq; omnino si uel unus in iuga potuerit euadere, quisquam hostium locū suum retinebit. Huic reliqui assensi sunt, ac primū rectos manipulos cōstituerunt. Xenophon cū à dextro in leuū cornu excurrisset, his uerbis milites alloquutus est: Soli iam, inquit, homines hi quos uidetis, nobis impedimento sunt, quò minus eò quāprimū quò cōtendimus, perueniamus. Hos, si quo modo possimus, uel crudos uoremus oportet. Iam suo quisque loco constiterant, ac manipulos in rectā aciem direxerant, qui omnes fuere numero circiter LXXX. milium

litum centenū singuli. Peltatos uerò & sagittarios trifariam diuiserunt, alios sinistrum, alios extra dextrum cornu, alios item in media acie collocarunt. In singulis partibus homines propè DC. His ita constitutis, prætores milites ut rem diuinam facerent, hortati sunt. Tum peractis sacris, uotis nuncupatis, citato pæane, iter ingressi sunt. Chirisophus & Xenophon cum peltatorum globo extra plangem hostium se continebant. At barbari ubi eos primū conspexerunt, obuiam uenere: cumq; in dextrū & læuū cornu se scidissent, multum est in medio spacij relictum. Illos Arcadici peltati, quibus præerat Aeschines Carnensis, cum uidissent in diuersa abeuntes, fugere arbitrati, cursum uehementissimè incitarunt: atq; hi primi in montem ascenderunt, quò Arcadum grauis armatura consequuta est, cui Cleanor Orchomenius præfuit. Hostes cum semel terga uertere cœpissent, nusquam constiterunt, quin alius in aliam partē diffugerent. At Græci iugo potiti, in proximis uicis, qui multi modicis interuallis se obtulerunt, atq; hi quidem rerum omniū copijs abundantissimi, castra posuerūt. In ijs cætera usitata: sed quod miraculo fuit, apum multa fuerunt aluearia, fauis refertissima: ex ijs quicunq; edissent, statim mente cōmoueabantur, ijdemq; & uomebant, & excernebant, neq; stare omnino quisquam poterat. Ac qui minus ederant, temulentis similimi reddebantur: qui plus aliquanto, furentibus: multi etiā moribundis: tam multi autem iacebant, ut ab hostibus fusi uiderentur: quæ res effecerat, ut planè omnes animum desponderent. At postero die eadem ferè hora, qua fuerant eo calamitatis genere affecti, resipiscere cœperunt. Tertio deinde, ac quarto, ut hi solent qui medicamētum potarint, se crexe-

runt. Hinc progressi, bidui M. pass. XXVIII. cōfictis, ad mare tandem peruenerunt, ac Trapezuntem græcam urbem intrarunt, celebrem illam quidem, in Euxini ponti litore, Sinopensium coloniam, in Colchorum finibus sitam. Hic statua XXX. ferè dies in ipsis Colchorum agris habuerunt, quos etiã hostiliter populati sunt. Mercatus Trapezuntij copiam fecere, ac Græcos hospitaliter acceperunt, donis etiã hospitalibus datis, bubus, farina, uino. Pro Colchis autem finitimis suis, qui campos incolunt, deprecati sunt: à quibus sunt item dona missa. Ac boues Græci Ioui Seruatori, & Herculi mactarũt, pro felici ductu gratiam referentes: alijs item dis uota nuncupata. Quin & in eo ipso monte ubi castra habebant, Gymnicos ludos facere, quibus præesse uoluerunt Dracontium Spartanũ, qui domo exulabat, quòd puer adhuc, imprudēs puerũ Laconico cultro percussum occiderat: hũc cursibus ac reliquis ludis præfecerũt. Ac sacris quidem peractis, uictimarum coria ei tradiderunt, ac ut locum designaret, iussere, qui maximè ad cursus idoneus esset. Tum ille locum, in quo tunc constiterant, monstrans: Est hic, inquit, tumultus ubi certent cursu, qui uelint, pulcherrimus. Atqui, dixerunt nonnulli, quæ erit in tam aspero, ac syluoso solo luctandi ratio? Optima, inquit ille: quòd qui deiectus fuerit, uehementius dolebit. Eo ipso igitur in loco pueri quamplures captiui stadium decurrerunt: longius curriculũ Cretenses amplius LX. In primis lucta, cæstus & pancratium, pulcherrimum spectaculũ præbuere. In quibus certaminum generibus, magna fuit inter athletas (ut par est, spectantibus socijs) æmulatio. Equi etiã decurrerunt, sui quos sesso res cogebãtur è superiore loco, per decliuiam usq; ad mare agitare,

agitare, atque inde reflexos, per ardua ad aram, ubi carceres. Multi deorsum agitantes, proni deuoluebantur, quos clamoribus, risu, cohortationibus etiam spectatores prosequerantur.

XENOPHONTIS DE CYRIMINORIS EXPEDITIONE LIBER QVINTUS, Romulo Amasæo interprete.



XPOSITA sunt in superioribus commentarijs, quæ Græci in regis fines duce Cyro progressi, gesserint. Quæ item dum ad mare se reciperent, usquequo Trapezuntem græcam urbem, quæ ad Euxinum pontum sita est, peruenere. Iam uerò concione aduocata, cum de reliquo itinere deliberarent, surrexit primus omnium Antileon Thurius, atq; in hunc modum uerba fecit: Ego uiri fortissimi, satis mihi diu uideor, uasa colligendi, iter pedibus faciendi, currēdi etiam, arma portandi, ordinem tuendi, excubandi, pugnandi, laborem sustinuisse: quo iam penè confectus, cupio cum ad mare tandem peruenerimus, quod reliquum est itineris classe conficere, ac iam persunctus laboribus, procumbens, uti olim Vlysses, atq; adeò dormiens in Græciam appellere. Hæc cum milites audissent, admurmuratione eius orationē comprobauerunt: neq; quisquam omnino ex ijs qui aderant, nō ei assensus est. Tum surgens Chirisophus: Amicus mihi, inquit, sanè est Anaxibius, cui classis his in regionibus imperium obtigit: ad eum si me miseritis, spero cum triremibus, atque ijs nauigijs quibus auehi possitis, me ad uos rediturū. Vos interim, quando nauigare uobis in animo est,

his ipsis in locis, quantisper ad uos redeo, expectate: ac certè redibo quamocyssimè. His illi auditis, uehementer gauisi sunt, ac scitum fecerunt, ut quamprimum ille nauigaret. His ita constitutis, surrexit Xenophon, ac, Chirifophus quidè, inquit, ut nobis nauigia adducat, dimittitur, nos hic cōmorabimur: quæ uerò interea pro tēpore à nobis negocia suscipi oporteat, ipse exponā. Primum ab hostili nobis terra cōmeatus cōparandi sunt: neq; enim hoc, quo nunc utimur, forum satis prolixum est, aut uenaliū rerum, præterquam paucis, copia suppetit. Et uerò si in agrum hostilem nostri ociosius atque incautius excurre-
rint, illud nempe in metu est, ne quamplurimi opprimantur. Cum præsidio igitur, ac certo constantiq; ordine ex-
eundum censeo, atq; ita, ne quoquam erretur, quin salutis extet ratio. Ac nos quidem, qui cæteris præsumus, in me-
dium consulere debemus. Cum essent omnes assensi: Et il-
lud, inquit, considerandum arbitror: suo nunc quisq; arbi-
tratu ad prædā exit. Quanto uerò fuerit posthac rectius,
ut nobiscum, qui exire uelint, id cōmunicent, & quò ituri
sint, indicent: ut cum & qui manserint, & qui item profe-
cti sint, cōstiterit, reliquos cogere, & ijs qui exierint, si res
postularit, opem ferre possimus: cum præsertim incertū
non fuerit, in quam illi partem excursions fecerint. Ac si
qui imperitiū quid attentarint, consilio eos iuuabimus:
atq; ut uires copiasq; eorum, contra quos ierint, explora-
tas habeamus, operam dabimus. Ad hæc & illud uiden-
dum, quòd hostes impunè à nobis prædas agere possunt.
neq; iniuria nobis illi insidias faciunt: eorum enim res nos
habemus. superiores certè illi loco sunt. Optimū itaq; fa-
ctu fuerit, ut dispersiti, uicissim castrorum custodias obea-
mus:

obeamus: sic enim fiet, ut illis de improviso nos adoriri nō liceat. Simul & illud uelim cogitetis: quòd si nobis liqueat Chirifophum cum nauigijs, quamobrem profectus est, ac quā multis opus est, rediturū, nihil sit necesse me quæ iam dicturus sum, dicere. At quia id incertum est, fuerit certè cōmodissimū, ut ex huius loci opportunitate, quā possimus plurima nobis nauigia cōparemus: etenim si sua ille adduxerit, tantò certè his additis, nobis plura suppeditabunt: sin illa nobis præstò non fuerint, his utemur. Aniamaduerto autē multa nauigia præteruehi: quæ si acceptis à Trapezuntijs longis nauibus cōprehendamus, eaq; de tractis etiā gubernaculis, quot nobis sat sint, custodiamus, certè de uectura nihil nos oportebit sollicitos esse. Et hæc nihilo minus, quā quæ antè dixerat, sancita sunt. Quid autem, inquit, an non est ratio ineunda, ut quos nautas detinuerimus, eos quoad nobiscum manserint, communi impensa alamus, suamq; ijs mercedē, ut cum quæstu à nobis discedant, pendamus? In hæc itidē ab omnibus consensum est. Subiecit Xenophō: Quòd si nauigia, quot nobis opus foret, colligere non possimus, imperandum utique censeo maritimis ciuitatibus, ut uias, quæ difficiliores uideantur, nobis muniant: atq; illæ quidē partim metu, partim uerò quòd nos quamcelerrimè cupiant è suis finibus discedere, imperata facient. Hic uehementer est ab omnibus reclamatum, nihil sua interesse uias muniri, quòd nauigandum omnino esset. At ille cum milites intelligeret præ nauigandi cupiditate, à recto consilio aberrare, rem eorum suffragijs non commisit, uerū occultè ciuitatibus persuasit, ut uias munirent: sic enim fore ut celerius multò ex illis locis discederent. Tum nauem remorum quinquaginta à Tra-

pezuntijs acceperunt: ei Laconicum Dexippum, qui tum illis in locis domicilium habebat, præfecerunt. At is nullis nauigijs captis, cum naui extra pontum persugit: neque multò post dignas scelere poenas pendit: nam cū in Thracia, apud Seuthen regem nescio quid nouarum rerum moliretur, est à Nicandro Laconico interemptus. Acceperunt item Græci à Trapezuntijs triginta remorū nauem, cui Polycrates Athenien̄is præfectus est. Hic quasque naues cepit, in castra subduxit: è quibus quæ ad uehendū idoneæ uisæ sunt, ijs amota armamenta, & custodes adhibiti, reliquis ad quotidianas traiectiones utebantur. His ita gestis, prædatum exierunt: ac fuerunt quidem, quibus res ea bene processerit, alij qui nihil omnino profecerint. Cleænetus cum & cohortē suam, & ex alijs unam eduxisset, loci iniquitate ab hostibus circūuentus, cum magna agminis parte periit. Iam uerò cū non esset unde ex tam proximo loco cōmeatus comparari possent, ut eadē die frumentatores ac pabulatores se possent in castra recipere, Xenophon à Trapezuntijs acceptis ducibus, exercitus dimidiam partē in Drilas eduxit: reliquū in castrorū præsidijs esse uoluit. Nam Colchi sedibus suis pulsī in unum cōuenerant, & montium iugis occupatis, de superiore loco in castra impetū facturi uidebantur. At Trapezuntij Græcos non deduxerunt in ea loca, unde sine multo negotio cōmeatū potiri potuissent, propterea quòd amicos lædere noluerunt. In Drilas uerò alacriter duxerūt, à quibus grauius uexari soliti erant, in montana & ardua loca, & aduersus eos, qui bellicis artibus Ponti cæteros accolæ longè anteibant. At Drilæ ubi hostem in finibus uidere, uicis omnibus atq; oppidis, quæ facile expugnari posse putarunt, exustis,

exustis, statim migrarunt: neq; ad prædam Græcis quicquam est relictū, præter paucos sues, boues, atq; alia pecoris genera nonnulla, quæ ignis uim effugerant. Ipsi in suarum urbium maximā ac munitissimā, undecunq; confluerunt. Erat ea accessu difficilima, quippe quæ prærupto alueo obstructa erat. Hic peltati, cum grauem armaturam V. uel VI. stadijs præcurrissent, conspectis gregibus, atq; item copijs multis, alueum superarunt, ac proximè ad oppidum accesserunt. Eos hastati multi, qui frumentatū exierant, secuti sunt. Fuerunt qui tunc alueum traiecerunt ad bis M. Qui castellum frustra capere conati (erat enim lata fossa incinctū, et in ulteriore aggere sudes præfixi, lignæ uerò turres in ambitu multæ) pedem referre uoluerūt: uerum oppidani à tergo urgebant. Nostri igitur cū euadere non possent, quòd non plures quàm singuli in alueum descendere poterant, ad Xenophontē, qui graui armaturæ imperabat, statim extruserunt, qui nunciaret castellū omnibus copijs fertissimū esse: uerum neq; capi posse, neq; sine maximo periculo retrocedi, propterea quòd & hostes eruptionē fecissent, & uia difficilimos exitus haberet. Quæ cum audisset Xenophon, ad alueū suas copias duxit: ibi grauem armaturā iussit consistere. Ipse cum centurionibus traiecit, ac loci naturam situmq; speculatus, animo aliquādiu incerto fuit, pedem ne referret, an uerò eos etiā iuberet transire, quos in ulteriore aluei ripa reliquerat. Illud quidē certē dubiū non erat, non posse sine multa suorum cæde discedi, nisi oppido potiti essent. Posse autē expugnari, & centuriones existimabant, & ipse extorum significationibus adductus, illis assentiebatur: aruspices enim prædixerant acrem pugnam, uerum qualē optarent.

exitum fore. Centuriones igitur, ut grauem armaturā adducerent, remisit. Ipse interea cetratos in unum locū cōēgit, atque illis, ut se à iaculatione continerent, edixit. Vbi uerò grauis armatura adfuit, centuriones iussit centurias quenque suas non alia forma instruere, quā qua eas ad pugnam aptissimas fore iudicaret. Erant enim cum eo hi omnes centuriones, inter quos perpetua fuerat de uirtute æmulatio. Cum centuriones paruissent, tum peltatos cum amentatis telis procedere iussit, ut dato primum signo, iaculari possent. Sagittarios item cū applicatis ad neruum sagittis, quò simulac significatum esset, sine mora telum in hostem dirigerēt. Ad hæc, uelites iussit lapidibus scorteos uidulos refertos habere: dimisit autem idoneos homines, qui hæc ne negligerentur, curarent. His ita cōstitutis, centuriones, succenturiones, quiq; illis uirtute nihilo deteriores ut uiderentur, laborabant, in acie constiterūt, ac se mutuò intuebantur: erat enim pro loci natura aciei species pulcherrima. Pæane autem citato, cum tubæ cecinissent, martium clamorem uniuersa grauis armatura sustulit, ac cursu in hostem contendit: eodemq; impetu missilia, spicula, sagittæ, è fundis, è manibus etiam quamplurimi emissi lapides: fuerunt etiam qui accensas faces intulerint. Ibi hostes præ telorū multitudine turres ac uallum deserere coacti. Quo factum, ut Agasias Stymphalius, & Pelcneus Philoxenus, armis abiectis, cum tunica in oppidum ascenderint, atq; ex eo alius alium eodem pertraxerit, multi suo per se nisu ascenderint, ac planè captum esse oppidum uidebatur. Peltati equidem, & leuis armatura huc illuc concursantes, quæ poterant diripiebant. At Xenophon cum ad portas constitisset, quoscunq; poterat grauis armaturæ milites

milites aditu prohibebat: hostes enim in arduis superiorū montium iugis alij conspecti fuerant. Interea intra mœnia clamor exortus, quòd qui ad rapinas cupidius concurrebant, partim abiecta praeda, partim etiam acceptis uulneribus fugiebant, ac se ita, ut in fuga sit, trepidātes, in ipsis portarum angustijs trudebant. E quibus cum causa fugæ quæreretur, responsum est, ex interiore quadam arce magnum hostium numerum in palantes impetum fecisse. Ibi Xenophon Tolmidem præconem iussit pronunciare, ut qui iam uellent quid capere, arbitrato suo introirent: tum certatim omnes irrupere: quo impetu egredientes reiecti sunt. Hostes in eo iugo cœpti obsideri: quæ in castello reperta sunt, direpta omnia, atq; exportata. Grauis quidē armatura partim ad uallum, partim in uia qua ad iugum iter erat, in armis confedit. At Xenophon cum centurionibus de arce capienda cōsultabat: una hæc enim se ostendebat salutis spes, neq; erat non difficilimum alia ratione euadere. Hic rebus omnibus circumspectis, planè statuerunt arcem eam expugnari nullo pacto posse: quare cum uniuersum agmen ad discessum spectaret, propugnacula ad quæ quisq; confederat, demoliri ceperunt. Iamq; minus ad agendam prædam idoneos, & magnam grauis armaturæ partem emiserant, & eos duntaxat quorum uirtute plurimum confidebant, centuriones in præsidijs collocarant, cum repente magnus hostium numerus cum uimineis scutis, hastisq; ocreis, ac Paphlagonicis galeis, ex insidijs eruptiōe facta, domos eas occupauit, quæ in utraque eius uiæ parte erant, quæ ad arcē ducebat. Neq; uerò nostris tutum erat eos inuadere sub ijs portis, quibus arx imminebat, illi enim magnas trabes deiecebant: erat itaq;

& profectio, & mansio periculosa. Nox in primis terro-
 rem afferebat. Nostris autē nō pugnantibus magis, quā
 quid in ancipiti loco deprehensi agerent dubitātibz, deo-
 rum nescio quis, salutis uiam monstrauit. Ex ijs enim ædi-
 bz quæ in dextera uiae parte erant, unæ subito igni corre-
 ptæ sunt: neq; unde is immissus esset, apparuit: qui quidē
 eō irruerāt, statim dilapsi sunt. Res fortuita Xenophon-
 ti salutare consilium attulit, quando quidem è re nata, læua
 in parte quæ erant ædes, omnis incendi iussit: quod sanè
 minimo negotio factum est: erant enim domus illæ omnes
 lignæ. Atq; ea quidem etiam pars ab hostibus confestim
 relicta est: soli iam metuebātur, qui in fronte erant, in ipsis
 uiae faucibus: neq; dubium erat, quin simulac nostros ex-
 euntes iam, ac descendentes conspexissent, à tergo urge-
 rent. Iubet hic Xenophon eos qui ab hostibus telis peti nō
 possent, undecunq; ligna in eum locū, qui medius relictus
 erat inter Græcorum agmen & hostes, comportare, atq;
 ubi satis multum iam lignorum comportatum, ignem sub-
 iji, ac proximos etiam circa uallum ædes comburi, quò
 scilicet hostes medijs ignibus intercluderentur. Hac ratio-
 ne è difficili loco uix euaserunt. Oppidum totum, arce ex-
 cepta, & quicquid domorū fuit, eo arsit incendio. Postero
 die Græci cōmeatibus onusti recesserunt. Cum Trapezun-
 tem redeundū esset, ne in descensu maximè decliui & an-
 gusto ab hostibus urgerentur, metuebant. Quare simulatis
 insidijs, hostem eludendum sibi putarunt. Suscepto igitur
 negotio, Mysus quidam & patria, & nomine, assumptis
 quatuor aut quinque Cretensibus, in condenso loco subse-
 dit, quasi hostem ex insidijs inuasurus. Illorū uerò peltæ,
 eminus è diuersis partibus cum aræ essent, coruscabant.

Qua

Qua specie hostes territi, nostros persequi ausi non sunt. Interea nostrorum agmen descendit. Mysus ubi nihil iam esse amplius simulatione opus intellexit, signū suis dedit, ut quammaximè possent, citato cursu fugerent: & ipse simul è latebris erumpens, & qui cum eo erant, se in fugam dedere. Alij, cū se ne hostis cursu assequeretur metuisissent, de uia discedentes, in syluam quampiam se è proximis saltibus deuoluerunt, atq; ita seruati sunt. Mysus fugiens, de uia suis clamabat, sibi ut opem ferrent. Neque illi non præstò fuerunt: saucius Mysus intra suos receptus est, & qui opem tulerant, cum de superiore loco telis grauitèr uulnerarentur, pedem retulerunt. Fuerunt tamen è Cretensisibus unus & alter, qui sagittas in hostes miserint. Postremo cuncti incolumes in castra redierūt. Ibi cum neq; redisset Chirifophus: neq; naues, quam multis opus erat, in promptu essent: nec cōmeatus unde sibi compararent iam haberēt, discedendū sibi statuerunt. In nauis itaq; ægros omnes, & XL. annis maiores, impuberes, & mulieres, ac impedimentorum quicquid minus usui futurum uidebatur, cum imposuissent, atque ei classi de prætoribus natu maximos Philesum & Sophænetū præfecissent, reliqui omnes pedibus, quā erat iam uia munita, profecti sunt. Tridui quidam Cerasuntem, quæ ad mare Græca urbs est, Sinopensum colonia, in Colchorum finibus, peruenerūt. Hic dies X. permanserunt: per quos totius exercitus censu habito, censa sunt armatorum octo M. D C. Hi è decē ferè millibus reliqui fuere: cæteri partim ab hostibus cæsi, partim niuib; ac morbo consumpti. Hic etiam pecuniam de captiuis collectā partiti, eam quæ decimæ nomine aut Apollini, aut Ephesiæ Dianæ uota fuerat, consecrandam præ-

tores acceperunt. Chirifophi partem, Neon Asinaeus accepit. Xenophon primum de manubijs donum Apollini Delphico in Atheniensem thesauro dedicauit, suo & Proxeni, qui cum Clearcho occiderat, hospitii sui nomine, inscriptum. Deinde cum ex Asia cum Agesilao in Europam aduersus Boeotios traiceret, ac praelij aleam, quod ad Coroneam factum postea est, sibi subeundam intelligeret, quam Dianae debebat pecuniam, eam apud Megabyzum deæ ædituum deposuit, pactus ut eam ille sibi redderet, si belli periculum effugisset: sin aliter cecidisset, ex ea, ut quod doni genus iudicasset deæ gratissimum fore, dedicaret. Quare cum Xenophon è praelio discessisset incolumis, ac Sciluntem migrasset, quod oppidum Lacedæmonij coloniam non longè ab Olympia deduxerant, ita fortè accidit, ut Megabyzus ad Olympiam spectandi gratia ueniens, Xenophonti depositum redderet. Ea pecunia Xenophon, ubi oraculum iussit, agrum mercatus est: eum agrum Sellenus fluuius præterfluit. Et sanè eodem nomine fluuius Ephesi, propter Ephesiæ Dianæ templum fluit, ac uterq; pisces & conchas alit. Hic autem uicus, quem Sciluntem appellatum diximus, ferarum omnium quæ indagine capiuntur, copiam habet luculentam. Templum Xenophon, & aram, ex eadem pecunia erexit. Sacrum deæ è decumis fructuum eius agri, qui quauis anni parte perciperetur, faciebat. Dies festi ciuium ac finitimorum cum uirorum tum foeminarum frequentia celebrabantur. Ipsa quidem dea conuenis suis frumenta, uina, stipēs, bellaria administrat. Ad hæc ipsam ratam extorum, & uenationum partem elargitur. Nam Xenophon, eiusq; liberi, atq; item ciuium multi, ac deniq; ex quocunque hominum numero, qui uelint, dies aliquot in uenationibus

nibus, ad nundinarū copiam augendam, consumunt. Cap-
piuntur autē cum è sacro agro, tum uerò ex Pholoë, quæ
non longè abest, apri, capreæ, cerui. Locus is ea in uia est,
qua itur à Lacedæmone in Olympiā: longè abest ab Olym-
pij Iouis stad. non amplius XX. In eo saltus & montes
sunt arboribus condensi, ubi sues, oues, capellæ, equi etiā,
latissima habent pascua: ac inde pastiones eorum qui ad sa-
cra uehuntur, ueterinis largissimè suppeditāt. Incingitur
ædes luco pomiferis arboribus conuestito, in quo nullum
desit, pro sua tempestiuitate, escariorum fructuum genus.
Aedes ipsa, operis forma, pro rata quidē portione, Ephe-
siæ Dianæ templo similima. Deæ etiam signum, quod cus-
pressinum est, ab aurei illius similitudine, sola recedit ma-
teria. Ante templum pila erecta est, in qua incisæ literæ,
Sacrum esse Dianæ agrum. Qui possideat, atq; ex eo fru-
ctum capiat, annonæ decimam illum deæ soluere, reliquū
in sarta tecta conferre oportere: deam ipsam, qui se frau-
darit, uindicaturam. Sed ut unde digressa est oratio, reuer-
tatur. A Cerasunte ea pars exercitus, quæ iam antè naues
conscenderat, mari, reliqui pedibus iter fecerunt. Atq; hi
quidem cum in Mosynæcorum fines uenissent, Timesi-
theum Trapezuntium illorum hospitem præmittunt, qui
ex illis quærat, malint'ne Græcos tanquā amicos, an uerò
tāquam hostes in fines ingredi. At illi nihil id sua interesse
responderunt, quippe qui locorum situ maximè confide-
rent. Tum Timesitheus Græcos docet, esse his cum eiusdē
nominis populis, qui in ulteriore ponti littore essent, per-
petuum bellum: quare cōmodissimum Græcis uisum est
fore, si cum illis belli societate coniunxissent. Ad eos itaq;
cū Timisitheo prætores ueniūt: ad quos Xenophon codē

Timesithco interprete, in hunc modum uerba fecit: Nos Mosynœci, pedibus in Græciam contendimus: neq; enim classe possumus, cum naues præstò non sint. Atenim uia nobis ab ijs, qui uobis etiã (sic enim audimus) hostes sunt, intercluditur. Potestis igitur, si uelitis, uobis nos socios asciscere, atque illos uos unquam si iniuria affecerunt, ulcisci, ac in posterum cogere, in uestro ut sint officio ac potestate. Quòd si præsentem conditionem respueritis, uideate ne tanti postea exercitus opem desideretis. Ad hæc, qui summũ in Mosynœcis magistratum gerebat, sibi probari ea quæ ille dixisset respondit, neq; ullam in se firmandæ societatis moram futuram. Tum Xenophon: Qua, inquit, in re opera nostra usuri estis, cum socios nos uobis ascueritis? aut in uia difficultate superanda, quid in auxilio uestro spei nobis positum esse potest? Nos, illi inquit, in communium hostium fines, hinc simul, atque istinc, ope uestra freti, facîle inuadere possumus. Vicissim uerò uobis in castra homines & naues mittemus, qui & in pugna, cum opus fuerit, socij, & in uia duces esse poterunt. Atq; his quidem conditionibus, fide data utrinq; & accepta, societas inita est. Postero die Græci ad suos redierunt: quos lintres CCC. sequuti, in singulis terni homines: è quibus duo descenderunt, ac se in Græcorũ ordines cum suis armis inseruere: singuli cum singulis nauigijs domum reuersi sunt. At qui remanserant, in centurias, quasi totidem in choros descripti, quadratũ agmen, ueluti in quinque cuncem direxerunt. Læua manu cetram alborũ bouum hirtis corijs intectam, hederacei folij forma, dextra iaculum tenebant cubitũ senum: in cuius summa parte cuspis erat, ima pile formã habebat. Tunicis induti tam densis erant, quàm

quàm sunt lectorum culcitrae: eae summis genibus terminantur: galeis coriaceis capita munierant, quales ferè Paphlagonicae sunt, in quarum uertice spirula in tiara modum eminebat: ijdē uerò & ferreas habebant securiculas. Ex his cum unus progredi cœpisset, cum cantu cæteri, in numerum ingredienti, cum per Græcorum medios ordines atq; arma sequuti sunt: ac rectà quidē in hostes profecti, ad castellum quoddam oppugnādi causa, qua parte id facilimè capi posse uidebatur, accesserunt. Erat id ante urbem eam, quæ regia Mosynœcorū appellabatur, quæ fuit imperij quasi arx: quam qui tenuissent, facile toto Mosynœcorum imperio potiri posse uidebātur. Eam urbem aiebant socij nō iure, sed ui ab hostibus occupatā teneri, cum antè cōmunis imperij sedes esset, ac eius maximè præsidio fretos, totius sibi gentis dominatū uindicasse. Sequuti illos sunt è Græcis etiā nonnulli, non illi quidē à suis prætoribus instructi, sed qui fortuito agmine atq; incerto ordine ad prædā aduolarant. Neq; uerò se hostes prius mouerunt, quàm nostros uiderunt ad castellū quamproximè accessisse. Ibi eruptione facta, cupidius progressos in fugam uertunt: de barbaris quamplurimos, de ijs etiam qui cum illis ascenderāt Græcis, aliquot trucidant: neq; antè insequi destiterūt, quàm Græcos animaduertere ad opem suis ferendam accurrere: tunc quidem retrocesserunt. Cæsorū uerò, quæ dedita opera absciderant, capita Græcis ac gentilibus suis, saltantes, ac patrio ritu carmina modulantes, ostentabant. Enimuero Græci casum hūc molestissimè tulerunt, tum quòd hostes elatos sequundo rei euentu intelligebant, tum quòd fugā fecerant Græci, ac tam quidē multi cū fuissent, quod in tota expeditiōe atq; itinere

non antè contigerat. Hic Xenophon mœrentes Græcos in unum conuocat, atque his eos uerbis affatur : Nihil est milites, quamobrem casu inopinato perculsi, animis deficiatis : quin uos ea ex re, quæ tam præter animi sententiã accidit, plus multò cōmodi, quàm mali extitisse existimare debetis. Primùm enim satis liquidò perspicitis, eos qui duces nobis itineris futuri sunt, reuera hostili esse in hostes nostros animo. Deinde, qui neglecto ordine imperioq; nostro, se barbaris in pugna pares futuros confisi sunt, hinc re infelicitè gesta, cum temeritatis suæ poenas dederint, exemplo cæteris esse possunt, nō esse ullo pacto à præscripto ordine discedendū. Agitè igitur uiri fortissimi, ita uos comparate, ut socij uos multò se quidem meliores esse intelligant : hostibus uerò planum faciat, cum alijs iam sibi uiris negociū esse, quàm hi fuerint, quos nuper omisso ordine, quasi palantes fuderint ac cæciderint. Hæc ille. Exercitus uerò cunctus reliquum eius diei quieti dedit. Postridie sacris peractis, ac corporibus curatis, cum iam pulcherrimè litatum esset, prætores ita agmen instruxerunt, ut Græcorū manipulis in dextro, barbarorū in leuo cornu collocatis, aciem dirigerent : sagittarios inter directos manipulorū ordines disponderent, ita tamen, ut paululum grauis armaturæ frontem antecederet. Etenim expeditos hostium milites, quò minus excurrētes in nostros lapides mitterent, oppositis sagittarijs & peltatis coërcendos putarunt. Hi igitur anteibant, reliqui pedetentim promouebant. Ac primùm in eum ipsum locum uentum est, unde pridie eius diei barbari, & qui se cum illis coniunxerant, pulsi fuerant. Eo in loco hostes acie constiterant. Qui cum primam peltatorum impressiōē acriter pugnantes sustinuis-
nuissent,

nuissent, graui deinde armatura propius accedente, terga dederunt. Eos peltati fugientes, in aduersum montem insequuti sunt, usq; ad urbis ipsius moenia, cum interea ser-uato ordine grauis armatura succederet. Ibi in unum con-gregati hostes, pugnam instaurarunt, ac sparos, & præ-longas ac tam ualidas hastas cum haberent, ut eas singuli homines haud facile tractare posse uiderentur, eas eminus in hostē mittere conabantur. At enim cum Græci non mo-dò nihil cederent, sed alacrius etiam urgerent, hinc etiam deserto præsidio hostes effusissimā fugam fecere. Eorum rex ipse, quem illi in eminentissimo urbis loco publicè ale-bant, è suis præsidijs deduci uiuus non potuit, neq; hi etiā qui in castello inferiore deprehensi sunt. Quare fuerunt omnes cū suis domibus, quas è lignis extructas, Mosynos appellant, igni cremati. Græci dum omnia diriperent, cel-las inuenere patrio more ædificatas, panibus in frusta di-uisis refertissimas, quam penū annonæ superioris esse Mo-synoeci dictitabant. Hornas etiam fruges cum ipso culmo conditas, inter quas zææ magnus numerus fuit. Præterea in ampohris è delphinorum carnibus salsamēta, atq; eo-rundem adipem in testis, quem illi ad usus eosdē, ad quos oleū Græci, reponere consueuerant. Iuglandiū magna est reperta in tabulatis copia, atq; hæ forma erant quā uul-gares latiore: nucleus nullo erat lignæ membranæ diuor-tio interseptus. His elixis Græci pro pane utebantur. Vi-num etiam non defuit: uerū eiusmodi erat, ut si quis me-zurum biberet, acidū penè præ nimia austeritate uideretur: iam uerò dilutū, saporis esset & odoris suauissimi. Græci cum cibo refecti essent, urbe socijs tradita, profecti ex eo loco sunt. Ac dum iter facerēt, hostilia oppida, quæ diffi-

ciles accessus nō habere uisa essent, præteribant: ea tamen socij occupare non negligebant. Castella quidem passim per eos montes, stad. LXXX. plus minus, interuallo inter se distabant: & sanè ultro citroq; missæ uoces utrinq; exaudiri poterant, quod efficiebat non solum ædita, sed crebris etiam uallium sinibus concaua regio. Iam uerò cū in sociorū fines uenissent, ostentabant illi diuitum ac beatorum parentum liberos optimè curatos, non alio tamen cibo, quàm elixis nucibus enutritos. Corpore eos quidem mollissimo & candidissimo, proceritate ac reliqua habitudine propè pares, quorum & terga & pectora Anthemij flore picta, crebrisq; notis distincta erant. Viri ipsi, eorum quæ castra sequebantur scortorū congressus appetebant, neq; patriæ mos, quin propalàm cupiditati suæ obsequeretur, prohibebat. Par erat maribus ac fœminis corporum candor. Atq; hos proculdubio omnium ad quos uenissent, maximè barbaros, atq; à Græcorū moribus uiuendi ritu dissidentes, milites nostri iudicarunt, cum in frequentissima celebritate ea facere nihil uererentur, ad quæ pleriq; omnes solitudinem ac latebras quærere consueuerunt: quin & ea, quæ ne remotis quidem arbitris faciunt paulò pudentiores, ipsi in cœtu ac multitudine faciebant: secum loqui, ridere, subsistere, atq; ubicunq; libitum esset saltare, & quidem eo gestu, ut alios indicare uiderentur. Inter has gentes Græci partim per hostilem, partim uerò per pacatum agrum mansionibus octo ad Chalybas perueniunt. Infrequens ea gens, & sub Mosynæcorum imperio, omnes ferè sibi è ferri metallis uictum cōparant. Hinc ad Tibarenos uenere, quorum est ager campestris maximè. In eo castella aliquot ad mare, parū sanè munita. Hic prætores

prætores in animo habuerunt, ad ea hostiliter accedere, quò præda exercitus calamitates leuarent. Quare missa à Tibarenis dona nō statim acceperūt, ac sibi consultandū, ijs qui ea attulerant, responderunt, accipienda essent nec ne. Cæsis autē hostijs, disq; per exta consultis, monuerunt uates, belli eius susceptionē deos minimè approbare. Donis igitur acceptis tanquam per pacatum agrum bidui ad Cotyorum, Græcam ciuitatē, Sinopensium coloniam, in Tibarenorū tamen finibus sitam, peruenerunt. Ad hunc usq; locum Græcorū exercitus, ab eo prælio quod ad Babylonem factum est dum ad mare descenderēt, uiam confecerant Persica dimensione parasangarū DC. & XX. Græca uerò, stadiūm decies octies mille uiginti. Romana, milliariū circiter bis mille quadringentorū & octoginta. Mansiones fuere CXXII. in quibus menses octo consumpti. Cotyori dies XLV. cōmorati, primū sacra dis persoluere, deinde in gentes descripti, pompas traduxere, ludos Gymnicos fecere. Cōmeatus interea partim ē Paphlagonia, partim ē Cotyoritanorū pagis sibi cōparabant: illi enim neq; in foro mercatum præbuerāt, neq; ægros intra mœnia receperant. Dum hæc aguntur, Sinopenses, cum uehementer metuerent ne quid Cotyoritanorū ciuitas detrimenti caperet, præsertim cum agrū uexari, ac populationibus infestū reddi intelligerent, ac non modò ad suam fidem atq; officium putarent pertinere, à se oriundā ciuitatem tueri: sed propemodū etiam uestigalia sua, quæ illis ea ciuitas pendebat, agi uiderent, legatos deprecandi causa ad Græcos mittunt. Hi cum in castra uenissent, Hecatonymus, qui unus ex illis erat, uir dicendi laude clarus, huiusmodi oratiōe usus est: Nos, uiri fortissimi, Sinopensium

ciuitas huc misit: primum, ut uos merito laudum honore afficiamus, propterea quod multis uictorijs à uobis declaratum est, quantum uirtute Græci barbaris antecellāt. Deinde, uobis ut ex animo gratulemur, quod è difficilimis rebus grauissimisq; casibus sospites huc euaseritis. Quod reliquum est, pro ea quæ nobis uobiscum intercedit græci nominis cōmunionem, uos obtestamur, ut malitis beneficio nos deuinctos habere, quàm iniuriæ ullo genere lacescere. Neq; enim uobis nos priores unquam quicquam incōmodi importauimus. Cotyoritani, in quorū nunc finibus cōmoramini, à nobis in coloniam deducti sunt, à nobis ademptum barbaris agrum acceperūt: proq; eo nobis uectigal, eodem quo Cerasuntij & Trapezuntij iure pensitant. Quare non possunt hi ullam à uobis calamitatem accipere, quin ea in nos etiam ipsos redundet. Ac nūc de uestro exercitu nonnullos audimus, per uim in oppidum ingressos, in ipsis ædibus castra habere: neminem uerò esse, qui è proximis pagis quicquid usui sit, inuitis dominis non auferat. Hæc à uobis maiore in modum deprecamur. Quod si nihil profecerimus, cogemur certè & Corylan, Paphlagoniæ præfectum, & quodcunq; potuerimus hominū genus, societate nobis atq; amicitia adiungere. Cum finē dicendi ille fecisset, surrexit Xenophon, atq; ita pro cunctis militibus loquutus est: Nos enim uero Sinopeneses, nō male nobiscum actum existimamus, quod uita dūtaxat, armisq; seruatis, huc euadere potuerimus. Cōmeatus & quæ usui futura erant cætera, quibus cum hoste tam sæpe cōgrediendū esset, aut portare aut trahere nullo pacto potuimus. Atenim cum primum græcas urbes attigimus, foro eo usi sumus, cuius nobis à Trapezuntijs copia facta est: neque

alieni

alieni quicquā sine precio sumpsimus. Et sanè pro eo, quē nobis habuerunt, honore, proq; hospitalibus, quæ ab illis accepimus, donis, gratiam illis retulimus. Nam & eorum amicis pepercimus, & quā maximis potuimus detrimentis hostes affecimus, illos nempe quocunq; nos duxere sequuti. Quæras autem de ipsis licet, quales erga se nos fuerint experti: adsunt enim, quos ipsa nobis ciuitas publicè, pro amicitia nostra duces dedit. Nos quidē, quoties hi ad quos uenimus, cōmeatus nobis non dederunt, ut ab egestate nos atq; inopia uindicaremus, undecunq; potuimus, nihil interessē putātes, barbarorū, an ne Græcorum fines essent, quæ nobis usui fuerunt, sumpsimus. Neq; uerò Carduchos, Chaldæos, ac Taochos, bellicosos illos quidē, & feros populos, qui nec ipsi regi parent, aliā ob causam ad arma contra nos capienda impulimus, quā quòd cū ab illis non præberentur quæ ad uictum erant necessaria, ea nos inuitis eripere cgebamur. At Macronas, quòd nobis quod habuerunt forum, expositū, & apertum esse uoluerunt, pro amicis habuimus, neq; quicquam ab ijs ui abstulimus. Quòd si nunc à Cotyoritanis, quos in officio ac potestate uestra esse dicitis, aliquid sumpsimus, ipsi in culpa fuerunt, qui tantum absuit, ut nos amicos agnouerint, ut clausis portis, neq; nos intromiserint, neq; extra muros quicquam quod emere possemus, miserint: cuius rei causam ipsi in prætorem uestrum conferunt. Quòd uerò querimini, per uim nos esse in oppidum ingressos, ac in ipsis domibus castra habere: nos certè rogauimus, ut ægros tantū reciperent intra moenia: quibus cum illi portas non aperirent, quid in eos aliud per uim fecimus, quā quòd ea ipsa parte irrupimus, qua nos illi non admittebāt? Aca-

gros in eorum ædibus collocauimus: at illi suo se sumptu
 alunt. Ad portas præsidium constituimus, nempe ne sint
 ægri nostri in prætoris uestri potestate, atq; ut arbitrato
 nostro tollere eos possimus. Cæteri, ut uidetis, omnes sub
 diuo tabernacula habemus, ordines tuemur, arma in prom
 ptu sunt, quò scilicet quamfacilimè & ijs qui de nobis be
 ne mereantur, gratiam referre, & qui nos laceſierint, ul
 cisci possimus. Quòd uerò interminatus es, Corylæ Pa
 phlagonum præfecti, uobis contra nos auxilia non defutu
 ra: si necesse fuerit, & uobiscū, & cum illo pugnabimus,
 quando cum maiore, multis quidē partibus hostium manu
 sæpiſſimè belli fortunam experti sumus. Atqui neq; nobis
 ad Corylæ societate erit aditus interclusus: cum etenim au
 dimus ad maritimam oram, & ad agrum urbemq; uestrā
 animū adiecisse. Hunc igitur nihil impedit, quin eum nos
 ad ea quæ expetit, occupāda iuuemus. Hæc Xenophon.
 Hecatonymo uerò, quòd esset acerbius loquutus, irasci se
 collegæ eius, taciti quodāmodo significabant. Atq; hic ex
 ijs unus in medium procedens: Non bellum, inquit, indi
 cturi huc uenimus, sed potius ad amicitiam uos, atq; hospi
 tiū inuitaturi. Ac si Sinopen ueneritis, uos certè intra mœ
 nia recipiemus: nūc socijs imperabimus, ut quarū possint
 rerum uobis copiam faciant. Veram enim orationem ue
 stram fuisse iudicamus. Post hunc sermonem, & Cotyori
 tani dona hospitalia ad exercitū misere, & Græci duces le
 gatos mensæ suæ adhibuerunt, ubi multa quæ res, tēpusq;
 postulabat, colloquuti sunt: Græci de reliqui itineris tota
 ratione quæſierunt. Vtrinq; ea postulata sunt, quæ ex usu
 cōmodoq; essent. Atq; his sermonibus dies exemptus. Po
 ſtero die, conuocatis in unum militibus, prætores de toto
 itinere,

itinere, legatis præsentibus deliberant. Etenim si pedibus iter faciendū esset, cōmodissimū fore putabant illos duces habere: sin classe traijciendū, solos eos esse, à quibus quantum toti exercitui sat esset, nauigiorum accipere possent. Vocatis itaque legatis, ad eos rem, de qua agebatur, retulerunt: atque eos rogarunt, ut Græci cum essent, sibi item Græcis, beneuolentia atq; optimè consulendi studio, quæ certissima amicitiae pignora, ne deessent. Surrexit ibi Hecatonymus, & à purgatione exorsus, se quæ de Paphlagonibus adiungendis dixisset, non eò spectasse dixit, ut bellū Græcis minitaretur: uerū ita illa accipi uoluisse, cum barbarorum amicitia uti possent, illam se Græcorum causa facile neglecturos. Iam uerò quòd me, inquit, de uestro itinere consulitis, deos omnes contestor, ac precor, si uobis quod optimum duxero consiliū dederò, multa mihi ut ex uoto eueniant: sin aliter, aduersa ut mihi sint omnia. Deuoui me iam, inquit: atq; hoc quidem est, quod sacrū consilium dicitur. Nam si is fuerit, quē opto, consilij mei euentus, mihi omnes gratiam habebitis: sin aliter ceciderit, è uobis certè non decrunt, qui me diris persequantur. Equidē illud nihil dubito, si nauibus profisciscamini, curam nobis nō paruam suscipiendā, ut sit uobis parata classis. Quòd si pedibus iter facietis, uestro uobis marte, cū ijs qui se opposuerint, erit præliandum: dicam tamen quæ uobis arbitror conducere. Mihi & Paphlagonum regio tota, & populi opes notæ sunt. Regio ipsa & campis pulcherrimis, & altissimis montibus prædita est: ac primū aditus habet difficilimos, inter montes diuisa, in duo quasi cornua: uia maximè ardua, hac utique ingredimini necesse est. Quòd si eas fauces pauci homines obsederint (neq; est enim mul-

Paphlagoniæ situs.

tis opus) illis inuitis, quantacumq; copiae fuerint, penetra-
 re non poterunt. Atque id ita se habere ex ipso loco osten-
 dam, si quem de uestris eò mecum miseritis. At si in cam-
 pos descenderitis, ibi equitatū offendetis, quem hostes re-
 gio equitatu multò meliorem ducunt: atq; eo maxime con-
 fisi, nuper euocati à rege, non sunt ad eum profecti, quan-
 do & horum rex, illi certè animi elatione par est. Quòd
 si uel clàm penetraueritis, uel priores angustias occupaue-
 ritis, ac ipsos in campis equites praelio uiceritis: pedestres
 etiam eorum copias, quarum numerus nihilo est minor,
 quàm hominum uicies centena, & amplius uiginti millia,
 fuderitis, ad flumina certè uobis perueniendū fuerit, atq;
 ad Thermodontem primū, cuius latitudo cum sit pass.
 LX. quàm facile eum traicere uobis liciturū sit, hostibus
 praesertim & à fronte resistentibus, & à tergo urgenti-
 bus, non est profectò difficilè existimare. Ad Irin deinde,
 cuius eadem omnino latitudo est: tum ad Alyn, qui cū sta-
 dia ipsa duo, quā latus est pateat, hunc certè sine nauibus
 nunquā transmittetis. Nauium uerò ecquisnam uobis co-
 piam factururus est? Iam uerò Parthenius, ad quem uenietis,
 si Alyn traieceretis, nihilo is certè quàm hi, quos ante no-
 minaui, facilius transiri potest. Ego mehercule his omni-
 bus de causis terrestre iter, non modò difficiles exitus ha-
 biturū, sed planè interclusum uobis fore arbitror. Quòd
 si nauibus profisciscamini, primū Sinopen appelletis, il-
 linc Heracleam: ab Heraclea, siue classe, siue pedibus reli-
 quum itineris conficere malitis, neutra uobis facultas de-
 futura est, cum ea ciuitas nauium luculentam sanè copiam
 habeat. Hæc cum ille dixisset, non defuerunt qui uel Cory-
 læ gratia, cuius hospes erat, uel precio adductum, ita lo-
 quuntur

quutum suspicarentur : existimarunt alij cauiffe illum Sinopensum agris, ne scilicet detrimentis afficerentur, si Græcorum copiæ per eos transirent. Quæcunq; tamen ei in dando cōsilio mens fuerit, sciuerūt certè Græci suffragio suo mari eundum esse. Tum Xenophon Sinopenses, inquit, milites nostri uestram in deligendo itinere auctoritatem sequuti sunt : sed hæc quidem decreti nostri summa est : Si nobis ea fuerit nauium copia, ut ne unum relinqui necesse sit, classe utemur : sin aliqua nobis exercitus pars relinquenda est, naues neutiquam conscendemus : satis est enim illud nobis persuasum, integris copijs ubiuis gentium, neque commeatus nos desideraturos, neque de salute unquam in dubium uenturos. Quòd si hostibus multò fuerimus numero inferiores, necesse certè fuerit tanquam mancipia, illorū nos imperata facere. Hæc cum illi audissent, ut his de rebus ad ciuitatem suam legatos mitterent, hortati sunt. Missi sunt Callimachus Arcas, Ariston Atheniensis, Samolas Achæus, ac hi cum Sinopensibus profecti sunt. Interea Xenophon cum in Græcorum copias intueretur, grauem armaturam sanè amplam, cetratos multos, multos item sagittarios ac funditores, equites præterea qui propter longiorem in Ponto commorationem, ex locorum peritia, ad res gerendas aptiores essent : ac planè intelligeret, non posse talem exercitum parua pecunia in posterum Græcis comparari : optimum factu duxit, eo tempore, eisq; copijs, uti ad Græcorum opes augendas, ac coloniam quampiam deducendam. Quam neque paruam fore putabat, cum ad Græcorum numerum è Ponti accolis multos accessuros existimaret. Qua de re cum per exta deos consulendos

taret, prius quàm quid in animo haberet, cum quoquam de suis communicaret, ad Silanum Ambraciotem uatem, quo Cyrus usus fuerat, totam cogitationem refert. Ille enim uero, qui nihil mallet, quàm celerrimè transmittere, quò Daricos ter mille à Cyro olim acceptos, propter illam de X. diebus prædictionem, adhuc incolumes in patriam deportaret, quod de Xenophonte audierat, profert: addit Xenophontem gloriæ, potentiæq; suæ studentem, operam daturum ut exercitus in Ponto maneat. Hæc ille. Ex militibus uerò erant sanè multi, qui præ se ferreret, putare se non alienū id fore rationibus suis: sed multò maior pars totum consiliū repudiabat. Timasion quidem Dardanensis, & Bæotius Thorax cum mercatoribus quibusdam Heracleoticis ac Sinopensibus congressi, illis denunciant, fore ut, nisi exercitui stipendium eorū ciuitates pendant, & commeatus classi curent, omnes Græcorum copię in Ponto maneant. Illud enim, inquit, consiliū inquit Xenophon, atq; in eam ut nos sententiā adducat, operā dat: ac cum iam naues præstò fuerint, sic nobiscum opior aget. Iam Græci neq; cōmeatus, neq; nauales copias amplius desideramus. quid igitur? Nihil omnino iam impedit, quin aut domū redeuntes, nostros quibus rebus potuerimus, iuueamus, aut nouas nobis in quauis Ponti parte, quam latè in ambitū patet, sedes diligentes, in his ipsis locis maneamus: quare me quidem autorem, uel domum, qui uelit, abeat: uel maneat, qui suis ita conducere rationibus arbitratur. Naues certè, quo uobis cunque cōtendendum statueritis, iam non sunt defuturæ. Hæc ubi mercatores audierunt, ad suos deferunt, & cum illis unà Timasion Dardanensis, Erymachum itidem Dardanensem, & Thorax

Thoracem Bœotium mittit, ut ijsdem de rebus eas ciuitates doceât. Re audita, Sinopenſes & Heracleotæ per nuncios agūt cum Timafione, ipſe negocium ut ſuſcipiat: atque ei pecuniam ſe, ipſius arbitratu, daturos ſpondēt, ubi primum claſſe exercitus proficiſci cœpiſſet. Id ubi ille accepit, in militum conuentu ita loquutus eſt: Nihil neceſſe eſt, milites, de mãſione cogitare: quid enim tanti eſt, quod pluris quàm Græciã facere debeamus? Atqui audio eſſe, qui hac ipſa de re deos per exta conſulant, ac nihil ad uos referant. Ego uerò uobis, ſi hinc ſolueritis, ab ipſo menſis initio polliceor Cizycenum unum, menſtruũ ſtipendium ſingulis: & uos quidem in Troadem deducam, unde ſum in exilium pulſus: ibi ex mea uobis patria multa ſuppettent commoda: neque enim inuiti me ciues mei recipient. Deducam etiam uos in ea loca, è quibus pecuniam ſanè multam cogere poteritis. Nulla enim eſt mihi uel Aeolidis, uel Phrygiæ, uel Troadis, totius denique Pharnabazi imperij ignota pars, neq; ob id magis, quòd in illa ſum natus regione, quàm quòd Clearcho & Dercyllidæ ſtipendia feci. Tum Bœotius Thorax, cui perpetua fuerat cum Xenophonte de prætura contentio, hoc amplius addidit: ſi è Ponto ſemel exiſſent, in eorũ poteſtate Chersonesum, pulchram illam quidem & opulentam regionẽ futuram, in qua uel conſisterent, uel domum ſi ita mallent, quamfacilimè ſe ex ea conferrent. Ridiculum uerò eſſe, cum in ipſa Græcia agrum maximum & fructuoſiſſimum poſſidere poſſent, ad barbarorum fines ſpectare. Ego, inquit, etiã ipſe, cū eò perueneritis, uobis perinde ac Timafion, ac quantũ ille, ſtipendiũ polliceor. Atq; hæc ille fidenter dicebat, quòd quæ Heracleotæ, ac Sinopenſes Timafioni

promiserant, si ut exercitus è Ponto discederet effecisset, non ignorabat. Haftenus Xenophon, tacitus hanc in se concitatam inuidiam tulerat. Sedenim cum Philesius & Lycon Achiui consurrexissent, & graue sibi uideri affirmassent, quòd cum esset Xenophon antè priuato cõsilio ad manendum milites adhortatus, ac ea etiam de re diuinam rem fecisset, neque quod in animo haberet ad exercitum retulisset, eundem iam neque in præsentia pro concione quicquam purgandi sui causa agere. Hic ille criminosis eorum uocibus coactus ad dicendũ surrexit, atque hunc in modũ loquutus est: Ego milites pro uestra meaquẽ salute, non desino deos per sacra consulere, ac precari, ut quæ in mentem uenerint aut dicere, aut facere, ea uobis cunctis, mihiquẽ bene ac feliciter eueniant. Atque hoc ipso tempore ob id ipsum sacra feci, ut extis monëtibus intelligerem, utrum esset satius, an uobiscũ ea de re agere, quæ mihi in mentem uenerat, an uerbum omnino nullum facere. Enim uero Silanus aruspex consulenti mihi respondit, bona, quod caput est, exta esse: sciebat enim non esse me omnino eius rationis, quæ ad exta pertinet, ignarũ, quippe qui sacris multum interesse cõsueuerim. Tantũ dixit, occultos in me ipsum dolos, atque insidias significari: argutè ille quidem, qui iam cogitaret criminando me apud uos, in inuidiam uocare. Quod ad eos autem sermones attinet, quos de me uulgauit, equidem quantisper profectio nis præsidia ne uobis deessent ueritus sum, unde illa suppeditarent, nullum unquam cogitandi tempus intermisi. Ac sanè uobis expediturũ existimaui, urbem aliquam capere, ex qua proficiscerentur, qui id mallent: aut statim, aut tum demum cum eas sibi copias cõparassent, quibus
suos

suos quisque facile iuuare posset. Iam uerò cum mitti uobis ab Heracleotis & Sinopensibus naues uideam, & certos esse homines, qui stipendiū uobis polliceantur ab ipso mensis initio, nihil fieri posse arbitror elegantius, quàm si incolumes in patriā restituti, cū ipsa incolumitate mercedem etiam accipiamus: ac ipse quidem pristinam cogitationē meam missam facio, & planè ijs omnibus qui me hac de re conuenerunt, respondi, me à sententia illa deductum: sic enim statuo, quoad uester iste exercitus integer fuerit, neque gloriam uobis, neque ullum cōmodorum genus defuturum. In uictoria est enim eorum bonorū quæ in hostium antè potestate fuerant, uindictio. Quòd si hæc copię dilabantur, cōminuanturq; neq; uos arbitror comeatuum cōpotes futuros, neq; satis honestè ex his locis discessuros. In Græciam igitur primo quoq; tēpore classe contendendū censeo: ac si quis hic manserit, aut suos deseruerit, antequam uniuersum agmen in pacatis tutisq; locis constiterit, hostis illum loco habendū. Hæc qui sua sententia rata esse uelit, manum tollat: manum cuncti sustulerunt. Hic Silanus aruspex reclamare, ac docere uelle, ius fasq; esse unicuiq; quocunq; uellet, à reliquis discedere: sed enim est eius oratio omniū militum clamore interpellata, qui sunt etiam homini interminati, se in illū acriter animaduersuros, si fortè fugientē retraxissent. Heracleotæ ubi compertū habuere, de discessu scitum factum esse, nauigia miserunt illi quidē: de pecunia uerò quam in exercitus stipendium Timasioni ac Thoraci promiserant, planè à fide data descuerūt. Quare inopinata re percussī, qui in eam spem milites adduxerāt, metuere cœperūt, ne quis ab irata multitudine in se impetus fieret: quod pe

riculum cū deuitare uellent, assumptis ijs prætōribus, qui
 bus cū res fuerat antè cōmunicata (qui planè omnes erāt,
 præter Neonem Asinæum, qui absente Chirifopho subro
 gatus fuerat) ad Xenophontem ueniunt: Mutasse se aiunt
 sententiam, iamq; nihil consultius Græcis fore arbitrari,
 quàm si intra Phasin nauibus ingressi, Phasianorū agrum
 occuparent. Regnabat tunc in Phasianis Aeëtæ filius. Ad
 hæc respondet Xenophon, se non esse hac de re cum ex
 exercitu amplius acturum: ipsi, si ita uideretur, militibus in
 concionē uocatis agerēt. Timasion Dardanensis negat se
 pro cōcione ea de re uerba facturū: sed centuriones suos
 quenq; conuenturū, durosq; operam ut singillatim eos
 in hanc sententiam adducant: quod sanè ut re ipsa effice
 rent, elaborarunt: ac milites iam de suis cēturionibus rem
 cognorant. At Neon Xenophontē criminari, quod præ
 tores in suam sententiam induxisset, ac iam illis assentien
 tibus Græcos decipere meditaretur, quos nō in Græciā,
 sed intra Phasis ostia deducturus esset. Id enim uero mili
 tes iniquissimo animo ferebant, ac coetus iam fieri, & in
 usitati militum circuli: ex quo nonnihil erat metuendum,
 ne in prætores uim facerent, neq; alio penè modo quàm
 antè in Colchorū caduceatores, & annonæ præfectos, è
 quibus qui ad mare confugere non potuerunt, lapidibus
 obruti sunt. Quod ubi sensit Xenophon, nō expectandū
 ratus usquedum tumultuose ultro cōcurrerent, milites in
 concionem uocandos putauit. Dimissis itaq; præconibus
 uniuersos adesse iussit. Ac illi sanè simulatq; denūciatum
 est, cupidissimè conuenerunt. Hic Xenophon de præto
 ribus qui se conuenerant, nulla mentione facta: Audio, in
 quit, milites, nonnullos esse, qui me apud uos in inuidiam
 rapiant

rapiant, cum dicant operam me dare, ut intra Phasim uos dolo circumuentos deducā. Audite nunc me, per deos immortales uos obtestor, ac deinde si me scitis decretisq; uestris fraudem ullam facere iudicaueritis, nihil deprecor, quin antequam è uestro conspectu discedā, de me supplicium sumatis. Sin eos, qui me criminātur, planè cognoueritis id dare operam, ut per me calumniam euertant: illis, quam postulat hominum huiusmodi ingenium, fidem habetote. Neminè omnino uestrum esse opinor, qui ubi sol oriatur, atq; ubi idem occidat, ignoret: aut qui non planè norit, eos qui in Græciam nauibus eant, ad occasum nauigare: contrā uerò ad ortum, qui in Asiam cōtendant. Equis obsecro in re tam perspicua uobis imponat? persuadeatq; & ibi oriri solē ubi occidit, rursusq; occidere quā in parte oritur? Atqui et illud scimus omnes, aquilones in Græciā, austrum ad Phasim nauigantibus sequundū esse. Nam & inter uos illud crebrò usurpatur, flare nunc aquilonē: nauigia si parata essent, uehi uos in Græciā sequundissima tempestate posse. Quis igitur tam ad fallendū callidus & paratus, ut soluat is austro flante uos inducat? At uos tunc nimirum conscendere iubebo, cum à uentis fuerit tranquillum mare. Atqui non pluribus ego nauibus quā unā uehi possum, & uos ut minimum singulas naues in cohortes descripti occupabitis, quī possim igitur uos cogere, ut inuiti me sequamini? Sed esto, decepti à me, & quasi præsigijs quibusdam circumuenti, Phasidis ostia unā mecū intretis: quid cum iam descenderimus? ex ipso regiōis habitu nō intelligetis credo, nō esse eam Græciam. Ibi unus ero qui uos decepero: uos uerò decepti, ad X. millia hominum armati: & possim ego existimare me

uobis meritas poenas non daturum? aut in quem unquam animaduertetur, si non in eum, qui sibi ipsi, ac uobis simul male consuluerit? At sunt, mihi credite, hi sermones non stultorum magis, quàm inuidentium, quòd uident mihi à uobis honorem haberi: quo sanè nominè nō iurè mihi illi inuident. Cui enim ego obfisto, quò minus aut quæ rectè sentiat, liberè dicat: aut pro uobis, si uelit, pugnet: aut postremò res uestras uigilantia studioq; suo tueatur? Iam uerò cui ego aduersor, quin imperia suffragio uestro consequatur? Per me quiuis imperet licet, modò ut appareat antiquissimam illi uestrorum esse cōmodorum rationem. Atq; hæc quidem mihi contra maleuolorū crimina dicta sint. Quòd si quis uel se decipi iudicat, uel aliū quemuis, prodeat, & uos apertè doceat. Nunc cum de his satis, nō antè uobis censeo discedendum, quàm quæ nuper acciderunt, cognoscatis: quæ si latius, uti coeperunt, serpsierint, uobis primo quoq; tempore salutare quodpiam cōsiliū ineundum existimo, ne flagitiosissimi omnium ac turpissimi reperiamur, ac in deorum atq; hominum, neq; magis hostium, quàm amicorum offensionem incurramus. Hæc cum audissent milites, quidnam hoc esset admirati, rem ut explanaret rogarunt. Hic rursus Xenophon: Scitis, inquit, in barbarorū hisce montibus uicos esse in Cerasuntiorum fide, è quibus ad nos certi homines descendere, et uictimas uendere, atque alias huiusmodi res, quibus ipsi abundarent, soliti fuerant. Vestrū etiam existimo nonnullos in proximū uicū aliquando nundinandi causa uenisse. Id cum Clearatus cēturio animaduertisset, ac planè uideret uicum eum & parū esse, & nullis firmatū præsi dijs, quòd à nobis incolæ nihil plus, quàm ab amicis metuebant,

tuebant, noctu cū nihil nostrū cuiquā ea de re dixisset, eō diripiendi spe impulsus contendit. Statuerat autem si uicum cepisset, neutiquam amplius in castra redire: sed cum eius contubernales naui fortè proximum littus legerent, in eam praeda omni imposita, è Ponto aufugere: atque eius consilij ijdem, quod nunc demū intelligo, contubernales participes erant. Quoscunq; igitur potuit ad facinoris societate adducere, cum ijs ad uicum oppugnandum perrexit. Sedenim cum non potuisset ante lucem eō peruenire, patefactis insidijs, tota ea uicinitas ad propulsandam iniuriā concurrat, ac de superiore loco missilibus ac gladijs nostros reiecerunt: è quibus & Clearatū, & ex eius cohorte non paucos occidere: multi Cerasuntē confugere. Atq; hæc eo ipso die gesta sunt, quo nos pedibus huc mouimus. Erant ex ijs qui adnauigabant nonnulli, qui Cerasunte nondū soluerant: cum interea, quemadmodum Cerasuntij narrant, ex eo uico uenere legati tres de natu maximis, ad exercitū nostrum à suis missi: quē cum illic nō offendissent, apud Cerasuntios mirari se planè dixerunt, quid ita nobis in mentem uenisset sibi bellum inferre. Eos se docuisse aiunt Cerasuntij, non esse id commissum publico consilio: ac illos cum id audissent lætatos, fuisseq; ad nos nauigaturos, ut de tota re nos docerēt, atq; ut cadauera, si reperissemus, ad sepulturam concederent. Id cum rescissent, qui paulò antè ex illa clade Cerasuntē aufugerant, obseruato legatorū itinere, & ipsi priores in eos lapides iecerunt, & alios ut iacerent incitarunt. Tris itaq; legati, grandes iam natu, lapidibus obruti sunt. Hæc cum ita se haberent, ueniunt ad nos Cerasuntij, ac rem totam renunciant. omnes quidē prætores uehementer com

moti sumus. Interea uerò dum de Græcis sepeliendis con-
 sultantes, cū Cerasuntijs extra præsidia nostra staremus,
 de improviso ad aures tumultuosissima uox perfertur cla-
 mantium, cæde, cæde, iaci, iaci: ac simul multos incursan-
 tes uidemus, quorū partim lapides iam arripuerant, par-
 tim humo tollebant. Cerasuntij nēpe, qui quæ paulò antè
 apud se acta erant, adhuc quasi in oculis ferebant, cū tre-
 pidatione & cursu ad naues confugiunt: & planè ex ipsis
 fuerunt etiā, qui à nobis nonnihil metuerent. Ego ad illos
 tamen accedens, quid rei esset quæsiui. Quorū multi pla-
 nè quid agerent nesciebant, cum lapides tamen manibus
 tenerent: nactus tandē hominē rei non ignarum, ex eo au-
 dio, ab annonæ præfectis exercitū iniuriosissimè tracta-
 ri. Atq; interea Zelarchū, qui è præfectis annonæ unus
 erat, quidam ad mare confugientem conspiciatus, magna
 uoce cæteris signum dedit: uniuerſi uerò, nō aliter quàm
 aprum aut ceruum uenatores solent, hūc sunt insequuti.
 At Cerasuntij in se impetū fieri arbitrati, cum illos uide-
 rent aduersum se currere, statim terga uertētes, nō prius
 à cursu destiterunt, quàm se in mare abijcerent: quò &
 de nostris nonnulli irruerunt, ac planè omnes qui minus
 natare sciebant, periere. Quid autem eos peccasse puta-
 tis? id sanè metuerunt, ne illi in se quasi in canes rabie in-
 citati ruerent. Quòd si in his cōniueamus, facile existima-
 re potestis, qui sit status futurus uniuerſi exercitus. Penes
 uos certè non erit amplius, aut suscipiendi contra quos
 uelitis, aut ubi uisum fuerit, finiēdi belli autoritas: sed pri-
 uato cōsilio quilibet, quocunq; uoluerit copias ducet. Ac
 si qui populi ad nos, uel de pace, uel quauis alia de re lega-
 tos miserint, eos erūt qui antè opprimāt, quàm quid affe-
 rant

rant cognoscere possumus. Ad hæc, prætores uestris suffragiis creati planè in ordinem redigentur. Etenim quicumq; arbitratus ducem legerit, ac uocem illam usurparit, iaci, iaci, is nostrum quemuis, siue ducem, siue gregarium militem nactus, uti nunc cõtigat, furoris sui comitem, indemnatum de medio tollet. Ac nunc quid sit actum ab hisce, qui se autoritate sua prætores crearunt, considerate. Zelarchus annonæ præfectus, si quid commisit impunè, abiens iudicium subterfugit. Sin uos ille nihil omnino lesserat, ueritus ne paucorum impetu sine ullo iudicio opprimeretur, fuga salutis suæ cõsultuit. Iam uerò qui legatos lapidibus obruerunt, nos planè solos è Græcis Cerasunte excluderunt, nisi fortè armis irrumpere conemur. Nam quod ad nostrorum cadauera attinet, quæ illi ipsi, qui cædem fecerant, ultro nos tollere ad sepulturam iuebant: ea certè, ne caduceum quidem præferentibus, repetere satis tutum futurum est. Quis enim ad illos audeat cum caduceo uenire, quorum caduceatores occiderit? Atqui Cerasuntios ut cæsos sepelirent rogauimus. Hæc igitur rectè ne, atq; ita uti ius fasq; sit gerantur, uos existimate. Nam si ita uisum fuerit, priuatim sibi quisq; ab hac hominum insolentia cauebit, ac quocumq; uenerit, ut superiore ac munitiore loco tabernacula habeat, operam dabit. Sin ferarum hos esse mores, non hominum statuitis, cogitare debetis quæ sit futura huius licentiæ coercendæ ratio optima. Nam, ut nunc res est, qui aut rem diuinam facere bona cum spe, qui deorum fidem ac religionem tam impiè ac nefariè uiolarimus: aut cum hostibus alacriter ac fidèter pugnare possumus, qui nostros tam crudeliter opprimamus? Vel quæ nos ciuitas recipiet, cum nostra fuerit omnibus testata immanitas? Et

quis nos iam ad forum suum admittet, quos rescierit nulla uerecundia absterritos, quin socios grauissimis iniurijs affecerimus? Postremò neq; laudē opinor amplius, cuius fuimus semper maximè appetentes, ullam consequemur: quis enim talibus unquam hominibus laudis ullum genus impertiatur? Nos certè, satis scio, improbos ac sceleratos appellaremus, quos huiusmodi culpæ affines fuisse intelligeremus. Hic omnes una uoce acclamarūt, in autores grauiter ac seuerè animaduertendū: atq; in posterum uidendum, ne quis impunè tantū facinus susciperet: ac quicumq; suscepisset, fraus ut ei capitalis esset. Iudiciū his de rebus ac de omnibus iniurijs, quæ à Cyri interitu ad eum usque diem factæ fuissent, à prætoribus ut cōstitueretur. Iudicandi potestas centurionibus permissa est. Ad hæc, Xenophontis hortatu, atque ex aruspicum responsis, placuit exercitum lustrari. Lustrum conditū est: tum, ut prætores præteriti totius temporis rationē redderent, decretum est. Atque in ea reddenda, Philesius & Xanthicles repetundarum damnati, quòd è Gaulitica pecunia, quam seruandam acceperant, minas XX. suppilassent, tantundem rependerunt. At Sophænetus quòd prætor declaratus, munus recusasset, X. minis multatus est. Iam uerò Xenophontem erant nonnulli qui iniuriarum arcesserent, se ab eo pulsatos crimini dātes. At ille eum, qui primus id obiecerat, id primū rogauit, quonam in loco se cæsum quereretur. Quo in loco, respondit ille, frigore penè examinati, ac niue plurima oppressi fuimus. Enimuero in tanta hyemis, inquit Xenophon, quantā ipse prædicas, asperitate, cum & cibaria deessent, ac ne tantum quidem uini haberemus, ut uel ipso eius odore recreari possemus: huc adde

adde tam multis de nostrorū numero iam fractis labore,
et propè confectis, hostibus uerò assiduè argentibus: eo,
inquam, tempore, si quem iniuriæ ullo genere laceßiui,
non possum non confiteri, uel asinis me, qui esse dicuntur
omnium quadrupedum inuerecūdisimi, inuerecundiorē
fuisse. Verūm dic quæso, quid me ut te caderem impulit?
De tuó ne quid petij, quod quia non dederis, te pulsarim?
An meum quid repetij? An de amoribus mihi fuit ullum
tecum certamē? An uerò uinolentus in te bacchatus sum?
Horum cum ille nihil in causa fuisse respondisset, rursus
Xenophon: Quid, inquit, tu in grauī ne armatura, an in=
ter cetratos fuisti? Neutrum, respondit ille: sed contuber=
narium iussu, quanquam liber sum, mulum agebam. Hic
illum agnouit Xenophon: Ac tu, inquit, ille es qui ægro=
tum hominem auehendum susceperas? Quid ni? tu enim
cogebas, respondit ille, qui contubernarium etiam meorū
impedimenta dissipasti. Et cuiusmodi fuit, inquit Xeno=
phon, dissipatio? Diuisi alijs illa comportanda. Quæ cum
ad me postea relata fuissent, tibi ea reddidi, simulac homi=
nem mihi, quem auehendum acceperas, ostendisti. Atque
uti res se habuerit, audire operæ premium est. Vir quidā,
quòd præ corporis infirmitate ingredi nō posset, relictus
fuerat: eum ego hætenus noram, quòd unum de nostris
esse sciebam. Hunc coëgi ut illum iumento impositū aue=
heret: sequebantur enim, si rectè memini, hostes. Nihil ho=
rum ille negauit. Quid autem, inquit Xenophon, nōne
cum te præmisisssem, cum extremo agmine ueniens, offen=
di foueam aperientē, ut in eam illum miserum abijceres?
ac proximè quidem accedens, te prius collaudaui, quòd
animam illum iam egisse putabam. At cum multis circum

stantibus, erus adduxisset, exclamassentq; qui aderant, uiuere illum: dixisti tu, quoties uoluisti, Hunc ego hinc non aueham. Atque ibi ego te pulsaui, non inficior, quòd planè mihi uisus es nihil dubitasse uiuere illum. Sed quid, inquit ille, minus fortasse mortuus est, posteaquam illū tibi reddidi? Sedenim, inquit Xenophon, & nos moriemur omnes, an idcirco uiuos defodi æquum sit? Hic est uehementer ab omnibus acclamatum, leuius illum quàm pro merito cæsum. Tunc alios dicere iusserunt, ob quam eorū quisq; causam pulsatus esset. Cum nemo iam uerbū faceret: Ego, inquit Xenophon, multos me fateor pulsasse, quòd ab illis ordinē deferi uidebam: quibus, si cōseruato ordine pugnassent, quoties ita res tulisset, satis esse poterat, si uestra maximè opera salui essent. At illi, cum maiorem quàm uos prædā assortare cuperent, sæpius excurrabant: quòd si idem fecissemus omnes, planè periissemus omnes. Quin si torpentem aliquem ac desidientem offēdissem, quiq; se ultro hostibus præ inertia dediturus uideretur, illum ego pulsabam, seq; erigere ac progredi iuebam. Ex meipso enim intelligebā, in magna hyemis acerbitate desidēdo tanto inertiora ac pigriora corpora reddi: qui si fortè paululum cōmoratus essem, ut sit, eos qui sarcinas colligerent expectans, sentiebam crura præ frigore obtorpescere. Meo itaq; periculo doctus, ubi se quē pigritiæ dedentem, ac quasi frigore stupentem uidissem, illum ego cōmouebam, quòd intelligerem motu, ac uirili quadam corporis exercitatione, recalescere membra, & humorem euocari: contrā uerò efficere quietem & tarditatem, ut sanguis quasi gelu concretus intabescat, atq; ex eo, quod ipsi multis accidisse scitis, pedum digiti obri-
gescant.

gestant. Sed & alium, quem fortasse inertia, ac torpore contractum, per quem neque principia agminis progredi, neque strenuè sequi poterant qui in tergo erāt, pugno uerberaui, ne hasta uidelicet ab hostibus cōfoderetur. Atque his quidem omnibus licet per me seruatis, si quid se læsos putant, à me pœnas repetere. Quòd si in hostiū potestatem uenissent, quid tam graue essent passi, ut eo nomine eum, à quo uiolati essent, iudicio persequi possent? Postremò, si ut illis bene consulerem, fui in plectendo seuerior, nihil recuso, quin ijs eas dem pœnas, quas liberis parentes, pædagogi pueris: quandò & medici grauius laborātes, utilitatis causa urunt & secant. Quòd si me existimatis petulātia impulsū horum quenquam pulsasse, illud uobis attendendū est, quòd multò nunc prosperiore (quam dis gratiam habeo) quā per illa tempora, fortuna utor, quodq; quare confidā, plus iam est, ac plus certè uini bibo, neque tamē quenquam pulso, propterea quòd sequundiore uos quasi tēpestale uti uideo. Quid enim turbulentis tēpestatibus, concitato mari, nōne uidemus irasci ijs qui in prora sunt, proræ magistrum: ijs qui in puppi sedent, gubernatorem, illi si quid uel in leuissimis rebus ad nutum minus respicientes, offenderint? ob eam nempe causam, quòd minima tunc peccata facile omnia perdere ac pessundare possunt. Quid dicam & uos tunc tacitè iudicasse, iure illos à me cedi? Nam qui non suffragia tunc, sed arma habentes circumsistebatis, poteratis sanè, si ita uisum esset, iniuriam propulsare: sed neq; cuiquam auxilio fuistis, neq; mecum in peccantes animaduertistis: atq; id minimè fuit ex usu uestro futurū. Ex eo enim improbißimus quisq; uobis conuiuentibus, existimauit liciturū sibi,

quem uellet iniuria afficere. Nihil enim dubito, quin si hominum facta notare uoluissetis, eosdem fueritis tunc ignauissimos, ac nunc petulantissimos cognituri. Atque huius rei documentum in promptu est. Boiscus pugil Theſſalus, illis temporibus nos incusabat, quod se cogeremus cum labore summo, scutum ferentem iter facere: idem nunc, uti ego audio, Cotyoritanorum quamplurimos spoliavit. Hunc uos pro uestra prudentia, longe aliter quam canes tractare debetis: nam ferociores quidem canes plerique interdum uinciunt, noctu dimittunt. Hos uos, si quod æquum est feceritis, nocte uinctum tenebitis, interdum solutum dimittetis. Illud uero uehementer miror, uestrum quenquam, si qua in re se à me læsum putet, meminisse id, neque omnino reticere: at si aut contra frigoris uim aliquid reperi, aut hostium aduentum multò antè nunciaui, aut morbo laborantes uel inopia subleuaui, nemo id omnino recordatur: neque si quem etiam benemeritum laudaui, aut pro facultate mea honore ac præmijs affeci. At quāto fuit iustius, quantoque optabilius, ac magis pium, beneficiorum potius, quàm iniuriarum meminisse? Ad hæc surrexere uniuerſi, ac se memores esse testificati sunt. Atque in posterum inita ratio est, ut multò omnia cōmodius gererentur.

XENOPHONTIS DE CYRIMINORIS EXPEDITIONE LIBER SEXTUS, Romulo Amasæo interprete.



Inſequenti dein tēpore Græci, quandiu in illis locis commorati ſunt, partim ex foro, partim uerò ex præda, quam è Paphlagonum finibus agebant, ſibi uictum quaſierunt.

runt. Verum nostros etiam, Paphlagonēs, aut dissipatos
facile spoliabant, aut paulò à castris longius tabernacula
habentes noctu oppugnabant. Quo factum est, ut ex mu-
tuis iniurijs, hostili iam inter se animo essent. Interea Co-
rylas, qui tum Paphlagonibus imperabat, legatos ad Græ-
cos mittit, pulcherrimis equis, ac preciosis uestimentis e-
gregiè ornatos. Hi à Coryla renunciant, nō esse illū Græ-
cis iniuriam facturum, modò ut ipsi etiam desinant cum
eo hostiliter agere. Quæ cum audissent prætores, de his
se rebus exercitum consulturos responderunt. Hospitali-
ter quidem illos acceperunt: inuitarunt etiam ex eorum
comitatu honestissimum quenq;. Cæsis uerò bubus, de ijs
quos abegerant, atq; alijs hostijs, satis opulente sunt con-
uiuati: lecti fronde strati sunt: poculis sunt in potando cor-
neis usi, qualia scilicet in ea regione inuenire. Icto autem
fœdere, cum pæanem citassent, Thraces prius surrexere,
et ad tibiam armati saltarunt: atq; altè quidem à terra se,
summa cum agilitate attollebant, gladios tenentes, quibus
ita alter alterum uerberabat, ut planè omnes hominē per-
cussum existimarent: sed erat ea ludendi ars quædam. Pa-
phlagonēs uerò clamorem tollebant: sed ex gladiatoribus
illis erat, qui arma iacenti detraheret, deinde Sidalca (qui
patrius illis cantus fuit) cantans abiret. Item qui aliū iam
mortuum efferret, cum et ille nulla ex parte nō mortuus
uideretur. Aenianenses deinde, et Magnetes in medium
processere, eamq; saltationē in armis saltarunt, quam pa-
tria uoce Carpæan appellant. Hic eius ritus fuit. Eorum
unus armis proximo loco positis, bobus iunctis serit, ac se
sæpius tanquā metuens conuertit. Insequitur prædo, quo
ille conspecto arma illicò corripit, atq; ante iugū pugnat.

Atq; hæc ad tibiæ certum numerum aguntur. Postremò prædo ille hominē uincit, ac boues abigit. Nonnunquam etiam arator prædonem cōprehensum, post terga reuinctis manibus, cum bobus ipsis coniunctum agit. Post hos Mysus prodijt, utraq; manu peltas tenens: ac primū ita saltauit, ut eos qui cum aduersarijs duobus depugnāt, imitari uideretur. Deinde uerò peltas, quasi contra unū duntaxat proijciebat, mox se circumagebat, peltasq; ueluti alterna quadam manuum prolusione uibrabat, ut planè ea saltatio spectantibus pulchra contigerit. Postremò comploxis peltis, Persico more saltauit, ac in genua procumbens, se rursus erigebat: atque hæc etiam ad tibiæ modos fiebant. Consequuti sunt Mantinenses, & Arcadium alij, qui quamelegantissimè ad speciem armati, & ipsi in numerum, præcinente tibia, uti hi solent qui armati saltant, ingrediebātur: ac pæane citato nō aliter saltabant, quàm in deorum supplicationibus fieri consuevit. Hic Paphlagonēs cōmoti sunt, quòd neminem uidebāt nisi armatum saltare. Quod cum animaduertisset Mysus, ac Paphlagonas ea saltationis forma territos intelligeret, ex Arcadibus cuidam persuasit, ut saltatriculam mimam, quam ille habebat, in medium produceret. Quam cum bellissimè exornasset, atq; ei leue scutum dedisset, illa summa corporis agilitate Pyrrhicam saltauit. Cui cum esset magnus ab omnibus plausus datus, quæsierūt Paphlagonēs, nunquid mulieribus etiam in pugna uterentur. Imò, Græci responderunt, hæ sunt quæ regem à castris reiecerunt. Atq; hic fuit eius noctis finis. Postero uerò die legatos in castra prætores produxerunt: abi scitum à militibus factum est, sibi in posterū cum Paphlagonibus pacem esse expedire:

ac legat

ac legati tunc abierunt. Græci cum iam naues adessent, neq; pauciores quàm opus erat, conscenderunt: ac relictæ ad leuam Paphlagonia, diem eum atq; item noctē sequundiſimo uento uſi, poſtridie Armenen appulerunt, qui uicus in Sinopenſium ditione eſt. Sinopenſes ipſi in Paphlagonicis finibus ſunt, Mileſiorum coloni. Hi Græcis munera hoſpitalia miſere: farinæ medimna ter mille, uini amphoras M.D. Atq; huc Chiriſophus cum triremibus uenit: quem cum boni aliquid allaturū milites putarent, cupidē expectabant. Ille uerò nihil omnino attulit: id unum renunciauit, ab Anaxibio nauarcho, atq; item alijs omnibus uehemēter Græcos laudari, atq; eundem Anaxibium Græcis polliceri, ſi è Ponto exiſſent, ſtipendium ſe illis daturum. Exercitus Armenæ dies quinque commoratus eſt. Cumq; ad Græciam propius accedere ſe intelligerent, ibi iam ea cogitatio homines ſolicitos habere cœpit, quī ſecū domum aliquid aſſerrent. Ad continendū autem in officio exercitum, rem multò accommodatiſſimam exiſtimarunt, abrogato tam multis ducibus imperio, ad unum duntaxat ſummam poteſtatem deferre: quòd illum uniuerſi ſequuti, uel die, uel nocte, aut quod opus eſſet capere, aut cælare, aut poſtremò anteuertere, multò poſſent faſcilius ac celerius. Quantum enim temporis multorū inter ſe conſultationibus impendi ſolitum eſſet, id ſi unius mādatis obeūdis daretur, multò certè plus profici poſſe. Adhuc enim omnia multitudinis ſuffragijs, prætoribus rogantibus, ſcita fuerāt. Id cum omnes approbaſſent, atq; in Xenophontem maximè ſtudia hominum propenderent, illum centuriones adeunt, ordinum animum, ac uoluntatem exponunt: ac pro ſe quiſq; ſummam in eum be-

neuolentiam declarantes, delatum ab exercitu honorē ut suscipiat, rogant. Hic Xenophon cum secum cogitaret, magno id sibi honori fore, ac nomen suum cum apud amicos, tum apud ciues multò fore illustrius ac gloriosius: ac fortasse illas copias, ductu suo rem posse multò præclariorius gerere: enimuero uehementer ad negociū capeffendum incitabatur, ac nihil iam malebat, quàm se imperatorem summa potestate renunciari. Contrà uerò cū in mentem ueniret, incertiſſima esse homini rerum euenta: ac timeri etiam posse, ne partam iam gloriam aliqua offensione perderet, non poterat consilij exitum reperire. In tam ancipiti deliberandi quasi momento, deos sibi cōsulendos statuit. Duobus itaque sacerdotibus adhibitis, Ioui regi sacrificauit, quem ex Delphico oraculo in primis sequutus fuerat: atque ab hoc olim somnium sibi missum putauit, cum primū cœpit imperia capeffere. Recordabatur præterea, sibi Epheso ad Cyrum iter habenti augurium oblatum, uocem dextræ aquilæ, illius quidē sedentis: ac tunc sibi augurem, cuius auctoritatem maximè sequebatur, monuisse, magnum illud auguriū esse, ac minimè plebeium: omnia tamen fore laboris plenissima, propterea quòd in sedentem aquilam aues reliquæ impetum facere consueuissent. Neq; uerò ex eo augurio esse quòd sibi lucri quicquam polliceretur: circumuolitantē etenim aquilam, ea quibus alitur, rapere solitam. Eodem tempore eiusdē dei per exta mens declarata: neq; illum imperia petere, neq; delata suscipere oportere. Atq; hoc ita planè cecidit. At exercitus in unum conuenit, ac primū sciuerunt unum deligi oportere: deinde unum omnes Xenophontem deposcere cœperūt. Quare cum ille animaduertisset, si mi-

litum

litum consensum tacitus comprobaret, ad se proculdubio rerum summam delatum iri, surrexit, atque in hunc modum loquutus est: Ego, milites, magnoperè lætor, cum tantum mihi uideo à uobis honorem haberi: siquidē humano sensu præditus sum, ac uobis sanè gratiam habeo: deosq; oro, ut mihi eam facultatē dent, ut uobis quamoptimè aliquando consulere possim. Sedenim mihi nō uideo cur studeatis imperium decernere, cum Lacedæmonium hominem habeatis: id uerò ego si accipiam, neque è uestra, neque ex mea re fore arbitror. Nam & uobis (si fuerit aliquid quando ad Lacedæmoniorum opem cōfugiendum, quòd se hoc factò læsos interpretabuntur) minus illi se æquos præbebunt, & ipse quī potero hanc inuidiam sustinere? Equidem Lacedæmonios uideo non antè desijisse patriæ meæ bellum facere, quàm armis nos ipsos etiā sibi parère coegerunt: ubi uerò imperata facere non recusauimus, à bello illi gerendo, atque obsidenda urbe destiterunt. Quæ cum me nō prætereant, si nunc ea in re, quæ arbitrij mei est, eorum officerem dignitati, illud sanè mihi magnoperè esset metuendum, ne me illi faciliè intra ordinē redigerent. Quòd uerò facilius multò contineri in officio militē posse existimatis, unius quàm multorum imperio, illud uobis persuasum uelim, quemcunq; summæ rerum præfeceritis, nullam me in ullum unquam seditionem concitaturum. Nam qui contra imperatorē suum seditionem concitat, is postremò in suam ipsius salutem seditiosus reperitur. Quòd si mihi imperium deferretis, nihil omnino mirarer, si quamplurimi & mihi & uobis offensiores existerent. Hæc cū milites audissent, eo maiore contentione acclamantes surrexere: illum omnino expedire, imperium

suscipere. Ac Stymphalius quidem Agasias : Perinde, inquit, ridiculum esset, nobis si Lacedæmonij irascerentur, ac si ijs conuiuiis succenserent, qui cum Lacedæmonij nō essent, itidem nō Lacedæmonium magistrum deligerent. Nam si solis est Lacedæmonijs imperandū, nihil omnino causæ est, quin & nos cū Arcades simus, centuriatu nos abdicemus. Eius orationem cuncti cum fremitu comprobant. Tum Xenophon cum intelligeret nō posse, quod imponeretur oneris, recusare, ni apertius resisteret: in medium procedēs, Vt rem planius cognoscatis, deos, inquit, deasq; omnes, milites, attestor, simulatque uestra mihi uoluntas perspecta fuit, per exta me à dis quæsisse, conduce ret'ne uobis mihi imperium mandare, ac mihi illud accipere : Illos uerò tam apertis clarisq; signis mentem mihi suam explanasse, ut nemo in extis iudicandis tam rudis sit & indoctus, quin fuerit, si ea inspexisset, cogniturus nihil fore, aut uestris, aut meis rationib. alienius, quàm si unus hoc imperiū suscipiam. Hæc res milites flexit, qui statim Chirisophum crearunt. Et ille in mediū productus : Ego, mehercule, inquit, etiam si aliū quemuis delegissetis, nullam omnino seditionem fecissem. Sedenim bene Xenophonti, quòd eum nō delegistis, consultum fuit: nam acriter eum nuper Dexippus apud Anaxibium insimulabat, me certè illi silentiū imperante. At ille se existimare dicebat, Xenophontē, Timasionem Dardanensem, qui fuerat de Clearchi cohortibus, quàm se, qui Laco esset, collegā habere malle. Sed cum hoc mihi imperiū detuleritis, dabo equidem operam, ut quantum maximè possim, uestris cōmodis atq; utilitatibus seruiam. Nunc paratos uos esse oportet, ut si fuerit cras ad nauigandū idonea tempestas,

hinc

hinc soluamus. Et erit Heraclean primum cōtendendum, quō ut perueniamus est nostrū unicuiq; in præsentia elaborandum. Illic de reliquo itinere consilium capiemus. Hæc tunc ille. Posterò uerò die soluerūt, ac biduū sequun-
disimo uento oram legentes, Iasonium littus prospicie-
bant, ubi Argo nauim ferunt in anchoris stetisse: & mul-
torum fluminum ostia, Thermodontis primū, deinde Ha-
lis, ac Parthenij: quem præteruecti, Heraclean appule-
runt, urbem Græcam, Megarensium coloniam, in Maris
andynorum finibus sitam. Expositi sunt in Acherusiaden
peninsulam, quo in loco descendisse Herculem ad Cerbe-
rum canem rapiendum memorant incolæ: atque eius de-
scensus monimentū ostendūt, specum haud minus quàm
stadia duo subsidentem. Hic Heracleenses Græcis hospita-
lia munera misere: Farinæ medimnū M M M. Vini am-
phoras M M. Boues X X. Oues C. Per hanc regionem
Lycus fluuius labitur, latitudine paß. X L. Hic cum in-
unum milites conuenissent, de reliquo itinere consulta-
bant. Et illud primū, ē Ponto mari ne, an pedibus profici-
scendū esset. Cum Lycon Achæus, Demiror, inquit, quid
sit quod prætores nobis uiaticū non conficiunt: nam quæ
hospicij nomine missa sunt, ne triduo quidem ex his exer-
citus ali possit: neq; planè est unde ipsimet nobis frumen-
temur. Mihi sanè optimū factū fore uidetur, si per legatos
stipendium ab Heracleensibus postulemus, haud hercule
minus quàm Cyzicenos ter mille. Atq; aliū, quin X. in-
quit, ut minimū millia Cyzicenorū menstruum stipendiū
postulandum censeo, & legatos quamprimum cum postu-
latis, dum hic commoramur, extrudendos: qui cum quid
renuncient cognouerimus, ex eo consiliū capiemus. Cum

de legatis ageretur, dux ipse Chirisophus primus deligitur: suere qui Xenophontem etiam nominarēt; sed ambo uehementer resistebant, quòd utriq; minimè æquum esse uidebatur, Græcam & sociam ciuitatē, inuitam ad ea quæ ipsa nollet danda, cogere. Quare cum ab ea causa alieniores uiderentur, Lycona Achæum, Callimachum Parrhasium, & Agasian Stymphalium miserunt. Hi cum ad Heracleenses uenissent, legationem exposuerunt. Lycōnem minas etiam addidisse ferunt: quibus commoti socij, tunc quidē se ea de re deliberaturos responderunt: statim uerò ex agris copias omnes intra oppidum cōportandas curarunt: mercatum submouerunt, ac clausis portis cum armis ad muros accursus est. Tunc hi ipsi, qui socios irritant, prætores, quòd causam prodidissent, criminari: Arcades & Achij seorsum iam à cæteris cœtus habere: eos Callimachus Parrhasius, & Achæus Lycon incitare, à quibus uoces seditiosæ iactabantur: Indignum esse Atheniensem unum, Lacedæmonijs ac Peloponnesijs imperare, præsertim cum nullam is in exercitum manum contulisset: se labores tolerasse, alios fructus capere, ac se omnino salutē cæteris dedisse. Præ Arcadibus enim et Achæis, reliquum exercitum nihil omnino esse (& sanè erant hi haud minus quàm dimidia exercitus pars) quòd si à cæteris desciscerent, propriosq; sibi duces deligerent, iter ex sententia facere posse, ac certi alicuius cōmodi spem sequeui. Hæc cum essent omnium consensu cōprobata, Chirisophum deserunt & Xenophontem, hi etiam ex Achijis & Arcadibus qui eos ad eum usq; diem sequuti fuerant. Imperatores uerò suffragijs sibi X. pristino more creantur. Atq; ita summum illud imperium sexto uel septimo die

die Chirisopho abrogatum est. Xenophon cupiebat unā cum illis proficisci, quod multo tutius fore existimabat, si simul omnes, quā si cum suis tantū singuli iter facerent. Sed ab ea sententia Neonis oratione deductus est: se enim ille de Chirisopho audisse dixit, Cleandrū, qui præfectus Lacedæmoniorū Byzantij erat, uenturum cum triremibus intra Calpes portum: enauigandi commoditate solos cum suis copijs prætores usuros. Chirisophus ipse cū rei indignitate cōmotus milites odisse cœpisset, Xenophontem iubet arbitrato suo omnia administrare: ac ipse omni negotio reiecto, ad solam iam nauigationē spectabat. At Xenophon cum sacrificium Herculi duci fecisset, deosq; per exta consulisset, utrum consultius futurum esset expeditionem quampiam suscipere, an cum ijs qui remanserant militibus soluere, expeditionē suscipiendam exta significarunt. Exercitus trifariam diuisus est. Arcades & Achiui fuere quater mille & quingenti. Chirisophus adhuc M. & CCCC. habebat grauis armaturæ. Peltatos Thracas ex Clearchi ordinibus ad DCC. Xenophon grauis armaturæ M. fermè & DCC. Peltatos CCC. ac solus equitatum ducebat, equites plus minus XL. Arcades primi, acceptis nauigijs ab Heracleensibus, soluerunt: eam maximè ob causam festinantes, ut cum repenti ad Bithynos uenissent, ab ijs quantum postulassent, auferrent: per ueneruntq; in Calpes portum, qui in media ferè Thracia est. Chirisophus ab ipsis Heracleensiū mœnibus per eorum fines pedibus iter fecit: deinde cum Thraciam attigisset, ac iam ualetudine infirmiore uteretur, nauem conscendit. Xenophon quoque maritimo itinere in eos fines uenit, qui Heracleensiū & Thraciæ agros terminant, ac

deinde per mediterranea progressus est. Expositum iam est, & quemadmodum imperium Chirisopho sit abrogatum, & diuise sint Græcorum copię: iam uerò quomodo sit à singulis partibus res gesta, exponendum uidetur. Arcades cum in Calpes portum noctu descendissent, ad uicos proximos, qui stad. L. longè à mari aberant, contenderunt: ac cum iam illuxisset, uicos eos prætores sortiti sunt. Quòd si uicus amplior esset, in eum cohortes binas adducebāt. Tumulum etiam occuparunt, quem ad castra ponenda maximè idoneum existimabāt. Captiuos, ut qui de improviso impetum fecissent, multos abduxerunt: multas item oues cepere. Ibi Thraces qui antè in fugā se dederant, atq; hi, qui cum sola pelta è manibus grauis armaturæ elapsi fuerant, cum in hostem congregati se conuertissent, primùm Smicreten Arcadum prætorē, qui cum sua cohorte in locū, qui ei obtigerat, multa cum præda se recipiebat, adorti sunt. Græci fortiter pugnantes processerunt, usq; dum ad alueum torrentis cuiusdam uentum est: quem cum traicere conarentur, cum duce suo ad unum cæsi sunt. Ex Hegesandri uerò centurionis cohorte, qui iam unus erat de X. prætoribus, octo duntaxat cum ipsa prætore seruati sunt. Tum centuriones omnes partim salua, partim amissa præda, in unum conuenerunt. Thraces clamore inter se, rem bene gestam significarūt: iidemq; ea nocte tam multi congregati sunt, ut manè ex omni parte tumulum in quo Græci castra habebant, acie cinxerint: multi erant equites, peltati item multi, atq; in horas plures confluebant: minimè uerò timide in grauem Arcadū armaturam inuadebant. Cum enim neq; sagittariū ullum, neq; ferentarium Græci haberent, in eos cursu hostes iruebant:

ruebant: ac cum quantum collibitum fuisset, eos cominus atque eminus uexassent, si repellerentur, impune ad suos refugiebant. Deinde alij ab alia parte adoriebantur: ac nostrorum quidem multi uulnerabantur, Thracum uerò ne unus quidem. Ibi Græci ita circumsessi sunt, ut ne pedem quoquam possent ex eo colle mouere: ad aquam etiā illis aditus interclusi. Quare summis circumuenti difficultatibus, de pactione cum hostibus agere coacti sunt. In conditiones est utrinque cōsensum. Obsides tantū postulantibus Græcis, non dedere Thraces: confecta igitur res non est. Arcadū ita se res habebant. Interea Chirisophus sine ulla offensione, nauibus Calpes portum intrarat. Xenophon per mediterranea iter faciebat: cuius equites cū ex intervallo præcurrerēt, legatos quosdam offenderūt, incertū quō iter haberent: & eos illi ad Xenophontem adduxerunt. De quibus cum quæsisset, ecquid de Græcorū exercitu scirent, cognouit quæ gesta erant omnia: circumsideri eos à Thracibus in quodā tumulo, atque ita ut nulla ex parte non incincti, atque interclusi essent. Hic Xenophon eos homines diligentissimè asseruandos curat, ut ijs itineris ducibus, si res ita ferret, uteretur: ac X. speculatoribus constitutis, milites ad concionem uocauit, atque huiusmodi ad eos uerbis usus est: Milites ex Arcadibus multi iam perierunt, alij in tumulo quodam obsidentur: quòd si deleti fuerint, neque nos arbitror in tanta hostium multitudine, atque audacia, incolumes hinc euadere posse. Optimum igitur fore existimo, si quamcelerrimè nostris subsidio ueniamus, ut si adhuc uiuunt, cum illis cōiuncti cōtra hostes pugnemus, ac ne eorum præsidio destituti, soli periclitemur. Ac statim eundū censeo: neque prius castra locanda,

quàm coenæ tēpus fuerit: quantisper uerò iter faciemus, Timasion cum equitatu anteciat, ac quæ opus est omnia prospiciat, ac speculetur ne quid minus cautè agamus. Præmisit etiam ex leui armatura expeditissimum quenq; in latera, ac montis iuga, ut hi quicquid speculati essent, significarent: atque ijs imperat ut quicquid offendissent, quod incendi posset, urerent. Quò enim, inquit, si fugerimus, redeamus? Longè hinc abest Heraclea, si fortè eò redire cogitemus: neq; possimus breuiore uia Chrysopolin accedere: & hostes proximè absunt. Atenim in Calpes portum (quò Chirisophum, si modò is adhuc incolu-
mis est, peruenisse putamus) uia est multò breuissima: uerum neq; naues illic sunt, quibus auehamur: neque in unū duntaxat diem, si cōmorati fuerimus, commeatus suppetent. Huc accedit, quòd si qui nunc obsidentur perierint, cum sola Chirisophi manu pericula nobis fuerint adeunda: sin seruati fuerint, rursus congressi, cōmuniter salutis rationem aliquam inibimus. Quin ita comparatis animis proficisci nos oportet, ut uel gloriosam mortem oppetamus, uel magni & præclari alicuius facinoris nobis laudem, cum tam multos Græcos seruauerimus, cōparemus. Atq; haud scio an quis fortasse deus eorū arrogantiae uindex, in hoc eos discrimen impulerit, ut nos qui deorū auspicia semper sequuti sumus, multò illis clariores redderet. Sed maturandum iam est, atque illud in primis uidendū, ut diligenter quæ imperata fuerint, exequamini. Hæc loquutus, agmen ducere cœpit. Equites modicis excursionibus præeuntes, atq; eos sequentes peltati in longum directis ordinibus, quicquid incendi potuit, inflammarunt: ac si quid reliqui illi fecissent, id subsequēs agmen crema-
bat.

bat. Tota itaq; ea regio ardere uidebatur, ac quantæcun-
que illæ copię essent, propter ea incendia magni procul
dubio exercitus speciẽ præ se ferebant. Postremò iam no-
cte aduentante, collem subeuntes castra locarūt, è quibus
hostium ignes conspiciere poterant: neque enim longius,
quàm stad. XL. aberant. Et hostes ipsi quasi certatim
quamplurimos ignes incendebant. Iam uerò cum milites
corpora curassent, signum datum est, ut ignes extingue-
rent: ac deinde eam noctem dispositis custodijs somno de-
derunt. Prima autem luce sacris ritè peractis, non aliter
quàm si pugnā inituri essent, cōposito agmine, iter quan-
ta maxime potuerunt celeritate ingressi sunt. Timasion
cum equitatu duces sequutus, in eo tumulto ubi Græci ob-
sidebantur, prius quàm se eò uenisse animaduertisset, con-
stitit: ubi neq; hostium, neq; sociorum ullas copias inuene-
runt: aniculas tantum quasdam, & paucos senes, ouiculas
præterea & boues ab hostibus relictos. Quod cum Xeno-
phonti renunciassent, res primū cunctis admirationi fuit:
deinde ex ijs qui relictī fuerant, cognouerunt Thracas,
primis se intendentibus tenebris, de loco abisse: Græcos
item bene mane, incertum quò discessisse. Quæ cū Xeno-
phontis milites audissent, curatis corporibus, uasa concla-
marunt: cum nihil iam impensius cuperent, quàm celeri-
ter, quoad eius fieri posset, ad Calpes portū cum suis con-
gredi. Neque ita multum processerant, cum in ea ipsa uia
qua ad Calpes iter erat, Arcadum & Achæorum globos
cōspexerunt. In eandem igitur iam uiam cum descendis-
sent, leti ac gratulabundi, nō aliter se mutuò, quàm si ger-
mani fratres essent, complexi sunt. Quæsierunt de Xeno-
phontis militibus Arcades, quamam de causa ignes extin-

xissent: Nos, illi inquit, ubi amplius uos nō uidimus, noctu in hostē impetū facturos putauimus. Neq; aliud metuentes barbaros discessisse iam suspicamur: eo enim ipso tempore abierunt. Cum autem tempus illud, ad quod uos expectabamus, non obissetis, arbitrati sumus cognouisse uos, quo loco res nostræ essent, ac ipsis iam uobis timentes, ad mare fugisse. Statuimus itaq; eōdem nobis, uobiscū ut cōgrederemur, properandum. Tunc simul diem illum in eo littore egerunt, quod ē regione portus est. Ea regi-

Calpes portus
regiunculae de
scriptio.

uncula, qui Calpes portus dicitur, in Thraciæ est ea parte quæ Asiæ attribuitur: cuius initium est intra Pontū nauigantibus, ab ipsius Ponti ostio Heracleam usq; ab Heraclea uerò Byzantium, diei unius, illius quidem quam longissimi cursu, triremis, remis dūtaxat acta, traicere possit. In medio nulla est, neque socia, neque Græci nominis ciuitas. Thraces & Bithyni oram eam totam incolūt, qui Græcos uel tempestate aberrantes, uel quouis alio casu in ea loca delatos, iniuriosissimè tractare dicuntur. Portus ipse, mediū se ab Heraclea Byzantium nauigantibus præbet. Insula in mare eminet, cuius quæ pars mare spectat, abrupta est petra: altitudo eius, qua minima est, nihilo est XX. pass. minor. Quæ uerò terra, quasi ceruix quædam ad littus pertinet, lata est pass. ferè LXXX. Ager qui in ea ceruice est, decem hominū millia facile capere possit. Sub ea de qua iam diximus petra portus se aperit, cuius littus ad occasum uergit. Fons dulcis et perēnis aquæ, ex ipsa ferè maris alluuie erumpens, agrū irrigat. Lignorum magna copia, cum aliorum generum, tum eorū ē quibus classes ædificantur, quæ plurima eius in maritima loci parte, & pulcherrima sunt. Mons supra portum se attollit.

tollit, continentem uersus XX. propè stad. excurrens, terrenus totus, ac minimè saxosus. Pars eius quæ in mare est exposita, condensa est multis ac magnis cuiusuis generis arborib. Campestris pars est, & aspectu, & amoenitate pulcherrima: & late sanè patet, multiq; sunt in ea & frequentes uici. Nam fert ager ordeum, triticum, leguminum quoduis genus, panicum, sesamum, ficos quamplurimas, uites item multas, & suauissimi uini feraces, atq; alias huiusmodi copias, præter oleas tamen. Hic loci situs, & natura. Milites castra in littore locarūt: oppidi mœnibus se propterea non crediderunt, quòd ne quo dolo circumuenirentur ueriti sunt, ab ijs, quos deducendæ coloniae cupiditate accensos existimabant. Neq; enim ex eo numero multi erant, qui uictus queritandi causa è Græcia ad Cyri stipendia nauigassent: sed eorum partim Cyri uirtute allekti, ad eam quam impenderant pecuniã, uiros etiam secum traxerant: partim ab ipsis parētibus aufugerāt: nonnulli etiam liberos reliquerant, futurũ rati, ut rem illis augerent, cum multos audissent Cyri fidem sequutos, rem optimè gessisse. Qui igitur ea semper mente fuissent, iam nihil malebant, quàm in Græciam se incolumes quamcellerrimè restitui. Iam dies unus, postquam rursus conuenerant, transierat, cū Xenophon de educendis copijs deos sibi per sacra cōsulendos censuit: educendæ enim omnino erant, cū nulla iam cibaria suppeterēt. Urgebat mortuos etiã sepeliendi cura. Cum exta bona fuissent, sequuti Arcades sunt, ac multos, eo ipso quo ceciderant loco, humarunt: quinto enim iam die ita contabuerant, ut tolli nullo pacto possent: aliquot tamen è uia sublato, pro præsentī copia honestissimo funere extulerunt. At ijs quorũ cada-

uera non inuenerunt, inane sepulchrum excitarunt: magnos etiam rogos extruxerunt, coronisq; eos ornarunt. His ritè transactis, in castra reuerterūt, ac, quod iam tempus suadebat, cibo ac somno corpora curarunt. Postero die milites in concionē, ab Agasia Stymphalio in primis, & Eleo Hieronymo centurionibus, atq; alijs natu maximis ex Arcadum cohortibus uocati, uenerunt. Ibi scitum fecere, qui primus de exercitu diuidendo in posterū mentionem fecisset, fraus ut ei capitalis esset: ac, ut in eos quique ordines, quos ante disidium tenuerant, redirent: iidemq; qui antè prætores, ut rerum summæ præessent.

Chirisophi
obitus. Iam Chirisophus cum febris laborasset, sumpto medicamento diem suum obierat: in eius locum surrogatus est Neon Asinaus. Tum Xenophon milites his uerbis alloquutus est: Iam nobis milites, pedibus iter faciundū esse, satis res ipsa declarat: nullæ enim naues præstò sunt. Et sanè ut hinc proficiscamur, ipsa nos necessitas cogit: neq; enim hìc est uspiam, unde nobis cōmeatus comparemus. Nos itaq; hostias cædemus: uos ita parati eritis, ut eos esse oportet, quibus si alio unquam tēpore, nunc maxime pugnandū sit: qua enim sint hostes cōfidentia, planè nostis. Tum prætores hostias immolarunt. Aruspex adfuit Arexion Arcas: nam Silanus Ambraciotes ex Heraclea conducta naui, se subduxerat. Consulenti-
bus de profectione exta minimè leta fuere, quare eo die ibidem manserunt: nec ueriti sunt nonnulli inuidiosas in Xenophontem uoces mittere, illum propter cupiditatē deducendæ in proximæ insula agrum coloniæ, aruspicem corrupisse, ut ad discedendū negaret sequunda exta esse. Tum Xenophon cum edicendum curasset, ut quicumq; uellet die crastini sa-

cris interesset, atque ut quicumq; extorum peritiam profiteretur, exta inspecturus, sacrificij tēpus obiret, hostias mactauit multis spectantibus. Sacrificium trifariam factum, neq; usquam litatū. Quæ res uehementer militum animos conturbauit: relictis enim ijs quos habuerant comeatibus, huc uenerant, neque uspiam nundinandi copia fiebat. Hos cum rursus conuocasset Xenophon, in hunc modum loquutus est: Extorum, uti uidetis milites, à profectiōe abhorret significatio. Commeatum uerò penuria interea laboramus: hac ipsa igitur nobis de re di consulendi. Tum à media concione quidam: Quid, inquit, mirum si litatum nō est? audiui ego heri de certis hominibus, qui fortuitu nauigio huc uecti sunt, Cleandrum Byzantij præfectum, multis cum nauigijs ac triremibus aduentare. Id cum milites audissent, expectandum censuerunt. Sed erat utique cōmeatum causa quopiam excurrendum: est itaque de integro trifariam immolatum, neq; meliora quàm antè exta fuerunt. Tum milites cum clamore ad tabernaculum Xenophontis concurrerunt, sibi querentes nullam cibaria superesse. At ille se negabat eos quoquam educturum, nisi prius fuissent exta cōmodiora. Postridie sacra repetita, cum militum corona (uti fit in communi omnium sollicitudine) circumstetisset, ostiæ defecerunt. Prætores interea eduxerant, cum antè in unum milites non conuocassent. Tum Xenophon: Hostes, inquit, fortasse cōgregati sunt, & necesse fuerit pugnare: nihil igitur opinor errabimus, si relictis munito quopiam loco impedimentis, bene instructi paratiq; ad pugnam proficiscamur: ac tūc fortasse erūt exta, qualia maximè uelimus. Hic est ab uniuersis militibus uehementer acclamatum, non expedire

quoquam diuertere, sed quamprimū diuinæ rei operam dandum. Pecudes iam omnes consumpserant, bouem itaque de plaustro emptum mactarunt. Xenophon Cleonorem Arcadem parare interea omnia iussit, ut si bona exta fuissent, nihil iam esset in mora. Sedenim idem fuit extorum habitus. Tum Neon, is qui in Chirisophi locum successerat, cum milites cibariorum inopia uehementer premi uideret, cumq; cognouisset ex Heracleota quodā, è proximis uicis cibaria sumi posse, ut ab exercitu gratiā iniret, edixit, ut qui sibi cibaria in promptu esse cuperēt, se sequerentur. Homines arreptis hastis, utribus, saccis, & multis uasorum generibus, ad bis mille eum sequuti sunt. Hi in eos, quos ille monstrarat, uicos profecti, statim ad prædam discurrerunt. Ibi palantes Pharnabazi equites adorti (hi enim se cū Bithynis cōiunxerant, quò Græcos aditu Phrygiæ prohiberent) ex eo numero non pauciores quingentis trucidant: reliqui in montes confugerunt. Id cum unus ex ijs qui fugerant, in castra renunciasset, Xenophon, cui eo die litatum non fuerat, boue de plaustro immolato (neq; enim erant aliunde hostiæ) ad ferendum auxilium aduolat: quem omnes militari ætate, ad quinquagesimū usq; annum sequuti sunt: ac cæteris etiam assumptis, in castra peruenit sole fermè cadente, ubi milites rebus suis magnopere diffidentes, coenā sibi curabāt. At Bithyni in excubias, per syluosos & grauios saltus impetum fecerunt: multos occiderunt, alios usq; ad castra persequuti sunt: clamore ac tumultu Græci excitati ad arma accurrerunt, sed neq; hostem insequi, neque castra noctu mouere tutum fore uisum est: in tam syluestribus locis armati pernoctarunt, ac certum hominum numerū in præ-

sidijs

fidijs ante castra collocarunt, qui hostium impetum susti-
 nerent: atque eam quidam noctem ad hunc modū egere.
 A diluculo statim prætores in munitū castellum militem
 traduxerunt. Sequuti omnes sunt cum armis, uasisq; suis
 quisque: atque antequam cibum caperent, quā erat ad ca-
 stellum aditus fossam duxerunt: omnia solo æquarunt, tri-
 bus tantum portis relictis. Interea ab Heraclea naus ue-
 nit, in ea frumentum, hostiæ, & uinum comportatū. Ma-
 nè Xenophon cū esset castra moturus, hostias cedit: læta
 fuerunt primæ hostiæ exta. Ac peractis iam sacris, Are-
 xion Parrhasius cum aquilam, faustissimam alitem uolan-
 tem conspexisset, Xenophontem iubet agmen ducere. Ibi
 milites fossam traijciunt, in armis consistunt: iamq; cum
 pransi essent, ut armati exeant denunciatur: turba omnis,
 & captiui in castris manere iussi, prætores exierunt, præ-
 ter Neonem: expedire enim uisum est eum cum præsidio
 in castris relinquere. Sed qui relictī fuerant, sibi dedecori
 fore putantes, quod eos qui exierant sequuti non essent,
 eos tantū reliquerunt, qui XLV. annorū maiores essent:
 ipsi iter sunt ingressi. Nondum stad. XV. processerant,
 cum cæforum cadauera inuenerunt: ibi sinuato in caudæ
 formam cornu, quoscunque ambire potuerunt, sepeliere.
 Rursum progressi, atq; eodem modo cornu in caudam re-
 flexo, quoscunq; repererunt, sepulturæ mandarunt: cūq;
 iam in eam uiam uenissent, qua ad uicos iter erat, quo in
 loco coaceruata iacebant cadauera, omnia unum in locū
 comportata humarunt. Iam appetente meridie, ultra uic-
 cos progressum Græcorum agmen, commeatibus pro ea,
 quæ se ostentasset copia, cogendis intentum erat, cum
 repentē in aduersa uiae parte, per colles descendentes

instructa phalange hostes magno cum equitatu ac pediatu prospexerunt. Venerant enim Spithridates, & Rasthines, à Pharnabazo cum magna manu. Hi cum Græcos uidissent, stadiū ferè XV. spacio in medio relicto, constiterunt. Tum Arexion uates rem diuinam facit: primæ hostiæ læta exta fuere. Hic Xenophon: Censeo, inquit, milites ex interuallo, secundum phalangem subsidiarias cohortes locandas, ut si fortè inclinarit, illæ subsidio accurrant, atq; ut hostes turbatis ordinibus in integram ac bene instructā aciem incidant. Eius sententia est omnibus comprobata. Vos igitur agmen, inquit, in hostes ducite, ne quid ubi hostem uiderimus, titubemus. Ego mox extremis ordinibus constitutis, consequar: nisi uobis fortasse aliter uidetur. Illi nihil cunctati pedetentim procedere cœperunt. Xenophon ad extremos ordines cōstituendos se cōuertit, sibiq; socios tris asciuit. Ducenū militum tres ordines fecit, atque ex his unū, cui Samolan Achæum præfecerat, consequi iussit XX. pass. interuallo, secundū cornu dexterū. Post mediam aciem alter consequebatur, duce Pyria Arcade. Iam uerò tertius, cui Phrasiās Atheniensis præerat, citra læuum se cornu continebat. Cum autem ad magnum & arduum saltum, qui præcesserant uenissent, substiterunt, incerti nunquid saltus superari posset. Centuriones & prætores, ut præstò sibi essent, monuerunt. Xenophon admiratus antè fuerat quid accidisset, quòd progredi desissent: iam uerò ad primū monitum in principia aduolat. Quo cum Sophænetus congressus, qui è prætoribus natu erat maximus, se censere dixit, nō esse in tam difficile saltum ascendendum. Ad hæc continuo Xenophon: Hoc uobis, inquit, milites persuasum uelim,

me quidem prudētem nullius uobis periculi autorem fore: neque enim gloriam iam uobis, sed incolumitatē expectandam intelligo. Sed ita se res habet. Non est quòd speremus sine pugna nos hinc euasuros: etenim si hostes non adoriamur, illi nos, cum hinc retrocedemus, à tergo urgebunt. Considerate utrum uobis satius esse uideatur, aduersos ne uos in hostem arma inferre, an uerò auersos urgentium impetum excipere. Illud certè dubitare nō debetis, qui hosti terga uertant, nō posse fortes haberi: qui fugientes insequātur, sepe ex ignauis alacres & fidentes reddi. Ego mediusfidius multò malim cum dimidio minore manu insequi, quàm retrocedere cū duplo maiore. Et illud etiam satis scio, nihil uos metuere, ne nostram illi impressionem sustineant. At cui dubium esse possit, ausuros nihil magis, quàm retrocedentes insequi? Erit præterea, si saltum superauerimus, eius nobis difficultas à tergo relictā, magno utique auxilio, cum pugnandum fuerit: quā sanè cōmoditate cupidè uti debemus. Quid enim optabilius, quàm in procliui hostibus fugam esse: nobis uerò nō aliunde, quàm ex uictoria spem salutis ostendi? Nihil autē magis miror, quàm esse quibusdam saltum hunc formidolosiorē, quàm tam multi fuerunt, quos antè superauimus. Est utique, nisi equitatum hostium uicerimus, difficilis ex tam importuno loco exitus. Quid autem? quales tandem, quos adhuc superauimus, montes fuerunt? quī poterimus tam multos à tergo urgentes peltatos effūgere? Sed fac ad mare incolumes redeamus, quātus deniq; saltus ipse Pontus est? Vnde uerò naues, quibus auehamur? Vnde frumentum, quo, si manserimus, alamur? Erit, mihi credite, quamprimum illuc uenerimus, frumentatū nobis exeuntē

dum: quanto uerò elegantius nunc pransos pugnare nos, quàm cras ieuinos? quid, quòd pulchra exta fuerunt? sequunda deorum auspicia? ac bellissimè litatum est? Agitè uiri fortissimi, in hostem alacriter eamus: non est ferendū cœnare eos hilarè in conspectu nostro, ac nos, quo loco ipsi uelint, pernoctare. Finem dicendi fecerat, cum centuriones (neque enim cōtradixerat quisquam) ut se duceret postularunt: ac ille quidem ducere cœpit, cum antè denunciasset omnibus, ut qui cuiq; locus obtigisset, ex eo in aduersum saltum eniterentur: sic enim celerius multò uniuersum agmen traicere posse putauit, quàm si per pontem, qui diuersas saltus partes iungebat, se explicassent. Cum iam traiecissent, modò hanc Xenophon, modò illā phalangis partem adibat, atque his propèmodum uerbis suos incitabat: Recordamini milites, quot prælijs antè, deorū ope freti, hostem uiceritis. Considerate quibus incommodis, qui fugiunt, afficiantur. Cogitate nos ad ipsas propè iam Græciæ portas uenisse. Agitè, Herculem ducem sequimini, ac uicissim uos cohortamini. Iucundum certè futurum est, apud quos maximè uelitis, præclarè dicta factaq; uestra testata relinquere. Hæc præteruehens loquutus est, ac deinde in aciei se frontem cōtulit. Peltati in duas alas diuisi, rectà in hostes uadebāt. Iusserat Xenophon, ut hastas dextero humero portarent, usq; dum tuba signum dari iussisset, tunc ut infestis hastis in hostem modicis passibus ingrederentur, neminem cursim ut insequerentur. Tum tessera data, Iupiter seruator, Hercules dux. Hostes primum loco plurimum confidere uisi sunt. In eos peltati cū iam propè acceßissent, antequam signū daretur, cum clamore & cursu impetū fecerunt. His hos-

stium

stium equitatus, & Bythinorum globus occurrit. Ac primo congressu peltati terga uerterunt. Vbi uerò grauis armaturæ phalanx summa cum celeritate subsidio uenit, atque eodem tempore classica cecinerunt, & pæanem ac bellicum clamorem milites sustulerunt, hastasq; in hostem intentarūt (enim uero illi iam in fugam uersi facile se ad Græcorum impetum sustinendum impares esse declararunt) fugientes Timasion cū equitatu insequutus, quā multos parua manu potuit, cæcidit. Læuum hostium cornu, qua parte Græcorum equites urgebant, dissipatum est. Dexterū, quod fuerat multò leuius perculsum, in collis cuiusdā se uerticē recepit. Illam itaq; manum cum ibi cōstitisse Græci animaduertissent, nihil arbitrati sunt esse facilius ac tutius, quā si in eam illicò inuaderent. Citato igitur pæane impressionem fecere: impetum illi non sustinuerūt. Insequuti peltati sunt, usq; dum dexterū cornu fissum est: pauci sanè cæsi. Hostiū enim equitatus, qui plenissimus erat, Græcos retardauit. Atenim cum Pharnabazi equitatū adhuc stare uiderent, & ad illos Bithynos equites cōfugisse, qui quæ gerebantur omnia è montis uertice specularētur: etsi iam erant labore cōfecti, in illos sibi tamen eundū ita, uti possent, statuerūt, ne darent hosti ad respiciendū, ac uires recipiēdas quicquā laxamētī. Instructi itaq; ierūt. At illi per decliua nihilo fugerūt lentius, q̄ hi, quos antè equites nostri fuderant. In saltū autē descendērunt, Græcis nō antè prouisum. Quare cū iam ad uespera sceret, in eum locū pedē retulerunt, ubi primū concurrerant, ac trophæo excitato, occidēte iam sole, ad mare redierūt: aberant enim castra haud minus q̄ VIII. M. pass. Tūc hostes ad agmē cogendū cōuersi, seruitia, resq; suas

omnes quamlongissimè abduxerunt. Græci Cleandrum cum triremibus ac nauigijs expectabāt. Interea uerò quotidie cū iumentis & mancipijs exeuntes, metu iam omni liberati, in castra triticum, ordeum, uinum, legumina, panicum, ficos comportabant. Erat enim ea regio optimarum quarunq; rerum copijs, excepto tamen oleo, refertissima: ac licebat, ubicunque exercitus quiescendi causa cōmoraretur, ad prædam exire: neq; unquam nisi onusti reuertebantur. Quòd si copię omnes exissent, quicquid seorsum ab alijs quis occupasset, id quasi publicum habebatur. Iam copiosa erant & prolixa omnia. Vndiq; in castra ex Græci nominis ciuitatibus multi, cū rebus uenalibus confluebant: ac qui ultro citroq; nauigabant, libenter eò appellebant, quippe qui oppidum cum portu Græcos munituros audissent. Miserūt etiā uicini hostes ad Xenophontem legatos (illum enim ex rumoribus acceperant nouæ urbis condendæ autorem esse) qui ex eo quærerēt, quonam officij genere efficere possent, ut se in amicitiam reciperet. Eos Xenophon ad milites reiecit. Interea Cleander cum duabus triremibus uenit, nauigium uerò planè nullum adduxit. Fortè eo ipso tempore, quo ille appulit, milites ad prædā aliò alius excurrerant. Pecoris autē magnum utiq; numerum abegerant: quod ne sibi eriperetur metuentes, Dexippum, qui paulò antè cū nauis remorum L. è Trapezunte aufugerat, rogant ut eius pecoris partem sumat, reliquum sibi incolume redditum curet. Tum ille statim allegat factionis suæ populares, qui publicum illud pecus esse affirmant: & ipse ad Cleandrum ueniens, renūciat Græcos ad prædas agendas se cōuertisse. At ille ut ad se, qui de prædonibus capi potuissent addu-

cerentur, mandat. Hic cum unus ad illū traheretur, Agasias interuentu, quòd erat ei manipularis, eripitur. Qui tunc fortè aderant milites, in Dexippum, proditorē eum appellantes, coeperunt lapides iacere. Quare perterriti, ex remigibus multi ad mare confugerunt: ipse etiā Cleander fuga se è periculo eripuit. Xenophon atque alij item duces tumultū sedare conabantur: Cleandrum docebant, nihil esse quòd metueret: in causa ut id fieret, exercitus quoddam decretum esse. At ille, quòd & eum Dexippus incenderat, & erat grauiter præsenti periculo cōmotus, se cum sua classe abiturum minitatur: atq; edicturum omnibus ciuitatibus, ne earū ulla Græcos ad se uenientes exciperet: eo enim tempore planè Græcis omnibus imperabant Lacedæmonij. Id enim uero maximè sollicitos Græcos habebat, atque idipsum maiorem in modum deprecabantur. At ille, certum sibi esse, neq; se prius sententiā mutaturum, quàm sibi is deditus fuisset, qui primus lapides iaciendos curasset, quiq; eum qui comprehensus fuerat, suis ademisset. Erat Agasias, quem ille tacitè postulabat, Xenophonti summus & constantissimus amicus, atq; ex eo maximè tēpore quo in Xenophontem Dexippus criminando inuidiam concitarat. In tam ancipiti rerum statu in concionem milites uocantur. Ibi censentibus multis, non esse eorum, quæ Cleander diceret, rationē habendam: minimè dissimulandum aut contemnendum negotium Xenophonti uideri: qui cū ad dicendū surrexisset, Ego, inquit, milites, nihil existimo minus rationibus nostris conducere, quàm si Cleander hinc tam ab alienato quàm nunc est animo, abeat. Vicinæ sunt Græci nominis ciuitates: Græciæ nūc imperiū penes Lacedæmonios est:

summa est eorū cuiusuis in qualibet urbe potestas. Quòd si nos iste Byzantij aditu prohibuerit, ac deinde præfēctis alijs denunciarit, ne nos quoquam intrare patiantur, quòd à Spartanorum fide per summā iniuriam discesserimus, ea certè fama ad Anaxibij nauarchi aures peruadet: quamdifficile tunc nobis futurū sit, uel manere, uel classe proficisci, nō est cuiquam nostrū difficile iudicare: terra enim mariq; hoc tempore Spartani imperant. Non est igitur nobis cōmittendum, ut unius & alterius hominis gratia, reliqui omnes patria careant: sed Lacedæmonijs certè, quicquid illi iusserint, parendum: quorū eæ etiam urbes, in quibus nati sumus, imperata faciunt. Equidē audio Dexippum Cleandro dixisse, non fuisse, quæ fecerit, Agasian facturum, nisi me ducem sequutus esset. Hic ego cum uos, tum Agasian ipsum culpa omni liberabo. Nam si me Agasias huius facinoris autorē fuisse dixerit, nihil deprecabor, quin si me autore aut lapidato, aut quid aliud per uim factū fuerit, ipse extremo supplicio afficiar. Eodem modo cēseo, quemcunq; ille arcessierit, eum se oportere Cleandri iudicio subijcere: id enim unum uos uniuersos præsentis periculi metu eximet. Nam, ut nūc res se habet, indignissimū certè futurum est, nos, quibus pro rerū gestarum magnitudine, laudum & honorum ab uniuersa Græcia spes proposita esse uidebatur, ne pari quidē cum cæteris conditione esse posse: nempe quibus Græciæ ciuitatibus interdictum sit. Surrexit tunc Agasias: Et testor, inquit, milites deos deasq; omnes, neq; Xenophontē, neq; uestrū alium quenquam mihi, ut illum hominem eriperem, autores fuisse: sed cum uiderem manipularē meum, spectatum hominē trahi, ultro illum me fateor eripuisse.

Neq;

Neq; profectò est quòd uos illum ad supplicium dedatis, ego meipsum, uti Xenophon censet, Cleandro tradam: de quo ille arbitrato suo statuatur. Vos hac de causa non est quòd bellũ cum Lacedæmonijs geratis, aut quò minus incolumes quò quisq; uestrũ uelit, perueniatis. Vos modò nunc deligite de uobis aliquot, qui mecum ad Cleandrum ueniant: ac si quid à me prætermisissimum fuerit, ipsi pro me dicant, agantq;. Tunc permisit exercitus, ut secũ quos ipse mallet, adduceret. At ille prætores deligit. Agasias itaq;, ac simul is quem ille eripuerat, cum prætoribus ad Cleandrum ueniunt. Ibi prætores: Misit nos, inquiũt, ad te exercitus, ac iussit ut quoscunq; depoposcisses, uel omnes, uel unũ, duosue, aut plures, in potestatem tuam traderemus, quòd his, cum eos iudicio conuiceris, arbitrato tuo utare. Quòd si quem nostrũ in crimen uocas, ipsi præstò sumus: sin aliũ quenquã, eum nobis ædito: ac tibi persuade, neminẽ nõ in potestate tua futurum, qui in ditione nostra sit. Hæc illi. Agasias uerò in mediũ prodiens: Ego, inquit, ille sum uiri, qui eum hominem, quem Dexippus trahebat, eripui, quiq; in Dexippũ lapides iaciendos curauimus. Illum enim uirum bonum ac fortem esse noramus. At Dexippũ eum esse, qui cum ab exercitu L. remorum nauis, quam à Trapezuntijs impetraramus, præfectus fuisset, ut ea ad nauigia colligenda, quibus in patriam auheremur, uteretur, fugiens socios prodiderit, quibus cũ huc incoluimus uenerat. Itaq; istius scelere apud Trapezuntios, quos L. remorum nauis spoliauimus, sempiterna nobis perfidiæ nota iniusta est: ac præterea per eum nõ stetit, quin periremus omnes: audierat enim æquẽ ac nos, q̃ futurũ esset difficile pedibus iter facientes fluuios transire, atque in

Graciam incolumes redire. Huic igitur ita de nobis merito, quem comprehenderat, eripui. Quòd si uel tu illum hominem cõprehendisses, uel de tuis quiuis, modò is à nobis nō profugisset, nolito existimare me tale quicquam facturum fuisse. Illud uerò cogites uelim, si me istius causa occideris, improbi te, ac nequam hominis causa, bonū ac fortem uirum occisurum. Ad hæc Cleander: Se quidem, si illa cõmisisset, Dexippum minimè laudare: sed quocunq; ille se scelere obligasset, non oportuisse de indemnato pœnas sumi. Nam quam ob rem uos postulatis, inquit, ut uobis liceat iudicio constituto causam dicere? Nunc ad uestros redite, isto uno relicto: iudicij uerò diem cum uobis denunciatio, facite obeatis. Neque uerò aut exercitū, aut alium quenquā in crimen uoco, cum hic se fateatur fraudem cõmisisse. Tunc ille ipse qui fuerat creptus: Ego, inquit, uiri optimi, etsi Cleander me iniuriā alicui intulisse putat, neq; uulnerarā quenquam, neq; iaculatus fueram, tantum dixeram pecus publicū esse: scitum enim erat militum, ut cum milites prædatū exissent, quod quisq; prædæ egisset, id publicum ut esset. Id tantum dixi. At ille nō aliam ob causam me cõprehendit, quàm quòd uoluit me tu cæteros detertere, ne quid quis indicaret: prædæ uerò partem ipse ut posset contra edictum prædonibus suis diuidere. Tum Cleander: Et uerò tu, quādo tam es argutus, hic remane, quò de te etiam aliquid statuamus. Post hæc cum suis cibum cepit. Xenophon interea exercitū cõeigit, ac retulit de mittendis ad Cleandrum, qui pro ijs qui illi traditi erant, deprecarentur. Decreuerunt milites ut ad Cleandrum prætores, centuriones, cumq; ijs Dracontius Spartanus, ac si qui alij idonei uiderentur, uenirent, ac illum,

ac illū, ut eos sibi uiros condonatos uellet, rogarent. Cum iam ad eum uenissent, in hunc modum loquutus est Xenophon: Hos tu quidē uiros Cleander detines, ac eos in tuā potestatem exercitus tradidit, ut non magis de illis quā de seipsis, ita ut esset tibi uisum, statueres. Idem nunc te exercitus obsecrat, atq; obtestatur, ut eos sibi remittas, ac ne eos capite euertas: multis enim ante hoc tempus meritis, ac laboribus hāc sibi exercitus gratiā pepererūt: ijdemq; si tua misericordia ab imminēti periculo fuerint liberati, promittunt ac spondent, pro tua in se clemētia, si dux sibi esse uolueris, re ipsa demonstraturos (di modò propitij sint) & moderatos se esse, ac ducum suorum dicto tam audientes, ut dis freti, nunquam sibi hostem metuendum putent. Illud nunc te orant, ut cum in fidem se tuam, ac potestatem receperis, periculum facias de Dexippo, seq; & alijs, qua quisq; fide ac uirtute sit, atq; ut pro merito cuiusque suo honorē habeas. Hęc cum Cleander audisset, Per, inquit, deos uobis respondere nihil cunctabor. Viros uobis reddo, ipse etiam ubi opus fuerit, adero: ac si per deorum auspicia licitum fuerit, uos in Grāciam reducā. Est enim oratio uestra ab ijs, quos apud me nonnulli sermones habuerunt, longē diuersa: aiebant enim illi, exercitum nos à Lacedæmoniorum fide abducere. Hęc cum Cleander respondisset, ad suos uiri illi quos antè detinuerat, redierunt. Cleander rem diuinam ad suscipiendum iter fecit, & cum Xenophonte planē amanter ac familiariter congressus est, atq; inter se hospitium iunxerunt. Multo uerò magis Græcis ducem se præbere optauit, posteaquā rato certoq; ordine ab illis, quodcunq; mandaretur, effici animaduertit. Sedenim cum triduum immolasset, litatum

non est. Hic ille prætorebus conuocatis, Non potui, inquit, qualia optabam exa nancisci. Vos uerò nihil est quòd hac de causa animum despondeatis. Vestram hanc diu gloriam esse uolunt, ut hunc exercitum in Græciam reprotis: proficiscimini igitur. Nostrum erit cum Græciam attingeritis, uos illic quambellissimè accipere. Ibi milites publicum pecus Cleandro donandum censuerunt. Quod cum accepisset, rursus illis reddidit, ac deinde quamprimum soluit. Græci frumento, quod undecumque comportarant, diuiso, atque item reliqua præda, per Bithynos iter facere coeperunt. At ubi rectè proficiscentes, neminem omnino offenderunt, neque quò in pacatum agrum diuerterent se habere uiderunt, retrocedentes, diem unum ac noctem totam in itinere fuere. At multos quidem interea cum homines, tum oues ceperunt. Sexto denique die Chrysopolin, quæ Chalcedoniæ ciuitas est, uenerunt, ubi septem ipsos dies in uendenda præda occupati fuere.

XENOPHONTIS DE CYRIMINORIS EXPEDITIONE LIBER SEPTIMUS, Romulo Amasæo interprete.




VAE gesta sint à Græcis in expeditione Cyro duce suscepta, usque ad prælium: ac deinde post Cyri mortem in itinere, donec in Pontum uenere: ad hæc, quemadmodum è Ponto partim nauibus, partim uerò pedibus egressi sint, usquequo Chrysopolin Asiæ urbem extra Ponti ostium sitam, accesserunt, in superioribus cõmentarijs exposuimus. Hæc uerò postea consequuta

sequuta sunt. Pharnabazus cum metueret ne copiae illae in suam provinciam inuaderent, legatis ad Anaxibiū nauarchum, qui tunc Byzantij erat, missis, ab eo contendit, ut nostrum exercitum quamprimum ex Asia traieciendū curaret, pollicitus se quicquid ad eam traiectionem pertineret, administraturum. Cui obsequutus Anaxibius, praetores & centuriones Byzantium euocat, ac se illis stipendium, simulac traiecissent, daturum pollicitus est. Ibi cum alij tempus sibi ad deliberandum sumpsisset, Xenophon respondit, à reliquo exercitu statim se discessurum, ac Byzantium uenturum. Anaxibius uerò affirmabat, nō antè ei discedendū, quàm cum cæteris traiecisset: neq; sibi ille secus faciendum statuit. Interea Seuthes Thrax, per Medosaden nuncium suum Xenophontem hortatur, ut ad traieciendum quamprimū militum animos incitet: quod si fecerit, præclarè cum ipso actum iri. Atqui, ille respondit, traiectionē non possim ego utiq; præstare, quare hoc nomine neq; mihi, neq; alij quicquam Seuthes pendat: postea uerò quàm exercitus transportatus iam fuerit, ego sanè me seiungam. Cum ijs autem qui manserint, quos ex re usuq; suo fore putarit, perinde ac ei cōmodum fuerit, ita agat. Exinde Byzantiū uniuerſi milites transmiserūt. Quibus non modò stipendium Anaxibius nō pendit, sed edixit etiam, ut cum armis impedimentisq; quamprimum exirent, simulans ille quidem se, censu habito, illos statim remissurum. Quod sanè factum Græci molestissimè tulerunt, atq; eò maximè quòd pecunia ad uiaticum nulla reliqua erat. Lentè igitur, & contracto quodāmodo animo se ad iter comparabant. Xenophon cum Cleandri urbis præfecti hospitio uteretur, ad eum uenit, ac hominē com-

plexus, ut qui amicos digrediētes ualere iubent, se statim soluturum præ se tulit. At ille: Ne feceris, inquit, ne tibi sit grauis inuidia sustinenda: non desunt enim qui per te stare dicāt, quò minus quamcelerrimè exercitus exeat. Ego uerò, inquit Xenophon, culpa omnino uaco: id enim est unum militibus impedimento, quòd in promptu uiaticū non habent: atq; ob hanc causam & animi anguntur, & cunctantur. At ego, inquit ille, suadeo, ut rebus omnibus ad iter faciendum cōparatis, unà cum cæteris exeas: deinde cum totū agmen extra portas iam fuerit, licebit quò uoles abire. Ad hæc Xenophon, se ita facturum, simulac Anaxibium conuenisset, respondit. Re audita Anaxibius, ut cum rebus suis quamprimū exeant, imperat: ac ut suos moneant, quemcunq; in recensendo abesse norit, illum se hostis loco habiturum. Exierunt itaq; primi omniū prætores, tum reliqui consequuti sunt, ac iam intra mœnia reliqui erant pauci. Eteonicus ad portas stabat, ut simulac exissent, portas oppositis uestibus occluderet. Anaxibius prætoribus & centurionibus aduocatis: Commeatus, inquit, ex Thraciæ uicis uobis sumetis: est enim ibi & ordei, & tritici magnus numerus, atq; eorū quæ ad uictum pertinent omniū, præclara sanè copia: quæ cum acceperitis, in Chersonesum uobis eundum est, illic Cyniscus stipendiū dabit. Hæc uel quòd milites aliquot subaudiissent, uel quòd de centurionum numero quis eum sermonē protulisset, ad cunctorum sanè aures permanarunt. Quare dum prætores diligenter ex Anaxibio quærent de Scythe, amici ne loco, an hostis esset habendus: & an per sacrum montem, an uerò per mediam Thraciam longiore ambitu iter esset faciundum: interea dum hæc illi percontantur,

tantur, arreptis armis milites ad portas cursu redeunt, ac
 rursus intra muros irrumpere contendunt. Quod ubi Eteo-
 nicus, quiq; cū eo erant, animaduerterunt, confestim por-
 tas oppositis uectibus occludunt. At milites repagula per-
 fringere conabantur, clamantes magna se iniuria affici,
 quòd hostibus obijcerentur: portas uerò se effracturos mi-
 nabantur, nisi eas illi sua uoluntate aperuissent. Accurre-
 runt alij ad mare, ac iuxta ipsa portus latera, quæ, quòd
 curuatis utrinque molibus prominent, chelas, id est † ac-
 ceptacula Græci uocant, muris superatis intra oppidum
 desiluere: cū interea, qui intus relictī fuerāt, cum ea quæ
 ad portas gerebantur, uiderēt, dolabris, uectibus, & clau-
 stris perfractis, suis aditū patefaciunt, illi uno omnes im-
 petu irruerūt. Quod ubi Xenophon uidet, ueritus ne ad
 prædam exercitus se conuerteret, ac quæ expiari facile
 non possent flagitia (futura proculdubio & ciuitati & si-
 bi ac militibus perniciosa) cōmitterentur, & ipse accur-
 rit, & intra portas unā cum ipso agmine euadit. Byzan-
 tij ubi uident tanto cum impetu agmen introrumpere, de-
 serto foro ad naues alij, alij domū confugere: qui intus es-
 sent, foras exire: triremes nonnulli, quibus periculum ma-
 ximè se effugere posse putabant, deducere. Nemo planè
 erat, qui quasi capta ab hostibus urbe, extrema omnia nō
 metueret. Eteonicus in promontorium proximū, Anaxi-
 bius ad mare cōfugit, ac piscatorio nauigio circumuectus
 in arcem ascendit, atque inde ex Chalcedone auxiliarios
 accersit: neque enim quod erat in arce præsidium, Græco-
 rum impetum sustinere posse uidebatur. At milites cum
 Xenophontem uidissent, ad eum frequentes accurrunt,
 ac Nunc, inquit, tibi Xenophon uirtutis declarandæ

† uel ungulam,
 sic fortasse re-
 ctius.



tempus datum est. Urbem habes, habes classem, habes pecuniam: nunc si uelis, & nos tu subleuare, & te nos magnum & gloriosum reddere possimus. Ad hæc ille: Præclare, inquit, dicitis, neque malle quicquam deo: sed si id ut faciam cupitis, redite quamprimum cum armis in suos uestrum quisque ordines. Hoc eo consilio dixit, ut concitatum multitudinem à tumultu ad officium reuocaret. Ac dimisit quidem qui milites monerent, ut in ordines redirent: atque illi statim per se suum quisque locum occuparunt. Grauis armatura in quinquagenos dispersa est: pelati utrunque cornu statim tenuerunt. Urbis regio in qua constiterunt, cui Thracius campus nomen est, ad aciem instruendam omnium maximè idonea, ut quæ plana & dormibus uacua. Tumultu iam compresso, Xenophon multitudine ad concionem uocata, in hunc modum loquutus est: Quod irascimini milites, ac planè quod decepti fueritis, acerbum & iniquum ducitis, nihil sanè miror. At si irascundie obsequentes, & ex Lacedæmoniis eos qui nunc adsunt, ab illis delusi ulciscamur, & ciuitatem nulli affinem culpæ diripiamus, quæ consequutura sunt, certè prouidere debetis. Primum enim effugere nullo pacto possumus, quin à Lacedæmoniis & eorum sociis hostes publice iudicemur. Qua uerò conditione bellum cum illis gesturimus, non erit difficile existimare, si nostrum hunc statum cum superioribus temporibus contulerimus. Maiores nostri, ut de Atheniensibus loquar, bellum contra Lacedæmonios susceperunt, cum triremes partim iam deductas, partim in armamentariis haberent, haud minus quam quadringentas: pecunia uerò & ex ærario abundè suppeditaret, & ex uectigalibus quam aut populares, aut externi pendebat

penderent, annua talenta mille caperēt. Iidem insulis frē omnibus imperarent: urbes quoque in Asia multas, & in Europa cū alias, tum hoc ipsum, ubi nunc sumus, Byzantium tenerent. Debellati tamen illi sunt, uti planē omnes scitis. Hoc autem tempore quorsum euasuros conatus nostros putatis, quo Lacedæmonij cū Achæis societate coniuncti sunt? Atheniensium uerò ac omnium, qui socij illis antè fuerant, res propè sunt afflictæ, ac perditæ? Tysaphernes & cæteri, qui maritimæ oræ imperant, nobis hostes sunt, ac omnium maximè superioris Asiæ rex, cui & imperium & uitam simul ereptam uoluimus. Hæc cū nobis simul omnia aduersentur, quis est tam rerum omnium imperitus, qui nos incolumes hinc euasuros existimet? Ne per deos immortales insaniamus, ne turpissimè nos perditum eamus, ipsis propè parentibus atq; amicis ac necessarijs nostris bellum inferētes. Et cogentur illi quidem, unā cum suis eorum quisque ciuitatibus, contra nos arma capere: neque iniuria. Nos enim cum nullam planē ex barbarorum urbibus uiolauerimus, atq; id aliquoties in potestate nostra fuerit, quamprimū Græcorum urbem attigerimus, eam diripiemus? Ego mehercule antequā hæc fieri uideam, opto infra terram passuum X. millia detrudi. Nunc eo uos in patriam animo esse oportere censeo, ut si possitis, eos qui urbi huic præsunt, precibus & adhortationibus, ut officio in uos suo fungantur, adducatis. Id si minus possitis, Græciæ tamen urbibus neutiquam uobis interdictum esse uelitis. Ac nunc ad Anaxibium mittendos censeo, qui doceant, in hanc urbem rediisse nos, nō ut iniuria quenquam lacefferemus, sed ut ab ea cōmodi aliquid caperemus: id si minus consequuti essemus, ut non

fraude eiekti, sed uoluntate dimissi uideremur. Idem est omnibus probatum. Mittunt igitur Hieronymū Eleum, Eurylochum Arcadem, Philesum Achæum: qui cum iam abissent, in eodem adhuc loco permanentibus militibus, superuenit Cyratades Thebanus. Is non exilij causa, sed imperij cuiuspiam cupiditate Græciā peragrabat, se omnibus uenditans, qui fortè in quauis gente aut oppido, ducis operam expetissent. Accedens itaq; se paratum dixit eos deducere ad Delta Thraciæ regionē, è qua multa essent eis, quæ ad usum ualde expeti solent, præstò futura: interea uerò se illis esculenta, ac poculenta omnia exhibiturum. Hæc ausculturunt milites: neq; minus ea quæ pollicebatur Anaxibius. Siquidem legatis responderat, si ut discederent sibi in animum induxissent, fore ut nihil eos pœniteret: se enim eos ciuitatum principibus cōmendaturum, & seipsum quàm posset optimè eorū cōmodis consulturum. Eo sermone adducti milites, Cyrataden exercitui præesse iubent, ac rursus extra muros exeunt: Cyratades se postridie eius diei affuturum cum hostijs, aruspice ac cōmeatibus pollicetur. Vbi illi exierūt, Anaxibius portas claudit, edicitq;, quicumque intra muros deprehensus esset, eum emptori se addicturum. Postero die Cyratades præstò fuit cū hostijs & aruspice. Cum eo unà uiri XX. farinam, totidem uinum, tres oleum, alliorum unus quàm poterat maximam sarcinam, item alter ceparum, cōportantes. Quæ cum in castris deposita essent, mox omnia diuisurus, sacra primū facere instituit. Hic Xenophon accersit ad se Cleandrum, ac rogat ut per eum sibi liceat oppidum intrare, atq; inde enauigare. Cleander cum celerri-
mè redisset, Vix, inquit, impetratum est: Anaxibius enim
absur-

absurdum sibi dicit uideri, esse milites ad muros, Xenophontem uerò intus, præsertim uerò exulceratis seditio-
ne Byzantiorum animis. Introire tamen iubet, si in animo
habeat unâ secum enauigare. Xenophon itaque milites
complexus cum Cleandro introijt. Cyratades postero die
cum sacrum fecisset, nō litauit, neque quos attulerat com-
meatus inter milites partitus est. Postero uerò die cū iam
ad aram hostiæ adductæ essent, & cum corona astitisset
immolaturus Cyratades, in medium progressi Timasion
Dardanensis, Neon Asinæus, Cleanor Orchomenius, ne-
gant se Cyrataden immolare passuros, nisi prius cōmea-
tus militibus diuississet. Ille cum ut æquabiliter omnia diui-
derentur imperasset, facile intellectum est, multū abesse
ut milites uel in unum tantum diem, ex ijs quæ attulisset
Cyratades, cōmeatus haberent: quo factum est, ut cū suis
ille hostijs deposito imperio discederet. Permanere in ca-
stris Neon Asinæus, Phryniscus Achæus, & Timasion
Dardanensis. Hi cum exercitu profecti, in proximis By-
zantio uicis castra locarunt. Ibi inter duces disideri cœ-
ptum. Cleanor & Phryniscus ad Seuthen transeundum
putabant: fuerant enim ab eo muneribus deliniti, cum eo-
rum alteri equum, alteri mulierem donasset. Neon ut in
Chersonesum cōtenderent, hortabatur. Existimabat enim
si in Lacedæmoniorū fines peruenisset, facile se uniuersi
exercitus imperium obtenturum. At Timasion operā da-
bat, ut omnes in Asiam trajcerent, quòd se ita in patriam
restitutum iri putabat: neq; id milites nolebant. In hac de-
liberandi mora, milites partim armis diuenditis, per pro-
ximos uicos, quàm potuerunt celerrimè enauigarūt: par-
tim uerò per eosdem uicos diuisis, in urbes ciuibz per-

misti introierūt. Anaxibius cum dilabi exercitum ac dis-
 solui intelligeret, magnā uoluptatē capiebat. Nam quòd
 sua id maximè opera accidisset, in eo se gratiam eximiam
 à Pharnabazo initurum putabat. Huic cum è Byzantio
 discessisset, Cyzici Aristarchus, cui erat Byzantij prætu-
 ra in Cleandri locum decreta, obuius factus, propèdiem
 Polum nauarchum, ut ei succederet, in Hellepontū uen-
 turum nunciat. Anaxibius Aristarchum hortatur, quot-
 cunq; è reliquijs Cyri copiarum Byzantij offendisset, om-
 nes ut uenderet. Nam tantum abfuerat ut quenquam Cle-
 ander uenderet, ut per ades etiam inuitis dominis distri-
 butos, ægros curare uoluerit. At Aristarchus ut primū
 Byzantium attigit, nihilo sanè pauciores quàm CCCC.
 uendidit. Anaxibius cū Parium appulisset, misit qui Phar-
 nabazum docerent, esse Byzantij quæ imperasset omnia
 confecta. Ille ubi resciiuit Byzantij prætorē futurum Ari-
 starchum, Anaxibio classis imperium abrogatum, hunc
 sanè nihili pendit, ac quæ de Cyri copijs illi antè impera-
 rat, eadem Aristarcho denunciat. Quod ubi animaduera-
 tit Anaxibius, Xenophontem ad se accersit, ac eum iubet
 qua possit arte, quamq; celerrimè ad exercitum uenire:
 milites aut retinere, aut iam dissipatos, quàm possit pluri-
 mos ad officium reuocare, cumq; ijs Perinthum contem-
 dere, atque inde in Asiam quamocyssimè trajcere: ei &
 triginta remorum nauem, & epistolam dat, simulq; certū
 hominē mittit, qui à se Perinthios roget, ut Xenophonti
 equos, quibus ad exercitum uehatur, præbeant. Xeno-
 phon celeriter classe transuectus, cum in castra peruenis-
 set, magna cū letitia est à militibus exceptus, & eum ma-
 gno sanè studio sequuti omnes sunt, eo duce è Thracia in
 Asiā

Asiam traiecturi. Seuthes cum Xenophontem redisse ad exercitum audisset, statim maritimo itinere Medosaden misit, qui rogaret ut cū exercitu ad se ueniret. Is cum omnia esset pollicitus, quibus hominē quamfacilimē adduci posse putaret, Xenophon respondit, id sibi nullo pacto licere. Cū ille igitur abisset, milites Perinthū profecti sunt: quō cū peruenissent, Neon cum DCCC. militibus, quos à reliquo exercitu auellerat, seorsum castra habuit: reliquæ omnes copiae simul, atque eodem in loco, ad Perinthiorum muros constiterunt. Ibi cum Xenophon naues cogeret, quibus in Asiam quamcelerrimē milites transportaretur, superuenit Aristarchus cum triremibus duabus. Is Pharnabazi studio adductus, edicit naucleris, ne Græcos in naues recipiant: ac deinde in castra ueniens militibus, ne in Asiam traiciant. Atqui, inquit Xenophon, sic iussit Anaxibius, & una hac de causa me huc remisit. Anaxibius, inquit ille, nauarchus non est: ego uerò prætor hoc oppidū obtineo: quòd si quem uestrūm hinc abeuntem deprehendero, in mare deiiciam. Hæc cū dixisset, in oppidum introijt. Ac postero die prætores ac centuriones ad se accersit: qui cum ad muros iam accessissent, Xenophontem monet quidam ne introeat: fore enim ut comprehendatur, & aut eo ipso in loco plectatur, aut Pharnabazo dedatur. Quare Xenophō audita, cæteros quidem deducit, ipse per sacra se deos cōsulturum dicit: atq; à cæteris digressus, consuluit an permetterent, ut exercitum ad Seuthē duceret: siquidem uidebat minimē tutum esse traicere, cum is qui uetaret, triremes haberet. Neq; uerò si in Chersonesum uenisset, se illic facilimē intercludi posse nō intelligebat, omniumq; rerum penuria exer-

citum laboraturum, qui ut maxime prætoris imperata fa-
 ceret, nihilo tamen magis cōmeatum compos futurus ui-
 debatur. Dum hæc ille agitare, redeunt ab Aristarcho
 prætores, ac renunciant nō esse se tunc admissos, sed ius-
 sos uesperire redire. Ex quo planè intellectum est insidiosè
 ab illo actum. Xenophon cum exta significassent tutum
 ipsi & exercitui ad Seuthen iter fore, sumpsit Polycraten
 Atheniensem centurionē, atq; item accepit à prætoribus,
 uno excepto Neone, singulos quibus illi fidem haberent
 maximam, cumq; ijs noctu ad Seuthæ castra contendit.
 Aberant ea LX. fere stad. Cum propius accessisset, tur-
 res quasdam desertas uidit, atq; ex eo primum suspicatus
 est Seuthen castra mouisse. Verum cum fremitum quen-
 dam audisset, & significantium inter se uoces, planè in-
 tellexit non aliam ob causam ignes multò ante castrorum
 excubias accēsos, nisi ut qui in statione essent, in tenebris
 conspici non possent: contraq; quicumq; accederent, per
 ignium lumina faciliè cerneretur. Quod cum animadu-
 tisset, interpretem præmisit, quem secum fortè habebat,
 qui iuberet uigiles Seuthæ renunciare, adesse Xenophon-
 tem, uelleq; eum cum Seuthe congregari. Tunc quæsierunt
 illi, nunquid Atheniensis esset is Xenophon, atq; è Græ-
 corum castris uenisset: ubi affirmatū est, cum exultatione
 ad Seuthen accurrerunt. Neq; multò post adfuerunt pel-
 tati fere CC. qui hilarè acceptum Xenophontē, eiusq; co-
 mitatum ad regem deduxerunt. Continebat se ille intra
 ualde munitum propugnaculum. Stabant circumquaque
 frenati equi. Nam propter metum interdum equos pasce-
 re, noctu ad custodias paratos esse uolebat. Aiebant enim
 Teren unum de huius maioribus, in illis ipsis aliquando
 finibus

finibus cum magnas copias haberet, ab iisdē hostibus magna clade affectum, castris etiam exutum. Erant autem hi hostes Thyni, gens quæ una omnium ad nocturnas excursions & pugnas aptissima ferebatur. Cum ad fores iam Græci astitissent, iubet Seuthes Xenophontem cum duobus quibus malit comitibus ingredi. Cū intromissi essent, post primos complexus & salutationes, Thracio more Græcis in corneis poculis uinum propinatum est. Adeerat Medosades, qui Seuthæ in legationibus cum primis operā nauabat. Hic priore loco ita dicere orsus est Xenophon: Ad me Seuthe huncce Medosaden Chalcedona misisti, qui me tuo nomine rogaret, ut cum ipso unā operam darem, ut ad te Græcorū copię ex Asia traicerent: quod si fecissem, gratiam te relaturum. Idem affirmabat Medosades. Rogauit Medosaden, an ita se res haberet: maximè, respondit ille. Rursus Xenophon: Cum iam traiecissem e Pario, redijt in castra Medosades, ac pollicitus est, si Græcos ad te adduxissem, me nō amici tantum, uerum etiam fratris loco habiturum, ac ijs, quæ mari proxima possideres, oppidis concessurum. Quæsiuit denuò an ita secum egisset: egisse, Medosades respondit. Agè nunc, inquit, huic expone quid tibi cum Chalcedone effemus, ad ea responderim. Respondisti, inquit ille, exercitū Byzantium uenturum: huius rei causa, neq; tibi, neque alij quicquam pendi opus esse. Vbi Byzantium peruentum esset, te à cæteris discessurum. ac planè quod dixisti, effectum etiam reddidisti. Quidnam, inquit ille, dixi, cum Selymbriam peruenisses: necesse tibi fore Perintho in Asiam traicere. Nunc igitur, inquit Xenophon, adsum, & mecum unā de prætorib. unus Phryniscus, de cæturionibus uerò

Polycrates. Sunt foris præterea à singulis prætoribus singuli, illis cõiunctissimi & fidelissimi, præterquam à Neone Lacedæmonio. Quòd si firmam & ratam inter nos pacationem esse uis, & illos accersi iube. Ac tu, inquit Polycrates, illis dic meo nomine, ut arma deponât, & ipse etiã ense deposito cum illis unà ingredi. Tum Seuthes, nemini se dixit, qui modò Atheniensis sit, nō fidem habere: ac scire se, Athenienses consanguineos esse: amicos uerò illos, & animo in se optimo esse existimare. Cum introissent qui fuerant accersiti, quæsiuit primum Xenophon de Seuthe, cui usui ipsi Græcorū esset exercitus futurus. Ad hæc ille inquit: Mesades mihi pater fuit, sub cuius imperio Melandepthæ fuere, Thyni, & Tranipsæ. Is è regno per Odrysorū seditionē pulsus, morbo interiit. Ego patre orbatus, apud Medocum qui nunc regnum obtinet, educatus sum. Vbi uerò adoleui, cum ad alienā mihi mentem uiuendum esse indignissimè ferrem, ad eius solium, dū in curru sederet, accessi, meq; ad eius genua aduolui, obsecrauiq; ut mihi quàm posset magnum numerū hominum cõcederet, quòd eos à quibus eiectionem effemus, iusto bello persequi possem, ne mihi esset perpetuò ad alienā mentem, perinde ac canes solent, respiciendū. Precibus itaq; ille meis cõmotus, & milites mihi eos, & equos tradidit, quos cum illuxerit, uidebitis: cum his ego uitam traduco, & cum his è paterno agro prædas ago: quòd si uestro auxilio uti licitum fuerit, dis fretus, me imperiū paternū recepturū confido. Qua igitur in re uestra opera mihi usui esse possit intelligitis. Iam uerò, inquit Xenophon, si tecū societate coierimus, nobis expone quid milites, prætores, ac centuriones abs te accepturi sint, ut hi qui mecum huc uenerunt,

uenerunt, certi aliquid cæteris renuncient. Tum ille militibus menstruum stipendium Cyzicenos singulos, centurionibus quaternos prætoribus pollicitus est: agri, quantum uellent, iumenta, munitum ad mare oppidum. Ad hæc Xenophon: Si periclitatus nihil effecero, et à Lacedæmoniis nobis quid fuerit metuendum, erit ne locus apud te ijs, qui huc se receperint? Imò, inquit, illos fratrum loco habebo, atque in currus mei partem recipiam, cumque his quicquid bello partum fuerit, communicabo. Tibi uero Xenophon filiam collocabo: ac si ulla tibi filia est, eam Thracia lege emam: ubi uerò habites, Bisantem tibi tradam, qui mihi locus est maritimorum omnium pulcherrimus. Cum hæc audissent Græci, dextras iunxerunt: atque ita firmato foedere, ante lucem in castra reuersi, ijs à quibus missi fuerant, rem omnem ordine exposuerunt. Prima luce rursus Aristarchus prætores et centuriones accersit. At illi eundem neutiquam esse, ac statim milites in concionem conuocandos censuerunt. Cum omnes, præter eos quos Neon ducebat, conuenissent, his eos uerbis Xenophō allocutus est: Iam non licet nobis, milites, quomodo constitueramus hinc enauigare. Aristarchus enim cum triremes habeat, nobis obstat, neque satis tuto naues possumus conscendere: ac idem imperat, ut per sacrum montem in Chersonesum proficiscamur. Quod si itineris difficultate superata eo peruenerimus, iam neque uenditum nos, neque, uti Byzantij euenit, circumuentum iri promittit: illic enim stipendia nos accepturos: neque cause quicquam fore, quin comeatus in promptu nobis sint. Sic ille quidem affirmat. Rursus Seuthes cum ad se ueneritis, spondet benigna uobis omnia apud se et prolixa fore. Vos itaque uel prius quam hinc discedatis, decernite, uel ad querendos come

meatus iam proficiscimini. Mihi quidem, quoniam neque pecuniam habemus, quæ quod opus est mercemur: neque nobis, quæ uitæ usus postulat, ab his gratis dantur, optimum factu uidetur, ut in uicos reuersi, quæ opus sunt ab ijs sumamus: quos facile uel cogere, uel adducere possumus, ut ea nos sinant asportare, quæ nostrum quisque ad usum suum expetit: atque id arbitrij uestri sit: cui tamen idem uidetur, is manum tollat. Manum cuncti sustulerunt. Agite igitur, inquit Xenophon, ita uos cõparate, ut cum datum fuerit signũ, statim ducem sequamini. Xenophon dux fuit, cum secuti omnes sunt, neque aut Neon, aut alij qui ab Aristarcho summissi fuerant, à proposito alios deducere potuerunt. Cum iam stad. circiter L. progressi essent, Seuthes obuius factus est: quem cum Xenophon uidisset, procedere intra cohortes Græcorum iussit, ut quæ ille diceret pro Græcorum utilitate, audirent quamplurimi. Quod cum ille fecisset, tum Xenophon: Iter, inquit, habemus in ea loca, unde milites cibaria capere possint: ibi cum à te & à Lacedæmonijs propositas condiciones audierimus, id sequemur quod ex usu maximè fore uidebitur. Quod si nobis tu ad cõmeatus cõparandos dux extiteris, planè hospitaliter nos acceptos existimabimus. Ad hæc Seuthes: Possum, inquit, indicare uobis uicos multos, hominum numero & rerum omnium copia abundantes, à nobis eatenus distantes, ut hinc manè digressi, sine ullo negotio illic cœnare possimus. Eò duc igitur nos, inquit Xenophon. Quod cum ille fecisset, uesperis quò ille dixerat peruentum est: cumq; in unum milites conuenissent, in hunc modum Seuthes loquutus est: Ego uestra opera Græci, in bellicis rebus indigeo: quam mihi si praestiteritis,

ritis, singulis Cizycenū unum militibus dabo menstruum stipendiū, ac centurionibus & prætorebus quod iam illis à me præfinitum est. Ad hæc unicuiq; pro merito & dignitate honorem habebō. Cibaria quidem uobis ex agro, uti nunc, suppeditabunt. Quæ capietis reliqua, ea ut pene me sint, æquum esse statuo, quò ex ijs uobis stipendia pendam. Ac cedentes sanè & fugientes, satis idonei erimus, qui persequamur atq; inuestigemus: sin erunt qui resistant, eos uestro auxilio fretus, ut in potestatem meam redigam, operam dabo. Tunc Xenophon: Quàm longe, inquit, à mari, ut hic te exercitus sequatur, postulas? Nihilò, respondit ille, longius, quàm septem dierum itinere, atq; haud scio an multò minus. Fecit tunc potestatem omnibus qui uellent, dicendi. Dixerunt itaq; multi, quantivis æstimanda quæ Seuthes dixisset. Hyemē iam esse, neq; idoneam ad nauigandum tempestatē. Hybernare in amicorum finibus minimè expedire, ubi nō nisi de rebus emptis exercitus ali posset. In hostili uerò agro statua habere, ac sibi cōmeatus comparare, in magna rerum copia, multò fore tutius unā cum Seuthe, quàm si ab eo discesserint. Quòd si stipendium etiam ab eo accipiant, præclare omnino secum actum existimandum esse. His auditis, si quis, inquit Xenophon, est, qui his uelit contradicere, dicat iam is licet: sin his omnes assentimini, sciscite. contradixit nemo. Scitum igitur factum est. Tunc Seuthes sibi illos dixit in bellicis expeditionibus socios fore. Post hæc alij quidem in ordines descripti, castra posuerunt: centuriones & prætores ad cœnam uocauit Seuthes, cum non longè ab uno de proximis uicis abesset. Interea dum ad fores omnes astant, ut cœnatum intromitterentur, adfuit

Heraclides quidam Maronites : is ad eos, quos aliquid ha-
 bere existimabat, quod Seuthæ dare possent, accedebat,
 ac primum quidem ad Parianos, qui ea de causa uenerāt,
 ut cum Medoco Odrysorū rege de pace agerent, ac cū ei-
 tum uxori eius dona attulerāt: Quid, inquit, Medoco ista
 potius dabit, qui à mari duodecim dierum itinere abest?
 cur nō potius Seuthæ, qui hoc iam sibi adiūcto exercitu,
 maritimæ oræ quamfacilimè imperium obtinebit, ac uo-
 bis uel prodesse, uel obesse tam finitimis, plurimū pote-
 rit? Quin uos huic quæcūq; affertis, si rebus uestris bene
 consultū uolueritis, non ei dabit, qui longissimè à uobis
 abest. Et sanè, ut ita facerēt, persuasit. Ad Timasionē de-
 inde Dardanensem cum accessisset, quem audierat & po-
 cula, & barbaricos tapetas habere: Ita, inquit, more maio-
 rum traditum est, ut qui à rege inuitatur, pro copijs suis
 ei dona dent: hic certè si imperiū suum auxerit, facile aut
 domū te reducere, aut si hic manere malueris, te locuple-
 tare possit. Hæc separatim cū singulis agebat. Ad Xeno-
 phontē etiam cum uenisset, Ex magna, inquit, tu ciuitate
 es, & percelebre tuum est apud Seuthen nomen: neq; ue-
 rò dubito quin & oppidum & agrum, ut antè etiā de ma-
 ioribus tuis nōnulli, in regione nostra sis accepturus: per-
 igitur æquum est, luculēter Seuthen à te ornari: atq; hæc
 tibi amicus, ut qui maximè, suadeo: mihi enim persuasum
 habeo, quò illi maiora dederis, eò te ab illo maiora, ac
 præclariora accepturū. Hic Xenophon quid ageret du-
 bitabat: è Pario enim soluerat cum unico puero, neq; plus
 pecuniæ habebat, quàm pro uiatico esset. Cum iam essent
 omnes ingressi ad cœnam, è Thracibus qui tunc aderant,
 nobilissimus quisq;, prætores deinde ac cæturiones Græ-
 corum

corum, & à quacunq; ciuitate missæ legationes, in orbem accubuerunt. Sunt omnibus tripodes apppositi, non pauciores quàm XX. carnibus refertissimi: & cū carnibus confixi panes fermentati, prægrandes. Hospitibus autē præcæteris, mensæ patrio ritu apponebātur. Seuthes primus omnium appositos sibi panes in frusta discidit, atq; eos quibus uisum est proiecit: eodē modo & carnes à se duntaxat prægustatas. Atq; itidem cæteri, quibus mensæ appositæ fuerant, fecerunt. Erat in eo cōuiuio Arcas quidam, Aristus nomine, edacitate maximè insignis: is ritum illum dissipandi, ac distrahendi cibaria, nihil ad se pertinere arbitratum, ingēti pane correpto, carneq; multa genibus imposita, epulabatur. Cumq; uini cornua, quæ circumferebantur, omnes à pincerna accepissent, ac iam Xenophon epulari desisset, Aristus, illi, inquit, propinato: cessat enim iam, ego uerò neutiquam. Eam uocem cum audisset Seuthes, de ministro quæsiuit, quid ille diceret: id cum indicasset, græcè enim aliquid sciebat, risus est ab omnibus cōsecutus. Cum omnes iam potu exhilarati essent, introijt Thrax quidam album equum ducens, sumptoq; uini pleno cornu, tibi, inquit, propino Seuthe, atq; hunc equum dono do, super quo & quencūq; uolueris facile assequere, ac si retrocedere contigerit, à tergo relictum hostem non metues. Alius puerum, eodē modo propinans, dedit: uestimēta alius, ad uxoris usum. Timasion argenteā phialam, & tapetium, non minoris precij minarum X. Surrexit hic Gnesippus Atheniensis, ac, Prisca, inquit, lege, qui habent, regi dona dant: qui nō habent, eos quod dent, à rege æquum est accipere. Hæc ille. At Xenophon quid agendum sibi esset, uehementer dubitabat. Sedebat ille

quidem in proxima regi, atque adeo honoratissima sella. Et Heraclides pincernam ut cornu sibi præberet monuerat. At ille cum antè accumberet, poculo sumpto alacriter surrexit: Et tibi ego, inquit, Seuthe, me ipsum, & socios hosce meos in fidem tuam trado atq; dedo, & eorum neminem inuitum: nemo est enim qui non æque atq; ego à te gratiā studeat inire, tibiq; amicus esse cupiat: ac nunc adsunt, ut gratis tua causa & labores suscipiant, & pericula adeant: quorum auxilio, dis fauentibus, & patrium regnum recipies, & alienos etiam agros imperio tuo adijcies, multos præterea equos, uiros, fœminas in potestatem rediges: è quorū finibus nihil erit necesse prædas agere: ipsi enim tibi ultro dona afferent. Tunc Seuthes ex prouocatione bibit, & de more cornu in eum qui proximus erat, effudit. Post hæc Cerasuntij ingressi sunt, qui tibijs, tubisq; è bubulis ossibus, in numerum, ut qui magas de canunt, signum dedere. Ad eum cantū primus omnium Seuthes excitatus, bellicum quiddam uociferatus est, ac peragiliter uitantis iaculum gestum egit. Adfuerūt etiam sanniones. Sole uero iam cadente, surrexerunt Græci, ac Seuthen monuerunt ut excubias disponderet, ac tesseram daret: rogarunt etiam ut ediceret, ne quis è Thracibus noctu in Græcorum castra intraret: quod sanè de fide Seuthæ nihil se dubitare dicerent, quanta uero Thracibus habenda esset, nondū se scire. Cum Græcis unà surrexit Seuthes, nulla ebrietatis signa præ se ferens: atq; exiens, prætoribus ad se uocatis, Nondum, inquit, hostes de nostra societate quicquā rescauerunt: quod si eos adorti fuerimus, antequam aut sibi caueant, aut auxilia contra nos comparent, faciliè & prædam multam agere, & homines quamplurimos

plurimos capere possumus. Id est prætoribus uehementer probatum, ac se ut duceret, rogarunt. Vos igitur, inquit ille, parati ad rem gerendam, me expectabitis: ego cum tempus idoneum uisum fuerit, ad uos ueniam: ac cum cetratos assumpsero, dis fretus, uobis me ducem præbebo. Tunc Xenophon: Atenim, inquit, consideres uelim, nunquid si de nocte nobis iter faciendum sit, præstet græco more agmen instruere: nam si de die eundem, ex locorū duntaxat ratione, aut grauem armaturā, aut peltatos, aut equitatum præire oportet: de nocte uerò cum iter suscipitur, græco ritu impeditissima quæq; exercitus pars agmen ducit: sic enim minimè agmen diuiditur, neq; facile, qui fugam cogitent, alios latère possunt: & profectò sæpe accidere consuevit, ut dissipati per errorem in suos inuadant, ac magnæ utrinque offensiones fiant. Rectè, inquit Seuthes, dicis, ac uestro isti instituto parendū censeo. Vobis itaq; duces homines natu maximos, & eosdem locorū peritissimos dabo: ego postremus cū equitatu consequar, ac cum opus fuerit, quamcelerrimè ad principia præstò ero. Tesseram Athenienses cognationis ius dedere: atque his ita constitutis, quietè corpora curarūt. De media uerò nocte præstò fuit Seuthes, secumq; loricatos equites adduxit, & cetratos suis armis instructos & ornatos: ubi æditi duces sunt: grauis armatura agminis primam partem, secundam cetrati tenuerunt: equitibus tergi custodia mandata est. Vbi uerò illuxit, Seuthes in frontem agminis promouit, ac Græcorū institutū magnopere collaudauit: Quoties enim, inquit, ego nocturnis itineribus in paruo agmine, cū equitatu, à pedestribus copijs aberrauī? Nunc uerò ita, uti maximè opus est, uniuerſi prima luce eodem

in loco consistimus: sed enim quantisper ad uos omnia speculatus redeo, hic requiescite. Ac statim uiam montanam ingressus, cum niuem multam offendisset, ad hominū maximè uestigia attēdit, auersā ne illa essent, ad aduersa. Vbi uiam uidit minimè tritam, ad suos reuersus, Rectè, inquit, modò di faueant, omnia: homines, mihi credite, opprimemus. Sed procedam cum equitatu, ut si quem fortè in uia uidero, eum antè cōprehendendum curem, quàm hostibus quicquam significet: uos consequimini: ac si fueritis à tergo relictī, uiam uobis equorum uestigia monstrabūt. certè his montibus superatis, in uicos perueniemus multos & opulentos. Hora ferè sexta iam erat, cum ipsa montiū iuga tenebat: unde cū uicos despiceret, incitato equo ad grauem armaturā uenit: ac immittam, inquit, equitem in campos, peltatos in uicos: uos uelim quācelerrimè consequi, ut si qui resisterint, opem feratis. Hæc cum Xenophon audisset, ex equo statim desiluit. Ad quem Seuthes: Quid tu, inquit, descendis? quòd scilicet accelerandū est, respondit ille. Neq; omnino tu mea unius opera indiges. Grauis uerò armatura multò maiorem celeritatem suscipiet, cum me etiam ipsum pedestrem agmen ducentē uiderit. Cum eo profectus etiā Timasion, cum Græcis equitibus circiter LX. Xenophon ijs, qui annorū L. minores essent, imperauit, ut à centurionibus digressi, expediti in primum agmen transirent: ac cum his ipse raptim aduolauit. Cleanor Græcos ducebat. Vbi in uicos peruentum est, recurrēs cum L. haud amplius equitibus Seuthes: Ita, inquit, est, uti antè dixisti Xenophon: equites longè iam à nobis abierūt, ac soli huc illuc excurrunt: illud uerò metuo, ne hostes globo factō eos inuadant. Oportet itaq; ue-

strūm

strum partem aliquam, circa hos uicos in praesidijs esse: sunt enim hominibus refertissimi. Atenim ego, inquit Xenophon, cum meis iuga occupabo: tu uero Cleanora iube per campos phalangem in uicos extendere. Cum id ita factum esset, capti sunt homines non pauciores quam M. boues bis mille, ouium propè X. millia: ac tunc quidè ibi pernoctarunt. Postero uero die Seuthes cum uicos totos exuri iussisset, atq; ita ut nulla domus reliqua fieret, ceteri, nisi paruissent, quid metuendum sibi esset intelligerēt, pedem retulit, ac praedam Heraclidæ tradidit, ut eam Perinthei uenundandā curaret, quò ex ea pecunia, quæ inde coacta esset, stipendium militi dissolueretur. Ipse cum Graecis in Thynorum campis castra posuit. Ex hostibus qui euadere potuerant, in montes confugerant. Erat in illis locis niuis magna uis, ac frigus adeò uehemens, ut aqua coenanti- bus apposita, quin & in dolijs uinum congelasceret, multis etiam Graecorum, nares & auriculæ solo tactu præ rigore auellerentur. Ac tunc planè nostris est intellectum, quamnam de causa Thraces uulpium pellibus capita, ad imas usq; aures uelarent. Sed iidem non solum pectora, sed femora etiam tunicis muniunt: atque in equis sedentes, talaribus lacernis, non chlamydibus utuntur. Seuthes quibusdam è captiuorum numero in montes dimissis, iussit illis, qui illuc confugerant, renunciare, nisi in pristinas sedes quamprimum redissent, ac se in eius potestatem dedissent, se uicos eorum inflammaturum, corruptoq; omni frumento, fame eos necaturum. Fecit hic nuncius ut mulieres tantum, pueriq; ac seniores descenderent: iuniores uero in uicis, qui sub monte erant, castra locarunt. Quod cum Seuthes rescisset, Xenophontem iussit cum ualentissima grauis

armaturæ parte se sequi. Nocte è castris egressi, cū prima luce in uicos uenerunt. Ex illis uerò quamplurimi diffugerant in proximos montes: quicunq; deprehēsi sunt, eos omnes iaculis Seuthes confixit. Erat in Græcorum exercitu Episthenes quidā Olynthius, puerorum cum primis amator: is eximia pulchritudine puerum, tunc primū pubescentem, pelta armatum conspiciatus, cum propè iam esset ut occideretur, Xenophontem obsecrauit, ut puero tam pulchro auxilio esset. Et ille quidem deprecatione suscepta, primum Seuthen docuit, Episthenen ijs moribus hominem esse, ut non aliam ob causam aliquando centuriam unam conscripserit, nisi ut eorum qui forma præstarent, delectum haberet, ac uirtutis unā cum illis documenta daret. Tunc Seuthes ad eum cōuersus: Quid tu, inquit, Episthene, inducas ne tibi in animū, ut pro isto moriare? Tunc ille iugulum ostentans, Feri me, inquit, si ita puer iubet, atq; id est gratum ei futurū. Puerum deinde rogauit, nunquid hunc uellet pro se cedi: at ille negans, pro se ac pro illo simul deprecabatur. Hic Episthenes cum puerū dono accepisset, iam paratus, inquit, sum, si ita res ferat, pro hoc certare, neq; hunc ego unquam dimittam. Subridens Seuthes, tu, inquit, uideris. Statuit autem castra eo ipso in loco ponere, ne, qui se in montes recepissent, ex illis uicis ali possent: ac ipse quidē plano loco tabernacula sua constituit: Xenophon cum lectissimo quoq; in supremo ad imū montis uico, alij uerò Græci in montanis (sic enim appellantur) Thracijs, non longē à cæteris. Quibus in locis cum dies paucos cōmorati essent, ex montibus ad Seuthen legati uenerunt, tanquā de conditionibus & obfidibus acturi. Atq; eodem tempore Seuthen Xenophon

monuit,

monuit, non esse satis bono loco castra locata, quòd ea facile possent tam propinqui hostes inuadere: ac certè fuisse potius munita loca, quàm angusta deligenda, in quibus non longè à summo periculo abessent. Iubet Seuthes eum bono animo esse, ac simul obsides ostendit. Nonnulli etiam ex ijs, qui è montibus descenderant, Xenophontē ipsum rogare cœperunt, sibi ut cōditiones conficeret. At ille ita se facturum spondit, in suamq; eos fidem recepit, nihil omnino affirmans incōmodi passuros, si Seuthæ se dedissent. Verum illi ut specularentur uenerant: nocte enim ea quæ diē, quo hæc acta sunt, consecuta est, Thyni impetu factò nostros adorti sunt. Duces erant domorum singularū domini, quòd alij in uicis, domus per tenebras agnoscere non potuissent. Domus ipsæ firmissimis erant uallis ad pecoris custodiam circumseptæ. Ad earum tunc fores cum uentum esset, alij missilia intrò iaciebant: alij lora quædam, ac tanquam scuticas uibrabant, quibus ad præcidendas hastarum cuspides utebantur. Erant qui faeces immitterent: ac Xenophontem quidem, eum nominatim appellantes, aut si exisset ad necem exposcebant, aut se illum intus crematuros minabantur: ac iam ad culmen ignis euaserat, & qui sub tecto erant, cum Xenophonte loricas & galeas ceperant, cum Silanus Macestius, adolescens annos natus decem & octo, tuba signū dedit: quo audito, repètè ex omnibus tugurijs districtos enses tenentes Græci eruperunt: Thraces uerò, qui ipsis mos est, in fugam se dederunt, peltis in tergum reiectis: & ex illis nō pauci, qui uallum ascenderant, peltarum loris implicati, de ualli sudibus pependerunt: alij, cum in tanta trepidatione exitum non reperirent, occisi sunt. Græci fugientes

ultra uicum insecuti sunt: contra quos Thynorum quidā conuersi, in tenebris, nonnullos qui ad ardentis domus cuiusdam incendium, luminis causa, accurrerant, missilibus uulnerarunt, & inter eos Hieronymum, Enodian, & Locrensem Theagenem, centuriones: uerū nemo perijt. Multorum arma igni cōsumpta. Et Seuthes quidem cum equitibus tantum septem auxiliū laturus uenit, ac secum tubicinē Thracium adduxit. Vbi in cōspectu fuit, statim cornua cecinerunt: quæ res hostibus magnum terrorem iniecit. At ille Græcos cōplexus, se timuisse dixit, ne multi cæsi essent. Hic Xenophon rogat ut obsides sibi tradat: ac se pollicetur cum illo ad montem oppugnandum profecturum: sin minus, dimitti se postulat. Postero die Seuthes obsides tradidit, grandiores natu homines, quos omnibus montis incolis aiebant dignitate præstare: ac ipse etiam est cum copijs suis profectus. Habebat iam Seuthes exercitum triplo maiorem. Ex Odrysis enim multi fama rerum à Seuthe gestarum cōmoti, ut eius essent expeditionum participes, descenderant. At Thyni cum grauem armaturam tantam, tamq; multos peltatos & equites uidissent, supplices pacem petere, & se imperata facturos polliceri, ac ut à se pignora fidei acciperet, rogare. Quare Seuthes accersit Xenophontem, atq; ei exponit quæ illi attulissent: seq; negat ullo pacto pacem petentibus daturum, si statuisse ipsum intelligat, impetū, quem illi paulò antè fecerant, ulcisci. Atqui, inquit Xenophon, mihi hercule satis magnas pœnas dederint, si qui liberi antè fuerunt, in seruitutē redigantur: censere tamen se, ab illis obsides accipiendos: atq; eos in primis, qui ad faciendam iniuriam instructiores, ac paratiores esse uiderentur: seniores

niores uerò domi relinquendos. Horum illi nihil recusarunt. Hinc ad Thracas, qui Delta incolunt, quæ regio supra Byzantiū est, transeunt. Iam locus hic ad Medosadæ imperium nihil attinebat: nam ueteris cuiusdam Terei Odryforum regis ditione continebatur. Hic Heraclides cum pecunia de manubijs adfuit: & Seuthes cū iuga tria iumentorum, quòd plura non habebat, boum uerò sanè multa produxisset, ut à se dono ea acciperet, Xenophonem rogat: alia uero quæcunq; ut prætoribus & centurionibus diuidat. Hæc Seuthæ offerenti, respondet Xenophon: satis sibi fore, si alio tēpore accipiat: in præsentia, inquit, ista prætoribus & centurionibus, qui me huc secuti sunt, donato. Accepit itaq; Timasion Dardanensis iugum unum, unum Cleanor Orchomenius, unum Phryniscus Achæus: boum uero iuga inter centuriones partitus est. Cumq; iam mensis exisset, XX. duntaxat dierum stipendium pendit. Heraclides se de præda nihilo maiorem pecuniam coëgisse affirmarat. Quare Xenophon grauius commotus, Heraclide, inquit, nō uideris mihi satis diligenter, quæ ad Seuthæ utilitates pertinent, curare: attulisses enim tu quidem stipendium integrum, ac si aliter nō potuisses, uel foenori accepta pecunia, aut ipsis uestimentis diuenditis. Hæc oratio uehementer Heraclide animū offendit, cum non parū metueret, ne ex eo amicitie loco, quem apud Seuthen obtinebat, deturbaretur. Exinde itaque quā potuit maximè Xenophontē cœpit apud Seuthen insimulare. Milites cū Xenophonte exposculabant, quòd stipendio fraudarentur. Seuthes ægrè ferebat se toties ab eo appellari. Neque enim desinebat Xenophon ei uerba illa exprobrare: Cum ad mare uenero (id enim erat

ille pollicitus) Bisantem dabo, Ganon, & nouos muros.
 Iam uerò nihil meminisse uidebatur. Nam & illud Hera-
 clides, quò Xenophontē in suspicionem & inuidiam ad-
 duceret, dictitabat, non esse satis tutum in potestatem ho-
 minis exercitum habentis, munita loca tradere. Quæ res
 effecit, ut Xenophon deliberandum sibi putaret, an per-
 sisteret in ea societate. Heraclides interea prætores alios
 ad Seuthen adducit, ijsq; persuadere conatur, ut profite-
 antur se in exercitu ductando, nihilo quàm Xenophontē
 imperitiores fore: ac se illis intra dies paucos pollicitus
 est, mercedem duum mensium curaturū, manerent modò
 in officio. Ibi Timasion omnium primus: Ego uerò, in-
 quit, ne si mensium quinque stipendium capiam, sine Xeno-
 phonte, ut in societate hac permaneā, adduci possum. Ac
 se idem in animo habere Phryniscus & Cleanor affirma-
 runt. Tunc Seuthes Heracliden obiurgauit, quòd Xeno-
 phontem non accersisset. Accersitur itaque unus Xeno-
 phon: qui cum Heracliden intelligeret operam dare, ut
 sibi apud cæteros prætores inuidiam cōflaret, uenit cum
 prætoribus & centurionibus: quibus cum persuasum es-
 set ne à Seuthe deficerent, castra mouerunt, ac primū ad
 dexteram, regione relicta eorum Thracum qui Melino-
 phagi (id est, ac si panico uestes dicās) appellantur,
 Salmydessum peruenerūt. Ad ea littora è mari, in breuia
 & quasi æstuaria quædā impactæ naues quamplurimæ,
 in Pontū uenientes, franguntur: eas Thraces prædantur,
 diuisis inter se littoribus, columnis per interualla erectis:
 nam antequam id fieret, de præda inter eos cædes pluri-
 mæ fiebant. Ibi lecti multi, & arcæ item multæ repertæ
 sunt: multæ papyri, & alia multa, quæ in ligneis uasis re-
 posita

posita nauiculatores habere consueuerunt. His omnibus direptis abierūt. Iam copias Seuthes Græcorum exercitus maiores habebat: ex Odrysis enim longè plurimi descenderant, qui omnes Seuthæ fidem secuti sunt. Castra supra Selymbriam habebātur, in campis qui à mari absunt quin quaginta circiter stadia: stipendium omnino nullum pendebatur. Milites Xenophonti succensebant, quòd ab eius familiaritate & consuetudine iam Seuthes refugere uidebatur: nam ad eum quoties ueniret, se ille negocijs distineri causabatur. Interea cū iam menses duo abissent, Charminus Laco, & Polynicus à Thimbrone missi, nunciant decreuisse Lacedæmonios bellū Tysapherni inferre. Iam cum classe profectum Thimbronem, qui exercitum inuitaret, menstruum stipendium militibus singulis Daricum pollicens, centurionibus duplicatum. Quod ubi Heraclides cognouit, Seuthæ suadet, conducere eum exercitū tradere Lacedæmonijs. Illi, inquit, eo indigēt, tibi nihil opus est: & sanè illis non parum gratificabere. Stipendiū uerò hi abs te nō exigent: quamprimum enim è nostris finibus decedent. His ille persuasus iubet legatos introduci, ac legatione audita, statim se exercitū illis tradere respondit, amicūq; se & socium Lacedæmoniorū futurum. Legatos etiam hospitaliter inuitatos accepit magnificè, neque Xenophontem aut aliorum prætorum quenquam uocauit. Cum autem Lacones quæsisent, qui uir esset Xenophon: respondit ille, non omnino malum esse, sed militum amantiorē ferè quàm opus esset, ac sibi propterea minus utilem. Nunquid, illi inquirunt, popularē se militibus præbet? Vnus omniū maximè, respondit Heraclides. At illud uerendum est, dicunt illi, ne hunc nobis exercitum abdu-

cere cupientibus, aduersetur. Verum, inquit, illis uos in unum congregatis paruum stipendiū si promiseritis, Xenophonte relicto, uos proculdubio sequentur. Sed quonā possint modo cōgregari? inquit illi. Cras, respondit Heraclides, uos ad eos deducā: neq; dubito quin simulac uos uiderint, concursuri sint. Et his quidem sermonibus dies exemptus est. Postero uerò die à Seuthe & Heraclide deducti sunt ad exercitum legati. Cum in unum omnes conuenissent, Græcos legati his uerbis allocuti sunt: Lacedæmonijs uisum est bellum Tysapherni inferre, à quo iniuriam acceperunt: uos nobiscum si societatem coieritis, & cōmunem hostem ulciscemini, & Daricū uestrū unusquisq; mensibus singulis capiet, cēturiones uerò duplum, quadruplum prætores. Hæc milites audierunt sanè quàm libenter. Ac statim ex Arcadibus quidā surrexit, & Xenophontem acerbè coepit accusare. Aderat Seuthes: ut planius enim cognosceret quorsum res euaderet, propius accesserat, & eo loco cōstiterat, adhibito interprete, è quo facillè omnia posset audire. Sed multa etiam græcè sciebat. Arcas ita locutus est: Nos iampridem ad uos uenissimus Lacedæmonij, nisi Xenophontis oratione inducti huc diuertissemus, ubi & hyemem importunissimam, & asperrimā egimus: & militaria munia obeuntes, neq; diem, neq; noctem unam quieuiimus. Ille uerò fructus nostrorum laborum præripit, & eum sanè Seuthes donis expleuit, nos nostro stipendio fraudat. Quòd si, idē inquit, lapidibus illum obrutum, & pœnas pro eo quòd nos tantum uexauit, dantem uideam, planè integram mihi uidear mercedem accepisse, neq; erunt, quæ passus sum, ulla ex parte amplius grauiā. Surrexit deinde alius, & subinde alius.

alius. Quorum querelis cōmotus Xenophon, sui purgandi causa ita locutus est: Nimirum nihil est quod homini metuendum non sit, cum eas uos mihi res crimini esse uelitis, in quibus mihi conscius sum, cura studioq; summo, uestris rationibus quamoptimè consultum uoluisse. Diuerti ego uobiscum, cum iam nihil, quàm domum redire mallem: non sanè quòd existimarem, posse me uos magno alio quo beneficio afficere, sed cum urgeri uos rerum omnium penuria uiderem, ut uos qua possem ope subleuarem. Accū per nūcios Seuthes hicce me sollicitaret, ac mihi quiduis polliceretur, si ut uos ad se ueniretis effecissem, testes uos ipsi esse potestis, non potuisse me adduci. Deduxi igitur uos eum in locum, unde quamfacilimè in Asiam traicere possetis: quod maximè uobis conducere existimabā, & uos esse in eam partem propensiores cognoscebat. Verum cum Aristarchus cū triremibus uenisset, ac nos tradere uetuisset, ad uos ego, sicuti res postulabat, de eo quod faciendum esset retuli. Quo tempore cum Aristarchus, ut in Chersonesum ueniretis imperaret, ac Seuthes ad societatem inuitaret, nōne dixistis omnes ad Seuthem eundum, atq; id uestris etiam sententijs declarastis? Dicitur igitur obsecro, inquit, nunquid ego eò uos laeserim, quòd uestræ uoluntati obtēperans, uos, quò ipsi maximè uoluistis, duxerim? Postea uero quàm Seuthes, neglecta quam dederat fide, coepit uos mercede fraudare, si mihi eius factum probatur, iurè uos quidem & accusatis me, & odio habetis: sin contrā ab eo nūc maximè, cui fui coniunctissimus, dissideo, quanam de causa, qui in uestra esse, quàm illius potestate malim, nunc à uobis in inuidiam & crimen rapior? Quòd si illud dicitis, stipendijs uestris

interuersis, me in causa uestra apud Seuthen præuaricatum: illud certè perspicuum est, quòd si quid mihi Seuthes pendisset, non posset utiq; ferre, quòd & eo careret, & insuper aliam uobis pecuniã penderet: pendisset enim ille, ut minore mihi pecunia data, tanto maiorẽ uobis non daret. Quòd si aliter existimatis, si mercedẽ uestram nũc à Seuthe exegeritis, faciliẽ aut uos ego redarguam, aut me uos. Quis enim dubitet repetiturũ à me Seuthen quæ dederit, si pactus quod fuerim, precio corruptus, ei nõ præstitero? Sedenim multum abest, ut uestra ego uos mercede fraudarim: ac per deos omnes deasq; iuro, Seuthen neq; ea mihi dedisse, quæ priuatim promiserat: adest ipse, atque hæc audiens, si mentior, periurij me tacitus condemnat. Ac quod magis miremini, illud etiam adiuro, minus me multò accepisse, q̃ cæteros prætores, ne dicam quàm de centurionibus nonnulli. Quæ uerò me res, ut id facerem adduxit? Existimabam, quò eum magis in aduersis rebus iuuissẽ, tanto fore mihi in sequendis amiciorẽ. Sed iam & illum uideo re bene gesta, neq; memori, neq; grato animo esse. Quid igitur, dicat aliquis, non erubescis cum te sentis tam fuisse improuidum, ut ludibrio te habuerit? Ego uerò planè erubescam, si ab hoste me deceptum sentiam. Nam quicumque sub amici nomine alterum fallit, is, meo iudicio, multò est, quàm qui fallitur, turpior. Nam si qua est aduersum amicum cautio, eam uos sedulò adhibuisse satis scio, ne causa ei esset, quamobrẽ ea uobis non daret quæ promississet: neq; enim hunc nos aut læsimus quicquam, aut ullo per ignauiam nostram detrimento affecimus, neq; ullum, quod ipse nobis proposuerit, certamen refugimus. Verũ dicatis fortasse, pignora fuisse postula-

landa,

landa, ne nos posset cum uellet fallere. Ad hæc auscultate: quæ sanè reticuissem, nisi uos aut minus peritos rerum iudices, aut meorum erga uos meritorum immemores cognouissem. Recordamini quo loco res uestræ essent, cum uos ad Seuthen deduxi. Perinthum cum intrare uelletis, non patiebatur Aristarchus: qui occlusis portis, uos sub diuo, hyeme summa, statiuā habere cogebat: foro uero eo utebamini, in quo prætenues erāt copiæ, neq; uobis unde emeretis, quæ opus erāt, ualde suppeditabat. Neceffe uerò erat in Thracia permanere: triremes enim excursionibus assiduis, quò minus traiceremus obstabant. Quòd si statiuā in hostili agro habuissemus, in quo erat magnus equitum numerus, magnus etiam peltatorū, cum grauem tantum nos armaturam haberemus, potuissemus omnino uniuerso agmine in uicos inuadere, & inde non ita multū cōmeatum querere. At cum neq; equitatum, neq; peltatos ullos à uobis accepissem, neq; persequi, nec retinere, uel homines, uel pecora potuissemus: tam dubijs igitur rebus, si uobis gratis Seuthen conciliaui, hominem & equitum & peltatorum copijs ualde instructum, uideor, uestram fidē obtestor, uobis ego male consuluisse? Vos certè dum eius societate usi estis, & frumenta in uicis, quos effuse fugientes præ metu Thraces deseruerant, reperistis, & pecoris ac mancipiorum participes fuistis. Præterea posteaquā equestres copias habere cœpimus, nulli nobis hostes in cōspectum uenerunt, cum antè nos & equitatu, & peltatorum suorum globo acriter urgerent, semperq; impedimento essent, quò minus parua manu largiores uobis cōmeatus acquirere possetis. Is igitur per quem hanc estis securitatem cōsecuti, quòd magnam præterea uobis

mercedem non penderit, quasi uos magna aliqua calamitate affecerit, ad necē deposcitur? Considerate uerò quæ futura fuisset abeundi facultas, nisi hyemem in summa rerum omnium copia egissetis, ac nisi aduentitiū quasi quiddam & superuacaneum à Seuthe accepissetis. Quæ enim hostibus eripueratis, iam prorsus erant consumpta: & interea uestrum omnino neminē neq; cæsum, neq; bello captum amisistis. Ad hæc, si quid in Asia præclare gessistis, nōne ea uobis gloria integra atq; incolumis manet? & ad eam nouam hanc in Europa, deiectis contra quos belastis Thracibus, addidistis? Ego nehercule ita statuo: pro ijs quorum mihi causa irascimini, magnā à uobis dis immortalibus, per quos maximorū bonorum compotes fuistis, gratiam habendam. Atq; hic fuit rerum uestrarū exitus. Nunc, quā mecum sit præclare actum, cognoscite. Ego si domum statim redissem, primū laudem sanē magnam, quam mihi tunc omnes impertiebamini, reportassem, ac per uos fuisset gloriæ meæ apud alias Græciæ gentes aditus patefactus: fidem uerò mihi habuissent Lacedæmonij, quando illi me ad uos remisierant: Nunc ad ipsos Lacedæmonios, in summam à uobis inuidiam adductus, proficiscor. Vestra etiam causa cum Seuthe inimicitias suscepi, quem meo uestroq; merito sperarā, aut mihi aliquando, aut liberis meis, si ita usu uenisset, memorem se & gratum præbiturum. Ac ipsi uos, quorum ego causa, tanto quā ego sum, potentiorum hominum odia subiij, quiq; ab ijs, quas saluti uobis fore existimē, actionibus nōdum tamen desistere possum, isto in me animo estis. Sed quid uerbis opus est? prehēdite iam me, si ita uidetur, neque fugientem neq; deprecantem. Atqui si in me uti mi-

namini

namini seuieritis, hominem certè tolletis, cuius toties uigilantia seruati estis, qui multa uobiscum gessit, multa pericula adiit, cum suam, tum alienā uicem, officio suo functus: quiq; dis fauentibus, ac uestra adiutus uirtute, multa de barbaris trophæa erexit. Eum præterea, qui quantum maximè potuit, semper plurimum contendit, ne cum ulla Græcorum natione uobis bellandum esset. Ac certè, amoto iam metu, quò uobis libet, terra mariue licet proficisci. Vos uerò rebus iam sequundissimis fruentes, cum expedita iam sit, quod iam pridem cupistis, nauigandi facultas: ac uestrum sibi potentissimi quiq; auxilium expectant: stipendium in promptu sit: ultro se uobis Lacedæmonij duces præbeant, qui faciliè præstare cæteris uirtute et imperio existimantur: tempus iam, quo me occidatis, idoneum nacti estis. At quàm, perditis & afflictis rebus, aliud erga me animum præ uobis ferebatis, cum me, ô maximè omnium memores, parentem appellabatis? cum meorum erga uos meritorum semper sanctam atq; inuiolatā memoriam fore promittebatis? At neq; sunt rerum imperiti hi, qui nunc ad uos uenerunt: quare nisi me animus fallit, nihilo uos certè meliores de uestro isto in me facto iudicabunt. Hæc Xenophon. Qui cum perorasset, surrexit Lacedæmonius Charminus: Et mihi sanè, inquit, nō iurè milites huic succēdere uidemini: possum enim eum ego quoque meo testimonio subleuare. Nam cū ego & Polynices quæsissemus de Seuthe, quid de Xenophonte sentiret: aliud ille nihil habuit quod accusaret, nisi quòd eum dixit nimis propēso esse in milites animo: ac propterea neque sibi fuisse, neq; nobis fore satis utilem hominis amicitiam. Surrexit deinde Eurylochus Lysiates Arcas: Ac ui-

detur mihi, inquit, Lacedæmonij, nihil nobis antè auspicijs ductuq; uestro gerendum, quàm Seuthes, uelit nolit, quæ nobis debet stipendia penderit: neq; omnino hinc antequam ea receperimus, discedendum. Ad hæc Polycrates Atheniensis Xenophontis causam agens: Video, inquit, milites adesse Heraclidem, qui pecunia, quā magnis nostris laboribus partā nobis debebat Seuthes, interuersa, & Seuthen ipsum, & nos ea fraudauit. Nihil igitur fecerimus elegantius, quàm si ipsum comprehenderimus. Neq; enim Thrax est, sed Græcus male de Græcis mereatur. Hæc cū audisset Heraclides, uehementer territus est: & ad Seuthen accedens, Bene, inquit, rebus nostris consultum fuerit, si hinc abeuntes, ex horū nos potestate subduxerimus. Vterq; igitur citatis equis, in sua castra redierunt. Mittit inde Scuthes Ebozelmium interpretē suum ad Xenophontē, ac se illi spondet, & maritima illa loca, & reliqua quæ promiserat, daturum, si apud se cum grauis armaturæ militibus mille permāserit. Addit tanquam arcanum, audisse se de Polynice, illum si in Lacedæmoniorum potestatem uenisset, proculdubio à Thimbrone occisum iri. Ac sanè hospites multi Xenophontē per nuncios monuerunt, ut cōcitātā sibi multis criminationibus inuidiā caueret. Ea re cōmotus Xenophon, hostias duas Ioui regi immolat: consulitq;, acquiescendum ne Seuthæ conditionibus, an uerò cum exercitu discedendum. Discedendum exta nunciarūt. Interius Seuthes castra locauit, Græci uerò in uicis: unde frumento plurimo coacto, ad mare descendere in animo habebant. Hos uicos Medosades Seuthes tradiderat. Medosades itaq; cū à Græcis absumi omnia uideret, molestissimè id ferebat. Assumpto
igitur

igitur ex Odrysis, qui illuc descenderant, homine potentissimo, ac quinquaginta fere equitibus, ad castra proprius accedit, & Xenophontē ad se accersit: qui cum centurionibus et honestis aliquot hominibus uenit. Tunc ita Medosades locutus est: Iniuriam uos quidem Græci nobis facitis, qui uicos nostros populamini: uobis itaq; edicimus, ego pro Scuthe: hic qui adest, pro Medoco superioris Thraciæ rege, ut ex his finibus quamprimū discedatis: quod nisi feceritis, iniurias uestras nullo pacto feremus, quin tanquam hostes uos ulciscemur. Ad hæc ita respondit Xenophon: Tibi quidem, ad ea quæ dicis, est omnino difficile respondere. Verum istius adolescentis causa dicā quæ opus est, ut quales uos sitis, quales item nos, facile cognoscatis. Nos antequā uobis amici essemus, per hos fines quocunq; libitum esset, uel populantes, uel etiā urentes excurrebamus: ac tu quoties legatus ad nos uenisses, intra castra receptus, hostes planè nullos metuebas. Vos uerò in hos agros nunquā ueniebatis: aut si quando uenissetis, ut inter eos, qui multò uiribus præstarent, frænatis equis pernoctabatis. Postea uerò quā uobis amicitia nobiscum intercedit, & nostra maximè opera agrum hunc tenetis, eijcitis nos ex ea regione, quam nostra uoluntate captam habetis. Vti enim ipse nosti, nos certè hostes eijcere nō potuissent. Tantum uerò abest ut donis ac beneficijs optimè de uobis meritos prosequaris, ut castris etiam locum capere prohibeas. Neq; dum ista dicis, aut deos uereris, aut istum ipsum hominem, qui te iam diuitē cōspicit, cum antè, ut ipse profitebare, antequam ad amicitiam te nostram applicasses, è latrocinijs tibi uictitandū esset. Verum quid hæc mecum agitis? cur nō potius cum

Lacedæmonijs? quibus abducendū exercitum, ô uiri omnium præstantissimi tradidistis, re mecum ne utiquam communicata, ne uidelicet eam inuidiā, quam mihi his copijs ad uos adductis concitarā, si nunc illis eas ipse reddidissē, extinguerem. Hæc cum Odrysius ille audisset, ego, inquit, Medosade, infra terram, præ pudore, cum hæc audio, me abdere cupio: & profectò si hæc antè scissem, te huc nullo pacto secutus essem. Verū iam abeo: satis enim scio me apud Medocum reprehensione carere nō posse, si me intelligat bene de nobis meritos homines è finibus pellere. Hæc locutus equo citato abiit, & cum eo equites omnes, præter quatuor, aut ad summū quinq;. At Medosades, ut qui æquo animo ferre non poterat agrum populationibus uastatum, Xenophontem iubet in consiliū legatos Lacedæmoniorū uocare. At ille assumptis lectissimis quibusque, ad Charminum & Polynicen uenit: tum, uos, inquit, accersit Medosades, idem quod nobis imperaturus, ut è finibus abeat: uobis itaq; nūc ea potestas est, ut Græcis debitum à Seuthe stipendiū auferatis, si ita huic responderitis, rogare Græcos, ut se adiungetis in sua, à Seuthe uel uolente, uel inuito, mercede recipienda. Atq; eos quidem polliceri alacriter se, sibi si non defueritis, uobis operam nauaturos. Videri uobis illos æquum poscere: ac uos iam promississe, non antè discessuros, quā suum ius milites obtinuerint. Id cum Lacones accepissent, se ita dicturos affirmant, atq; hanc causam quam accuratissime acturos: ac statim ad Medosaden, cū ijs, qui maxime idonei uisi sunt, comitibus uenerunt: & priore loco Charminus, Adsumus, inquit, Medosade, si quid uelis nobiscum agere: nam & nobis, quod tecum agamus, non deest. Ad hæc

hæc Medosades perquam demissè: Ego, inquit, & Seuthes rogatos uos uolumus, ne qua in re nostrā amicitiam uioletis. Nam cum socios nostros calamitate afficitis, ea certè in nos iniuria redundat. Atenim (Lacones responderunt) si hi, quorum ista maximè opera possidetis, suam à uobis mercedem acceperint, quamprimū hinc abibimus. Sin aliter, & iisdem uenimus auxilium laturi, & in eos acriter animaduersuri, qui hos, iurisiurandi religione neglecta, uiolarunt: quo de numero si uos estis, istinc primū poenas expetemus. Adiecit Xenophon: Velitis ne Medosade, hos ipsos populos, in quorum finibus estis, quos uobis socios esse dicitis, suffragio suo declarare, utrum nos, an uos potius, malint hinc abire? At ille id sibi nō placere respondit: tantū Lacones hortatus est, ut ad Seuthen secū uenirent, & cum eo de mercede agerent: sin ipsi id recusarent, ut Xenophontem secum mitterent, ac se ei auxilio fore promisit. Interea rogauit, uicos ne urerent. Mittitur Xenophon, & cum eo, qui maximè idonei comites uisi sunt. Qui cū ad Seuthen accessisset: Adsum, inquit, nō ut à te quicquam repetam, sed ut doceā, qua possim ratione, mihi te non iure succensere, quòd militibus, quæ tua summa uoluntate pollicitus es, à te exigam: siquidem tibi semper magis conducere ea reddere duxi, quam illis recipere. Illud enim satis scio, te illos, secundū deos, illustrem reddidisse, qui tam ampli regni te compotem fecerint, ac tam magnum hominum numerum potestati tuæ subiecerint, ut nullum iam, aut honestum, aut turpe factum tuū, obscurum esse possit. Quare cum ita se res tuæ habeant, tua permagni arbitror referre, nō uideri te homines tam bene de te meritos, tam inhumaniter dimisisse. Neque uerò

Viri constantis
oratio quid ualeat.

paruifaciendum est, hominum te VI. millium laudibus celebrari. Nam certè illud est tibi omniū maximè expetendum, neque irrita, neque uana uideri, quæ dixeris. Video enim leuium & inconstantium hominum orationem, futilem & inanem haberi, ac temerè huc atq; illuc errare, sine pōdere ullo, aut honore. Cōtrā uero cū fidei quempiam rationem habere maximam constiterit, eius orationem, si quid rogarit, multò plus quàm ullam uim ualere: eundem si quenq; ad officium uelit reuocare, minando id facilius, quàm alios puniendo cōsequi posse: ac postremò plus proficere promittēdo, quàm alios statim dando. Recordare uerò cū nos tibi socios asciuisti, an præ manu aliquid nobis dederis: certè tu quidem nihil, sed tuam duntaxat fidem secuti sumus: & ea una tot homines cōcitasti, quorum maximè auxilio & opera tibi id imperium partum est: quod multis partibus pluris æstimandum, quàm ea L. talenta, quæ à te nostri repetunt. Quid autē? nōne & perfidiæ crimen, & regni nuper parti instabilitatem hac pecunia redimis? Iam uerò quanti, obsecro te, æstima res istarum te rerum potiri posse, quæ in tua nunc potestate sunt? Mihi profectò dubiū esse non potest, quin ista, quæ tibi effecta reddidimus, multò maiori, quàm quantā nobis debes, pecuniæ fueris prælaturus. Mihi certè & damnum, & dedecus multò maius esse uidetur, parta nō tueri, quàm quæ in aliorum sint potestate, non uindicare: quanto scilicet grauius est è diuite pauperem fieri, quàm omnino ab initio diuitem non fuisse: quantoq; sit acerbius è regno eijci, quàm non esse regnum unquam consecutū. Et illud etiam non ignoras, eos qui nunc tibi parent, non amicitia cōciliatos, sed ui parère coactos: atq; eos si quod recipien

recipiendæ libertatis tempus nacti fuerint, neq; ullo fuerint metu retardati, faciliè rebellaturos. Vtro igitur modo facilius in officio cōtineri possint, si milites hosce eo erga te animo esse uideant, ut uel si iubeas maneat, uel cum opus fuerit quamprimum ad te redeant, atque id eos audiant prædicantes, tuo se merito tibi ubiuis locorū præsto futuros: an uerò si spem in perfidia tua positam habuerint, neque aliunde manum ullam tibi auxilio uenturam, neque hos quibus es usus, tibi quicquam fore quàm ipsis amiciores? Neque uerò illi quòd nostris copijs numero inferiores essent, subacti sunt, sed quòd plane duces nullos habuerunt. Quid futurum igitur est, si aut ex ijs, qui iniuria se laceßitos putant, dux illis unus aliquis extiterit? aut, quòd fuerit illis optabilius, ex ipsis Lacedæmonijs? quibus cum milites alacriores in bello futuros se polliciti fuerint, si in repetenda sua se adiunxerint mercede, certè cum exercitu indigeant, quicquid oneris impositū fuerit, suscipere sua interesse putabunt. Quòd autem, qui sub imperio tuo sunt Thraces, multò sint alacrius contra te, quàm tecū arma sumpturi, ex eo non est difficile conijcere, quòd te regnum obtinente, seruitus: eiectò, libertas illis parata est. Iam uerò si regioni huic, tanquā tuæ, bene consulendum est, utro tandem modo eam integriorē fore iudicas: si milites hi sua mercede, cuius tibi causa irati sunt, recepta, pacati abeant, an uerò, si & hi agrum populationibus infestum reddant? & maiorem tu, quam his opponas, manum comparare coneris, cui erūt nihilominus cōmeatus curandi? Et pecunia utra tādē ratione maior erogabitur, si quod his debes dissolueris, an uerò si & his uno tempore debeas, & alijs tibi sit uel hoc maior exer-

citus alendus? Atenim hæc pecuniæ summa, Heraclidæ,
 quod ex eius oratione cognoui, per hercle magna uide-
 tur: sed certè decem partibus minor tibi, uel reddenti uel
 accipienti, uideri debet, quàm ea, quam, cum ad te ueni-
 mus, possidebas. Neque enim numero, quantum quis uel
 det, uel accipiat, sed hominis ipsius facultate metiendum
 est. Tu uerò nunc maiores quotannis fructus capis, quàm
 quanti omnis antè pecunia tua cēseretur. Atq; id ego tibi
 tanquam integra amicitia nostra suadeo, quò & ipse deo-
 rum tam multis beneficijs dignus habere, & mihi nō sit
 concitata multitudini capitis poena luenda. Qui est enim
 in præsentia militū in me animus, neq; ego his copijs ini-
 micum ulcisci, neq; iterum si uelim, tibi opem ferre pos-
 sem. Atqui & ipsum te, & deos, quos nihil latere potest,
 testes cito, nihil me, eo nomine, quòd tibi Græcos concia-
 liarim, abs te accepisse: neque unquam quæ illis deberen-
 tur, mihi ut dares postulasse: quando neq; ea repetij, quæ
 tu mihi ultro promisisti. Illud etiam iureiurando affirmo,
 nihil me abs te accepturum, nisi & milites suum recepe-
 rint. Quid enim turpius, quàm meis ipsius rebus ex ani-
 mi sententia transactis, eorum causam negligere, qui me
 maximè ornatum & honestatū uoluerunt? At Heraclides
 nugas esse arbitratur omnia, præterquam argentū quo-
 uis modo partum habere. Ego uerò Seuthe nihil homini.
 cuius, ac præcipuè ei, qui in alios imperium habeat, ulla
 opes existimo pulchriores, aut honestiores, quàm uirtus
 sit, iustitia, animi magnitudo: quæ qui possideat, cū ei tam
 multi amici sint, ac tam multi esse cupiant, non potest non
 diuitijs plurimum abundare: neq; omnino is in sequen-
 dis qui gratulētur, in aduersis qui opem ferant, requirit.

Quòd

Quòd si neq; ex ullo factò meo satis perspectũ habes, me tibi ex animo amicum esse, neq; id etiam potes ex oratione mea cognoscere, ueniat tibi quæso in mentem eorum, quæ à militibus ipsis dicta sunt: audisti enim cum dicerent uituperatores mei, dum apud Lacedæmonios me insimularent, te pluris multò à me, quàm Lacedæmonios fieri: meq; accusarèt, quòd tuis, quàm suis rationibus bene consultum mallem: ac iðem accepisse me abs te pecuniam obijcerent. In quam suspicionem unde putas eos uenisse? An quòd me potius hostili, quàm prompto & beneuolo in te animo esse animaduertebāt? Ego mehercule ita existimo, neminem à quoquam, nisi benevolentiam erga illum præse ferat, munera accipere. Ac tu quidem, antequam de te quicquam bene mererer, & uultu & uoce me, hospitibus etiam donis liberalissimè accepisti: promittēdi uerò nullum finem faciebas: posteaquā uoti compos factus es, ac quantum ope, operaq; mea fieri potuit, creuisti, nihil quòd militibus nostris contemptui sim, ad te pertinere arbitraris? Atenim confido, ex tempore ipso cōsilio capto, te quod debes dissoluturum. Nam adduci non possum ut credam, te semper bene de te meritorũ hominum querelas pro nihilo habiturum. Te igitur rogatũ uelim, ut cum satis militibus feceris, me etiam apud eos, in quem accepisti, locum restituas. Hæc ubi Seuthes audiuit, male ei precatus est, cuius suasu adductus Græcis iampridem stipendium non pendisset (illum nimirum Heraclidem fuisse omnes suspicati sunt) Mihi enim, inquit, nunquam, ut milites sua mercede fraudarẽ, in mentẽ uenire potuisset, ac iam quod debeo dependam. Tunc Xenophon: Si certum est dependere, per me istud agito: neq; me negligas in eum,

quem cum ad te ueni, tenebam apud milites, gratiæ & honoris locum restituere, cum præsertim eum, dum plurimum tua causa uolo, amiserim. At nihil, respondit ille, mea causa uolo apud tuos de tua existimatione detractum. Ac si in animum potes inducere ut mecum mancas, cum mille duntaxat grauis armaturæ peditibus, & regiones tibi maritimas tradā, & quæ pollicitus sum omnia. Ad hæc Xenophon: Non est id, inquit, iam mihi integrum, quin tu nos quamprimū dimittito. Tunc ille: Atenim certò scio, si manseris, multò id tibi tutius futurum. Quòd mihi, inquit rursus Xenophon, cautum uelis, agnosco humanitatem tuam: sed non est id planè arbitrij mei. Verūm quicquid mihi honoris accesserit, id uelim existimes, ex re usuq; tuo magnopere futurum. Ibi Seuthes, Mihi, inquit, in præsentia argenti in promptu nihil plus est, quàm talentum unum, & illud iam tibi pendam. Boues uero DC. oues ter mille, mancipia centū & uiginti penes me sunt, hæc omnia aufero: & eos simul, qui te laeserunt, à me obfides cape, ac quò libet abi. Subrisit Xenophon: & quid, inquit, si quæ aufero omnia integram mercedē conficere non possunt, cui nam talentum dabitur? Nōne satius fuerit, quod ab inimicis mihi imminet, periculum deuitare? audisti enim eorum minas. Ac tunc simul noctē eam peregerunt. Postero uerò die quæ promiserat Seuthes tradidit, ac simul qui præ omnia agerent misit. Interea uulgò inter Græcos oratio ea iactari cœpta, non rediturum amplius Xenophontē: sed apud Seuthen ablatis ijs, quæ ille promississet, mansurū. Quare ubi uenientem uiderunt, lætati magnopere sunt, ac ei cum gratulatione occurrerūt. Is uerò ubi Charminus & Polynicus in conspectu fuere,

Hæc

Hæc, inquit, opera uestra recepta sunt, quæ nunc uobis trado, uos ea arbitrato uestro diuidite. Illi magistris uēditionis constitutis, omnia uendiderunt: neq; omnino interuēse pecuniæ suspicione carere potuerunt. At Xenophon ab omni iam se cura abduxerat, neq; ulla de re magis, quàm de reditu cogitare uidebatur: nondum enim ei populi suffragio erat Athenis exilij pœna constituta. Hic ad eum homines è toto exercitu longè honestissimi accesserunt, ac multis cum precibus, ut nō antè discederet contenderūt, quàm copias illas Thimbroni traderet. Cum se igitur ille exorari suisset, è Thracia classe Lampsaçū omnes traiecerunt: ibi Xenophōti obuius fit Euclides Phliasus uates, Cleagoræ illius filius, qui in Lyceo somnia pinxit: ac de reditu gratulatus, quæsiuit quantum auri attulisset: iurauit Xenophon se ne uiaticum quidem habere quantisper domū perueniat, nisi equum & sarcinas uendat: quod ille ut crederet adduci non poterat. Sed cum Lampsaçeni hospitalia dona misissent, adhibito Euclide Apollini Xenophon immolauit: inspectis uerò extis, se iam credere dixit Euclides nullam Xenophontē pecuniā habere. Atenim uideo, inquit, etiam in posterum ad pecuniam cogendam semper tibi aliquid impedimēto futurū. Nihil autem æquè tibi, ac te ipsum aduersari. Assensus est Xenophon. quid ni, inquit ille, cui aduersarius sit Iupiter placabilis? Quæsiuit rursus, nunquid ei sacrū fecisset aliquando, uti ego, inquit, domi consuebam & immolare & uictimam adurere. Negauit Xenophō, se unquam illi deo toto peregrinationis tempore rem diuinam fecisse. Persuasit igitur ille, ut sacrum ei faceret, ac secundiora futura deinde omnia affirmauit. Postero itaq; die Xenophon sub

Ophrynijs mœnibus porcos mactat, & patrio ritu adu-
rit. Litatum quidem est. Eodem ipso die adfuere Biton &
Euclides, pecuniâ militibus daturi: & inuitarunt illi qui-
dem Xenophontem, & equum, quem Lampfaci uenuna
dederat (suspicati numorum egestate coactum illum uen-
didisse, cum alioquin equo audissent eo plurimū delecta-
tum) redemptum illi reddiderunt, neq; ullo pacto precii
recipere uoluerunt. Hinc profecti per Troiam, Ida supe-
rata Antandrum perueniunt: inde per oram Lydiæ in The-
bes campos. Illinc prætergressi Adramytium, Certonium,
Atarnum, & Caici campos, Pergamum Lydiæ oppidum
intran. Xenophon ab Hellade Gongyli matre hospitio
acceptus, ex ea cognoscit, Asidaten hominem Persam in
campis cōmorari. Hunc, inquit, si noctu, uel cum trecen-
tis tantū hominibus adoriare, facîle cum uxore & liberis
opprimes, ac tota eius pecunia, quam planè luculentā ha-
bet, potiere. Ac ne ducem desideret, mittit Daphnagorā
patruelem suum, hominem quem plurimi faciebat. Xeno-
phon militibus iam coactis, rem diuinam facit. Agasias
Eleus uates, lata esse exta nunciat, ac hominē oppressum
omnino iri. A cœna itaq; iter ingressus, assumptis ex om-
ni centurionum numero amantissimis ac fidelissimis qui-
busque, quos nempe suo beneficio præ cæteris ornatos
uellet. In eum tamen se militum delectum D C. ferè alij
intrudere conati sunt, quos centuriones repulerunt, ne
cum illis prædam, quam sui iuris futuram pro certò ha-
bebant, communicarent. Peruenerunt autem media ferè
nocte ad Asidatæ munitiones: ibi cum & mancipia, &
res item multæ extra munimenta essent, de manibus om-
nia tunc elapsa, propterea quòd ad unū Asidaten, & eius
pecuniam

pecuniam occupandam, animum adiecerant. Cum uerò munimenta iam oppugnare cœpissent, neque turrē quandā capere possent, quod præalta erat, ac firmissimis propugnaculis, & lectissimis hominibus instructa, eam aggreßi sunt subruere. Erat muri latitudo, quantā fictilium laterum octonum structura efficere potuerat: opus tamē prima luce confectum. Sedenim cum iam turris peruia esset, ex ijs qui intus erant quidam, de nostris unum sibi obuiū ueruto transfodit: ac reliqui sagittis iaciendis esacerunt, ne cui esset irrumpendi causa tutum accedere. Cumq; ijdem clamore, & ignium significatione auxilium implorassent, præstò fuit cū suis copijs ex Comania Itabellius. In ijs erat grauis armatura, præsidarij equites Hyrcani, omnes regis mercenarij, numero LXX. reliqui cetrati, haud minus DCCC. Accurrerunt item ex Parthenio alij, alij ex Apollonia, & ex finitimis locis tam multi, ut iam nostris nō de oppugnando, sed pedē referendo cogitandū esset. Coactis igitur in medium quadrati agminis bobus, ac reliquo quod abegerāt pecore, atq; item captiuis, pedetentim retrocedere cœperunt, nō iam prædā inhiantes, sed unum id agentes, ne discessus similis fugæ uideretur, neu partam iam prædam relinquere cogerētur, atque ex eo hostibus audacia cresceret, sui animis deficerent. Ac planè ita retrocessum est, ut pugnā de præda tuenda inituri uiderentur. Iam rescierat Gongylus Græcos ab hostib. numero superari: quare matre inuita, et ipse cū copijs suis, ut præclari alicuius facti particeps esset, auxilio uenit. Venit itē ab Elisarne, & Teuthrania a Demaraso missus, Procles. Qui uerò cū Xenophōte erāt, cū telorum & fundarū iactibus penè obruerētur, ut iter faciētes

obiectu clypeorum se teherent, in orbem agmen conuer-
 terunt: ac uix Carcasum amnem traiecerunt, cum plus di-
 midia parte saucij essent, ac inter cæteros uulnus etiã ac-
 cepisset Agasias Stymphalius centurio, homo perpetuis
 dimicationibus exercitus. Captiuos ferè CC. retinuerunt:
 pecoris quod esset ad immolandũ duntaxat satis. Postero
 die sacris peractis, noctu copias omnes educit Xenophõ:
 ac longissima uia, per Lydiam agmen circumduxit, ut ho-
 stes metu iam uacui, cum nihil sibi caueret, facilius oppri-
 merentur. Asidates cum audisset Xenophontẽ de agmine
 iterũ educendo sacra fecisse, neq; multò post cum copijs
 omnibus adfuturum, in pagos castra mouere statuit, Par-
 thenico oppido proximos. Eò cum contenderet, in Xeno-
 phontis milites incidit, à quibus cũ uxore, liberis, equis,
 ac reliquis fortunis captus est. Euentus itaq; sacri prioris
 fidem comprobauit. Cum iam Pergamum omnes rediis-
 sent, Xenophon minus sibi æquos deos fuisse questus est,
 propterea quòd à sua tantum cohorte negotium geri nõ
 potuerat, sed eius expeditionis participes fuerant Laco-
 nes, & centuriones alij, quàm quos ipse delegerat: præ-
 tores præterea, & milites, qui sibi bellissimum quodq; ex
 omni præda præcerpserunt, equos uidelicet, iumentorũ
 iuga, & quæ uisum est alia, ut iam eorum unusquisq; ha-
 beret, unde & alij benignè faceret. His ita gestis Thim-
 bron superuenit, qui cum acceptum à Xenophonte exer-
 citum, ijs quas ipse adduxerat Græcorum cohortibus ad-
 miscuisset, Tyssapherni & Pharnabazo bellũ intulit. Re-
 gionum omnium quæ sub regis ditione erant, quasq; nos
 peragrauimus, illis temporibus hi præfecti fuerunt: Ly-
 dia, Artimas: Phrygiæ, Artacamas: Lycaoniæ & Cap-
 pado-

padocia, Mithridates: Cilicia, Syennesis: Phoenicis, & Arabia, Dernes: Syria, & Assyria, Belesis: Babylonis, Roparas: Media, Arbacas: Phasianorum, & Hesperitanorum, Tiribazus. Nam Carduchi, Chalibes, Chaldaei, Macrones, Colchi, Mosynoeci, Coeta & Tibareni, omnes suis legibus utebantur. Paphlagonia praeerat Corylas, Bythinis Pharnabazus. In Europa Thracibus Seuthes imperabat. Totius itineris spaciū, quod aut progredientes aut regredientes confecerunt, fuisse castra ducena quindena, parasanga MCL. quae summa stad. efficit tricies & quater mille, CCLV. miliarium circiter quater mille & DC. Quo quidem in itinere annus, & menses III. consumpti.

LIBRORVM XENOPHONTIS DE
expeditione Cyri minoris, finis.

SEBALDO ET GEORGIO GEVDE-

RIS, VRBIS NOREMBERGAE PATRICIIS,

Thomas Venatorius S.



REPE T E N T I mihī uaria literarum stū-
dia, ad quæ nos, statim in ipso adhuc iu-
uentutis flore, ut uerę laudis gloriam asse-
quamur, mittunt parentes: nullum equi-
dem mihī uisum est uel iucundius singu-
lis, uel utilius, ac perinde magis necessarium uniuersis,
his præsertim, quibus olim reipublicæ gubernacula re-
seruantur, Sebalde & Georgi Geuderī Patricij ornatissi-
mi, atq; est illa multiplex & copiosa gestarum rerū tes-
tis Historia. Quia enim nuncia est uetustatis, ut præcla-
rē dixit Cicero, fieri non potest, quin ipsa sit ceu quædā
honestæ uitæ officina, ex qua in dubijs rebus certa sibi
quisq; petere consilia, certas sibi & tanquā uiuas ad
bene uiuendū proponere imagines & possit & audeat.
Nam reliquæ, quas uocāt liberales, artes uniuersę, quid
quæso in rebus publicis facient, ubi nō illis accesserit ge-
starum rerum cognitio? Atqui Historia non tam exem-
pla, quā incitamenta etiā quædam habet, quæ uel
crudelissimos, & ab omni penitus humanitate alienos,
in quandam mansuetioris uitæ consuetudinē inuitare,
uel rapere potius possint: id quod nec ullæ hominum
leges, neq; ulla philosophorū præscripta præstare que-
ant. Quid enim leges queant aliud, ubi non ex aliqua
præclare rei gestæ cognitione emanarint, præterquam
cogere, terrere, punire? Philosophi autem in umbra &
ocio quædam liberè, ad formandos indocti uulgi mo-
res, in disputationem uocarunt: quæ hoc minus peccan-
di licetiam arcent, quò minus est uideri aliquid, quā
esse, hoc est, quò maior est opinione ueritas. Quando
enim non ab honesto iustitię ad iniustitiam declinauit,
qui uel rigidarum uim legum, uel superciliosa philoso-
phorū duntaxat præscripta calluit? Ab iniustitia uerò
ad immisericordiam nōne facilis est transitus? Immi-
sericordiam nōne, tanquā necessario, sequitur crudeli-
tas? Crudelitatis nōne comes est ferina illa, & quæ om-
nem

nem prorsus agendarum rerum electionem excludit, immanitas? Dñ melius, quàm sic unquam habenas rerum teneant honestatis ignari. Porro quisquis præteritorum rerum cognitione tenuerit, facile ex his, quæ uirtutis adminiculo facta recensent Historiæ, intelliget, quantum ei, qui alijs præest, crudelitatem fugere liceat: & hoc agere semper, ut quammaximè fieri possit, ametur à plurimis, timeatur à paucis. Nam si maiorib. nostris credimus, ciuitates & regna, fide & clementia magis quàm uir & armis tuentur. Crudelitatem enim exercere in ciues, ut est pusilli, & omnia timentis animi signum, ita clementia conciliare sibi non unos duntaxat ciues, sed & hostes, excelsi & magnanimi spiritus argumentum esse solet. Quocirca non infrequenter maior est uirtus seruasse hostem, quàm extinxisse. Seruato enim hoste, sæpius uictoriæ triumphos ducere, sæpius clementiæ documenta præbere licebit: quorum neutrum assequitur uictor, si temerè, & quò sese fortunæ impetus rapuerit, feratur in hostem. Etsi enim difficile est temperare conceptis animo affectibus, tamen quisquis famæ, studio, & honestæ laudis cura tangitur, non magis indulgere sibi quàm imperare etiam gloriosum duxerit. Qui secus est affectus, illū ne Thersites ille quidem, omnium qui ad expugnandam Troiam uenerunt ignauissimus, in hostes secū ducturus fuerit. Nam ignauos duces, non rarò mutationes rerum sequuntur: quæ deinceps cædem, fugam, aliāq; hostilia, ut scriptū à Sallustio, portendunt. Atqui seruū est cauendū tempus in medijs malis, & quando iam nihil profutura sit illa stultè agentium uox, NON PVTARAM. Cum hæc dico, nolite quæso existimare, uelle me quenquam ab obeundis publicis patriæ officijs remorari, ob eam tantū causam, quòd difficile est bene imperare alijs. Non eò propterea instituta est oratio mea, quò minus liberū sit cuiq; parare sibi immortalē gloriam, si oblata eius fuerit occasio. Etsi enim difficile est bene imperare, haud ideo tamen publicorum officiorum molem, cuiquam egregio uiro, si ea ultro offeratur, fugere permiserim. Qui alios enim regit & seruat, dum plurimorū curam gerit, dum

miserorum necessitates tanquā in humeros suos trans-
 fert, ille demum sibi immortale, & omni quoq; ære per-
 ennius nomen parat. Qui uerò nullam earum rerum,
 quas hic recensemus, habuerint scientiam, illos ego ni-
 mirum ad pascendos armentorum greges tantisper re-
 legauerim, dum facti prudentiores, intelligant, quā
 non sit tutum, illotis, ut aiunt, pedibus, ad tam augus-
 tum seruandæ Reipublicæ munus accedere. Nam ut
 alibi scripsit Xenophon noster, *πάντων τῶν ἄλλων βίω-
 ἐν ῥᾷον, ἢ ἀνθρώπων ἀρχήν*. Quod tamen paulò post facili-
 mum fore ostendit, si rerum agendarum usus cum pru-
 dentia accesserit. Quis enim non pareat illi, qui cū sum-
 ma rerum prudentia, summam quoq; fidem, clemen-
 tiam, constantiam, æquitatem, uigilantiam, sedulitatē,
 labores, sobrietatē, & alias id genus heroicas planē uir-
 tutes sibi copulauerit? Credite mihi, tantus est quisq; in
 republica, quantum sese uirtutibus ostēdit. Et quisquis
 præficitur alijs, tanquam commune aliorū ciuium spe-
 ctaculum constituitur. Quem nemo faciliè præcipientē
 audiet, nisi illud, ad quod euectus est fastigiū, suis quo-
 dammodo uirtutib. reddat ornatius. Animi ornamen-
 tis opus est, quæ quidē à uirtute proficiuntur, ubi ma-
 gistratus audientes uelint habere ciues. Cuius uos rei
 præsens atq; adeò domesticum habetis exemplum, pa-
 rentem uestrum, uirum senatorem, qui dei primo benī-
 gnitate, deinde sua ipsius industria, per omnes gerendę
 reipublicæ gradus ascendens, nullam tamen uirulentę,
 & optima semper carpentis linguæ rabiem pertimuit
 unquam. Quid dicā de auunculo uestro, Bilibaldo illo
 Pirckemero, uiro ex æquo & græcē & latinē doctissī-
 mo? Quid unquam enim fecit ille reipublicæ gratia, in
 quo non omnia generosi animi indicia perspecta sint?
 Quando unquam nō fuit sollicitus ille, ut bene esset pa-
 triæ? ut tranquillē inter se agerent ciues? Nemo illum ui-
 dit uel gratiam uel beneficiū uendere unquā. Et quem-
 cunq; ad gratiam dicere aut scribere sententiam intel-
 lexisset, indignum esse censebat, cui puniēdi flagitiosos
 delegaretur prouincia. Nam pauci sunt, inquit, qui nō
 se, ne puniantur redimere queant, si manus ad munera
 expofitas

expositas inuenire liceat ipsis. Hinc summam peccandi licentiam arripere uulgus, & sacrosanctas patriæ leges ab improbis uideri, haberiq; ludibrio, ac tandè etiam apud posteros contemptui futuras. Vnde eos præficios alij dicebat, qui nihil per gratiã, nihil per uim aut odium agerent, sed semper iuxta inculpatæ iustitiæ oculum, omnia iustè & sanctè uel damnarent, uel absoluerent. Quocirca Chrysippi ingenium sæpe cõmendabat nobis, qui iustitiæ imaginẽ expressurus, luminibus oculorum ut acrioribus, ita etiã rectis & immotis pingere studuerit: quò nimirum significaret, magistratum nullius gratiã præferre debere iustis legibus, sed in improbos seuerum & inexorabilẽ, in probos mitem & mansuetum esse oportere. Hac enim uia, inquit, dum ingrederentur maiores olim nostri, aduersus multas simul aut motas aut suspectas immutationes rerum, & se & ciuitatem hanc suam munierũt, seruaruntq;. Cæterum ne ad formãdos optimos cuiquam mores rectã desinẽt studia, utq; non tam priuatam quàm publicam patriæ quoq; salutẽ tueri contendant ciues, ac subinde nouam semper patriæ gloriã comparare studeant, ad ea duntaxat adijciendus est animus studia, quæ bonorum omnium consensu, ad omnem sunt uirtutem accõmodatissimã. Quo in ordine uel primas obtinet Hystoria, ex qua tanquam ab oraculo ciuilia petenda censemus instituta, cum quòd ea sit una quæ rectè aut secus factorũ memoriã habeat, tum quod quenq; officij sui cõmonescit magis quàm ullæ statuæ, magis quàm ullæ pyramides aut imagines maiorum. Sed hic scio non deerunt, qui hunc nostrũ de Hystoria calculum improbare ausing, quiq; ex legibus petenda duxerint, cum æquatum iniqua discriminã rerum. Illis ego nihil durius in præsentia dicturus sum, si unam duntaxat cõsiliõrum meorum rationẽ eluserint. Dicant quæso mihi, si uera est illa, quam tanto studio tuentur, de legibus sententiã, undenam originem suam duxerint leges, ut meritò intra urbium mœnia admissæ sint? Nõne ab usu rerum magistro? Longo nanq; rerum usu, ueteres olim sapientes cum domi tum foris acquisito, uariã ac ferè semper

pugnantia uulgi studia cognoscentes, uarias uitiorum pœnas, uaria uicissim egregiè factorum præmia statuerunt: id quod hodie una, & prorsus unica nobis præstare, & tanquam in speculo quodam representare queat historia. Quod simulatq; mecum sensisset Bilibaldus Pirckemerus rectissimi uir iudicij, uidissetq; etiam tum extare Græcorum aliquot historicorum, Thucydidem dico & Herodotum, Romanè loquentes: operæ putauit precium, ut eos etiam libros, quos de rebus Græcorum post Thucydidem scripserat Xenophon, & rhetor & philosophus ille, latinæ legeret scholæ. Quamuis autem nulla unquam affectatio, si Fabio ausultamus, in affectatam illam Xenophontis iucunditatem consequi poterit, uel quod ipse quasi sermonem Græcis finxisse uideatur, uel quod de Pericle ueteris comœdiæ testimonium est, in hunc transferri iustissimè possit, in labris eius sedisse quandam persuadendi deam: tamen nemo bonus fidem & sedulitatem auunculi uestri, uiri incomparabilis, iure improbare poterit, quādo in hoc unum respexerit, ut hoc labore suo prodesset multis, ut ad uirtutes, animi ornāmēta, inuitaret quamplurimos. Hæc delectatio illius, hoc gaudium, hoc desiderium fuit. Porro ego cū eos nuper libros, fauentibus Musis, post fata illius nactus essem, officij mei partes esse duxi, ut quæ emendatissimi, sub uestri nominis patrociniò æderentur: tum quod ipsemet adhuc uiuens, ad ea uos semper inuitauit studia, quibus egregiā familiæ uestre famam, ad posteros transmittere possetis: tum quod in hisce etiam quidem libris crebrò sese offerunt grauissimæ, & ductis ab arte argumentis, ad persuadendum ualidissimæ orationes, quibus, ut Fabius autor est, & ingenium exercetur multiplici, uariaq; materia, & animus contemplatione recti prauiq; formatur, & multa inde cognitio rerum uenit: exēplisq; quæ sunt in omni genere causarū potentissima. Nam hisce in rebus mirè excelluisse Xenophontem aiunt. Hinc ipse à priscorū eruditissimè ἀντιμαχῶν, quemadmodum Diogenes Laërtius tradidit, cognominatus est. Et Cicero sermonē illius melle quoq; dulciore dicit, Cyropædiam eius, Scipio ille, cui Aphricano

cano cognomen ex uirtute fuit, in tantum probauit, ut eam nunquam è manibus deposuisse legatur. Et merito quidem. Nam ubique sui similis Xenophon, amœnus iuxta ac fecundus, neque sterilis, neque aridus unquam, non tamē, supraquam oportet, effusus: quo amœnissimo narrationis genere, doctissimi cuiusque & sensus & affectus equidem facile capiuntur, ducunturque. Sed eius iam ego uos, quod dixi, periculum facere uelim, magis, quam in laudes autoris intentum audire diutius. Nam si ad Xenophontem uos receperitis, primo præcipuam uos honesti illius, quod uirtutem uocarunt quidam, curam habere declarabitis: deinde conceptam olim de uobis auunculi uestri spem non defraudabitis, ac postremo illam generis uestri uetustam claritudinem, longè clariorem ad posterum transmittetis. Valete.

Norimbergæ, XI.

Calend. Maij,

Anno

M. D. XXXII.

Xenophontis re

RVM GRAECARVM LIBER

PRIMVS, BILIBALDO PIRCK.

hemero interprete. *author edam nabo*

INDE haud multis interiectis diebus, uenit ab Athenis nauibus paucis Thy-
 mocharēs: rursusq; cōfestim praelio cō-
 fluxere nauali, Lacedaemonij & Athe-
 nienses, uicereq; Lacedaemonij, duce
 Hegesandride. Breui inde Dorieus Diagori filius, ex Rho-
 do cum quatuordecim nauibus in Hellepontū profectus
 est, ineunte iam hyeme. Quem cum orto die Atheniensium
 uidisset speculator, signū dat ducibus: ad quod illi exciti,
 cum uiginti occurrerunt triremibus: quas Dorieus fugi-
 ens, in terram cum suis desiliit: naues quoq; ad Rhoeteum
 subduxit: sicq; Atheniensibus ingruentibus, terra mariq;
 resistebat. Athenienses itaq; frustra certamine iniecto, re-
 infecta Madytum ad alium rediere exercitum. At Min-
 darus cum de pugna certior factus esset, sacrificio prius
 Ilij Mineruae facto, classeq; in mare deducta, ut Dorieo
 opem ferret, obuiam ire parat. quem Athenienses iuxta
 Abydi littus, praelio excipiunt nauali. Cumq; anceps cer-
 tamen ab ortu solis ad occasum usq; durasset, iamq; illi su-
 perarent, mox uincerentur, Alcibiades duodeuiginti na-
 uibus in cōspectum uenit. quo uiso, Peloponnenses fugam
 Abydum uersus cepere. Quibus Pharnabazus suppetias
 tulit, equo quantū permittebatur, mare ingressus, hostem
 propel-

propellebat, suosq; tam equites quàm pedites, ut idem facerent hortabatur. At Peloponnēses iunctis nauibus, struētisq; ordinibus, à terra resistebant. Tandem Athenienses abierunt, triginta hostium nauibus uacuis captis, recuperatis etiam illis quas ipsi antea amiserāt, omnesq; Sestum perduxerūt. Inde præter quadraginta naues, aliæ aliò ad tributum extra Hellepontū exigendum, profectæ sunt. Thrasyllus uerò è ducibus unus Athenas nauigauit, uictoriam nunciaturus, militesq; & naues in supplementū petiturus. Post hæc Tysaphernes in Hellepontum uenit: ad quem Alcibiades triremi unâ cum muneribus delatus, ab eo captus, ac Sardis in custodiam missus est, sub prætextu mandati regij, quo Atheniensibus, ut ipse aiebat, bellum inferre iuebatur. Elapsis inde diebus triginta, Alcibiades ex Sardis cum Mantitheo quodā, qui in Caria captus fuerat, equis ad fugam usus, Clazomenas noctu aufugit. Athenienses interim qui ad Sestum stabant, cū rescissent Mindarum cum sexaginta aduētare nauibus, in Cardiam noctu profugerūt, quò etiam Alcibiades cum triremibus quinq; & oneraria naui una, ex Clazomenis peruenit. Vbi edoctus Pelopōnensem classem ex Abydo Cyzicum coactam esse, cum peditibus Sestum cōtendit, naues uerò circumagi iussit. Quò cum peruenisset, iamq; ad præliū se accingeret nauale, aduenit Theramenes ex Macedonia triremibus uiginti, simul & Thrasybulus cum alijs totidem ex Thaso, qui ambo ad exigendum tributum profecti fuerant. Hos Alcibiades cōtractis maioribus uelis subsequi iussit, ipse in Parium nauigauit. Inde omnibus collectis nauibus (quæ octoginta sex erant) noctu discessit. Postero uerò die sub prandij tempus Attici duces Procons

nesum appulerunt: ibi certiores facti Mindarum ac Pharnabazum cum peditatu apud Cyzicum cū copijs se continere, die illa ibi māfere. Postridie Alcibiades milites pro concione alloquutus, ostendit, ob stipendij inopiam, quod tamen abunde hostibus à rege subministraretur, necesse esse nauali, terrestri, ac murali decertare pugna: sicq; dimissa concione, pridie quàm inde solueret, tam minores quàm maiores ad se uenire præcepit naues: et, ne hostibus classis magnitudo innotesceret, mortem indixit, si quis finibus excederet. Inde ad prælium nauale conuersus, Cyzicum uersus nauigauit, uehementi coorta pluuia. Mox ubi in Cyzici cōspectum uentum est, serenum esse, ac sol fulgere cœpit: simulq; sexaginta Mindari apparuere naues, ante portum se exercentes, sibiq; insultātes. Sed cum multò plures esse Atheniensium naues, quàm antea, conspexissent, iamq; portum subeuntes, ad terram Peloponnesos fugerūt, nauibusq; coactis, hostibus qui eos adoriebantur, resistebant. Alcibiades interim uiginti circumegit naues, militesq; in terrā exposuit. Quod cum Mindarus uidisset, suos quoq; in littus desilire iussit, ubi ipse in primis pugnans occubuit: quo interempto, reliqui qui cum eo aderant, in fugam uersi sunt. Naues omnes, præter Syracusanas, Athenienses Proconnesum perduxerunt: nam illas Syracusij, ne in hostium potestātē uenirent, incendebant. Inde postridie Cyzicū nauigauerunt. At Cyziceni, cū & à Peloponnesibus & Pharnabazo destituti essent, deditionē fecere. Ibi Alcibiades dies remāsit uiginti, grandi pecunia Cyzicenis mulctatis, nec ulla maiori calamitate ciuitatem affecit. Hinc Proconnesum reuersus est, ac inde Perinthū, & Selybriam nauigauit: & Perinthij exercitum

exercitum in urbem receperunt: Selybrij uerò, excluso illo, pecunias dedere. Inde Attici duces Chrysopolim Chalcedoniæ profecti sunt, & eam munierunt. Vestigal quoq; ibi constituerunt, & decimā quam ex Ponticis exigebant nauibus, in ea deposuerūt. Præsidium insuper triginta nauium, cum præfectis duobus, Theramene & Eubulo, ibi reliquerunt, dato mandato, ut regionis & nauium curam gererent, hostesq; excursionibus, & quibuscunq; possent incōmodis afficerent. alij uerò duces in Hellepontū abierunt. Intercepta est interim epistola, ab Hippocrate Mindari filio, Laconicis scripta literis, ac Athenis missa, quæ hæc continebat: Perdita sunt bona: Mindarus cecidit: famæ milites laborāt: nos quid fieri oporteat, dubij sumus. Pharnabazus interea uniuerso tam Peloponnensium, q̃ Syracusanorum conuocato exercitu, illos consolatus est: ostendens, ob lignorū iacturam, quorum uis magna apud regem esset, dolendū non esse, præcipuè cū corpora salua essent. Vestes quoq; & duorum mensium stipendiū, singulis distribuit militibus. Nautas insuper armauit, & præsidia ubique in locis constituit maritimis: conuocatisq; ex omnibus ciuitatibus, tam ducibus quàm trierarchis, illos classē aliam apud Antandrum ædificare, pristinumq; amissarū nauium numerū explere iussit: pecunias quoq; inter eos diuisit, ac materiā ex Ida sumere permisit. Cæteris igitur operi incūbentibus, Syracusani ciuium auxilio Antandrum muro circūdederunt, munitissimumq; reddiderunt: ob quod beneficiū Syracusani ab Antādrijs ciuitate donati sunt. Quæ cum ita Pharnabazus cōstituiisset, confestim Chalcedoni succurrit. Eodem tēpore Syracusanis ducibus nūciatum est, eos domi exilio à populo damnatos

Laconica
epistola.

tos esse. Quare audita, conuocatis militibus apud illos Hermocrates cōmunem deplorauit calamitatem, ac consequens est, omnes iniuste ac præter leges, in exiliū actos esse. Insuper eos hortatus est, ut posthac strenuā, quemadmodum antea fecerant, nauarent operā, cunctisq; semper obedirent mandatis. Iussit etiā duces eligere, qui ipsis quoad successores eorum aducnirent, præessent. Quibus milites obstrepentes, illos imperare iusserunt, & maximè trierarchi, propugnatores, & gubernatores. Illi uerò responderunt, non decere seditione contra propriā decerare patriā: si uerò accusarentur, posse omnium quæ gessissent rationem reddere, quorū illos testes haberent optimos, cum scirent, quoties ductu eorū nauali uicissent prælio, quotq; naues cepissent, & quòd inter alios inuicti hucusq; fuissent, id omne disciplina militari, ducum uirtute, & militum audacia, quæ in terra ac mari enituisse, accidisse. Cum itaq; omnes his quæ dicebantur assentirentur, remansere, donec eorum successores aduenerunt, Demarchus Pidoci, et Myscos Menecrati filius, ac Potamis Gnosius. At trierarchi complures illis iureiurando promiserunt, si unquam Syracusas reuerti daretur, eos in patriā secum reducturos. Interim liberam abeundi quocunq; libitum foret, dedere facultatem. Omnesq; pariter laudabant, præcipuè uerò Hermocraten miris extollebāt præconijs, ob singularem diligentiam, industriam, & humanitatem, quæ omnibus trierarchis, gubernatoribus, & militibus nota erat, cū quotidie ab ortu solis ad occasum usque, circa suum uersarentur tabernaculum, sciscitantes quid dicendum, faciendūue esset. Quos ille egregiè instituens, edocebat, quæ confestim essent proferenda, &

quæ

quæ reticenda, seu deliberatè loquēda: unde magnæ autoritatis existimationem, apud uniuersum consequutus est concilium, cum & loqui, & suadere utilissima quæq; uideretur. Tysaphernē quoq; Hermocrates Lacedæmone accusauit, astipulante etiā Astyocho: ac ut res se habebat dicere uisus est. Ad Pharnabazum inde accessit, à quo sponte, priusquā pecunias peteret, abundè suscepit: inde se cum amicis & triremibus ad reditum Syracusas accingebat. Venere interim Miletum successores, ac naues & exercitum susceperunt. Eodem tempore ex Thaso, orta seditione, Lacones cum eorū præfecto Eteonico expulsi sunt, opera Pasippidæ exulis Spartani, & auxilio Tysaphernis. Cui successit Cratisippidas, qui naues, quas ille undique ex socijs collegerat, in Chio suscepit. Eo quoque tempore cum Thrasylyus Athenis esset, & Agis ex Deceleæ excursionē faciens, ad muros Atheniensem usq; peruenisset, Thrasylyus omnes tam Athenienses quàm alios qui præstò erant, ex urbe eduxit: instructaq; acie, circa Lycaum stetit gymnasium, pugnare paratus, si propius hostes accessissent. Quod cum Agis cerneret, celeriter exercitum reduxit, amissis quibusdam, à leui armatura interfectis. Quam ob rem Athenienses lubenter Thrasylo parebant, ac quocunq; ducere uellet, sequi parati erant: necnon publicè sibi pedites mille, equites centū, ac triremes quinquaginta decernūt. Agis interim cum ex Deceleæ plura uidisset nauigia frumēto onusta, Piræum subire, nil se egisse circumstantibus dicebat, quamuis tanto tempore Athenienses terræ usu prohibuisset, nisi etiā mari, ne frumentū inferre possent, intercluderetur. Optimum igitur ratus, Clearchum Ramphij filium, Chalcedonē &

Byzantium mittere (nam ei cum urbibus istis hospitalitas intercedebat) ut inde collectis nauibus, Athenienses à mari quoq; aggredierentur. Id cū fecisset, celeriter ab illis, ac Megarensibus, necnon socijs alijs, quindecim ut plurimū militares collegit naues. Sed cum in Hellespontum uenissent, tres ex eis ab nouem Atheniensium nauibus, quæ semper in oris illis excubabant, interceptæ sunt: reliquæ sestum fugerunt, inde Byzantium in pacatum abire. Annusq; desijt, in quo Carthaginenses duce Annibale, decē myriadibus Siciliam aggressi sunt, ubi trimestri spacio, duas græcas cœpere ciuitates, Selinuntem, & Himeram. Insequenti anno, in quē incidit Olympias nonagesimateria, qua curru Euagoras Eliensis uicit, in stadio uerò Eubotas Cyrenæus, Ephoro apud Spartas Euarchippo, Athenis præsidente Euctemone, Athenienses Thoricum munierunt. At Thrasyllus cum sibi decretas accepisset naues, quinq; millia nautarum, quos cæteris immisceret militibus, armauit, ac incūte iam uere in Samum nauigauit: ubi cū tribus mansisset diebus, Pygelam profectus est, totumq; agrum ad muros usq;, igni ac ferro populatus est. Cum uerò ex Mileto quidā Pygelensibus opem tulissent, in Atticos leuis armaturæ milites hinc inde palantes, impetum fecere: quibus statim cetrati, & grauis armaturæ cohortes duæ succurrūt, Milesiosq; omnes, exceptis paucis, interfecerunt, & fermè ducentis potiti sunt scutis: trophæum quoq; erexerunt. Postridie Attica classis Notium nauigauit, inde instructa Colophonem transmisit. Cesserunt Colophonij uenienti Thrasylo. Ille uerò nocte superueniente, Lydiam ingressus est, adulto iam frumēto: ibiq; pluribus incensis uicis, ac multa capta pecunia, mortaliū

lium est uis ingens in prædam abducta. Stages uerò Persa, qui ea præsidio obtinebat loca, Athenienses sparsos, et prædæ intentos aggressus est: ex quibus interfecit septē, unum cepit uiuum. Thrasyllus inde ad mare abduxit exercitum, tanquam Ephesum nauigaturus. Quod cū Tysaphernes rescuiſſet, undiq; auxiliares cōtraxit copias, ac paſſim equites dimiſit, qui cunctis nunciaret, ut Ephesum cōuenirent, ac Dianæ opem ferrent. Thrasyllus igitur decima septima poſt excuſſionē die Ephesum nauigauit, ac grauem armaturam ad Coreſſum, equites uerò, ſerentarios, claſſiarios, & omnes alios leuis armaturæ milites, ex altera urbis parte ad Elos exponit. Iamq; illuſceſcēte die, duobus progreſſus eſt exercitibus: cui ex urbe obuiam facti ſunt ſocij, quos undiq; Tysaphernes in unum collegerat: necnon Syracuſani, qui in prioribus uiginti aduenerant nauibus, & qui in alijs quinq; cum ducibus Eucleo Hipponici, & Heraclide Ariſtogeni filijs nuper appulerant, necnon qui in duabus Selinuſijs uenerant nauibus. Hi omnes in Coreſſo grauem aggreſſi armaturam, illam extemplo in fugam uerterunt, & centum circiter interfecit, reliquos ad mare uſq; perſequuti ſunt. Inde ad Elos uerſi, reliquos quoq; inuaſerunt: qui & ipſi triginta circiter militibus amiſſis, fugæ ſe mandarūt. Ephesij uerò trophæum ibi erexere: aliud quoq; in Coreſſo. Syracuſani autem & Selinuſij, ob egregiæ operam nauatā, magnis ſunt muneribus publicè ac priuatim donati. Data præterea cū immunitate perpetua ciuitas, ijs qui Ephesum incolere uoluerūt. Selinuſios quoq; poſt euerſam eorū ciuitatē, in urbem receperunt. Athenienſes mortuis per inducias receptis, Notium petiere: ubi illis ſepultis, in Leſbum ac

Hellespontum profecti sunt. Vbi cum Methymnæo sederent portu, uiginti quinque Syracusanæ naues ex Epheso aduentare conspexerunt, in quas impetum fecere, ac quatuor ex his cum militibus captis, reliquas Ephesum usque insecuti sunt. Thrasylus captiuos omnes Athenas deportari iussit, præter Alcibiadem Atheniensem, Alcibiadis nepotem, ac fugæ socium, quem interfici mandauit. Quo factò, Sesum ad aliam peruenit classem. Inde uniuersus Lampſacum descendit exercitus: & hyems exijt, in qua Syracusani captiui, qui in Piræo in lapidicinas cōiecti fuerant, per fossa petra nocte, partim Deceleam, reliqui Megaram per fugerunt. Eodem tempore cum Alcibiades uniuersum Lampſaci congregaret exercitum, ueterani milites cum Thrasilianis militare recusauerunt, asserentes illos ut ignauos sæpius esse uictos ac fugatos, cū ipsi nunquam aliquo superati essent prælio. omnes tamen ibi hyemaerunt, & Lampſacū militari cōmunierunt opere: nec non Abydum aggressi sunt, & Pharnabazum qui Abydenis copioso equitatu suppetias tulerat, prælio superauerunt: quem fugientem Alcibiades equitatu ac peditibus centum uiginti, quibus Menander præerat, longè persequutus est: sed ille noctis beneficio ex hostiū manib. ereptus est. Secundum prosperam eam pugnam, milites inuicem reconciliati sunt, & ueterani Thrasilianos amicè salutauerunt. Eadem etiam hyeme, in continentem Asiæ oram aliquoties cum populatione effusi, magna clade hostium regionem affligerunt. Per id tempus Lacedæmonij Helotas, qui ex Malca in Coryphasium transfugerant, sub conditione receptos dimiserunt: & Heraclienses ab Achæis, à quibus in ciuili administratione dissentiebāt, Oethcis sunt hostibus

hostibus proditi, eorumq; septingenti occisione occisi, cū
præfecto Lacedæmonio Labote. Hoc quoq; anno Medi,
cū à Dario Persarū rege defecissent, rursus subacti sunt.
Et in Phocæa Palladis templum fulmine ictum conflagra-
uit. Sub exitum hyemis, Pantacleo Ephoro, præsidente
Athenis Antigeno, ineunte iam uere, secūdo & uigesimo
huius belli anno, Athenienses uniuerſis copijs Proconne-
sum nauigauerunt: inde Chalcedonem & Byzantiū mo-
uerunt, Chalcedonemq; totis obsederunt uiribus. At Chal-
cedonenſes cum certiores de Athenienſum aduentu facti
essent, fortunas suas omnes apud eorū uicinos, Bithynos
deponūt Thraces. Id cum Alcibiades reſciuiſſet, nauibus
subſequi iuſſis, ipse cum equitibus & nonnullis copijs pe-
destribus, in Bithynorum peruenit fines, sibiq; Chalcedo-
nenſium opes tradi iuſſit, aut se hostium loco illos habitu-
rum cōminatus est. Quibus illi perterriti minis, cōſeſtim
paruere. Alcibiades itaq; receptis ſpolijs, cum laude in ca-
stra reuerſus, Chalcedonem uniuerſo exercitu, à mari &
flumine, uſq; ad mare alterum, muro cinxit ligneo. Quod
cum Hippocrates Lacedæmoniorum conſideraſſet præ-
fectus, eductis copijs pugnandi fecit poteſtatē: nec Athe-
nienses certamen detrectauere. Pharnabazus interim ex
alia parte, magnis cum pedestribus tum equeſtribus co-
pijs munitiones aggreſſus est. Inter Hippocratē uerò &
Thraſylum aliquandiu ancipiti decertatum est prælio,
quouſq; Alcibiades equitibus & nonnullis ſuccurrit pe-
ditibus: tunc Hippocrates cecidit, ſui uerò in urbem re-
fugerunt. Pharnabazus uerò cum propter fluminis angu-
ſtias, ac munitionum propinquitatem, Hippocrati cōiun-
gi non ualeret, in Heracleam Chalcedonenſium receſſit.

ubi & castra habebat. Post hanc uictoriam Alcibiades in Hellepontū & Cherronesum ad legendas pecunias profectus est. Interea cæteri duces cum Pharnabazo de Chalcedone conuenere, ut persolutis uiginti talentis, Atheniensium legatos ad regem deduceret, præstito utrinq; iuramento, ut Chalcedonenses soluto Atheniensibus tributo, quemadmodū antea consueuerant, debitas quoq; illis redderent pecunias: interim Athenienses illis bellum non inferrent, quousq; ad regem missi legati redirēt. Alcibiades cum hæc agerentur præsens non erat: sed paulò post capta Selybria, cum copioso exercitu, Cherronensibus uniuersis, & Thracibus militibus, ac plus quàm tercentum equitibus, Byzantium reuersus est: quem Pharnabazus Chalcedone, donec à Byzantio ueniret, expectauit, ut ab illo iuramentum exigeret. Ille uerò cum aduenisset iurare renuit, nisi è cōuerso Pharnabazus sibi quoq; iuramentū præstaret. Conuenere tandem, ut hinc inde data & accepta fide, ne quis publicè seu priuatè alteri iniuriam inferret, ambo iurarent, ille Chrysopoli, his quos ob id Pharnabazus miserat, Metrobati & Arnapi: ipse autem Chalcedoni, Euryptolemo et Diotimo. Quo factò Pharnabazus statim inde discessit, legatis qui ad regem ituri erant, Cyzicū conuenire iussis. Mittebantur ab Atheniensibus Dorotheus, Philodices, Theogenes, Euryptolemus & Mantitheus: cum quibus proficiscebantur Cleostratus & Pirrholochus, Argiui. Lacedæmoniorū quoq; cum illis conmeabant legati, Pasippides, & alij nonnulli: cum quibus uenere Hermocrates iam à Syracusis extorris, & frater illius Proxenus: hos omnes Pharnabazus deducebat. Interea Athenienses totis uiribus Byzantium obsederūt, &

muro circundederunt ligneo, unde quotidie leuia cōmit-
tebantur praelia. Præerat urbi Clearchus Lacedæmonius
armostes, cum accolis quibusdam, & tyronibus haud ita
multis, necnon Megarensibus, & Bœotijs, quorum dux
Helixus erat, Bœotiorum uerò Ciratades. Athenienses igitur
cum aperta ui nil se perficere cernerent, clām cū qui-
busdam egēre Byzantinis, ut urbem illis proderent. Cle-
archus interim cum nil tale suspicaretur, rectē quantum
poterat cunctis dispositis, Ciratade & Helixo militibus
præesse iussis, ipse ad Pharnabazū proficiscitur, ut cum
illo de militum stipendio, qui ad præsidium urbis relictī
erant, ageret, & ut naues quæ in Hellepontī ora sub Pa-
sippide excubabant, accerseret: necnō eas quæ apud An-
tandrum erant, ac in Thracia sub Hegesandro Mindari
legato, & si quæ aliæ ædificatæ erant, ut omnibus colle-
ctis, Atheniensium socios aliqua insigni afficeret clade,
sicq; Athenienses à Byzantijs distraheret obsidione. Vix
discesserat Clearchus, cū proditores Cydon, & Ariston,
Anaxicrates, Lycurgus, ac Anaxilaus, qui postea Lacedæ-
mone capitis reus, cum ob hanc accusaretur proditio-
nem, absolutus est, quod nō tam urbem prodidisse, quàm
seruasse uideretur, cum cerneret pueros & mulieres in-
edia perire, præcipuē cum Byzantinus & non Lacedæ-
monius esset: Clearchus enim frumentum quod supererat
omne, præsidiarijs distribuerat militibus: hanc enim ob
causam, clām hostes introduxisse aiebat, & non lucri cu-
piditate, seu Lacedæmoniorum odio. Illi igitur cū omnia
ad proditionem cōposita essent, nocte apertis portis quæ
Thraciæ appellantur, Alcibiadē cum uniuerso in urbem
recepere exercitu. At Helixus & Ciratades omniū igna-

ri, facto agmine ad forum occurrunt: sed cum ab hostibus cuncta obfessa, & se frustra niti cernerent, de ditione ipsi quoq; fecere. qui omnes Athenas missi sunt: ex quibus Cيراتades, in turba cum in Piræo è nauibus egrederetur delituit, & au fugit, saluusq; Deceleam euasit. Pharnabazus autē & legati cum in Gordio Phrygiæ hybernarent, quæ circa Byzantium acciderant, audiuerunt: cumq; sub initium ueris ad regem ascenderent, fiunt illis in itinere obuiam Lacedæmoniorū legati, Biotius cum plerisq; alijs, à quo Lacedæmonios omnia quæ à rege petierant, impectrasse audiuerunt. Nunciarunt hi quoq; Cyrum uniuersæ oræ marinæ præfectum esse, speciali mandato, ut Lacedæmonios bello iuuaret: epistolamq; hæc continentem, ac regio sigillo munitam, ad omnes regiones ferebāt subditos. Quæ cum Atheniensium audissent legati, uidissentq; Cyrum, summopere regem adire cupiebant: uel si id non daretur, domum reuerti desiderabant. Cyrus uerò Pharnabazum sibi legatos uel tradere, aut saltem missos facere iussit, uolens illos ablegare, ut quid ageretur ignorarent. Sed illos Pharnabazus suspensos tenebat, iamq; ad regem deducere simulabat, mox ne fraudis insimulari posset, domum dimittere uelle aiebat. Elapso tandem triennio Cyrus rogauit, ut illos missos faceret, ostendēs se iurasse, ut eos si minus ad regem, ad mare saltem deduceret: quapropter illos ad Ariobarzanem miserunt, ac ut eos conduceret imperauerūt: qui & ad Cium Mysiæ eos deduxit: inde ad Atheniensium peruenerunt exercitum. Alcibiades interim cum domū cum militibus proficisci uellet, Samum uenit: inde cum uiginti nauibus in Ceramicum, qui in Caria est, nauigauit sinum, ubi centum exactis talentis, Samum

num reuersus est. Thrasylulus uerò cū triginta nauibus in Thraciam profectus est, ubi regiones alias quæ adhuc cum Lacedæmonijs sentiebant, subegit: necnon Thasum bello, fame, seditione ac peste uexatam, occupauit. Thrasylus cum reliquo exercitu Athenas nauigauit. Elegerunt interim Athenienses duces tres, Alcibiadē exulem, Thrasylum absentem, & Cononem præsentem. Alcibiades ex Samo cum pecunijs & nauibus uiginti in Parum nauigauit, ibiq; substitit, obseruans triremes triginta, quas Lacedæmonios ibi instruere audiebat: simul & quo animo, antequam domum reuerteretur, in eum ciuitas esset, cognosceret. Quam cum sibi bencuolam, ac conciliatam intellexisset, seq; ducem electum, uocātibus etiam priuatim necessarijs, in Piræum nauigauit, die qua Plinteria celebrabat ciuitas, & Palladis clauditur templū: quod festum necessarium aliqui sibi ac uniuerse esse arbitrantur ciuitati: nullus etenim Atheniensium, etiam summa coactus necessitate, aliquid die illa operari audet. Tota interim ciuitas ex Pyraeo & urbe, uidendi hominis studio, ad portum effusa est, ipsumq; summis extollebant laudibus, prædicantes omnium ciuium esse fortissimum, iniusteq; inimicorum insidijs circumuentū, in exilium pulsum esse, qui nec eloquio, aut ulla alia uirtute ipsi conferri possent, sed lucri proprij gratia rempublicam turbarent: illum uerò cum publicis, tum priuatis uiribus cōmune semper quæ fuisse bonum: & quamuis causa, in qua tanquam impius & mysteriorum uiolator delatus est, protinus cognosci debuisset, à potentioribus tamen inimicis callidè dilatam fuisse: inde absentem damnatum, & in exilium actū esse. Eo uero tempore cōsiliij inopia coactum, etiam maximo

et quotidiano capitis periculo, inimicissimis adherere hominibus: cumq; uidisset familiares, ciues, propinquos, ciuitatem deniq; uniuerſam, errantes, exilio impeditum succurrere nō potuisse. quod si illi similes extitissent, non necesse fuisse rerum innouatione, immutationēue: proinde in coætaneorum numero illum excellere, seniorū uerò non in ferio rem esse. Quod si inimicorum contra eum factio usquequaq; durasset, optimi quiq; ab illis sublati forent: cū uerò ipsi depressi essent, ideo cum à ciuibz amari debere, quod reliquis optimatibus ex sententia sua abuti non ualerent. cæterum cum præteritorū malorū sibiipsis causa fuissent, ferrent etiam periculum, quod eis illo duce creato immineret. Portum itaq; ingressus, inimicorum timore non confestim in terram descendit, sed stans celsa in puppi, an familiares sui adessent considerabat. Conspicatus itaq; Euryptoleum Pisianacti filium, nepotē suum, cuius alijs necessarijs et amicis: è naui egressus, cum illis in ciuitatem ingenti stipatus multitudine, ne uis sibi inferri posset, ascendit. Inde cum in senatu et pro concione de mysteriorum uiolatione se excusasset, ostendissetq; falsam sibi esse notam inuſtam, quod et reliqui omnes nemine contradicente affirmabant, antequam concio dissolueretur, cum ingenti omnium assensu dux electus est, ac rerum omnium terra mariq; gerendarum sibi potestas et imperium decretum, tanquam solus ciuitatē in pristinam restituere posset fortunam. Confestim itaq; Atheniensium mysteria, quæ propter belli periculum non nisi mari ducebantur, ipse omnibus eductis militibus, per terram traiecit. Inde collecto exercitu peditum mille quingentorum, ac equitum centum quinquaginta, nauibus centum, tertio

tertio post reuersionē mense, Andrū profectus est: nam ab Atheniensibus defecerat. Misi sunt & cum eo duces alij, Aristocrates & Adimantus Leucorophidi filius. In Gaurio itaq; Andriorum regione exercitum exposuit, ac Andrios sibi occurrere ausos in fugam uertit, & in ciuitatem usq; compulit, interfectis nonnullis Lacedæmoniorum, qui illic præsidio loci erant: erectoq; trophæo, paucis ibi mansit diebus: dehinc Samum traiecit, ac inde bellum ciebat. At Lacedæmonij haud multis ante hæc tempora diebus, in locū Cratesippidæ, qui classi præfuerat, ducem miserant Lysandrum: qui cum Rhodum uenisset, acceptis nauibus, in Coum & Miletum, ac inde Ephesum traiecit, ubi cum septuaginta nauibus Cyri aduentum ex Sardis opperiebatur: quem cū applicuisse audisset, ad illum cum Lacedæmoniorum legatis contendit, multaq; de belliratione cum eo colloquutus, Tysaphernis segnitiam incusauit, Cyrum ut promptior ad bellum esset, enixè rogauit. Cyrus omnia quæ in usum belli necessaria essent, abundè pollicitus est: ita enim sibi à patre iniunctum esse dicebat. Ostendens præterea quingēta talenta à se in prouinciā allata esse: deficientibus tamē illis, proprias quoq; quas pater sibi dederat pecunias, in belli sumptus erogaturum promisit: & si ita necessitas exigeret, regiū quoq; thronum, qui ex auro & argento constaret, in usum belli se conflaturū pollicitus est. His lætus Lysander illum rogauit, ut deinde Atticam drachmam nautis in stipendium solueret: ostendens ea ratione Atheniensium nautas à suis abstrahi posse nauibus, ut pinguiorem sequerentur fortunam. Ad quæ Cyrus, illum rectè sentire aiebat: sed impossibile sibi esse, pacta à patre inita immutare, in quibus di-

fertè contineretur, ut mensibus singulis, unicuiq; nauis triginta soluerentur minæ: essetq; in arbitrio Lacedæmoniorum, ut quotquot uellent instruerent. Quibus auditis Lysander tunc tacuit. Peracta autem cœna, Cyrus ad illum accessit, interrogauitq;, quid maxime sibi acceptum facere posset. Cui respondit, rem sibi fore gratissimam, si ultra stipendium consuetum, unicuiq; nautæ obolum adijceret: cui ille annuit: fuitq; inde stipendium obolorum quatuor, cum antea nisi trium fuisset. Insuper æs militare alienum omne bona fide persoluit, ac stipendium menstruum ante tempus numerauit: quæ res exercitum ad omnia obeunda pericula multò alacriorem & promptiorē reddidit. Id cum Athenienses audissent, ægrè tulerunt, & legatos ad Cyprium miserunt, quos ille repulit: quamuis intercedente Tysapherne, ac identidem monente, summopere cauendum, ne Græcorum quispiam nimium super alium extolleretur: curandum uerò potius, ut omnes inter se dissidentes deprimerentur: sic se, Alcibiade suadente, hucusq; rem administrasse. At Lysander re maritima ordinata, Ephesum nonaginta collegit naues, quas in portu sedens restaurabat, & remigem exercebat. Alcibiades uerò cum audisset Thrasybulum ex Hellesponto egressum Phocæam munire, ad eum nauigauit, relicto classis præfecto Antiocho gubernatore suo, quem identidem monuit, ne se absente ad hostem nauigaret. Vix ille discesserat, cum Antiochus duabus triremibus ad ipsas usq; Lysandri nauium proras, quæ in Ephesino stabant portu, inuectus, hostem laceſſebat, quæ Lysander paucis primò insequutus est nauibus: cùm uerò Athenienses pluribus suis suppetias ferret, tunc ipse quoq; omnibus collectis nauibus, illos aggressus est. qui
reliquis

reliquis quoq; triremibus ex Notio temerè progressi, ut quisq; poterat bellum capeſſebant: cumq; dispersi cuncta sine imperio gererent, Lacedæmonij uerò seruatis ordinibus illos uehementer urgerent, omnes tandem, quindecim amiſſis triremibus, in fugam uersi sunt: pauci tamen desiderati fucere milites, nam omnes fermè, præter paucos qui capti sunt, in terram euaſerūt. Lysander hostium nauibus potitus, trophæoq; in Notio erecto, Ephesum reuersus est. Athenienses Samū profecti sunt, quò & paulò post Alcibiades peruenit, ac cū uniuerſa classe Ephesum usq; progressus est, & ante portus fauces instructa stetit classe, pugnare paratus, si quis obuiā procederet. Lysander quia nauium numero inferior erat, certamine abstiuit, illeq; Samum reuectus est. Lacedæmonij paulò post Delphinium ceperūt, & Eiona. Interim Athenienses qui domi erant, accepto cladis nuncio, Alcibiadi subirati erant, existimātes illam negligentia & culpa sua accidisse: aliosq; decem elegere duces, Cononem, Diomedontem, Leontem, Periclem, Eresinidem, Aristocratem, Archezstratum, Protomachum, Thrasylum, Aristogenem. Hæc cum Alcibiadi renūciata essent, grauitertulit, & una accepta triremi, in Chersonesum fortunam tētaturus abiit. Conon interim ex Antandro cum uiginti nauibus sibi publicè decretis, Samum ad aliam nauigauit classem: cui in Antandro quatuor succeſſit nauibus Phanosthenes, qui duabus triremibus circumnauigans Thuriam cepit, capti uosq; omnes uinxit, præter eorum principem Dorieum, qui olim Athenis & Rhodo pulsus, morte cum omnibus propinquis damnatus fuerat, & huc se contulerat: quem misericordia ductus absq; precio dimiſit. Conon cum Sæ

mum uenisset, classem accepit dissipatā: uix enim ex cen-
 tum prioribus nauibus, septuaginta instruere potuit. cum
 his & alijs ducibus circumnauigans, pluribus descendit lo-
 cis, ac hostium fines populatus est. Annusq; exijt, in qua
 Carthaginenses centum uiginti nauibus, & duodecim my-
 riadibus militū, Siciliam aggressi sunt, ubi Agrigentinos
 bello uictos, & in urbem cōpulsos, fame septimo domue-
 re mense. Insequenti anno, quo luna sub occasum defecit,
 & antiquum Palladis templum Athenis deflagrauit, Pitio
 ephoro, praesidente uerò Athenis Callio, uigesimo quarto
 huius belli anno, Lacedaemonij Callicratidem Lysandro
 successorem dederunt: cui cum ille naues traderet, dixisse
 fertur, se uictricem & maris dominantē reddere classem:
 ille uerò iussit ut ex Epheso ad sinistram Sami circumage-
 ret naues, ubi Athenienses in statione erant, ac in Mileto
 sibi classem traderet: sic enim fore manifestū, illum maris
 obtinere imperiū. Tum Lysander, classem alieno, nō suo
 obtemperare respondit imperio. Callicratides itaq; ultra
 eas quas à Lysandro accepit, ex Chio, Rhodo, & alijs so-
 cijs, quinquaginta instruxit naues: quibus omnibus colle-
 ctis (erant autē centum quadraginta) se ad configēdum
 cum hostibus preparabat. Sed cū certior factus esset, Ly-
 sandri amicos non solum munia ipsis commissā negligē-
 ter obire, sed & undiq; in ciuitatibus diffeminare, Laceda-
 emonios maximis obducum mutationem obnoxios esse
 periculis, ac in multis errare: quandoquidem cum nuper
 rei nauticae incumbere cœpissent, homines inexpertos,
 rei q; maritimae penitus ignaros, pro strenuis ad classem
 mitterent, nescientes maximē se ob hanc rem periclitari:
 quapropter Callicratides omnibus qui aderant Lacedae-
 monijs

monijs conuocatis, ita loquutus est: Mihi domi manere præstat: Et si Lysander uel alius quispiam in rebus nauticis me magis expertus, classem suscipere maluerit, quantum ad me spectat, non prohibeo. Cæterum cum à re publica mihi clâssis imperium demandatū sit, nil mihi reliquum est quàm obedire, Et ea quæ optima uidentur, pro uiribus exequi. Cum igitur hostes superare cupiam, idq; ciuitas nostra summopere desideret, ac uos haud secus quàm ego quæ in rem sunt optimè noscatis, uos cōsulo, satius ne uobis uideatur, me hic manere, uel domū reuerti debere. Sed cū nemo aliter dicere auderet, quàm ut ijs qui domi erant, obediret, ac illis incūberet rebus ob quas in prouinciam missus esset, ad Cyrū ut nautis stipendiū ab illo peteret, profectus est. Cyrus uerò duos eum expectare iussit dies. Sed Callicratides morā pertæsus, Et ianitoribus succensens, dixisse fertur, miserrimos esse Græcos, quòd barbaris argenti gratia adularētur: deosq; testatus est, si unquā saluus in patriā reuerteretur, enixè operā se daturū, ut Athenienses et Lacedæmonij in pristinā redirent gratiam. Inde Miletū nauigauit, ac trirèmes nōnullas ad petendū pecunias Spartam misit: conuocatisq; Milesijs, ita differuit: Ego ô Milesij, illis qui domi imperant, obedire cogor: at uos admodū dignos reputo, qui strenuam huic bello operā impendatis: quandoquidē cū inter barbaros habitetis, incōmoda plura ab illis hucusq; perpeßi estis: quapropter uos, alijs quoq; socijs ostēdere decet, quonā pacto et celeriter, maximo hostes afficere possimus incōmodo. Cū igitur à Lacedæmone hi, quos pro afferēdis mihi pecunijs, reuersi fuerint (quādoquidē quæ supererant, Lysander discedens, Cyro ut superfluas reddidit: at ego

cum Cyrum accessissem, ille uerò de congressu me uerbis
suspensum tenuisset, tandem foribus illius diutius obuere-
sari haud potui) uobis promitto, non solum beneficiorum
omnium me tempore opportuno memorẽ fore, sed & mu-
tuum bona fide persoluturũ: monstrabimus etenim, deo
dante, barbaris, etiam nõ sine admiratione eorum, hostes
nostros ulcisci posse. Hæc cum dixisset, surrexere multi,
& maxime appellati: nam resistere formidabant, pecu-
niasq; attulere paratas: in super alias quoq; sponte affere-
bant: quibus ille receptis, unicuiq; nauæ in Chio quinq;
distribuit drachmas. Inde ad Methymnam Lesbi nauiga-
uit, quæ hostibus parebat, illamq; præsidio confisam, ac
resistere conantẽ (nam & qui reipublicæ præerant, Athe-
niensum fauebant rebus) adortus, ui cepit, captamq; mi-
litibus diripiendam concessit: mancipia uerò omnia in fo-
rum cõgregauit. Cumq; socij Methymnæos quoq; uendi
debere censuissent, respondit, se imperante Græcorũ uen-
di passurum neminem: postridie liberos cunctos dimisit,
Atheniensium præsidio cũ mancipijs seruilibus uendito.
Cononem uerò mari abstinere iussit. Sed cum illum orta
die portum egredi uidisset, præcepto itinere, ne Samum
effugere posset, insecutus est: sed Conon nauium usus cele-
ritate (nam ex copioso supplemento ualidissimum elege-
rat remigem) euasit, ac cum duobus ex decem ducibus,
Leonide, & Eresinide, in Mitylenẽ Lesbi perfugit: quem
Callicratides usq; ad portum, cum centũ & septuaginta
nauibus insequutus est. Conon Lesbij hortantibus, ante
fauces portus configere coactus est, ubi triginta uacuis
amissis nauibus (nam turmæ in proximum euaserant lit-
tus) reliquas quadraginta naues muris subduxit. Callicra-
tides

tides ne Conon effugere posset, portū insidet: & ut illum à terra quoq; obsidione fatigaret, Methymnæos cū omni plebe, & uniuersum ex Chio accersiuit exercitum, allataeq; sunt interim à Cyro pecuniæ. Conon uerò cū se undiq; terra ac mari obfessum cerneret, iamq; ob hominum multitudinem ac frumenti inopiam fames ingrueret, nec ab Atheniensibus, utpote obsidionis ignaris, ullum expectaret auxilium, duas occultè triremes electissimo instruit remige, submissis clam propugnatoribus: & die quidem quietè agebat, nocte uerò & in tenebris, ne ab hoste conspiceretur, frumento mediocri, & alijs rebus onerabat necessarijs: quæ quinta tandem die, circa meridiem, per medias stationes, quæ securè agebant, celerrimè crumpunt, ac in apertum euasere mare: diuersèq; abierunt, in pelagus una, Hellepontum uersus altera: tum qui in anchoris stabant, oras repentè ac tumultuantes abrumpunt: nam milites in terra prandium parabant, cursuq; celerrimo Atticas insequuti sunt naues: & illa quæ altum tenuit, sub solis occasum ab insequentibus capta, ac plena uiris ad reliquam perducta est classem: altera uerò quæ in Hellepontum uersus fugam arripuit, euasit, & obsidionis nuncia Athenas peruenit. Diomedonti interim, cum Cononi obfesso duodecim nauibus per Mitylenæorū euripū opem ferre quæreret, fit obuiam Callicratides, & decē captis nauibus, duæ cum ipso duce ægerrimè dilapsæ sunt. Athenienses interim audita suorum clade ac obsidione, triginta diebus centum ac decem instruxere naues, habito delectu ex omni ætate, ac fortuna, seruis, ac liberis: cum ijs, ac equitibus quamplurimis, Samum appulerunt: ubi decem Samijs, quæ ex fœdere debebantur, acceptis nauibus, plu

res quàm triginta ab alijs collegere focijs: nam omnes sequi cogebant, etiã eos qui illis casu obuiam fiebant. Confestim igitur centum ac quinquaginta nauium expleuere classẽ. Callicratides audito Atheniẽsum accessu, iamq; eos in Samo esse, quinquaginta naues cũ Eteonico ad obsidionem reliquit: ipse cum centum uiginti nauium classe, ad Maleam Mitylenæ promontoriũ concessit, ubi & coenauit. Contigit eadem quoq; die Athenienses ad Arginusas coenare. Sitæ sunt Arginusæ ante Lesbum, in Maleæ cõspectu, contra Mitylenem. Lacon dux nocte ignes intuitus, edoctusq; Athenienses adesse, circa mediam noctem classẽ tanquam continuò conflicturus mouit: sed uehementi ingruente pluuiã, ac tonitruis strepõtibus, pugnare prohibitus est. At cum diffrenasset, ubi primũ illuxit, ad Arginusas nauigauit: cui obuiam facti Athenienses, ita instructi erant: Aristocrates cã nauibus quindecim læuum tenebat cornu: totidẽ Diomedon sequebatur. Aristocrati Pericles succedebat, Diomedonti Eresinides: post quos Samij decem collocati erant nauibus, quibus præerat Samius quidam nomine Hippeus. Post illos præfectorum tredecim, & aliæ omnes sociæ ordinatæ erant naues. Dextrũ cornu Protomachus, cũ quindecim procurabat nauibus: post quem Thrasylus, cum totidem locatus erat: cui hæcebat Aristogenes. Protomachum uerò æquali nauium numero Lysias sequebatur, & Thrasylum Aristogenes: quem ordinem tenebant ne circumueniri possent: nam graues agebant naues: econtra Lacedæmonij leues & agiles, maximeq; ad excursionẽ idoneas. Dextrum Callicratides ducebat cornu: qui ab Hermone Megarensi gubernatore suo admonitus, ut sine prælio discederet,

deret, cū omnino Atticæ classis numero superaretur. Cui Callicratides respondisse fertur: Spartam se cadente, nil deteriore futuram: at sibi fugere esse turpissimum. Pugnatum est ab initio conferto utrinq; agmine, mox sparasim: sed postquā Callicratides naui excussus in mare decidit, & Protomachus dextro sinistrum uicit cornu, tunc manifesta Peloponnesium subsequuta est fuga: quidam in Chium cōtenderunt, plurimi Phocæā fuga delati sunt. Athenienses quinq; & uiginti amissis nauibus, cum uiris ipsis, præter paucos qui in terram euascerant, Arginusas reuersi sunt. Peloponnesium, Laconicæ nouem, cum omnino decem essent, sociorum uerò plus quàm sexaginta desideratæ sunt naues. Habebant in animo duces Attici, Theramenē ac Thrasybulum, cū quibusdam alijs præfectis, ac nauibus quadraginta sex, naufragis in succursum mittere: reliqua classe ad Eteonicū, qui circa Mitylenem sedebat, opprimendum nauigare: sed uentus cum tempestate uehementi ortus, quo minus id facerent impedimento fuit. Trophæo igitur erecto, ibi manere coacti sunt. Eteonicus interea cum per actuariū lembum de suorum clade certior factus esset, nuncios protinus tacitos discedere iussit: suppresso tantisper eorum aduentu, donec rursus in eadem castra coronati reuerterentur, ac magno clamore Callicratidem naualis pugnae uictorē, omnibus hostium depreßis nauibus, nunciarent. Quod cum illi fecissent, ipse ob rem bene gestā sacrificauit, militesq; cenare iussit. Mercatores uerò ut sine tumultu pecunias nauibus imponderent, admonuit, eosq; in Chium præmisit: qui uentum sequundum nacti, celeriter abierunt: ipse terrestri itinere, incensis castris, Methynā cōtendit. Conon sub

hostium digressu, ac uentis cadentibus, deductis nauibus suis obuiam Arginusas proficiscitur, & quæ circa Eteon cum acciderant, nunciauit. Athenienses itaq; Mitylenem nauigarunt, inde Chium: ubi cum nil agere potuissent, Samum uictrix reducta est classis. Interim qui domi erant Athenienses, abrogarunt ducibus, præter Cononi, imperium: cui alios duos, Adimantū & Philocleem adiungere collegas. Duces itaq; alij qui prælio interfuerant nauali, præter Protomachum & Aristogenem, Athenas reuersi sunt, Pericles nempe, & Diomedon, Lysias, Aristocrates, Thrasylus, & Erasimides: cui Archidemus, qui tum Athenis præsidebat, & Decleæ curam gerebat, insidias struxit, ac publicè accusauit, insimulans illum clam ex Helle-sponto pecunias, quæ populi essent, attulisse: insuper ei ob male administratam præturam diem dixit: quam ob rem Erasimidem in carcerem duci, æquum esse iussum est. Post hæc cum duces in concilio pugnae rationem redderent, tempestatisq; uim prætenderent, illos quoq; Timocrates uinctos populo tradi, iustum esse cēsuit: qui & ipsi à senatu in uincula coniecti sunt: concioq; coacta est, in qua duces à pluribus, præcipuè tamē ab Theramene accusati sunt, iustum esse dicente, eos rationē reddere, cur naufragis opem non tulissent: & cum nullum aliud haberet argumentum, epistolam quandam in testimonium pro ducebat. Duces ad senatum & populum delati, nil aliud quàm tempestatis uim prætēdebant: inde breuiter unusquisq; crimen diluit: nam iuxta legem oratione perpetua se excusare prohibebantur: ostendebantq; seriem gestarū rerum: cum ipsi in hostes nauigarent, naufragorū succursum trierarchis hominibus expertis, & qui nunc quoq;
præ

præessent, Therameni ac Thrasybulo, similibusq; mandasse: ac ostendebant, si quis de naufragorū succursu accusari deberet, neminem potius poenas dare dignum esse, quam eos qui iussa minus exequuti fuissent: nunc uerò alios incusarent, ac aperto mendacio illis culpam impingerent: cum manifestè constaret, tempestatis uim succursum prohibuisse: cuius rei testes producebant gubernatores, ac quamplures alios qui tum præsentés fuerant. Hæc cum dixissent, illis populus assentiebatur. Surrexere igitur priuati plures, ac se pro ducibus fideiubere paratos esse ostenderunt. Cæterum in aliud concilium rem differendā esse uisum est: iam enim uesper ingruerat, & magnus, quibus populus decernit, amplius dinumerari non poterant: interim æquum esse senatum deliberare, quemadmodū fontes puniri deberent. Incidère in dies hos Apaturia, in quibus defunctorum patres & propinqui ad luctum conuenere: qui uerò cum Theramene sentiebant, plures eodem festo submiserunt homines, nigris indutos uestibus, & colore tristi circumdatos, qui se tanquam propinqui eorū qui submersi fuerant, concioni immiscerent. Callixeno quoq; persuaferunt, ut duces in senatu accusaret. Post hæc conciliū coactum est, in quo senatus ex Callixeni mente sententiam tulit talem: Cum duces priori accusati essent cōcilio, illiq; se defendissent, Athenienses per omnes sortiri debere tribus, positis per unamquamq; tribum hydrijs duabus, ac uoce præconis nunciari, cuicunque duces iniuste egisse uiderentur, quòd bello nauali uictores non sustulissent, sortem in priorem deiiceret hydriam: qui uerò eos absolueret, in aliam: & si damnati essent, poenam mortem fore: illosq; undecim uiris tradi de-

bere, publicatis bonis, ex quibus decima deo sacra esset.
 Venit etiam quidam in concionem, dicens se frumētario
 euasisse modio: ac eos qui perierant sibi in mandatis de-
 disse, si euaderet, populo nunciaret, quod optimè de pa-
 tria meritos duces minimè de medio tollerēt. At Eurypto-
 lemus Pisianaeti filius, cum quibusdam alijs è populo, Cal-
 lixenum incusans, assererat illum cōtra leges sententiam
 conscripsisse: sed multitudo clamabat, indignum esse, si
 quæ populus facere uellet, prohiberetur: & per Lyci-
 scum comminati sunt, eisdem suffragijs illos quoque iu-
 dicare uelle, si intercederent, quibus & duces, ni concio
 dimitteretur: rursusq; turba tumultuans, uocationem il-
 los dimittere coëgit. Et cum iudices suffragia illa contra
 leges esse, minimè incusare auderent, rursus Callixenus
 suggestum ascēdit, ac priora ducibus obiecit crimina. At
 populus clamabat, duces minimè esse audiendos. Iudices
 uerò multitudinē timentes, omnes inauditis ducibus for-
 tiri debere decreuerunt: præter Socratem Sophronisci fi-
 lium, qui illis minimè consensit, sed & insuper eos, quod
 iniuste ac præter leges agerent, accusauit. Post hæc sug-
 gestum Euryptolemus ascendit, ac ita pro ducibus disse-
 ruit: Huc, ô uiri Athenienses, accusandi partim ascendi
 gratia, cū Periclis necessarius, Diomedontis uerò sim ami-
 cus: partim uerò, ut obiectis responderē: tum ut consule-
 rem, quæ maximè utilia esse putarē ciuitati uniuersæ. Il-
 los igitur accuso, quod intercesserunt, ne collegæ senatui
 ac uobis scriberent. Quod cū Therameni & Thrasybulo
 iniunxissent, ut naufragis septē ac quadraginta succurre-
 rent triremibus, eos minimè paruissē: quapropter culpā
 cōmunem iam ferūt, quāuis illi priuatim peccauere: me-
 ritoq;

ritoq; ob hanc humanitatē, ab illis & quibusdā alijs impetiti, in ultimo nunc cōstituti sunt periculo. Sed si mihi non parueritis, feceritisq; ea, quæ iusta ac sancta sunt, et unde maximè rectè audietis, & minimè pœnitere poteritis, uos postea summopere errasse sentietis, deosq; ac uosmetipsos frustra incusabitis. Consulo uerò uobis ea, in quibus nec per me, seu quemuis aliū decipi poteritis: sed si quos iniquè quid egisse cognoueritis, dūmodo placuerit, ex iuris forma punire poteritis, & simul omnes, & seorsum queng;. Id fiet, si ducibus uestris, si nō plus, saltē diē unā ad defensionē concesseritis, ne alijs potius, q̃ uobisipsis, hac de re credere uideamini. An ignoratis, uiri Athenienses, legis decretū esse potentiissimū, quod iubet, si quis populum Atheniensem iniuria affecerit, uinctū corā populo causam dicere? & si iniurius esse cōuictus fuerit, interfectū in barathrū proijci debere, publicatis bonis, ex quibus decima deo sacra sit? Hoc decreto duces iudicari iubeo, & per Iouem si uobis ita uisum fuerit, primò necessarium meū Periclem: turpe etenim mihi esset, pluris illū q̃ ciuitatē facere uniuersam. Aut si mauultis, alia illos iudicate lege, quæ contra sacrilegos ac proditores lata est, & qua illi qui ciuitatē tradere conantur, seu qui sacra furati sunt, in foro iudicari cōsueuerūt: qui si cōuincātur, in Attica sepeliri prohibētur, bona uerò publicantur. Vtra igitur ex illis quæ placuerit, duces singulatim iudicate lege, tribus tātū cōcessis diebus: una, in qua collecti deliberare possitis, rei sint illi, nec ne: altera, qua accusentur: tertia uerò qua respōdeant. Id si feceritis, hi qui iniustè egisse conuicti fuerint, maximis ac iustissimis afficiētur supplicijs: qui uerò insontes esse cōperiētur, à uobis ô Athenienses,

ne iniuste pereant, absoluetur. Vos igitur ut iussi iudices, ac iuramenti memores, secundum leges iudicate, ne dum eos indemnatos contra legem occiditis, cum Lacedaemonijs contra illos bellum gerere uideamini, quibus illi deuictis, septuaginta die una abstulerunt naues. Sed dicet quispiam, cur tam uehementer sollicitus es? Respondeo, ne, quem interficere seu absoluere uultis, non secundum, sed contra leges iudicetis: quemadmodum Callixenus senatui persuasit, cum unius apud populum suffragij mentionem fecit. Praeterea si quempiam insontem interfeceritis, postea poenitebitis. At mementote, seram ac inutilem poenitentiam hanc futuram: insuper & mortis hominum rei eritis: iniuste praeterea agetis cum Aristarcho, qui primo populum concitauit, inde Oenoem Thebanis prodidit hostibus: diem, si respondere uoluisset, concessistis, reliqua; iuxta leges egistis: at ducibus uestris, qui ex animi sententia cuncta uobis confecere, hostesq; uicere, hoc idem denegatis? Nolite igitur, o Athenienses, cum eas habeatis leges, per quas in maximam quandiu illas obseruastis potentiam euasistis, temere quid contra leges committere. Veniamus nunc ad ea, in quibus iniuste duces fecisse uidetur. Defuncti bello nauali, confestim in continentem nauigarunt: ubi Diomedon censuit, nauibus cunctis naufragis ac submersis succurri debere: Erasimides, uniuersos quam celerrime ad hostes Mitylenem nauigare: Thrasybulus utrunq; fieri posse asseruit, si parte nauium ibi relinquerent, reliquis ad hostes pergerent. Id cum omnibus placuisset, decreuerunt unumquenq; ducum, qui octo erant, ex contubernio suo tres ibi relinquere naues: & praefectorum, decem: nauarchorum quoq; tres: quae omnes eran-

quadrat

quadragintaseptem: quatuor circa unamquāq; nauium
quæ perierāt, quæq; duodecim erant, occupatis. Hi uerò
qui relictī sunt præfecti, Thrasybulus & Theramenes, is
qui priori concione duces accusauit, nauibus reliquis ad
hostes perrexere. Proinde num hac in re quid neglexe-
runt, aut minus rectè egerunt? Aequum ne est cum quid
contra hostes non rectè actum est, eos qui cuncta bene or-
dinarunt, poenam luere? illos uerò qui ducū iussa de mor-
tuum susceptione exequuti sunt minimè, tanquam in-
nocentes absolui? Sed de illis ambobus, quod & de duci-
bus asserere possum, tempestatis uim impedimēto fuisse,
quò minus exequerentur quæ duces iusserant. Huius rei
testes sunt, qui sua ope euaserunt: inter quos ex ducibus
uestris unus est, quem iam eisdem suffragijs damnari iu-
bent; maximè tamen cum mandata exequeretur, succur-
sus indigentem. Nolite igitur ô uiri Athenienses, uictori-
am hanc egregiam ac fortunatam dedecorare, ac tan-
quam uicti & cladem perpeſsi, turpe quid cōmittere, ne
contra deos ingrati uideamini, cum impossibilitatem tan-
quam prodicionem quandam incusandam esse censeatis:
præsertim cum omnibus notum sit ac constet, tempestatē
impedimēto fuisse, quò minus iussa exequi potuerint. Cæ-
terum multò rectius agetis, si uictores coronis decorabi-
tis, quàm à prauis persuasi hominibus, illos morte ple-
ctetis. Hæc cum Euryptolemus dixisset, suam scripsit sen-
tentiam, uiros secundum legis decretum iudicari, & bis
de unoquoq; sortiri debere. Senatus uerò sententia erat,
inauditos omnes simul unicis iudicandos esse suffragijs.
Quæ cum in disceptationē uenissent, primo in Eurypto-
lemi omnes iuere sententiam. At rursus referente Mene-

cleo, factaq; iterum disceptatione, senatus prævaluit sententia, protinusq; duces condemnati sunt octo, ex quibus sex qui præsentēs erant, occubuerē. Sed haud multò post tēpore maxima Athenienses inuasit poenitentia: quapropter decreuerunt, ut quicumq; populum seduxissent, capitis rei essent, datis quoad iudicārētur uadibus. Esse uerò inter præcipuos Callixenum omnes clamabant. Delati sunt & alij quatuor, qui & ipsi uades præstare coacti sunt. Sed cum postea seditio quædā orta esset, in qua Cleophon occubuit, aufugere alij antequam condemnarentur. At Callixenus cum aliquando cum ijs qui in

Piræo erant, in ciuitatem descendisset,
ab omnibus exosus fame
periit.

XENOPHONTIS RERV M GRAECARVM LIBER SECVNDVS, BILBALDO Pirckemero interprete.



At milites qui cum Eteonico in Chio relictī erant, durāte æstate, undiq; ex agris alebantur, necnon mercede operam locabant. Ingruente uerò hyeme cum uictus, tum uestitus penuria laborare cœperunt: quapropter clanculum de occupanda Chio consilia agitare, & unumquemq; cui hæc placerent, calamum ferre iusserūt, ut eo pacto quotquot essent internoscerentur. Eteonicus cum conuenticulum hoc in dies gliscere præsensisset, anxius erat quid sibi hac in re faciendū esset: nam aperta uī, propter multitudinem calamū ferentium, niti, periculosum uidebatur: timebat etenim ne sumptis armis, ac ciuitate occupata, hostes euades

euaderent, & omnia quæ antea ex hostibus ceperāt, pessundarēt. Præterea tot homines, præcipuè belli socios interficere, impium esse ducebat. Verebatur pariter ne reliquis Græcis criminandi materiam præstaret, cæteriꝫ milites ad omnia obeunda pericula segniores redderentur. Assumptis igitur quindecim uiris gladijs accinctis, per ciuitatē incedebat: cui casu fit obuiā quidā calamū gestans, qui oculorū morbo tenebatur, ac à medico redibat: quem protinus obtruncauit. Concorso facto, ac quibusdā sciscitantibus, quamobrē homo ille interfectus esset, Eteonicus responderi iussit, quia calamū portauerat. His auditis, cum et qui calamos ferebāt, illos abiecere, timentes ne & ipsi conspicerentur. At Eteticus cōuocatis Chijs, pecunias, quas militib. ne quid noui molirētur distribuerēt, imperauit. Illi uerò q̄primū paruere. Dat interim militib. ascendendi naues signū: ac circumuectus, pluribus illos hortatus, ac de præteritis solatus est: unicuiꝫ deinde mensurū persoluit stipendiū. Conuenerūt post hæc Chij, & socij alij Ephesum, ubi de rebus præsentibus consultarunt: placuitꝫ legatos Lacedæmonē mittere, qui Lysandrū classis imperatorē exposcerēt: nam humanè antea classi præfuerat, ac benignè se erga socios gesserat, cum in Notio bello uicisset nauali. Itaq; legati decē hanc ob rem Lacedæmonem misi sunt: alij quoq; ad Cyrū, qui illi hæc nūciarent. Lacedæmonij itaq; Lysandrū tanquam legatum præesse iusserunt, ac nauarchum Aracum constituerunt: bis enim eundem imperare leges non permittunt. Traditæ igitur sunt naues Lysandro XXV. huius belli anno. Hoc quoque anno Cyrus Autobisacem interfecit & Mitraē, filios Dariæ sororis Xerxis, patris Darij, hæc ob causam,

quòd sibi occurrentes manus intra manicam non contraxerant, quod regi solo fieri solet: est enim manica quàm manus longior: & cum quis manum intra illam continet, facere omnino nihil potest. Hieramenes igitur & uxor, Dario assiduis instantes fletibus, iniquissimū esse aiebant, si tam grauem iniuriam inultam relinqueret. Quorū ille precibus deuictus, Cyrum per nuncios tanquā agrotans accersiuit. Eodē anno Archyto Ephoro, praesidēte Athenis Alexio, Lysander Ephesum applicuit, quō & Eteonici cum ex Chio cum nauibus accersiuit, ac reliquas undique contraxit, quas omnes reparauit: nouas quoq; in Antandro construxit: inde ad Cyrum ut ab illo pecunias posceret, contendit. At ille non solum pecunias regias, sed & proprias cōsumptas esse ostendit: quantumq; unicuiq; nauium praefecto tradidisset, edocet: nihilominus tamē alias dedit. Quibus Lysander receptis, trierarchos singulis cōstituit nauibus, simul & debitum nautis persoluit stipendium. Nec segnius Atheniensium quoq; duces in Samo se praelio accingebant nauali. Venere interim ad Cyrū nunciij, qui illum ad patrem tanquam agrotum accersirent, qui tum contra Thamnerios Mediae, qui Cadusijs adiacent, bellū gerebat: nam ab eo defecerant. Confectum itaq; ille Lysandrum uocauit, eumq; cum Atheniensibus pugnare prohibuit, ni longē classe superior esset: regē enim ac se multis pollere opibus, quibus naues quamplurimas instruere possent, ostendit. Omnes quoq; redditus qui ex proprijs ipsius exigebantur ciuitatibus, illi cōsignauit: ac reliquas, quae supererant, tradidit pecunias: summopere Lysandrum admonens, ut amicitiae quae & Lacedaemoniorum ciuitati, & priuatim ipsi deuinctus esset, quandoque

memor

memor foret: sicq; ad patrem ascendit. Lysander acceptis cunctis quæ Cyrus ad patrem egrotantem proficiscens sibi reliquerat, persolutoq; exercitui stipendio, in sinum Ceramicum, qui in Caria est, nauigauit: ac ciuitatē quandā Atheniensium sociā, nomine Cedries aggressus, post die uicepsit ac diripuit. erant habitatores loci illius semibarbari. Inde uerò Rhodum nauigat. Athenienses interim ex Samo mouent, ac in Asiæ delati oram, pluribus locis regiones depopulati sunt agros, Chiumq; ac Ephesum usq; processere, ibiq; ad pugnam se accingebant naualem, ducesq; alios tres prioribus addidere præfectis, Menandrum, Tydeum, & Cephisodotum. Lysander interim ex Rhodo præter Ioniam in Hellepontum, ad excursiones nauium inhibendum, simul & contra ciuitates quæ defecerant, nauigat. Legebant Athenienses quoque Chium mare: nam Asia illis hostilis erat. Lysander uerò ex Abydo Lampſacum circumnauigabat: erant hi Atheniensem socij: ibi præstò fuere Abydeni ac alij socij, quos Thorax ducebat Lacedæmonius. Ciuitatē igitur aggressi, ui capiunt, captamq; diripiunt. præda ibi opulēta parata est: nam uino, frumēto, ac reliquis omnibus necessarijs referta erat. Libera corpora omnia à Lysandro dimissa sunt. Insecuti sunt illius uestigia Athenienses: ac cum Eleuntem quæ in Cherroneso est, centum & octuaginta nauium classe uenissent, iamq; pranderent, de Lampſacena clade certiores facti sunt. Protinus itaq; Sestum aduehuntur: inde cū frumentassent, ad Aegos flumen cōtra Lampſacum nauigāt. Dirimitur Hellepontus ibi stadijs quasi quindecim, ubi & coenarunt. Lysander milites circa diei ortum pransos naues inscendere, & paratos edictum ex-

pectare iubet, ac ne quis ordine excederet, inhibet. Athenienses exorto sole in portus faucibus ordinem explicāt, ac classē concitant: sed cum Lysander certamen detrectaret, solq; in occasum uergeret, rursus ad Aegos flumen reuertūtur. Lysander uerò explorandi gratia celerrimas subsequi iussit triremes, ac quid hostis ageret, nūciari sibi imperat: nec prius milites ē nauibus dimittit, quā speculatoriæ reuersæ essent triremes. Id per quatuor egit dies. Alcibiades interim à muris Athenienses in littore, & ab omni ciuitate procul castra locasse speculatus, commeatumq; egrē à Sesto deferre, distantē à nauibus stadia quindecim: hostes uerò in portu & à ciuitate omnibus abundare necessarijs, nō in tuto duces castra posuisse ostendit: eosq; hortatus est, ut illa Sestum, ubi portus & urbs esset, & unde cum uellent ad bellū procedere possent, transferrent. At duces, & maximē Tydeus, & Menander, illum cōtumeliose abire iusserunt: adiecere, se, non illū imperare. Ille igitur discessit. At Lysander die quinto Atheniensibus ut cōsueuerant remeantibus, speculatorijs imperat nauibus, ut cū primū uidissent eos ē nauibus egressos, ac per Cherronesum dispersos, quemadmodū singulis antea facere cōsueuerant diebus, cōmeatum ementes, ac Lysandrum despicientes, tanquā cum illis cōfligere minimē ausuri, retro omni celeritate remigent, ac inter nauigandū clypeum attollerent. Qui ut iussi erant, mādāta impigrē exequūtur. Lysander itaq; statim quā celerrimē nauigandi dat signū: aderat et Thorax peditatu. Conon uerò cum ingruentē uidisset hostem, signū nauibus omni ope ad succurrendū proponit: sed homines undiq; dispersi erant, et naues parim biremes, aliæ uniremes, cæteræ uerò omni-

no erant

no erant uacuae, præter Cononis & alias septē, quæ militibus instructæ erant, & paralum: reliquas omnes Lysander iuxta cōtinentē oppressit. Maior quoq; hominū pars in terra capta est, reliqui Chidrias aufugerunt. Conon no uem effugiens nauibus, ad Abarnidē Lampsaci ad nauiga uit promontoriū. ubi maximis Lysandri nauiū ablati malis, postquam Atheniēsium res fractas cognouit, nauibus octo in Cyprū ad Euagorā aufugit. Paralos uerò acceptæ cladis nuncia, Athenas festinauit. Lysander naues, captiuos, & reliqua omnia Lampsacū abduxit. Cepit & interduces alios Philocleem, & Adimantū. Eadem quoq; die qua parata est uictoria, Lysander Theopompū Milesium piratam, Lacedæmonē uictoriam nunciaturū misit: qui et tertia die illac cū tam leto peruenit nuncio. Inde Lysander socios cōuocat, quos de captiuis cōsulere iubet. Ibi de multis Athenienses accusati sunt criminibus, quòd uidelicet si bello uincerent nauali, captiuis omnibus dextras amputare manus decreuerant: quòdq; duas cepissent triremes, Corinthiā unam, & Andriam aliam, ex quibus uiros omnes in mare præcipites deiecissent: cuius facinoris dux Philoclees fuerat: aliaq; permulta illis obiecta sunt facinorosa. Censuerūt tandē omnes captiuos quicunq; Athenienses erant, necādos esse, præter Adimantū, qui solus in cōcione decreto de manuū abscissione cōtradixerat: qui etiā ab aliquibus tanquā nauiū proditor accusatus est. Lysander itaq; Philocleē, qui Andrios & Corinthios præcipitauerat, primò interrogauit, quid pati dignus esset, qui primus cōtra leges Græcos interficere cœpisset. At ille ad calamitatē minimè demissus, respōdit, ut uictor ageret, quæ uictus passurus fuisset: deinde lotus, ac splendida sumpta

ueste, ante alios ut iugularetur processit ciues. Lysander compositis Lampfacenis rebus, Byzantium & Chalcedonem nauigat, à quibus spontè susceptus est: Atheniësum uerò præsidium sub conditione dimissum est. At qui Alcibiadi urbem prodiderant, in Pontum, inde Athenas auferunt, ubi & ciuitate donati sunt. Lysander Atheniësum præsidia, & quos undiq; reperit Athenienses, omnes Athenas abire imperat, nulliq; ueniam alibi quàm ibi se concessurum prædicit: sciebat enim quanto plures in urbem ac Piræum cōpellerentur, tanto citius necessariorum penuriam ingruiturā. Inde relicto Byzantijs ac Chalcedonie Stenclao Laconico harmoste, Lampfacum ad instruendas redijt naues. Interim cum paralos calamitatis nuncia, nocte Athenas applicuisset, tantum excitauit luctum, ut planctus ex Pyræo per longos muros in ciuitatē penetraret. Cumq; in statione unus alteri rem nunciaret, adeò percrebuit, ut nocte illa nemo calamitatis tam functione ignarus esset. Lugebant igitur non solum eos qui ceciderant, sed multò magis semetipsos: timebant etenim eadem pati, quæ ipsi Melijs Lacedæmoniorum colonia, quam obsidione ceperant, & Histieis, Scionæis, Toronæis, & Aeginetis, ac quamplurimis alijs fecerant Græcis. Postridie concio coacta est, in qua uisum est portas omnes, præter unam, obstrui debere, moenia instaurare, custodes constituere, & reliqua cuncta quæ ad obsidionē ferendam necessaria uiderētur, præparare. & illi his incumbebant. At Lysander cunctis domitis, ex Hellesponto ducentis Lesbum applicuit nauibus: ubi reliquorum ciuitatum, Mitylenæ quoq; statu ex sententia cōpositis, Eteoniciū in Thraciam cum decem mittit triremibus, ut omnia illic

nia illic ad Lacedæmonios traduceret: reliqua enim Græcia uniuersa, confestim post bellum nauale ab Atheniensibus defecerat, præter Santios, qui cæsis familiaribus & inutili turba, ciuitatem seruare quærebāt. Lysander inde ad Agim, ac Deceleā, Lacedæmonemq; mittit, & de accessu suo cum ducentis nauibus, certiores Lacedæmones reddit. Statim igitur Lacedæmonij cū uniuerso populo, ac alij Peloponneses, præter Argiuos, ductu regis altèrius Pausaniæ obuiam Lysandro uadunt, castraq; iuxta ciuitatē in Academia, quæ gymnasium appellatur, locant. Lysander cum Aeginam uenisset, Aeginetis quoscunque reperire potuit, ciuitatē restituit: idem Melijs, & alijs quicunq; expulsi fuerant, fecit. Inde Salaminem ac Piræum centū quinquaginta nauium classe inuadit, omnemq; intrandi ac exeundi Atheniensibus facultatem ademit. Qui terra ac mari obseßi, penitus quid agerent ignari erant: neq; enim naues, aut frumentum, siue socij ad quos confugerent, amplius supererant, nec ullam spem salutis cernebant: oculisq; obuersabantur ea quæ alijs nulla irritati iniuria, sed solū uiolentia ac petulantia instincti, intulerant: talia siquidem & ipsi pati formidabant. Quamplurimos enim humiliorum ciuitatum homines iniuria affecerant, nullam aliam ob causam, nisi quòd cum Lacedæmonijs in bello sensissent: quapropter infimæ sortis homines extollebant, ac obsidionem tolerabant. Moriebantur interim quamplures inedia, nec uerbū ullū de pace fiebat. Postquam uerò omne penitus defecerat frumentum, tunc demum legatos ad Agim mittere placuit, qui cum Lacedæmonijs de societate agerēt: & si muros longos ac Piræum retinere possent, super hæc fœdera sancire iusserunt. At

ille legatos Lacedæmonem reiecit: non enim se huius rei dominū esse asserebat. Hæc cum legati Atheniensibus renunciaissent, illos Lacedæmonem miserunt. Qui cum iam Sellasiam prope Laconicam uenissent, & Ephori, quod cum eisdem quibus & ad Agim uenissent mandatis audiuisent, illos si pacem habere uellent, consideratius de hac re deliberatos reuerti iusserūt. Hæc cum legati domū reuersi nunciaissent, omnes tristitia magna inuasit: de libertate enim iam timebant, & antequā alij redirēt legati, plures fame certum erat absumptū iri. De murorū uerò demolitione, nemo referre audebat. Cum enim Archistratus in senatu dixisset, qualemcunq; pacem suscipiendā esse: Lacedæmonij uerò longos muros ad decē utrinq; stadia dirui iussissent: decretū factum est, ne quis hac de re amplius referret. Tandem Theramenes in cōcilio professus est, si eum ad Lysandrū mitterent, ex illo deprehendere posse, nunquid Lacedæmonij muros dirui uellent, ut ciuitas in prædam daretur, uel quia de fide dubitarent. Cum uerò missus esset, plus quā tres apud Lysandrū frustra cōtriuit menses: id eo fecit consilio, ut cū Athenienses omne consumpsisset frumentū, & ad ultimā deuenissent necessitatem, ea calamitate submissiores redderentur, hostiumq; mandatis obedirent. Tandem cum quarto rediisset mense, in cōcione se à Lysandro tandiu retentū esse ostendit: iam uerò eum Lacedæmonē ire iussum: non enim Lysandrum, sed Ephoros rei quæ peteretur esse dominos. Itaq; ipse cum decē alijs legatis, ac liberis mandatis Lacedæmonem missus est. Lysander uerò Aristotelem exulem Atheniensem, cum alijs Lacedæmonijs ad Ephoros mittit, qui ostenderent illum Therameni respōdisse, eos & belli ac pacis

ac pacis esse dominos. Theramenes interim & reliqui legati, postquam in Sellasia erant, quibus uenirent mandatis interrogati sunt: illi uerò liberis se pro pace uenisse respondebant. Itaq; Ephori illos uocari iussere. Cumq; uenissent, concilium coactum est, in quo ne pax Atheniensibus redderetur, Corinthij, & maximè Thebani, pluresq; alij Græcorū contradixerunt, sed ciuitatem penitus delendam esse asserebant. At Lacedæmonij negabant ciuitatem Græcā, quæ in maximis Græciæ periculis egregiam nauasset operā, subuerti debere. Pax igitur Atheniēsis his data est cōditionibus, ut muros longos & Piræum demolirentur: naues omnes, præter duodecim, ac profugos traderent: eundem amicum & hostem quem & Lacedæmonij haberent: quos terra mariq; quocunq; ducerēt, sequerentur. Has pacis conditiones Theramenes & legati alij Athenas detulerunt. Quibus urbem intrantibus, ingens hominum multitudo circumfusa est: timebant etenim ne re infecta redirent: non enim amplius fame pereuntem multitudinem sustinere poterant. Postridie legati quibus cōditionibus pax illis à Lacedæmonijs cōcessa esset, retulere: quam ut necessariam Theramenes suscipi debere, murosq; dirui suadebat: & quamuis nonnulli cōtraxissent, omnium tamen animi ad pacē inclinarunt. Itaq; Lysander Piræū ingressus est, ibiq; illi naues ac profugi traditi sunt omnes: muri quoq; ad tiliarū cantū magna alacritate diruti sunt: omnes enim diem hanc initiū libertatis Græciæ esse interpretabātur. Annusq; exijt, in quo Dionysius Hermocratis filius, tyrannidē Syracusis arripuit, deuictis antea Carthaginensibus à Syracusanis: qui tamē Acragantum in ditionem rede gere, cum Siculi annonæ

penuria ciuitatē reliquissent. Sequenti anno in quem incidit Olympias, qua uicit in stadio Crocinus Thessalus, Eudio Spartæ Ephoro, præsidente Athenis Pythodoro, quem Athenienses, quia in illum oligarchia incidit, non nominant, sed interregnum annum illum appellant, Oligarchia Athenis ita constituta est. Visum est populo triginta eligi debere uiros, qui patrias, quibus respub. regatur, conscriberent leges. Fuere uerò electi, Polyarches, Critias, Melobius, Hippolochus, Euclides, Hieron, Mnesilochus, Chremon, Theramenes, Aresias, Diocles, Phædria, Chæreleus, Anætius, Pison, Sophocles, Eratosthenes, Charicles, Onomacles, Theognis, Aeschines, Theogenes, Cleomedes, Erasistratus, Phidon, Dracōtides, Eumathes, Aristoteles, Hippomachus, Mnesithides. His actis Lysander Samum nauigat: Agis uerò exercitum ex Decelea domum reduxit, ac per ciuitates dimisit. Eodem tempore circa solis defectum, Lycophron Pherræus, qui uniuerse imperare Thessaliæ quærebat, Larissæos ac alios Thessalos qui sibi resistere conabantur, prælio deuicit, pluribus ex eis interfectis. Eodem quoq; tēpore Dionysius Syracusanus tyrannus, bello à Carthaginensibus superatus est, Gellamq; ac Chamarinā amisit. Paulò post Leontij qui Syracusis habitabant, in eorum ciuitatem reuersi sunt, ac à Dionysio & Syracusanis defecere: statimq; Syracusij equites à Dionysio Catanem dimissi sunt. At Samij à Lysandro undiq; obseßi, cū amplius resistere non possent, incolumitatem pacti sunt, ut liberi cum singulis solū abirent uestimentis: ac ita digressi sunt. Lysander uerò ciuibus ueteribus ciuitatē cū rebus omnibus restituit, decē constitutis præfectis, qui præsidio loci essent.

Inde

Inde dimissa sociorum classe, cum Laconicis nauibus Lacedæmonem nauigauit, præ se ferens captiuarū nauium rostra, ac triremes ex Piræo omnes, præter duodecim, & coronas sibi à ciuitatibus priuatim dono datas: argenti uerò quadringenta ac septuaginta talenta: tributum ex ciuitatibus quas Cyrus ei ad belli expensas assignauerat: & si quid aliud bello partum erat, id omne Lacedæmonijs tradidit, exeunte uere, quo debellatum est anno uigesimo octauo, menseq; sexto: quo tempore Ephori numerantur tot: Aenesias primus, sub quo bellum coeptū est, decimo quinto anno post Euboie captiuitatem, ac foedera tricennialia. Post hunc succedere Brasidas, Isanor, Sostratides exarchos, Agesistratus, Agenides, Onomacles, Zeuxippus, Pityas, Plistolas, Clinomachus, Ilarchus, Leo, Charides, Patesiades, Cleosthenes, Lycarius, Eperatus, Onomantius, Alexippidas, Misgolaidas, Isias, Aracus, Euarchippus, Pantacles, Pityas, Archytas, Eudicus, sub quo Lysander rebus gestis, domum reuersus est. At triginta præfecti celerrimè muros longos diruerunt. Piræi quoq; moenia demoliti sunt. Sed cum ad describendas leges quibus ciuitas regeretur, electi essent, id tamen minimè præstitere: sed electo senatu, ac principibus ex eorum sententia constitutis, primò omnes quos in populari statu nouerant ex calumnijs uixisse, bonisq; & probis molestos fuisse, cōprehenderunt, ac morte damnarūt: qua in re senatus alacriter illis opem ferebat, nec alij egreferebant fontes puniri. At cum deliberare coeperunt, quo pacto ciuitate ex libito abutrentur, primò Lacedæmonem Aeschinem & Aristotelem miserunt, qui Lysandro persuaderent, ut operā daret, quò illis præsidium mitteretur, donec

homines prauī è medio tollerentur, ac respublica stabiliretur: eos interim alere uelle polliciti sunt. A quibus ille persuasus, in senatu egit ut praesidium & Calibius harmostes ad eos mitteretur. At triginta accepto praesidio, Calibiū cunctis demerebantur officijs, ita ut omnia quae agerent, laudaret. Cumq; praesidium illis quoq; assentiretur, quoscunq; uolebant comprehendebant, nō iam malos & infimae sortis homines, sed optimates, & quos minimè uiolentiam toleraturos, sed potius contra ituros arbitrabantur. Cumq; superiori tempore Critias Therameni familiaris ac amicus fuisset, ille uerò cædibus & populi fuga immodicè abuteretur, Theramenes ei resistere coepit, dicens, neminem propterea interfici debere, quia à populo honoraretur, praecipue si aliàs bonus ac probus fuisset, neminemq; lesisset: quandoquidem & ego ac tu, inquit, multa ut populo placeremus, & diximus ac fecimus. At ille, nā adhuc familiariter Theramene utebatur, respondit: Ciuitatem circumueneri non posse, nisi ex pedibus optimi, qui impedimento esse possent, tolleretur: si enim quia triginta sumus, ait, & nō unus, arbitraris principatu illo ut tyrannide nos uti non posse, stolidus es. Sed cū quotidie multò plures iniuste interficerentur, ac multi conuenientes admiraretur, quoniam res euasura esset, rursus Theramenes inquit: Si socij ab male coeptis non desisterent, impossibile esse paucorum dominationem durare posse. Inde Critias & reliqui triginta haud modicè Theramenem, ne ciues ad eum confluerent, timere coeperūt. Elegerunt igitur tria millia ciuium, qui rerum participes essent. Ad id rursus Theramenes ait: Absurdum sibi uideri, quòd primò tria millia ex optimatibus eligerent, ac si

numerus

numerus ille necessitatem quandam honesti ac boni præse ferret: tanquam impossibile esset extra illos bonū, inter eos uerò improbum quempiam esse. Nunc uerò, inquit, duo uos maximè contraria facere cerno, uiolentum uidelicet principatū, ac subditis longè plures principes creare. Et hæc ille dicebat. Hi uerò omnes arma sumere iusserunt, ac tria millia in foro lustrarunt, reliquum uerò populum aliò ablegarunt: inde præsidium & ciues, qui illis adhærebant omnibus, præter tribus millibus, arma abstulerunt, & ea in arcem deferentes, in Palladis templo deposuerūt. His gestis cum iam quicquid libitum esset, perpetrare possent, multos inimicitiarum, plures uerò pecuniarū interficiebant gratia: & ut esset unde præsidio pecunias persoluerent, decreuerunt unumquenq; aduenam unum eligere debere, quem ablatis pecunijs interficeret: Theramenem quoq; quem uellet assumere iusserunt. At ille respondit: Non rectè sibi uideri optimos eos appellari, sycophantis uerò peiora perpetrare. Illi enim, inquit, cū per calumniā quendā pecunijs spoliant, uitam tamen haud adimunt: nos uerò ut pecunias auferamus, innocentes interficimus. Nōne in hoc illis longè nequiores sumus? Igitur triginta Theramenem rebus suis impedimēto esse arbitrati, ut quæ uellent liberè facere possent, illi insidias tendunt, ac inuicē tanquam reipublicæ perniciosum criminari cœperunt. Iusserunt igitur iuuenes quosdam, qui illis maximè ad hanc rem idonei uidebantur, cum gladijs ueste tectis præstò esse, ac collecto concilio, cum iam Theramenes aduenisset, assurgens Critias ita uerba fecit: Si quis ex uobis, ô uiri collegæ, plures quàm tempus exigat, mori existimat, ille id omni in loco ubi ciuitatis forma

mutatur, fieri haud ignoret. Necesse enim est multos, propter paucorum dominationē nobis esse inſenſos, cum populoſiſſimam totius Græciæ poſſideamus ciuitatem, ac in qua tempore plurimo populus in libertate coaluit. Nos uerò quàm grauis nobis ac uobis popularis fuerit ſtatus, iam pridē experti ſumus. Quinimò nec hoc ignoramus, Lacedæmonijs, qui graui nos eruere iugo, nunquam populum amicū fuiſſe: at uiri præſtantes ſemper in eorum fide & amicitia perſiſtunt: quapropter ex Lacedæmoniorum ſententia hanc regendi conſtituimus formam, & ſi quem paucorum dominationi obuiam ire cognoscimus, quantū ualemus è medio tollimus. Proinde ſi quempiam ex nobiſiſſis Oligarchiæ aduerſari conſideramus, illum pœnas delicti huius reddere debere longè iuſtius arbitramur. Nunc uerò compertū habemus Theramenē hunc, quibus poteſt modis, & nobis & uobis perniciē ſtruere: & ut illa uera eſſe deprehendatis, ſi diligenter conſiderabitis, neminē magis præſentem ſtatum uituperantem, aut ſi quem populi ductorem è pedibus tollere properamus, plus reſiſtentem, quàm hunc inuenietis Theramenē: qui ſi ſub initiū ita ſenſiſſet (hoſtis etenim erat) haud rectè improbus appellari poſſet. Nunc uerò quamuis ipſe maxime initium fidei ac amicitiae Laconicæ fuerit, ipſe populi ſtatum diſſoluerit, ipſe ſummopere nos aduerſus inſidiatores noſtros, ut illos capitali afficeremus ſupplicio, concitauerit: poſtquam nos & uos ex profeſſo populi hoſtes euaiſſe cernit, amplius quæ aguntur ſibi placere negat, ſcilicet ut ipſe in tuto conſtitutus, nos uerò geſtorum rationem aliquando reddamus. Quapropter illum non ſolum quaſi inimicū, ſed ut ueſtri ac noſtri proditorē ſupplicio

plicio affici decet: tanto enim hoste perniciosius delictum est proditio, quanto difficilius rem latentem quàm manifestam custodire: tanto etiam abominabilius, quòd hostes aliquando rursus reconciliantur, amiciq; redduntur: at qui semel in proditione deprehensus est, cū illo nemo unquam in gratiam redit, aut illi deinde confidit. Vt autem intelligatis quæ ille facit non noua esse, sed natura proditionem ei innatam, eius acta uobis ad memoriam reuocabo. Quamuis enim à teneris usq; annis, ob patrem Agnonem à populo honoratus esset, impulsor tamen fuit ut popularis status deprimeretur, ad quadringentorumq; numerū deduceretur: inter quos & ipse princeps quodammodo extitit. Deinde cum uideret ob illum numerū rem ad paucorum potentiā declinare, rursus populo dux contra quadringentos factus est: unde haud ab re Cothurni nomen illi inditū est. Cothurnus enim ambobus cōgruere uidetur pedibus, etsi ab utrisque dissentiat. Decet uerò ô Theramenes, uirū uita dignum non id meditari, quo pacto socios ad pericula impellat, et si quid nō ex animi sententia cesserit, confestim immutari: sed tanquā in naui moderari, quousq; aura sequūdior flare incipiat. Id si minus quis fecerit, quo pacto unquam quò tendit peruenire poterit? cum re quapiam leui impediēte, confestim in contrarium nauigare uelit. Siquidem sunt omnes fermè publicarum rerū mutationes morti obnoxie. At tu propter inconstantiam multis ex oligarchia ut sub populo perirent, plurimis uerò ex democratia ut ab optimatibus necarentur, causa fuisti: quale hoc est, cum tibi à ducibus in bello nauali circa Lesbum cōmisso, succursus submersorum ciuium iniunctus esset, tu non solū illos nō sustulisti

sti, sed & duces accusasti, ut per mortem illorum periculum euaderes proprium. Proinde qui proprij commodi gratia cuncta agere, nec honestatis, aut amicorum curam gerere deprehenditur, non uideo cur ei parcendum sit: quinimò potius ab isto cauendum erit, ne cum ipsius cognouimus instabilitatem, ipsi quoq; aliquando decepti, ea quæ & alij ab ipso passi sunt, ferre cogamur. Illum igitur & nostri & uestri insidiatorem ac proditorē deferimus. Quod uerò rectè agamus, ita considerate. Si in Lacedæmoniorū republica, quam optimis institutam legibus cernimus, quis ex Ephoris formam regiminis mutare conaretur, illam uituperaret, ac deniq; omnibus quæ fierent aduersaretur, nunquid putatis illum & ab Ephoris ipsis, ac reliqua ciuitate uniuersa, maximis dignum censi supplicijs? Igitur & uos, si sapitis, nō huic, sed uobis ipsis prospicite. Nam si euadet, plurimis ut hostiliter cōtra nos sentiant, occasionem præbebit: damnatus uerò, cunctorum tam intra quàm extra urbem spes præcidet. Hæc cum loquutus esset, desedit. At Theramenes surgēs ita disseruit: Ego uiri, ad ea quæ Critias postremò mihi obiecit, primū respondebo. Dixit etenim præfectos ob accusationē meā ultimo affectos esse supplicio. Ego uerò accusationi illorum principiū non dedi: uerū cum ab alijs accusati respondissent, se mihi collectionē ciuium qui pugna nauali iuxta Lesbum interierunt demandasse, ostendi ob tempestatis uehementiam impossibile mihi fuisse, non solum nauigationem, sed & uirorum collectionem: qua in re uera Atheniensibus dicere, & illi quodammodo seipsos accusare uisi sunt, fatentes defunctorum corpora colligi potuisse, se tamen ad alia loca nauigasse. Proinde non miror

Critiam

Critiam mihi iniuste hæc obieciſſe. Nam cum hæc acta sunt, præſens nõ fuit, ſed cum Prometheo in Theſſalia ſtatim inſtituit popularem, ac calones in dominos armauit: & quæ ille ibi egit, ne hic fiant, dii longè repellant. In eo uerò illi aſſentior, ſi quis uobis principatum auferre nitatur, ac hoſtibus ueſtris fauere uelit, maximis hunc dignũ eſſe ſupplicijs. Verũ quiſnam hæc agat, uos optimè dijudicatuſ arbitror, ſi diligenter perpenderitis antè acta, & quæ nunc unusquiſq; è nobis gerit: quandoquidem in eligendo ſenatu, cõſtituendis principibus, tollendis è medio manifeſtis calumniatoribus, omnes unà ſenſimus: ſed ex quo illi uiros bonos ac iuſtos comprehendere cœperunt, ego quoq; diuerſa illis ſentire occepi. Sciebam etenim cum interfici uidiſſem Leontem Salaminũ, uirũ ſpectatum ac egregium, nullaq; in re iniurium, contribules ſuos in timore conſtitutum iri, conſtitutos uerò gubernationi noſtræ obuiam ituros. Pariter cum Niceratum Nicij filium cõprhenſum cernerem, uirum diuitè, ac minimè popularem, cognoſcebam æquales ſuos nobis hoſtes futuros. Præterea cum Antiphon, qui in bello duas aluiſſet triremes, à uobis interficeretur, ſciebã omnes qui egregiam reipublicæ nauaſſent operam, nos ſuſpectos habituros. Contradixi quoq; cũ unumquenq; aduenam unum ad opprimendũ arripere iuſſiſſent: manifeſtè enim apparebat, ſi illi perirent, incolas reliquos omnes hoſtes reipublicæ euafuros. Contradixi quoq; cum arma multitudini adempta eſſent: arbitrabar etenim ciuitatem imbecillem reddi non oportere. Neq; enim Lacedæmonios ideo nos ſeruare uoluſſe, ut uiribus exhaustis, nullo illis præſidio cunellent, eſſe poſſemus: quippe ſi hoc uoluſſent, neminem

ex nobis relinquere potuissent, si modico adhuc tempore fame nos opprimere decreuissent. Neq; praesidium contraducere mihi placuit, cum tot abundaremus ciuibus, ut faciliter principes subditis, si quid noui moliti fuissent, resistere potuissemus. Deniq; cum plures in ciuitate statui huic infensos cernerem, multos quoq; in exiliū quotidie pelli, displicuit mihi his Thrasylbulum, Anytum, & Alcibiadem adiungi. Intelligebam enim quantum robur hostibus accessurū foret, si multitudini exulum, duces quasi de industria subministraremus, ducibus uerò sociorū numerum augeremus. Qui ergo palām hāc admonet, num rectius beneuolus quā proditor est existimandus? Non illi, ô Critia, qui impedimento sunt ne hostium numerus augeatur, uel qui docent quo pacto sociorū numerus crescat, hi hostes reddunt potentiores: sed multo magis qui per uim ac iniuste pecunias auferunt, innocentesq; interficiunt, hi sunt qui aduersariorum augment numerū: quiq; non solum amicos, sed semetipsos turpis lucri gratia produnt. Quod si non aliunde me uerū dicere intelligere potestis, ita saltē cōsiderate: nūquid Thrasylbulus et Anytus reliquiq; exules, magis uelint ea hic fieri, quā ego suadeo, uel potius quā illi agunt: siquidē eos nil magis optare puto, quā ut socij quamplurimi sibi quotidie coniungantur. Quod si ciuitatis opulentiores nobiscū sensissent, admodū difficile fuisset quempiam nostros inuadere potuisse fines. Ceterum nunc ijs quā de inconstantia mea dixit, ueraciter respondebo. Statū quadringentorū populus ipse aliquando decreuit, edoctus Lacedaemonios eam gubernandi formam potius quā popularē probare statum: uerū cum hi nil sani sensissent, & qui cum Aristotele,

tele, & Melanthio, ac Aristarcho militabant, comperti sunt munitiones, in quas ob ciuium oppressionem hostes introducerent, in agris erigere, ut ciuitatē suo & aliorum subijcere possent imperio: id quamprimum rescui, ne fieret prohibui. Num quæso hoc est amicorū esse proditorum? Proinde me cothurnum quoq; appellat, tanquam utriq; parti studere conantem. Cæterum qui neutræ placet parti, per deos immortales quo nomine illum appellare decet? Siquidem tu in statu populari, omnium minimè popularis fuisti: in optimatum uerò regimine optimum quenq; capitali prosequutus es odio. Ego uerò ô Critia, illis semper resistere paratus sum, qui popularem statum non antea optimum esse arbitrantur, quàm cum serui & alij infimæ sortis homines ciuitatem drachma uendūt, ut drachmæ participes esse possint. Illis quoque semper contrarius esse soleo, qui paucorum dominationem nō rectè constitutam existimant, prius quàm à paucis subacta ciuitas, tyrannidi subijciatur. Nam quòd semper eam rempublicam optimam esse iudicaui, quæ ab opulentioribus ac probis hominibus armis ac uiribus conseruatur, nunc nō muto. Proinde si tu Critia ostendere potes, ubinam cū popularibus, uel tyrannicis, bonos & probos à republica depellere conatus fuerim, agè ostende. Si enim seu nunc talia agere, aut posthac unquam facere conuictus fuero, fateor me extrema omnia pati esse dignissimū, iuste q; ultimo affici debere supplicio. Hæc cum dixisset, tacuit. Verū conciliū cum beneuolentiā suam strepitu indicasset, ueritus est Critias, ne si senatui de illo sortiri permitteretur, euaderet: quam rem minimè tolerandam arbitrabatur. Procedēs igitur, & cū triginta colloquuturus exiit:

iuſſit interim enſibus cunctos aperte ſenatum in cancellis
circundare. Inde cum ruruſus ingreſſus eſſet, ita uerba fe-
cit: Ego patres cōſcripti, eum qui reipublicæ præeſt, de-
cere arbitror, cum amicos decipi uideat, illis pro uiri-
bus ſuccurrere: quod & ego nunc facere intēdo. Nam &
qui à nobis deſecerūt, rectē affirmare poſſent, nos curam
noſtri minimē gerere, ſi indemnatum dimitteremus uirū,
aperte oligarchiæ reſistentē. Cum igitur à nouis conſtitu-
tum ſit legibus, neminē ex tribus millibus ſine decreto ue-
ſtro morte damnari debere: at qui extra numerum illum
ſunt, horū triginta eſſe uitæ ac necis dominos: ego Thera-
menem hunc, omnibus uobis cōſentientibus, ex catalogo
deleo, quem & nos morte damnamus. Quæ cum Thera-
menes audiuiſſet, ad aram ita uociferans cōfugit: Ego ue-
rò ô uiri, per omnia legitima uos oro ac precor, ut neque
me, neq; alium quenquā ad libitum Critiæ delere permit-
tatis: ſed uos lege, quam illi de ijs qui in catalogo continen-
tur tulerunt, me, ſi quid cōmiſi, iudicetis. Et quamuis per
deos immortales, inquit, nō ignorem, aram illam nil mihi
profuturam, id tamen oſtendere uolo, tyrannos iſtos non
ſolum in homines eſſe iniuſtiſſimos, ſed erga deos quoque
maximē impios ac ſceleſtiſſimos. Admiror uerò uos uiri
optimi ac honeſti, uobiſiſſis ſuccurrere nolle, cum ſciatis
nomen meum non minus eſſe deletibile, quā uniuſcuſq;
ueſtrū. Interea tyrannorum præco undecim uiros ad
Theramenē citabat: quibus cum miniſtris, ac duce eorum
Satyro, homine audaciſſimo ac facinoroſiſſimo, irrūpen-
tibus, Critias ait: Tradimus uobis Theramenē hūc ſecun-
dum legem iudicādum: uos uerò undecim uiri, illum quō
oportet, abducite, ac è medio tollere memineritis. Hæc cū
dixiſſet,

dixisset, Satyrus illum cum ministris ab ara abstrahere nitentur. At Theramenes cum hæc cerneret, ut par erat, deos ac homines inuocabat. Senatus uerò uidens æquales Satyri circum cancellos, & ante prætorium quamplurimos militum dispositos, quietè agebat, tacitusq; euentum rei expectabat, non ignarus illos ensibus cinctos esse. At undecim uiri per forum hominem abducebāt, magna uoce quòd indigna pateretur clamantem, ac tyrannos detestantem. Fertur cum Satyrus illi dixisset, flebis nisi silebis, respondisse: Nunquid nō flebo, si tacebo? Cum uerò mori coactus esset, epoto ueneno, reliquum effudisse aiebant, ac dixisse: Hoc Critiæ libamus. Et quamuis non ignorem dicta ista non admodum relatu digna, illum tamen uirum admirādum esse iudico, cui morte præsentē, nec prudentia, nec scommata ex animo exciderint. Theramenes igitur hunc finem sortitus est. At triginta cum iam absq; timore tyrannidē exercere posse sperarent, omnibus extra catalogum urbem intrare prohibuere: quinimò finibus quoque pellebant, ut eo pacto ipsi cum amicis eorum agris potirentur. erantq; fugientium omnia plena: nam ex Piræo dilabentes, Megaram ac Thebas impleuerant. Itaque Thrasybulus ex Thebis impetu facto quasi cum septuaginta suæ factionis hominibus, Phylon locum occupauit munitissimum: cui triginta ex urbe cum tribus milibus, ac equitibus, statim cum serena esset tranquillitas, occurrunt. Cumq; propè essent, audacissimi quidam iuuenes locum aggressi sunt: sed cum nil proficerent, multis acceptis uulneribus repulsi sunt. At triginta cum constituisent illos muro circundare, ut eo pacto obsesti, anno na intercluderentur, eadem nocte densa effusa est nix: &

cum die insequenti uehementer quoq; ningeret, in ciuitatem plurimis abiectis impedimentis reuersi sunt. Timen-
tes uerò agrorum incursionem, ni praesidio munirentur,
quasi quindecim stadijs à Phyla, Laconicum uniuersum,
exceptis paucis, constituunt praesidium, cum equitū tur-
mis duabus, qui in Lasio campo positis castris, in statuiis
agebant. At Thrasybulus collectis quasi septingentis suae
factionis hominibus, nocte ad illos descendit, ac positis tri-
bus uel quatuor ab hostibus stadijs armis, quietē agebat.
Cumq; primo diluculo hostes è stratis surrexissent, ac in-
ermes securè deambulant, alij uerò equos tergerent,
Thrasybulus resumptis armis, prono cursu cum suis ad
illos delatus est: ex quibus aliquot uiuos cepit, omnes ue-
rò in fugam uertit, quos sex uel septē prosequutus est sta-
dia. Cecideruntq; ex peditibus plus quàm centū uiginti,
equitum uerò Nicostratus appellatus Pulcher: duo quoq;
alij in stratis oppressi sunt. Thrasybulus uerò cū suis re-
uersus trophæum statuit, acceptisq; armis ac praeda, Phy-
lam redijt. At equites ex ciuitate cum suis opem ferrent,
neminem hostium deprehenderunt: tandiu uerò manser-
unt, quoad necessarii qui ceciderant, mortuos recipe-
rent, inde in ciuitatē reuerterunt. Ex eo tempore triginta
rebus suis diffidentes, Eleusinam ut refugium illis quan-
doq; esset, munire cōstituerunt. Acceptis igitur equitibus
Eleusinam profecti sunt, ibiq; Critias & alij triginta equi-
tes lustrarunt, illosq; omnes describere iusserunt: dicentes
id eo facere animo, ut numerū eorū cognoscere possent.
Descriptum igitur unumquenq; per portam mare uersus
exire, ac in littore hinc inde consistere iusserunt: at quàm
primum quis egressus erat, ab ministris cōprehendeba-
tur.

tur. Cumq; omnes capti essent, iusserunt eorū præfectum Lysimachum illos abducere, ac undecim uiris tradere. Postridie conuocatis tribus millibus, ac reliquis equitibus, surgens Critias ita loquutus est: Vobis ô uiri, non minus quàm nobisipsis rempublicam stabilimus: proinde quemadmodum honorū, sic & periculi uos participes esse decet. Vt igitur nobis fidem adhibeatis, pariterq; timeatis, omnes per Eleusina conueniemus sacra: ostensq; loco, in illo palàm de hac re calculum ferre iussit. Præstò interim erat Laconicum præsidium armatū, ut illos cogeret. Erat uerò hæc initiatio tantummodo eorum ciuium qui calumnijs affici debebāt. Thrasybulus interea collectis ex Phyla quasi militibus mille, nocte Piræum occupauit. Quod cum triginta rescuiissent, statim cum Laconico præsidio, equitibus ac peditibus, in succursum aduolant: inde Piræum aggredi pergunt. At qui ex Phyla irruperant, uiriliter resistunt: sed cum ambitus esset uastus, multiq; indigens præsidij, ipsi uerò pauci, in Munichia se retrahūt. at qui in ciuitate erant, in Hippodamium conueniunt forum, ubi ordine lato, non minus quàm hominū quinquaginta instructo, ita ut totam implerent uiam, quæ ad templum Munichia ducit Dianæ, Bendidiū ad hostes ascendere cœperunt: quibus obuiam fiunt Thrasybuliani, ordine contracto: nam haud plus quàm homines decem in fronte constiterant: quibus succedebant uelites, ac iaculatores: illos uerò sequebantur funditores ordine denso. Cumq; iam propè ad manus uentū esset, progressus Thrasybulus, ac deposito scuto, armatus in medio suorum ita loqui cœpit: Viri ciues, quosdam ex uobis docere, alios uerò admonere uolo, hostes qui dextrum tenent cornu,

eos esse, quos quinta antea die in fugā uersos persequuti estis: at ultimos qui in sinistro stant cornu, triginta esse tyrannos scelestissimos, qui nos immeritos urbe priuarunt, domibus expulerunt, ac amicissimos nostros ultimo affecerunt supplicio. Euenit uerò nunc quod illi nunquam futurum arbitrabantur, nos autem summopere semper optabamus: armati nanque contra illos stamus. Quamuis enim aliquando in deos cœnantes, dormientes, ac concionantes incidimus, non tamen adeò iniusti sunt, ut in perpetuum nobis irascantur: siquidem apertè iam nobiscum ad prælium pergūt. Possunt etenim in tranquillitate tempestatem cōcitare, si id nobis prodesse norunt: rursus etsi paucissimi, concedere tamen ualent, ut multos inimicos nostros in fugā uertere, trophæumq; statuere possimus: quapropter nunc quoque inimicos nostros eò conduxere, ubi propter ordinis densitatem, ac loci iniquitatem, neque iaculis aut sagittis rem gerere possunt: nobis uerò neq; hastæ, sagittæ aut lapides frustra in hostes emittētur, adeò ut illos facîle repellere, et in fugā uertere possimus. quamuis etiā si in æquo pugnaremus loco, facîle dij uictoriam concedere possent. Nunc igitur alacriter, ut decet, tela emittite: nam haud aberrabitis, cum undiq; uia plena sit hostium: quos cum scutis protecti nos adoriemur, illos tanquā cæcos pro libito ferire, & in fugam uertere poterimus. Sed ô socij, ita rem aggredi oportet, ut unusquisq; uictoriam in manibus suis sitam arbitretur. Ea enim nobis (si deus uoluerit) nunc patriam, domos, libertatem, honores, ac filios, & quibus sunt uxores, reddet. Proinde felices quicunq; è nobis uictores euadent: illis etenim letissima fulgebit dies. Beati quoq; qui cadent, memoriam enim
sempis

sempiternā cunctis diuitijs præstantiorem acquirent. Igitur cum tempus id exigeret, pæana inchoabo: cū uerò Martem inuocauero, unanimiter omnes pro acceptis iniurijs hostes ulciscamur. Hæc cū dixisset, in hostes uersus quietē agebat: uates enim illis prædixerat, ne hostes adorirētur antequam ex eis quispiam uulneraretur aut caderet: id si fieret, letandū esse, tanquam uictoria parta asserebat: sibi uerò certissimam incumbere mortem. Nec mentitus est: nam assumptis armis, tanquam fanaticus, primus in confertissimos insiluit hostes, ubi undiq; telis obrutus cecidit, ac in Cephisi descensu sepultus est: at reliqui egregiè uicerunt, hostesq; in plana usq; persecuti sunt. Ceciderūt autem in eo certamine ex triginta Critias, et Hippomachus: ex decem uerò in Piræo præfectis, Charmides Glauconis filius: ex reliquis quoq; septuaginta circiter, quibus solū adempta sunt arma: nullus uerò ciuiū uestitu spoliatus est. His actis, ac mortuis per inducias redditis, inuicem multi colloqui & conuenire cœperunt. Cleocritus quoq; Myscorum præco, cum uocalissimus esset, factō silentio ita loquutus est: Viri ciues, cur nos expellere quæritis? cur interficere uultis? cum uobis nil mali unquā fecerimus, sed participes simus purissimorum templorum, ac sacrificiorum, pulcherrimarumq; festiuitatū: unā aliti sumus, unā educati, unā militauimus, multaq; pro communi salute ac libertate, terra ac mari pericula exanclauimus. Per deos igitur paternos ac maternos, affinitates, cōsanguinitates, & familiaritates, quibus omnes maximè inuicem deuincti sumus: ueneremini deos, hominesq; timete, & ab iniurijs patriæ communis aliquando desistite, nec iniquissimis fauete tyrānis, qui proprij lucri gratia, paulò minus

mensibus octo, plures interfecere Athenienses, quàm decem antea annis cuncti in bello obtruncarunt Peloponneses. Cumq; omnes in pace degere possemus, hi omniũ sceleratissimi ac iniquissimi, nefandum & abominandum deis ac hominibus, inter nos concitarunt bellum. Insuper & hoc scitote, eos qui ceciderunt, non minus à nobis quàm à uobis ipsis deploratos esse. Et ille ita loquutus est. At reliqui tyranni cum hæc audissent, suos ne talia audirent, in urbem reduxerunt. Postridie triginta, omni deposito fastu, humiles ac quodāmodo à cunctis deserti in confessum uenerunt. At tria millia ubicunq; dispositi erant, inter se dissentiebant: & qui uiolentius egerant, timebant, unanimiterq; asserebant, minimè cum exilibus reconciliationē admittendam esse: qui uerò nil iniuste se egisse sciebant, aliter sentiebant: reliquos quoque admonebant, ut se aliquando ab his malis in libertatem uendicarēt, ac minimè tyrannidi obedirent, ciuitatemq; in manifestum præcipitarent periculum. Tandem triginta tyrannidē abrogare coegerunt: alios quoque decem qui rebus præessent, ex unaquaq; tribu singulos elegerunt. Et triginta quidē Eleusinam abierunt: at decem electi ualde timidi, minimèq; inuicem fidentes, cum præfectis equitum agebant. Equites uerò in triuijs cum equis & armis pernoctabant: & quia nemini credebant, nocte moenia circumibant armati: orta uerò die conscensis equis obequitabant, semper timentes ne in Thrasylbulianos inciderēt. Interim numerus eorum qui in Piræo erant, quotidiano augebatur concursu, uariq; fabricabantur arma, lignea quoq; & salignea, quæ inde dealbabantur. Fidem quoq; præstiterunt ijs qui ante decē dies ad eos transirent: & si aduena esset, æquali eum

iure uicturū pollicebantur. Perfugerunt igitur ad eos armati plures, inermes quoq; non pauci. Nacti sunt & circa equos septuaginta, quibus incursiones in agros faciebant, receptisq; lignis & fructibus, rursus in Piræum reuertebantur. Ex urbe uerò nemo præter equites egredi audebat, qui illis insidiabantur, & quandoque male afficiebant. Deprehenderunt quoq; iuuenes quosdam, qui com meatu causa in agros exierant proprios: quos Lysimachus equitum præfectus multum deprecâtes, equitibusq; agrè ferentibus, iugulare iussit: quapropter Thrasymbuliani irritati, quoscunq; equitum capiebant, trucidabant, & inter illos Callistratum ex tribu Leontida: iam enim adeo uiribus creuerât, ut ad urbis muros incursiones facere auderent. Cumq; cognouissent machinas ex ciuitate per Lycium duci debere, iumenta immensis onerarūt lapidibus, quibus temerè per uiam deiectis, maximum hostibus præstitere impedimentum. Tandem triginta ex Eleusina, & qui in catalogo descripti erant ex urbe, Lacedæmonē miserunt legatos, qui præsidium tanquam populus à Lacedæmonijs defecisset, peterent. At Lysander considerans, si illi qui in Piræo erant terra mariq; obsiderentur, breuiter ob necessariorum penuriam ad ultimam uenturos necessitatē, sicq; facile expugnari posse, Lacedæmonijs persuasit, ut mutuatis illis talentis centum, eum terra harmosten, Libyn uerò fratrem classis præfectum in subsidium mitterent. Egressus igitur, milites quamplures Peloponneses terra Eleusinā duxit: at classis præfectus mare obseruabat, quò minus necessaria in Piræū in ferri possent. Quibus circumuenti difficultatibus obseſi, breuiter ad ultimam deuenere necessitatem: & qui in ciuitate erant,

rursus ob Lysandrū animū erigere cœperunt. Id cū Pausanias rex didicisset, Lysandri gloriæ inuidebat: timebat etenim ne egregio perpetrato opere, clarior euaderet, simulq; Athenarū dominiū sibi uēdicaret. Persuassus igitur Ephoris tribus, exercitū educit: quē socij omnes præter Boeotios & Corinthios sequuti sunt: hi enim se cōtra iuramentū uenire dicebāt, si aduersus Atheniēses, qui nil præter pacta egerant, militarēt. Hæc tamē ideo faciebāt, quoniam Lacedæmonios Atheniensem agrū inhabitare, ac in ditionem redigere propriā uelle intelligebant. Pausanias igitur in Hali cāpo castra posuit, inde Piræū uersus ducere pergit. In cornu dextro ipse præerat, sinistro uerò cū milite cōductitio Lysander: præmissoq; præcone eos qui in Piræo erant, ad propria redire iussit. Cumq; minus parerent, impressiōē in illos, ne eis fauere detegeretur, fecit. Sed cū conatus ille minus procederet, in castra copias reduxit. Postridie acceptis manipulis Lacedæmoniorum duobus, ac Atheniēsium equitū turmis tribus, ad Cophū portum usq; processit, Piræi situm considerans. Inde cum discedere uellet, Thrasybuliani postremū agmen lacescere cœperunt: id agrè ferens Pausanias, equites & leuis armaturæ milites in eos immisit, ipse uerò cū reliquis subsequabatur. Igitur triginta circiter leuis armaturæ militibus occisis, reliquos usq; in Piræi theātron persequutus est: ibi illis obuiā fiunt ex Piræo peltati & armati omnes: uelitesq; excursionē facta, iaculis, sagittis, ac fundis remagebant. At Lacedæmonij cum plures ex eis uulnerarentur, ac uehementer urgerentur, pedem referre cœperūt. Id cum hostes cernerent, uehementius illos premere pergunt: cecideruntq; eo in loco Charon, & Thibrachus, ambo

ambo bello præfecti, & Lacrates Olympionicus, ac alij Lacedæmodij quamplures: qui ante portas in Ceramico sepulti sunt. Quæ cum Thraſybuliani & alij uidissent armati, illis suppetias ferunt, ac ordine structo inuadūt. At Pausanias cum impetū amplius ferre haud posset, ad tumultum quendam, quatuor aut quinque distantem stadijs declinauit: collectisq; ex fuga Lacedæmonijs ac socijs, aciem densam ac compactam instruere cœpit, rursusq; contra Athenienses ducere pergit, quē primò intrepidè Thraſybuliani excepere: at procedente certamine impetum ferre non potuerunt, sed amissis quasi centum quinquaginta ex suis, in fugam uersi sunt. Pausanias itaq; erecto trophæo copias reduxit, nihil hostibus succensens: sed clàm eos admonuit, ut legatos ad eum ac præſentes mitterent Ephoros: cui illi paruere. Persuasit & ciuibus, ut collecti cum adirent, ac precarentur, ut bellū solueretur, cōmunesq; Lacedæmoniorum essent amici. Grata quoq; fuit ea res Naclidæ Ephoro: ambo enim Ephori qui cū rege militabant, & tum aderāt, magis cū Pausania q̃ Lyſandro sentiebāt: quapropter per inducias à Piræo ac ex ciuitate, Cephisophon & Melitus, Lacedæmonem legati sunt missi. Illi uerò cū Lacedæmonā uenissent, ciuitatē ac seipsos tradiderūt, iustum esse dicentes, ut hi qui in Piræo essent, si amici esse uellent, idem facerent, Piræoq; ac Munichia excederent. Quibus auditis Ephori gauisi sunt, & quindecim uiros Athenas miserunt, quos cū Pausania res ex æquo cōponere iusserūt. Qui bellū ita diremerūt, ut unusquisq; ad propria reuerteretur, exceptis triginta, ac undecim uiris, & præfectis decē, qui in Piræo præſuerāt. Quòd si qui in urbe timerēt, Eleusinas migrare iusserāt.

runt. Hoc pacto sedato bello, Pausanias exercitū reduxit. At qui in Piræo fuerāt, armati in arcē ascenderūt, ac Paladi rem sacrā fecerūt. Inde Thrasybulus eos qui in urbe fuerāt, ita alloquutus est: Vobis, ô uiri, ex urbe suadeo, ut uosmetipsos cognoscere uelitis: cognoscetis autem, si diligenter perpēderitis, quā ob rem adeo elati estis, ut nobis dominari uolueritis. Nunquid nobis iustiores estis? Verū populus quamuis pauperior uobis semper fuerit, nulla tamen unquam uos pecuniae gratia iniuria affecit: uos uerò ditiores omnibus, multa enormia lucri gratia perpetrastis. Cum igitur propter iustitiam efferri minimè possitis, cōsiderate nunquid fortitudine præcellatis. Sed rei huius discrimen pulcherrimū euenit, cum bellum inuicē gessimus. Sed prudētia forsan excellere uidemini. Cū muros, arma, pecunias, ac Peloponnēses socios habueritis, ab eis tamen qui omniū horum indigi fūere, in ultimū penè discrimē adducti estis. Cæterum de Lacedæmonijs forsitan uobis gloriandū esse existimatis: at illi uos mordentes, tanquam frænis coërcitos, populo huic irritato discedentes obiecere. Igitur uos hortor, ne quid eorum quæ iurastis transgrediamini, sed uiros bonos & iuramenti memores uos esse ostēdatis. Hæc & his similia ille loquutus est, hortatusq; ne timerent, sed legibus uterētur antiquis. Illi igitur electo senatu, placidè rempublicam dehinc gubernabant. Succedenti uerò tempore, cum eos qui in Eleusina agebant milites conducere, & ad defectionem spectare didicissent, uniuerso populo contra illos exierunt, ducesq; eorum cum in colloquium uenissent, interfecerunt, ac reliquis submissis amicis & necessarijs persuaferunt, ut cum eis reconciliarentur: iuramentumq; præstiterunt, ne quis

ne quisquam præteritarum iniuriarum memor esset. Ab eo tempore usque nunc, rempublicam unanimiter gubernant, populusq; præstiti iuramenti non immemor fuit.

XENOPHONTIS RERVM GRAECARVM LIBER TERTIVS, BILIBALDO Pirckemero interprete.



VNC exitum Atheniensis habuit seditio. Eodem tempore Cyrus Lacedæmonem misit legatos, rogans, ut quemadmodum ipse Lacedæmonijs contra Athenienses opem tulisset, ita è conuerso Lacedæmonij ei suppetias ferrent. Id cum iustum esse Ephori censuissent, Samio nauarcho scribunt, ut Cyro in omnibus pareret rebus. Quod ille ut Cyrus uolebat, impigrè fecit: nam classẽ suam cū Cyri cōiunxit, & in Ciliciam nauigauit, ac Syennesim Ciliciæ satrapam prohibuit, ne Cyro in regẽ eunti impedimento esset. Quemadmodum uerò Cyrus exercitum collegerit, ac contra fratrem pugnauerit, tandemq; occubuerit, Græciq; salui ad mare rursus peruenerint, ab Themistogene Syracusano scriptum est. At Tysaphernes in bello quod rex contra fratrem gessit, magnum nomen adeptus, non solum dignus uisus est obtinere satrapiam, cui antea dominabatur, sed ea quoq; illi adiecta est quæ Cyri fuerat. Consecim igitur omnes Ioniæ ciuitates sibi subdere cœpit. At illæ quamuis libertatis desiderio tenerentur, Tysaphernis tamen formidabant potentiam, præcipuè quòd Cyro uiuenti aliquando contra illũ adhæserant: quapropter eum in ciuitates minimè recipiebant, sed Lacedæmonem mittentes auxilium implorabant, rogabantq; Lacedæ-

demonios, cū uniuerſæ eſſent tutores Græciæ, aliquando & Græcorum qui in Aſia eſſent, curam gererent, ne cum ipſi liberi eſſent, Aſia ſeruiret. At Lacedæmonij illis Thimbronem miſerunt harmoſten, cum iunioribus mille, & alijs Peloponnenſibus quaſi millibus quatuor. Thimbron uerò ab Athenienſibus tercentū petijt equites, quibus ſtipendium ſoluere promiſit: quos haud grauatè Athenienſes conſeſſere, lucrum arbitranſes ſi ablegarentur & pereſſent. Cumq; in Aſiam ueniſſet, milites ex omnibus ciuitatibus Græcis quæ in Epiro erant, collegit: lubētes enim cuncti parebant, quandoquidem uirum Lacedæmonium præeſſe uidebant. Sed cū hoſtem equitatu præualere cerneret, in plana non deſcendit: ſatis actum putans, ſi regionem ab iniuria illæſam ſeruaret. At cum Græci qui cum Cyro ad bellum aſcenderant, ſibi iuncti eſſent, in campis quoq; contra Tyſaphernem caſtra locare auſus eſt: ciuitatesq; Pergamum, Teuthraniam, & Halifaruiū in fidem accepit: quibus præerant Eurysthenes & Procles, qui à Demarato Lacedæmonio deſcenderant, cui regio illa, ob expeditionem in Græciam, à rege in donum ceſſerat. Venerunt quoq; in fidem duo Gorgius & Gongylus, quorū ille Gambrion & Palægambriion obtinebat, alter uerò Myrinam & Grynium. Erāt quoq; hæ ciuitates Gongylo à rege donatæ, quoniam ſolus Eretræcorum qui cum Medis ſenſerant, euaserat. Cepit quoq; Thimbron ciuitates aliquas immunitas, ui. Lariffam quoq; quæ Aegyptia uocatur, cum imperata detrectaret, obſedit. Quam cum capere non poſſet, profundiffimam cœpit fodere foſſam, ut incolis eo pacto aquam adimeret. At illi per quotidianas eruptiones, lapidibus ac lignis foſſam replebant: quapropter

pter Thimbron testudinem ligneam super fossam statuit, quam Larissæi nocte erūpentes incēderunt. Ephori uerò cum Thimbronem nil proficere cernerent, Larissam relinquere, & in Cariam exercitū ducere iusserunt. Cumq; iam Cariā irrupturus Ephesi esset, aduenit Dercyllides, uir ingenio clarus, cognomento Sisyphus: hic exercitum suscepit, Thimbronq; domum reuersus est, ubi damnatus aufugit: accusatus est enim à socijs, quòd militi amicos diripiendos tradidisset. Dercyllides suscepto exercitu, cum non ignorasset Tysaphernē & Pharnabazum suspectos inuicem esse, colloquutus cū Tysapherne, in Pharnabazi fines exercitū ducit: securius esse existimans, alteri quàm ambobus bellum inferre. Erat præterea Dercyllides priuatè Pharnabazo inimicus: nam olim harmostes sub Lyfandro classis præfecto, à Pharnabazo, cum scutum imperitè gestaret, uulneratus fuerat: quod ignominie apud Lacedæmonios datur, apud quos militaris disciplina neglecta, seuerius puniri solet. Eam igitur ob causam libentius contra illum mouit: statimq; apparuit, quantum inter illum & Thimbronem interesset. Nanque in Aeolidem usq; ubi Pharnabazus erat, omnibus illæsis socijs exercitum duxit. Erat Aeolis Pharnabazi: sed regioni quandiu uixerat Zenes præfuerat Dardanus. Illo mortuo, cū Pharnabazus alteri satrapiam tradere uellet, Mania Zenis uxor, quæ & ipsa Dardana erat, sumpta stola ac pecunijs quas Pharnabazo, pellicibus, ac amicis qui apud eum maxime pollebant, traderet, illum acceffit. Cumq; in colloquium uenisset, ita loquuta est: Vir meus, ô Pharnabaze, in omnibus tibi amicus erat, tributumq; egregiè pependit, ita ut illum semper laudare ac honorare consueueris:

Proinde si ego haud segnius quàm maritus tibi parco, cur alieno satrapiam tradere necesse erit? Quòd si minus tibi placuero, semper illam à me auferre, ac digniori tradere poteris. Quæ cum Pharnabazus audisset, dignam mulierem quæ imperaret, iudicauit. Illa igitur regionis domina facta, tributū haud segnius uiro persoluit, ac quotiescunque Pharnabazum accessisset, dona tulit. Cumq; ille aliquando in regionem descendisset, humanissimè ac liberè liter præter omnes præfectos eū suscepit. Ciuitates quoque quas capiebat, illi attribuebat: nam ex urbibus maritimis, quæ imperium detrectabant, Larissam, Hamaxitum, & Colonas subdiderat. Græco enim ac peregrino exercitu muros adorta, ipsa in curru spectatrix aderat: & si quem dignum quid agere uidisset, immensis præditū donis laudabat. Itaq; egregium instruxit exercitum. Militauit & cū Pharnabazo contra Mysos & Pisidas, quotiescunque regis fines incurfauerant: quapropter magnis ab illo affecta est honoribus, ita ut cōsilijs secretioribus semper adhiberetur. Cumq; iam quadragesimū supergressa esset annum, Midias gener à quibusdam persuasus, tantumquam turpe esset mulierè regnare, ipsum uerò priuatè degere, cū socrus sibi ab alijs cauere, ut in tyrannide fieri consuevit, illi uerò fideret, & tanquam generum foueret, ingressus ipsam suffocasse fertur. Interfecit quoq; filiū indolis ac formæ pulcherrimæ, annorum decē & septem. Hæc cum perpetrasset, Scepsin & Gergitha ciuitates occupat munitissimas, ubi & Maniæ reconditæ erant pecunie: reliquæ uerò ciuitates illum minimè intra moenia receperunt, sed milites præsidarij, qui in illis excubabant, Pharnabazo cas seruabant. Midias Pharnabazo interim munera

munera mittit, rogans ut ei quemadmodū Maniæ regionem obtinere liceret. At ille dona usq; in aduentum suum seruare iussit, ut illa ab eo suscipere posset. Neque enim se uita uelle frui asserebat, ni Maniæ iniuriam uindicasset. Eodem itaq; tempore applicuit Dercyllides, statimq; eadem die Larissam, Hamaxitum, & Colonas uolentes in se suscepit. Inde ad Aeolides quoq; misit ciuitates, rogans ut se in libertatem uendicaret, ac eum intra muros susciperēt, socij q; fierent. Paruere igitur Neandres, Ines, & Cocylitæ: præsidium enim græcum post Maniæ mortem haud modeste illis præfuerat. At Midias Cebrenam obtinebat regionem munitissimam: sperabatq; si ciuitatē eam Pharnabazo seruaret, uindictam euadere posse. Idcirco Dercyllidem repulit. At ille iratus, ad irruptionem se accingebat: cumq; die prima litare nō posset, sequenti quoq; tertia ac quarta frustra sacrificabat die. quod quidam ægerrimè ferebat: sperabat etenim antequam Pharnabazus suppetias ferret, totā posse subigere Aeolidem. Interea Athenades quidam Sicyonius manipularis, cum Dercyllidem nugas agere existimaret, se uerò Cebrenijs aquam auferre posse speraret, cum manipulo suo procurrit, ut fontem in ficeret: at qui in urbe erant, erumpentes, illum uulnerarunt, duobusq; interfectis militibus, reliquos quoque sagittis incessentes, in fugam uerterunt. Id cum ægerrimè tulisset Dercyllides (difficiliorem enim futuram arbitrabatur oppugnationem) aduenerūt ex urbe à Græcis præcones, qui ea quæ præfectus ageret, illis displicere referret, malleq; se Græcis quàm barbaris adhærere. Illis adhuc loquētibus, superuenere à præfecto quoque nuncij, qui ipsum iussa facere paratum esse nuncia-

rent. Dercyllides igitur eadem die qualitare potuit, sumptis armis, ad portas exercitum duxit, quibus apertis in urbem receptus est: ubi relicto praesidio, contra Scepsin & Gergitha mouit. At Midias cum Pharnabazum cunctantem, ciues uerò imperium detrectantes uidisset, ad Dercyllidem mittit, ac se in colloquium uenire paratum esse, si obsides sibi darètur, ostendit. At ille ab unaquaque ciuitate socia, obsidem unum misit, iubens ut quot, & quem ex illis uellet, retineret. Ille decem acceptis, egressus est, ac cum Dercyllide congressus interrogauit, quonam pacto societatem cum illo inire posset. Cui respondit, si ciues liberos, ac sui iuris dimitteret. Hæc dicēs, simul uersus Scepsin ire coepit. At Midias cognoscens quod ui ciuibus prohibere nihil posset, ipsum intrare permisit. Ingressus Dercyllides, cum in Scepseorum arce Palladi sacrificasset, Midiae praesidium ex urbe eduxit, ac ciuibus urbem tradidit: eosque hortatus est, ut reipublicæ, quemadmodum Græcos ac liberos deceret, curam gererent. Inde digressus ad Gergitham perrexit: comitatiq; sunt cum honoris gratia, Scepseorum quamplurimi, summoperè ob gesta letantes. Midias quoque illum sequutus, rogabat ut Gergithiorum ciuitatem illi traderet. Cui Dercyllides respondit, iustorum neminem infelicitè agere posse. Hæc cum dixisset, cum Midia ad portas urbis processit: exercitus uerò pacificè sequebatur. At qui in turribus erant altissimis, uidentes Midiam cum ipso, sagittas cōtinebant. Dercyllides uerò, portas ô Midia, inquit, aperire iube, ut tecum urbem ingressus, Palladi sacrum faciam. Midias cum aliquantisper cunctatus esset, timens ne cōprehenderetur, aperire iussit. At ille ingressus, cum Midia in arcem ascendit: milites

uerò

uerò arma circa murum deponere iussit, ipseq; cum suis Palladi sacrum fecit. Quo peracto, Midie quoq; satellites arma ponere iussit, & stipendium, si secum militare uellent, obtulit: Midiam enim amplius nullius esse potentie ostendit. At Midias consilij inops, & quid ageret penitus ignarus, ait: Ego ô Dercyllides, tâtis per abero, quoad tibi hospitium præparẽ. Cui ille: Minimè per Iouem, inquit: turpe enim esset me à te, & non potius te à me hospitio suscipi. Igitur nobiscū mane. Interim enim dum illi coenam præparabunt, ego ac tu quæ iusta sunt, inuicem cōsiderabimus, & faciemus. Cumq; cōsedissent, Dic mihi ô Midia, Dercyllides ait, num pater te principem domus reliquerit. At ille: Maximè, inquit. Et quot tibi domus, quot regiones, quot deniq; prædia fuere? Ille uerò de singulis rationem reddente, Scepsei qui aderāt, cum clamore eum mentiri indicauerunt. At ille ut quieti agerent, quoad omnia paterna enumerata essent, annuit. Inde ait: Mania uerò cui suberat? At omnes dixerunt, Pharnabazo. Nōne igitur, inquit, & ea quæ possidebat, Pharnabazi fuere? Maximè, illi retulere. Nostra igitur sunt, ait, cum iure belli in nostrā uenere potestatem: Pharnabazus enim nobis hostis est. Sed nouit aliquis, inquit, ubi reconditi iacēt Maniæ & Pharnabazi thesauri? Confestim itaque ad domum Maniæ, à Midie occupatam, ductus est, quem & ille sequutus est. Eam ingressi, Dercyllides conuocatis thesaurarijs illos cōprehendere iussit, mortemq; cōminatus est, si quid furati essent, aut absconderent. At hi omnia protulerunt: & ille postquam cuncta inspexit, rursum inclusit ac signauit, custodesq; apposuit, egressusq; tribunis militū ac præfectis, qui ante fores præstolabantur

tur, dixit: Stipendium, ô uiri, quasi annuū exercitui octo millium uirorum nobis partum est: & si quid aliud nacti fuerimus, nostrum quoq; erit. Hæc idcirco loquutus est, quòd cognoscebat audientes multū alacriores, & ad omnia obeunda pericula promptiores futuros. Interrogante autem Midia, Et ubi me Dercyllides habitare oportet? respondit, ibi ubi æquissimum: in patria nempe tua Scepsi, & domo paterna. Hæc cū Dercyllides egisset, ac diebus octo, nouē cepisset ciuitates, considerare cœpit, si ibi hyemaret, grauis quēadmodū Thimbron, socijs foret: si uerò regione excederet, ne ciuitates græcæ à Pharnabazi equitatu male afficerentur, uerebatur. Misit itaq; ad illum sciscitatum, nunquid pacem seu bellum mallet. At Pharnabazus, ne Aeolis contra Phrygiam muniretur timens, inducias elegit. His actis Dercyllides exercitū in Bithyniam Thraciæ duxit, ibiq; hyemauit, haud ægrè ferente Pharnabazo: nam sæpius Bithyni suos inuadebāt fines, & Dercyllides securè agens ac rapiēs Bithyniam, omnibus abundabat necessarijs. Aduenere quoq; à Seuthe, & Odrysijs socijs in auxilium equites fermè ducenti, pedites uerò trecenti: hi castra quasi stadia uiginti seorsum à Græcis locauere, ualloq; circumdedere, & custodes castrorum à Dercyllide petiere: ipsi uerò prædatum exierunt, multisq; mancipijs ac pecunijs captis castra repleuerunt. At Bithyni cum explorassent quot exirent, & quot in castris relinquerent custodes, multis collectis peditibus ac equitibus, castra orto iam die aggressi sunt, ac in custodes qui ducenti circiter erant, cū impetu ruunt. Cumq; ad manus uentum esset, illi emissis iaculis & sagittis Græcos feriebant & interficiebant, nilq; mali ab illis patiebantur, utpote

pote quos tanquã in cauea deprehensos circundederant. At illi diripientes munitionem, in illos ferebãtur: qui declinato impetu, faciliter grauis armaturæ milites eludentes, hinc atq; hinc iaculabãtur, quamplurimosq; singulis conficiebant excursionibus: tandem omnibus interfectis, quindecim solũ euasere. Bithyni uerò celeriter his gestis, ac Odrysiorum Thracum custodibus quibusdam interfectis, cunctisq; abductis captiuis, discessere, ita ut Græci qui opem ferebant, nil præter cadauera nuda in castris reperirent. Odrysij itaq; patrio more suis parentauerũt, ac multo epoto uino, equorum certamen peregerunt: totam inde cũ Græcis percurrẽtes Bithyniam, cuncta ferro ac flamma uastabant. Ineunte uere, Dercyllides ex Bithynia mouit, Lampsacumq; applicuit: ubi eum legati, qui domo ad res Asiaticas considerandas missi erant, Aracus & Nauates & Antisthenes conuenerunt, ac Ephorum iussu rogabant, ut sequenti quoq; anno exercitui imperaret: cõuocatisq; militibus, delicta priora se illis dimittere ostendebant. Quòd uerò iam neminem iniuria affecerãt, laudabant: ac pariter interminati sunt, si posthac alicui iniurij forent, minimè id se neglecturos: sin uerò iustè se erga socios gererent, summis illos decoraturos laudibus pollicebantur. Hæc cum loquuti essent, quidã è militibus procedens, ita respondit: Viri Lacedæmonij, nos quidem illi idem sumus, qui et antea fuimus. Dux uerò nobis alius nunc obtigit, alius olim fuit. Causam igitur cur nunc minimè delinquimus, à uobis ipsis intelligere potestis. Legati uerò cum multa de ratione belli cũ Dercyllide colloquuti essent, ostenderũt ei legatos Cherronesitarum Lacedæmonijs conquestos esse, terram suam, quoniam à Persis quo-

tidie uastaretur, ac diriperetur, coli posse minimè: edocuisse tamen, si à mari ad alterũ pelagus duceretur murus, optimam ac latissimam includi posse regionem, quæ non solum ipsis ad colendũ sufficeret, sed alijs quamplurimis qui Lacedæmonijs ad id idonei uiderentur. Id uerò haud difficile factu ostenderât, si quispiam Lacedæmoniorum cum exercitu illac mitteretur. Dercyllides itaq; cum hæc audiuiisset, tacuit, nec mentem tum suam aperuit, sed illos ex Epheso per Græcas dimisit ciuitates, exultantes quòd Græcos beatè ac in pace degentes aspicerent. Digressis illis, Dercyllides cum sibi manendũ esse intellexisset, rursus ad Pharnabazum misit sciscitatum, num inducias ut hyeme elapsa, seu bellũ mallet. Cumq; rursus ille inducias elegisset, socijs illius urbibus intactis relictis, cum exercitu per Hellepontũ in Europam transgressus est: inde per Thraciam, quæ socia erat, ducens, à Seuthe hospitio susceptus est: tandem Cherronesum applicuit, quam ciuitates circiter undecim uel duodecim habere edoctus, regionem quoq; fertilissimam ac optimam esse conspexit, sed uastatã penitus, ut dictũ est, à Thracibus. Cumq; Isthmi mensuram septem ac triginta stadiorum reperisset, minime tamen ob operis magnitudinem deterritus est, sed sacris ritè peractis, murum inchoauit: quem cum exercitui per partes distribuisset, præpositis muneribus qui primi ædificassent, ac cæteris ut quisq; meritis esset, appetente autumno absoluit, cum sub initium ueris orsus esset: undecimq; inclusit ciuitates, portus quamplurimos, multam, uberem, ac cultam terram, uarijs consitã arboribus, amœnissimisq; præditam pascuis. Hæc cum peregisset, rursus in Asiam transcendit, ac cunctis cõsideratis urbibus, alia rectè

rectè se habere deprehendit: Chiorum uerò exules Atarneam regionem occupasse munitissimam inuenit, ex qua prædabundi discurrentes, Ioniam ferebant ac agebant, raptuq; uiuebant. Et quāuis illos frumento ac omni comæ meatu abundare intellexisset, tamē obsidione cinxit, octa uoq; tandem subegit mense: ubi constituto Dracone Pellæneo præfecto, ac cunctis ex sententia dispositis, omnibus refertam necessarijs regionem reliquit, ut sibi aliquando refugium esset: sicq; Ephesum, quæ trium dierum itinere à Sardis abest, regressus est. Et ad hoc usq; tēpus in pace egerūt Tysaphernes & Dercyllides, ac horū socij Græci ac barbari. At cum Lacedæmonem ex ciuitatibus Græcis legati uenissent, edocuissetq; si à Tysapherne sciscitaretur, num ciuitates Græcas liberas dimittere uellet: & ubi id negasset, Caria, ubi ipsius regia erat, uastaretur: quam primum arbitrari, Tysaphernē in eam descensurum sententiā, ut ipsas sui iuris ac liberas relinqueret. Quibus auditis, Ephori cō festim ad Dercyllidem mittentes, Cariam uniuerso irrumpere iubent exercitu, Pharacemq; clāssis præfectum nauibus subsequi mādant. Contigit eodē tempore, ut Pharnabazus ad Tysaphernem applicaret, ut illum omnium ducem ostenderet: simul & obtestaretur, se paratum esse, ut communi bello ac periculo Græci ex regijs finibus exterminarentur: quamuis Tysapherni tantumquam sibi prælato inuideret, ac Aeolide priuari ægre ferret. Quæ cum Tysaphernes audisset, illum secum in Cariam, ubi de rebus cōmunibus consulere possent, descendere iussit. Quō cum peruenissent, considerassentq; ualido munitam præsidio, rursus in Ioniam ascenderunt. Dercyllides autem cum illos rursus Mæandrum transgressos

intellexisset, timens si cunctaretur, ne regionem praesidio uacuam discurrentes ferrent ac agerent, ipse quoq; illac exercitum duxit. Incedente igitur illo ordine structo, ut in hostico fieri solet, statim per anfractus uiarum, quô sibi transeundum erat, hostes apparuere Cares & Leucaspides, ac Persarum exercitus uniuersus equitatu innumera bili: & Tysaphernes quidê dextrum, Pharnabazus uerò sinistrũ ducebat cornu. Dercyllides hostes adesse certior factus, tribunis ac ceturionibus aciem struere mandat, & clypeatos quidem utrinq; in cornua locare: equites uerò quotquot habebat, in subsidijs esse iussit: ipse uerò sacrificabat. Peloponneses uerò qui aderant, quietè signũ pugnae expectabant. At Prienenses & Achillij, ac quicunq; ex insulis & Ioniae ciuitatibus aduenerant, partim derelictis in frumento, quod in Maeandri campo tum maturum erat, armis, auferunt: alij quamuis ordines seruarent, tamẽ de fuga iam circumspiciebant. Pharnabazus igitur pugnam capeffere suadet: at Tysaphernes considerato exercitu copioso, militesq; omnes Græcos esse existimãs, certamẽ detrectauit, & ad Dercyllidẽ misit, dicens, uelle cum eo in colloquium uenire. Dercyllides uerò acceptis electissimis tam equitum quàm peditum, obuiam pergit nuncijs, ac illis ait: Ego quidem, ut cernitis, ad pugnaẽ instructus sum: cum uerò ille me ad colloquium uocet, minimẽ detrecto: sed ut fides seruetur, obsides dandi & accipiendi sunt. Id cum utrinque placuisset, exercitus diuersi abire, barbarorum Trallis Phrygiae, Græcorum Leucophryn, ubi Dianae erat templũ sacratissimũ, ac stagnum arenosum perenni riuulo, & aquis scaturiens calidis. Postridie in locum conuenere constitutum, & inuicem quaerere

rere cœperunt, quibus conditionibus pacem firmarent. Dercyllides, si rex liberas ciuitates Græcas relinqueret: Tysaphernes uerò et Pharnabazus, si exercitus ex regijs educeretur finibus, ac Lacedæmoniorum harmostæ ex ciuitatibus abirent, pacē offerebāt. Cum hæc & alia quamplurima inuicem dixissent ac audiuiſſent, inducias pacti sunt, quousque Dercyllides Lacedæmonijs, Tysaphernes uerò regi, pacis nunciarent condiciones. Cum hæc à Dercyllide in Asia gererentur, Lacedæmonij iam pridē Eleis inſenſi erant, quòd cum Athenienſibus, Argiuis & Mantineis societatem cōtraxerant. Cumq; huius rei rationem reddere iuſſi eſſent, Lacedæmonios ab equeſtri & gymnico prohibuerant certamine: ac his non contenti, cū Lichas curru uiciſſet, Thebanos uictores declarauerāt: qui cū uictores pronuntiati eſſent, ingreſſus Lichas aurigam coronauit: ob id uir ſenex flagris cæſus, ac eiectus erat. Accedebat, quòd cum Agis oraculo quodam Ioui ſacrificare iuſſus eſſet, ab Elienſibus belli finem ſcrutari prohibitus eſt: uetuſta lege inhibitiū eſſe aſſerentibus, ne Græci contra Græcos bellantes, ſortes quærerent: ita ille ſacrificio minimè peractò, diſcedere coactus eſt. His omnibus ex cauſis Senatus ac Ephori irati, Elienſes aliquantiſper corripere conabantur. Legatos igitur Elim miſerunt, qui dicerent, magiſtratus Lacedæmoniorum iuſtum eſſe cenſere, ut adiacentes ciuitates liberas dimitterēt. Quibus illi reſponderunt, minimè ſe id facturos, cum urbes illas belli iure ſubactas poſſiderent. Lacedæmonij itaq; delectu habito, exercitū coëgere: quē Agis eduxit, ac per Achaiam iuxta Lariffam in Eleorum irrupit fines. Cumq; agrū undiq; ferro ac flamma uaſtaret, terræ motus factus eſt: quo

prodigio tanquam diuino Agis territus, exercitum ex hostiū finibus reduxit. Elei ob id animo elati, legatos ad omnes circum misere ciuitates, quas Lacedæmonijs in fensos norant. Reuoluto anno, Agis ex Ephorū sententia rursus exercitū coëgit, ac cum eo militarunt, præter Bæotios et Corinthios, socij omnes: Athenienses quoq;. Cū his igitur per Aulonem ingressus Elidem, statim Lepreates ab Elijs deficientes deditione cepit. Hos sequuti sunt Macistij & Petalij: cumq; flumen transgressus esset, Leprini, Amphidoli, & Marganes in fidem uenere. Inde Olympiam progressus nemine prohibēte, Ioui Olympio sacrum fecit: ac per totam prouinciā populabundus, cuncta ferro ac igni deuastans, grassari cœpit: infinita quoq; abegit iumenta, quamplurimaq; cepit mancipia. Quibus auditis, plurimi Arcades & Achæi uoluntarij illum, ut rapinæ participes fierent, sequuti sunt, adeò ut expeditione illa totū com-
meatu repleret Peloponnesum. Cumq; urbi propinquasset, suburbana, ac gymnasia sumptuoso extructa opere, uastauit: ciuitatem uerò cum muro careret, noluisse potius capere, quàm nequiuisse, arbitrantur. Cum igitur undique per prouinciā uastitas fieret, exercitusq; circa Cyllenen esset, quidam cum Lacedæmonijs sentiētes, seditionem in ciuitate cōcitarunt: ac cæde per urbem grassantes, quamplurimos, inter quos similem quendā Thrasydæo, qui populo præerat, interfecerunt, arbitantes Thrasydæum occidisse. Populus itaq; territus quiescebat. At seditiosi omnia sibi iam peracta existimantes, cum facinoris consciji in forum aduolant. Verū Thrasydæus domi dormiebat, nam uino se ingurgitauerat. Id cum populus rescuisset, ut examen apium Thrasydæi domum
circum-

circumsedit. Thrasydæus igitur populi auxilio seditiosos aggressus superavit: qui expulsi ad Lacedæmonios se cōtulerunt. Agis interea cum exercitum reducere decreuisset, Alpheum transgressus, in Epitalio iuxta Alpheum præsidium constituit, cui Lysippum harmosten cum Eliensibus præesse iussit exulibus: ipse dissoluto exercitu domum abiit. Aestate uerò reliqua ac hyeme, Eleorum fines à Lysippo & præsidio assidue ferro ac flamma uastabantur. Ineunte uere, Thrasydæus pro pace impetranda Lacedæmonem mittit, paratum se esse dicens muros subruere uelle: præterea Cyllenen, & ciuitates Triphyllidas, Phrixan, Epitalion, Leprinam, Amphidolos & Marganes liberas dimittere, & ultra illos Acrorios, & quæ ab Arcadibus Lasion appellatur. Epium uerò, & adiacentes ciuitates, Eræas & Macipum, Elij ipsis relinqui orabant: nam eam regionem uniuersam triginta argenti talentis ab antiquis possessoribus emisse, pecuniamq; numerasse ostendebant. Lacedæmonij cū arbitrarentur non minus iniustum esse, ui emere, quàm ui impotētioribus quid extorquere, eam quoq; illos regionem dimittere coegerunt. Iouis uerò Olympij templo, quāuis antiquitus Eliensium minimè fuisset, eos præesse haud prohibuerunt: existimantes Choritas, qui illud sibi uendicare nitebātur, minimè idoneos esse qui id obtinerent. His conditionibus pax ac societas inter Lacedæmonios & Elienses sancita, bellumq; solutum est. Post hæc Agis Delphos profectus est, ac decimam deo obtulit. Inde cum discessisset, morbo (iam enim senex erat) in Heræa correptus, uiuus tamē Lacedæmonē delatus est, ubi paulò post uita excessit, augustiniorq; illi quàm humana contigit sepultura. Cumq; iuxta

consuetudinem dies aduentassent, quibus regem eligere oportebat, Leotychides, qui se Agidis filium ferebat, & Agesilaus frater, ambo ad regnum aspirare cœperunt: cumq; Leotychides dixisset, lex ô Agesilaë non fratrem regis, sed filium regnare iubet: at si uirilis sexus liberi minime supersunt, tunc demum ad fratrem regnum deuoluitur. Respondit ille: Igitur me regnare oportet. Et quo pacto, inquit Leotychides, cum regis supersum filius? Quoniam, ait, quem patrem appellas, aliquando te suum esse negauit natum: & nunc quoq; te patre longè formosiorē esse aiunt. Insuper constat patrē cum te minime ex se conceptū intelligeret, matrē tuam è thalamo expulisse. Tempus quoq; utpote uerissimum, huic rei testimonium præstat, cum decimo tandem post ultimū Agidis cum matre congressum, natus sis mense. Et illi his inter se contendebant. Diopithes uerò uates egregius, Leotychidi astipulabatur, dicens, Apollinis esse oraculum, ut regnū à claudicatione obseruaretur. Cui Lysander pro Agesilao cōtradixit: deum non iubere asserens, cauendū esse à casu claudicantis: sed potius, ne quis alienus à regia stipite imperaret: omnino enim regnum claudum fore, si quis ab Heraclicidis minime progenitus regnū teneret. Hæc cū utrinq; audita essent, Agesilaus rex creatus est. Cumq; nondū annum regnassset, ac hostiam pro ciuitate sacrificaret, uates inquit, deos sibi ostendere potentissimū quendam illi insidias struere. Cumq; rursus sacrificiū obtulisset, hostiam maiores portendere insidias ait. Tertiò uerò cum iterum sacrum fecisset, dixit: O Agesilaë, dii nos in medijs uersari ostendunt hostibus. Inde pro malis arcendis, ac salute sacrificantes, cum uix tandem litassent, discessere. Quinta postea

postea die insidiæ & illarum machinator Cinadon, à quo
dam ad Ephoros delatæ sunt. Erat ille ætate iuuenis, ac su-
per omnes æquales robustus & audax. Quærentibus igi-
tur Ephoris rei seriẽ, ait index, se à Cinadone per forum
deductum esse, iussimq; cõsiderare quotnam Spartani in
foro essent: & ego, inquit, numeravi regem & Ephoros,
senes, ac alios quasi quadringentos. Cumq; quæsiuissem,
cur me illos numerare iussisset: respondit, Hos tibi inimi-
cos esse uelim existimes, reliquos omnes amicos. Insuper
cunctos, præter solum præfectum, in Spartanorũ finibus
amicos putes. Ephori cum quæsiuissem, quotnam huius
rei cõscij essent: inquit, duces esse haud multos, sed qui sin-
gulari præstarent fide: cõscios uerò seruos ac liberos, in-
colas ac uicinos: cum enim inter hos, ait, de Spartanis ser-
mo incidit, gaudium cælare nemo potest, sed omnes leti-
tia efferuntur. Rursus Ephoris quærentibus, unde arma
sumere constituiissent: respondit, Cum inter nos cõgregati
essemus, ac de armis cogitaremus, ille ostendit præstò esse
enses uarios, gladios multos, uim magnam hastarum, bi-
pennium, dolabrũ ac falcium, instrumenta scilicet qui-
bus homines terram colerẽt, ligna ac lapides inciderent:
reliquas quoq; artes omnifaria suppeditaturas arma, præ-
cipuè contra inermes. Iterum Ephoris quæretibus, quo-
nam tempore facinus perpetrare constituiissent: Cum om-
nes conscij conuenissent, respondit. Ephoris uera ille di-
cere uisus est: quapropter haud paruo perculsi sunt timo-
re, ac non solum concilium, quod paruum appellant, con-
uocarunt, sed undiq; senioribus congregatis, tandem de-
creuerunt, Cinadonem cum quibusdam iunioribus Aulo-
nem mittere, ut Aulonitas quosdã cum hilotis in scytala

descriptis comprehenderet, ac Lacedæmonem duceret: inter quos mulierem quandam pulcherrimam adducere iubebant, quæ Lacedæmonios applicantes seniores ac iuniores corrumpere ferebatur. Cinadon in his Ephoris obediens paratus erat, scytalamq; in qua erant descripti quos comprehendere debebat, accepit. Cumq; interrogasset, quosnam ex iunioribus secum duceret: illi responderunt, ut seniore ex Hippagretis adiret, ac sex uel septem qui forte adessent, sibi attribuere iuberet: clam uero cōposuerunt, Hippagretus nosceret, qui secum mittendi forent: missi uero non ignorarent, quod Cinadonē cōprehendere deberet. Currus quoq; tres illi addidere, ne captiui pedibus iter facere cogerentur: celare se maxime fingentes, quamobrem ille mitteretur. In ciuitate uero eum cōprehendere non audebant: ignorabant enim, qui modo, & quot, coniurationis participes essent. Voluerunt igitur antequam facinus detegeretur audire, quinam cōscij essent, ne re detecta fontes aufugerent. Dederunt itaque his qui eum capere debebant in mandatis, ut illo detento, eum nomina consciorum ædere cogent, eaq; celerrimè ad Ephoros mitterent: tantiq; momēti rem esse Ephori ducebant, ut turmam quoque equitum Aulonam ire iuberent. Quamprimū igitur nomina eorum, quos Cinadon proderat, allata sunt, uatem Tisamenū & alios nocentes comprehendere iusserunt. Cumq; Cinadon omnia quæadmodum se haberent confessus esset, nomina quoq; consciorū manifestasset, interrogatus cur facinus tantū molitus esset, nil aliud respondit, quàm, ne postremus Lacedæmone esset: quapropter ipse ac contribuli manibus post tergum reuinctis per ciuitatem undiq; circūducti, ac flagris cæsi sunt.

sunt, tandemq; meritas facinoris dedere pœnas. Eodẽ tem-
pore Herodes quidam Syracusanus cum in Phœnicia ne-
gociaretur, uidissetq; naues Phœnissas & alias quamplu-
res undique contrahi, nouas quoq; ubiq; instrui, audiuis-
setq; classem trecentorum nauium numerũ expleturam,
statim conscenso nauigio in Græciam proficiscitur, Lace-
dæmonijsq; regis ac Tysaphernis in contrahenda classe
apparatum nunciat: cæterum quid molirentur, se igno-
rare dicebat. Lacedæmonij rem minimè contemnendã ar-
bitrantes, socios conuocant, cum quibus quid agendũ fo-
ret cõsultabant. Lysander cum existimaret Græcos re na-
uali excellere, quẽadmodumq; milites qui cũ Cyro ascen-
derant salui rediissent perpenderet, Agesilao persuadet,
ut sibi tria millia Spartanorum dari peteret, duo millia iu-
niorum, ac sex sociorum, expeditionemq; in Asiam sume-
ret: se quoq; cum illo iturum offert, ut statũ in ciuitatibus
ab eo institutum, & qui per Ephoros solutus erat, rursus
cum Agesilao introduceret. Agesilaus accepto à Lacedæ-
monijs exercitu, ac semestri frumẽto, reliquis quoq; præ-
paratis necessarijs, sacrificiũ pro itu fecit: cumq; litasset,
socijs urbibus militum imperat numerum: conueniendi
ostendit tempus, & locum: ipse Aulidem profectus est, ut
ibi, tanquã Agamemnon cum Troiam nauigaturus esset,
sacrificaret. At Biotharchi cum ipsum sacrificare audis-
sent, misis equitibus, eum à sacrificio prohibuerunt, ho-
stiasq; ab ara deturbarunt. At ille deos testes inuocans, ira-
tus conscensa naue discessit, ac Gerastrum nauigauit: ubi
uniuerso collecto exercitu, cum classe Ephesum conten-
dit. Quò cum uenisset, illicò ad eum Tysaphernes quæsi-
tum mittit, quam ob causam appulisset. Cui Agesilaus res-

spondit, ut Asiaticas, quemadmodū & Græcas, ciuitates
 in libertatem uēdicaret. Petijt Tysaphernes ut Agesilaus
 tantisper à rebus gerendis abstineret, quoad ipse in Persas
 ad regem mitteret, promittens omnia illi ex sententia con-
 fecturum: fidei tamen causa, & ut absq; dolo cuncta age-
 rentur, induciæq; seruarentur, iuramentum exegit. Iura-
 uere igitur utrinq; Tysaphernes Euripidi, Dercyllidi &
 Megialio, ad hoc missis, absq; dolo malo pacem obserua-
 re uelle. Illi uerò pro Agesilao iuramentum Tysapherni
 præstiterunt, ni idē faceret, pro nihilo inducias haberēt.
 Et Tysaphernes omnia quæ iurauerat statim e mentitus
 est. Nam cum pacis autorem se obtulisset, ingentē à rege
 exercitum, præter copias quas antea secum habebat, sibi
 depoposcit. Agesilaus etsi non ignoraret quid ille post
 inita fœdera moliretur, quietē tamen egit, ac Ephesi ora-
 dinandis ciuitatibus, quæ nec populari statu, quemadmo-
 dum sub Atheniensibus: nec decarchia, ut sub Lacedæmo-
 nijs, iam regebantur, operam impendebat. Cumq; Lysan-
 der omnibus notus esset, si quid ab aliquo petebatur, illū
 accedentes rogabāt, ut apud Agesilaū intercederet: quæ
 propter eam ob rem, ac cōsuetudinem antiquam, ingens
 turba semper Lysandrum sectabatur, uadentē ita, ut Age-
 silaus iam in ordinem redactus, Lysander uerò rex esse ui-
 deretur. Cæterum cum Agesilaus sub initiū rem dissimu-
 lassset, triginta alij inuidia stimulati minimē taciti rem fere-
 bant, sed quotidie Agesilaum instigabant, ostendentes Ly-
 sandrum iam regē agere. Agesilaus igitur omnes, quibus
 Lysandrum fauere intelligebat, infectis remittebat nego-
 cijs, ita ut semper contrarium quàm Lysander desidera-
 ret, cūeniret. Ille re intellecta, turbam se amplius sectari
 prohibe

prohibuit: & si quis eum pro intercessionem adiret, manifestè ostendit, suum amicis studium obesse: egrè tamè eam ferebat ignominiam, regemq; adiens, inquit: Minores ô Agesilæ amicos reddere nosti. Et rectè per Iouë, ille ait, si me maiores uideri uelint: eos uerò qui res meas amplificent, si honore non afficerem, contumeliam mihi iniuri arbitrarer. At Lysander: Forsitan rectius tu nunc, inquit, agis, quàm ego tum facere consueueram. Cæterū dehinc, oro, ne ob impotentiam ignominia afficiar, tibi uerò impedimento sim, aliquò me ableges: ubicunq; enim fuero, strenuam me tibi operam nauaturū polliceor. Hæc cum dixisset, haud absurdū petere uisus est. Ab Agesilao itaq; in Hellepontum missus est, ubi cōperto Spithridate Persa Pharnabazi inimico, eum cū liberis, pecunijs, & equitibus quasi ducentis, ad desciscendum induxit: quibus omnibus in Chio derelictis, ipsum cū filio ad Agesilaum perduxit, à quo ille de Pharnabazi rebus certior factus est. Tysaphernes recepto à rege exercitu elatior factus, Agesilao bellum, ni Asia excederet, indixit: quapropter cuncti Lacedæmoniorū socij maxima affecti sunt tristitia: timebant etenim Agesilaum ob copiarum paucitatē, regijs uiribus resistere posse minimè. Agesilaus admodum hilari fronte caduceatorē Tysapherni renunciare iubet, ei non paruam se habere gratiam, quòd periurio suo deos sibi infensos, Græcis uerò propitios reddidisset. Militibus itaq; extemplo ad expeditionem se instruant, præcipit: urbes uerò quas in Cariam ducenti adire necesse erat, commeatum comparare iubet: ad Iones, Aeolides, & Hellepontios scribit, ut auxilia ad se Ephesum mittant. Tysaphernes, quia Agesilaus equitib. carebat, Caria uerò equitatu

permeabilis non sit, tum quia illum propter fraudem sibi iratum esse censebat, ratus eum in Cariam, ubi regia sua erat, impetum facturū, omnes pedestres copias eō transmissit. Equites autem ad Mæandri campum circumduxit, sperans se Græcos prius equitatu circumuenturū, quàm ad loca equis inuia peruenissent. Sed Agesilaus in contrarium pro Caria in Phrygiam irrupit, ciuitatesq; in itinere sitas subigebat, ac inexpectatus regionem inuadens, quamplurimas cepit pecunias: toto inde tempore securè exercitum circumduxit. Cumq; nō longè à Dasycyllio abesset, equites qui illum speculatū præcesserant, tumultum quendā, ut inde cuncta speculari possent, occupant. Fortē fortuna pari numero equitum ala cum Rhatine & Banæo Pharnabazi fratre notho, in eundē deuenire collem: cumq; uix per quatuor distarent iugera, utrinq; in conspectum uenire. Græci in morem phalangis in ordinem redire, haud læta fronte: at Barbari densa incedētes acie, primi in hostes impetū faciunt: cumq; ad manus uentum esset, quicumq; ex Græcis hostes feriebant, hastas obuertebant: at Persæ quibus cornea erant iacula, celeriter equites duodecim, equos uerò cōfecere duos, Græcosq; in fugam uertūt. Quibus cū Agesilaus armatura graui opem tulisset, Barbari uno ex suis desiderato, retrocessere. Postridie cum Agesilaus sacrificaret, litare non potuit: quapropter cōuersus, mare uersus exercitum ducere cœpit. Cum uerò propter equitum paucitatem per loca campestria incedere posse diffideret, sibi quoq; equites comparandos esse duxit, ne tanquam subterfugiens bellare cogeretur. Locupletioribus igitur ex ciuitatibus uniuersis, ut equos alerent, imperauit: quicumq; tamen equum, arma,

& uirum

Et uirum peritum præbuiſſet, huic à militia uacare lice-
re, edicto præſatus eſt. Nec ſecus ſingulos ad hoc prom-
ptè faciendum induxit, ac ſi quis pro ſe alterum moritu-
rum libenti quæreret animo. Poſtquam autem uer appe-
tebat, uniuerſum Ephreſum coëgit exercitum: quem cum
exerceri uellet, peditibus, ſi quis egregio corporis robo-
re præſtaret, equitib. uerò, ſi quis optimè equitaret, præ-
mia præpoſuit: pariter & clypeatis ac ſagittarijs munera
conſtituit, qui ſe ad debita opera maximè idoneos demon-
ſtraſſent. Itaq; cernere erat gymnaſia, uiris ſe exercenti-
bus plena: & equorum ſtadia, equitandi ſtudio decertan-
tibus reſerta, iaculatores uerò & ſagittarios undiq; belli-
ca meditantès opera. Totam deniq; urbem ſpectaculo di-
gnam reddidit: nam & forum armis omnifarijs ac equis
uenalibus reſertum erat. Aerarij quoq; fabri, ferrarij, co-
rarij, pictores, omnes bellica fabricabāt inſtrumenta, ita
ut urbs illa rectè belli officina uocari poſſet. Illud quoque
ad bene ſperandū cunctos incitabat: nam Ageſilaum, de-
inde reliquos milites à gymnaſijs reuertētes, intueri erat,
coronas quibus coronati fuerant Dianæ offerentes. Vbi
enim homines deos colunt, bellicaq; exercēt opera, prin-
cipibus obtemperare ſtudent, nōne ibi omnia ſpe bona
reſerta eſſe cōſentaneum eſt? Ratus præterea ex hoſtium
contemptu robur quoddam & fiduciam militibus ingene-
rari poſſe, per præcones palàm edixit, ut barbari à præ-
donibus capti, nudi uenderentur. Idcirco milites illos can-
didos, ut qui nunquam exuerentur, molles quoque, & ad
laborem minimè idoneos, quia ſemper curribus ueheren-
tur, intuentes, nihilò ſecius bello terrebātur, ac ſi cum mu-
lieribus pugnandum foret. Eodem tempore annus, quo

Agésilauſ in Aſiam uenerat, exijt: quapropter conſiliarij triginta cum Lyſandro domum reuerſi ſunt. Succeſſores uerò illorum cum Erippida aduentarunt: ex quibus Xenocleem equitibus, Scythē uerò tyronibus, Erippidem autem reliquis præfecit militibus: Migdonem uerò auxiliariis præeſſe iuſſit copijs. Militibus quoque pollicitus eſt, ſtatim eos breuiſſima uia ad munitiſſimā regionē educiturum: corpora proinde ac animum ad futurū pararent certamen. Tyſaphernes hæc illum, ut ruruſ ab eo deciperetur, dicere exiſtimabat, & uerè nunc in Cariā irrupturum: copias pedeftrē, ut priuſ, omneſ in Cariam mittit, equitatum in Mæandri campo conſiſtere iubet. Sed Agéſilauſ nihil ementitui, ſicuti prædixerat, conſeſſim Sardiānam regionem ingreſſuſ eſt, triduumq; per deſerta hoſtium incedēſ, cuncta exercitui ſuppeditauit neceſſaria. Quarta luce hoſtium apparuere equiteſ, qui impedimentorum præſectum Pactolum fluuium traicere, ac caſtra metari iuſſerunt: ipſi uerò cum Græcorū peditēſ aliquot diſperſoſ, ac rapinæ intentoſ cernerent, illoſ aggreſſi, quamplureſ trucidarunt. Quod cum Agéſilauſ intelligeret, equiteſ illiſ opem ferre iubet. Perſæ auxiliū conſpicati, ſe in unum colligunt, & uniuerſaſ equitū turmaſ contra explicāt. Agéſilauſ cum peditatū hoſtibuſ nondum adeſſe cerneret, ſibi uerò nihil deeſſe quò minui conſligeret, pugna ſi poſſet decernere conſtituit. Facta igitur re diuina, conſeſſim in equiteſ ex aduerſo collocatoſ phalangem ducere pergit, ac pubereſ cum equitatu ſecū concurrere, clypeatoſ quoq; itidem iubet. Equitibuſ uerò ita impreſſionem facere mandat, ut obiter ſcirent, ſe cū uniuerſo ſubſequenturū exercitu. Perſæ itaq; equitū exce-

pere

pere impetum: sed cum omnia illis aduersa esse contingeret, acies illorum inclinare coepit: eorum aliqui statim in flumen precipitati sunt, reliqui funduntur, fuganturq;: quos Græci insequentes, castris quoq; exuerunt. Clypeasti, ut par erat, ad prædam discurrunt. Agesilaus amica pariter & hostilia omnia in suam redegit potestatem. Ingens quoq; præda parta est: pecuniæ enim signatæ plus quàm septuaginta reperta sunt talenta. Magna quoq; camelorū tunc capta est uis, quos Agesilaus in Græciam secum duxit. Tysaphernes cum pugnatum est, Sardis erat: quapropter à Persis de proditione in simulatus est. Igitur Persarum rex cum Tysaphernē omnium malorum causam esse cognouisset, Tithrausten misit, qui eius detruncaret caput: & Tithraustes re peracta legatos ad Agesilaum nunciatum mittit, Tysaphernem causam omnium malorum meritis luisse pœnas. Regem uerò æquum censere, illum domū nauigare: Asiaticas uerò ciuitates ueteri soluto tributo liberas esse. Quibus Agesilaus respondit, se id absq; consensu Lacedæmoniorū facturum minimè. Cui Persa: Tu interim, inquit, quoad ciuitas tua pacta probauerit, in Pharnabazum exercitum duc, quandoquidem ego de inimico tuo pœnas sumpsi. Agesilaus se id facturum recipit, si exercitui donec illuc perueniret, cōmeatum præberet. Tithraustes igitur triginta persoluit talenta: quibus illereceptis, in Phrygiam contra Pharnabazum mouit. Cumq; iam in cāpis Phrygiæ castra locasset, uenere à patria legati, qui illum classi quoq; præesse iusserunt, liberamq; ducem constituendi dedere potestatem. Id ea ratione fecere Lacedæmonij, ut cū & copijs terrestribus & maritimis præesset, milites inter se fidentes multò redderent.

tur alacriores, & ad omnia pericula obeunda promptiores. His Agesilaus auditis, insularis & maritimis imperat ciuitatibus, ut naues pro libito struerent: & hi ut rem gratam Agesilao facerent, breui centum uiginti fabricarunt triremes. Ille uxoris fratrem Pisandrum classi praeficit, uirum in ceteris egregium, ac in rebus bellicis nulli secundum, maritimae tamen rei minus expertum. Et Pisander ad classem profectus est, ipse ut coeperat in Phrygia ducere pergit. Tithraustes cum didicisset Agesilaum res contemnere regias, nec ullo pacto bellum ex Asia expellere posse, sed in dies spe & audacia crescere, quid ageret penitus dubius erat: tandem ut bello domestico Lacedaemonios implicaret, in Graeciam Timocratem mittit Rhodium: quem, datis quingentis auri talentis, iubet ciuitatum corrumpere principes, ut eo pacto aliquis contra Lacedaemonios oriretur motus. Ille ut mandatum erat impigre rem exequutus est: nam Thebis Androclidem, Ismeniam & Galaxidorum, Corinthi uero Timolaum & Polyanthen, Argis quoque Cyclonitem & contribules auro demulsit. Athenienses quamuis auri huius nihil ad eos deuenisset, sua tamen sponte ad bellum inclinati erant, sperantes hoc pacto in pristinam libertatem restitui posse. Qui igitur pecunia capti sunt, Lacedaemonios in urbibus criminari coeperunt: cumque facile omnium studia ab eis alienassent, multae ac maxime in illos conspirarunt ciuitates. Thebanorum itaque principes cum Lacedaemonios foedera sociorum minime soluturos cognoscerent, nisi antea bellum inchoatum esset, Locros Opuntios subornant, ut Phocensibus & socijs circa dubiam regionem negotium inijcerent, rati fore ut Phocenses confestim in Locridem irrumperent: nec eos opinio se-

nio se fellit. Phocenses ad primos Locrensiū motus illorū fines ingressi, multò maiora quàm acceperant, intulerunt damna. Eam occasionem Androclides amplexus, facile Thebanos perpulit, ut Locrensibus opem ferrent, ac si non in regionem dubiam, sed sociam & confœderatam irruissent Locridem. Thebani itaq; comparato exercitu Phocidem inuadunt, lateq; terram hostiliter populantur. Phocenses cōsestīm Lacedæmonem de Thebanorum iniuria questum mittunt, auxiliumq; implorant, ostendentes belli initium ab eis ortum non esse, sed ut uim repellerent, cōtra Locrenses mouisse. Lacedæmonij haud inuiti hanc contra Thebanos bellandi occasionē amplexi sunt: quibus iampridem ob decimæ Apollinis in Decelca susceptionem, & quòd contra Piræum militare noluisent, infensi erant. Incusabant quoq; eos tanquam Corinthijs ut militiam detrectarent, persuasisent. In memoriam præterea reducebant, quòd Agesilaum in Aulide sacrificare prohibuisent, insuper sacra ab ara dispersissent, quodq; illum in Asiā sequuti non essent: quapropter tempus uindicandarum aduenisse arbitrabātur iniuriarū. Faciebant insuper animos Agesilai in Asia successus, & quòd in terra Græcia nullo alio per id tempus implicati essent bello. Ciuitas igitur Lacedæmoniorū cū ita deliberasset, Ephori Lysandrum in Phocidem, ut socijs præsidio esset, mittunt, Phocensesq; Oetheos, Heracleotas, Melieos, & Aeginianos circa Haliartum copias contrahere iubent: illac enim ad diem præscriptū Pausanias cum Lacedæmonijs & socijs Peloponnēsibus uēturus erat. Et Lysander mandata impigrè exequutus est. Orchomenijs quoque ut à Thebanis deficerent, persuadet. Pausanias uerò re facta

diuina, Tegeæ, quô milites ac socios omnes cōuenire iuss-
erat, desedit. Thebani ubi ad arma rem spectare uident,
& Lacedæmonios ad fines eorum irrumpendū se accin-
gere cognoscunt, legatos Athenas mittunt: qui in concio-
nem producti, ita uerba fecere: Si quis ex uobis, ô Athe-
nienses, nos incusat, tanquam in belli solutione nimis dirè
in uos inuecti fuerimus, haud rectè incusat, quandoquidē
ciuitas uniuersa nil asperū decreuit: sed uir unicus, quem
inter socios tunc adesse contigit, eorum quæ in uos acer-
biora dicta sunt, autor fuit. Cæterum cum Lacedæmonij
nos contra Piræum in auxilium uocassent, uniuersa tunc
ciuitas decreuit illis obediendum esse minimè. Cum igitur
Lacedæmoniacæ indignationis causa non ultima sitis, æ-
quum esse arbitramur, debere uos quoq; dubijs in rebus
auxilium nobis non denegare. Præterea multò magis uos
ad bellum inclinatū iri existimamus, si diligenter perpen-
deritis, quid uobis uestra in urbe contigerit. Illi enim ty-
rannide in urbe constituta, inde contra populum tāquam
socij ui magna aduentantes, iratæ tamē uos obiecere mul-
titudini, ut quantū in ipsis erat, uos perditū irent: quāuis
populi beneuolentia periculum euaseritis. Scimus præter-
ea, ô uiri Athenienses, omnes uos summo niti studio, ut
pristinam recuperare dignitatē ualeatis. Id uerò quo pas-
seto magis opportunè fieri poterit, quàm si ijs qui à Lace-
dæmonijs affecti sunt iniuria, opem non denegetis? Pro-
inde quòd pluribus illi imperant, minimè uos deterreat,
sed potius fiduciam præbeat: siquidē reminiscamini, ma-
ximis uos obnoxios fuisse inimicitijs, cum multorū possi-
deretis principatū: quamuis odium illud, cum nemo esset
ad quem subditi deficerent, uos latèret: ubi uerò Lacedæ-
moniorum


moniorū res superior esse cœpit, quàm infensi uobis omnes fuissent, apertè demonstrarunt. Pariter si inter nos fœdera contra Lacedæmonios inita fuerint, multos qui illis clām inuisi sunt, ad apertam defectionem spectare uidebitis. Si bene considerabitis, per uosmetipsos nos uera loqui intelligere poteritis. Siquidem quosnam ipsis beneuolos existimare poteritis? Nunquid Argiuos, qui semper ipsis infensi extitere? At Eleos, quibus et agros et ciuitates ademerunt, amicos illis esse arbitramini? De Corinthijs uerò, Arcadibus et Achæis quid dicamus? Hi enim in bello contra uos gesto, magnis pollicitationibus in partem laborū, periculorum ac expensarum acciti, quibusnam à Lacedæmonijs re ex sententia gesta principatibus, honoribus aut præmijs donati sunt? Quid quòd seruitia digna quæ præ sint, ducunt: socios uerò liberos cum res prosperè ceciderit omnino contemnunt? Siquidem omnes qui à uobis defecere, manifesto deceptere dolo: nam pro libertate, duplicem illis imposuere seruitutem: ab harmostis enim graui premuntur tyrannide: à decemuiris uerò quos Lysander in singulis constituit urbibus, turpi subiiciuntur seruituti. Quinimò Persarum quoq; rex, qui affatim illis ad uos subigendum tribuit stipendium, cum primum nos eis hostes euasisse intelliget, contrariū sentiet. Præterea par est uos in maiorem quàm unquam fueritis effèrri potentiā posse, si iniuria oppressis auxiliū non denegetis: etenim cum antea imperium teneretis, rebus maritimis tantū uos præesse contigit: nunc uerò omnium nostrorum, & Peloponnesum, & quibus antea dominare cōsueuistis, regis insuper potentissimi duces constituemini: quibus omnibus, ut uosmetipsi non ignoratis, societate & honore admodū

digni uisi sumus. Porro nunc multò excellētiores bellicis in rebus nos futuros credendum est, quàm cum Lacedæmonios sequebamur: siquidem non insulanis, aut Syracusanis, siue cuiusquam alteri, ut tunc, sed nobis ipsis maximis affectis iniurijs succurremus. Hoc quoq; cōsiderare oportet, multò facilius Lacedæmoniorum euertere posse dominationem, quàm uos, cum rebus præfueritis, principatu spoliare: cum enim re maritima præcelleretis, etiam inuitis dominari potuistis. At Lacedæmonij cum pauci sint, potētioribus & haud deterius armatis uis præesse omnino nequeunt. Proinde quæ nobis uisa sunt, eloquuti sumus. Cæterum nolumus uos ignorare, ad commoda multò maiora uestram ciuitatem, quàm patriam propriam nos inuitare. Hæc cum legati dixissent, tacuerunt. Athenienses his auditis, Thebanis auxilium ferre decreuerunt. Thrasylbulus uerò decreto contradicere cœpit, ostendens belandum non esse, præcipuè cum absque muro Piræus esset: maiorem præterea Athenienses, si bello se implicarent, gratiâ Thebanis relatueros, quàm acceperant. Nam quia illi bellum contra nos, inquit, non gessere, propterea pro illis pugnare nos æquū esse arbitrantur? At Thebani discedentes, se tanquam Lacedæmoniorum hostes, Athenienses uerò ut socij, ad futurū parabant certamen. Nec Lacedæmonij ultra differendum rati, sed rex Pausanias tumultuose Bœotiam ingressus, ex toto Peloponneso, præterquam ex Corintho, copias secum trahebat. Lysander uerò ex Phocide profectus, per Orchomeniorum fines exercitum duxit, Pausaniamq; per literas certiore reddit, ut circa Haliartum copias secum iungeret. Quò cum uenisset, haud expectato Lacedæmoniorum exercitu,

citu, cum suis ad muros usque Haliarti processit, illisq; ut à Thebanis deficerent, ac se in libertatem uendicarent, suadere cœpit. Id cum Thebani quidam, qui in muris stabant, prohibuissent, in muros impetum facit. Id cum Thebani audissent, confestim equitibus uniuersis ac peditibus suppetias ferunt. Vtrum uerò latentes Lysandrum inuaserint, siue ille obuiam profectus ceciderit, incertum est. Hoc uerò manifestè constat, bellum iuxta muros cōmissum, ac trophæum ante Haliartiorum portas erectū esse. Mortuo Lysandro, reliqui in montes fugerunt, quos ad inuia usq; persequuti sunt. Cum uerò ad aspera peruentū esset loca, conuersi Lacedæmonij illos exceperunt, sagittisq; ac iaculis confestim priores conficere: reliquos lapidibus aggressi, per decliua præcipites egere, ac in fugam uerterunt, ex quibus ducenti fermè mortē oppetiere. Eam tur die minimè lætitia Thebani elati sunt, arbitantes haud minora se perpeffos esse mala quàm intulissent. Postridie cum Phocenses ac reliquos socios domū noctu remeasse intellexissent, maiori affecti sunt tristitia, ita ut cū Pausanias cum exercitu affuisset, in maximo se cōstitutos esse periculo arbitrarentur, ac terror non modicus & silentium in suetum castra eorum inuaderet. Postridie uerò cū Athenienses illis iuncti essent, Pausaniasq; eos laceffere, seu ad bellum procedere non auderet, rursus depulso timore in spem elati sunt. Pausanias conuocatis polemarchis & tribunis militum, illos cōsultuit, num per bellū seu inducias Lysandrum, & qui unà ceciderant, repeteret. At cum omnes considerarent Lysandrum mortuum esse, exercitum uerò eius solutum, Corinthios quoque omnino sequi nolle, reliquos qui aderant militiam detrectare,

hostilem quoq; equitatum longè superiorē esse, mortuos uerò sub ipsis iacere mœnijs, ita ut facile turrium propugnaculis repellī possent: omnibus his moti rationibus, mortuos per inducias recipiendos esse decreuerunt. At Thebani mortuos illis reddere, ni finibus excederēt, omnino recusarunt: quapropter illi receptis mortuis, tristes ex Bœotia in pacatum abiere: quos insequentes Thebani, subinde laceſſere non desinebant. Et hunc finem Lacedæmoniorum in Thebanos sortita est expeditio. Pausanias ubi domum uenit, ab Ephoris ad populū iactatus est, datumq; illi crimini, quòd ad Haliartum serò uenisset, quæ mora acceptæ cladis haud dubiè causa extitisset: quodq; cæſorum corpora per inducias, ac non potius prælio recepiſſet. Augere præſentem inuidiam Athenienſium alienatio, quibus ipse in Lyſandri inuidiam ſeruitutis iugum ademisset. Cum uerò ad iudiciū minimè ueniſſet, morte dānatus est, Tegeamq; in exiliū conceſſit, ubi poſtea ſato perijt. Et per Græciam hæc gerebantur.

XENOPHONTIS RERVM GRAECARVM LIBER QVARTVS, BILIBALDO Pirckemero interprete.



IN EUENTE uere Ageſilaus Phrygiā ingreſſus, eam ferro ac igne latè populatus est, ac pleraſq; urbes partim ui, partim uoluntaria deditione Pharnabazo ademit. Inde à Spithridate admonitus, ſi in Paphlagoniam duceret, Paphlagonum regem Otym Perſis alienari, & ad ſocietatem

tatem induci posse, confestim illac proficiscitur. Iampridem enim animo uoluntarat, quo pacto gentem eam ad defectionem allicere posset. Eo cum uenisset, foedus cū Oty pepigit: nam ille à rege uocatus minimè paruerat. Intercedente quoq; Spithridate, Otys Agesilao mille equites, duo quoq; millia clypeatorū reliquit. Vt igitur Agesilaus Spithridati gratiam referret, illum talibus aggressus est uerbis: Dic mihi ô Spithridate, ait, darés ne Otyi filiā in matrimonium? Cui ille respondit: Et lubētissimè, si uir ille potens ac multarum regionum dominus, exulis filiam ducere non dedignaretur. Caterū solūm hæc de nuptijs ille tunc sciscitatus est. At Otys cum discessurus esset, Agesilaum ut illi ualediceret accessit. Agesilaus uerò ex industria sermonem de Spithridate præsentibus triginta consularijs iniecit: Dic enim, inquit, ô Oty, quam stirpe ortus est Spithridates? Cui ille respondit: Ex Persarum nulli secunda. Num filiū ipsius, inquit, quàm decorus sit uidisti? Quid ni, respondit, cum heri secum cœnauerim? At filiam, intulit, longè esse pulchriorem asserunt. Per Iouem, Otys inquit, formosissima est. Et ego, Agesilaus ait, postquam nobis amicus factus est, cōsulo ut puellam uxorem ducas, uirginem formosam ac uiri expertem, generosiq; patris filiā, adeoq; potentis, ut à Pharnabazo iniuria affectus ita se uindicauerit, ut regionem totam, quemadmodū cernis, desolatā reddiderit. Proinde quemadmodū inimici iniurias ultus est, sic & amico benefacere potest. Quapropter si puellam desponsaueris, non solū illum socerum tibi uelim arbitreris, sed & me, & reliquos Lacedæmonios omnes: & cum nos Græciæ simus ductores, reliquam deniq; Græciam uniuersam. Porro si mihi obtem-

peraueris, quis unquam præter te unū tam præclare nupsit? Quam enim sponsam aliquando tot equites, pedites & armati deduxerunt, quot uxorem domum tuam comitabuntur? Otys ab illo sciscitatus est, nunquid sciente Spithridate hæc diceret. Cui respondit: Per deos, ô Oty, nil horum me ille loqui iussit: cæterum ego quemadmodum cum inimicum ulciscor gaudeo, ita cum amico benefacio, maiori me lætitia affici sentio. Sed nunquid, ait, illū assentiri arbitraris? Et Agesilaus: Vade agè, inquit, ô Erippida, & sciscitare num ea quæ & nos uelit. At ille surgēs abiit. Cumq; aliquantisper moraretur, uis, inquit, ô Oty, ut illum huc accersitum mittamus? nam potius à te illum persuasum iri arbitror, quàm à reliquis omnibus. Confestimq; Spithridatem uocari iussit. Illo ingresso, Erippidas ait: Vt cætera Agesilæ omittamus, Spithridates omnia quæcunq; tibi grata nouerit, se facturum pollicetur. Mihi itaq; Agesilaus inquit, uidetur ô Spithridate, quod felix faustumq; sit, filiā Otyi in uxore dare, te uerò Oty illā accipere debere: sed puellam ante uernum tempus terra deducere haud possumus. At Otys excipiens: Per Iouem, ait, mari si uobis uidetur mitti poterit. Iunctis igitur dextris, ille ut puellā daret, alter ut duceret, sponponderunt. Inde Otys discessit. Confestimq; Agesilaus cum illum nuptiarum cupidum esse intellexisset, triremi una Calliam Lacedæmonium transmittere puellā iussit, ipse in Dasceyliū duxit. Erat ibi Pharnabazī regia, ager urbi circumiectus, ferax, & ingentibus uillis frequens: feræ præterea tum septis ac hortis incluse cultissimis, tum locis apertis uagabantur amœnissimis. Circumfluebat & amnis lympi-
dus, omnifario refertus piscium genere: uolatiliaq; innumera

mera aucupijs erant abundè exposita. Ibi Agesilaus hys
mauit, exercitumq; uniuersum copioso referfit cōmeatu.
Quo sanè tempore pabulatores per contemptū & absq;
speculatoribus, ob diuturnam hostium fiduciam, procul à
castris palantes, à Pharnabazo sunt insidijs excepti. Ha-
bebat ille currus falcatos duos, equites uerò quadringen-
tos. At Græci quamprimum ipsum ingruentē uidissent,
quasi septingenti in unum collecti sunt. His ille contem-
ptis, curribusq; in fronte constitutis, cū equitibus à tergo
impetum in illos facit. Currus disiecta acie ordines turba-
runt: equites uerò Græcos dispalatos insequuti, quasi cen-
tum ex eis obrūcarūt: reliqui in castra, quæ propè erāt,
refugerunt. Nec multis interiectis diebus cum Spithrida-
tes Pharnabazum in Caue uilla magna, castra locasse in-
tellexisset (distabat is locus stadia quasi centū sexaginta)
id Erippidi renunciat. Erippidas cum rem egregiam per-
petrari posse speraret, Agesilaum rogat, ut sibi duo millia
peditum, clypeatorum totidem, equitatum uerò uniuersū
sum, tam Spithridatis & Paphlagonum, quàm Græcorū
attribueret. His concessis sacrū fecit, confestimq; litauit,
militesq; cœnare, & inde ante castra præstò esse iussit.
Ingruentibus uerò tenebris, uix pars dimidia egressa est.
Erippides, ne si in castra rediret reliquis triginta ludibrio
esset, cū præsentibus pergit copijs, ac sub diluculū Phar-
nabazi munimēta adortus est: interfectisq; magna ex par-
te custodibus, qui Mysij erant, reliquis in fugam uersis, ca-
stra omni opulentia referta cepit. Ingens parta est præ-
da, iumenta impedimentaq; innumera direpta, Pharnaba-
ziq; supellex omnis in ditionem hostium uenit. Nam quia
à Græcis obsideri uerebatur, per uniuersam regionē, tan-

quam pastores solent, castra copioso cōmeatu referta circuntulerat. Erippides constitutis tribunis & centurionibus, praeda omni Spithridatem & Paphlagonēs fraudauit, ipse ingentibus oneratus spolijs in castra reuersus est. At illi eam non tulere iniuriam, uerū ut decepti, honoreq; ac praeda exuti, nocte sequenti consensu cōmuni Sardis ad Ariēum abierunt, existimantes illum quoq; à rege defecisse, eiq; hostem esse. Post secessionem Spithridatis, Megabazi & Paphlagonum, nil egregium ab Agesilao actum est: uerū Apollophanes Cyzicenus qui hospitālitatis iure Pharnabazo iam pridem deuinctus erat, Agesilao promisit Pharnabazum pro pace firmanda in colloquium se adducturum. Id Agesilaus audiens consensit: & ille accepta fide, dextraq; data, Pharnabazum in conditum adduxit locum, ubi Agesilaus & consiliarij triginta, super congeriem herbarū sedentes praestolabantur. Pharnabazus preciosissima indutus erat stola. Cumq; famuli aulea, in quibus molliter Persae sedere cōsueuerunt, substernerent, Agesilai cultū uilē cernens, tam delicatē agere erubuit: quapropter nudē quoq; ipse in terra consedit: & primo accepta inuicem ac reddita salute, Pharnabazus prior dexteram protulit: cui Agesilaus quoq; manū iunxit. Pharnabazus itaq; (nam senior erat) ita loqui orsus est: Agesilae, & uos qui adestis Lacedaemonij, ego cum bellū aduersus Athenienses gereretis, semper uobis amicus ac socius fui, remq; uestrā naualem pecunijs proprijs egregiē iuui: terra uerò à uobis steti, hostesq; equester in mare usq; persequutus sum, lōgeq; plus Tysapherne uobis cōmodum attuli, nec unquam quid feci seu dixi, quod à uobis reprehendi posset. Et quamuis talis erga uos fuerim,

eam tamen à uobis persequutionem patior, ut nec in proprijs finibus unica mihi supersit cœna, ni serarum more, quæ à uobis derelicta sunt rapiam: quãdoquidem domus egregias, hortos arboribus consitos ac feris refertos, quæ mihi pater reliquit, quibusq; summopere delectabar, omnia penitus à uobis desolata & exusta cerno. Proinde cū hæc nec fidei nec iustitiæ conuenire arbitrer, uos me doceatis oro, quo pacta talia uiris conueniãt, qui se noscere iactitent, quemadmodū gratias referre, ac amicis benefacere oporteat. His dictis, triginta pudore suffusi tacebãt. Agesilaus uerò cum & ipse aliquantulū silentium tenuisset, ita loqui cœpit: Non te latere ô Pharnabaze arbitror, homines in ciuitatibus Græcis consueuisse hospitalitatem inter se cōtrahere: ac cum bellum inter urbes ortum est, illi quoq; pro cōmuni patria etiam contra hostes pugnare non dubitant: & si ita euenit, etiam illos obtruncant. Pariter itaq; nos cum aduersus regem uestrum bellū geramus, omnia illius hostilia ducere cogimur: tibi uerò reconciliari summopere affectamus, quamuis nō ut excusso iugo regio, nos dominos acceptos suadeamus: cæterū si nobis adhærebis, tibi propositū erit ut nemini collū submittas, nulli parere cogaris domino, sed tibi ipsi fructū colligēs, in libertate uiuere possis suauissima, quā cunctis anteferendā rebus arbitror. Nec te in paupertate liberū esse iubemus, sed nostro auxilio, nō iam regis, sed propriū propagare imperiū, cōseruosq; nunc tuos ut tibi pareãt subigere suademus. Si igitur libertatē nactus, diuitijs quoq; auctus fueris, quid deerit, quin omnium felicissimus haberi possis hominū? Ad hæc Pharnabazus: Nū quid mihi faciendū censeã, apertè proferã? Cui Agesilaus: Rectè

quidē. Et ille: Cum rex aliū cui subsum ducē miserit, uobis me amicū & belli sociū futurū promitto: cū uerò eam mihi subdiderit prouinciā, ob quā maxima excellere uideor gloria, uos haud ignorare uolo, me uobis quantū potero hostē fore acerrimū. Hæc cū Agesilaus audisset, eius prehensa manu, ait: Euge uir generose cū talis sis, cum nobis quoq; in gratiā redi: tibi enim exercitū celerius q̃ potero ē finibus tuis abducturū promitto: deinde quamuis hostis sis, quādiu alius contra quē bellū geramus supercrit, à te tuisq; abstinebimus rebus. His dictis colloquiū diremptū est, et Pharnabazus cōscēso equo abiit. At filius ipsius ex Parapita, indolis pulcherrimæ iuuenis, admissō equo Agesilaum acceſsit, dixitq;: Hospitem te ô Agesilæ facio. Et ille: Accepto, ait. Reminiscaris igitur, inquit: confestimq; iaculum quod habebat pulcherrimum Agesilao tradidit: quo recepto ille, phaleris egregiē elaboratis proprio detractis equo, iuuenem donauit: & adolescēs ascenso equo patrē insequutus est. Inde cum post Pharnabazi obitum ab alio fratre regno pulsus, exilij causa solum uerteret, Agesilaus promissorum non immemor, illum hospitio suscepit, auxiliumq; ac operam præstitit ut in Olympia stadio uinceret, clarissimus inter omnes euaderet fratres. Cæterum Agesilaus ut Pharnabazo promiserat nihil cōmoratus, cum omnibus copijs ex finibus illius excessit. Cumq; sub uernum tempus in Thebes uenisset campum, iuxta Astyriæ templum Dianæ castra locat, quò ex omnibus locis copiosum contraxit exercitum, seq; ut superiorem regionem irrumperet accingebat: existimabat enim gentes eas quas à tergo relinquerent omnes, à rege alienari posse. Et Agesilaus his incumbēbat. At Lacedæmo-

nij cum

nij cum aperte pecunias Græciæ illatas, maximasq; ciuitates contra eos coniurasse rescuiſſent, haud mediocri ſecundarentur periculo ſe expoſitos arbitantes, tanquam neceſſitate coacti exercitum comparabāt: Epicydidemq; ad Ageſilaum mittunt, qui illi præſentem oſtenderet ſtatum, ſimul & ad patriæ opem ferendam reuocaret. Fuit nuncius is Ageſilao admodum moleſtus: animo enim meditabatur, quàm à clariſſimo uictoriæ curſu ac ſpe auocaretur. Conuocatis itaq; ſocijs, patriæ illis mādāta aperit, & quòd illi ſuccurrere neceſſe eſſet oſtendit. Cæterum, uiri ſocij, inquit, rebus ex ſententia geſtis haud uobis deſero, ſed iterum ad uos proficiſcar, & reliqua quæ uobis agenda ſuperſunt perficiam. Hæc ſocij obortis audierunt lachrymis, cōmuniq; decreto unā cum Ageſilao Lacedæmonijs opem ferendam eſſe cenſuerunt, ut ſi res ibi proſperè cederent, rurfus cum illo in Aſiam regrederentur. Itaq; ſe ad proſectionem accingebant. Ageſilaus Euxenū harmoſten cum præſidio quatuor millium militū in Aſia reliquit, ut, ſi ita res exigeret, ciuitatibus ſuccurrere poſſet. Cumq; cognouiſſet milites quāplures manere potius, quàm contra Græcos militare uelle: ut optimos quoſque ſecum duceret, ciuitatibus qui ornatiorem mitterent exercitū, præmia propoſuit. Ductoribus quoq; conductitij militis, quicunq; cohortē præ cæteris egregiè inſtructam adduceret, ſeu ſcutatorum, ſagittariorū, uel cetratorum, munera pollicitus eſt. Præterea equitum præſectis qui agmen ſplendidiſſimum ageret præmia promiſit. ac hos omnes in Cherroneſum conuenire iuſſit: ibi enim cum ex Aſia in Europam tranſgrederetur, ſententiam laturum prædixit. Præmia uerò ut plurimum arma erant decora

cum pedestria tum equestria, coronæ quoq; aureæ, ita ut præmia cuncta precium quatuor excederēt talentorum. His tam ingentibus propositis præmijs effecit, ut cuncti se splendidissimis instrucrent armis. Cum uerò Hellepontum transgressus esset, iudices cōstituit: ex Lacedæmonijs Menasum, Erippidem, & Orsippum: è socijs uerò ciuitatibus singulos. Peraçto iudicio Agesilaus per eam incessit uiam, per quam Xerxes rex cum Græciam inuaderet, duxerat. Ephori interim delectum edicunt. Et quoniam Agesipolis impubes erat, Aristodemum generis regij ac pueri tutorem exercitum educere iubent. Egressis Lacedæmonijs, hostes quoq; in unum conuenerant, consultabantq; quonam pacto Lacedæmonios potissimum aggredierentur. Inter hos Timolaus Corinthius surgens, ita uerba fecit: Viri socij, Lacedæmoniorum res mihi fluuiorum instar se habere uidetur. Flumina etenim circa ortū suum tenui labuntur uena, ita ut facile sint permeabiles: at cum longius defluunt, ac cæteros quoq; excipiunt fluuios, iam non placidè, sed rapido feruntur gurgite. Pariter & Lacedæmonij cum exercitum educunt soli sunt: procedentes uerò, reliquarum quoq; ciuitatum sibi uires adiungūt, ita ut illis aucti quodammodo inuicti reddantur. Proinde uidemus, quicunque uestpas iam egressas irritare conantur, aculeos illorū experiuntur: cum uerò inclusis ignem admovent, iam amplius nil mali patiuntur, sed quamfacile uestpas suffocant. Hæc itaq; considerans, utilissimum iuxta Lacedæmonem ipsam, aut quampropè pugna decertandum esse reor. Porro cum haud ineptè consuluisse uideretur, in sententiā ipsius omnes pedibus iuere. Verum cū de duce certarent, ac de instruenda acie, & quo pacto ordines

ordines explicarent, ne phalange contracta ab hostibus circumuenirentur, dissiderent, & rem in longum protraherent, iam Lacedæmonij iunctis Tegeatibus & Mantianensibus Amphialum superauerant, recteq; ad hostes qui in Nemea circa Corinthum erant tendebant, castraq; in Sicyone locauerunt: cumq; absq; iniuria ultro processissent, in eos à leuis armaturæ militibus impetus factus est, qui undiq; telis ac iaculis eos impetentes male afficiebāt. At illi cum ad mare declinassent, iam sine certamine regionem ingressi, cuncta ferro ac flamma uastarunt. His auditis hostes nil cunctati, illis obuiā uadunt, ac iuxta torrentem castra collocāt. Lacedæmonij cum haud amplius decem ab illis abessent stadijs, castra ipsi quoq; ponunt, ac quietē agebant. Cæterum priusquam ulterius progressar, populi utriusq; uires enumerabo. Erant Lacedæmoniorum pedites circiter millia sex: Eliensium uerò, Triphylliorum, Acroriorum, & Lasionensium quasi millia tria: Sicyoniorum mille quingenti: Epidaurensium, Træzeniorum, Hermonensium & Halieorū haud minus millia aderant tria. Habebant præterea Lacedæmonij equites quasi sexcentos, sequebanturq; Cretes sagittarij trecenti, funditoresq; Marganensium, Ledrinensiū, ac Amphidolorum haud pauciores tercentū. Phliasij uerò quoniam inducias prætendebant, domi remanserant. Et hæ uires erant Lacedæmoniorum. Hostium uerò copię ita se habebant. Athenienses circiter sex millia adduxerant pedatum, Argiui millia septē: Bæotij, quia Orchomenij non aderant, ad millia quinq;: Corinthiorum erant millia tria: ac ex reliqua Eubœa uniuersa haud pauciores millibus tribus. & hi pedites. Equites Bæotiorum absq; Orchome

nijs, qui aberant, octingenti erant: Atheniensium sexcenti, ex Eubœa uerò Chalcidonensium cētum, Locrensiū Opuntiorū quingenti, cū quibus Corinthij uelites quamplurimi erant: quos sequebantur Locrenses, Ozoli, Melienses, & Acarnanes haud pauci. Hæ igitur utrisq; cum aderant copiæ, Bœotij qui sinistrum tenebant cornu, penitus à congressu abstinebāt. Cum uerò Athenienses cum Achæis contra Lacedæmonios in dextro constitissent cornu, statim sacrificia apparuere pulchra: quapropter cuncti ad certamen se expedire iussi sunt. Et primo haud consideratè phalangem sexdecim uirorum densam constituerunt, ad dextramq; ferebantur: hostium enim cornu superare querebant. Athenienses ne segregarentur, sequebantur, quamuis circumuentionis cernerent periculum. Cæterum Lacedæmonij hostium aduentum ignorabant: nam loci conditio conspectum adimebat. Verum cū illos præana inchoasse audiuiissent, extemplò ipsi quoque ad arma conclamant. Cumq; aciem direxissent, duces quenq; sequi præcipiunt, ac dextrorsum longè extenso uadebant cornu, ita ut Atheniensium tribus tantummodo sex, illis occurrere contingeret, quatuor uerò Tegeatibus. Cumq; uix per stadium distarent, Lacedæmonij, ut fertur, syluestrem immolarunt capellam, sicq; in gyrum flectentes hostes circundare nitebātur. Vix pugna conserta erat, cum omnes Lacedæmoniorum socij ab hostibus superati sunt: solum Pellenenses Tespiensibus resistebant, acriq; certamine plures utrinq; cadebant. At Lacedæmonij Athenienses, cum quibus conflixere, egregiè uincunt, eosq; undiq; circundantes detruncant. Structo inde ordine procedentes, reliquas quoque tribus quatuor, antequam ex

persea

persequutione quisquā reuersus esset, superant, nullo ex suis desiderato, præterquam si quis in primo congressu à Tegeatibus interfectus est. Inde Argiuis qui reuertebantur obuiam fiunt, cum quibus congressi magnam eorum cecidere partem. Corinthios quoq; excepere regressos. Thebani etiam quidam ex persecutione reuertentes, in illos incidere, ex quibus omnibus quamplures interfecti sunt. Victi initio ad muros confugerunt: inde Corinthiis in castra antiqua redeuntibus, reliqui quoq; illac conuenere. Lacedæmonij in eum reuersi sunt locum, ubi initio pugna conferta fuerat, trophæumq; statuerūt. Et hic fuit exitus pugne tam memorandæ. Agesilaus interim ut patriæ succurreret, ex Asia iter maturat. Cui circa Amphipolim Dercyllides Lacedæmoniorum nunciat uictoriā, ostenditq; octo solum ex illis, hostium uerò quāplurimos desideratos esse: insuper sociorum manū cecidisse ingentem demonstrat. Cui Agesilaus: Haud inutile esset ô Dercyllides, ait, ciuitatibus qui nobiscū militant, hanc quam celerrimè nunciari uictoriam. Cui Dercyllides respondit: Nimirum alacriores ad reliqua pericula obeūda futuros, credendū esset. Cur igitur tu cum præsens sis, ille inquit, nuncium tam letum non perfers? Et ille libenter his auditis, nam sua spontè ad id peragendum propensus erat, ait: Si tu iusseris, paratus ero. At ille: Quinimò præcipio. Præterea illis nūcies uelim, rebus nostris, ut speramus, ex sententia gestis, rursus ut promissimus illac reuertemur. Et Dercyllides ab Helleſpōto in Asiam, Agesilaus uerò per Macedoniā in Theſſaliam profectus est: quem Larissæi, Cranonij, Scotenses, & Pharsalij qui Bœotijs confœderati erant, Theſſaliq; uniuersi, exceptis exulibus eorum si

qui erant, à tergo adorti, nouissimos premere cœperunt. At ille agmine quadrato incesit, dispartitis & à fronte & à tergo equitibus. Verū ubi instantibus à tergo Thessalis ultra progredi est inhibitus, equitatū qui in fronte constiterat omnem, præter corporis satellites, ad posteriores transmittit. Postquam utrinq; structæ acies, Thessali rati haud ex æquo contra pedites equitatu decertandum esse, sensim retrocessere: quos Græci temerè sunt insequuti. Sed Agesilaus cum utrorunq; intelligeret errorem, equitum acerrimos quos secum retinuerat, emittit, reliquosq; ut quamcelerrimè sectentur iubet: ipse ne hostibus retro uertēdi daretur copia, præpropere celeritate cunctis insequutus est uiribus. Thessali hostes ex insperato ingruentes conspicati, partim in fugam uersi, reliqui conuertere se conati, ab equitibus ex obliquo ingruētibus circūuenti sunt. Equitum uerò præfectus Polymachus nomine Pharsilius, & se conuertit, ac fortiter pugnando cum suis interimitur. Quo factō turpis Thessalorum insequuta est fuga, ex quibus plures ceciderunt, multi uiui in hostium uenere potestate: nec prius à fuga subistere, quàm ad Narthatium peruenissent montem. Agesilaus constituto inter Paprantum & Narthatium trophæo, ibidem mansit, admodum exultans quòd eos qui maximè re equestri gloriari solerent, cum equitibus quos ipse compararat, superasset. Postridie superatis Achaicis Phthiæ mōtib; inde reliquum iter omne ad Bœotiorū fines usq; per pacatum fecit. Ibi Agesilao sedenti sol in cornua flexus apparuit, nunciaturq; Lacedæmonios nauali prælio superatos, Pisandruq; classis præfectū occubuisse. Fuerat pugna hæc circa Gnidum cōmissa: Pharnabazus enim hostilis classis præ-

præfectus cum Phoenissis nauibus, Conon uerò cū Græcis, ad Pisandri stationem certandi studio accesserant. Pisander quamuis nauium numero inferior esset, sociorum tamen urbium naues, quæ in cornu sinistro cum Conone steterant, statim sub prælij initium territæ, acie cessere. Pisander hostibus congressus, eò quòd à principio steterat fortiter prælium ciens, multitudine circumuentus occubuit: reliqui omnes proras littoribus impegerunt, derelictisq; nauibus Gnidum euaserunt. Tulit aduersæ pugnae casum Agesilaus permolestè: ubi uerò audiuit maiorem exercitus partem incolumem esse, præsentem cladem leuius ferendam ratus est. Sed ne ob aduersam prælij fortunam exercitum timor inuaderet, Lacedæmonios amisso Pisandro, bello uicisse nauali, omnibus enunciat: quibus dictis, ob rem bene gestam sacrificium instaurat, amicisq; partes mittit, effecitq; ut omnes pugnam eam auspiciū aduersus hostes esse interpretarentur, Agesilaoq; crederent Lacedæmonios prælio uicisse nauali. Cæterum contra Agesilaum instructi erant Bæotij, Athenienses, Argiui, Corinthij, Aenianes, Euboici, Locri utriq;. Cum Agesilao uerò erat legio Laconica, quæ ex Corintho aduenerat, ac dimidia alia ex Orchomeno: aderant & iuniores ex Lacedæmonia, peregrinus præterea exercitus cui Erippidas præerat: auxilia quoq; Asiaticarum, & quæ in Europa sunt ciuitatum Græcarum, quos Dion ducebat. Venere quoq; ad eum Orchomenij & Phocenses. Præstabat peditum numero Agesilaus, equitatus utrinq; par erat. Et hæ utrisq; tum aderāt uires. Cæterum pugnam quoq; enarrabo, cui parem ætas nostra nullam uidit. Conuenerant omnes in Coronie campos: Lacedæmonij à Cephiso in aciem pro-

cessere, Thebani uerò & socij ab Helicone. Agesilaus dextrū tenebat cornu, Orchomenij in sinistro extrema tuebantur. Contra Thebani à dextro, Argiui à sinistro stabant cornu. Congredientibus illis, mirum utrinq; silentium tātisper fuit, dum ad stadij interuallum abessent: exinde Thebani concito cursu ac sublato clamore in hostes feruntur. Cumq; trium iugerum distarent spatio, ex aduerso ab Agesilai phalāge, quibus Erippides praeerat, procursum est: & cum his Ionij, Aeolij, & Hellepontij eodem feruntur impetu. Vix hi ad teli iactū appropinquarant, quum qui ex aduerso steterant, in fugam uertuntur. Nec Argiui Agesilai excepere milites, sed protinus in Heliconem confugerunt. Ibi milites prae nimia gestientes laetitia, Agesilaum ut uictorem coronant. Interim ei nunciatur, Thebanos caesis Orchomenijs circa impedimēta uersari: extemplò igitur structa acie ad illos ire pergit. Thebani cum socios in Heliconem profugisse cernerent, seq; ad illos recipere uellent, in ordines reuersi, ui magna in colles flexerunt. Hic Agesilaum magnanimum sine controuersia appellare licet: non enim quod tutissimum erat, elegit. Nam cum facile terga abeuntium cadere posset, à fronte tamen & lateribus Thebanos inuadit. Ibi Thebani pugnandi necessitate coacti, subito in hostem cōuersi, fortiter pugnam cient: scutis utrinq; propelluntur, feriunt, pugnant, interimunt, cadunt. Clamor nullus erat, nec tamen silentium, sed mors qualē ira simul & pugna aedere solet. Tandem plurimi Thebanorum in Heliconem euaserunt, multi in media occidione occisi sunt. Agesilaus uictoria potitus, saucius ad phalangem relatus est. Aduenire interim equites quidam nunciantes illi, circiter octoginta

ginta ex hostibus armatos ad templum confugisse: quidq; faciendum esset, sciscitabantur. Ille quamuis saucius multa accepisset uulnera, deos tamē minimē neglexit: ueritus enim ne militum temeritate tēplum pollueretur, eos quō uellēt dimitti, & ab omni iniuria illesos seruari iussit. Iacebant ubi pugna commissā est promiscuē cadauera sanguine concreta, diffracti clypei, enses euaginati, nonnulli in manibus iacentiū, quidā uulneribus infixi: solum passim cruore manabat. Cum uerō iam ad uesperā sceret, cœnarunt, indeq; corpora curarunt. Prima deinde luce, Gylus polemarchum instructo exercitu trophæum statuere iussit, uniuersos in dei honorem coronari, ac tibicines omnes modulari. Quæ dum ab illis geruntur, Thebani missis præconibus mortuos per inducias ad sepulturā petunt: illisq; concessis, Agesilaus Delphos profectus est, decimamq; deo ex spolijs sacrauit, non minorē talentis centum. Gylus interim belli præfectus exercitum in Phoeas deduxit, hinc in Locridem irrumpit. Postridie milites direptis uillis, ingentem prædam ex agris abduxere. Locri hostem præda onustum sub noctē adorti, nouissimos capere cœperunt, lapidesq; ac ceca tela in subiectum deuoluebāt agmen. Lacedæmonij cōuerso agmine illos excephere, nonnullos quoq; interfecerunt: quapropter Locri hostes à tergo sequi ueriti, à lateribus illos incessebāt: at Lacedæmonij illos per compendia deturbare nitebantur. Ingruentibus uerō tenebris, partim errore locorum cadebant, alij qui ab suis aberrarant, occubuerunt, magna uerō pars telis oppressa est. Concidit & Gylus agminis præfectus, ac ex familiaribus Pelles, magnaq; pars militum desiderata est, partim lapidibus obruti, partim uerō

telis confossi: ac nisi ex castris, quô tumultuose nocturni certaminis nuncius est perlatus, auxilia affuissent, ad unū locorum iniquitate periissent. Post hæc Agesilaus dimisso exercitu domū nauigauit, nihilominus tamen bellum durabat. Athenienses enim, Bœotij & Argiui cum socijs ex Corintho, quam belli arcem fecerant, mouebant: Lacedæmonij uerò ac socij ex Sicyone procedebant. Corinthij cum fines eorum uastari, ac propter uicinitatē belli quotidie plures ex suis oppetere, reliquos uerò socios in pace degentes, agrosq; colere cernerent, plurimi & optimates cum pacis teneretur desiderio, inuicem de his sermonem conferre cœperunt. Quæ cum sensissent Argiui, Bœotij, Athenienses, Corinthij, & alij qui regijs corrupti fuerāt pecunijs, ac potissima belli causa extiterant, timebant si pacis cupidi è medio non tollerentur, periculū fore ne ciuitas rursus Lacedæmoniorum sequeretur partes: quæ propter illos iugulare statuerunt, remq; omnium foedissimam sub initium perpetrarunt. Nam etsi quis secundum leges morte dānatus est, non tamen festis interficitur diebus: illi uerò præcipuam festiuitatem ad cædem delegere, rati quamplurimos quos interficerent in foro deprehendi posse. Itaq; cum nonnullos elegissent, quibus eos quos morti destinaissent, indicarunt, illi eductis ensibus multitudinem adorti, quosdam in circulo confabulantes, alios in theatro sedentes, nonnullos ius quoq; dicentes obtruncarunt. Orto tumultu, confestim optimates partim ad statuas deorum, quæ in foro erant, confugerunt, partim ad aras: ibi sceleratissimi omni religione cōtempta, ante aras & templa deorum homines iugularunt, ita ut quidā uiripij, quamuis saucij non essent, tam atroci tamen cōspecto facinore,

facinore, animam efflarint. Ceciderunt tam perfida fraude seniorum multi: nam plurimos in foro esse contigit: iuniores uerò à Pasimelo præmoniti in Cranio uersabantur gymnasio. Cæterum audito clamore, quidã etiam media cæde elapsi, cum ad illos profugissent, omnes in arcem quam Acrocorinthum appellant cursu feruntur, eamq; expulsis Argiuis ac alijs occupant. Cum uerò quid agendum foret cõsulerent, à columna capitulum decidit, cum neq; terræmotus seu uentus fuisset. Sacrificantibus quoq; talia apparuere exta, ut uates prædicerent, optimum esse penitus è regione discedere. Paulatim itaq; ex Corintho dilabentes clanculum fugiebant. At cum amici, matres, fratres quoque, præterea primores qui rebus præerant, ipsis sub iuramēto promississent nil mali eos passuros, quidam promissionibus cõmoti in patriam iam planè tyrannidi subiectã reuersi sunt. Verùm cum intellexissent agris ciuitatem emungi, & pro Corintho Argos nominari, legibus priuari, & quod maximè abhorrebant, sub Argiuorum uiuendi normam cogi debere, cernerent præterea longè se inquilinis inferiores esse, fuere nōnulli qui existimarent penitus tam indignè uiuendum nō esse. Statuerunt itaq; patriam in pristinam dignitatem ac libertatem restituere, cædēq; expiare uelle: & si hæc perficere possent, tanquam patriæ saluatores æternam se laudem uendicaturos sperabant: sin minus, cum pulcherrimæ ac optimæ rei operam nauarent, honestissimã ac laudatissimam mortem haud defuturam. Hæc duo inter se egerunt uiri Pasimelus & Alcimenes: qui per torrentem egressi, Praxiten Lacedæmoniorũ præfectum qui cum præsidio Sicyoni erat, conuenerunt, ostenderuntq; se illi murorũ in-

gressum iuxta Lechaëum præstare posse. Praxites cū iam pridem uiros fide dignos esse cognouisset, cum illis de occupanda egit ciuitate, necnon peditum turmam quæ ex Sicyone domum reuersura erat, eam ob causam retinuit. Illi re constituta, Corinthū reuersi sunt. Inde cum forte fortuna illis murorum cura ac custodia iuxta portam ubi trophæum erectū erat cōmissa esset, Praxiten ut cōuenerat de hac re certiores reddunt: qui cō festim turmā peditū, Sicyonios & Corinthiorum exules ad urbē ducit. Cumq; ad portum peruenisset, insidias ueritus, fidum quendā uirum qui cuncta specularetur in urbē mittit: qui ingressus ac reuertens cuncta sine dolo ac fraude esse renunciat. Illi igitur cum muros occupassent, considerata tamen paucitate sua uallum erexere, illudq; fossa munierunt, ut exigente neceßitate illuc quoad socij illis opem ferrent, refugium haberent. Erat quoq; post ipsos in portu Bœotiorū præsidium. Cum itaq; noctu ingressi essent, sequenti die quietem egere. Postridie Argiui populo uniuerso suppetias ferentes aduenere. Qui cum Lacedæmonios cornu dextro iam instructos, ac ad bellum paratos uidissent, Sicyonios quoq; cum Corinthiorum exulibus quasi centum quinquaginta progressos, ipsi quoq; ad orientalem portum contrastetere. Tenebat muros hos Philocrates cum mercenario milite, Argiui quoq;. In laeuo uerò cornu Corinthij qui in urbe erant, rem curabant. Cumq; militum multitudine longè superiores essent, confestim cum hostibus confligunt, ac primo impetu Sicyonios fundunt, ac euulso uallo ad mare usq; fugarunt, ibiq; multos eorū interfecere. Pasimachus interim præfectus equitum, cum Sicyonios in fugam uersos uidisset, assumptis paucis quos secum

secum habebat equitibus, Argiuis fit obuiam: cum quibus congressus pugnam conseruit. Sed cum multitudine hostium superaretur, tandem cum omnibus suis non tamen inultus occubuit. At parte alia Corinthiorum exules, hostes qui ex aduerso steterāt, egregiè superant, eosq; ad urbem usq; persequuntur. Lacedæmonij interim cū Sicyonios uictos audissent, extemplò illis à sinistra ualli parte succurrunt. At Argiui cum Lacedæmonios aduentare cognouissent, celeriter conuersi uallo exciderunt: & qui in parte dextra nouissimi erant, in leuis armaturæ inciderūt milites, à quibus etiam interfecti sunt. Alij iuxta muros collecti ingenti turba ad urbē feruntur, quibus in itinere obuiam sunt Corinthorū exules: quos cum illi hostes esse intellēxissent, rursus declinarunt. Ibi quidam cum per scalas ascendere niterentur, iuxta muros ruebant: alij priores urgentes partim à suis conculcati, partim hostiū sunt telis cōfecti. Plurimi uerò inter se decepti mutua cecidere strage, ita ut Lacedæmonij dubij essent quemnam ferirent. Deus enim talem illis tum concessit uictoriam, qualem nec unquam optare ausi fuissent. Nam hostium superare multitudinem immensam, illos uerò timore percitos terga uertere, neq; ad pugnam respicere, sed manifestè in perniciem ruere, nōne id diuinum potius quàm humanum existimandum est? Tam multi enim pauco cecidere tempore, ut quemadmodum frumenti, lignorum ac lapidum, ita mortuorum cernerentur acerui. Occubuit quoque Bœotiorū in portu præsidium, partim iuxta muros, partim cum tecta ac domorum ascenderet culmina. His actis Corinthij ac Argiui mortuos per inducias recepere, Lacedæmoniorum uerò socij in auxilium aduolarunt.

Quibus omnibus collectis, Praxitas murorū partē quantū pro introitu sat erat, diruit, ac Megaram ducit: primoq; impetu Siduntē capit, inde Crommyonam diruit, munitionē quoq; erexit, ac præsidium, ut socijs illac refugium esset, constituit: ipse soluto exercitu Lacedæmonem abiit. Post hæc nil utrinq; memoria dignū actum est, sed solum præsidia utrinq; à ciuitatibus Corinthum & Sicyonem mittebantur, ut muri custodirētur: mercenario uerò milite solum rem gerebant. Post hæc Iphicrates in Phliuntē irruit, ac positis insidijs tot Phliasios temerè sibi occurrere ausos interimit, ut cum antea Lacedæmonios de exulum reductione timentes in ciuitatem suscipere noluisse, ea tamen affecti clade ultro Lacedæmonios accersirent, ciuitatēq; ac arcem custodiendas traderent. Lacedæmonij quamuis exules fouerent, toto tamen tempore quo ciuitatem obtinuere, nullam unquam de reducendis exulibus mentionē fecere: sed cum illam in securitate constitutam uidissent, egressi urbem ac leges quemadmodum acceperant reddidere. Cæterum Iphicrates uarijs in locis Arcdiam ingressus prædas egit, ac ad muros usque progressus est: extra illos enim Arcadiorum pedites comparabat nemo: ita enim clypeatos formidabant, rursus pelatati adeò Lacedæmonios timebant, ut ad teli iactum illis appropinquare non auderent: intantumq; Lacedæmoniorum iuniores illos aliquādo prosequuti sunt, ut quosdam caperent ac interficerēt. Quapropter Lacedæmonij clypeatos contemnebant, plus uerò proprios despiciebāt socios. Nam Mantineos quondam cum suis suppetias tulissent, clypeati ex muro qui ad Lechæum uergit inuasērāt, nonnullosq; ex illis interfecerant. At Lacedæmonij cōsi-

stere

stere ausi, socios peltatos tanquam infantes laruas timere considerarūt. Lacedæmonij itaq; cum Corinthiorū exulibus ex Lechæo procedentes, undique circa Corinthiorum urbem castra locarunt. Porro Athenienses Lacedæmoniorum ueriti potentiam, pariter timebant ne per longos quos diruerant Corinthiorū muros, contra ipsos exercitum ducerent, optimum à Praxite rati dirutum instaurare murum: idcirco cuncto egresso populo cū fabris & opificibus uniuersis, eam partem quæ Sicyonem & hesperum uergit, paucis diebus egregiè restaurarunt, aliam quæ orientem spectat dehinc securius edificarunt. Lacedæmonij interim cū Argiuos fructibus domi frui, eamq; ob causam bello exultare considerassent, exercitum contra illos emisere, quem Agesilaus deduxit: ac omni uastata regione confestim per Tegeam Corinthū transijt, rursusq; muros ab Atheniēsibus instauratos cepit. Affuit & mari Teleutias frater cū triremibus duodecim, ita ut mater illarum beata existimanda esset: eadem enim die quos genuerat, hunc terra hostium muros, illum uerò mari nalia capere contigit. His gestis Agesilaus dimisso exercitu domum regressus est. Interim Lacedæmonij cum per exules intellexissent pecoris uim ingentem in urbe ac Piræo esse, rursus Agesilao duce exercitum Corinthum misere, qui primo ad Isthmū progressus est: erat enim mensis quo Isthmia celebrari consueuerant. Aderant tum Argiui, Neptunoq; sacra instaurabant, tanquā planè Corinthus sub Argiuis esset. At cum Agesilaum appropinquare cognouissent, derelictis hostijs ac coena, timore magno in urbem per uiam quæ Cenchreas ducit, se recepere. Et Agesilaus quamuis illos uidisset, minimè tamē persequi

tus est, sed castris circa templum positis, ipse quoque deo litauit: tandiuq; ibi permansit, quoad Corinthiorum quoque exules Neptuno sacra & certamen peragerent. Aragiui quoq; digresso Agesilao rursus ex integro Isthmia celebrarunt, ita ut anno eodē binos uincere ac coronari contingeret. Quarta inde die Agesilaus ad Piræum exercitū admouet. Quod cū à multis seruari uidisset, sumpto prandio urbem uersus ducere pergit. At Corinthij proditiōē ueriti, Iphicratem cum clypeatorum manu maiori in urbem mittunt. Agesilaus ubi nocte illos digressos sensit, reducto exercitu luce prima Piræum aggressus est, & ipse per Thermios duxit, peditum autem cohortem altissima montium ascendere iussit, & nocte illa castra circa Thermas locauit: cohors uerò occupatis montium summitatibus ibi pernoctauit. Hic Agesilaas quāuis leui, tempestiuo tamen claruit stratagemate. Nemo enim qui commeatum ferebat, secum ignem tulerat. Cumq; propter immensam montium altitudinem maximum esset frigus, in super pluuia quoq; ac grando ad uesperum incidisset, milites uerò aestiuis induti essent uestibus, frigore rigeabant, ac in tenebris tristes & incœnati agebant. Agesilaus itaque decem circiter qui ignem in ollis ferrent in montes submisit: qui cum alius aliò ad festigia euasisset, ob materiæ abundantiam immensos accenderunt ignes, militesq; cibo ac calore recreati sunt. Constat quoq; nocte eadem Neptuni conflagrasse templum: à quo uerò incensum sit, nemo est qui norit. At qui in Piræo erant, postquā montium cacumina ab hostibus obtineri cognouissent, amplius resistere non ausi, in Iunonis perfugerunt templum, permixti uiri, mulieres, serui ac liberi, pecorum quoq; pars maxima. Agesilaus

silau*s* iuxta mare in festo procedit agmine: at peditum co=
hors à montibus ruens Oenoan cepit, ac cūcta ibi reper=
ta in prædam uertit: omnes quoq; milites eadem die spo=
lijs ditati sunt. At qui in Iunonis confugerant templum,
ad Agesilaum, quid ipsos facere uellet, sciscitatum mit=
tunt. At ille, cædis reos exulibus tradi, ac alia quæ manda=
rent, facere iussit. Illi itaq; templo egressi, captiuos pluri=
mos tradidere. Aderant quoq; ex Boeotia ac locis alijs le=
gati plures, quærentes quidnam facturi essent, ut pacem
assequi possent. At Agesilaus ob præsentē successum ani=
mo elatus, illos in conspectum admittere noluit, quanquā
Pharaco hospite ut illos adduceret intercedēte: sed iuxta
porticū sedebat, & spolia inspiciebat. Lacedæmonij uerò
egregie armis instructi ac ordine incedentes, ut ab legatis
cerni possent, captiuos ac prædā erectis sequebantur ha=
stis, maximè ob præsentem conspiciui felicitatem: siquidē
uictores & fortunatè agentes, semper intuitu digni cen=
sentur. Agesilao interim cum his incūberet, & ob res ge=
stas maximè exultaret, anhelans aduenit nuncius: qui ci=
tato aduectus equo, cum à multis quidnam afferret inter=
rogatus esset, nihil respondit: sed postquā in Agesilai con=
spectum uenit, equo desiliens tristi uultu, in Lechæo acce=
ptam nunciat cladem. Agesilaus extēplò his auditis sella
exiliit, correptaq; hasta, præconem belli præfectos, cen=
turiones, ac reliquos duces accersiri iubet. Quibus colle=
ctis, milites festinè prandere, sicq; celerrimè subsequi im=
perat: ipse impransus pergit: hastati uerò quicunq; armis
circundati erant, illum sequi festinabāt. Cumq; Thermas
superasset, ac in Lechæi peruenisset campestria, fiunt illi
obuiam equites tres, qui nunciauerunt mortuos per indu

cias receptos esse: id cum audisset, milites arma ponere iussit. Cumq; aliquātisper respirassent, rursus ad Iunonis templum exercitū reduxit, postridie captiuos lustrauit. Boeotiorum quoq; legati producti, & quā ob rem uenissent, dicere sunt iussi. Qui tergiuersati pacis nullam fecere mentionem: dicebant uerò, si absq; impedimento posset, uelle suos qui in urbe essent cōuenire milites. At ille ridens, ait: Scio uos milites uestros spectare nolle, sed fortunam amicorum uestrorum intelligere uelle. Manete igitur, inquit, ego enim ipse uos deducam: exactius etenim cum mecum sitis, cuncta intelligere poteritis. Nec mentitus est. Sed perendie cum litasset, exercitum ad urbem ducit, trophæumq; minimè deiecit: uerū si quæ arbores in circuitu restabant, incidere iussit: demonstrare uolens, hostibus ob metum uictoriā expressisse. His gestis castra ad Lechæum posuit, et Thebanos legatos urbē intrare haud permisit, uerū per mare eos Creusim dimisit. Cæterum cum clades illa præter spem incidisset, multus in exercitu Laconico erat luctus: mortuorum uerò patres, filij & fratres tanquam uictores, magno animo domesticam tulere calamitatem. At clades ea hoc maximè accepta est pacto. Amyclæi semper cum in militiam exituri forent, siue aliò peregrinarentur, ad Hyacinthia & Apollinem accedere consueuerant: tum uerò ex uniuerso exercitu Agesilaus præcipuè Amyclæos qui Lechæum obtinerent, elegerat, & præsidij præfectis socios muros custodire iussit, ipse cum peditum & equitum turma iuxta Corinthiorum ciuitatē Amyclæos deduxit. Cumq; ab Sicyone uiginti aut triginta abesset stadijs, ipse cum peditibus qui sexcenti circiter erant, rursus Lechæum reuertitur: equitum uerò præfe-

præfectum cum equitum ala Amycleos quousq; uellent
concomitari iubet. Illi cum haud ignorarent multos esse
Corintheta cum clypeatos tum scutatos, eos tamen propter
perpetuam contemnebant fortunam, nec quid ausuros pu-
tabant. Verum Callias Hipponici filius Atheniensium pe-
ditum dux, & Iphicrates clypeatorum præfectus, cum ex
Corinthiorum urbe hostium conspexissent paucitatem, con-
siderassentq; absq; præsidio seu pedestri seu equestri illos
incedere, leui armatura eos aggredi statuerunt, rati si re-
cta incederent uia, telis obrui posse: sin manum conferere
pararent, facile leuis armaturæ milites impetum armato-
rum elusuros ac declinatuos: quapropter uniuersos edu-
cunt milites, & Callias haud longè ab urbe cum scutatis
consedit, Iphicrates uerò acceptis clypeatis in hostes im-
petum facit. Lacedæmonij cum in principio telis obrue-
rentur partim cadebant, alij uulnerabantur: & hos præ-
fectus satellites Lechæum ferre iussit: soli q; hi ex ea eua-
sere turma. Validiores uerò decem excurrere, ac hostes
insequi mandat: id cum fecissent, neminem comprehende-
re ualebant, utpote grauis armaturæ clypeatos. Præterea
antequam in pedites incidissent, reuerti iussi erant: at cum
reuertebantur, dispersi à persequutione incedebant, rur-
susq; ab hostibus sagittis lacebantur ac feriebantur, ad
singulasq; excursions nouem aut decem uulnerabantur:
eam ob rem hostes longè audaciores effecti, illis immine-
bant. Cumq; male afficerentur, rursus Polemarchus quin-
decim ex minoribus illos persequi iubet. Verum cum re-
uerterentur, multò plures quàm antea cadebant. Cumq;
fortissimus quisq; iam perisset, aduenere equites, cum qui-
bus rursus hostes persequiebantur. Cumq; peltati ad suos

inclinarent, interim equites male accipiebantur: nō enim eousq; quoad aliquos interfecissent, persequabantur: sed pariter cū excursoribus sequebātur reuertebanturq; fa-
cientes ac patientes eadem quæ Trilli: uerū semper pau-
ciores & languidiores, at hostes alacriores & fortiores
reddebantur. Tandem quid agrent dubij erant. Tumulū
itaque quendam quasi duo à mari distantem stadia occu-
pant, à Lechæo uerò quasi decem & septem. At qui Le-
chæi erant cum id rescuiissent, cōscnsis nauculis ad tu-
mulum usq; nauigant. At obseſsi quid agerent ignorabāt:
nam præterquam quòd male afficiebātur, ac multi ex eis
caderent, nil omnino agere poterant. Videntes tandē gra-
uis armaturæ appropinquare milites, collē deferunt, par-
timq; in mare se præcipitant: alij qui pauci erant cū equi-
tibus Lechæum euaserunt: reliqui quasi ducenti quinqu-
ginta in fuga ac pugna occidione occisi sunt. & hæc ita
sunt gesta. Agesilaus itaq; milites qui euaserant domū re-
duxit, aliud uerò præsidium Lechæi reliquit: quantumq;
poterat summo uestperi cum illis urbes intrabat, anteluca-
nis uerò horis rursus egrediebatur. Cūq; diluculo ex Or-
chomeno mouisset, sub noctem tamen Mantineā præter-
gressus est: ægerrimè enim milites ferebāt Mantineos ob
acceptam cladem insultantes luce intueri. Iphicrates inte-
rim alia quoq; loca aggressus obtinuit. Cum enim præsi-
dium in Sidunte & Crommyone excubaret, illic à Pra-
xite cum muros caperet collocatum, pariter & in Oenoa
ab Agesilao cum Piræū occupasset constitutū, cuncta illa
cepit loca. Lacedæmonij uerò ac socij Lechæum obtine-
bant: at Corinthiorum exules propter acceptam cladem
itinere pedestri ex Sicyone ultra progredi minimè ausi,
sed

sed præternauigātes inde populabundi discurrerāt, dam-
nāq; hostibus inferebant & patiebantur. Achæi interea
cum Calydonem, quæ olim Aetolia erat, obtinerent (nam
Calydonios in ciuitatem receperant, urbem uerò præsi-
dio munierant) Acarnanes cum Atheniensibus ac Bœo-
tijs quibusdam (nam socij erant) contra illos exercitū du-
xere. Achæi uerò cum uehementer ab illis urgerentur, le-
gatos Lacedæmonem mittunt. Qui cum in concionē pro-
ducti essent, indigna se à Lacedæmonijs perpeti ostende-
runt, ac ita uerba fecere: Nos ô uiri quocunq; iubetis uo-
bis militamus, terrāq; & mari quô ducitis sequimur. Cæ-
terum cum ab Acarnanibus ac socijs eorum Atheniensibus
& Bœotijs obsidemur, penitus uos nullam nostri cu-
ram geritis. Proinde cum illis resistere minimè ualeamus,
necesse erit ut derelicto Pelopōnesiaco bello, cōtra Acar-
nanes & eorum socios nos defendamus, aut pacē qualem
possumus faciamus. Hæc dicebant, simul & societate sol-
uere minabantur, ni ipsis Lacedæmonij opem tulissent.
His auditis Ephori, ac cōcilium necesse esse rati, cum A-
chæis contra Acarnanes bellum suscipere. Agesilaū itaq;
cum legionibus duabus, ac sociorum parte in subsidium
illis misere: cui Achæi uniuerso se coniungere populo.
Agesilaus itaq; cum hostium fines ingressus esset, Acarna-
num fuga in ciuitates facta est: pecora uerò cuncta, ne mi-
litibus prædæ essent, longius abegerunt. Agesilaus cū ho-
sti appropinquaret, ad exercitum mittit Acarnanum, il-
lisq; denunciat, ni Bœotiorum & Atheniensium derelin-
querent societatem, Lacedæmoniorumq; susciperent ami-
citiam, se per prouinciam grassaturum, nihilq; intactum
relicturum. Verū cum illi nil sani responderent, Ages

Silaus uniuersam regionem ferro & igni populatus est:
 nec ultra stadia duodecim singulis progressus est diebus.
 Acarnanes itaq; cū propter exercitus progressionē len-
 tam, securos se arbitrarētur, pecora ex montibus reduce-
 bant, agrosq; colebant. At Agesilaus cū illos ob fiduciam
 nil timere consideraret, decimasexta die postquam in ho-
 sticum agrum uenerat, sub crepusculum copias mouit,
 emensisq; die uno centū sexaginta stadijs, ad paludes ubi
 Acarnanum ferè omnia pascebantur pecora, peruenit,
 uimq; ingentem cum bouum tum equorū, uariaq; alia abe-
 git iumenta ac pecora: insuper praeda ingens parta, man-
 cipia quoq; multa capta sunt. Itaq; diem eam ibi perman-
 sit, & spolia diuendidit. Aduenere interim Acarnanum
 clypeati haud pauci, qui hostes iuxta montes castra meta-
 tos securè adorti, iaculis & fundis incessabant, ita ut illos
 longè à montibus in plano castra locare cogerent. Ingru-
 ente nocte domientibus custodibus Acarnanes discessere.
 Postridie cum Agesilaus castra moueret (erat uerò exitus
 circa stagnū palustris, regio uerò angusta ac undiq; mon-
 tibus septa) Acarnanes in illum à dextra impetū faciunt,
 iaculisq; ac sagittis turbant: montiū quoq; transgressi ca-
 cumina, in illum ruebant, uehementerq; urgebant, ita ut
 exercitus ultra progredi haud ualeret. Cumq; grauis ar-
 maturæ milites ac equites hostes insequuti essent, minimè
 cum illis manum conserebant, sed celeriter dilapsi rursus
 montium petebant crepidines. Agesilaus itaq; difficilimū
 ratus absq; periculo angustias euadere, eos qui à sinistra
 illū manu ingenti uehementer premebant, adoriri statuit:
 mons enim ea parte peditibus ac equitibus permeabilis
 erat. Dumq; litaret, passim Acarnanes iaculis ac sagittis
 illum

illum incesſebant, nec tamen propè accedebant, ſed à longà multos uulnerabant. Ille uerò cum iuniores cum equitibus excurrere iuſſiſſet, ipſe cum toto exercitus robore ſequutus eſt. Acarnanes emiſſis ſagittis ac iaculis, ad montium refugiebant ſummitates, aliqui tamen in fuga cecidere. Sed cū ad cacumina ubi grauis armaturæ erant milites perueniſſent, rursus ſumptis haſtis ac iaculis equites feriebant, & equos quosdam interfecerunt. Verū cum manum cum grauis armaturæ militibus cōſerendam eſſe uiderent, rursus fugā capeſſunt: occubuerēq; die illa circiter tercentum. His geſtis Ageſilaus trophæum erigit, ac incurſionem in agros facit, cunctaq; ferro ac flamma uaſtauit. Aliquas quoq; cogentibus Achæis aggreſſus eſt ciuitates, uerū nullam cepit. Cumq; iam autumnus inſtaret, è regione diſceſſit. At Achæi quia ciuitatem nullā uiſeu ſponte ceperat, nil illum egiſſe rati, ſaltem tantisper eum manere rogabant, ut Acarnanibus ne terræ ſemina mandarent prohibere poſſet: quos ille haud rectè ſentire oſtendit: ego enim, inquit, ineunte uere iterū cum copijs adero: illi uerò quanto plus ſeminarunt, tanto citius pacis tenebuntur deſiderio. His dictis tale per Aetoliam iter facere inſtituit, quale inuitis Aetolis nunquam facere potuiſſet: uerū illi minimè impedimento fuere, ſperabāt enim Naupactum recuperare poſſe. At ille Rhium tranſgreſſus domum reuertit. Athenienſes interea ex Oeniade triremibus progreſſi, nauigationem ex Calydone in Peloponneſum prohibebant. Ageſilaus poſt exitū hyemis ac ſub ueris initiū, rursus cum exercitu in Acarnaniā tranſgreſſus eſt. Acarnanes quia mediterraneam incolebant regionē, ac propter frumenti euaſtationem & penuriam, obſidio

nem formidabant, timebant pariter ne ad extremā deducerentur egestatem. Legatos itaq; Lacedæmonē mittunt, pacemq; cum Achæis, societatem uerò cum Lacedæmonijs pepigere. Et Acarnanum res hoc pacto transacta est. Inde cum Lacedæmonij haud tutum esse uiderent bellum Atheniensibus & Bœotijs inferre, relicta à tergo Argiuorum urbe hostili, contermina, ac magna, Argos primū aggredi statuerunt. Agesipolis itaq; cum sibi exercitum deducendum esse cerneret, ac pro felici transitu sacrificasset, Olympiam sortes consulturus profectus, deumq; sciscitatus est, num iustè Argiuorū inducias aspernari posset. Nam eo tempore quo Lacedæmonij Argiuos inuadere statuerant, induciæ nondum finitæ erant. At deus illi ostendit, iustum esse inducias non ritè oblatas respuere. Inde confestim Delphos transgressus, Apollinem quoque interrogauit, num ipse eadem quæ & pater de inducijs sentiret. Ille uerò in eandem respondit sententiam. Sic tandem Agesipolis accepto ex Phliunto exercitu, illic enim dum sortes consuleret collectus erat, per Nemeam irruit. Argiui cum resistere posse diffiderent, præcones duos coronatos, uti consueuerant, inducias offerentes obuiā mittunt. At Agesipolis inducias quæ deis non ritè offerri uidebantur, haud suscepit, sed ingressus uastitatē magnam per prouinciam fecit. Cumq; die prima in Argiuorum coenasset terra, induciæ uerò cœna iam facta oblata essent, terra mota est. Lacedæmonij itaque cuncti Neptuno pæana exorsi sunt. Reliqui quoque milites reuerti debere censebant: nam cum olim terræmotus factus esset, Agis ex Elide copias abduxerat. At Agesipolis ratus, si ante ingressum terra mota esset, rectè incursum inhiberi:

cum

cum uerò iam in terra esset hostili, eo signo ad bellum se hortari interpretabatur. Postridie itaque cum Neptuno sacrificasset, copijs haud longè progressus est. Cumq; nō diu antea Agesilaus in Argiuorum fines exercitum duxisset, Agesipolis diligenter quæsiuit, quampropè ad muros accessisset, ac quousque terram uastasset: tanquam enim pentathlos omnino illū superare cōtendebat. Cumq; undique à muro in illum tela iactarentur, rursus milites reduxit. Tam propè uerò urbem accesserat, ut cum portubus incumberet, Bœotiorū equites qui ingredi nitebantur, ab Argiuis exclusi sint: timebant etenim ne Lacedæmonij pariter cum illis irrumperent, ita ut equites tanquam uestpertiliones sub murorum propugnaculis delitescere cogerentur. Et nisi Cretenses in Naupliam procurrissent, multi cum uiri tum equi in discrimen adducti fuissent. Inde cum castra collocasset, fulmen in exercitum decedit: à quo aliqui afflati, nonnulli uerò icti, occubuerunt. Cum itaq; munitionē ædificare uellet, præsidiumq; collocaret, rem sacrā peregit. Sed cum dii precationi haud annuissent, exercitum reduxit ac dissoluit, magno detrimento affectis Argiuis: nam imparatos illos inuaserat. Et in terra bellum hoc pacto gerebatur. Quid uerò dum hæc agerentur, mari, ac à ciuitatibus gestū sit maritimis, deinde explicare conabor: resq; cognitu dignas scribā, minus uerò dignas prætermittā. Pharnabazus igitur & Conon cum Lacedæmonios pugna uicissent nauali, circumnauigantes Laconum præsidia, harmostas ex insulis ac maritimis eiciebant ciuitatibus, illisq; persuadebant, munitiones nullas in his erigere, sed liberas dimittere uelle. Illi his auditis letabantur ac exultabant, donaq; affatim Phars

nabazo mittūt. Ille enim à Conone edoctus, si ita ageret, ciuitates omnes in amicitiam eius uenturas. Si uerò seruituti illas subijcere quæreret, unamquamque ciuitatem illi haud paruum impedimentū præbere posse: periculumq; fore ne Græci cum hæc rescuiſſent, omnes illi resisterent. Pharnabazus itaq; his persuasus rationibus Ephesum descendit: Cononi autem quadraginta nauium classem tradidit, ac Sestum contendere iussit: ipse uerò itinere pedestri in suam se recepit præfecturam. Erat tum fortè cum bello nauali pugnatum est, Dercyllides hostis illi uetus Abydi, à quo non ut alij harmostæ exciderat, sed Abydum in Lacedæmoniorum continebat amicitia: hic igitur conuocatis Abydenis ita loquutus est: Nunc uobis, ô uiri, cum ueteri amicitia ciuitati nostræ coniuncti sitis, propositū est, ut benefactores Lacedæmoniorū uos ostendere possitis:

» etenim in felicitate fidem seruare nil arduū esse uidetur:

» uerū cū quispiam in amici calamitate constans permanet, id omni æuo memoria retinendum erit. Proinde nos quamuis bello nauali uicti sumus, non tamen idcirco omnino perimus. Nam & antea cum Athenienses maris tenerent imperiū, ciuitas nostra & bene amicis, male uerò inimicis facere potens fuit. Porro quanto leuius ciuitates reliquæ cum fortuna à nobis deficiunt, tanto fides uestra maior & constantior apparebit. Si uerò ne terra mariq; hic obsideamur quidam uerentur, nouerint classem græcam nullam in mari esse. Quòd si barbari Ponto imperare quærēt, Græciam haud id toleraturā, sed nobis sponte auxilium laturam, ac sociam futuram sciant. Abydeni igitur haud grauatè hæc audierunt, alacriterq; illi paruere, harmostasq; applicātes amicabiliter suscipientes, abeūtes

uerò

uerò omni prosequabantur humanitate. At Dercyllides collectis in urbē multis ac fortibus uiris, Sestum transcendit (est oppidum id in Asia contra Abydum, haud plus octo stadijs ab Europa diremptum) eosq; qui Lacedæmoniorū causa terram exilio uertebant, in Cherroneso congregauit. Harmostas quoq; qui ciuitatibus Europæ exciderant suscepit, eosq; haud nimium tristari debere ostendit, si perpenderēt, quòd et in Asia, quæ semper regis fuerat, Temnum, Aegios, & alias quoque regiones incolere possent, quæ regi minimè parerent. Sed quam munitiorem, inquit, Sesto inuenietis regionem? quamq; magis inexpugnabilē? quæ si obsideri debet, & peditatu & classe indiget. His dictis illos solatus est. At Pharnabazus postquam Sestum & Abydum in eo statu offendit, minaciter illis denunciat, ni Lacedæmonios eijcerent, pro hostibus eos habiturum. Sed cum minimè parerent, Cononem eos à maris nauigatione prohibere iubet, ipse uerò Abydenorum uastabat agrū. Cumq; nil se proficere cerneret, domum regressus est. Cononem uerò Hellepontiacas hortari iubet ciuitates, ut ineunte uere classem quammaximā compararent: siquidem Lacedæmonijs ob ea quæ passus fuerat subirascebatur, quapropter eorum fines inuadere, & se de acceptis iniurijs quantū posset uindicare nitetur. Per totam itaq; hyemem his incumbabant iuuenes. Vere Pharnabazus collectis nauibus, ac peregrino conducto milite, Conone quoq; secum assumpto, per insulas in Melum nauigauit, ut inde potissimum oram Laconicam inuaderet. Principioq; Pheras delatus, totam regionem ferro ac igni populatus est. Inde cum in alijs quoque maritimis descendisset locis, foeda populatione quantum

poterat omnia uastauit. Verùm cum oram eam importuosa esse cerneret, ueritus præterea auxilia hostilia, ac cōmeatus penuriam, celeriter inde regressus est, ac in Cytheriam translatus Phœnicuntē adortus est. At coloni qui Cytheriam habitabant ueriti ne ciuitas uī caperetur, urbem dedidere, quos omnes per inducias in Laconicā dimisit: oppidoq; militari opere munito, præsidium ac Nicophebū Atheniensem præfectum ibi reliquit. His actis in Isthmum Corinthiorum transmisit, sociosq; ad bellum hortatus est, ac iussit ut uiros regi fidos se ostenderent, pecuniasq; omnes quas secum tulerat illis reliquit, exercitū uerò in Asiā deportauit. Conon uerò illi suāsit, ut classē ei attribueret, quam ex insulis alere promittebat: se enim in patriam reuersurum ac longos muros restauraturum, Piræumq; muniturū obtulit: pro certo enim se scire aiebat, nil molestius hac re Lacedæmonijs accidere posse. Si enim, inquit, Atheniensibus in his morem gesseris, Lacedæmonios rectē ulciscēris. Quā enim in re maximē laborarunt, eam tu omnino uanam ac inutīlē reddes. Pharnabazus his auditis mox Cononem cum nauīū parte Athenas dimisit, pecuniasq; illi ad opus elargitus est. At ille diligenter rem exequutus, breui muros refecit, ac in pristinum penitus restituit statū, fabris omnibus ac reliquis necessarijs regia solutis pecunia. Iuuerūt Atheniēses, Bœotij, & ciuitates reliquæ, quæ ex professō Laconicum oderant nomen. Corinthij interim pecunijs quas Pharnabazus reliquerat naues instruunt, ac milite complent: Agathinumq; classis cōstituunt præfectū, planeq; in Achaico ac Lechæo dominabantur sinu. Econtra Lacedæmonij quoq; classē comparant, cui Polemarchum præficiūt.

At cum ille in conflictu quodā cecidisset, Erippides classem suscepit: Proænusq; Corinthius naues, quæ cum Agathino erant, accepit, ac Rhium dereliquit: quod quidem Lacedæmonij confestim occuparunt. Inde Teleutias ad Erippidi peruenit naues, & ille sinum rursus in Lacedæmoniorum redegit potestatem. Lacedæmonij interea audientes Cononem muros Athenienses ex regijs instaurare pecunijs, classemq; ex insulis et ciuitatibus maritimis Epiri alere, rati si Tiribazum regis præfectum in suas traderent partes, Cononem amplius classem sustentare haud posse: quapropter Antalcidē ad Tiribazum qui hæc ageret, mittunt: simul adniti iubent, ut pacem cum rege componere posset. Athenienses ueriti ne res suæ renascentes medio cursu regio destituerentur fauore, Cononem, Hermogenem, Dionem, Callisthenem, & Callimedontem legatos in Asiam mittunt. Thebani, Corinthij, & Argiui suos & ipsi misere legatos. Antalcides cum ad Tiribazum uenisset, illi se à ciuitate, ut pacem à rege peteret, missum ostendit esse: conditiones uerò esse tales, quales rex ipse olim desiderasset. De Græcis enim quæ in Asia erāt ciuitatibus, Lacedæmonios regi minime impedimento fore, quò minus illis ex libito uteretur. Insulæ uerò omnes ac reliquæ ciuitates liberi iuris essent. Cumq; ita sentimus, inquit, cur nam Græcos, aut regem contra nos bellum gerere, pecuniasq; dilapidare necesse est? Si enim ciuitates liberæ erunt, omnis inter regem, Athenienses, ac nos, belli sublata est materia. Placere uehementer Tiribazo Antalcidis sermones. Sed Athenienses ueriti, si insulas & urbes in libertatem uendicarent, ne Lemnum, Imbrum & Scyrum dimittere cogerentur: Thebani quoque

ne Bœotiae ciuitates illis adimerentur timebant. Argiui uerò, si hæc admitterentur conditiones, formidabant, ne Corinthum quemadmodum & Argos obtinere possent: quapropter pacem turbarunt, ac re infecta singuli domũ abiere. Tiribazus apertè absque regis consensu cum Lacedæmonijs sentire haud tutum ratus, clàm uerò Antalcidæ pecunias dedit, ut eo pacto Lacedæmonij rem naualem instaurare possent, Atheniensesq; ac socij ad pacem propensiores redderentur: Cononem uerò tanquam regem iniuria affecisset, immeritoq; Lacedæmonijs contra dixisset, in uincula coniecit. Inde ad regem ascendit, illiq; ostendit quæ Lacedæmonij dixissent, ac quemadmodum Cononem iniurium comprehendisset: sciscitatusq; est, quid de his omnibus rex fieri uellet. Cæterũ rex dum Tiribazus secum agit, Struthan in maritimam Ionie mittit prouinciam. Erat Struthas uehementer Atheniensibus ac socijs affectus, memor quanta mala prouinciæ regiæ ab Agesilao perpeßæ essent. Lacedæmonij cum Struthan illis inimicum, Atheniensibus uerò amicum esse cognouissent, Thimbronem cum classe in Ioniam contra illum mittunt. Is ex Epheso & ciuitatibus in Meandri campo sitis, Priene, Leucophryo & Achilleo, regiones ingressus fines, cuncta uastando agebat ac ferebat. Procedente tempore cum Struthas Thimbronem omnia inconsultè ac temerè agere cognouisset, equitatũ uniuersum illac transmisit, equitibusq; mandauit, ut admissis equis, quantum possent in Græcos impetũ facerent. Contigit ea die Thimbronem sumpto prandio apud Thersandrum tibicinem agere: erat enim Thersander non solũ tibicen egregius, sed & bello uir fortis. At Struthas Græcos disspalatos natus, in

Atus, in illos improuisus copioso ruit equitatu, Thimbronemq; ac Therсандrum in primis occidit. His cadentibus reliqui omnes in fugam uersi sunt: quos insequuti Persæ ingentem ædidere cædem. Fugientes partim in ciuitates amicas dilapsi: reliqui, quia serò de pugna certiores facti sunt, in pacatum abiere. His ita gestis, Rhodij qui à populo eiekti erant, Lacedæmonem uenerunt, ostenderuntq; haud tutum Lacedæmoniis esse, si negligerent, ut Athenienses Rhodum subigerent, in tantamq; euaderent potentiam. Lacedæmonij cum intelligerent, si populus uinceret, Rhodum uniuersam in Atheniensium concessuram potestatem: si uerò locupletiores superarent, haud dubiè insulam illorum sequuturam partes: naues instruunt octo, præfectumq; illarum Ecdicum constituunt. Miserunt & cum his Diphridem, quem in Asiam proficisci iubent, ac reliquias Thimbroniani exercitus colligere, socijs ciuitatibus auxilio esse, nouum militem eligere, ac reliqua omnia diligenter curare, Struthæ deniq; bellum inferre, mandant. Diphridas impigrè mandata exequutus, Tigranem quoque Struthæ generum Sardis proficiscentem cum uxore cepit, cum quo magna quoque pecuniarum uis in eius redacta est potestatem, ita ut abundè militibus inde stipendium solutum sit. Eratq; uir ille non minus Thimbrone acceptus, cæterum bellicis in rebus longè cautior: nec uoluptatibus deditus, sed cuncta quæ inchoabat, egregiè perficiebat. Ecdicus uerò Gnidum processit: ubi cum populum Rhodium omnia in potestatem suam redegisset, terraq; ac mari superiorem esse cognouisset, præterea duplo plures quàm ipse habebat instruxisse triremes, quietem in Gnido egit. Cæterum Lacedæmonij cum rescuif-

sent illum uiribus inferiorem, quàm ut amicis succurrere
 posset, Teleutiam cū nauibus duodecim, quos in Achai-
 co & Lechæo habebat sinu, ad Ecdicum nauigare iubēt:
 illi uerò imperium abrogant, Teleutiæq; amicorum cu-
 ram gerere, hostes quoq; quammaximè posset damno affi-
 cere mandant. Teleutias cum Samum uenisset, acceptis
 ibi nauibus Gnidū nauigat: ubi domi dimisso Ecdico, ipse
 Rhodum cum nauibus septem & uiginti proficiscitur:
 cui in uia obuiā factus Philocrates Ephialti filius, qui cum
 triremibus decem ab Athenis Cyprum in Euagoræ auxi-
 lium properabat, cum nauibus ab eo captus est. Agebat
 populus uterque sibi ipsi maximè contraria. Athenienses
 enim cōtra regem amicissimum, Euagoræ, qui illi bellum
 mouerat, auxilia mittebant. At Teleutias, quamuis Lacedæ-
 monijs bellum cum rege esset, hostes tamen illius pu-
 gna superauit nauali. Rursus igitur Gnidum reuertitur,
 ubi diuendita quam ceperat præda, iterum Rhodum na-
 uigat, ac illis qui secum sentiebant, opem ferebat. Athe-
 nenses cognito Lacedæmonios rursus mari imperare,
 Thrasybulum Styrea cum quadraginta emittūt nauibus.
 Ille uerò ubi Lacedæmoniorum opes circa Rhodum pol-
 lere cognouit, ab insula abstinuit. Haud facile enim sibi ui-
 debatur Lacedæmoniorum amicos superare posse, cum
 muros ac ciuitates obtinerent munitas: præcipuè cum Te-
 leutias cum classe illis opem ferret, Atheniensiumq; ami-
 ci ab aduersarijs superati essent, longeq; hostes superio-
 res essent. Cursum igitur in Hellepontum deflexit: ubi
 cum nullus esset hostis, rem magnam se peracturum spe-
 rabat. Amadocum igitur Odrysiorū regem, & Seuthen,
 qui maritimis latè imperitabat oris, inter se disceptantes
 suo

suo interuentu pacauit, Atheniensibusq; amicos ac socios reddidit: ratus ciuitates quoque Græcas quæ in Thracia ac illis amicæ erant, propensiores hanc ob rem in Athenienses fore. Cumq; ciuitates Asiaticas ob amicitiam regis rectè sentire intellexisset, Byzantium nauigat, decimamq; ab Ponticis exegit nauibus: paucorumq; ibi potentia sublata, popolare regimen induxit, effecitq; ut Byzantinus populus haud grauatè Athenienses in ciuitate cerneret. His actis, Chalcedonijs quoque in amicitiam receptis, transmissis Helleſpõto Lesbi ciuitates omnes, præter Mitylenem, Lacedæmonijs studere reperit: nullam tamen antea tentare ausus est, priusquam militibus suis quos secum circiter quadringentos adduxerat, ciuitatum exules qui Mitylenem confugerant, adiunxisset. Mitylenæorum præterea robustioribus secum assumptis, primores in spem erexit, si ciuitates subigeret, uniuerso imperaturos Lesbo. Exulibus quoque ostendit, si unà sentirent, cunctos in ciuitates reduci posse: militibus uerò, si Lesbum ad amicitiam traducerent, fore ut patria multis abundatura esset pecunijs. His dictis illos solatus est, confestimq; ad Methymnam duxit. Therimachus Lacon qui Methymnam præsidio obtinebat, cum Thrasybulum aduentantem audisset, assumptis turmis naualibus, Methymnæis quoque ac Mitylenæorum quotquot aderant exulibus, illi obuiam pergit, pugnaq; commissa Therimachus cecidit: reliqui multis ex suis amissis, in fugam uersi sunt. Inde cæteras aggressus urbes, in suam redegit potestatem: qui uerò minus parebant, illorum agros populatus, militi ex ea præda stipendium persoluit. Rhodum inde ire contendit: & ut exercitum copiosum contrahere posset,

undique ex ciuitatibus argentum non paruum corrasit. Cumq; Aspendum uenisset, ad Eurymedontem progressus est flumen: cumq; pecunias ab Aspendijs quoque extorquere niteretur, militesq; illorū uastassent agros, irati Aspendij nocte illum aggressi in tabernaculo obtruncāt. Et Thrasybulus uir insignis ac probus, hunc exitum sortitus est. In eius locū Argyrius ab Atheniensibus est missus. At Lacedæmonij cum decimam ex Ponto in Byzantio ab Atheniensibus exactam esse rescuiissent, Chalcedonemq; reliquas ciuitates Hellespōtiacas ob Pharnabazī amicitiam cum illis sentire, in haud mediocrem inciderunt curam. Verū quamuis Dercyllidem nulla in re culpare possent, Anaxibius tamen persuasis Ephoris qui illi amici erant, egit ut ipse harmostes Abydum mitteretur, pollicitus si milites ac naues sibi traderentur, Atheniensium res in Hellesponto turbaturum, effecturumq; ne illis tam prosperè cuncta ibi cederent. Lacedæmonij igitur triremes tres cū mercenarijs militibus mille illi attribuerent, cum quibus in Asiam nauigauit: mercenarioq; collecto milite ciuitates nonnullas Aeolidas Pharnabazo ademit, ex Abydoq; procedens, hostilem undique uastabat terram: naues quoque tres alijs addidit, quas ex Abydo suppleuit, quibus ubique Atheniensibus ac socijs incumberebat. Athenienses cū de his certiores facti essent, ne cuncta quæ Thrasybulus in Hellespōto subegerat, ab eis alienarentur, timebant. Iphicratem igitur cum nauibus octo, ac clypeatis mille ducentis in prouinciam mittunt, quorum pars maior erat eorum qui Corinthi in præsidio fuerant: siquidem cum Argiui Corinthum in suam redegebant potestatem, Iphicratem cum militibus domum abire coëge-

coëgerunt. Cum itaque in Cherronesum peruenisset, sub initium Anaxibius & Iphicrates piratas submittentes, utrinque se infestabant. At procedente tempore cum Iphicrates Anaxibium cum mercenario milite omni, Lacedæmonijs & Abydenis ducentis Antandrum petijisse resciauisset, audiuiissetq; Antandri amicè illum receptum esse, suspicatus eum, relicto præsidio, Abydenos rursum domum abducturum, nocte clanculum per Abydenorum transgressus fines, in montibus occultè confidet. Triremes uerò quæ illum adduxerant, Cherronesum superare iubet, ut eo pacto pro colligenda pecunia, uti consueuerat, proficisci uideretur. Hæc cum egisset, haud opinione deceptus est. Anaxibius enim cum die illa minimè sacrificasset, regressus est. Nam cum sibi per pacatū, ac ad urbem sociam transeundum esset, Iphicratem uerò Proconnesum abisse existimaret, negligēter ac solutiore cura iter agebat. Iphicrates quandiu Anaxibij exercitus in planicie erat, ex insidijs haud surrexit: uerū cum Abydeniam in Paracremasti essent campo, ubi & aurum effodiunt, ac reliquæ copię ex altera incederent parte, Anaxibiusq; iam prætergressus esset, tum demum Iphicrates ad omnia intentus, ex insidijs insurgens, composito agmine in illum fertur. Anaxibius cum exercitum in insidias præcipitatum, ac spem nullam salutis esse cerneret, hostibus præterea resisti posse diffideret, cunctos iussu super timore percussos animaduverteret, amicos alloquutus ait: Viri, pulchrum erit me hic occumbere: uos uerò antea quàm manus cum hostibus conseratis, abite, patriæq; uos seruate. His dictis accepto ab armigero scuto, egregiè pugnās, nec inultus cecidit: occubuerēq; cum eo Lacedæmoniorū

harmostæ, qui illum undiq; ex ciuitatibus sequuti erant, duodecim circiter: reliqui partim fuga cæsi, partim uerò elapsi sunt: quos hostes ad urbem usq; sunt insequuti. Desiderati sunt pugna ea milites quasi ducenti, Abydenorum uerò quinquaginta. His gestis Iphicrates rursus in Cheronæsum abiit.

XENOPHONTIS RERVM GRAECARVM LIBER QVINTVS, BILIBALDO Pirckemero interprete.



T circa Hellespontum res Atheniensem ac Lacedæmoniorum in eo erant statu. Eteonicus interim in Aëgina agebat, quæ olim Atheniensibus adhæserat: sed postquam bellum aperte exarsit, consentientibus Ephoris, Aeginetis libera latrocinandi ex Attica facultas concessa est. Athenienses itaq; cū haud paruo afficerentur damno, triremes decem cum præfecto Pamphilo, ac militibus nō paucis in Aeginam mittunt: qui Aeginetas muro clauferunt, terramariq; obsederunt. Teleutias cum insulas pro exigendis circumiret pecunijs, ac de obsidione certior factus esset, in auxilium aduolat, classēq; protinus discedere coëgit: at murum Pamphilus præsidio seruabat. Aduenit interim à Lacedæmone Hierax classis præfectus, nauesq; suscepit: Teleutias uerò felicissimus domū abiit: cum enim discessurus nauem ascenderet, nemo non militum dextram ei iunxit, et ille eum coronabat, alter sertis decorabat: qui uerò ob turbam accedere non possent, coronas in mare proicientes, fausta ac felicia illi imprecabantur. Proinde quamuis

quamuis nō ignorem, rem nec arduam, seu admodū memoria dignam me narrare, per Iouem tamen uiro bono haud indignū esse arbitror, si diligenter perpendat quidnam Teleutias egerit, per quod talem sibi militum conciliauerit beneuolentiam: quandoquidem id opus, diuitijs, periculis, & memorandis rebus, uiro longē pręstantius arbitror. Hierax acceptis nauibus iterum Rhodum nauigauit: Gorgopam uerō harmosten cum duodecim triremibus in Aegina legatum reliquit: cōtigitq; hoc pacto Athenienses qui in pręsidio erant, potius obsideri, quā obsidere. Ea re moti Atheniēses, missis nauibus, quinto postquam Aegina obsideri cōcepta est mēse, pręsidium ex insula euexerunt. Soluta obsidione, Athenienses rursus à piratis & Gorgopa in festabantur: quam ob rem coacti rursus tredecim instruxerunt triremes, quibus Eunomū pręfecerunt. Lacedæmonij Hieraci cum Rhodi esset Antalcidem dedere, Tiribazo rem gratam se facturos arbitrati. Antalcides itaq; cum Aeginam uenisset, Gorgopæ secum acceptis nauibus, Ephesum nauigauit: Gorgopam uerō rursus cum nauibus decem Aeginam remisit, reliquis Nicolochum pręfecit. Et Nicolochus ut Abydenis pręsidio esset, illac traiecit, Tenedumq; aggressus, agrum igni ac ferro uastauit, acceptisq; pecunijs Abydū cōcessit. Atheniensem uerō ducēs è Samothracia, Thaso, & ora ea collecti, Tenedōsibus opem ferebant. Verū cum certiores facti essent Nicolochū cum nauibus Abydum nauigasse, illū ex Cherroneso insequuti triremibus triginta duabus, obsidione cinxerunt. Gorgopas interim cum ab Epheso discederet, in Eunomum incidit, quem tunc in Aeginam fugit, quō parumper antè solis peruenit occasum, ubi na-

uibus egressus milites coenare iussit. Eunomus cū aliquantisper substitisset, tandem abiit. Nocte uerò incidente lumen è naui protulit, ne triremes subsequentes aberrarēt. At Gorgopas cōfestim ascensis nauibus illum occultè insequutus est: & ut hostes præcedentes latèret, gubernatores pro uoce, lapidū crepitu uti iussit. Cumq; Eunomi naues iuxta Zosterem in Attica terræ applicuissent, ille concentu tubarū hostes aggressus est. turmæ nauales partim in terram descenderant, partim adhuc salo fluctuabant. Pugna igitur ad lunæ splendorem facta, Gorgopas quatuor captis nauibus Aeginam regressus est: reliquæ uerò Atticæ naues in Piræum per fugerunt. Chabrias interim cum in Cyprū nauigaret, ut Euagoræ octingentis clypeatis, triremibus decem opem ferret, acceptis alijs quoq; nauibus ac militibus Atticis, nocte in Aeginam descendit, ac in ualle concaua ultra Herculis tēplum cum militibus occultè consedit. Orta die Dimænetes ut conuenerat, cum graui aderat armatura: qui Herculis prætergressus templum quasi stadia sedecim, ad eum locum qui Tres turres appellatur, peruenit. Gorgopas cum de hostium aduentu certior factus esset, cum Aeginetis ac turmis naualibus, Spartanisq; qui tum fortè aderant, obuiam pergit: nautas quoq; qui liberi essent, per præconem subsequi iussit: hi uarijs ac quibus poterant circumdati armis, sequi festinabant. Cumq; primi insidias præterijssent, milites qui cum Chabria in insidijs latebant, insurrexere: statimq; undiq; sagittis ac iaculis hostes degrauabant, inde impressionem in eos fecerunt. Lacedæmonij cum sparsi ac sine ordine cuncta gererent, cōfestim superati sunt, Gorgopasq; in primis cecidit: quo oppresso reliqui in fugam uertuntur:

occubuerēq; ex Aeginetis centum quinquaginta circiter, peregrini uerò milites, inquilini & nautæ haud pauciores ducentis. Ex hoc tempore Athenienses sine controuersia maris tenebant imperium: nauales enim turmæ, quamuis Eteonico cogente, amplius naues ascendere nonlebant, quia stipendium illis non soluebatur: quapropter Lacedæmonij rursus Teleutiā nauibus præficiūt. Quem cum milites aduentantem uidissent, ualde gauisi sunt: ipse uerò concione aduocata ita disseruit: Viri commilitones, ego quamuis pecunijs uacuis huc aduenerim, si dii annuerint, uosq; strenuam præstiteritis operam, cuncta uobis necessaria suppeditare conabor: siquidem non ignoratis quandiu uobis præfuerim, non minus uestram, quàm propriam quæsiuisse salutem. Nec mirum alicui uideri debet, si maior mihi cura de uestro quàm de meo semper fuerit: quandoquidem per immortales deos, mallem potius per biduum absque cibo agere, quàm diem unam uos ieiunos aspicere. Si igitur unquam antea fores meæ petere quid uolēti patuere, nunc maximè apertæ erunt: adeò ut cum necessarijs uos abundare intelligam, me maxima letitia affectum cernatis. Proinde si me frigora, calores, uigilias sustinentem uidebitis, existimate uos quoq; similia tolerare posse: quamuis nil horum uos facere iubeo ut doleatis, sed ut emolumentum inde accipiat. Quòd enim ciuitas nostra, o commilitones, ad illud quod cernitis felicitatis peruenit fastigiū, totq; immensis ac opulentis prædita est bonis, non socordia & rerum accidit desidia, sed laborando, periclitando, & bene consulendo eò dignitatis processit. Agite igitur cum antea, ut optimè noui, uiri fueritis fortissimi, nunc etiam meliores euadere annitimini, ut

cum strenuè simul laborauerimus, suauiter quoq; unà laboris præmium sumere possimus. Quid enim dulcius, quàm nulli hominum, seu Græco, seu barbaro adulari, uerùm unumquenq; sibi ipsi sufficientem ad res necessarias suppeditandas existere? maximè unde et pulcherrimum est. Nam ab hostibus parta abundantia non solum, ut nostis, commeatum, sed et gloriam inter omnes præbere solet homines. Milites his auditis una uoce clamare cœperunt, quid eos facere uellet, ostenderet. At ille: Agitè ô uiri, inquit, cœnate, frumentumq; diei unius mihi exhibete, inde confestim naues ascendite, ut eò nauigantes quò deus uoluerit, debito perueniamus tempore. Cumq; omnes naues conscendissent, nocte uersus Atheniensem nauigat portum: quò cum peruenisset, substitit, militesq; dormire iussit, ac remos compressit. Proinde si quis insipienter illum cum triremibus duodecim rem tam arduam aggressum esse existimat, is qua ratione motus fuerit, audiat. Arbitratur enim oppresso Gorgopa, Athenienses omnia solutione cura in portu agere, naualiaq; omni præsidio destituta esse. Quòd si aliquæ triremes Athenis instructæ essent, existimabat tutius esse aduersus naues uiginti Athenis mouere, quàm alibi contra decem: nam ibi turmæ nauales in nauibus excubare cogeantur, Athenis uerò præfectos domi quenque dormire: nautas uerò hincinde sparsos quiescere cognoscebat. Hac ratione motus, rem tantam adoriri ausus fuit. Cumq; iam quinque aut sex à portu abesset stadijs, ut dictum est, quietem egit. Orta die primus portum irrupit, triremes uerò reliquæ subsequantur. Minora igitur nauigia aggredi negligebant: at cū triremem quandam erumpere conantem uidissent, cōfestim

stun eam opprimebant: onerarias uerò naues religatas ac
plenas abducebant: in maiora quoq; transgressi nauigia,
ubicunq; poterant homines inde rapiebant. Quidā etiam
in terram desilientes, mercatores quosdam ac gubernato-
res comprehendebant, illosq; in suas traducebant trire-
mes. Et illi his intenti erant. Athenienses uerò qui in urbe
assisteabant, audito tumultu, ut causam clamoris discerent,
extra urbem currebant: at qui extra erant, intrò pro ca-
piendis ferebantur armis: alij per ciuitatem discurren-
tes, alijs hæc nunciabant. Athenienses itaq; uniuersi tam
pedites quàm equites in subsidium, tanquam Piræo capto
aduolant. Telementas uerò inde digressus, captas naues Ae-
ginam mittit, quas triremes tres uel quatuor præsidij cau-
sa concomitari iubet: cum reliquis ipse circa Atticam, ac
si ex portu moueret nauigans, multos piscatorios exce-
pit lembos: oneraria quoque nauigia haud pauca homi-
nibus plena, quæ undique ex insulis aduentabant, cepit.
In Sunio quoque holcades quasdam cum frumento, tum
mercibus onustas, oppressit. His actis rursus Aeginā re-
uehitur, ubi diuenditis spolijs militibus menstruum per-
soluit stipendium. Alia deinde aggressus loca, quæcunque
poterat diripiebat: quapropter plures instruxit trire-
mes, militesq; ad omnia obeunda pericula alacriores &
præptiores habebat. Antalcides interim per Tiribazum
cum rege societatem iniit: cui & auxiliū promissum est,
ni Athenienses & socij pacem quam ipse obtulerat, susci-
perent. Cum uerò Nicolochum cum nauibus Abydi ab
Iphicrate & Diotimo obsessum esse intellexisset, cum pe-
ditatu Abydum contendit: ibi acceptis nauibus nocte dis-
cessit, sermonēq; disseminauit, tanq̃ ab Chalcedonēsis

accerfiretur. Cumq; Percopem peruenisset, quietem egit. Quod cum hi qui cum Dimaneto, Dionysio, Leontichide & Phania rescuiissent, confestim illum in Proconnesum insequuti sunt: quibus prætergressis conuersus ille Abydum reuersus est, ibiq; Polyxenum expectabat, qui cū uiginti Syracusanis ac Italicis aduentabat nauibus. Interim Thrasybulus Cotaliteus ex Thracia nauibus aduenit octo, Atticæq; classi cōiungi querebat. At Antalcides cum speculatores illi triremes octo præternauigare significassent, naues duodecim celerrimas milite confestim implet, reliquas occultè subsequi iubet. Cūq; hostes iam prætergressi essent, illos insequitur: id cū uidissent, fugam capiunt. Tardiores itaq; cū suis celerioribus confestim assequitur. At primoribus qui cum ipso nauigabant mandat, ne ultimas aggredierentur, sed semper anteriores assequerentur: quæ cum captæ essent, & nouissimi priores comprehensos cernentes, ipsi quoq; omni propter tarditatem deposita spe, tristes capti sunt, ita ut omnes in hostium uenirent potestatē. Aduenere interim Syracusanæ naues uiginti, necnon alie ab Ionia & Tiribazo, quæ in Ariobarzani instructæ erant finibus: erat enim pridē hospes Ariobarzano. Aderant etiam à Pharnabazo naues, cui iam regis filia nupta erat. Cum igitur classis octoginta nauium superaret numerū, Antalcides totius maris obtinuit imperium, ita ut Athenienses à nauigatione inhiberet Pontica, illaq; ad socias diuerteret urbes. Athenienses cum hostes nauium multitudine pollere uidissent, uerebantur ne ut antea obsidione circundarentur, præcipuè cum Lacedæmonios regis socios effectos cernerēt. In festabantur insuper ex Aegina à piratis. His omnibus coacti cau-

sis, pa-

sis, pacem quam antea contempserant, uehementer desiderare cœperunt. Lacedæmonij quoq; cum cohortē Lechæi, aliamq; Orchomeni præsidij causa alere cogentur: insuper ciuitates has ne caperentur, alias ne deficerent, milite munire necesse haberēt: circa Corinthū quoque negotium illis haud paruum iniectum esset, grauitè bellum ferebant. Argiui quoque uidentes quòd præsidia alere cogentur, rei q; pecuniariæ angerentur penuria, & ipsi ad pacē inclinati erant: ita ut cum Tiribazus nunciasset, qui regium edictum de pace audire uellent, præstò essent, omnes extemplò conuenere: quibus collectis, Tiribazus regium ostendit signū, literasq; hæc continentes legit: Artaxerxes rex æquū esse censet, ciuitates Asiaticas sibi parēre: ex insulis quoq; Clazomenas & Cyprū: reliquas ciuitates græcas cum paruas, tum magnas, liberi iuris esse sinit, præter Lemnum, Imbrum & Scirum: illæ siquidem ut ab initio fuere, Atheniensium sunt. Proinde quicunq; pacis cōditiones has minus susceperint, his ego cum obtemperantibus terra mariq; nauibus ac pecunijs, cunctis deniq; uiribus bellum inferam. Hæc cum ciuitatū audissent legati, domum renunciant: & reliqui omnes pacem iuramento firmarunt, exceptis Thebanis, qui omniū Bœotiorum uice iurare uoluerunt: quod iuramentū Agesilaus haud suscipiendum esse asseruit, ni id quemadmodū regiæ iuberent literæ, præstaretur, nèpe ut paruæ ac magnæ ciuitates liberi iuris essent. Thebanorū uerò legati, hæc in mandatis non habere, responderūt. Ite igitur, Agesilaus inquit, ac interrogate, uestrisq; hæc nunciate: si nō parebunt, extra pacis futuros conditiones. Et illi discessere. Agesilaus uerò propter Thebanorum odium nil cun-

Etatus est, sed Ephoris in suam traductis sententiam, confestim rem sacram fecit: cumq; litasset, Tegeam transijt, equitesq; undiq; ad circumiacentes misit ciuitates, qui socios festinè cōuenire iuberent: mercenarios præterea acciuit milites. Sed antea quàm ex Tegea moueret, aderant Thebani, offerentes se ciuitates liberas dimissuros. Sicq; Lacedæmonij domum regressi. Thebani uerò pacis condiciones acceptare, Bœotiaq; ciuitates sui iuris relinquere coacti sunt. Cæterum cum nec Corinthij Argiuorū dimisissent præsidium, Agesilaus ijs quoq; bellum cōminatus est, ni è ciuitate præsidium emitterent: pariter & Argiuis, ni suos abducerent. Qua denunciatione utriq; territi, Argiui urbe excessere, Corinthumq; liberā reliquere. Id cum cædis rei, quiq; illis adhæserant, didicissent, & ipsi ex Corintho aufugere: reliqui uerò ciues haud inuiti exules recepere. His actis, ac pace quam rex dederat ab omnibus suscepta ciuitatibus, exercitus utrinq; tam terra quàm mari dissoluti sunt: & inter Lacedæmonios, Athenienses ac socios, post antè actum bellum, in quo Atticæ diruti sunt muri, hæc prima subsecuta pax est. Cumq; in eo bello Lacedæmonij hostibus uiriliter restitissent, longè gloriosiores in hac pace, quàm ea quæ Antalcides appellatur, apparuere: siquidem regij pacis executores constituti, ciuitates in libertatem uendicarunt, Corinthumq; in societate recepere. Thebanos quoq; coegere, ut Bœotia ciuitates, quod diu desiderarant, suo permitterent iure uiuere. Argiuos quoq; ut à Corintho abstinerent, perpulere: bellum interminati, ni inde præsidium deducerent. His ita ex sententia dispositis, uisum est eis ita cum socijs qui egregiè se in bello gesserant, quiq; in hostes propensiores fuisse

fuisse uiderentur, agere, ne aliquo pacto ab illis quādoq; deficere possent. Primò igitur ad Mantineos miserunt, eosq; mures diruere iusserūt, prædicātes haud aliter illis fidere posse, ne ad hostes deficerent: siquidem pro comperto se habere asserebant, quòd Argiuos hostes frumēto inuissent. Illis præterea crimini dabāt, quòd inducias prætendentes, unā militare renuissent: & si quandoq; cum eis in militiam exiissent, data opera ignauiter se gessissent. Noscere præterea aiebāt, illos iniquo ferre animo, si quid boni eis accidisset: rursus si in calamitatē incidissent, gaudio non mediocri effèrri ferebantur. hocq; anno fœderatricēnalia, quæ post Mantineū bellum facta erāt, exiere. Cæterum cum Mantinei muros diruere nollent, bellū eis inferre decreuerunt. Agesilaus uerò summopere expeditionem hanc deprecatus est, ostendens beneficia à Mantineorum ciuitate multa ac egregia, tēpore Messeniti belli, in patrem suum collata: quapropter Agesipolis exercitū eduxit, quāuis & pater ipsius Pausanias, Mantinensi populo summa beneuolentia deuinctus fuisset. Primò igitur prædabundus per agrum discurret, incendioq; cuncta uastat. Sed cū hostes intra muros se tenere cerneret, fossam profundam urbem circa effodere instituit, dimidiamq; exercitus partem laborantibus præsidio esse, ac quiescere, aliam uerò labori intēdere iussit. Perfècto opere securius iam circa urbem sedebat. Verū cum cōsiderasset urbem frumento copioso refertam, omnifarioq; cōmeatus genere abundare (nam fertilitas magna in priorem inciderat annum) ueritus ciuitatem ac socios agrè laturos, si tanto tempore cum exercitu urbē obsideret, fluuij cursum, qui haud exilis urbem interfecat, sistere conatus est: obstructo

enim illius decursu, supra domorū ac murorū fundamēta stagnare coëgit. Cumq; assidua inundatione inferiores al luerentur lateres, superioresq; pondere murum degrauarent, primo fathiscere, inde penitus ruinā minari coëpit. At Mantinenses, ne turres deciderēt, munimentis ac operibus resistebant ligneis, nec frustra per tempus aliquod elaborabant. Verū cum fundamenta uehementi undæ premerentur stagnatione, uerebantur ne si murus per circuitum rueret, ciuitas dirueretur, ipsi uerò in prædā abducerentur: quapropter se iussa facturos paratos esse obtulerunt. At Lacedæmonij illos in deditionem amplius recipere noluerūt, ni per uicos habitarent: at illi necessitate coacti, in id quoq; cōsensere. Cumq; quæstores ac populi præsides mortem formidarēt, pater ab Agesipoli de illis securitatem impetrauit, ut omnes (sexaginta erant) salui ab urbe discedere possent: & Lacedæmonij iuxta portas ab utroq; uiæ latere cum hastis stabant erectis, illos egredi uidentes & execrantes: uix etiam ab Mantineorū primoribus manus abstinuere, quod manifestum tyrannidis fuit indicium. Inde muri diruti sunt, ac in quatuor partes Mantinea dispersa est, quēadmodum & olim habitabant. Admodum igitur sub initium ægrè ferebant, quòd domus proprias subuertere, ac nouas edificare cogerentur. Verū cum locupletiores inter eos qui proximè habitabāt, principatum gererent, & ab grauissimis immunes essent oneribus, tandē lætabantur: & Lacedæmonij illis ex communi sentētia præfectos inde miserunt, multoq; alacrius ex uicis militabant quàm antea, cum in populari degerēt statu. Et quæ circa Mantineam hoc pacto gesta sunt, prudentiores reddiderūt homines, ne per urbes flumina deriuarent.

riuarent. Eodem tempore Phliasiorum exules cum Lacedæmonios diligenter perpendere nouissent, quemadmodum sociorum singuli in bello se gessissent, temporis freti opportunitate, Lacedæmonem uenere, illisq; ostenderūt, quandiu ipsi urbem inhabitassent, Lacedæmonios in ciuitatem receptos esse, in militiamq; ciues quocunque ducti essent, subsequutos fuisse: eis uerò expulsis, Lacedæmonios amplius in urbem admissos esse solos minime, uerū ex omnibus hominibus exclusos. His auditis, Ephori rem hanc haud contemnendam esse rati, legatos ad Phliasiorum mittunt ciuitatē, qui dicerēt: Exules Lacedæmonijs amicos esse, eosq; iniuste urbe pulsos: dignum igitur censere illos sponte suscipere, ne ui eos reducere cogerētur. Phliasij his auditis, uerebantur ne bellum eis inferretur. Cumq; à pluribus hortati essent ut exules reducerēt (nam multi exulum consanguinei qui illis fauebant, in ciuitate remanserant: erant & quidam, qui, ut in pluribus accidere solet ciuitatibus, res innouari cupiebant) partim timore, partim persuasionibus cōmoti, Phliasij de reducendis exulibus decretum fecere: & bona quæ comparerēt, illis reddi: quæ uendita essent, ex publico persolui statuerunt: & si disceptatio hac de re orta esset, iudicio finiri censuerunt. Et de Phliasiorum exulibus hoc pacto eo tempore actum est. Aduenere interim ex Acantho & Apollonia ciuitatibus maximis circa Olynthum, Lacedæmonem legati. Ephori uerò cū aduentus causam didicissent, ad concilium & socios illos produxere: ubi Cligenes Acanthius ita disseruit: Rem quæ in Græcia pullulare incipit, uos, Lacedæmonij ac socij, penitus latere arbitramur. Siquidē Olynthum Thraciæ ciuitatē esse maximam, fermē omni-

nibus notum esse credimus. Porro Olynthij uiribus suis freti, ciuitates quasdam subegere paruas, quas & legibus ac institutis suis uiuere coëgerunt. Inde maiores quoque nonnullas aggressi, in suam redegere potestatem. Eo successu elati, Macedoniae quoque ciuitates ex Amynthæ Macedoniae regis seruitute in libertatem uendicare ausi sunt. Proinde postquam uiciniores in suam traduxere sententiam, ad remotiores ac maiores quoque aspirare cœperunt: soli quoque nos, qui inter reliquas ciuitates Pellam quoque maximam Thraciae possidemus urbem, relictis sumus. Scimus equidem Amyntham non solum ciuitatibus paternis excidisse, sed & tantum non tota pulsum esse Macedonia. Tandem Olynthij ad nos & Apolloniates miserunt, bellumque, ni eos militia sequeremur, interminati sunt. Et quamuis, ô Lacedæmonij, proprijs institutis & patrijs uiuere legibus summopere desideramus, ni quis tamen nobis opem ferat, penitus illis adhærere cogemur. Id si fiet, armatos haud minus octingentos, clypeatos uerò multò his plures, equites uerò iunctis nostris mille circiter ad bellum educere poterunt. Reliquimus quoque ibi cum discederemus, Atheniensium ac Boeotiorum legatos: audiuius præterea Olynthios & suos elegisse legatos, quos ad ciuitates eas de contrahenda mittant societate. Atqui si uis tanta Atheniensium ac Thebanorum accedat potentiae, uidete ne & uobis tandem intoleranda reddatur. Si enim Potidæam occupabunt, cum illa in Palleneo sita sit Isthmo, existimate ciuitates cunctas intra illam sitas, in potestatem eorum uenturas. Quod uerò ciuitates maximè Olynthios uereantur, fortissimum hoc est indicium, quod uehementi illos prosequuntur odio, nec tamen ad illud detegendum huc non

huc nobiscum legatos mittere ausi fuere. Proinde & hoc considerate: cum uos summopere curam geritis ne Bœotij in unum coëant, quo pacto illos quos supra modū atque tolli cernitis, negligere uobis tutum sit: præcipuè cum uis ea non solū terra, sed & mari augeatur & crescat. Quid enim illis impedimento esse poterit? cum regio ea naualis materiei sit fertilissima: pecuniarū uerò redditus ex multis portubus, uarijsq; eueniat emporijs: ac propter soli ubertatem numeroſo urbes colantur populo. Præterea Thraces qui sine regibus degunt, illis uicini fiūt, qui nūc quoq; Olynthios colunt. Quòd si ipsis subdentur, magna quoq; & hæc eis accedet potentia. Nam & aurifodinæ quæ in Pancaea sunt sitæ regione, illis manus porrigent. Quamuis nō hoc asseramus, quin multa in Olynthiorum sint populo, quæ iustè reprehēdi queant. Quis enim eorum uitia explicare posset? Siquidem deus æqualiter inter homines potentiā & fastum crescere uoluit. Hæc igitur nos, Lacedæmonij ac socij, quo pacto se habeant, ueraciter retulimus: uos uerò si cura digna uideātur, in tempore consulatis. Nolumus demum uos ignorare, potentiā eam quam tantam esse demonstrauius, non penitus inexpugnabilem esse. Ciuitates enim quamprimum de comuni intelligent societate, extēplo pro amicis inimici eua dent, ab illisq; deficient. Quòd si, ut decretum est, connubia inter se contrahent, ac inuicem coalescent, intelligent præterea uictores sequi lucrosū esse, quemadmodū Arcades cum uobiscum uadunt, sua seruant, aliena uerò diripiunt, non tam faciliè dehinc res dissolui poterit. His dictis, Lacedæmonij socijs dicendi dedere facultatem, ac ut in medium consulerent iussere, quid Peloponnesiſibus ac

socijs uniuerſis utiliſſimum eſſe cenſerent. Maior itaque
 pars bellum ſuſcipiendum eſſe ſuaſerunt, potiſſimum qui
 Lacedæmonijs aſſentiri cupiebāt: ac præſidium mille mi-
 litum in utranque ciuitatem mittendum eſſe cenſuerunt.
 Actum quoq; eſt, ut ciuitates militum loco pecunias per-
 ſoluere poſſent, triobulum ſcilicet Aeginæum pro pedi-
 tibus ſingulis, pro equite quadruplum. Quòd ſi quis mi-
 lites ad expeditionē eam mittere negligeret, ſtaterē mul-
 tæ loco ſingulis diebus in ſingulos conſtituerunt milites.
 His actis ſurrexere Acanthij, omnibuſq; oſtenderunt, re-
 ctè hæc eſſe decreta: uerū quoniam exercitus tam cele-
 riter cogi non poſſet, optimum interim eſſe, ducē quen-
 dam conſeſtim illuc cum præſidio Laconico ac ſociorum
 mitti: id ſi fieret, ciuitates quæ nondum Olynthijs adhæ-
 ſiſſent, uacillaturas: quæ uerò illis ſubeſſent, de induſtria
 ignauiter acturas. Id cum omnibus placuiſſet, Lacedæmo-
 nij Eudamidem illuc emiſere: cui Neodamodū, accolarū
 & Sciritum circiter millia duo attribueret: & ille conſe-
 ſtim abiit. Ephoros uerò exorauit, ut fratrem Phœbidam
 militibus qui illum ſequuturi erant, præficerent. Ipſe ue-
 rò cum in Thraciā perueniſſet, ſocias ciuitates præſidijs
 munijt: Potidæam uerò iam Olynthiorum ſociā uolunta-
 ria deditione cepit: ex qua progreſſus bello, ut par erat,
 uiribus inferiorem laceſſebat. Phœbias interim collectis
 qui Eudamidem ſequuturi erant, pergebat: cumq; The-
 bas ueniſſet, ante urbē iuxta gymnaſium caſtra collocat.
 Laborabant tum fortè Thebanorum polemarchi dome-
 ſtica ſeditione, Iſmenias & Leontiades, corpusq; ciuitatis
 in medio relictū diuerſæ factiones diſtrahebant: & Iſme-
 nias quia Laconici nominis ex proſeſſo inimicus erat, cū
 Phœbijs

Phœbida minimè congressus est. Leontiadès uerò illū omnibus demerebatur officijs, eumq; his aggressus est uerbis: Oblata est tibi, ô Phœbida, occasio hac die rem magnam ac patriæ tuæ utilissimā peragēdi: si enim me cum militibus subsequēris, in arcē te deducam. Id si fiet, existima Thebas penitus Lacedæmonijs ac nobis amicis uestris subiectas esse: quandoquidem nunc, ut cernis, decreto inhibitus est, neminem Thebanorum tecum contra Olynthios militare. Quod si rem hanc nobiscū peregeris, confestim multos cum pedites, tum equites tecum missuri sumus, ita ut ui magna fratri tuo auxilium ferre possis: Et dum ille Olynthum subiget, tu Thebas multò maiorem Olyntho ciuitatem in tuam rediges potestatem. Hæc cum Phœbidas audisset, animo elatus est: magis etenim gloriæ, quàm uitæ tenebatur desiderio: non enim à natura nitiū callidus seu prudens erat. Cum igitur illi assensum præstisset, eum tāquam abiturum exercitū mouere iussit: cum uerò tempus aderet, Leontiadès inquit, egomet ad te deducendum ueniam. Cum itaq; senatus in fori porticu consedisset (mulieres etenim Cerealia in Cadmia celebrabāt, æstasq; ac meridies, & ideo solitudo multa in uijs esset) Leontiadès consenso equo, ac ad Phœbidam aduectus, confestim illum in arcem deducit: traditisq; illi portarum clauibus, hortatus est, neminem, nisi quem ipse iussisset, in arcem admitteret. Ipse uerò senatum ingressus, ita loquutus est: Quod Lacedæmonij, ô uiri, arcem obtinent, nolite egreferre: nulli enim se bellum illaturos aiunt, nisi qui belli desiderio tenetur. Cum uerò lex permittat, polemarchum, qui morte digna commiserit, capere, ego Ismeniam hunc ut hostilia machinatum comprehendo: qua-

propter satellites & ministri hunc accipite, ac quò iussi estis, ducite. Illi uerò confestim accurrentes eum comprehendunt. Qui igitur conscij erant, illi auxilium præbuerunt, manusq; pariter iniecere: qui uerò rei huius ignari erant, ac contra Leontiadem sentiebant, partim ex urbe confestim aufugerunt, uerètes ne interficerentur, partim domum se contulerunt. Cum uerò Ismeniā carceri in Cadmia mancipatum esse cognouissent, Athenas fuga delati sunt. Erant uerò qui Androclidi ac Ismeniae adhæserant, quadringenti circiter uiri. His actis, pro Ismenia polemarchum alium elegere. Leontiadēs uerò confestim Lacedæmonē profectus est, inuenitq; Ephoros ac uulgus grauiter ferentes, Phœbidam rem tam magnam & minus sibi à ciuitate commissam aggredi ausum. Verùm Agesilaus se interposuit, asserens, si damno Spartam affecisset, dignū esse qui hanc ob rem pœnam subiret: sin uerò commodo, spōte ex priscæ legis forma suscipiēda, quæ proprio peregisset instinctu. Primū igitur discernendum esse, num quæ egisset, damno seu utilia forēt. Leontiadēs uerò cū illi senatus datus esset, ita uerba fecit: Viri Lacedæmonij, antequam hæc gesta essent, uos ipsi Thebanos hostili animo contra uos extitisse non obscurè professi estis: siquidē illos semper aduersarijs uestris amicos, socijs uerò inimicos esse cognouistis: quandoquidem contra inimicissimū uobis in Piræo populū uobiscum militare noluerunt: Phœcenses uerò, quoniā illos propenso animo in uos esse cernerent, bello aggressi sunt. Præterea quia uos bellum contra Olynthios moliri senserunt, societatem cum illis contraxere. Proinde semper ueriti estis, ne sibi totā aliquando subijcerent Bœotiam. Nunc uerò, his actis, haud amplius

plius Thebani uobis timendi erunt, sed uobis sufficiet scy-
tale perbreuis, ut in cunctis quæ iusseritis, illi uobis pare-
ant, si saltem ut nos uestri, ita & uos nostri curam gesserit-
tis. Quæ cum Lacedæmonij audiuiſſent, arcē occupatam
ſeruari debere, Iſmenia uerò iudicio ſiſti cenſuerunt. Mi-
ſerunt itaq; iudices ex Lacedæmone tres, à ſocijs uerò ur-
bibus tam magnis quàm paruis unum. Qui cum ad iudi-
ciū conſediſſent, Iſmenias de pluribus accuſatus eſt, quòd
barbaris ſcilicet faueret, quodq; ob nullum Græciæ com-
modum Perſarum hoſpes factus eſſet: & quòd Perſicæ pe-
cuniæ particeps factus eſſet: quodq; ipſe & Androclides
cunctarum in Græcia perturbationū potiſſima cauſa ex-
itiſſent. Ad quæ ille reſpondit, nec tamen male acta, bene
geſta eſſe perſuaſit: quapropter damnatus morte pœnas
luit. Inde Leontiades & qui illi adhærebant, ciuitatē ob-
tinuere, lōgeq; plus Lacedæmonijs quàm iuſſi eſſent, ob-
temperabant. Lacedæmonij uerò his actis, multò alacrius
Olynthiaco intenti bello erant. Teleutiam igitur harmo-
ſten cum haud contemnēda manu illuc mittunt: cum quo
ſociorum auxilia cuncta ire iubent, ac undiq; in conſœ-
deratas ciuitates ſcytalas mittebāt, quibus ex ſœderis for-
ma ſocios Teleutiam ſequi mandabant, qui omnes alacri-
ter Teleutiæ paruere: non enim moleſtum erat ſeruituti
ſubiectis obedire. Thebana quoq; ciuitas, tanquam Age-
ſilai fratri prōptè pedites ac equites præbuit. Et ille quā-
uis feſtinaret, non tamen admodū progrediebatur, ne ami-
cis moleſtus eſſet: omnē tamen exercitum pauliſper con-
trahebat. Ad Amyntam quoq; præmiſit, illumq; ut mer-
cenarium militem cōduceret, rogauit: & ſi principatum
recipere uellet, uicinis regibus ut in ſocietate manerent,

pecunias daret, hortatus est. Ad Derdam quoq; Elemiae principem misit, illiq; ostendit, cum Olynthij maiore Macedoniae potentiam subegissent, minimè donec minorem quoq; sibi parere coegissent, cessaturos, ni quis illos iniuria abstinere cogeret. His actis, cum ingenti exercitu, multisq; in societate accitis, Potidaeam uenit, ibi uniuerso collecto exercitu, in hosticum profectus est, rectaq; ad urbem tendit: nec tamen agrum ferro seu flamma uastauit, ratus si id ageret, & eunti ac redeunti impedimentum allaturum. At cum ab urbe regrederetur, tum rectè arbores incisurum, ne quis ipsum à tergo aggredi posset. Cumq; haud longius quam decem ab urbe abesset stadia, agmen sistit, & cornu dextrum ipse ducendum sumpsit, ut si hostes egressi forent, ipse potissimum cum his congrediretur. Reliqua sociorum phalanx in dextro collocata erat cornu: cui & Laconici, Thebani, & Macedonum quotquot aderant equites iuncti sunt. Ipse uerò Derdam cum equitibus illius quadringentis circiter secum retinuit, ut & equitatui assentiretur, Derdaeq; rem gratam faceret, qui letus illum sequebatur. Itaq; hostes urbe egressi, sub muris acie instruant. Interim equitatus illorum in Lacones & Thebanos impetum faciunt, Polycharmumq; Laconem equitum praefectum equo deturbant, iacentemq; multis conficiunt uulneribus: quamplurimos quoq; alios interficiunt. Tandem ad dextrum flexere cornu, ubi cum equites in fugam uertissent, uniuersus peditatus inclinare coepit: exercitusq; omnis in ultimum deductus fuisset discrimen, ni Derdas cum equitatu suo ad Olynthiorum portas usq; prouectus, Teleutiasq; illum cum suis subsequutus fuisset. Siquidem id Olynthiorum cernentes equites, ac pariter timetes ne

ab urbe intercluderentur, citatis regressi sunt equis: in quos inuectus Derdas, quamplurimos interfecit. Peditatus quoq; Olynthiorum paucis desideratis in urbem regressus est: ille enim proximè muros cōstiterat. Teleutias parta uictoria trophæum statuit, ac inde digressus arbores incidit. Et æstate ea hac expeditione peracta, Macedonum & Derdæ domum dimisit exercitū. Olynthij uerò nihilominus Lacedæmoniorum in se stabāt socios: nam direptis incensisq; uillis, homines quoq; trucidabant. Ineunte uere, Olynthiorum equites quasi sexcenti sub meridiem Apolloniensium irrumpentes fines, cuncta populabantur. Contigit eadem die Derdam cū equitatu Apolloniam ingressum, ac prandentem excursionem cernere: qui cum equites arma induere, equosq; paratos habere iussisset, tantisper quieuit, quoad hostes per contemptum ad suburbana & portas usq; progressos esse cōspexisset: tum composito agmine undiq; erumpit. Id cum hostes uidissent, in fugam uertuntur: quos ad nonaginta fermè stadia persequutus, quāplurimos ex illis interfecit, reliquos ad muros Olynthiorum usq; palantes egit. Feruntur certamine illo octoginta circiter equites à Derda cæsi esse. Exinde hostes se plurimum muris continebant, nec terrā amplius colere poterant. Succedenti tempore Teleutias rursus copias ad Olynthū duxit, ut arbores quæ reliquæ erant, incideret. At Olynthiorum equites urbe egressi, fluuium iuxta urbem labentem quietè transgressi, illi obuiam pergunt: quorum audacia indignatus Teleutias, Tlemonidem clypeatorum præfectum cursu eos aggredi iubet. At Olynthij uidentes peltastas irruere, conuersi, ac rursus quietè amnem transgressi abierunt. Quos discedētes La

cedæmonij fortiter tanquam fugientes insequuti, flumen ipsi quoq; transcendunt. Olynthij conspecta eorum paucitate, & quia se superiores credebant, conuersi in illos impetum faciunt, Tlemonidēq; in primis, inde quasi centum interficiunt. Teleutias rei indignitate motus, confestim uniuersam educit phalangē: clypeatos uerò ac equitatum subsequi iussit: ex quibus plurimi, quia muris nimium appropinquassent, male accepti sunt: nam à turribus telis impetiti, ignominiose reuerti cogebantur. Interim Olynthij cum clypeatis equitibus opem ferunt, tandē grauis quoq; armatura urbe egressa est: hi omnes phalangē turbatam nacli, primo impetu fundunt, Teleutiamq; impigrè bellum cientē obtruncant: quo cæso acies inclinare coepit, omnesq; in fugam uersi sunt, partim Acanthum, ac Spartolem, alij Apolloniam euasere, plurimi uerò Potideam fuga delati sunt: & quemadmodum diuerse fugiebant, ita diuerse quoq; hostes insequuti sunt, adeò ut magna ex parte cæsi, flos quoq; totius exercitus ea desideratus sit fuga. Arbitror uerò tali calamitate homines, si rectè considerauerint, prudentiores reddi debere: nam neq; domesticos ira cōmotos plectere decet: sapius enim domini irati maiora perpeSSI sunt mala, quàm intulerunt. Proinde hostes nec ratione, sed inconsultè aggredi, delictum existit maximū: ira enim temerè omnia fiunt. Ratio uerò nil incōsulti admittit, sed diligēter quo pacto hostes offendere ualeat, perpendit. Lacedæmonij audito pugnae euentu, maioribus uiribus rem aggredi statuerunt: timebant enim ne uictoribus obsequundam belli fortunam animus cresceret: præterea cladem inultam relinquere nolebant. Agesipoli igitur regi bellum hoc demandari, trigintaq; Spartas

Spartanos quemadmodum cum Agesilao in Asiam mitti placuit: quem multi fortes ac strenui sequuti sunt uoluntarij: hospites quoq; alumnorum appellati, ac Spartanorum nothi, uiri egregij, ac optima præditi indole, rerūq; urbanarum haud inexperti. Militarunt & cum eo ex socijs ciuitatibus quamplurimi spontanei, inter quos erant Theſſalorum equites, qui Agesipoli noti fieri cupiebant: Amynthas quoq; & Derdas, acrius quàm antea bello incumbentes. Et Agesipolis cunctis ex sententia ordinatis, contra Olynthum duxit. Phliasiorum interea ciuitas cum in belli usum multas Agesipoli pecunias tradidisset, ab illoq; laudata esset, rata cum Agesipolis foris militaret, alterum regem Agesilaum minimè contra illos exercitū educturū (haud enim fieri posse ut reges ambo à Sparta abessent) temerariè cuncta, ac contra fœdera agere cœpit. Exules enim quæ dubia erant, æquo iudicio finiri rogabant: at illi in ciuitate ipsa lites dirimere cogebant. Cumq; expulsi interrogassent, quodnam iudicium illud futurum esset, in quo iudices qui illos præcipuè iniuria affecerāt, iudicaturi essent, nil respondebant. Idcirco extorres acti Lacedæmonem profecti, ciuitatem propriam accusabāt. Hos domestici plures insequuti sunt, qui & ipsi haud iusta illos pati ostenderunt. Phliasij hanc ob rem indignati, omnibus qui Lacedæmonē transierant, præterquam qui publico nomine illuc missi erant, mulctam indixere: at mulctati abire cunctabantur: manentes uerò intellexere, illos hæc machinari, à quibus antea eiekti erant, quiq; à Lacedæmonijs defecerant: hi enim bona exulum emerāt, & ne illa reddere cogerentur, timebant: quapropter ut qui Lacedæmonem perrexerant mulctarentur, effecere,

ne posthac quisp̃iā tam facile illac transire, ac quæ in urbe fierent, prodere auderet. Cum itaq; Phliasij contra pacta fecisse uiderentur, bellum ab Ephoris contra illos decretum est. Nec Agesilao inuito ea suscepta est expeditio: hospites enim patris Archidami fuerant, qui cum Podanemo extorres acti erant: sui ipsius uerò, qui cum Proclea Hipponici filio effugerant. Cum primum itaq; litasset, exercitum eduxit: cui obuiam facti Phliasiorū legati, orantes ne illis bellū inferret. Quibus respondit: Nō ideo bellum susceptum esse ut aliquis iniuria afficeretur, sed ut iniuria affectis opem ferret. Tandem legati omnia se facere paratos esse ostenderūt, solū ne agrum incursaret, precabantur. Quibus ille rursus respondit: Verbis eorū, cū antea mentiti fuissent, credere non posse, nisi rem fide dignam agerent. Cumq; illi quid id esset, quæ fuissent: iterū intulit, si id quod postulo feceritis, minimè ladedmini: hoc est, si arcem nobis tradideritis. Id cum facere negassent, infesto agmine fines eorū irrumpit, cōfestimq; muro illos circundans obsidebat. Verū cum plures Lacedæmoniorum ægreferrent, quòd paucorum hominum gratia, plures quàm quinq; millia hominum occumbere deberent (nam Phliasij ita disseminabant) contra quæ Agesilaus talem ingressus est uiam: quicunque propter cognitionem seu amicitiam exulum ad illum trās fugissent, his cōmeatum ac necessaria cuncta præbere iussit: arma insuper tradidit, nec pecunijs ullis hac in re pepercit. Breui itaq; effecit, ut plus quàm mille egregios ac fortes uiros sub armis haberet, qui etiam Lacedæmonijs ipsis haud indigni qui unà militarent, uiderētur. Et Agesilaus his incumbibat. Agesipolis uerò cōfestim ex Macedonia

ad Olynthiorum urbem exercitum duxit, illisq; pugnandi copiam fecit. Cumq; nemo contrà exiret, ad agros depopulandos transijt, Toronemq; ui cepit. Sed cum torrida æstate laboribus minimè parceret, acuta febre correptus est. Cumq; pridem Dionysij in Aphyto uidisset templum, desiderio umbræ, limpidæq; ac frigidæ quæ illic erat captus aquæ, illuc uiuus delatus est, septimâq; die postquam febre correptus esset, extra tēplum occubuit. melle inde curatus, domum relatus est, regiaq; illi contigit sepultura. Agesilaus his auditis, non, ut quidam existimassent, ob aduersarij casum lætatus est, sed humaniter mortem illius lachrymatus est, & conuersationem defleuit. Reges enim cum domi sunt, unà habitare consueuerunt: nam Agesipolis in iuuenilibus, uenaticis, equestribus, ac iucundis sermonibus, Agesilao semper comes fuerat: præterea illum, ut decebat, in cōmuni habitatione iuuenis seniorē semper ueneratus fuerat. Lacedæmonij Polybiadem in illius locum ad Olynthiacum misere bellum. Agesilaus interim tantum tempus quo frumentum deficere Phliunti debebat, obsidione consumpserat: uerū tantum inter uentris distat abstinentiā, ut cum Phliasij dimidium tantū quàm antea inter se distribuerent frumentum, duplum quoq; tēporis, ut par erat, obsidionē pertulerint. Tantumq; audacia à pusillanimitate differt, ut Delphion quidā claro ortus genere, cum triginta alijs Phliasij impedimento esse potuerit, quo minus pax sancita sit: potensq; fuerit & hos comprehendere, illos in uincula conijcere, alios adoriri, ac in suam trahere sententiam: sæpius etiam per eruptionem cum his quos circum se habebat, in stationes irrumpere, & alios alibi aggredi. Tandē

cum inopia extrema laborare cœpissent, nec amplius frumentum in urbe superesset, ad Agesilaũ miserunt, rogantes ut per inducias illis legatos Lacedæmonem mittere liceret: nam magistratibus urbem ut ea ex libito uterentur, tradere, paratos esse se ostendebant. At ille hanc ob rem iratus, seq; cōtemni existimans, Lacedæmonem mittit, ac per amicos egit, ut Phliasiorum res liberè illi permitterentur: & quāvis legatos per inducias suscepisset, custodiam tamen diligentiorē quā antea, ne quis urbe effugere posset, adhibebat. Delphion tamen & Stigmatias quidā, quamvis undique armis septa esset, nocte aufugerunt. At cum à Lacedæmone aduenissent qui nunciarent, Agesilaos concessum esse, ut de Phliasiorū ciuitate quicquid libitum esset, statueret, ita decreuit: Quinquaginta uiros de exulibus, quinquaginta quoq; Lacedæmonios primò iudicare debere, quem in urbe uita, quemq; morte dignum censerent. Inde leges statuere, quibus urbs regeretur: & quoad hæc peragi possent, præsidium illis, semestreq; stipendium reliquit. His actis, dissoluto exercitu socios dimisit, ciues uerò domum reduxit. Et hæc ita circa Phliuntem, per annum & menses octo gesta sunt. At Polybiades Olynthios fame ac omniū rerum laborantes penuria (nil enim terra colere, nec mari inferre poterant) legatos de pace petenda Lacedæmonem mittere cōegit. Cumq; illuc liberis uenissent mandatis, bellum his conditionibus disreptum est, ut eosdem hostes ac amicos, quos & Lacedæmonij, haberent, & existimarent: quos & quocunq; ducerent sequerentur, ac socij essent. Cumq; super his iuramentum præstitissent, domum reuersi sunt. Eo successu Lacedæmonij elati, animo uersare cœperunt, quo pacto Thebas

Thebas ac reliquas Boeotiae ciuitates penitus suo subijcerent imperio: Corinthios uerò fidiſſimos redderent: ac Argiuos ne ob menſtruos redditus animos extolleret, deprimere, Athenas uerò penitus deſolare poſſent. Arbitrabantur ſiquidem, depreſſis ſocijs, qui potiſſimum ipsis reſiſtere ualerent, principatum pulcherrimum ac firmiſſimum ſtabilitū iri. Et quamuis multa tam græca quàm barbara in medium deduci poſſent, quemadmodum diſceſtos, impios, & iniuſtos minimè negligunt, præſentium tamē narratione ſolū contentus ero. Lacedæmonij enim quamuis ciuitates liberas dimiſſuros iuraſſent, arcē tamē Thebanā retinebant, quam his qui extorres acti fuerant, cuſtodiendam tradidere: quamuis antea nulli hominum ſubiecta fuiſſet. Verū ſtatim eorum qui Lacedæmonijs arcem tradiderant, ac ciuitatem ſeruituti ſubiecerant, ut ipſi tyrannidem obtinere ualerent, ſeptem ſolū exules diſſoluere potuere. Id uerò quemadmodum acciderit, explicare pergam. Erat quidā Phyllidas, qui ſcribæ officio ſub Polemarchis, qui cum Archia præerant, fungebatur, cæterisq; in rebus egregiè ſe geſſerat. Hic cum Athenas priuati negocij cauſa applicuiſſet, illic enim notus erat, Mello Thebano qui ibi exulabat conuentus, & de Archie præfectura, ac Philippi tyrannide interrogatus eſt: cui cum rem domeſticam diſplicere ſenſiſſet, fide data & accepta, de ſingulis cum eo conuenit. Inde Mellon aſſumptis ſecum fidiſſimis exulum ſex, nil præter enſes ferentes, ſub noctis initium in Thebanorum conceſſit ſines: ubi clanculum per diem deliteſcens, ſub ueſperum, tanquam ex agris reuerſus, cum ſocijs portas ingreſſus eſt. Cumq; urbem intraſſent, nocte illa apud quēdam Charonē per-

noctarunt, cum quo & sequentem egere diem. Phyllidas interea cum cætera ex sententia ordinasset, polemarchis ut sub exitum magistratus Aphrodisia celebrare possent, mulieres omnium in Thebis pulcherrimas ac uenustissimas se adducturum promittit: illi uerò, nam tales erant, audivissimè concubitus expectabant. Cum itaq; coenassent, ac præcedente potu uino incaluissent, promissa exigunt, foeminasq; produci iubent. Ille egressus Mellonis tribules tres matronali habitu, alios sub famularum adducit specie: illisq; parumper expectare iussis, rursus ingressus Archia ait, foeminas intrare nolle, nisi ministri ablegarentur. Quibus omnibus confestim exire iussis, Phyllidas illis uinum tribuit, sicq; dimisit. Inde fictas introducit meretrices, ac propè sedere iussit. Erat autem inuasionis signum, cum sedere iuberetur. Illi itaq; confestim eductis gladijs, polemarchos petulantes interfecere. Alij ferunt, saltantes ingressos esse, ac polemarchos occidisse. Inde Phyllidas tribus secum assumptis, ad Leontiadis proficiscitur ædes, ostioq; pulsato, ob rem arduam annunciandã, à polemarchis se missum esse ait. At ille (scorsum enim post coenam recumbebat, uxorq; illi lanificio incumbens assidebat) nil mali suspiciãs, Phyllidã cum socijs introire iussit. Illi ingressi, eum interfecere. Timentes uerò uxorem, ne clamorem tolleret, illam ostium obserare iusserunt: si uerò apertum relinqueret, rursus ingredi, ac omnes qui in domo erant occidere uelle, interminati sunt. His gestis, Phyllidas duobus secum assumptis, ad carcerẽ pergit, ac custodi ait, se uirum quendam præfectorum iussu uinculis mancipandum adducere: & ille reßerato carcere protinus interfectus est. Vincti inde omnes soluti sunt: quos celeriter

celeriter à proxima porticu armis detractis armauit, ac ad Amphium produxit, illicq; aciē sistere iubet: inde per præconem Thebanos omnes tam equites quàm pedites progredi iubet, quoniā tyranni morte pœnas dedissent. Ciues uerò quandiu nox erat, ob incredulitatem quietem agebant: orta uerò die, req; patefacta, celeriter pedites ac equites armati suppetias ferunt. Missi sunt quoq; equites ad exules qui Athenis uersabantur, ut illis rem annunciant, illosq; in auxiliū aduocarent. Interim harmostes qui arcem obtinebat, audito nocturno præconio, confestim ad Plateenses ac Theßpienses pro ope petenda mittit. Id Thebanorum suspicati equites, Plateensibus obuiā eunt, ac cum illis congressi, plures quàm uiginti interfecerunt: inde in urbem regressi, & cum Atheniensibus ac exulibus, qui iam aduenerant, in arcem impetū faciunt. At qui arcem obtinebant, paucitati diffusi, cum hostium cernerēt audaciam, magna præterea his qui primū muros transcendissent præmia proponi audirent, uehemēter time-
re cœperunt, seq; abire uelle obtulerunt, si liberè cum armis dimitterētur. At illi libenter quæ petebant concessere, induciasq; præstito iuramento pepigere, sicq; illos dimisere. At digrediētibus illis, quoscunq; inimicos esse cernebant, illos obtruncabant: quidam tamen ab Atheniensibus auxiliarijs seruati sunt. Thebani insuper liberos interfectorum quoscunq; comprehendere poterant, iugularunt. Lacedæmonij his auditis, primò harmosten arcis desertorē, quoniam auxilium haud expectauerat, interfecerunt: inde exercitum comparant, quē Agesilaus educere renuit, ostendens se quadraginta ultra pubertatem expleuisse annos: ad quam ætatem cum quis regum per-

uenit, amplius militare haud cogitur. His dictis, à militia se exonerauit: quamuis haud illius rei gratia remanebat, sed quòd optimè nouerat, si exiret, ciuium calumniã, tanquam tyrannis opem ferret, ciuitatiq; negocium iniiciat, non euitaturum: quapropter illis hac de re consultandi liberam reliquit facultatem. At Ephori cum de Thebana cæde certiores facti essent, Cleombrotum tum primũ exercitum educentem, cũ maximè hyems rigeret, emittunt: sed uiam quæ rectè illuc ducit, Chabrias cum Atheniensium clypeatis infederat: quapropter Cleombrotus iuxta Plateas exercitum ducere coactus est. Inde procedens, in eos qui carceribus effractis liberati fuerant, summitatesq; montium custodiebant, incidit: erant hi cētum quinquaginta circiter, qui omnes à clypeatis interfecti sunt, exceptis ijs qui fuga sibi consulere. Inde per Platæensium ac Thesspiensium progressus fines, ad Canis capita, qui lacus Thebanis patebat, castra collocat: ubi sedecim circiter consumptis diebus, rursus Thesspias reuersus est, relictoq; ibi Sphodria harmoste, cum tertia sociorum parte pecunias quæ supererant illi tradidit, mercenariumq; militem conducere iubet: ipse uerò milites reliquos domum per Crasios secum duxit, dubius num bellũ seu pax cum Thebanis futura esset: cum enim in Thebanorũ irrupisset fines, exercitum tamen illæsis quoad poterat agris reduxit. Digredienti quoq; illi uehementissimus incidit uentus, quẽ aliqui futura augurari suspicabãtur: multa enim damna exercitui intulit: nam ex Crasio per montem mari imminentem ducenti, iumenta quamplura impedimentis onusta, in mare præcipitata sunt: arma quoq; militibus erepta, ac ui uenti in mare deiecta sunt. Multi quoq; cum
amplius

amplius arma ferre non possent, in montium summitatibus lapidibus degrauata relinquere coacti sunt. Inde descendentes in Aegosthenis Megarensibus ut potuere conarunt. Postridie uerò regressi, arma relictà abstulere, sicq; singuli domum abiere. Athenienses uerò cum Lacedæmoniorum perpenderet uires, bellumq; amplius haud Corinthi, sed Thebis futurum esse cernerent, Lacedæmoniosq; quasi non Atticam ingressos, ita timore correpti sunt, ut duos ex ducibus qui cum Mellone contra Leontiadem seditionem concitabant, hunc morte, alium, quia rei exitum haud expectauerat, exilio condemnarint. Thebani itaq; maximo terrore perculsi, ac tantæ belli moli impares se futuros rati, talē machinantur dolum. Sphodriæ harmosti, qui in Thespijs cum copijs agebat, pecunia delinito persuadent, ut Atticas ingressus fines, Athenienses Lacedæmonijs hostes redderet: & ille eis assensus, Piræum occupare posse ratus, nam portubus adhuc carebat, milites sumpta cœna à Thespijs abducit, prædicens ingruente die Piræum se uelle occupare. Verum tempore præuentus, haud occultè rem aggressus est, sed undiq; prædabundus discurrens, pecora abigebat, domosq; diripiebat: ex quibus nonnulli effugiētes Athenas nunciant, ingentem aduentare exercitum. Athenienses itaq; celeriter correptis armis, tam equites quàm pedites urbem undiq; seruabant. Contigit eodem tempore Lacedæmoniorum legatos Etymoclē, Aristolochum & Ocellum Athenis apud Calliam hospitem agere, quos Athenienses tanquam huius rei haud ignaros comprehendunt, ac in uinacula coniiciunt. At hi rei nouitate perculsi, ostenderunt se haud ita stultos esse, ut si de occupando Piræo præsciuis-

sent, seipſos ultro capiendos in urbem incluſiſſent. Adde-
 bant inſuper, Athenieſibus manifeſtum fore, Lacedæmo-
 niorum urbē rei huius penitus ignaram eſſe, certiſſimeq;
 ſcire, Sphodriam meritis daturum pœnas: quapropter
 innocentes, ac tumultus huius ignari iudicati, ac dimiſi
 ſunt. At Ephori Sphodriā reuocauere, capitiſq; reum de-
 tulere. At ille timore percuſus minimè paruit. uerùm eſi
 iudiciū contempſiſſet, euasiſt tamen: quæ res multis La-
 cedæmone quoq; iniuſtiſſima uiſa eſt. Id uerò ob talē acci-
 dit cauſam. Erat Sphodriæ filius nuper pubertatē ingreſ-
 ſus, Cleonymus nomine, formoſiſſimus, & inter coæqua-
 les probitate maximè excellens: hunc Archidamus Age-
 ſilai filius deperibat: uerùm amici Cleombroti maximè
 Sphodriam urgebant, nam iniquè illum egiſſe exiſtima-
 bant: Ageſilaum uerò cum amicis timebant. Cleonymum
 itaq; Sphodrias aggreſſus, Poteris, ô fili, inquit, patrē ſal-
 uare, ſi Archidamum rogaueris, ut Ageſilaum mihi ad iu-
 diciū uenienti deliniat. Ille his auditis Archidamū com-
 pellare, ac ut patri ſuccurreret, precari auſus eſt. Archi-
 damus uerò cum Cleonymum plorantem aſtare uideret,
 ipſi quoq; collachrymauit: cumq; precibus inſtaret, illi re-
 ſpondit: Noſti quòd patrem meū uix aſpicere, nedum allo-
 qui audeam: & ſi quid in urbe peragere quæro, ad omnes
 potius quàm ad parentem accedo: ſed cuncta ita ut iubes
 certò ſcias omni me anniſurum diligentia, ut rem tibi ex-
 peditam reddam. Ac his dictis ex Philitio domum abiit.
 Orta uerò die ſurrexit, ac patrem exeuntem obſeruauit:
 qui cum egreſſum uidiſſet, primò ſi quis ciuium aderat,
 illum ſibi aſſiſtere hortabatur. Inde hoſpites, demum ſer-
 uos precibus aggreſſus eſt. Tandem cum Ageſilaus ab

Eurota reuerteretur, domumq; ingressus est, ille haud ultra progressus abiit. Postridie hæc eadem egit. At Agesilaus quã ob rem ille sequeretur suspicatus, haud tamẽ interrogauit, sed tacitus dissimulauit. At Archidamus quãuis Cleonymi teneretur desiderio, nil tamẽ habebat quod illi de patre referret. At Sphodriæ amici cum Archidamum haud amplius è domo procedere cernerent, quamuis antea Cleonymum frequenter concomitari solitus esset, ne ab Agesilao obiurgatus esset, uerebantur. Tandem Archidamus procedere, sicq; patrem alloqui ausus est: Cleonymus, ô pater, me tibi supplicare iussit, ut illi parentem serues: & ego si fas est, id quoque precor. At ille respondit, Tibi ignosco: at quo pacto mihi à ciuitate ignoscendum sit, si uiro iniusto pepercero, qui proprij lucri gratia magna ciuitatem affecit iniuria, haud cerno. Et ille ad hæc nil contradicere ausus, sed iustitia confusus discessit. Postridie uerò regressus, uel ipse præmeditatus, seu ab alio edoctus, talem intulit sermonem: Si Sphodrias, ô pater, nil iniuste egisset, scio ipsum absolueres: nunc si quid peccauit, nostri gratia sibi ignoscas oro. At ille respondit: Num tibi hæc pulchra uidentur? siccine agis? Quæ cum Archidamus audiuiisset, omni deposita spe discessit. Post hæc cum Sphodriæ amicus quidã cum Etymocle sermonem habuisset: Vos, inquit, omnes, ut arbitror, Agesilai amici Sphodriam morte condemnabitis. Cui Etymocles ait: Minimè per Iouẽ, sed omnes cum Agesilao sentiemus: ille enim cunctis, cum hac de re sermo incidit, ait: Impossibile est Sphodriam iniuste quid fecisse, qui & puer, adolescens ac uir, semper egregiè egerit: crudele siquidẽ fore talem interficere uirum, cum præcipuè Sparta similium

indigeat imperatorū. Ille his auditis euestigio Cleonymo nunciat: qui protinus ad Archidamū accurrēs, ait: Quòd nostri curam geris, iam intelleximus: at qui noueris ô Archidame, nos quoq; enixè operam datuos, ne unquam te nostræ poeniteat amicitiae. Nec mentitus est, nam uiuens cunctis illū demeritus est officijs: & in Leuctris ante regem pugnans cum Dinone polemarcho, primus ciuiū in medios irruit hostes, ibiq; egregiè pugnans occubuit, Archidamoq; ut promiserat præstitit, ne ipsius amicitia illi dedecori, sed honori esset. Et Sphodrias hoc maximè effugit pacto. Proinde Athenienses quicunque Bœotijs fauebant, populum instigabant, ostendebantq; Lacedæmonios non solū illatas iniurias ultos non esse, sed potius Sphodriam laudibus extulisse, quòd Atheniensibus insidias molitus esset: quapropter Athenienses Piræum munire aggressi sunt, naualiaq; refecere, Bœotijsq; pro uiribus auxilium ferre statuerunt. Lacedæmonij rursus exercitum contra Thebanos emittere decreuerūt, ac Agesilaū, quia illum Cleombroto expertiorem arbitrabantur, ut expeditioni huic præesset, rogauerūt. Ille uerò nulli rei quam ciuitati acceptā fore cognosceret, se contradicturū ostendit, confestimq; copias cōparat. Cæterum cum haud ignoraret, ni quis uiam in Citheronem ferentem præoccuparet, haud facile in Thebanū agrum transgredi posse, Cleotorienses uerò cōtra Orchomenios bellum gerere, peregrinumq; alere militem nossent, cum eis egit, ut si mercenarij indigeret militis, illi non denegaretur. Cum igitur rem sacram fecisset, antequam Tegeam uenisset, ad præfectum peregrini militis Cletorium mittit, stipendiumq; menstruum persoluit, ac iussit ut Citheronem occuparet:

Orchos

Orchomenijs uerò ut interim à bello abstinere, præcepit. Si uerò ciuitas quædam ciuitati alteri hac durate expeditione bellum intulisset, contra illam iuxta sociorū fœdera primò se iturum interminatus est. Citheronem itaq; transgressus, Thespias uenit: inde profectus, in Thebanorum fines impetum facit: uerum potiora undiq; uallo ac fossa munita esse reperit. Cum igitur in multis locis castra locasset, regionem omnē extra uallum ac fossam ferro ac igni populatus est: hostes uerò quocunq; procedebat intra uallum tanquā eum repulsurum aciem dirigūt. Cum uerò ad castra regressus esset, Thebanorum equites confestim per latentes egressi uias, clam illos sequebantur. Cum uerò iam coenam pararet, corporaq; curarent, equitesq; equis descendissent, apparuere illi, impetūq; in Lacædæmonios faciunt, clypeatosq; quamplurimos cōprehendunt: ex equitibus uerò Cleonem & Epilytidem Spartanos, ex socijs uerò Eudicum, ac nonnullos Atheniensium exules cum nondum equos ascendissent, opprimunt. Agefilaus his uisis celeriter suis opem fert, equitesq; cū leuis armaturæ militibus in hostes immittit. At Thebanorum equites declinato parumper illorum impetu, ad meridiē usq; certamen protraxere: non tamen cominus congredebantur, sed eminus emissis iaculis retrocedebant: tandem duodecim ex suis amissis abiere. Agefilaus itaq; cum semper hostes post prandium procedere uidisset, orta diem sacram peregit, inde festinē ad hostes duxit, uallumq; præsidio uacuum sine certamine transgressus, cuncta ad urbē usq; ferro ac flamma uastauit. His gestis rursus Thespias regressus urbem muniuit, Phœbidamq; harmosten cum militū manu haud contēnenda ibi reliquit, ipse uerò

rursus Megaram regressus socios dimisit: domesticū uerò militem domum reduxit. Phœbidas itaque excursionibus quotidianis Thebanos infestabat, finesq; eorū agebat ac ferebat. Thebani cum iniurias uindicare statuisent, uniuerso populo contra Thespenses arma mouerūt: quibus Phœbidas obuiam progressus, phalangem ab excursionē inhibuit, Thebanosq; infecta re Thasum redire compulit: ubi tantus terror eorum castra inuasit, ut abiectis quas collegerant frugibus domum abierint: quapropter Phœbidas cum clypeatis illos uiolentius urgebat, grauē uerò armaturā, Thespensesq; structo agmine subsequi iubet: in spem enim uenerat hostilem exercitum penitus opprimi posse: quapropter citato agmine illos insequutus est. Cum itaq; Thebanorum equites ad saltum quendam inuium peruenissent, quia fugæ spes illis erepta erat, primò constitere, inde collecto animo in hostes cōuersi sunt. Clypeati cum pauci numero essent, timore perculsi in fugam uertuntur. Id hostes cernentes, fugiētes insequi decreuerunt: Phœbidamq; resistere conantem, cum duobus aut tribus trucidauere. Quod cum mercenarij uidissent milites, & ipsi uniuersi fugam arripiunt, cursuq; ad Thespensium grauem delati armaturam, illos quoq; quamuis ferociter paulò antè Thebanos insequerentur, fugere compulere, etsi nemo hostium insequeretur: iam enim serò erat: quapropter pauci desiderati sunt: nec tamen à fuga constitere, priusquam urbē ingressi essent. Rursus itaq; Thebani animo elati, Thespenses ac circumiacentes ciuitates inuadere statuerunt: nam illinc frequens populus Thebas migrauerat. In cunctis enim ciuitatibus dynastiæ quēadmodum Thebis cōstitutæ erant, ita ut Lacedæmoniorū amice admo

ci admodum auxilij indigerent. Lacedæmonij itaq; post Phœbidæ interitum, polemarchum cum cohorte una, qui Theſſienſibus præſidio eſſet, per mare ſubmittunt. Ingruente uere, rursus Thebanos bello aggredi ſtatuerūt, Agesi-
ſilaumq; exercitum ut antea educere rogant. Ille itaq; ante-
tea quàm pro tranſitu rem ſacram faceret, Theſpidas ad
polemarchum mittit, quem montium ſummitates in Ci-
therone occupare cuſtodireq;, quoad ipſe applicaret, iu-
bet. Inde cum ſuperato illo Plateas perueniſſet, Theſpias
ut antea ire ſimulauit, illucq; mittens cōmeatum parare,
legatosq; qui undiq; conuenerant, ibi opperiri iubet: qua
propter Thebani omnib. uiribus Theſpiēſem ingreſſum
munierunt. Agesiſlaus uerò cum oriente die liſſet, Ery-
thras pergit, & ante ſolis occaſum duorū dierum peracto
itinere, priuſquā Thebani de hac re certiores facti eſſent,
iuxta Solum in hoſticum deſcendit: inde progreſſus cun-
ctā circa Thebas auroram uerſus, ac Tenagræum uſque
concremauit. Tanagran enim qui cū Hypantodoro ſena-
tiebant, Lacedæmonijsq; amici erant, adhuc obtinebant.
Inde digreſſus à ſiniſtra urbis parte exercitū deducit. At
Thebani egreſſi iuxta locum qui Vetulæ Pectus appella-
tur, aciē inſtruunt, tutum ibi periclitari eſſe rati: nam præ-
terquam quòd à tergo munitionibus ac uallo circunſepti
erant, locus ille anguſtus minimeq; permeabilis erat. At
Agesiſlaus cum id uidiſſet, haud pugnā conſerit, ſigno ue-
rò dato urbē uerſus ire pergit. Thebani uerò timentes ne
urbs deſerta caperetur, relicto quem tenebāt loco, celeri
curſu per Potinam uiam ad urbem feruntur: nam ea tu-
tiſſima erat. Pulcherrimum itaq; Agesiſlaus edidit ſtrata-
gema. Nam quāuis diuerſè ab hoſtibus recederet, eos ta-

men cursu reuerti, ac solutis ordinibus polemarchos cum legionibus currere coëgit: & Thebani à collibus lanceas iaculabantur, ita ut quendam polemarchum Alypetū nomine transfigerent. Tandem etiā his cessere collibus, ita ut Sciritæ & equitum nonnulli nouissimos Thebanorum adorti, ad urbem usq; cæde cōpulerint. Sed cum Thebani muris appropinquassent, rursus conuersi hostes excipiebant. Quod leuis armaturæ milites ac Sciritæ uidētes, antea quā manus confererent, ad suos nemine desiderato se recepere. Thebani nihilominus trophæum statuerunt, quoniā hostes à persecutione regressi essent. Agesilaus uerò ad eum quē paulò antè hostes tenuerant accessit locū, ibiq; castra collocat. Postridie uerò Thespias exercitū abduxit: quem ferociter clypeati qui sub Thebanis merebant insequuti, Chabriam quoq; ut idē faceret, hortabantur. In eos itaq; Olynthiorum equites (iam enim ex fœdere commilitabant) impetum faciunt, illosq; ad inuia usq; prosequuti sunt, quāplurimosq; ex eis interfecere: in plano enim eos nacti, faciliter equis pedites assequuti sunt. Cum uerò Agesilaus Thespias uenisset, ciues inter se dissi dentes reperit. Cūq; hi qui Lacedæmonijs fauebāt, aduersarios, inter quos Menon erat, interficere uellent, ille minime permisit, sed reconciliatis illis inuicē de pace seruanda iurare coëgit: sicq; digressus, rursus per Citheronem Megaram transgressus est, ubi dimissis socijs, ciuiles copias domum reduxit. Premebantur interim Thebani frumenti inopia: biennio enim nullas ex agris collegerāt fruges: quapropter duas triremes cum decē talentis Pegasas mittunt, ut ibi frumentum emerent. Id cum Alcetas Lacedæmonius, qui oræ illi præerat, rescuisset, dum illi fru-

mentum

mentum comparant, tres clàm instruxit triremes. Cumq̃; naues frumento onustæ abirent, Alcetas eas interceptit, uirosq̃; omnes haud pauciores tercentum in suam redegit potestatē, quos omnes in arce quam obtinebat in uincula coniecit. Cum uerò puerum quendam egregia deperiret forma, ex arceq̃; ad illum descendisset, captiui conspecta negligentia arcem occupant, ciuitasq̃; paulò pòst ad eos defecit, ita ut Thebani abundè dehinc frumentum inferre possent. Appetente rursus uere, Agesilaus in lecto decumbebat. Cum enim exercitum ex Thebis Megaras reduceret, ac ex Veneris tēplo in Archium ascendisset, uenam abruptit, sanguisq̃; in crus sanū defluxit: cumq̃; tibia illi intumesceret, ac intolerabilis dolor eum uexaret, Syracusanus medicus quidā circa talum illi uenam aperit. At sanguis cum semel erupisset, per noctē ac diem integram absq̃; intermissione effluxit. Et quamuis omnia pertentassent, sanguinis tamen decursum sistere haud potuere, quoad animus eum reliquisset: tunc enim à seipso fluere cessauit. Et ille Lacedæmonē relatus, reliquum æstatis & hyemem in lecto decubuit. At Lacedæmonij ineunte uere rursus Thebanos bello petere statuere, Cleombrotumq̃; copias educere iubent: qui collecto exercitu Citheronem uersus ducere pergit, clypeatosq̃; nonnullos præmittit, quos uiarū angustias occupare iubet. At Thebani & Athenienses cum iam antea montem obtinerent, paulisper eos subire permittunt: cumq̃; propè accessissent, contra illos insurgentes, præcipites egere, ac quadraginta circiter interfecere. Quo factō Cleombrotus cum impossibile cerneret in Thebanorū transcendendi posse fines, copias reduxit ac dissoluit. Cumq̃; inde socij frequentes Lacedæ-

monem cōuenissent, sermo inter illos ortus est, tanquam per desidiā bellum protraheretur: multò enim plures quàm Athenienses se naues instruere posse, ac fame urbem capere, indeq; Thebas siue per Phocenses, siue iuxta Crasios progredi. Cum itaq; cōsiliū id haud inutile esse uideretur, sexaginta instruūt triremes, quibus Pollen nauarchum præsiciunt. Nec illi qui hæc suaserūt, opinione decepti sunt. Cum enim frumentariæ Atheniensium naues ad Geræstum applicarent, ob Lacedæmoniorum metum qui circa Aeginam, Ceum & Andram in stationibus agebant, ultra progredi non audebant: sicq; Athenas penitus obsideri ac fame urgeri contigit. Ea igitur Athenienses necessitate coacti, classē ipsi quoq; comparant, ac Chabrio duce cū hostibus cōfligunt, egregieq; superant, ita ut liberè inde frumentū importari posset. Interim Lacedæmonij pedestres coëgere copias, ac in Bœotiā transscendere nitebātur: quapropter Thebani Athenienses rogant, ut hostiliter Peloponnesum aggredierentur: sic enim fore rati, ut domestico Lacedæmonij implicati bello, ab externis tutandis auocarentur ciuitatibus, ipsiq; faciliter inde ijs resistere possent. Et Athenienses quia Lacedæmonijs ob Sphodriæ iniurias infensi erant, impigrè exercitū cum nauibus sexaginta, quibus Timotheum præsiciunt, in Peloponnesum mittunt, Lacedæmoniosq; ab Thebanorum aggressu prohibent. Interea dum Timotheus naues circumagit, Cleombrotusq; exercitum domi contineret, Thebani fortiter finitimas aggressi ciuitates, rursus eas in suam redigunt potestatem. Timotheusq; circumnauigans Cercyram subigit, nec tamē diripuit, uirósue expulit, aut leges immutauit: quapropter ciuitates cūctas summa sibi deuinxit

deuinxit bencuolentia. Lacedæmonij itaq; & ipsi classem instruunt, Nicolochumq; uirum fortissimum illi præficiunt. Qui cum Timothei conspexisset naues, illas contempui habuit: ac quamuis sex Ambraciorum abessent triremes, nauibus quinq; & quinquaginta, cum sexaginta Timothei conflixit nauibus, ab illoq; uictus est. Timotheus uerò trophæum in Aelyzia constituit. Nicolochus autem collectis ex fuga nauibus, assumptisq; sex Ambraciotidis triremibus, Aelyziam ubi Timotheus sedebat, nauigat. Qui cum haud contra prodiret, ille quoq; trophæum in proximis statuit insulis. At Timotheus cum & naues suas instruxisset, alias quoque ex Cercyra impleisset, plures quàm septuaginta comparauit triremes, ita ut longè nauium excelleret numero: sed quia pecunijs haud paucis ob classis magnitudinem indigebat, eas ab Atheniensibus deposcebat.

XENOPHONTIS RERVM GRAECARVM LIBER SEXTVS, BILIBALDO Pirckemero interprete.



T hic status Atheniensium & Lacedæmoniorum erat. At Thebani cum Boeotias subegissent ciuitates, in Phocæam exercitum ducunt. At Phocenses Lacedæmonem pro auxilio oratum mittunt, ostenderuntq; ni eis opem ferrent, non posse Thebanis non consentire. Lacedæmonij igitur per mare Cleombrotum regem cum cohortibus quatuor, & sociorum manu haud cōtemnenda Phocæam mittunt. Eodem fermè tempore Lacedæmonem ex Thessalia ap-

plicuit Polydamas Pharsalius: erat is in uniuersa Thessalia clarus, tantæq; in ciuitate sua cum probitate, tum æquitate existimationis, ut inter se dissidentes Pharsalij, illi arcem commiserint, publicosq; redditus ei assignauerint: iusseruntq; ut quantum lege permetteretur, cum ad sacrorum sumptus, tum ad alias expensas sumeret: & ille his pecunijs arcem illis seruauit, ac cuncta necessaria de his per annum expendit: & si quando pecunijs carebat, proprias impendebat: eratq; aliàs hospitalis, ac Thessalorum more magnificus. Hic itaq; cum Lacedæmonem uenisset, ac sibi fandi data copia esset, ita differuit: Ego, ô uiri Lacedæmonij, cum hospitio uobis deuinctus sim, & ab omnibus, quantum reminisci potest, progenitoribus uobis benefacere didicerim, dignum arbitror, si rei cuiusquam indigeam, uos adire, & si quid uobis aduersi in Thessalia accidere didicerim, significare. Audiuiſtis igitur procul dubio Iasonis nomē: uir etenim ille potentissimus, ac magni existit nominis. Ille igitur per inducias me conuenit, itaq; differuit: Quod ego, ô Polydama, urbem uestram Pharsalum etiam inuitam mihi subijcere ualeam, inde tibi coniecturare licet: siquidem plurimis ac maximis Thessaliæ ciuitatibus pro socijs utor: quas tamen omnes, quamuis uos illis cōtra me opem præstiteritis, unaq; militaueritis, subegi. Nosti præterea quod peregrinum alam exercitum, sex millibus haud inferiorem, cui ciuitas nulla, ut arbitror, facile resistere potest. Nam etsi aliunde non minor educitur exercitus, ciuitatum tamē milites partim uiribus sunt effœti, partim uixdum pubertatem attingere: reliqui exercentur uerò in ciuitate unaquaq; quam paucissimi. Apud me uerò nullus meret, qui nō labore mihi æquiparari possit.

Ipsē siquidem (oportet enim apud uos uera loqui) corpore est robusto, laborisq; patientissimus, ac uirtutis quotidie periculum facit: siquidē in gymnasijs ac exercitu assidue se armis exercitat. Proinde quoscunq; ex peregrino milite molles cernit, illos exterminat: quos uerò laboris patientes, & in periculis cōtra hostes audaces cognoscit, honorat, ac honestis ordinibus, donisq; decorat largissimis: languentes curat, mortuosq; sepulturis exornat, ita ut omnes milites peregrini qui sub eo militant, planē nouerint bellicam uirtutem honoratissimam ac spectatissimam ipsis cōferre uitā. Ostendit mihi præterea iam Maracos & Dolopes ab eo subactos esse: Alcetem quoq; qui in Epiro dominatur: ideo, inquit, minimē uereor ne uos & quamfacilimē uincere queam. Verū rerum inexper tus quispiam dicere posset: Cur ergo differs, & non confestim Pharsalios bello aggredieris? Quandoquidem, per Iouem, longē mihi pulchrius esse uidetur, uolētes uos potius quā inuitos mihi conciliare. Si enim ui à me subacti eritis, semper de fide uestra dubitare cogor: uerū ego uos mihi fidiſsimos esse cuperē. Si itaq; mihi adhærebitis, manifestē cōstat quod utrinq; uiribus admodum crescemus. Noui uerò ô Polydama, quod patria tua in te solum respicit: quam si mihi ut amicabiliter ea uti possim, conciliaueris, tibi, inquit, promitto, maximum te, secundum me, in uniuersa Græcia cōstituturum. Et ut manifestius tibi rem ostendam, audi. Nil enim te credere iubeo, nisi quod certissimis rationibus uerissimum esse cōprobauero. Nōne hoc manifestē constat, si Pharsalus cum ciuitatibus adhærentibus nobiscum sentiet, ego facilimē Thessalorum omnium dux constituar? Id si fiet, Thessalia equites circiter

millia sex, grauis uerò armaturæ milites ad millia decem
 suppeditare poterit. Qui si uiribus nostris accedēt, si re-
 ctè eorum corpora animiq; magnitudinē considero, nul-
 lam esse gentem arbitror, quæ uiribus nostris resistere ua-
 leat. Cum enim latissima sit Theſſalia, gētes omnes circun-
 iectæ, si dux in illa constituetur, colla illi submittent: quæ
 cum fermè omnes sagittis se exerceant, magnam clypea-
 torum uim afferant necesse est. Præterea Bæotij & reli-
 qui omnes qui contra Lacedæmones bellū gerunt, se mi-
 hi socios offerunt, ac me iam quoq; sequi dignum ducūt,
 si solum eos à Lacedæmoniorum liberauero iugo. Athe-
 nienſes præterea rectè noui cuncta machinatuſ, ut so-
 cietatis nostræ compotes fieri poſſint: quorum tamen so-
 cietatem reſpuendam cenſeo: quandoquidē facilius mari
 quàm terra principatū acquiri poſſe reor. Et si haud ab-
 ſurdè ratiocinor, ad hæc quoq; intende. Cum nos Mace-
 doniā, unde Athenienſes ligna ſumunt, poſſideamus, lon-
 gè plures illis naues ædificare poterimus. Viris uerò egre-
 giè illas inſtruere, nunquid Athenienſes, qui ultima labo-
 rant paupertate, aut nos potius poſſe credendū eſt? Nau-
 tas uerò nōne propter abundantiam, & quia aliò quoq;
 frumentum emittimus, alere aptiores ſumus Athenienſi-
 bus? quibus nil ſuperest, niſi quod pecunijs emunt. Pro-
 inde nunquid & pecunijs quoq; nos ſuperabundare par-
 eſt, minime ad inſulas reſpiciētes, ſed à mediterraneis gen-
 tibus fructus colligentes? quandoquidem omnia per cir-
 cuitum nobis tributum perſoluent, si in Theſſalia ducatus
 constituetur. Noſti ſiquidem Perſarum regem, cum nō ex
 inſulis, ſed mediterraneis regionibus fructus colligat, di-
 tiſſimum omnium eſſe hominū: quem ego facilius ſubigen-
 dum

dum esse reor quàm terram Græciæ: quandoquidem omnes ibi homines, excepto uno, potius seruitutis quàm fortitudinis memores esse scio. Noui præterea quibus uiribus Cyrus ascenderit, quaq; potentia Agesilaus in Asia rem gesserit: quibus tamē rex in ultimum penē discrimen incidit. Hæc cum ille dixisset, respondi: Cætera consideratu digna esse: sed ab Lacedæmonijs socijs ad hostes deficere, cum eos nulla in re inculpare possimus, mihi admodum iniquum esse uideri. At ille me hanc ob rem laudans, dixit: Cum talis sis, multò mihi acceptior eris. Sicq; me dimisit, uosq; adire, & ostendere iussit, omnino se Pharsalijs bellum illaturū, ni dictis parcant. Opem insuper à uobis postulare me hortatus est: & si tibi, inquit, auxilium quo mihi resistere poteritis concesserint, agē belli fortunam experiamur. Quòd si tibi non adeò potentes uidebuntur ut auxilium ferre possint, non iam amplius erga patriā iustè te geris: quæ cū te honoribus afficit, tu econtra illam periculis obijcis certissimis. quapropter, ô Lacedæmonij, uos accessi, & omnia quæ illic uidi ac audiui, iam enarraui. Proinde ita rem se habere arbitror, ut si exercitum illuc mittetis, qui non solum mihi, sed & reliquis Thessalis, Iasonis uiribus resistere posse uideatur, confestim ab eo ciuitates defecturas. Vehementer enim omnes formidant, ne longius uiri potentia serpat. Si uerò Neodamodes cū uiro priuato aliquo illi resistere posse existimatis, uobis quietem agere cōsulo. Siquidem magnis uiribus res uobis agenda erit, & contra uirum talē, qui adeò dux est prudens, ut si quid clām & per insidias, uel palām & ui aperta agere cōstituit, haud multum opinione aberret. Nouit præterea nocte nō secus ac die uti, & cum res exi-

git, nec cibi aut somni desiderio tenetur: corpus siquidem nec labore fatigatur, aut animus cura uincitur: ac tum demum sibi quiescendum esse arbitratur, cum eò quò desiderat, peruenerit, remq; ex animi sententia absoluerit. Nouit & quemadmodum militum desiderio, cum quid egregium perpetrauerint, satisfaciendum sit: ita ut cuncti qui sub eo merent, certissimè sciant, labores oculū quoq; sequi. Ipse uerò inter omnes quos ego noui homines, praecipuus uoluptatum est contemptor, adeò ut nunquam tantisper animum remittat, quin id quod decorum sit, perficiat. Vos igitur re diligenter cōsiderata, mihi, ut maximè uos decet, aperiatis quid hac in re uel agere possitis, aut saltē uelit. Et ille ita locutus est. Lacedaemonij uerò tum rem in alteram distulere diem. Postridie uerò & subsequentibus diebus cum diligenter suas examinassent uires, perpendissentq; quantum copiarum, nauium, cum domi, tum foris alere cogerentur: clas̃is praeterea quam contra Athenienses instruere cogerētur expensas, tum finitimorum odia & bellū considerassent, ita respondere placuit: se in praesentiarum auxilium sufficiens emittere posse minime, uerū ut abiret, sibiq; & ciuitati pro uiribus consuleret, monuerunt: & ille laudata ciuitatis ingenuitate discessit, Iasonemq; rogauit, ne illum arcem tradere cogeret, quò fidei suae commissa custodire posset. Filios uerò suos illi ob fides dedit, promisitq; ciuitatem sponte illi conciliaturum, ipsumq; ducem cōstituturum. Data igitur & accepta fide, cōfestim pax Pharsalijs reddita est, & eorū uoluntate Iason Thessaliae dux cōstitutus est. Qui cū ciuitatibus singulis, tum equitū, tum peditū iniunxisset numerū, octo millia equitū, peditū uerò millia collegit uiginti clypea

clypeatorum uerò infinitus penè erat numerus, adeò ut omnibus resistere possent hominibus: ipse uerò tanquam omnium dux, ex omnibus ciuitatibus tributum exegit. Et hæc quidè hoc sunt gesta pacto. Ego uerò unde digressus eram, reuertar. Lacedæmonij interea & socij Phocæam conuenere: at Thebani domũ reuersi, ingressum obseruabant. Athenienses uerò cum Thebanos eorum opera creuisse cernerent, nec pecunias ab illis ad rem acciperet naualem, quotidianisq; grauarètur collationibus, ex Aegina quoq; piratis infestarentur, necnō fines suos tutari cogerentur, ad pacem animum inclinare cœperunt, belloq; finem imponere decreuerunt. Quapropter missis Lacedæmonem legatis pacem fecere, confestimq; inde duo ex legatis ciuitatis decreto ad Timotheũ nauigauere, illũq; de pace certiore reddidere, domumq; redire iusserunt. Et ille abiens Zacynthiorum exules in terram eorum exposuit: quapropter confestim Zacynthij Lacedæmonem miserunt, ostenderuntq; quàm insigni à Timotheo iniuria affecti essent. Lacedæmonij itaq; contra pacta Athenienses egisse rati, rursus classem instruunt, nauesq; tam ex Lacedæmone, quàm Corintho, Leucade, Ambracia, Elide, Zacyntho, & Achaia, Epidauro, Troëzene, Hermione ac Halieo, sexaginta circiter collegere. Classi uerò Mnasippum præficiunt, quem maris illius curam gerere, ac Cercyram bello laceffere iusserunt. Ad Dionysiu quoq; miserunt, cui ostenderunt, quàm utile ipsi esset, si Cercyra Atheniensibus minimè pareret. Et Mnasippus uniuerso collecto exercitu, Cercyram contendit, ducens secũ præter Lacedæmonios, mercenarios quoq; milites mille circiter ac quingentos. Cumq; in terram descendisset, regio-

nem illam amœnam egregieq; excultã, uniuerſam ferro ac igni uastaui. Magnificæ enim domus cum cellis uinarijs in agris erant extructæ, militesq; eò uenere deliciæ, ut uinum nullum præter optimum bibere uellent. Mancipia quoq; ac pecora multa abacta sunt. Inde castra in tumulo quasi per quinque stadia ab urbe distantia locauit, ut Cercyrenses penitus ab exitu coërceret. Claſſis uerò ad alteram urbis partẽ circumacta est, unde & adnauigantes prospicere, & prohibere posset: indeq; nonnunquam cum per uentum licebat, in portum quoq; impetum faciebat, ciuitatemq; undiq; hoc circundedit pacto. At Cercyrenses quia & terra ac mari obſeſi erant, nilq; inferri poterat, magna penuria laborare cœperunt; quapropter Athenas pro auxilio oratum mittunt, pariterq; quàm magnis priuarentur cõmodis, si Cercyra illis auferretur, hostibus uerò quantum uirium accederet, ostenderunt: cum ex nulla ciuitate, exceptis Athenis, neq; nauium, neq; pecuniarum summam maiorẽ colligere possent. Etenim sita est Cercyra cum ciuitatibus quæ ad eam pertinẽt, in amœnissimo Corinthiaco sinu, egregieq; Laconicam terram offendere potest: cõmodissimè uerò ex opposito continenti à Siciliaq; in Peloponnesum nauigationẽ præstat. Athenienses igitur his auditis, totis uiribus bello incumbendum esse rati, Steficleum cum sexcentis clypeatis illuc mittunt, quos Alcetem deducere rogant: & illi nocte applicantes, urbem ingressi sunt. Decreuerunt præterea triremes instruere sexaginta, quibus Timotheũ præficiunt: qui cum naues domi implere haud posset, insulas circumnauigans, ex illis remigẽ parare instituit, eo quoq; pacto naues exerceri posse existimans. Athenienses uerò illum

tempus

tempus frustra terere rati, ei minimè pepercere, sed abrogato illi imperio, Iphicratem dedere successorem: qui naues admodum imperiose impleuit, trierarchis quoq; uim adhibuit, omnes quoque naues ex Attica secum sumpsit, neq; paralò aut salaminie pepercit, asserens si ibi res ex sententia succederent, multas illis remissurum naues. Septuaginta itaq; nauium classem breuiter collegit. Interea Cercyrenses adeò uehementer urgebantur, ut ob transfugarum multitudinem Mnasippus per præconem denunciauerit, se illum hastæ subiecturum, si quis amplius transfugeret. Sed cum nihilominus transfugerent, tandem flagris cæsos dimisit. At qui in urbe erant, seruos amplius intra moenia haud suscipiebāt, ita ut multi extrà fame perirēt. Quæ cum Mnasippus cerneret, arbitrabatur quasi non urbē cepisset. Insolentius igitur cum mercenarijs cepit agere militibus, ac quosdam insolutos abegit: eis uerò qui remanebant, bimestre debebatur stipendium, non ob pecuniarum, ut ferebatur, penuriam, quarum summā imensam militum loco ciuitates, quia maritima illa erat ex peditio, submiserant. Interim qui in urbe excubabāt, cum ex turribus cernerent phalangem negligentius agere, militesq; undiq; per agros dispersos, urbe erūpunt, & quosdam ex hostibus uiuos in potestatem redegere, nonnullos uerò obtruncarunt. Mnasippus cum hac de re certior factus esset, sumptis armis cum militibus uniuersis quos circum se habebat, opem ferre pergit: nec non turmarum duces & tribunos mercenarium educere iubet militem. Cumq; ex his nonnulli respondissent, difficulter eos cum neq; stipendium solueretur, aut necessaria tribuerentur, sequuturos, eos baculo, quosdam uerò hasta percussit. Illi

itaque ægrè contumeliam ferentes, ducemq; insensissimo persequentes odio, inuiti omnes ac minimè ad pugnam animati conuenere. Quibus in ordinem redactis, hostes ad portas urbis usq; persequutus est. Qui cum muris appropinquassent, conuersi, iaculis ac sagittis insequentes ulciscabantur. Alij uerò diuersis excurrentes portis, collectiq; uehementer nouissimos urgebant. Qui cum propter loci angustias phalangem extenuassent, inualidamq; reddidissent, abire nitebantur: sed cum retrocedere inchoassent, Cercyrei eis tanquam fugientibus instabant: at illi minimè se cōuertebant, sed iam fugam circumspeciebant. Mnasippus uerò illis, cum & ab alia parte urgeretur, succurrere haud poterat: milites quoq; assidue ab eo dilabebantur. Tandem hostes collecti omnes, qui pauci erant, circa Mnasippum, opprimunt. Id cum grauis armatura uidissent milites, ipsi quoq; pedem referunt, & tandem omnes in fugam uertuntur, parumq; absuit quin castris quoque exuerentur. Verum Cercyrei cum turbam lixarum, seruorum ac mancipiorum à longè uidissent, illos in auxiliū aduentare rati, receptui cecinere, erectoq; trophæo mortuos per inducias reddidere. Inde obsesti animos erigere cœperunt. Lacedæmonij uerò ingenti premebantur tristitia: siquidem Iphicrates non tantum cum classe adesse ferebatur, sed Cercyrenses quoq; nauibus instruendis operam impendere: quapropter legatus Mnasippi qui euaserat, classem ad uallum circumegit, inde nauigia mancipijs & pecunijs onusta dimisit: ipse uerò cum ascensoribus & qui euaserant militibus, uallum seruabat. Tandem hi quoq; timore perculsi, conscensis triremibus abierunt, copioso frumento, multo uino, mancipijs & militibus infirmis

quam

quamplurimis derelictis: uehementer enim timebant, ne ab Atheniensibus in insula deprehenderentur. Et illi quidam in Leucadem se recepere. Iphicrates uerò cum nauigare cœpisset, inter nauigandum omnia pugnae nauali necessaria expediebat, assidueq; maioribus depositis malis, certamini nauali se accingebat. Quòd si uentum sequundum nactus fuisset, minimè illo utebatur, sed remis tantum agebatur: eo siquidem pacto militum corpora exercebat, nauesq; multò agiliores reddebat. Sæpius quoq; ubi exercitus prandere seu cœnare deberet, cornua à terra obuertebat: cumq; naues circumegisset, ac dato signo proras ex aduerso constituisset, primores aquatum, uel si alterius rei indigi essent, in terram dimittebat, prandereq; & aquam sumere iubebat. Qui uerò ultimo applicabant loco, tali afficiebantur pœna, ut nouissimi in terram descenderent, ac dato signo iterum naues conscenderent: eo enim accidebat pacto, ut primi cuncta per quietem expedirent, ultimi uerò omnia cum festinatione agere cogerentur. Stationes quoq; cum in hosticum descendebat, non solum, ut decebat, in terra constituebat, sed & ab erectis malis speculari iubebat: siquidem ab his melius quàm à terra prospectus patebat. Cum uerò cœnandi, aut dormiendi tempus instabat, nullus in castris lucebat ignis, sed ante illa, ne quis clam accedere posset, accensus erat. Sæpius quoque cum tranquillitas incidebat, confestim sumpta cœna discedebat: & si aura spiraret, nautæ per quietem nauigabant: si uerò remis naues impellere cogerentur, dimidia pars laborabat, altera uerò quiescebat. Diurna uerò nauigatione dato signo iam in cornua classem protēdebat, inde phalange procedebat, ita ut pariter nauigaret, simulq;

classsem exerceret, ac omnium animos ad futurum certamen prae-
 pararet. Frequenterq; in hosticum descendit, ea solū ratione, ut milites nil sine cura ac ratione facere consue-
 sescerent. De Mnassippi uerò morte, primum cum circa Sphageas in Laconia esset, audiuit. Verum cum Eleam applicuisset, ad Alphei fauces nauigauit, & ad locū qui Piscis appellatur, processit: unde postridie Cephalleniam contendit, ac structa acie tanquam pugna nauali decertaturus ferebatur. Vbi cum nil de Mnassippi morte audi-
 uisset, suspicatus id fallendi animo ab hostibus confictum esse, cautius iter agebat. Postquam uerò in Cephalleniam transmisit, aperte quae gesta erant, audiuit, exercitumq; aliquantisper recreauit. Et quamuis non ignorē haec omnia, hisq; similia, duces cum pugna nauali sint cōflic-
 turi, praemeditari debere: illud tamen laude dignum censeo, cum quis ad hostes accelerare cogitur, non tamē inter nauigandum aliquid obliuiscatur, quod ad certamen futurū pertinere uideatur: aut si minus consideratē cuncta exequitur, tardius quod cōstituerat iter facere compellatur. Cum igitur ciuitates Cephalleniae subegisset, Cercyram nauigat: ubi audiuit decem aduentare triremes, quae ab Dionysio Lacedaemonijs auxilio mittebātur: quapropter considerato loco, ex quo quamlongissimē prospectus patēret, ibi speculatores constituit, quibus iniunxit, primum cum naues à longē cernerēt, signum darent. Trierarchos uerò uiginti elegit, quos ad praconis uocem celeriter subsequi iussit. Si quis minimē parēret, hunc se impunitum haud derelicturū comminatus est. At cum dato signo hostes aduentare cognitum esset, praconisq; uox audita, spectatu digna festinatio uisa est: nemo non enim eorum qui
 naues

naues ascendebat, cursu ferebatur. Iphicrates igitur hostili classi obuiam pergit: quam uacuam nactus, nam milites in terram descenderant, naues omnes necnon uiros in suam redegit potestatem, præter Melanippum Rhodium, qui alijs quoque suaferat ne ibi starent, & sua excesserat naui. Hic itaq; saluus è manibus Iphicratis euasit. Et Iphicrates Syracusanorum naues detruncatis proris in Cercyreorum perduxit portum: uiris uerò cunctis argenti summam, qua se liberare possent, constituit. Anippum uerò arctius custodiebat, ut uel pecuniam ingentem ab eo exigeret, uel pro seruo uenderet. At ille præmoestitia sibi mortem consciiuit. Reliquos omnes Iphicrates, cum Cercyrenses se pecuniarum sponsores præstitissent, liberos dimisit. Inde nautas Cercyrensis ut terram colerent reliquit. Cum cetratis uerò ac grauis armaturæ militibus in Acarnaniam transgressus est, ac ciuitatibus amicis si quid indigerent præstò erat: Thyrensibusq; uiris fortissimis, ac loci opportunitate fretis, bellum intulit. Inde classem quasi nonaginta nauium ab Cercyra accersiu, ac in Cephaleaniam delatus pecunias tam à uoluntarijs quàm ab inuitis exegit. Inde Lacedæmoniorum fines, sociasq; illorum ciuitates aggredi statuit, & uoluntarias in ditionem suscipere, resistentes uerò debellare. Proinde hanc Iphicratis expeditionem haud mediocri laude dignam arbitror: plus tamen extollendum quòd Callistratum non admodum idoneum, Chabriamq; rei militaris expertissimū, sibi in agendis rebus socios attribui precatus est. Si enim eos quoniā prudentia excellere credebat sibi consiliarios acciuit, sapienter mihi egisse uidetur: sin uerò quòd aduersarios censebat, rebus tamē agendis præsentibus esse desiderabat,

ut planè cernere possent cum nil per contemptum, temeritatem uel superbiam agere, magnanimi mihi uiri officio functus esse uidetur. Et ille siquidē ijs incumbebat. Atheniensibus interim cum amicos suos Plataenses Bœotia excidisse, ad eosq; confugisse cernerent: Thespenses uerò rogantes ne urbe expulsi negligerentur: nō amplius Thebanorum placebant acta: uerū ne illis bellum inferrent, partim uerecundia prohibebātur, partim uerò quòd inuauum se nisuros intelligerēt, à bello abstinebant. Veruntamen cum illos ciuitatibus Phocaicis ac ueteribus amicis, quiq; in bello contra barbaros gesto egregiam nauasissent operam, arma inferre uiderent, amplius illis consentire noluerunt. Populus igitur pacem faciendam esse decreuit. Primo itaq; Thebas legatos mittunt, illisq; denunciarunt, si ita uisum esset, pro pace firmanda se Lacedæmonem sequerentur. Inde Lacedæmonem quoque legati missi sunt, Callias Hipponici, Autocles Strombichidis, Demonstratus Aristophontis, Aristocles Cephisodoti, Melanopos Lycanthi filius. Aderat & Callistratus orator: siquidem Iphicrati, si eum dimisisset, promiserat, aut pecunias ad rem naualem se missurum, aut pacem conciliaturum. Cum igitur legati irent, ille Athenis erat, ac sedulò de pace agebat. Vbi uerò ad concilium Lacedæmoniorum ac sociorum producti essent, Callias qui inter illos claritate ac gloria excellebat, ita uerba fecit: Viri Lacedæmonij, hospitij iure non solum ego uobis deuinctus sum, sed & patris pater, cum hoc à patre accepisset, generi ac posteris per manus tradidit. Sorte quoq; euenit quadam, ut in bello à ciuitate duces creentur: cum uerò illa pacis tenetur desiderio, ad eam conciliandam potissimū nos le-

gati

gati mittamur. Proinde iam bis pro dissoluendo bello huc concessi, in ambabusq; legationibus inter uos & nos pacem sanciuī. Nunc uerò tertio adueni, reorq; æquissimā nunc reconciliationem me consequuturū. Cerno etenim haud secus uos quā nos affectos esse, & æquē captiuitatem Platæensium ac Thesspiensium ægerrimē ferre. Nōne igitur cum ita utrinq; sentiamus, potius amicos quā hostes esse decet? Atqui ad sapientes spectat quandoq; bellum soluere, etiamsi non parua intercesserit offensa. Nos uerò cum adeò unanimiter sentiamus, quid mirum si pacem bello præferamus? quamuis iustius fuisset, nos inuicē armis nunquam dimicasse. Nam, ut fertur, Triptolemus progenitor noster, Cereris ac Proserpinæ arcana sacra, ex peregrinis Herculi duci uestro, Castori quoq; ac Polyluci ciuibus uestris primò ostendit, ac Cereris frugē primò in Peloponneso seminandam tradidit. Quo igitur pacto æquū aut iustum esse potest, uos à quibus olim semina accepistis, ad illorū fruges deuastandas pergere? seu nos quibus tradidimus eadem moliri? maximē cum ideo à maioribus nostris semina uestris sint cōmissa, ut maxima uitæ abundātia posteri frui possent. Si itaq; fatis ac deorū uoluntate bellū inter homines quandoq; concitatur, decet sub initium illi totis incumbere uiribus: inde eo peracto, si possibile est, quamcelerrimē soluere. Post hunc Autocles rhetor acerrimus ita differuit: Viri Lacedæmonij, quāuis nō ignorem ea quæ dicturus sum uobis haud admodū iucunda auditu fore, existimo tamē cū amicitia quæ diuturno sit permansura tēpore, sit sancieda, ostendendū primò esse quæ potissima belli causa extiterit. Proinde uos semper ciuitates liberas esse oportere prædicatis, cū maximē

uos liberati illarum impedimento sitis: siquidē id primū cum amicis agitis urbibus, ut uos quocunque ducatis sequantur. Nunquid hoc libertati cōuenit? Hostes quoq; ex libito, nulla sociorum habita ratione, facitis. Inde euenit, ut illos quos liberos appellatis, sepius aduersum optimē meritos militare cogatis: & quod maximē libertati contrariū est, hic decarchias, alibi uerò triacontarchias constituitis: præfectorumq; illorum maximā curam geritis, non equidem ut legitimē imperent, sed ut per uim ciuitates obtinere queant, adeo ut potius tyrannide quā ciuitate oblectari uideamini. Porro cum Persarum rex ciuitates liberas esse iussisset, maximē sentire uisi estis, ni Thebani ciuitates singulas sui iuris esse, & proprijs uti permisissent legibus, minimē literis paruissse regijs. Verū cum Cadmiam occupassetis, neq; Thebanis ipsis libertate frui concessistis. Proinde oportet eos qui amici futuri sunt, nō ab alijs quod dignum iustumq; sit exigere, seipsos uerò ut potentia crescant, aliarum rerum cupidissimos ostendere. Quæ cum dixisset, silentium ab omnibus sequutū est: & qui Lacedæmonijs insensi erant, sermone hoc maximē oblectati sunt. Post hunc uerò Callistratus ita uerba fecit: Quod & à uobis ô Lacedæmonij summopere erratū non sit, minimē affirmare ausim: quamuis nō ita sentiam, ut errata aliquando utilitatē asferre nō posse existinem.

» Siquidem neminem ex omni mortalium numero crimine
 » carere cerno. Atqui uidetur mihi erratis homines inter-
 » dum meliores euadere, præcipuē cum illis erudiuntur, ut
 » nos: quod pariter uobis quoque propter iniquē acta, &
 » multa quæ perperam à uobis gesta sunt, euenisse uideo.
 » Nam cum Thebis Cadmiam occupassetis, uniuersæ ciui-
 tates

tates quas in libertatem uendicare studuistis, cum iniuria Thebanos affectos esse cognouissent, ultro illorū sequuti sunt partes. Spero nunc rursus æquiores. Proinde cum nimiam habendi cupiditatem uobis noxiam fuisse experti sitis, rursus nunc æquiores in mutua futuros amicitia spero: quam tamen quidam dissuadere conantur, & pacem criminari non desistunt, tanquam nos non amicitiae gratia, sed timore potius, ne Antalcides breui cum pecunijs à rege applicet, huc cōcesserimus. Verū quantis illi innitantur nugis, considerate. Siquidem rex Græciæ ciuitates omnes liberas esse iussit. Cum igitur nos quoque idem sentiamus ac agamus, nil est cur regē timeamus: nisi quis existimet eum cum pecuniæ iactura alios potius extollere uelle, quā absq; impensa quæ illi utilissima sunt amplecti. Sed cur nam, quispiam dicet, uenitis? Ideo nempe, ut quemadmodum res se in terra, quemadmodumq; in mari habeant, manifestè uobis ostendamus. Si enim diligenter præsentia cuncta uolueritis, inuenietis profectò sociorū quosdam, & quantum ad nos, & quantū spectat ad uos, minus rectè sentire. Volumus præterea demonstrare q̄ egregiè in rebus, quarum gratia à uobis saluati sumus, sentiamus. Et ut à calamitatibus exordiar, in cunctis ciuitatibus homines existunt qui partim nobis, partim uerò faueant uobis: in singulisq; urbibus hi Spartanorū, alij Atheniensium sequuntur partes. Si igitur inter nos amicitia conciliata fuerit, unde credere par est molesti quippiam nobis euenire? Quis enim in terra, si uos amici fueritis, offendere nos poterit? In mari uerò si uobis auxilio erimus, quisnam uos iniuria afficere poterit? Proinde quòd aliquando bella inter homines oriantur, rursusq; dissola-

uantur, omnes nouimus. Nos uerò pacis desiderio non nunc solum, sed & olim tenemur. Cur igitur eò rem pro-
trahamus, ut multis incommodis oppressi, potius quàm
celeriter pace confecta, calamitates euitemus innumeras?
Neq; enim illos laudandos censeo, qui in certaminibus se
pius uictoriam ac gloriam retulerunt: ita tamen conten-
dunt, ut non antea desistant, quàm uicti laborem ac exer-
citium demũ amittant. Neq; alex lufiores, qui cum semel
lucratur, inde duplo plus perdunt, quàm lucrũ iam an-
tea partum. Videmus enim tales ut plurimum ad extre-
mam redigi inopiam. Quæ & nos considerare decet, nec
unquam eò certaminis descendere, ubi aut omnia uince-
re, aut cuncta perdere necesse sit: sed potius ut & uiribus
crescere, ac beatè degere possimus, inter nos amicitiam
contrahamus: eo enim pacto & nos propter uos, & uos
propter nos, potentiores quàm unquam lapsis tempori-
bus in terra Græciæ euadere poterimus. Lacedæmonij
itaq; cum illum rectè loquutum existimarent, pacem susci-
piendam esse decreuerunt: in qua conuenit, ut harmostas
è ciuitatibus educerent, exercitusq; tam terrestres quàm
maritimos dissoluerent, ciuitatesq; liberas dimitterent: &
si quis cõtra hæc uenisset, iniurium esse, licereq; omnibus
oppressis ciuitatib. opem ferre: & qui id minus fecissent,
haud fideles esse socios. & pacẽ hanc Lacedæmonij eo-
rum ac sociorum nomine iuramento firmare. Atheni-
enses uerò ac socij per singulas iurauere ciuitates. Ascri-
pti quoq; sunt foederibus Thebani. Quorum legati postri-
die rursus cum processissent, petierũt ut scriberetur, pro
Thebanis Bœotios iurasse. Quibus Agesilaus respondit,
nil se immutaturum. de his quæ antea iurata ac descripta
essent.

essent. Si uerò inter fœdera annumerari nollent, eos, si ita iuberent, ex illis se deleturum. sicq; pax cum alijs confecta, cum Thebanis uerò solùm disceptatio. Et Athenienses ita sentiebant, ut Thebanos à sententia minimè dimoueri posse sperarent: & Thebani affecti tristitia discesserunt. Athenienses inde præsidia ex urbibus abducere cœperunt, ac Iphicratē cum classe domum reuocauere, & quæcunq; post confectam Lacedæmone pacem ceperat, redere coëgerūt. Lacedæmonij uerò ex alijs ciuitatibus harumq; præsidia deducebant. Cleombrotus uerò cum in Phocæa exercitum haberet, magistratusq; qui domi erant sciscitatus esset, quid ipsum facere uellent: Prothous sententiam dixit, exercitū ex iuramenti forma dissoluedum esse, cunctasq; ciuitates ad Apollinis templum conuocari, & si quis ciuitatibus impedimento foret ne libertate frui possent, rursus collectis socijs illi bellum inferri debere: sic enim se sperare aiebat, & deos propitios fore, & ciuitates nulla maiori affici posse iniuria. Concilium uerò his auditis, illū nugas agere existimabat. Iam enim, ut credere par est, fati agitabantur. Prohibuere itaque Cleombrotum ne exercitum dissolueret, sed confestim illum in Thebanorum fines, ni Bœotiæ ciuitates liberās dimitterent, irrumpere iusserunt. Ille uerò cum Thebanos minimè parere, sed in sententia perstare uidisset, ut iussus erat, in Bœotiam mouit. At Thebani ex Phocæa illum irrupturum arbitrati, ut ingressum prohiberent, montium angustias occupauerant. At ille clām Thisborū superatis montibus, iuxta Creusim descendit: qua capta duodecim quoq; Thebanorum intercepit triremes. His actis à mari discedens, in Leuciris Thespiacis cōsedit. At Thebani in

opposito & haud longè distanti castra locauerant tumu-
 lo, nullos præter Boeotios secū trahentes socios: ibi Cle-
 ombrotum sedentem amici his compellarunt uerbis: Si ô
 Cleombrote Thebanos absq; pugna abire dimiseris, ne ul-
 timum in urbe subeas discrimen, periclitaberis. In memo-
 riam enim reducetur, quòd cum ad Canis capita applicu-
 isses, minimè Thebanorum uastaueris agros: quodq; po-
 stea illorū fines ingredi prohibitus fueris, cum Agesilaus
 semper per Citheronem irruerit. Si igitur propria aut
 patriæ teneris gloria, uiros te aggredi decet. Et amici ta-
 lia dicebant: inimici uerò iam palàm fore aiebant, num, ut
 ferebatur, Thebanorū ille faucet rebus. Cleombrotus his
 auditis pugnae se accingebat. Altera igitur pars Thebano-
 rum primores, nī pugna decernerēt, adiacentes defectio-
 nem molituras ciuitates, se uerò obsidionis periculū subi-
 tuos considerabant: id si fieret, populum quamprimum
 inopia premi cœpisset, quemadmodum antea, contra eos
 insurrecturum: quapropter satius esse rati prælio defun-
 gi, impigreq; pugnantes occumbere, quàm rursus ut an-
 tea fuga solum uertere. Præterea ad pugnam oraculo quo-
 dam impellebantur. Siquidem ferebatur Lacedæmonios
 ibi quandoque prælio superari debere, ubi uirginum erat
 monumentum, quæ à Lacedæmoniis uim passæ ac inter-
 fectæ esse dicebantur: quapropter Thebani & ante pu-
 gnæ monumentū hoc decorarant. Nunciatum quoq; ex
 urbe est, templa omnia sua sponte patuisse, sacraq; cun-
 cta uictoriam à deis portendere. In Herculis uerò templo
 arma nusquam comparuisse, tanquam deo ad pugnam e-
 gresso, aiebant. Quidam uerò hæc omnia potentiorum
 commenta fuisse referunt. Hoc satis constat, Lacedæmo-
 niis in

nijſ in prælio illo cuncta aduerſa, Thebanis uerò ſequun-
da accidiffe. Cleombrotus deniq; ſumpto prandio de pu-
gna deliberabat: quapropter ſub meridie uino impellente
in certamen illos ruiſſe relatum eſt. Cum uerò utrinq; ar-
ma ſumpſiſſent, iamq; manifeſtè pugna decertandū eſſe
conſtaret, ex Bœotiorum caſtris rerum uenaliū inſito-
res, & nōnulli qui impedimenta ferebant, quiq; pugnare
formidabant, abire cœperunt: quos Hieronis mercenarij
milites ac Phocenſium cetrati, necnon Heraclienſium &
Phliaſiorum equites adorti undiq; circundederunt, in ca-
ſtraq; Bœotiorum redire compulerunt, ita ut multò maio-
rem & fortiorē quàm antea eſſet Bœotiorum redderent
exercitum. Inde cum in ſubiectum Lacedæmonij deſcen-
diſſent campum, ante phalangē conſtituunt equites: qui-
bus Thebani ſuum quoq; oppoſuerunt equitatum, longè
animis & ob Orchomenium bellum, & Theſſienſem ui-
ctoriam præſtantem. Erat enim Lacedæmoniorum equi-
tatus ijs temporibus admodum imbecillis. Equos enim lo-
cupletiores alebant: cum uerò in expeditionem dux quiſ-
piam exiturus eſſet, equum ac arma ob feſtinationē qua-
liacunq; ſibi traderentur, accipere cogeſſent: equis inde
milites corporibus imbecilles, animisq; languentes impo-
nebant. Et ſic utrinq; ſe equitatus habebat. Phalangē præ-
terea ita Lacedæmonij inſtruxerant, ut tres tantummodo
cohortes in fronte conſiſterent: quo accidit, ut acies haud
denſior quàm militum eſſet duodecim. E contra Thebani
non minus ſcutis quinquaginta primam firmarūt aciem,
ita fore rati, ut ſi medios regis perrumperent ordines, cæ-
tera omnia facilè uictoriæ ceſſura. Cum uerò Cleombro-
tus exercitum contra hoſtes direxiſſet, antequam milites

aciem moueri sensissent, iam equites conflixerant: confestimq; sub initium Lacedæmonij uicti terga dedere, ac in pedites ruentes ordines turbauere: cum quibus Thebanorum quoq; irruerant manipuli. Quòd uerò illi qui circa Cleombrotū conflixere sub initium uicerunt, hinc coniecturare licet: non enim tempore illo regem recipere, uiuumq; abducere poterant, nisi qui ante eum pugnabant, uicissent. Cum uerò Dinon cecidisset, polemarchus ac ex præfectis Sphodrias, & Cleonymus filius eius, equites quoq; & qui polemarchi comites appellantur, necnon alij ab hostibus ferè oppressi, pedem referre cœperunt. Id cum qui in sinistro steterant cornu conspexissent, ipsi quoque deflexerunt. Cadebant interim plurimi, cadesq; passim ædebatur. Cum uerò fossam quam castris prætenderant superassent, arma in eo unde processerant ponebant loco: castra enim haud in plano, sed in loco aliquantisper deuexo locata erant. Lacedæmoniorum itaq; nonnulli cum pugnae huius ignominiam intolerabilem esse arbitrarentur, ne hostes trophæum erigerent, inhibendos esse, cæsos quoq; haud per inducias, sed pugna recipi debere asserebant. At polemarchi cum uidissent ex Lacedæmonijs mille circiter occubuisse, ex Spartanis uerò quadringentos, cum omnino septingenti illic fuissent, cecidisse scirent: præterea socios omnes per quā molestè bellum ferre, nonnullos quoq; cladē hanc haud grauatè ceranere, collectis primoribus, quid agendum esset deliberare cœperunt. Ac ubi omnibus mortuos per inducias recipi debere uisum est, ad Thebanos hanc ob rem præconē misere. Illi itaq; trophæum erexere, mortuosq; per inducias reddidere. His actis cladis nuncius Lacedæmonem peruenit.

uenit. Celebrabatur fortè tum puerorum certamen, uiro-
rumq; chorus iam ingressus erat. At Ephori cum de acce-
pta clade certiores facti essent, uehementer, ut par erat,
indoluere: chorum uerò haud interturbarunt, sed ut ad fi-
nem usq; certamen perduceretur, permisere. Cæsorū ue-
rò nomina domesticis reddidere: mulieribus uerò ne cla-
morem tollerent interdixere, tacitasq; calamitatem hanc
ferre iusserunt. Postridie uerò cernere erat intersectorū
propinquos alacres ac cultos in publico uersari: eorum
uerò qui uiuere nunciati fuerunt necessarios paucos, &
hos mestos ac humiles deambulare uidisses. Ephori inde
ex iunioribus quadringentos circiter in subsidium mitte-
re decreuerunt: ab externis quoq; cohortibus eiusdē æta-
tis milites ad opem ferendam properare iusserunt: paulò
enim antea qui trigesimum quintū nondum attigerant an-
num, contra Phocenses militauerant: hos omnes ueteres
sequi iuebant duces. Verū cum Agesilaus nondum ab
ægritudine conualuisset, filium eius Archidamum exerci-
tum educere iusserunt: quem alacriter sequuti sunt Tea-
geatæ. Adhuc enim uiuebant qui cum Stasippo laconiza-
bant. Nec parum in urbe poterant Mantinenses quoque
qui ex uicis aderant: iam enim ab optimatibus regeban-
tur. Corinthij quoq; ac Sicyonij, necnon Phliasij, Achæi
quoq; impigrè sequebantur: nonnullæ quoq; aliæ ciuita-
tes Lacedæmonios milite iuuarūt: triremes præterea tam
ipsi quàm Corinthij instruxerunt. Sicyonios quoque ut
idem facerent hortati sunt, nam ad illos exercitū descen-
surum nouerant. Et Archidamus pro transitu rem facie-
bat sacram. At Thebani confestim post pugnam Athenas
nuncium mittunt coronatum, quem & magnitudinē ui-

etoriae nunciare, simulq; opem postulare iusserunt: tem-
 pus aduenisse dicentes, quo à Lacedaemonijs omniū quæ
 contra illos gesserant, uindictam exigere possent. Contig-
 git uerò Atheniensem senatum in arce collectum esse: qui
 cum hæc audisset, quàm ægrè tulerit, hinc coniecturare
 licet, quòd nec præco hospitio susceptus est, nec ullū de
 auxilio ferendo responsum tulit, & ita re infecta Athenis
 discessit. Ad Iasonem quoque socium Thebani miserunt,
 quem impigrè opem ferre orauerunt, cōsiderantes quo-
 nam res euasura esset. Et ille triremes tanquam mari sup-
 petias laturus instruxit: accepto tamen mercenario mili-
 te, & equites quos secum habebat, quamuis implacabi-
 li bello cum Phocensibus implicitus esset, per terram in
 Bœotiam transgressus est, ac in plurimis ciuitatibus antea
 conspectus est, quàm quò tenderet auditum esset, ita ut
 priusquam quid cōtra ipsum moliri potuisset, longè dis-
 „ cesserat: ostendēs in rebus humanis celeritate sapius mul-
 „ ta digna ac egregia transigi posse. Cumq; in Bœotiā per-
 uenisset, Thebaniq; dicerent, tempus esse ut undiq; Lacedaemonios adorirentur, illumq; cum milite peregrino à tergo, se uerò ex aduerso illos inuadere debere, ostendit Iason eos nō rectè sentire: minimè enim tam egregio per-
 „ petrato opere fortunam sapius esse tentandam. Proinde si rem maiorem gerere quærerent, facile etiam iam parta uictoria priuari posse. Nōne uidetis, inquit, uos necessitate coactos uictoriam reportasse? Existimate igitur Lacedaemonios quoq; cum ipsis de anima certamen subeundū erit, pugna superare posse. Siquidē ut cernere licet, deus
 „ sapius homines extollere, potentesq; deprimere gaudet. His dictis Thebanos ne temcrè de rerum periclitarentur

tur summa, auertit. Haud secus Lacedæmonios quoq; admonuit, ut considerarent, quantum inter uictorem ac uictum interesset exercitum: & si omnino acceptam referre desideratis cladem, ait, uobis aliquantulum supersedere consulo, quoad resumptis uiribus maiori ui ad præliū redire possitis. Haud enim ignoratis, inquit, quosdam ex socijs de amicitia cum hostibus agere: quapropter omnino induciæ uobis quærendæ sunt, quas ego ut tanto uos eripiam periculo, & ob paternam amicitiam & hospitalitatem, confectas uobis reddam. His dictis effecit ut ab utrisq; quamuis inter se hostibus, de pace concilianda rogaretur. Cum uerò induciæ pactæ essent, polemarchi milites cœnare, ac itineri se accingere iubent, ut nocte confecto itinere, sub lucis ortum Cithæronē ascenderent. Sumpta igitur cœna, antequam somno indulgerent proficisci iussi, confestim ab hespero per Creusios deducti sunt, potius tenebris quàm inducijs fidētes. Difficulter uerò pergebant, quia sub noctē ac cum timore discedebant, asperimaq; uia ad Aegosthenas Megaricas peruenere, ubi Archidami obuiam habuere exercitū, ibiq; statim acta sunt quoad cuncti conuenirent socij: quibus collectis uniuersum Archidamus Corinthum duxit exercitum: dimissis inde socijs, ciues domum reduxit. Iason uerò per Phocidem reuersus est, ubi Hyampolitorū cepit suburbia, nec non plurimis interfectis uniuersam regionē ferro ac igni uastauit: reliquam inde Phocidem absq; difficultate emensus est. Cumq; Heracleam peruenisset, Heracleensium muros disiecit, non eam ob causam quòd timeret ne aliquando occupatis his angustijs quispiam illi bellum inferret, sed potius cum Heracleam in montiū sitam angustijs cœ-

neret, uerebatur ne aliquando cum in Græciā irrumperere uellet, præoccupata Heraclea id facere prohiberetur. Postquam uerò rursus in Thessaliā peruenisset, magni erat nominis, cum quòd lege Thessalorum dux constitutus erat, tum quòd mercenariorū tam equitum quàm peditem ingentem aleret numerum, qui omnes ueterani ac fortissimi erant uiri. Augebatur potentia illa propter societatem multorū, non solum eorum qui iam cum eo amicitiam cōtraxerant, sed & qui ei conciliari desiderabant; quapropter eò deuenit potentiae, ut à nemine uno contemni posset. Cum uerò Pythia aduentassent, ciuitatibus ut boues, oues, capras, & sues ad sacrificium pascere edixit. Et quamuis singulis ciuitatibus mediocris numerus iniunctus esset, ferebatur tamen boues haud pauciores mille fuisse, reliquorum uerò pecorum decē millium excessisse numerum. Auream quoq; coronam ciuitatibus uictoriae præmium cōstituit, qui pulchriorem deo bouem pauissent. Thessalis insuper mandauit, ut tanquam circa tēpora quibus Pithya celebrantur militaturi essent, se instruerēt: decreuerat enim, ut aiunt, panegyrim deo peragere, certamina uerò sibi ipsi uindicare. Quemadmodū uerò cum sacris egerit pecunijs, nunc quoq; incertū est. Fertur enim cum Delphis consulisset oraculū, quid fieri oporteret si sacras abstulisset pecunias, deum respōdisse, id sibi curæ fore. Et uir ille quamuis talis tantusq; esset, eoq; ut dictum est, potentiae deuenisset, cum tamen Pheræorum inspiceret ac lustraret equitatum, iamq; confectus, interrogassetq; num quispiam alicuius rei indigus esset, à septem qui acceperant iuuenibus, & litem inter se finxerant, trucidatus ac confectus est. Cumq; satellites
qui

qui aderant impigrè illi opem tulissent, unus ex eis cum adhuc Iasonē feriret, lancea traiectus occubuit: alter uerò cum equum ascendere conaretur deprehensus, multisq; confectus uulneribus cecidit: reliqui ascensis ad id præparatis equis, omnes euasere, ac in quâcunq; Græciæ uenissent ciuitatem, summis accepti sunt honoribus. Hinc intelligere licet, in maximo Græcos constitutos fuisse timore, ne in apertam quandoq; erumperet tyrannidem. Interfecto illo, Polydorus frater ipsius & Polyphron duces constituti sunt: & Polydorus cum ambo Larissam pergerent dormiens, nocte à Polyphrono fratre, ut cōiecturare licet, interemptus est. Repentina enim mors, & absq; manifesto indicio, suspicione non caruit. Et Polyphron annum imperauit unum, ducatumq; in tyrannidē mutauit. Nam Pharsali Polydamantem cum octo alijs præstantissimis interfecit ciuibus, ex Larissa uerò quamplurimos in exilium egit. Hæc cum ageret, à fratre Alexandro, tanquam Polydorum ulcisceretur, tyrannidemq; dissoluere conaretur, interfectus est. Sed cum ille ducatum arripuisset, admodū Thessalis dux molestus fuit, Thebanis uerò ac Atheniensibus hostis infestissimus, piraticamq; ac latrocinia crudelissimè terra ac mari exercuit. Cumq; talis esset, ipse quoq; ab uxoris fratribus non sine illius fraude peremptus est. Cum enim Alexandrum insidias fratribus moliri ostendisset, clam eos in thalamū induxit, ibiq; per integram celauit diem. Alexandrum uerò uino somnoq; nacta sepultum, cum ad lucernæ lumen fidum capiti subduxerat ensem, fratres ut rem aggrederentur hortabatur. Verum cum illos timere ac cunctari cerneret, ni coeptum peragerent, Alexandrum se excitaturum comminata est.

Inde inductis illis, obdito pessulo, quoad uir occuberet fores clausit. Huius in Alexandrū odij causam ab aliquibus inde ortum coepisse memoriae proditum est, quod cum uxoris filium egregia indole iuuenem in uincula cōiecis-
 set, ipsaq; de solutione illius intercessisset, ille proprijs eum iugulasset manibus. Alij ferunt, quamuis liberos ex illa procreasset, nihilominus Thebas misisse, Iasonisq; uxorem sibi desponsasse. Et uxoris insidiarum causæ hæc fuisse dicuntur. Tisiphones uerò qui senior inter fratres erat arrepto principatu, illum ad hæc tempora quo hæc scripsimus obtinuit. Et quæ in Thessalia sub Iasone, ac post illius interitum ad Tisiphonis principatum usque gesta sunt, hoc se habuere pacto. Iam uerò unde digressus sum reuertar. Archidamus postquam ex Leuctris Bœotiae excitum abduxerat, Athenienses animo uoluerunt coeperunt, Peloponneses arbitrari se ut antea sequi oportere: Lacedæmonios uerò cogitare quo pacto Athenienses ad eam rem compellerent: quapropter ciuitates omnes quæ pacis, quam rex cōstituerat, participes esse desiderabant, conuocare coeperunt: quibus collectis decretum fecere, ut omnes qui unà sentire uellent, iuramentū iurarent tale: Inducias quas rex transmisit, Athenienses uerò ac socij cōfirmarunt, firmiter obseruabo. Quod si quispiam contra ciuitatem aliquam quæ iuramentum hoc præstitit, militauerit, totis uiribus illam iuuabo. Cumq; iuramento hoc reliqui omnes lætati essent, Elij huic contradicere coeperunt, asserentes neq; Marganes aut Scilluntios siue Triphyllos liberi iuris esse debere, quoniam ipsorum ciuitates illæ essent. Athenienses uerò ac reliqui decreuerunt, quemadmodum antea rex scripserat, tam minores quàm maiores

maiores liberas esse ciuitates : hancq; ob rem circum singulas miserunt ciuitates, qui undiq; a magistratibus iuramenta exigent: omnesq; præter Elios iurauere. Mantinenses uerò cum se penitus liberos cernerent, cōuenere, rursusq; ciuitatem condere, ac mœnijs circundare decreuere. Id Lacedæmonij molestissimum esse rati, si cōtra eorum fieret uoluntatem: quapropter Agesilaum, quoniam paternus illis amicus esse uidebatur, ad Mantinenses mittunt legatum. Qui cum ad illos peruenisset, primores populi concilium dare noluerunt, sed si quid dicere uellet, id corā ipsis exponeret iusserunt. Et ille eis promisit, si nunc ab opere desisterent, illudq; in aliud differrent tēpus, Lacedæmonios absq; illorum expensa mœnia erecturos. Cui illi responderunt, impossibile esse rem intermittere, cum iam publicè decretū esset, ut uniuersa ciuitas munimenta erigeret. quapropter Agesilaus iratus discessit. Bellum uerò illis inferre ob nuper confectam pacem impossibile sibi uidebatur. At Mantinensibus quamplures Arcadiæ ciuitates adiutores misere: Elei uerò tria argenti talenta illis in operis contulere expensas. Et Mantinenses his incumbebant. At Tegeatæ, qui cum Callibio et Proxeno sentiebant, omnes Arcades conuenire debere, & qui publicè electus esset, hunc ciuitatum esse dominum censuerunt. Qui uerò Stasippo adhærebant, patrijs uti legibus æquum esse diiudicabant. Idcirco cum qui Callibio & Proxeno fauebant, in theatris uicti essent, existimabant si armatum intrò uocarent populum, multitudine superare posse. Id sentientes qui circa Stasippū aderant, ipsi quoq; arma ceperunt, nec numero inferiores erant. Cumq; ad manus uentum esset, Proxenū ac nonnullos alios paucos

interfecere: reliquos cum in fugam uertissent, haud longè insequuti sunt. Talis enim Stasippus erat, ut plures ex ciuibus interire haud uellet. At qui cum Callibio effugerāt, cum ab inimicis amplius non persequerentur, sub muris. Et portu quā Mantineam itur collecti quietem agebant: siquidem iam antea ad Mantinenses pro auxilio ferendo miserant. Interim uerò cum Stasippo Et aduersarijs de reconciliatione agebant. Cum uerò opem sibi ferre conspexissent, alij occupatis muris, ut suppetias eis quamce-
 terrimè ferrent, orabant Mantinenses, Et ut festinarent hortabantur: alij uerò portas illis aperiebant. Stasippus uerò Et qui cum eo sentiebant, cum hac de re certiores facti essent, per portas quæ Palantium ferunt, exciderunt, Et antequam à persequentibus comprehenderentur, in Dianæ confugerunt templum, ubi inclusi quietē agebant. At eorum inimici ac persequutores conscenso templo, ac culmine reuulso, lateribus illos feriebant: qui cognita necessitate illos desistere iusserunt, seq; exire paratos esse ostenderunt. At illorum aduersarij eos tanquam mancipia corripientes, uinctosq; currui impositos Tegeam perduxerunt: ubi cum Mantineis causa cognita fuit, illos interfecerunt. His actis Tegeatæ qui cum Stasippo senserant, octoginta circiter Lacedæmonem fugere: Et Lacedæmonijs ex iuramenti forma quamcelerrimè Tegeatenstū mores, tum expulsoꝝ iniuria uindicanda uisa est: quapropter contra Mantinenses bellum susceperunt, tanquam illi contra iuramentū Tegeatenstibus arma intulissent. Cumq; Ephori ita decreuissent, Agesilaū ciuitas educere copias iussit. Et Arcades alij Aseam conuenere, præter Orchomenios: hi enim ob Mantineorum odium, cum alijs Arcadibus

dibus sentire noluerunt. Mantinei quoq; ut militibus mercenarijs, quos Polytropus Corinthi cōgregabat, resistere possent, domi manebant. Heræi autem & Lepreates cum Lacedæmonijs contra Mantineos militarunt. Agesilaus uerò cum rem sacram fecisset, confestim in Arcadiam irrupit, & ciuitatē quandam finitimam Eugeam nomine cepit: ubi cum senes, mulieres & pueros solū reperisset, (iuniores enim uniuersi ac militaris ætatis in Arcadiā profecti fuerāt) nulla maiori calamitate ciuitatem affecit, sed captiuīs illam inhabitare concessit. Rerū uerò necessaria rum quantum indigebant milites sumere permisit: si uerò sub primam irruptionem quid raptum esset, idq; compareret, Agesilaus reddi iussit. Muros uerò interim cum ibi ageret, ac Polytropum cum mercenario expectaret milite, quantum poterat diruit. Interim Mantinei Orchomenios inuadunt, à quibus male accepti, ac nonnullis desideratis, turpiter à muris expulsi sunt. Cumq; inde digressi, iamq; Elymiam peruenissent, Orchomenij à persecutione illorum reuersi sunt: mercenarij uerò quibus Polytropus præerat illos pertinacius insequabantur: quod Mantinei cernentes, ac cognoscentes ni illos repellerent, cladē se accepturos, conuersi persequentes exceperē, Polytropumq; fortiter bellum cientem interficiunt: reliqui in fugam uersi sunt, & ni Phliasiorum equites in tempore affuissent, ingēs clades accepta fuisset. Hi enim Mantineis ne longius ab ordine uagarentur, impedimento fuere, illosq; à persequutione inhibuere. Et Mantinei his actis domum regressi sunt. Agesilaus uerò cum de his certior factus fuisset, peregrinumq; militem ex Orchomeno sibi coniungi amplius non speraret, exercitum mouit, primaq; die in

Tegeatide regione coenam sumpsit, postridie in Mantineorū descendit fines, castraq; sub Mantinea montibus, qui hesperum uergunt, posuit: ex quibus excursionē facta cuncta ferro ac flamma uastauit. Arcades uerò qui Aseā conuenerant, nocte Tegeam perucnere: postridie Agesilaus progressus, cum haud longius stadijs uiginti à Mantinea abesset, castra collocat. Aderāt interim ex Tegea numero ingenti Arcades, ac montes qui inter Mantineam & Tegeam intercedunt occupabant, mirè Mantineis coniungi desiderantes: Argiui enim illos uniuerso haud sequebantur populo. Et erant qui Agesilao persuaderent, ut cum illi non adessent, confugeret. Ille enim timebat ne dum cum illis congrediretur, Mantinenses ex urbe eruptione facta, à tergo & lateribus illum adorirentur. Optimum igitur ratus ut eos coniungi pateretur, & si ex æquo ac aperto configere uellent, illis pugnandi faceret copiam. Arcades itaq; se cōiungere. At clypeati ex Orchomeno, & Phliasiorū equites cum illis nocte Mantineam prætergressi, orta die Agesilao rem sacram faciente in conspectum uenere, effecereq; ut milites in ordines redirent, Agesilaus uerò ad illos se reciperet. Cum uerò quòd amici essent, cogniti fuissent, Agesilaus litauit, sumptoq; prandio, in festo procedit agmine, ac sub uestperum castra post sinū Mantinensem undiq; montibus circumseptum collocat. Postridie diluculo ante exercitum litauit, cernensq; ex Mantineorum ciuitate milites undiq; ad montium summitates confluisse, quamceleriter exercitum ex sinu abducere decreuit: timens uerò ne dum copias reduceret, hostes nouissimos adorirentur ac premerent, signa sistere iubet, aciemq; circūegit, ac nouissimos

uersis

uersis hastis circumflectere, & phalangi se coniungere mandat: sicq; non solum tutè angustias superauit, sed & longè firmiorè phalangem reddidit. Cumq; duplicata sic acie in plana descendisset, rursus eam ad nouem uel decem explicat scuta. Mantinenses uerò haud obuiam fuere, ab Elijs qui unà militabant persuasi, ne ante Thebanorū configerent aduentū: certissimè enim se scire aiebant, breui illos affuturos. Decem enim talenta hanc ob rem ab ipsis in Boeotiam missa esse ostenderūt. Quæ cum Arcades audiuiſſent, in Mantinea quieuerunt. Agesilaus autem quamuis mirè exercitum abducere cuperet, hyems enim media erat, per tres tamen dies statim haud longè à Mantineorum egit ciuitate, ne timore perculsus, præpropere celeritate copias reduxiſſe uideretur. Quarta uerò luce militibus summo mane prandere iuſſis, cōposito agmine processit, tanquam castra illic collocaturus, ubi antea cum ex Eugea moueret posuerat. Cum uerò nemo ex Arcadibus compareret, citato agmine Eugeam conceſſit, eoq; multā sub noctem uenit. Milites enim anteaquam hostium conspexiſſent ignes, abducere uoluit, ne fuga abiſſe credereſſetur. Ciuitatem itaq; à priori ignominia aliquantisper subleuaſſe uidebatur, quòd Arcadium ingreſſus illam uastaſſet, nemoq; manū cum illo conſerere ausus fuiſſet. Cumq; in Laconicam perueniſſet, Spartanos domum reduxit, socios uerò ad proprias dimiſit ciuitates. Arcades interim cum Agesilaum digreſſum exercitumq; soluſſe reſciuiſſent, undiq; collecti contra Heraeos mouerunt, cum quòd Arcadibus adhærere nollent, tum quòd cum Lacedæmonijs in Arcadium irruerant. Populabundi igitur domos concremabant, arboresq; incidebant. Cum uerò Thebani

pro auxilio ferendo Mantineam peruenisse dicerentur, Heraeam regressi sunt, ac Thebanis se iungere. Thebani uerò rectè se res habere rati, cū enim suppetias tulissent, hostemq; nullū offendissent, discedere parabant. Arcades uerò & Argiui necnon Elij præpropere celeritate Laconicam illis irrumpere suadent, ostendentes multitudinē suam, necnon Thebanorum exercitum summis tollentes laudibus. Bœotij enim uniuerſi Leuctrica elati uictoria, in armis egregiè se exercebant. Sequebantur quoq; eos Phocenses iam illis subiecti, omnesq; Euboiæ ciuitates, necnō Locri utriq;, Acarnanes quoq;, Heracleotæ, & Maliei aderant, & Theſſalorum equites, ac peltati. Hæc omnia enumerantes, ac solitudinem quæ Lacedæmone erat referentes, orabant ne antea discederent, quàm in Lacedæmoniorum irrupissent regionem. Quæ cum Thebani audiuiſſent, resistere cœperūt, prætendentes quòd admodum difficilis ingressu Laconica esse diceretur. Arbitrabantur insuper præsidia in locis opportunis disposita esse: etenim Ischolaus in Io Sciritidos cum iunioribus & Tegeatum exulibus trecentis circiter agebat. Erat præterea in Leuctris super Maleotides præsidium aliud. Considerabant insuper Thebani Lacedæmonios celeriter uniuerſas cōtrahere posse uires: prælio uerò decernere nullibi illis opportunius arbitrabantur, quàm in finib. proprijs: quæ omnia perpendentes haud multum ad irruptionem inclinati erant. Cum uerò ex Carya quidam aduentassent, solitudinem nunciantes, seq; itineris duces offerentes, & si fraudulentè quid moliri uiderentur, iugulari se iubētes: quidamq; ex conterminis ciuitatibus eos uocassent, promittentes quamprimum illos in finibus uidissent, se deſe-

cturos:

Eturos : referebant præterea uicinos à Spartanis in auxilium uocatos parère noluisse: Thebani præ cæteris his auditis persuasi sunt, & ipsi per Caryas irruperunt, Arcades uerò per Ion Sciritidos. Quòd si Ischolaus inuia occupasset, nemo illic ingredi potuisset : nunc uerò cum Iates socios præstolatur, in uico consedit. Cum itaq; ingēti multitudine Arcades inuia superassent, ab eis qui cum Ischolaus aderant ex aduerso excepti, ac egregiè sub initium uitæ sunt. Cum uerò crescēte certamine à tergo & ex transuerso ac ab domorum culminibus undiq; iaculis ac sagittis premerentur, Ischolaus cū omnibus qui aderant, præterquam si quis ignotus aufugit, occubuit. His actis Arcades ad Thebanos in Caryas contenderūt: Thebaniq; cum rescuissent quæ ab Arcadibus gesta essent, multò alacriores iam irrumpebant, Selasiamq; confestim incenderunt, ac diripuerunt. Cum uerò ad plana peruenissent, castra in Apollinis metati sunt loco : postridie uerò progrediebantur. Pontes uerò quæ ad urbem ducunt transcendere ausi non sunt: hostes enim armati in Aleæ cōspiciebantur templo. A dextra igitur Eurotam habentes procedunt, regionemq; multis & egregijs excultam domibus, ferro ac igni populabantur. At mulieres quæ nunquam hostes seu fumum conspexerant, tanquam ad spectaculum ex urbe confluebant. Spartani uerò cum urbs muro careret, undiq; loca peruia præsidij firmant. Et quamuis paucissimi & essent & uiderentur, egregiè tamen resistere parabant. Proinde magistratibus uisum est per præconē nunciare, ut quicunq; ex seruis arma corripere, ac ordinibus se immiscere uellent, publicam acciperēt fidem, cum debellatum foret libertate donarentur : ferturq; sub eam

uocem ad sex millia seruorum nomina dedisse, ita ut haud paruam Spartanis ob multitudinem iniecerint formidinem. Cum uerò ex Orchomeno mercenarij aduenissent milites, Phliasij quoq; Lacedaemonijs opem tulissent, nec non Corinthij, Epidaurij & Pellenes, cum alijs nonnullis ciuitatibus, iam minus seruos qui nomina dederant timere Lacedaemonij. Cum uerò hostilis prætergressus esset exercitus, ad Amyclos deuenit, ibiq; Eurotam transgressus est. Et Thebani ubicunq; castra collocabant, cōfestim detruncatis arboribus castris prætendebant, eaq; munitiores eo reddidere pacto. Arcades uerò nil tale curabāt, sed depositis armis ad rapinam & domorum se cōuertebant direptionem. Tertia inde uel quarta die Thebanorum, necnon Eliorum, Phocensium, Thessalorum, ac Locrensum equites, cuncti ad Hippodromium usq; processere: quibus Lacedaemoniorū equitatus longè numero inferior fit obuiam. Insidias uerò iuniores quasi trecenti in Tyn-
 daridorum posuerant templo. Vno itaq; impetu equites concitant equos, in hostesq; permittunt, peditesq; ex insidijs pariter surrexere. Verū hostes hunc haud tulere impetum, sed deflexere. Id cum pedites cernerent, quamplures quoq; ex ipsis in fugam uersi sunt. Sed cum Lacedaemonij à persecutione desisterent, Thebanorum quoque exercitus hostes excipere paratus esset, rursus castra collocarunt, urbē uerò aggredi ausi nō sunt. Iam enim Spartanos uiribus auctos esse cernebant: quapropter uniuerso inde digressi exercitu, Elos uersus, ac Gythiū ducere cœperunt, ciuitatesq; mœnibus carentes incenderunt: Gythium uerò, ubi Lacedaemoniorum erant naualia, triduo expugnauerunt. Deficiebant interim nonnulli ex cōter-

minis

minis ciuitatibus, cum Thebanisq; arma iunxere. Athenienses uerò cum hæc audissent, dubij erant quid de Lacedæmonijs agerent. Ex senatus itaq; decreto concionē conuocauere. Aderant enim Lacedæmoniorum ac aliorū sociorum qui nondum ab illis defecerant legati. Et Lacedæmonij Aratus, Ocyllus, Pharax, Etymocles et Olontheus, cuncti fermè eadem dicebant. In memoriam enim Atheniensibus reducebāt, quòd semper in maximis periculis ad communem utilitatem inuicem opem tulissent: se enim tyrannos ex Athenis expulisse: Athenienses uerò cum ipsi à Messenijs obsiderentur, egregiè auxilium tulisse. Vtilitates quoq; referebant ac commodum, quod illis si unà sentirent, utrinq; euenire posset. Commemorabant præterea quemadmodum cōmuni consensu barbarum repulissent, quodq; Athenienses Lacedæmonijs suadentib. classis duces, ac publicarum pecuniarū custodes à Græcis electi fuissent: ipsi uerò omnibus Græcis consentientibus terra duces cōstituti essent. Cum igitur Athenienses hac de re consultarent, quidam progressus ita uerba fecit: Si uos et nos ò uiri unà sentiemus, spes erit nos, quod iampridem fertur, Thebanos à nobis reijcere posse. Quamuis enim Athenienses parum de his curant, rumor tamen non leuis uolat, illos nunc inter se ita uerba ferere, ut si eis res quas nunc aggressi sunt, prosperè cedent, nobis inde immineant. Fortissimum uerò inter cætera quæ à Lacedæmonijs referuntur, hoc esse uidetur argumentum, eos Thebanis summis restitisse uiribus, cum deuictis nobis, Athenas desolare conati fuissent. Plurimus igitur sermo erat, tanquā ex iuramenti forma opem ferre teneretur. Arcades enim nulla affectos iniuria, cum socijs arma Lacedæmonijs in-

tulisse eam ob causam, quòd Tegeatibus auxilium contra Mantineos, qui neglecto iuramento illos inuaserant, præstitissent. Ob hos itaq; sermones tumultus per concionem ortus est. Aliqui enim iustè Mantineos egisse dicebant, quòd hospitibus qui exciderant, ac à Stasippo cum tribu libus interfecti fuerant, opem tulissent. Alij uerò iniustè illos fecisse asserebant, quòd Tegeatibus arma intulissent. Cumq; cōcio tam diuerse sentiret, Cliteles Corinthius surrexit, itaq; uerba fecit: Perquam facilè uiri Athenienses discerni potest, quinam primi iniuriam intulerint. Quis enim post factam pacem nos incusare habet, tanquā contra ciuitatē aliquam militauerimus, pecunias quorundam abstulerimus, terram alienam uastauerimus? Verū Thebani regionem nostram ingressi, arbores detruncare, domus incendere, ac demum pecunias & pecora diripere. Nobis itaq; cum tam insigni ac manifesta affecti sumus iniuria, si opem denegaueritis, nōne contra iuramenti formā uenisse uidemini? Proinde quid & uos & nos omnes inuicem iurauerimus, diligenter uos considerare decet. His dictis Atheniensium secutum est murmur, tanquam rectè iusteq; Cliteles disseruisset. Post hunc uerò Patrocles Phliasius ita loquutus est: Omnibus ô uiri Athenienses manifestū esse reor, Thebanos, si Lacedæmonij expeditibus sublati fuerint, confestim uobis præ cæteris bellū illaturos. Vos enim solos impedimento esse arbitrantur, quò minus Græciæ dominia consequi ualeant. Quæ cum ita se habeant, ego uos non magis, si contra Thebanos militaueritis, Lacedæmonijs, quàm uobismetipsis opem tulisse reor. Longè enim uos molestius laturos arbitror, si Thebani uobis inimici ac cōtermini, Græciæ ducatū assequi

quanti fuerint, quàm si hostes remotiores habueritis: quæ
propter facilius, donec socij supererunt, defendere uos
poteritis, quàm si deuictis illis soli Thebanis resistere co-
gimini. Proinde si qui uerentur, ne si Lacedæmonij nunc
ope uestra à periculis erepti fuerint, olim uobis molestias
sint præbituri: illi sciant, non eos quibus bene, sed quibus
male factum est, ne uiribus crescant, timēdos esse. Quin-
imò & hoc quoque cogitare oportet, non solum respub.
sed & homines priuatos decere, dum maximè uiribus flo-
rent, ea acquirere, quæ illis quandoque usui esse ualeant,
ut cum necessitas ingruerit, paratum quò refugiant præ-
sidium habeant. Vobis oblatum est pulcherrimum: quòd
si implorantibus Lacedæmonijs opem feretis, illos in om-
ne tempus amicos fidelissimos reddere potestis. Porro si
præsenti tempore in eos benefici fueritis, non paucos hu-
ius rei arbitros habebitis: sed dii qui nunc & in sempiter-
num cuncta aspiciunt, in primis testes erunt, dein socij pa-
riter ac hostes, præterea Græci uniuersi ac barbari, nil
enim hos latere poterit: quapropter si ingrati aliquando
cōtra uos euasuri essent, quis unquam illis fidem posthac
adhibiturus esset? Verùm sperandum est illos bonorū po-
tius quàm malorum uirorum officio functum iri, maximè
cum præ cæteris semper hominibus laude digna perage-
re, quæ uerò uituperio fuere imputanda, declinare cōsue-
uerunt. Atqui & hoc quoq; perpendendum erit: si un-
quam Græciæ à barbaris periculum imminabit, in quibus
nam potius quàm in Lacedæmonijs spem collocare, seu
quos socios fideliores reperire poteritis, quàm eos qui in
Thermopylis constituti, omnes potius egregiè pugnando
occumbere, quàm uiuentes barbaro in Græciam aditum

præstare elegerunt? Nónne igitur dignum esse uidetur,
 cum tam strenuam operam unà uobiscum præstiterunt,
 & adhuc præstare possunt, uos pariter & nos meritis il-
 lis referre gratias? Aequum præterea existimandum est,
 ob præsentis socios illis opem non denegare: cum mini-
 mè ignoratis, illos qui in ultima necessitate eos non dere-
 liquere, & uobis aliquando dignas relatueros gratias. Pro-
 inde si ciuitas quæ cum illis periculum subire non formi-
 dauit, parui momēti uobis esse uidetur, noueritis si uestra
 ciuitas accesserit, non amplius contemnendas fore uires.
 Ego præterea, ô Athenienses, semper audiui hanc ciuita-
 tem uestrā consueſſe cunctis qui ad illam aut iniuria affe-
 cti, seu timore perciti, confugerint, auxilium non denega-
 re. Nunc uerò non solùm audio, sed præſens cerno, Lace-
 dæmonios tam magni nominis uiros, & cum ipsis amicos
 eorum fidelissimos, ad uos uenisse, subsidium exposcere,
 opemq; uestram humaniter implorare. Video quoq; The-
 banos, qui tum minimè Lacedæmonijs persuadere potue-
 runt ut uestram diriperent urbem, nunc rogantes ne im-
 pedimento sitis, quò minus qui uos seruauerunt perditum
 eant. Maiores uestri olim bene audierunt, quòd Argiuos
 qui circa Cadmiā occubuerant, insepultos relinquere
 noluerint: uos uerò quanto rectius agetis, si Lacedæmo-
 nios uiuentes neq; iniuria affici, aut penitus exterminari
 sinatis? Egregium hoc quoq; quòd Eurysthei oppressi in-
 iurijs, Herculis tamen filios saluare uoluistis. Verũ quan-
 to hoc pulchrius, quòd nō solùm principes, sed integram
 seruabitis ciuitatem? Omnium uerò pulcherrimum, quòd
 cū suffragijs suis absq; periculo Lacedæmonij uos tutati
 sunt, nunc uos armati & cum periculo illis subuenire nō
 differa-

diffèratis. Cumq; nos gaudeamus si uerbis saltē uiros tam egregios iuuare ualeamus, qua tandem letitia uos effèrri decet, cum re ipsa illis opem præstare possitis? Quinimò & hoc generosi animi est indicium, quòd cum sæpius amici ac hostes Lacedæmoniorū fueritis, non tamen iniuriarum potius, quàm beneficiorū memores eritis: gratiamq; referatis non eorum solū quæ in uos benignè, sed in uniuersam contulerint Græciam, de qua ut uiri boni optimè meriti sunt. His dictis Athenienses repulsis contradicere uolentibus, sententiam rogare cœperunt, ac uniuerso populo Lacedæmonijs succurrendū esse decreuerunt, Iphicratemq; ducem elegere: qui cum rem sacram fecisset, omnes in Academia cœnare, sibiq; præstò esse iussit. Verū quamplures illum exeundo præcessere, & Iphicrates copias mouit, Atheniensesq; rati ad rem egregiam se duci, alacriter sequebantur. Postquam uerò Corinthum peruenit, aliquos ibi substitit dies: ob quam moram cōfestim illi nota inusta est, tanquam impigrè sequentes, ad hostes ducere ausus nō fuisset. Interim qui in Laconica hostes erāt, Arcades & Argiui, Elij quoq; cum cōtermini essent, paulatim dilabebantur, domum quæ ceperant & rapuerant agentes ac ferentes: quapropter Thebani quoq; & relij qui ex hostico abire quærebant: exercitum enim quotidie imminui cernebant. Iamq; commeatus inopia castra inuaserat, cuncta siquidē depopulata, uastata, direpta, ac concremata erant: insuper hyems imminebat, ita ut omnes abeundi tenerentur desiderio. At postquam illi ex Lacedæmoniorum excederent finibus, Iphicrates quoq; Athenienses ex Arcadia Corinthū reduxit, quem de antè actis si quid egregiè gessit, minimè reprehendo: quæ uerò illo

egit tēpore, partim inutilia, partim uerò nullius momenti
 fuisse inuenio. Cum enim Onium occupasset montem, ut
 Bœotijs impedimento esset, quò minus domum regredi
 possent, admodum opportunam iuxta Cenchreas immu-
 nitam reliquit uiam. Certior deinde fieri cupiens num
 Thebani Onium transgressi essent, Atheniensium necnō
 Corinthiorū equites cunctos illuc speculatū misit: quam-
 uis pauci ad rem illam longè aptiores multis fuissent: si ez-
 nim pedem referre coacti fuissent, multò facilius ac per-
 ocium quodammodo, cum pauci essent, abire potuissent.
 Nunc uerò manum magnam, hostibus tamen longè infe-
 riorem emittere, nōne extremæ dementiæ esse uidetur?
 Equites itaq; cum multi essent, longoq; agmine incedere
 cogentur, ubi primum abire cœperunt, turbatis ordini-
 bus ad iniquissimum deuenere locum, ita ut haud
 pauciores uiginti ex illis caderent. Hoc
 acto, Thebani iam liberè quò uo-
 luerunt abire.

XENOPHONTIS RERVM GRAE-
 CARVM LIBER SEPTIMVS, BIL-
 baldo Pirckemero interprete.



INSEquenti anno Lacedæmoniorum ac so-
 ciorum legati liberis Athenas uenere man-
 datis, consultantes quonam pacto fœdera
 inter Lacedæmonios & Athenienses sanciri
 enda essent. Cumq; multi tam peregrini, quàm Athenien-
 ses, de societatis cōditionibus æquis differuissent, tandem
 Procles Phliasius talem orsus est sermonem: Postquam uo-
 bis, ô Athenienses, Lacedæmonios in amicitiam recipere
 placuit,

placuit, mihi in primis cōsiderandū esse uidetur, quo pacto amicitia illa sit per quā diuturnē mansura. Id uerō fieri posse maximē arbitror, si æquis conditionibus utrinq; fœdera ineantur. Proinde in reliquis fermē consentire uide mini, solū uerō de principatu nunc contentio intercedit. Vobis etenim mari, Lacedæmonijs uerō terra imperium tribui, æquum esse censetis: quod mihi non humana potius q̄ diuina prouidentia ac fortuna quadā euenire uidetur. Primò enim locum ad rem naualem admodum idoneum colitis: plurimæ siquidem ciuitates quæ mari sustentantur, ciuitatē uestram circumhabitant, & hæ omnes uestra imbecilliores. Portus præterea habetis egregios, sine quibus potētia nautica uti, est impossibile. Triremes quoque possidetis plurimas: patriūq; uobis est, rebus polleare maritimis. Præterea artes omnes ad rem illam necessarias, familiares habetis. Vsu uerō et experientia inter cunctos excellitis homines. Vita enim ut plurimum uobis expelago est, ita ut cum etiam priuatis incumbitis rebus, maritimorum tamen certaminum experientiam singularem acquiritis. Adde quòd nusquam maior classis quàm è ciuitate uestra prodire cernitur: quod haud parui ad imperium est momēti: nam qui iam uiribus pollet, hunc cuncti lubenti sequuntur animo. Dij quoq; in re nautica hanc uobis tribuere felicitatē, ut quamuis multis ac maximis certaminib. mari defuncti sitis, in paucis tamen succubuisitis, plurib. uerō egregiē superastis: quapropter decet quoq; socios uobiscum periculorū q̄suauissimē participes fieri. Quòd uerō necessaria ac attinens rerū marimarū uobis imminet cura, ita cōsiderate. Lacedæmonij quāuis annis plurimis uobiscum bella gessere, regionemq; uniuersam

in suam rede gissent potestatem, minimè tamen uos subigere ualuerè. Cum uerò deus aliquādo illis maris quoq; concessisset dominium, confestim ab illis penitus subacti estis. Hinc patet, è mari uniuersam uestram pendere salutem. Quod cum ita sit, nōne uos Lacedæmonijs in re maritima præferri est conueniens? Siquidem iam pridem ipsi quoque in nauticis rebus se uobis inferiores esse ingenuè fassi sunt: quandoquidem in maritimis certaminibus minimè periculum utrisq; par est: illis enim de uiris tantummodo quibus triremes instruuntur, cura est: uobis uerò de liberis, uxoribus, & uniuersa demum ciuitate, res agitur. Et sic uestra se habent. Lacedæmoniorū uerò hoc pacto. Primo mediterraneā incolunt regionem, ita ut quandiu terra potiuntur, etsi à maritimis intercluduntur negocijs, egregiè tamen uiuere possunt. Id cum ipsi præcipuè calleant, ab infantia in bellicis se exercere consueuerunt certaminibus, remq; in primis dignam arbitrantur, magistratibus obedire: quapropter illi terra, uos uerò mari præstatis: quemadmodumq; uos pelago, ita illi terra celerimè fortes instruere possunt uiros, ita ut socij rectè summatim in illis spem ponere ualeant. Proinde quemadmodū uobis deus mari, ita illis terra multas magnasq; cōcessit uictorias: plurima siquidem ac maxima terrestria confecerè certamina, in paucis uerò succubere, pluribus uerò egregiam retulere uictoriam. Quod uerò illis necessaria & non inferior terra, quàm uobis mari, cura imminet, ex re ipsa dignosci potest. Vos enim quamuis annis plurimis cum illis, sæpiusq; pugna nauali cōfluxistis, illos tamen debellare potuistis minimè: cum uerò semel terra uicti sunt, confestim illis de liberis, uxoribus, & uniuersa

ciuitate

ciuitate periculum iniectum est. Nónne igitur ijs qui tam egregiè in terrestribus excellunt certaminibus, rectè copiarum terrestrium committitur imperium? Et ego quæ coràm recensui, utrisq; longè utilissima esse arbitror. Vos uerò quæ maximè in rem sunt, cōsulere decet. His dictis, Athenienses ac Lacedæmonij qui aderant utrinq; assensientes, uehementer illius laudarunt sermonem. Surrexit inde Cephisodon, ac ita uerba fecit: Viri Athenienses, nónne uos decipi sentitis? Si enim mihi mentem adhibueritis, confestim manifestè uobis errorem demonstrabo. Si enim mari classẽm ducetis, Lacedæmonijq; uobis socij erunt, nónne illi trierarchos mittent Lacedæmonios? pariterq; ascensores? Nautæ uerò nónne erunt hilotæ uel mercenarij? nunquid igitur uos ijs parebitis? Si uerò Lacedæmonij uobis terra militandum esse denunciauerint, nónne uos equites ac pedites mittetis? Nunquid igitur illi duces erunt uestri? uosq; illorũ serui, ac penitus nullius momenti? Responde itaq; mihi ô Lacedæmonie Timocrates, nunquid paulò antè dicebas, societatem æquis conficiendam esse conditionibus? Est'ne igitur quid æquius, quàm alternatim maritimis ac terrestribus præesse exercitibus? Et si quid boni rebus inest nauticis, uos participes fieri, nos uerò à terrestribus haud arceri? His auditis, Athenienses illi assensere, decreueruntq; singulas ciuitates quinque alternatim præesse diebus. Cumq; utrinque cum suis ac sociorũ copijs Corinthum conuenissent, uisum illis est communiter Onium custodiendum esse montem. Cumq; Thebani cum socijs aduentassent, obseruabant alij alibi Onium: Lacedæmonij enim ac Pellenenses loca facilius expugnatu obtinebāt. At Thebani & socij cum à statuiis

abessent stadia circiter triginta, castra in campis collocant, deliberantes qua parte potissimū perirerent: simul sub crepusculum ad Lacedæmoniorum ducere cœperunt præsidium: nec hora aut opinione decepti sunt. Lacedæmonios enim ac Pellenenses cum è stratis surgerent, ac excubiæ nocturnæ iam mutarentur, nacti sunt, illosq; instructi inopinatos, cōpositiq; dispersos inuadunt: at qui ex tumultu illo euasere, in proximum confugere tumultū. Quibus omnibus collectis, Lacedæmoniorum polemarchus locum facile obtinere, hostesq; ab ingressu prohibere potuisset: nam & commeatus facile importari potuisset. Verum id minimè fecit: sed cum Thebanis admodum dubijs ac anxijs quonam pacto Sicyonē descendere possent, iamq; de reditu cogitatibus, inducias pepigit, ut quibusdam uidebatur potius ex Thebanorum quàm suorum sententia, sicq; discessit, & eos qui secum erant abduxit. At Thebani securè iam discedentes, Arcadibus, Eliensis & Argiuis socijs se coniungere, cum quibus populabundi Sicyonem & Pellenem contendunt. Cumq; in Epidauro castra posuissent, uniuersam circumiectam regionem flamma ac ferro uastarunt: inde mirum in modum despectis hostibus abire. Cumq; haud longè Corintho abessent, celeri cursu ad portas quæ Phliuntem eunti respiciunt, feruntur, ut si illas apertas offenderent, irrumperent. Sed cum quidam leuis armaturæ milites urbe egressi essent, in illos inciderunt, cum uix iugera quatuor à muris distarent: conscensisq; monumentis ac locis editioribus, sagittis ac iaculis illos incessabant, & haud paucos ex primoribus obtruncant: inde in fugam uersos tria uel quatuor insequuntur stadia. His actis, Corinthij mor-

tuos muris subduxerunt, illisq; per inducias redditis, trophæum erexere: Lacedæmoniorumq; socij ob id factum aliquantisper respirauere, ac animum resumpsere. Simulq; post hæc uenere Lacedæmonijs à Dionysio auxilia, triremes circiter uiginti, oneratæ Celtis & Iberis, inter quos erāt equites fermè quinquaginta. Postridie Thebani ac socij instructis ordinibus campum, qui mari ac tumultis urbi imminentibus interiacet, uniuersum milite complent, omniaq; uastant ac diripiunt. Atheniensium uerò ac Corinthiorum equites ob multitudinem illis appropinquare haud audebant. At Dionysij equites, quamuis pauci essent, sparsi, cum alius aliò ruunt, iaculis hostes obequitando incessunt: cumq; illi eos inuadere conarentur, terga eis uertebant. Inde abeuntibus rursus nouissimos premebant: interim uero nonnunquam equis desilientes quiescebant: cum uerò leuis armaturæ milites illos persequerentur, rursus facile conscensis equis illos eludebant: & si qui longius persequuti fuissent, eos conuersi premebant, iaculisq; male afficiebant, ita ut uniuersum exercitum procedere seu regredi cogerent ad eorum nuntum. Inde Thebani haud multis mansere diebus, copiasq; domum reduxere: reliqui quoque socij in suam quisque dilapsus est ciuitatem. Præsidarij uerò milites qui Dionysio aduenerant, Sicyonem delati, Sicyoniosq; congregatos, in campo prælio uincunt, ex quibus septuaginta circiter interfecere: Geras inde ui capiunt ac diripiunt: & subsidium quod primo à Dionysio in Lacedæmoniorum missum est auxilium, his actis Syracusas reuersum est. Thebani quoq; ac cuncti qui à Lacedæmonijs defecerāt, ad hoc usque tempus unanimiter res gessere, ducentesq;

Thebanos sequuti sunt. Sed Lycomedes quidam Manti-
 nensis nulli genere inferior, opibusq; pollens, & admo-
 dum liberalis, Arcades grauiter increpabat, asserens so-
 lummodo ijs Peloponnesum patriam esse, solumq; illos in-
 digenas illic inhabitare. Plurimas præterea gentes græcas
 ab Arcadibus originem traxisse: corpora præterea robu-
 stissima ac fortissima habere ea ratione ostēdit, quod cum
 auxilio quispiam indigeret, neminem Arcadibus præfer-
 ret: neq; unquam Lacedæmonios absq; Arcadibus Atti-
 cam ingressos, nec nunc quidem Thebanos sine ipsis La-
 coniam irrumpere ausos. Si igitur sapitis, inquit, cum ad
 expeditionem quandam uocabimini, minimè parebitis:
 utpote Lacedæmonios antea cum eos sequuti estis, mirū
 in modum extulistis: nunc uerò si Thebanis obtemperaue-
 ritis, nec uos qui ex parte præstetis, dignos ducitis, forsi-
 tan istos alios inueniatis Lacedæmonios. Arcades his au-
 ditis Lycomedi assentiebantur, summisq; illū extollebant
 laudibus, solumq; uirum esse arbitrabantur. Igitur duces
 constituerunt quos ille iussisset, ex rebusq; illis magnum
 Arcades adepti sunt nomen: Epidaurū enim Argiutorum
 ingressi, reditus ab Chabria qui peregrinis præerat militi-
 bus, Atheniensibus & Corinthijs interclusi sunt: ex qui-
 bus Argiuos ferociter adorti, non solum militum multitu-
 dine, sed & loci opportunitate longè superiores, repule-
 runt. Inde cū Asinem terræ Laconicæ adorti essent, præ-
 sidium uicere Lacedæmoniorū, ac Geranorem polemarchum
 Spartanum interfecere, suburbiaq; Asineorum di-
 ripuerunt. Cumq; in militiam exire decreuissent, neq; no-
 cte aut hyeme, seu uiae longitudine, aut montium deterres-
 bantur iniquitate, ita ut eo tēpore longè fortissimi cense-
 rentur.

rentur. At Thebani hanc ob rem Arcadibus subirascebantur, nec ut antea amicè illos colebāt. Elij quoq; postquam ab Arcadibus ciuitates quæ Lacedæmonijs ereptæ erant, repetere cœperunt, ac cernerent neq; se, neque sermones eorum alicuius esse momenti: Triphylios uerò & alios qui ab eis defecerant, quoniam Arcades esse dicerent, sibi præferri, ipsi quoq; Arcadibus insensi erant. Cumq; sociorum singuli præcipuè res suas curarent, aduenit ab Ariobarzane cum pecunijs ingentibus Philiscus Abydenus, confestimq; sub initium Thebanos ac socios, necnon Lacedæmonios, Delphos de pace facienda conuocauit: qui deo num pax futura esset minimè consulto, per se deliberabant. Cumq; Thebani haud consentirent Messenios Lacedæmonijs subiectos esse, Philiscus ut Lacedæmonijs auxilio esset, copiosum comparauit exercitum. Aduenit interim secundum à Dionysio subsidium. Cumq; Athenienses in Thessaliam contra Thebanos ducendum censerent, peruicere Lacedæmonij, ut in Laconicam prius moueretur. Cumq; auxiliares Dionysij milites Lacedæmonē applicuissent, Archidamus cum illis & ciuibus ad hostes profectus est, Carnanosq; ui expulit, & quoscunq; uiuo in suam redegit potestatē, cunctos iugulauit. Inde digressus ad Pharrasias Arcadiæ infesto procedit agmine, ac uniuersam regionem ferro & igni depopulatus est. Cum uerò Arcades & Argiui in subsidium aduolassent, copias reduxit, castraq; in Epimedeis collocauit tumulis. Cumq; ibi sederet Cissidas auxiliariorum Dionysij militum præfectus, manendi tēpus sibi præscriptū exiisse affirmans, Spartam uersus abducere suos cœpit. Cum uerò abeuntem Messenij per uiarum angustias adorti essent, ille ad

Archidamum pro ope ferenda misit, qui ei impigrè suppetias tulit. Cumq; ad diuerticulum quod Eufrestios ducit, peruenissent, Arcades & Argiui ut illi uiam intercluderent, aduenerant. At Archidamus in loco ubi ex Eufrestijs & Epimedeis uia cōcurrunt, in plana digressus, pugnandiq; copiam facturus, aciem instruit, ordinibusq; circumuectus, talibus ad pugnam hortatus est milites: Viri ciues, si nunc strenuam nauauerimus operam, rursus erectis suspicere poterimus oculos, patriamq; filiis nostris talem reddemus, qualē à patribus nostris olim accepimus. Desinamus igitur aliquādo liberis, uxoribus, senioribus, ac hospitibus opprobrio esse, apud quos antea omnium Græcorum eramus spectatissimi. His dictis, ex æthere fulgura ac tonitrua illi sequunda intonuisse aiunt. Contigit quoq; dextrum uersus cornu lucum ac statuam Herculis esse, à quo ipse oriundus ferebatur. His signis adeò militū ira & audacia creuit, ut haud parum negocij præfectis de inhibendo ardore iniectum sit. At cum Archidamus aciem direxisset, iamq; ad manus uentum esset, pauci admodum primum tulere impetum, qui pugnantes occubuerunt: reliqui uerò in fuga cecidere, ab equitibus ac Celstis interempti. Finita pugna, trophæoq; erecto, Archidamus confestim Demotelem præconem domum, uictoriæ magnitudinē nunciatum mittit, referreq; iubet, ex Lacedæmoniis neminem, ex hostibus uerò infinitum cecidisse numerum. Fertur cum hæc Spartæ audita essent, ab Agesilao seniores ac Ephoros cunctos lachrymari cœpisse: adeò gaudio & tristitiæ lachrymæ cōmunes sunt. Et Thebani ac Elij cum haud minus Arcadum opes quàm Lacedæmoniorum fractas rescuiissent, eorum indoluere fortunam.

tunam. Thebani uerò confestim animo uoluere cœperūt, quonam pacto Græciæ uniuerſæ imperium cōſequi poſſent. Arbitrabantur itaque ſi ad Perſarum regem mitterent, poſſe apud illum omnia ex ſententia cōficere: quæ propter conuocatis ſocijs, ad regem legatos mittere decreuerunt, ſub prætextu, tanquam Euthycles Lacedæmonius ad regem perrexiffet. Fuere uerò qui ad regem proſecti ſunt, à Thebanis Pelopidas, ab Arcadibus Antiochus pancratiaſtes, ex Elijs Archidamus: ſequuti quoque ſunt Argiui. Athenienſes quoq; his auditis, & ipſi ad regem Timagoram & Leontem ire iuſſerunt. Qui cum omnes ad regem perueniſſent, multū Pelopidæ præ cæteris rex tribuit, eumq; ſummis affecit honoribus. Enarrauit ille, ſolum ex omnibus Græcis regi Thebanos in Plataeënſi aſtiſſe prælio, nec unquam poſtea regi bellū intuliſſe: eosq; Lacedæmoniorum iram eam ob rem incidiſſe, quoniam cum Ageſilao aduerſus regem militare noluiſſent, neque illum digredientem in Aulidem Dianæ ſacra facere permiſſent, ubi Agamemnon quondam cum in Aſiam nauigaret ſacrificans, Troiam inde ceperat. Multum præterea ſplendoris Pelopidæ attulit, quòd Thebani eo duce in Leuctris uictores extitiſſent, & quòd inde Lacedæmoniorum fines ferro & igni depopulati eſſent. Oſtēdebat præterea Pelopidas, Argiuos & Arcades à Lacedæmonijs uictos ac fuſos eſſe quando Thebani ab fuiſſent. Aſtipulatus eſt illi in omnibus tanquā uera diceret Timagoras Athenienſis, qui proximus poſt Pelopidam à rege honorabatur: quapropter cum Pelopidas à rege interrogaretur, quid literis præcipi uellet, reſpondit: Vt Meſſenij à Lacedæmoniorū eximerētur iugo, Athenienſes quoq; claſſem

reducerent. Quòd si minus parèrent, illis bellum indiceretur: & si ciuitas quæpiã sequi recusaret, in primis contra illam moueretur. Hæc cum scripta, legatisq; recitata essent, Leo audiente rege exclamauit: Per Iouem Athenienses, ut uideo, alius pro rege amicus uobis quærendus est. Scriba uerò cum regi quid Atheniensis dixisset, interpretatus esset literis: addi iussit, quòd si Athenienses quæ iustiora illis sint, cognouerint, regem adeant, ac de his edoceant. At legati cum singuli domum regressi essent, Timagoras ab Atheniensibus necatus est, à Leonte accusatus, quòd illi adhærere noluiisset, sed consilia cū Pelopida contulisset clandestina. Ex alijs uerò legatis Archidamus Elius, quoniam Elij Arcadibus prælati fuerant, summis laudibus res efferebat regias: econtra Antiochus quasi contemptis Arcadibus, munera respuerat regia, omnibusq; ostendit, regem pistores, obsonatores, pincernas, ac ianitores habere plurimos: uiros uerò qui contra Græcos pugnare possent, cum omnia diligenti perscrutatus fuisset indagine, uidere haud potuisse. Aiebat præterea, pecuniarū copias superbiã sibi uideri, aureamq; platanū uix cicadæ umbram præbere posse. Thebani uerò legatos à cunctis conuocarunt ciuitatibus, ut regiam audirent epistolam: Persaq; qui literas ferebat, regis ostendebat signaculū, dein uerò quæ scripta erant, legit: & Thebani cunctos qui regis ac ipsorum expeterent amicitiam, in hæc iurare iuebant. Qui uerò à ciuitatibus aderant legati, se non iurandi, sed audiendi gratia illuc missos esse respondebant: si uerò iusiurandum exposcerent, ut ad ciuitates mitterent, iusserunt. Addidit Lycomedes Arcas, congregationem haud Thebis fieri debere, sed ibi ubi bellum gereretur.

reretur. Id cum Thebani ægreferrēt, eumq; societatis corruptorem esse dicerent, ille in concilio confedere noluit, sed discedens abiit, quem omnes ex Arcadia insequuti sunt legati. Cum uerò qui in urbe Thebana collecti fuerant, iurare nollent, Thebani legatos ad singulas misere ciuitates qui iuramentum exigent, regijsq; parere iuberent mandatis, existimantes nullam ciuitatem cum regis, tum ipsorum metu iuramentum detrectaturam. Verum cum primo Corinthum legati uenissent, Corinthij iurare renuerunt, asserentes minimè iuramenti cum rege communis indigere: quos aliæ quoq; multæ ciuitates eadē respondētes sequutæ sunt. Et Pelopidæ ac Thebanorū principatus hoc maximè dissolutus est pacto. At Epaminondas cum Achæos corripere uellet, ut Arcades ac socij reliqui eo magis Thebanis obedirent, Achaiam bello adori statuit. Pisie itaq; Argiuorum præfecto ut Onium occuparet, persuadet. Et Pisias Onij custodiam ab Naucleo qui peregrinis Lacedæmoniorum præerat militibus, & Timomacho Atheniense negligi edoctus, septem dierum commeatu assumpto, nocte cum duobus millibus peditibus Cenchreorum tumulum occupat. Aduenere interim Thebani qui Onium transgressi erāt, omnesq; socij, Epaminundæ ductu, Achaiam irrupere. Cumq; optimates Achaiæ illi obuiam facti fuissent, neq; optimates expellere, nec reipublicæ statum immutare decreuit, sed tantum fide accepta, ut socij forent, ac Thebanos quocunq; ducerentur, sequerentur, domum reduxit exercitum. Accusantibus uerò illum Arcadibus & factiosis, tanquam Lacedæmonijs suo discessu Achaiam obnoxiam reddidisset, uisum est Thebanis harmostas in Achaicas mitti debere

ciuitates: qui ingressi, optimates cum multitudine expul-
lere, ac popularem statum in Achaïam introduxere. At
qui exciderant, haud contēnenda collecti sunt manu, per
urbesq; celeriter incedentes, illas occupabant: quas cum
obtinuissent, non solū medios se gessere, sed & impigrè
Lacedæmonios iuuere, ita ut Arcades uehementer hinc à
Lacedæmonijs, inde uerò ab Achæis urgerentur. Sicyo-
ni uerò ad hoc usq; tempus communibus Achæorum le-
gibus respublica regebatur. Inde Euphron cum apud La-
cedæmonios longè maximus ciuium esset, apud illorum
aduersarios quoq; clarescere cupiens, Argiuos & Arca-
des edocet, si ditiores palàm Sicyonem obtinerent, pro-
culdubio ciuitatem rursus Lacedæmoniorū sequuturam
partes: si uerò, inquit, popularis inducetur status, probè
nostis ciuitatē uobis saluam fore. Si igitur adiumento mi-
hi eritis, populum ego conuocabo, uobisq; fidem meam
ostendam, ciuitatemq; in societate multò fidelio-rem red-
dam. Id uerò eam ob causam agam, quòd factum Lacedæ-
moniorum, quemadmodum & uos, iam pridē egre se-
ram, ciuitatemq; è seruitutis iugo eripere quæram. Arca-
des & Argiui letis hæc excepere animis, illiq; impigrè
opem præstiterunt. Et ille confestim in concione, præsen-
tibus Argiuis & Arcadibus, populum ad libertatem uo-
cat, asserens gubernandi formam æqualem ac cōmunem
esse debere. Qui cum illi assensi fuissent, duces quicunq;
illis idonei uiderentur, eligere iussit. Illi uerò ipsum ele-
gere, eiq; adiungere Euphronem & Hippodamum, Cle-
andrumq; Acrisium & Lysandrum. His actis, peregrino
militi Adeam filium ipsius præficiunt, abrogato Lysime-
ni imperio, qui antea illis præfuerat. Et Euphron confe-
stim

stim quosdam ex militibus illis beneficijs sibi conciliabat, ac fidos reddebat, reliquos uerò sollicitabat: inde neq; priuatis, publicis, seu sacris abstinebat pecunijs, & quoscunque sub factionis prætextu eiciebat, illos omnibus spoliabat fortunis. Ex collegis quoq; nonnullos dolo aggressus interfecit, alios uerò urbe pepulit, ita ut omnia nutu gubernarentur suo, iamq; in manifestam erumperet tyrannidem. Verum ut socij hæc negligerent partim pecunijs transigit, partim uerò peregrino milite quocunq; ducetur impigrè sequendo illos demerebatur. Argiui interea Phliunti supra Iunonis templum Tricranum ædificarunt, Sicyonij uero in montibus Thyamiã erexerunt: quapropter Phliasij uehementer urgeri, summaq; inopia premi cœpere, nihilominus tamen in societate perstiterē. Proinde si ciuitas magna quid egregium peragit, in omnibus celebratur historijs: mihi uerò si ciuitas quædam parua multa memoria digna egerit, longè magis laudibus extollenda esse uidetur. Siquidem Phliasij florentibus adhuc Lacedæmoniorum rebus illis amici facti sunt: eorum uerò uiribus Leuctrica pugna minutis, uicinisq; quamplurimis, necnon hilatis omnibus, socijsq; uniuersis, exceptis paucissimis, deficientibus, cunctisq; Græcis, ut ita dicam, bellum Lacedæmonijs inferentibus, soli tamē pertinacissimè in fide perstiterē: & quamuis potentissimos in Peloponneso Argiuos & Arcades hostes haberent, nihilominus tamē illis opem tulere, ultimiq; erant qui ex socijs in Prælias descenderent: ex quibus fucere Corinthij, Epidaurij, Træzenij, Hermiones, Halies, Sicyonij, & Pellenci, nec unquam defecere. Neq; cum Xenagus præsidio abducto ipsis derelictis discessisset, animo conciderunt, sed condu-

Et mercenario duce ex Prasijs, cum hostes circa Amyclas essent, ut potuere dispersi Spartam uenire: quapropter Lacedæmonij cum illos uarijs affecissent honoribus, bouem quoq; eis dono miserunt. Cum uerò hostes ex Lacedæmoniorum excessissent finibus, Argiui illis ob Lacedæmoniorum studium infensi, uniuerso populo Phliuntem irruperunt, regionemq; uniuersam ferro ac igni uastauerunt. Cumq; non solum primo ingressu id fecissent, sed & abeuntes cuncta quantum poterant uastassent, egressi Phliasiorum equites illis imminebant. Cumq; Argiui uniuerso equitatu ac manipulis quibusdam nouissima tuerentur, illos adorti sunt: & cum haud plures sexaginta essent, præsidium tamen uniuersum, interfectis haud paucis, in fugam uerterunt: cernentibusq; Argiuis, ac non minus ægredientibus quam si omnes animam efflarent, trophæum erexere. Rursusq; cum Lacedæmonij socijque Onium præsidio obtinerent, Thebaniq; illum transcendere pararent, Elijque & Arcades ut eis se cõiungerent, per Nemeas iter facerent, exules Phliasiorum illis promissere, si se duces sequerentur, Phliuntem capere posse. Cumq; illi assensum præbuisent, exules cum sexcentis alijs circiter aduectis, scalis nocte sub muris delituere. Interim cum à Tricrano speculatores hostes adesse significassent, ciuitasq; illis animum aduertisset, à proditoribus quoq; ex insidijs ascendendi signum datum est. Hostes itaq; impigrè muro conscenso, custodum arma occupauere derelicta, diurnaq; deturbata statione, custodes decem in fugam uerterunt. Nam ex quindena unaquaque custos unus derelictus fuerat: unum uerò dormientem, alium uerò ad Iunonis confugientem templum obtruncarunt. Quum itaque fuga è muro

muro desilientium in urbem fieret, qui arcem occupauerant incerti erant quidnā agerent: sed cum clamor in urbem delatus esset, impigrè ciues auxilium tulerunt. Et sub initium hostes arce egressi, ante portam quæ in urbē fert, pugnam capeſſebant: sed cum undique à succurrentibus premerentur, pedem rursus in arcem referre cœperunt: in quos grauis armaturæ milites signa inferūt, cōfestimq; media arcis pars deserta est: hostes inde conscensis turribus ac muro, ingressos telis feriebant. At illi terra reptantes, per muri scalas ascendere cœperunt, turresq; nonnullas hinc atq; inde ciues occuparunt, simulq; alios ascendentes ad se trahebant: quapropter hostes undiq; audacia ac ui oppressi, impetum non tulere. Eodem tempore Arcades & Argiui urbem circundantes, per uices arcis muros diruere nitebantur. Qui uerò intus erant, partim eos qui in muro erant, alij uerò ab extra per scalas ascendentes, reliqui uerò eos qui turres occupauerant, oppugnabant: ignemq; in tabernaculis offendentes, facesq; quas fortè in arce inuenerant incēdentes turribus subijciebāt: quapropter qui turres obtinebant, flamma perterriti, sua sponte turres derelinquebant: qui uerò muros ascenderant, uirtute ciuium ab his deiecti ac expulsi sunt. Cumq; semel hostes inclinare cœpiſſent, confestim uniuerſa arx ab hostibus derelicta est, illicoq; equites urbe egressi sunt: quos hostes cernentes, derelictis scalis, mortuisq; ac uiuis nonnullis qui sequi nequiuerant, aufugere: cecidereq; ex hostibus tam intra, quàm extra, haud pauciores octoginta. Hinc de salute securos, cernere erat uiros quidem inuicem cōplectentes, mulieres uerò potum ferentes, ac præ gaudio lachrymas effundētes, omnes uerò præſentes ſica

tum cum letitia miscere. Insequenti quoque anno Argiui & Arcades uniuersi Phliuntem ingressi sunt. Quòd uerò Phliasios ita semper premebant, causa erat, quòd illis infensi erant, & quia in medio siti erant: sperabant insuper commeatus penuria illos cogi posse, ut tandem à Lacedæmonijs deficerent. In hac quoq; expeditione Phliasiorum equites ac electi, unà cum Atheniensium equitibus qui tum aderant, hostes in transitu fluminis aggressi uicerunt, hostesq; quod reliquū diei supererat, ad montes redire coegerunt, tanquam ab amicis frugibus uastandis abstinerent: rursusq; Sicyonis præfectus, cum Thebanis qui in præsidio erant, Sicyonijs ac Pellenensibus, tum enim Thebanos sequebantur, Phliasiorum ingressi sunt fines: necnon Euphron cum duobus millibus mercenarijs militibus, & reliqui, per Tricranum ad Iunonis ascenderūt templum, ut inde in agros impetum facerent: in montium uerò summitatibus ac angustijs quæ Corinthum ducunt, Sicyonios ac Pellenenses reliquere, ne illis occupatis Phliasij super capita eorum ac Iunonis consisterent templum. At qui in urbe erant, cum hostes adesse, eosq; ad agros uastandos aduenisse cognouissent, cum equitibus & Phliasiorum electis urbe egressi, manus cum illis conseruere, nec ut in plana descenderent, permisere, ibiq; inuicem laceffendo magnam partē transgere diei. Et qui cum Euphrone erant, Hippasimum usque processere: Phliasij uerò Iunonis non prætergredebantur templum. Cum uerò hora iam abeundi esse uideretur, hostes Tricranum uersus gradiebantur: ne enim breuiori uia ad Pellenenses peruenire possent, fossa ante muros erecta illis impedimento erat: eos uerò parumper ante diluculū Phliasij præteruersi, iuxta

muros

muros fossam transgressi, ad Pellenenses & qui cum illis erant, pergebant: quam Phliasiorum festinationem cum Thebani rescuissent, omni ope Pellenensibus succurrere accelerabant. Phliasiorum interim equites Pellenenses aggrediuntur, ab quibus fortiter excepti sunt: illi uerò parumper declinarunt, rursusq; cum peditibus qui iam aduenerant, in illos irruunt, ac atrocissimum ædebant prælium. Atqui non tulere hostes impetum, sed protinus in fugam uersi sunt. Cecidere pugna ea Sicyonij nonnulli, ac Pellenensium haud parum multi, uiriq; fortes desiderati sunt. His ædis, Phliasij clarissimum erexere triumphum, ac pæana canentes, ut æquū erat, reuertebantur. Et Thebani, quiq; cum Euphrone erant, hæc tanquam spectaculum quoddam cernere cogebantur: inde Sicyonem abire, Phliasij uerò in urbem rediere. Nec minus egregium id quoq; Phliasij egere. Viuum enim in potestatem redactum hospitem Pellenensem, quamuis summa rerum premerentur inopia, absq; precio dimisere. Nōne igitur meritò hi qui talia gessere, generosi ac fortes appellandi sunt? eo quoq; nomine clari, quòd tam summa constantia amicis fidem seruauerint? Quamuis enim à colligendis arceantur frugibus, perdurabant tamen, quædam ex hostili rapientes terra, nonnulla uerò ex Corintho coëmentes, multis periculis illuc contendentes, difficulter quoq; præcium corradentes, difficilior uerò à uendentibus necessaria redimentes, iumenta quoq; ad deuehendum commeatum summa difficultate à uicinis contrahentes. Tandem omnium rerum pressi inopia, Chareti persuasere, ut pro deuehendo commeatu præsidium cum illis mitteret. Qui cum Phliantem peruenissent, illum exorarūt ut inutilem

turbam Pellenem emittere liceret: quam ibi quoq; dimiserunt. Inde digressi necessaria coëmerunt, ac quotquot potuerunt, onerarunt iumenta, nocteq; reuertebantur, haud ignari ab hostibus transitū insideri: satius tamen rati egregie pugnando periclitari, quàm tanta rerum premi indigentia. Igitur cum Charete progressi, cum hostes adesse certiores facti essent, se ad certamen accingunt, ac inuicē hortantur, Charetemq; opem ferre clamant. Parta itaque uictoria, hostibusq; repulsis, cum omnibus quæ ferebant salui domū peruenere. Cumq; totam uigilassent noctem, ad multum dormierunt diei. At cum Chares surrexisset, equites primoresq; ciuium illum ita alloquuti sunt: Propositum est tibi, ô Chares, pulcherrimam hodie exequi rem. Regionem enim montanam Sicyonij muro circumdare nituntur ædificatoribus plurimis, uerū haud ita multis confisi militibus: hos nos equites præstantioresq; ciuium aggredi in animo habemus: tu uerò si peregrino subsequutus fueris milite, cum uictoriæ pulcherrimæ particeps eris, tum haud inferiorem Pellenensi fugam efficies. Si uerò quæ narramus tibi factu difficilia uidentur, deos sacrificijs cōsule: arbitramur equidem potius illos quàm nos, ut hæc peragas iubere. Nec te lateat, si hæc peregeris, hostibus superiorem fore, amicamq; seruaturum ciuitatem: gloriosissimum quoq; in patria, nominatissimum præterea tam inter socios quàm hostes euasurū. His persuasus Chares sacrificabat. Interim uerò Phliasiorū equites arma induebant, equosq; frenabant, pedites quoq; ad certamen se præparabant: inde composito agmine ad locum ubi sacra fiebant, undā tendebant. Quibus obuiam factus Chares cum uate, nuncians pulchra apparuisse exta:

uerunt

uerū aliquantisper expectate, inquit, nos enim una egre-
diemur. Confestimq; mercenarij milites ingenti alacrita-
te, tanquam numine afflati, ad hostes pergebant. Præcesse-
rant hos Phliasiorū tam equites quā pedites, quantaq;
poterant celeritate ad hostes festinabant: tandemq; equi-
tes equos concitant, peditesq; seruatis quantum poterant
ordinibus cursu ferebantur: quos Chares præpropere se-
quebatur celeritate. Dies uerò iam præcipitabat, ac in ue-
sperum uergebat. Nacti sunt itaq; hostes partim operi in-
cumbentes, alios se lauantes, nonnullos coenā præparan-
tes, hos panem pinsentes, illos uerò lectos sternentes: qui
cum Phliasios cum impetu ac celeritate irruentes cerne-
rent, metu perculsi, omnes in fugam uersi sunt. Cum ne-
cessaria cuncta uiris tam egregijs reliquissent, illi ibidem
coenantes, reliqua domum tulerunt, pæanizantes, ac ob-
res feliciter gestas sacra instaurantes: inde excubijs loca-
tis quieti se dederunt. At Corinthij cum de pugnae euentu
certiores facti essent, perhumanè contractis iumentis illa
cuncta frumento onerarunt, Phliuntemq; misere: & an-
tea quā undiq; muro circundarentur, quotidie necessa-
ria inferebantur. De Phliasijs itaq; quemadmodum ami-
cis fidem seruauerint, quāq; egregiè se in bello gesserint,
ac omniū indigi in societate permanferint, sat dictum est.
Eodem fermè tempore Aeneas Stymphalius cum Arca-
dum dux esset, ac quæ Sicyoni fierent intoleranda iudica-
ret, occupata cum exercitu suo arce, Sicyonios præstan-
tiores qui in urbe erant, necnon illos qui absq; decreto ex-
ciderant, conuocabat: quapropter Euphron timore per-
cussus in Sicyoniorum perfugit portum, Pasimelemq; ex
Corinθο accersuit, ut Lacedæmonijs portum traderet.

simulans se id fide ac beneuolentia facere. Siquidem cum deliberatum fuisset, num à Lacedæmonijs ciuitas deficeret deberet, ego cum paucis, inquit, restiti. Cum uerò rursus populum in meam traduxissem sententiam, proditoresq; supplicio afficere uellem, seditione facta secessere: omnes enim, ait, qui iam fugiunt, hi sunt qui uos prodidere. Proinde si potuissem, cum uniuersa ad uos defecissem ciuitate: sed cum id mihi facere haud licuit, id quod possum faciam, portumq; uobis tradam. Audiebant hæc multi, sed qui crederent admodum pauci erant. Verùm cum Euphronis mentionem fecerim, quæ de eo acta sint, ad calcem usque educam. Cum Sicyoni optimates ac populus seditione certarent, Euphron accepto ex Athenis præsidio, ciuitatem cum populo in suam redegit potestatem. At cum Thebanus harmostes arcem obtineret, illeq; cerneret quandiu arx in Thebanorum esset potestate, se ciuitati dominari haud posse, accepta pecunia Thebas profectus est, ut Thebanis persuaderet, ut expulsis optimatibus sibi rursus ciuitatem traderent. At qui antea exciderant, cum ipsius præsensissent cōsilia, ipsi quoq; Thebas profecti sunt. Verùm cum ipsum familiariter cū primoribus uersari cernerent, timentes ne si rem ex sententia perageret, ipsi rursus periclitarentur, illum quum in arce cum primoribus ac senatu sederet aggressi, obtruncant. At primores comprehensis autoribus, in senatum introducere, itaq; loquuti sunt: Viri ciues, nos Euphronis interfectores hos mortis reos deferimus, uidentes probos nūl unquā iniuste aut iniquè perpetrare: prauos uerò si quid mali agere nitantur, id ut clanculū fiat conari. At ubi adeo cunctos audacia ac scelere exuperant homines,

ut co-

ram principibus ipsis, uobisq; dominis, qui & uitæ ac necis potestatem obtinetis, hominē obtruncare haud ueriti sint. Qui si ultimo haud afficientur supplicio, quis posthac securè ad urbem hanc accedere poterit? Cuius præterea conditionis ciuitas erit, si unicuiq; ex libito quenquã, antequam ostendere possit cur huc uenerit, interficere permissum erit? Nos igitur hos ut scelestissimos ac iniquissimos, quiq; ciuitatis leges admodum transgressi sunt, deferimus. Vos uerò postquam malefacta eorū audiuiſtis, ea pœna qua uobis digni uidentur, illos plectite. Et ciuitatis principes talia sunt loquuti. At facinoris autores, alij se criminis reos esse negabāt: unus uerò qui rem ingenuè fatebatur, ita se defendere cœpit: Nemo unquam ut hominem in urbe uestra interficere auderet, ô Thebani, eò temeritatis euaderet, cum uos & uitæ ac necis dominos esse sciret, nisi primo rectè se agere existimaret, dein uos haud iniuste iudicatuſos speraret. Atqui non ignoramus cum Archias ac Hypates olim similia Euphroni audētes à uobis deprehensi essent, non sententia aliqua damnatos esse, sed euestigio ultimo affectos supplicio: siquidem existimabatis eum qui manifesti sceleris, prodicionis ac tyrannidis conuictus esset, ab omnibus hominibus iam morte damnatum esse. Nōne igitur Euphron quoq; criminū illorum omnium reus fuit? quandoquidem templa cunctis statuistam aureis quàm argēteis spoliauit. Quis præterea manifestior Euphrone proditor fuit? Nam cū summa amicitia Lacedæmonijs deuinctus esset, illis tamen relictis ad uos transfugit. Cumq; fidē dedisset, à uobisq; accepisset, rursus uobis proditis, portum hostibus tradidit. Atqui nōne apertissime tyrannidē exercebat, cum seruos non solum

in libertatē uendicaret, sed & ciuitate donaret? Præterea
 nō solū eos qui iniuste egerant, interficiebat, expellebat,
 fortunisq; omnibus spoliabat, sed etiam illos qui sibi ad id
 maximē idonei uidebantur: hi uerò optimates erant. Inde
 cū inimicissimis uobis Atheniensibus in urbē irrumpens,
 arma præfecto uestro intulit: quē cum urbe pellere haud
 posset, corrasis undique pecunijs huc accessit. Proinde
 cum uobis arma intulit, meritō mihi gratias habebitis,
 quoniam illum obtruncaui. Quo pacto etenim ad mortē
 iuste à uobis damnari uiderer, si illum sustuli qui collectis
 undiq; pecunijs ideo huc applicuit, ut uos illis corrumpere
 ret, persuaderetq; ut rursus eum ciuitatis dominum con-
 stitueretis? Etenim qui ui grassantur, nocent equidem, sed
 » in alijs haud iniurijs esse uidentur. At qui pecunijs iusti-
 » tiam suppressere quærunt, pariter & ledunt, in remq; in-
 » cidunt turpissimam. quapropter si ille mihi hostis, uobis
 uerò amicus fuisset, fateor me haud rectē egisse, quod il-
 lum apud uos interfecissem. Cum uerò uos prodiderit,
 num mihi seu uobis hostilior extiterit, considerate. Sed di-
 cet aliquis, sponte sua huc uenit. Equidē si procul ab urbe
 nostra obtruncatus esset, laudibus interfectorem decora-
 remus: nunc uerò cum de securitate certus ad nos perue-
 nerit, iniuste occubuit, etiamsi antea in nos iniurius fuit.
 Verū illi respondeo, ut mihi leges Græcorum ostendat,
 quæ proditoribus, seu transfugis, aut tyrannis securitatē
 præstent. Mementote præterea uos aliquando publicē de-
 creuisse, exules in omnes ciuitates socias cōmuni decreto
 reduci posse: at qui absq; publico decreto reuersus fuerit,
 hunc dicere ausim haud iniuste morte pœnas dedisse. Pro-
 inde si me interfeceritis, uiro uobis omnium inimicissimo
 uindicta

uindictam persoluetis. Quòd si me rectè egisse iudicabitis, uindictam debitam exegisse nō solū nomine uestro, sed & sociorum uniuersorū uidebimini. Quæ cum Thebani audiuisent, meritas Euphronem pœnas luisse decreuerunt. Ciues uerò eum tanquam uirum bonum in forum detulerunt, ibiq; sepelierunt, ac tanquam ducem ciuitatis uenerati sunt. Ita enim ut plurimū euenit, ut homines benefactores suos, uiros bonos esse contendant. Et quæ circa Euphronem acta sunt, ita se habent. Ego uerò unde digressus sum reuertar. Phliasij cum adhuc Thyamiae munitioni incumberent, Charete præsente Oropus ab exilibus occupatus est: cumq; contra illos Athenienses uniuersi expeditionē sumpsissent, Charetemq; ex Thyamia accersiuissent, portus Sicyonius rursus à ciuibus & Arcadibus captus est. At cum Atheniensibus nemo è socijs opem ferret, cum Thebanis ita conuenire coacti sunt, ut Oropus redderetur, quoad iure lis dirimeretur. Lycomedes igitur cum resciuisset Athenienses socios incusare, tanquam multas molestias propter illos paterentur, nemo uerò illis auxilium præstaret: quamplurimis persuasit, ut cum eis de societate ageretur: & sub initium magna pars Atheniensium ægreferebāt, quòd cum Lacedæmoniorū essent amici, illorum tamen hostibus societate conciliarentur: sed cum diligenter rem perpenderēt, inuenerūt haud minus Lacedæmonijs quàm ipsis conferre, ut à Thebanis Arcades distraherentur: quapropter cum Arcadibus societatem iniere. Quæ cum Lycomedes ex animi sententia peregisset, ab Athenis profectus est, finemq; beatissimū sortitus est. Cum enim plura adessent nauigia, ipseq; ex illis quodcunque placuisset eligere ac ostendere iussus

esset, ubinam potissimum se exponere uellet, ibi descendere elegit, ubi quamplurimi essent exules. Et ille hoc occubuit pacto, & societas maximè ita contracta est. Interea Demotion apud populum Atheniensem uerba fecit, ostendens, si illi Arcadium amicitia utilis esse uideretur, iuberent duces eorum operam dare, ut Corinthus salua populo remaneret Atheniensi. Quæ cum Corinthij audiuisent, misso undiq; ubi Athenienses in statuibus erant, præsidio ualido, illos abire iusserunt, ostendentes amplius illorum opera haud indigere: qui confestim paruere. Cumq; ex præsidijs uniuersis milites in urbem confluxissent, Corinthij præconis uoce nunciare iusserunt, si quis ab illis iniuria affectus esset, ostenderet: eos etenim eius rei rationem reddere oportere. Aduenit interim Chares cū classe Cenchreas, qui cum gesta intellexisset, simulabat se cum de insidijs certior factus fuisset, illos auxilij gratia accessisse. Corinthij uerò cum eum laudibus extulissent, minimè tamen naues intra portum receperunt, uerùm illum cum classe abire iusserunt, necnon milites qui nil iniuste egerant, dimiserunt. Et Athenienses hoc maximè pacto Corinthus excidere: & Arcadibus ob societatem equites in subsidium, si quis contra Arcadium militaret, mittere astrigati erant: ad Laconicum tamè bellum haud procedebant. At Corinthij cum animo uoluerent quantis periculis obnoxij forent, cum iam antea terra uicti essent, noui præterea hostes Athenienses accederent, milites tam equites quàm pedites conducere cœperunt, quibus & ciuitatem defendebant, hostesq; male afficiebant. Miserunt & Thebas sciscitaturi, num si illuc accederent, pacem consequi ualerent. Cumq; Thebani illos tanquam uoti cōpotes futururos

tuos aduenire iussissent, rursus Corinthij rogarunt, ut socios conuenire permitteretur, ut quos pacis cupidos reperirent, secum adducere possent: quos uerò bellum præferre intelligerent, bellare sinerent. Cumq; id quoque ab Thebanis illis concessum esset, Lacedæmonem perrexere, itaq; uerba fecerunt: Nos, uiri Lacedæmonij, amici uestri huc ad uos concessimus, postulamusq; ut si quam salutem, si bellare perseueramus, cernatis, nos quoq; certiores reddatis. Si uerò de rebus uestris dubij hæretis, dummodo id uobis cōducere existimatis, precamur ut unà nobiscum pacem faciatis: nobis enim cum nemine alio suauius est, quàm uobiscum saluari. Proinde si bellum magis uobis prodesse existimatis, supplicamus ne nobis impedimento esse uelit, quo minus pacem cōponamus. Etenim si à bello aliquantisper respirauerimus in tempore, quandoq; uobis usui esse poterimus. At si nunc perimus, amplius uobis prodesse nequimus. Quæ cum Lacedæmonij audiuiissent, Corinthijs ut pacem facerent, suaserunt: nec reliquis socijs impedimento fuere quo minus à bello desisterent: se uerò bello periclitaturos asserebant, quoad deo uideretur: nunquam enim concessuros ut Messene, quam à patribus acceperant, è manibus eriperetur. Quæ cum Corinthij audiuiissent, Thebas pro pace contenderunt, & Thebani ut societatem iurarent, petiere. Quibus responderunt, societatem non pacis, sed belli esse permutationem: at si uellent se adesse, ut de pace æqua agerent. Et Thebani cum cognoscerent quamuis Corinthij in summo periculo essent, nolle tamen benefactoribus bellum inferre, eis cum Phliasijs & reliquis quibus cum Thebas accesserant, pacem eisdem concessere conditionibus, iuramentumq;

hac de re interpositum est. Et Phliasij protinus ac ita conuentum est ex Thyamia decessere. Et Argiui quāuis hanc quoq; iurassent pacem, cum tamen obtinere non possent, ut Phliasiorum exules in Tricrano tanquam in eorū urbe permanerent, ipsos in fidem susceperunt, praesidioq; iuuerunt, asserentes eam quoq; terram illorum esse, quam paulò antè ut hostilem uastauerant. Cumq; hanc ob rem à Phliasijs in ius uocati essent, minimè paruere. Circiter eadem tempora defuncto iam Dionysio seniori, filius ipsius Timocratē praefectum cum triremibus duodecim in subsidium misit Lacedaemoniorum, cuius auxilio Selaſiam ceperunt: qua capta ille domum abiit. Non longè inde Elienses Lasionem ceperunt, olim iuris eorum, tunc uerò temporis Arcadum sequentem partes. Nec Arcades eam neglexere iniuriam, sed cōfestim copijs eductis in auxilium aduolant. Non quieuerunt ob id Elienses, sed cum septingentis obuiam fiunt uiris, paruoq; interuallo ea die ab hostibus castra Eliorum, Arcades in campeſtribus locant. Nocte uerò cōſcensis montibus qui Eliensibus à tergo incumbebant, illorum summitates occupant, ac orta die in Elienses ruunt. At illi cernentes à superiore parte, ac uiginti hostes imminere, quid agerent dubij erant: terga enim uertere turpe existimabant. Congressi itaq; ac quā primū ad manus uentū est, in fugam uersi sunt, ac propter loci iniquitatem abiectis armis, complures ex eis cecidere. Arcades uerò his actis montanas aggressi ciuitates, omnes praeter Thraustum in suam redegere potestatem. Inde Olympiam descendentes, Saturni munierunt templū: ibiq; occupato Olympiaco monte, in statuiis agebant. Marganeas quoq; nonnullis tradentibus ceperunt,

ita ut

ita ut Elienses in ultimam penè redigerentur necessitatē. Progreſſi inde ciuitatem uersus Arcades, ad forum usque peruenere: ibi Eliēses tam equitibus quàm peditibus eruptione facta eos repulere, ac nonnullis interfectis trophæum erexere. Elis uerò iampridem in diuersas distracta erat factiones: nam qui cum Charopo, Thrasonide ac Argio sentiebant, ciuitatem ad popularem trahebant statum: at qui Stalcæ, Hippie, & Stratolao adhaerebant, ad paucorum regimen illam ducere querebant. Cum uerò Arcades ui magna adessent, hi qui popularem inducere querebant statum, ac Charopo fauebant, propter illos animos extollere cœperunt, ac cum Arcadibus clàm composita re arcem occupant: qua re minimè equites ac trecenti perterriti, euestigio in arcem ascendunt, illosq; expellunt, ita ut cum Argio ac Charopo quadringenti circiter exciderint ciues. Haud longè inde hi secum assumptis Arcadibus nonnullis Pylum occuparunt: ad quos multi ex populo ab urbe confluxere, tanquam ad regionem fertilem, ob potentiamq; ingentem, Arcadum confidentes societati. Post hæc iterum Eliensium fines inuasere Arcades, ab exulibus persuasi, tanquam ciuitate ad illos defectura. Verum cum Achæi Eliensium tum amici essent, urbem illorum tutati sunt, ita ut Arcades re infecta discedere coacti sint: regionem tamen uniuersam ferro ac igni uastarunt. Confestimq; relicto agro Eliensi, cum rescuiſſent Pellenenses in Elide agere, nocte longissimum confecere iter, ac Olurum illis subditum ceperunt. Iam enim rursus Pellenenses Lacedæmoniorum sequebantur partes. Pellenenses itaq; cum hac de re certiores facti essent, domum ut possuere cōtendunt, indeq; Arcades qui Olurum obtinebant

uniuerso educto populo, etsi pauci essent, oppugnabant, nec antea destitere, quàm Olurum subegissent. Arcades uerò iterum contractis copijs Elim inuasērunt: cumq; inter Cyllenē ac urbē castra locassent, ab Elijs inuasi sunt: quibus uiriliter resistentes, illos uicerūt. Eo certamine Andromachus Eliensium praefectus, quiq; huius belli causa ferebatur, sibi mortem consciiuit: reliqui uerò in urbem refugerunt. Occubuit quoque pugna ea Soclides Spartanus, tum enim Lacedaemonij Eliensibus socij erāt. Cumq; Elij in proprijs uehementer urgerētur finibus, missis Lacedaemonem legatis rogarunt, ut illi Arcadibus bellum inferrent: arbitrabantur enim maximè hoc pacto Arcades repellere posse, si utrinq; lacefferētur. Archidamus itaq; urbanis eductis copijs, Cromnum cepit, ac ex cohortibus duodecim, tres ibi praesidio reliquit, reliquas domum reuexit. At Arcades cum ex Eliensi expeditione adhuc collecti essent, confestim in auxilium aduolarūt, Cromnumq; duplici circumdederunt uallo, ac securè agentes, intra urbem constitutos obsederūt. Lacedaemonij uerò cum aegrè obsidionem eam ferrent, quippe ciuium suorum, denuò eduxerunt copias, quarum dux erat tum quoq; Archidamus: qui profectus igni ac ferro quascunq; poterat Arcadiae ac Sciritidis oras uastabat, neq; intermittebat quicquam, quo si quidem liceret in se Arcadas prouocaret. At illi cum nihilo mouerentur magis, omnemq; illius conatū spernerent, obseruato quodam tumulo Archidamus, quo uallum exterius cinxerant Arcades, occupare eum instituit, ut quo superato durare amplius in obsidione hostes non possent. Ducto igitur circum eum locum exercitu, ut uiderunt qui praecurrerant Archidami sagittarij Arcades
dum

dum custodes, quos Eparitos uocant, extra uallum, facto in eos impetu, unâ inuadere etiam equites ausi sunt. Qui cum non modo non inclinarent aciem, sed magis etiâ urgerent, magnus undique coortus est clamor. Quo audito Archidamus Cromnum tendente uia regia conuersus, instructo ut erat utrinq; agmine suppetias tulit. Postquam uerò congressi sunt propius, Lacedæmonij quidem composito cornu, secundum uiam nempe incedentes, Arcades autem facta scutis testudine stipati, nihil ibi quidē illi resistere horum multitudini potuere, sed confestim & Archidamus uulnerato utrinq; fœmore concidit, & qui pro eo certabant Polyænidas & Chilon, cui Archidami soror nupta erat, ac pleriq; alij non pauciores triginta occubuerunt. At uerò ubi eadē uia regressi in campi sese spacia contulissent Lacedæmonij, cōposita denuò acie hostem operiebantur. Verum illi copijs ita ut erant instructis consistere: & quanquam numero quidem inferiores essent, longè tamen alacritate præstabant. Lacedæmonij uerò animo erant penitus deiecto, & quòd uulneratum cernerent Archidamū, & quòd cæsum nomina audirent, fortissimorum quidem uirorū maximeq; illustrium. Iamq; conferente manum utroq; exercitu, cum de senioribus quidā exclamasset, Quenam uiri nobis causa est, ita mutuis perire cædibus, quàm pactis utrinq; inducijs cōcedere malle? uoce ea summo cum gaudio excepta, ac inito protinus fœdere, Spartani quidem sublati cadaueribus discessere: Arcades autem eò unde primum eruperant reuersi, trophæum statuerunt. Cumq; iam non longè Cromno abessent, Elij urbe egressi, ac primò quidem Pylum profecti, militibus illic uixdum thalamo auulsis incidunt: quos mi-

nimè neglectos facta statim irruptione aggressi Eliorum equites, plerosq; obtruncant, reliqui in tumultum se quendam recipiunt: quos nō ita multò post inde depulso, qui superucenerant pedites partim quidem cādunt, partim uiuos capiunt, circiter ducentos: quorum ex numero peregrinis quidem diuenditis, reliquos quotquot supererant transfugas trucidarunt. Inde uerò & Pylios, cum nemo opem ferret amplius, cum toto simul agro depopulatur, & Marganeas recipiunt. Demū Lacedæmonij nocte quidam Cromnum reuersi, ualloq; potiti, Argiuos, & ex suis quotquot obsidebantur, protinus euocarunt: atq; horum quicumq; in proximo erant, quiq; arrepti celeriter consequebantur, effugerunt: reliqui ab Arcadibus non parum multis occupati, quanquam mutuā sibi opem sedulò præstantes, intra moenia occlusi sunt, moxq; comprehensos æquali inter se partitione Argiui, Thebani, Arcades, Messenij distribuerunt. Spartani ac finitimi tum quidem capti plures centum fuere. Porro Arcades relicta Cromni obsidione, rursus circa Elios occupabātur, Olympiamq; maioris aliquanto roboris præsidio muniēbāt. Iamq; anno instante olympiaco, ad celebranda Olympia sese unā cum Pissatis ijsq; primis accinxere, ut quos ei præesse sacro ferunt. Cum igitur mensis iam adesset ac dies, quibus & sacris ijs operari, & solenniter undiq; conuenire solebant, Elij quidem palām collectis copijs, aduocatisq; Achæis, per olympiacam sese uiam egere: quos cum Arcades minimè pergere ad se arbitrarentur, & quia cum Pissatis ipsi sacrorum solennitatem adornarant, equestre quidem cæteraq; quinquertij, & curulia maximè certamina iam absoluissent, hi qui ad palæstrā accesserant non solitiis

solitis iam spacijs, uerum inter metam atq; aram luctæ se
committebant: siquidem Elij ad delubrum iam cum armis
aderant. Neq; uerò Arcades occurrere illis longius, sed
ad Cladaum amnem, qui Altin præterfluens in Alpheum
delabitur, in aciem sese componere. Neque deerant ipsis
etiam socij, grauis armaturæ milites, ex Argiuis quidem
duo millia, Atheniensium autem quadringenti. Cæterum
Elij ab altera fluuij parte ordines instruebant, peractisq;
illicò sacris loco mouebantur. Et quanquam hætenus qui
dem ad res bellicas ab Arcadibus, Argiuisq;, necnon A-
chæis & Atheniensibus, tanquã inidonei existimati, con-
temptiq; fuissent, eo tamen die ita se gessere, ut sociorum
omniũ fortissimi ducerentur: nam & Arcadas primo sta-
tim conflictu in fugam uerterunt, & Argiuis suppetias
illis ferre conantibus occurrentes, superiores ipsis quoq;
euasere: eosq; insecuti in eum usq; locum qui inter forum
ac Vestæ templum eodemq; pertinens theatrum est, ni-
hilo quidem pugnabant minus, & ad aram usq; propulsa-
bant. Verum & à porticibus ac foro, magna; æde in æ-
quum tandem campum egressi, manus conferebant, adeò
ut Elicorum etiam non pauci occumberent, & inter hos
dux ipse, qui trecentis præfuerat, Stratolas. Quibus ita
gestis, ad castra sua reuersi sunt. Arcades porrò, quiq;
ipsis aderant, postera die tanta laborarunt formidine, ut
nocturno etiam tẽpore certatim quæ magno labore fixe-
rant tentoria uallumq; demolientes, neutiquã interquie-
scerent. Cumq; Elij postridie accedentes, munitiora iam
etiam moenia uiderent, & instructiorẽ quæ recens ascen-
derat classẽ, in urbem redire tanta animi fiducia præ-
diti, ut quod nix longo tempore hominibus possibile sit,

raram quandam uirtutem ac fortitudinem ignauis antea inspirasse intra diei spaciū præsens aliquod numen uideretur. Iam uerò cum sacris pecunijs uterentur Arcadum principes, atq; hinc Eparitos suos nutrent, primi decreto statuerūt Mantinei, neutiquam uti ijs debere: ratamq; ipsi partē illis ex urbe suppeditantes, à principibus auerterunt. Quibus Arcadicum eos nomē afficere ignominia distitantes, ad Myrios, quibus præfectis utebātur, pro uocarunt: cumq; illi non parērent, contra eos tulere sententiam, miseruntq; Eparitos, ceu eos qui essent damnati adducturos. Igitur Mantinei clausis portis, non receperunt eos intrò. Haud uerò ita multò post alij quoque ex Myrijs abstinendū esse sacris facultatibus dicebant, neq; culpam illam in deos per omnē ita ætatem posteris relinquendam: itaq; publico etiam decreto sacrarum deinceps pecuniarum usu interdictum est: quo factò protinus quicunq; ex Eparitis carere stipendio nequibant, diffundebantur: qui uerò poterant, ipsis hortantibus in Eparitorū ordinem sunt restituti, ita ut ne ipsi contra illos, sed cum ipsis illi essent. Cum uerò intelligerēt, qui ex principibus sacrarū opum administrationi præfuerant, si ab ipsis reddenda esset ratio, fore ut de salute periclitarentur, misso Thebas nuncio suadent, nisi expeditionem suscipiant, Arcadum rursus ad Spartanos defectionis imminere periculum. Delectu itaq; habito, hi ad expeditionem sese pararunt: illi autem quæ maximè Peloponneso conducerent deliberantes, commune Arcadum persuasere, ut missis legatis Thebanos, nisi quid fortè postularent, armis Arcadiam inuadere dehortarentur: et simul quidem hæc Thebanis dicebant, simul uerò bello nihil esse opus arbitrabantur.

bantur. Neq; uerò præesse Iouis templo ita multum referre putabant, quin diligentius tuendo iura, pietatemq; colendo, uel maximè gratificari deo posse existimarent. Eadem uerò censentibus etiam Elijs, pacem facere utrisq; uisum est, atq; ita foedus iniere. Cumq; iuramento sese iam obligassent mutuo cæteri omnes ac Tegeatæ, ipseq; Thebanorum dux, qui intra Tegeam Bœotis grauis armaturæ militibus trecentis instructus agebat, alij quidē Acananæ eodem loci remanentes, conuiujs ac hilaritati uacabant, foederaq; & pæanas quasi firmata iam pace decantabant. Thebani uerò & qui ex principibus repetundarum actionem horrebāt, unā cum Bœotis atq; eiusdem sententiæ Eparitis, clausis ijs quæ Tegeatarū muri erant portis, ad eosq; mittentes qui illis adhærebant, optimos quosq; corripunt: quippe cum ex omnibus undiq; urbibus adessent Arcades, omnesq; pacem cuperent, complures etiam qui caperentur esse oportebat, adeò ut ilicò & carcer & publica urbis domus illis compleretur. Cumq; non pauci iam custodiæ essent traditi, multi etiam per murum euasissent, quidā uerò per portas dimitterentur (si quidem nemo cuiquam uehementius indignabatur, quisquis non perdendos esse prorsus putaret) id uel in primis dubium animi consilijq; inopem Thebanum, cæterosq; unā cum ipso istuc agitantē reddidit, quòd Mantineorū quos uel maximè comprehensos cupiuerant, paucos tantum quosdam tenerent. Quia enim nō longè urbs eorum aberat, domum fermè omnes aufugerant. Orto itaq; die, cum quæ essent gesta Mantinei audirent, missis confestim in reliquas Arcadiæ ciuitates legatis, ut arma corripere, et urbesq; præsidij firmare, præmonuere: quibus facile ac

statim obtemperatum est. Simulq; Tegeam missi sunt, qui & quotquot illic Mantinei tenerentur, reposcerent, & ceterorum Arcadum neminē uel tenere uinculis, uel in dicta causa necare æquum esse affirmarent. Neq; deerant qui criminerentur etiam palamq; renunciantes dicerent, Mantineorum ciuitatem etiam stipulatam, ut ad commune Arcadum exhiberentur, quotquot postulasset aliquis. Quibus auditis Thebanus ambigebat, quonam pacto ea in re se gereret, tandemq; omnes dimisit: conuocatisq; postero die quotquot haud inuiti conueniebant Arcadibus, factum excusare, erroreq; se deceptum fateri. Audiuisse enim, inquit, Lacedæmonios cum armis fines iam ingressos, Tegeamq; illis per Arcadas quosdam iri proditum: quæ tametsi qui audiebant de se falso cōficta omnia agnoscerent, abiire tamen, legatisq; Thebas missis, illum ut capitali omnino supplicio plectendum accusarunt. Cæterū Epaminundam, qui tum exercitui quoq; præerat, dixisse ferunt, multò quidem fecisse Thebanos rectius cum cepere illos, quàm cum dimiserunt. Etenim quòd nobis, ait, propter uos ad bellum iam instructis, præter nostram sententiam uos interim pacem fecistis, quonam pacto proditionem etiam uestrū aliquis nō iure appellitare possit? Scitote autem, inquit, nos quidem in Arcadiam exercitū ducturos, atq; his qui nobis consentiunt bello neutiquam defuturos. Quæ quidem ubi ad commune Arcadum urbesq; relata sunt, sese deinceps respicere cœperunt Mantinei, Arcadesq; alij quibus curæ erat Peloponnesus, similiter autem & Elij & Achæi, quòd liquidò Thebani Peloponnesum esse quam infirmisimam cupere uiderentur, quòd eam sibi minimo cum negotio subigerent. Quorsum enim,

enim, inquit, bellum suscipere nos uolunt? an ut mutua ipsi nos clade conficiamus, & ab ipsorū inde auxilio pen deamus utriq;? aut quid, cum eorum ope nihil egere nos in præsentia dicamus, expeditionem ita moliuntur? an nō alere eos monstri aliquid, nobisq; procinctu illo machinari exitium abundē appareat? Miserunt autem Athenas etiam, succurri sibi flagitantes: quin & Lacedæmonios missis ex Eparitorum ordine legatis hortabantur, cōmunibus prohibere uiribus uellent, si qui Pelopōnesum subacturi inuaderent: quippe de principatu illic transigebant, ut suæ quique reipub. imperitarent. Interea uerō dum hæc geruntur, exercitū Epaminundas educit Bœotis uniuersis & Eubœis compluribusq; Thessalis instructum, misso etiam ab Alexandro & aduersarijs eius auxilio. Phocenses autē quiescebant, suis fœderibus sese excusantes, quibus minimē ad laceessendum alios, sed serendum tantummodo, si quis Thebas inuaderet, auxilium obstringi se dicebant. Cæterum Epaminundas in Peloponneso etiam superesse sibi existimabat Argiuos & Messenios, idemq; secum statuentes Arcadum quosdā: & erant hi quidem Tegeatæ, & Megalopolitæ, Ascheatæq; ac Palantenses, atq; aliæ ciuitates quædam, quæ & quia paruæ erant, & quod in illarum medio sitæ, facile illis obsequi compellebantur. Profectus est igitur statim Epaminundas, Nemeamq; ingressus moram ibi aliquandiu traxit, quod aduenientes illuc se accepturum Athenienses putaret: magni id momenti futurū ad roboranda auxilia sua, incutiendāq; hostibus desperationem existimans. Interea ergo dum ita cunctaretur, quicunq; pari studio Peloponnesi quærebant salutem ex Arcadibus atq; alijs, Man

tineam omnes conuenere. Epaminundas porro ubi Athenienses pedestri quidem itinere proficisci nolle, mari autem se parasse intellexit, tanquam suppetias Arcadibus per Spartam laturos, translatis illicò ex Nemea castris, in Tegeam contendit. Hanc igitur expeditionem haudquamquam ego in præsentia quidem successisse illi pulchrè dixerim: quanquam quod ad egregia prudentiæ ac fiduciæ opera pertinet, nihil adeò ei uiro defuisse uidetur. Nam primum quidem hoc ego facinus eius laudo, quòd Tegeatarum mœnia uallo muniuit, eodemq; exercitum locauit, unde si mouenda essent castra, quammaximè tutum id foret, ac hostibus quicquid ageretur minimè appareret: instruere denique ac parare, quacunq; re tandem opus esset, intra urbem agenti commodius liceret: eorum uerò qui extra muros castra posuerant, inspicere erat si quid uel rectè, uel perperam facerent: & sanè quicunq; interluctantes superior esse uidebatur, quoties de locorū discrimine eos dimicare cerneret, ad insidias haud faciliè exigebatur. Cum autem ciuitatem quidem ad se nullam deficere, nihilo autem secius interea tempus transigi animaduerteteret, saltem aliquid sibi esse agendum statuit, alioqui partam hætenus gloriam magna se infamia permutaturum existimans. Postquam igitur ad Mantineam cæteris quidem in statione collocatis, Agesilaum cum reliquis Lacedæmonijs accersitum intellexit, in festoq; exercitu iam profectum ac Pellenem ingressum, peracta illicò cœna, excitisq; edicto militibus, rectà Spartam cõtendit, ac nisi diuina quadam sorte Cretensis quispiam accedens Agesilao hostilem adesse exercitum nunciasset, tantum non urbem iam ceperat, nihil tum quidem à deserto uindicibus nido

nido differentem. Cuius rei in ipso negocij uelut cardine certior factus Agesilaus, euestigio urbem prior occupat: ac Lacedæmonij quidem compositis ordinibus strenuè præsidio aderant, quanquam essent admodum pauci, quippe quorum equitatus omnis in Arcadiam concesserat, necnon mercenarij milites, & ex decem cohortibus tres. Cum uerò tandem in urbem peruenisset Epaminondas quoq; ijs quidem locis abstinuit ubi uel propter spacij amplitudinē pugna, uel ob ædium angustiam ruina iactūsue incumbibat, aut ubi quanquam plures paucioribus congressos parum effecturos putabat: sed cum sibi locum occupare, unde nec imminere insidias fortè circumuento existimaret, quàm ulterius in urbem ascendere maluit. Ergo quod inde gestum est, numini imputare quis haud ab re possit, nihilq; sceleratis usquam certi esse subsidij dicere. Cum enim ducem ageret Archidamus, neque centum habens uiros, quacunq; obstare aliquid uidebatur perrumpere gestiret, ad hostes tandē etiam peruenit: ibi sanè qui ignem spirabant, qui Lacedæmoniorū paulò antè uictores fuerant, ac prorsum etiam plures, ad hæc superiora etiam loca tenebant, adeò non paruam illam Archidami manum excipere sunt ausi, ut ad fugam etiam inclinarent. Ex Thebanis igitur primi quiq; occubuerunt: quorum alios qui intra urbem erant cum uictoria exultantes longius quàm pro temporis ratione persequerentur, ipsi etiam interempti sunt. Siquidē quasi circumscriptū à numine uidebatur, quatenus eis uictoria cōcederetur. Et Archidamus quidem eo loci ubi præclarè ab eo gesta res est, trophæum statuit, ac interfectorum corpora hostium per præconē ad sepulturam postulata (quod uis

Etoriae traditæ apud Græcos signum est) concessit. Cæte-
 rum Epaminundas cum putaret Arcades Spartæ auxiliū
 laturos, noluit illis quidem ac Lacedæmonijs unā iunctis
 congregari, præsertim successu iam meliore usis, cæteris ue-
 rò conatu frustratis. Reuersus igitur quàm potuit celerri-
 mē in Tegeam, concessaq; peditibus quiete, Mantineam
 equites misit, etiam atq; etiam eos uti perdurarent preca-
 tus: docensq; uerisimile esse omnia Mantineorū iumenta
 atque ipsos etiam homines foris iam agere, maximē quia
 comportandi frumenti tēpus erat. atq; hi quidem ibant.
 Athenienses uerò equites Eleusin egressi, in Istmo con-
 uiuium agitabant. Iamq; peragrato etiam Cleonis oppi-
 do, Mantineam accessere, ac intra moenia exercitum per
 ædes locauerunt. Cumq; adesse iam etiam hostes uideren-
 tur, ciues quidem Atheniensium equitum opem implora-
 re, si quid possent, ruri enim esse armenta omnia & ope-
 rarios: multos uerò etiam pueros ac seniores, eosq; inge-
 nuos plerosq;: quibus auditis Athenienses confestim ad fe-
 rendum ipsis auxilium sese expediūt, quanquā impransi
 adhuc & ipsi & equi. Atque ibi quidem rursus uirtutem
 ipsorum quis non iure extollat ac ueneretur? qui tametsi
 multò plures cernerent hostes, iacturamq; Corinthi haud
 ita pridem equites fecissent, nihilo inde cunctatiores ap-
 paruere: neq; quòd Thebanis simul ac Thessalis, qui equi-
 tatu excellere tum quidē uel potissimū uidebantur, con-
 grediendum esset. Verū turpissimū sibi fore rati, si præ-
 sentes nullo commodo socios iuuissent, ut primū hostes
 conspexere, iunctis illic uiribus aggressi sunt, relictam à
 maioribus gloriam reseruare tueriq; sedulò cupientes: ac
 strenuē pugnādo Mantineis quæcunq; extra moenia ha-
 bebant,

bebant, ab interitu uindicarunt. Cecidere autem ex ipsis uiri fortissimi, & quales ijdem etiam peremerūt, utrinq; scilicet & scutis breuioribus, et quæ penetrare haud difficile esset, usi. mox suorum quidem cadauera sustulerūt, ex hostibus uerò quædam ad sepulturam postulata tradidere. Epaminundas porrò cum sibi post paucos dies abeundum propter exactum iam militiæ tempus cogitaret: eos uerò quib. fortunæ bellicæ socius accesserat, obsidionem ab hoste ueritus, ægrè desereret: se deniq; ad extrema prorsus redactum arbitraretur: quippe tanto cum exercitu tamq; instructo à paucis Spartæ uictus: neq; minus etiam equestri prælio ad Mātineam inferior: & quia autor fuerat ob expeditionem in Peloponnesum, ut Lacedæmonij, Arcades, Achæi, Elij, & Athenienses coniunctis inter se uiribus uterentur, discedere absq; pugna omnino sibi fore impossibile existimauit, ita secum reputās, si uinceret, ista omnia se facile resoluturum: sin uerò cadere se contingeret, pulchra sanè morte occubiturum, patriæ uidelicet relinquere imperium Peloponnesi conatū. Neq; uerò talia ipsum uersasse animo uehementer admirandum puto: siquidem tales esse uirorum sublimibus tantum rebus gloriam aucupātium consultationes solent. At parasse ita exercitū, ut neq; laborib. quicquā siue noctu siue interdiu defatigaretur, periculūm ue exhorresceret: & quanquam rerum necessariarum penuria laborarēt, morem tamen duci gerere omnes uellent, ea uerò longe magis admiranda mihi esse uidentur. Nam cum postremo accingi omnes uelut instāte iam pugna edixisset, summa cum alacritate galeas quidem iubente illo extergebāt equites: nomina uerò dabant etiam Arcadum quidā gra

uis armaturæ milites, clauas gestantes quasi Thebani essent: omnes uerò exacuebant & hastas & gladios, clypeisq; splendorem inducebant. Quos ubi hoc pacto expeditos abduxit, scire operæ precium est quæ deinceps peregerit. Primum enim quemadmodum par erat in ordines disposuit: quo factò ad conflictum eos ita parari iussos, declarare omnino uidebatur. Instructa igitur iam ut uolebat acie, contractam magis partem non aduersum hostes, sed ad occasum respicientes Tegeæ montes, & ulteriorem inde regionem abduxit, ut ipsis etiam hostibus minimè pugnaturus eo quidem die uideretur. Nam cum ad montana accessisset, ac phalangem sibi iam parasset, à peditibus arma poni curauit, ut castrametandi tantum speciem præberet: quo factò plerumque sanè hostium non solum quem animo iam conceperant ad pugnam, sed & quo ordines instruxerant, apparatus soluit. Postquam uerò adductis in conspectum quæ opportunè accesserant cohortibus, firmum penes se præsidium reddidit, recipere tum arma iubens præiuit, atque hi quidem sequebantur: quos cum appropere præter expectationem hostes uiderent, relicta omni cessatione hi quidem currebant ad ordines, hi uerò exercitu sese instruebant: ac rursum alij frenabant equos, alij thoracibus induebantur, omnesq; adeò agitari magis quàm agere uidebantur. Ipse uerò acie uelut triremi infesta ad hostem admouit, existimans se quacunque inuadendo perrumperet, uniuersam hostium uim pessundaturum: siquidem firmissima aciei parte ad conflictum disposita, imbecillimam longius collocauerat: quam forte uictam suis desperationem, hostibus uerò

fidu

fiduciam parituram haud ignorabat. Verum hostes ipsi quoque in longum, sic ut armatorum phalanx solet, equitatum instruxerunt, peditibus nullis intermixtis. Ceterum Epaminundas equitatus praesidium quoque validum reddebat, equoque carentes pedites adiungebat, ita se uniuersi hostium exercitus penetrando uictorem euasurum putans: difficilimè enim perduraturos ullos, postquam fugere ex suis aliquos cernerent. Ne uerò suppetias insuper eis afferrent Athenienses, à sinistro cornu in proximum, aliquot illis in collibus quibusdam equites peditesque armatos obiecit, quò horrorem ipsis quoque incuteret, tanquam si opem ferrent, illos à tergo sibi irruituros. Atque hoc sanè pacto congressus, spes sua minimè frustratus est: qua enim parte irruperat superior factus, uniuersam hostium uim in fugam conuertit. Ipse uerò ubi cecidit, qui supererant, cum neque uictoria rectè uti amplius possent, quanquam tergum uertente iam etiam quæ opposita ipsis fuerat phalange, nec armati quèquam trucidarunt, ac ne loco quidem ubi congressum est excesserunt: nec equites, cum obiecti sibi equites fugerent, instando quenquam uel equitem uel peditem sustulerunt, sed tanquam uicti per hostium fugientum medium trepidè elapsi sunt. At qui equis carebant, & sagittarij equitibus coniuncti, ad sinistrum sese cornu contulerunt, tanquam rerum iam potiti: ubi tamen ab Atheniensibus plerique occisi sunt. Cum enim conuenisset uniuersa ferè Græcia, atque inuicem alij sese alijs obiecissent, nemo non futurum putabat, si ad manus esset uentum, ut qui superiores euasissent, imperio

potirentur, uicti autem sese iugo submitterēt. Verum ita deus disposuit, ut utriq; tanquam uictores trophæum statuerent, neq; statuentibus alteris alteri obstarēt. mortuos autem utriq; ceu uictores ad sepulturam postulatos concesserunt, utriq; uerò etiam uelut uicti receperunt: & cum utriq; uicisse se dicerent, neutri tamen potiti esse uel regione, uel urbe, uel imperio, siue ulla re alia aucti magis quàm ante pugnam cōmissam uidebantur. Confusione uerò atq; tumultu longè amplius post pugnam quàm antea per totam Græciam laboratum est. Atq; hæc quidem hætenus mihi descripta sunt: quæ uerò deinceps gesta sunt, alij forsitan curæ erunt.


XENOPHONTIS RERVM GRAECA-
RVM LIBRI SEPTIMI ET VL-
TIMI FINIS.

Xenophontis uita ex Raph.

Volaterrano.



XENOPHON Grylli filius Atheniensis,
Socratis discipulus, ob eloquentiam Musa
Attica uocatus, Equorum, uenationis, &
rei familiaris in primis studiosissimus fuit,
ut ex eius literis deprehendi potest. Venit in amicitiam
Cyri Minoris, cum quo militauit, ac eius pædiam scri-
psit, non tam historiæ seruiens ueritati, quàm ut perse-
ctum institueret ducem, ut Cicero in II. de Oratore testa-
tur, quam se frequenter lectitasse, & manibus triuisse ali-
bi in epistola quadã dicit. Præterea scripsit Symposium
& Oeconomicum, paruū admodum libellum, à Cicero-
ne conuersum, si credimus Columellæ ac diuo Hierony-
mo, qui si extaret, labori meo iterum uertendi consuluis-
set. Edidit & historiam Peloponnesiaci belli, ac eorum
quæ Athenienses post Thucydidem gesserunt, quam Pa-
ralipomena appellauit, aliosq; tractatus qui adhuc ex-
tant. Quintilianus Xenophontis iucunditatem inasse-
ctatam dixit, quam nulla adfectatio consequi possit. Pri-
mus hic philosophorum historiam scribere cœpit. Cum
Platone similtates gessit, ut author est Gellius, qui ait li-
bros inter se carpsisse. Nam & Plato in libris suis testa-
tur Cyrum uirum fuisse quidem gnauum & strenuum,
παύλιος δὲ οὐκ ὀρθὸς ὄφθαλμοι τὸ παράπαν, id est, non rectã ta-
men omnino disciplinam agnouisse. Contrà uero Xeno-
phon in libris quos dictorum & factorum Socratis com-
posuit, negat Socratem de cœli atq; naturæ causis unquã
disputasse. Idcirco mentiri eos qui dissertationes
huiusmodi Socrati tribuant.





1190456

五
十
三
二
一

